




DEC. I  
Wb. 1-4



Mag. Lib. Div.

393543

III







*Handwritten text, possibly a title or reference, mostly illegible due to fading and bleed-through.*

507 3



152  
4



N

N  
PR  
DE  
IM  
JU  
M  
PL  
OM  
VIE

OR  
EDI

Hi

OP  
AN  
ANT  
PRÆ  
SP



MISCELLANEA  
HISTORICA  
REGNI  
BOHEMIÆ  
DECADIS I.  
LIBER IV.  
HAGIOGRAPHICUS,

*S E U*

BOHEMIA  
SANCTA,

*Continens*

SANCTOS ET BEATOS

BOHEMIÆ, MORAVIÆ, SILESIÆ, LUSATIÆ,

*Tam eos,*

QUI PUBLICIS FASTIS, AUT IPSO IMMORABILIS TEMPORIS DECURSU  
IN CENSUM DIVORUM VENERUNT;

*Quàm eos,*

QUI LICET HOC TITULO CAREANT,

*Aut*

MORTE OB CHRISTI FIDEM FORTITER TOLERATÂ,

*Aut*

INNOCENTIÂ VITAE IN ANTIQUITATE CLARUERUNT,

*Aut*

À SCRIPTORIBUS IDONEIS VIRTUTUM & SANCTIMONIAE MERITO COMMENDANTUR.

*A U T H O R E*

BOHUSLAO BALBINO, E SOCIETATE JESU.

*Adjecta est in fine* CORONIS,

Complectens eorum Nomina e Societate Nostra, qui in  
his regionibus ultro sese obsequio Peste infectorum devoverunt, & in hoc heroicae


Charitatis obsequio gloriosè occubuerunt.

*CUM FACULTATE SUPERIORUM.*

PRAGÆ: Typis Georgij Czernoch, An. 1682.








**L** Audemus Viros Gloriosos, & Parentes nostros in generatione sua &c.  
Homines divites in virtute, pulchritudinis studium habentes pacificantes in  
domibus suis. Omnes isti in generationibus GENTIS SUÆ gloriam  
adepti sunt, & in diebus suis habentur in laudibus. Qui de illis nati sunt  
reliquerunt nomen narrandi laudes eorum; & sunt quorum non est me-  
moriam, &c. Ex Capite 44. Ecclesiastici.

Ὡς τε καὶ ἐπεὶ τινὰ τρόπον καὶ λόγον, καὶ εἶδος ζώντων ἱστορία κληθήσεται, καὶ σάλπιγξ  
περὶ τῶν τὰ γράφοντων, τὰς παλαιὰ περὶ νεώτερων ἐν τῶν σημάτων ἐξανιστάσας, καὶ ὑπὸ ὅψιν πρᾶσαι πῶς  
βελομένοις, Id est:

Quamobrem secundum quendam tropum, & loquendi modum, Hi-  
storia Liber viventium appellabitur, & Descriptiones, circumquaque personan-  
Tuba, qua dudum mortuos è sepulchris excitat, & sub aspectum ponit  
volentibus. Nicetas Choniates Præfat. in suam Histor:



BIBLIOTHECA  
VNI. MAGELL.  
CRACOVENSIS



REVERENDISSIMO

<sup>A C</sup>  
CELSISSIMO

PRINCIPI

DOMINO DOMINO

IOANNI

FRIDERICO

DEI ET APOSTOLICÆ SEDIS GRATIA

ARCHIEPISCOPO

PRAGENSIS,

LEGATO NATO, S.R.I. PRINCIPI, REGNI BOHEMIÆ

PRIMATI,

ACRI MILITARIS ORDINIS CRUCIGERORUM CUM RUBEA STELLA PER  
BOHEMIAM, MORAVIAM, SILESIAM, & POLONIAM

GENERALI AC MAGNO

MAGISTRO,


NEC NON

UNIVERSITATIS CAROLO-FERDINANDÆ PRAGENSIS PERPETUO

CANCELLARIO,

DOMINO BENIGNISSIMO

VITAM & FELICITATEM.



librum Hagiographicum, Sanctorum, &  
Beatorum totius REGNI BOHEMIÆ gesta,  
breviter, & summatim describentem,  
sub Tutela, & præsidio, Nominis Tui,  
CELSISSIMÆ PRINCEPS, in publi-  
cum emitto. Apparebit exinde, ut spe-

ro, nunquam Bohemiæ nostræ, cælum desuper sicut ferrum, & terram aeneam (a)

\*\* 2

fuisse,

(a) Levit. 26. 19.





fuisse, sed coelo gratias coelestes ubertim rorante, terrā avidè occurrente, & recipiente, copiosa Sanctimoniae femina, ad nos coelo cecidisse, & (b) terrā nostrā dedisse fructum suum. At enim, quis illas fruges in vitam aeternam surgentes plantavit? quis floribus illis mite coelum aperuit? quis illos aquae celestis rivus in Bohemiam deduxit? plantarunt, coluerunt (sæpe etiam sudoribus suis) irrigarunt Sanctissimi Antistites, Antecessores Tui **CELSISSIME PRINCEPS**, ut alios taceam, Ditmari, Adalberti, Theadagi, Severi, Andrea, Arnesti, Joannes &c. (c) quorum dignitas, etiam (ut de se humillimè loquitur S. Leo Papa) in indigno herede non deficit. Est profectò, est sua in Ecclesijs Catholicorum, quasi hæreditaria successio, ubi uno (ramo) avulso, non deficit alter aureus, nascuntur pro Patribus filij, (d) mox Patres futuri; (e) & sicut hominum genus homines, sic animarum genus sunt virtutes, ait D. Ambrosius. Persarum antiquorum hac in re consuetudo multum laudatur; quòd absente, aut etiam mortuo Rege, thronum Regalem trans-euntes (f) adorare sint soliti; hoc & ego exemplo, non modò Te **CELSISSIME & REVERENDISSIME PRINCEPS**, sed ipsam Cathedram Metropolitanam Tuam, à tot Sanctissimis Præsulibus inessam, Munere isto à me recens conscripto, quod ad Te unicè pertinet, deveneror. Leges in hoc Quarto Libro Antecessores Tuos, vicienis plures, qui jam coelo recepti in Te nobis vivunt; Leges in Libro Quinto Altarium in Parochialibus Ecclesijs Erectiones & Foundationes ab omni Bohemia Nobilitate profectas & perfectas; Leges in Sexto Libro Literas publicas Pontificum, Cæsarum, Regum, ac Principum, ad Ecclesiam Tuam spectantes; Leges Titulos Tuos: Legati nati, Primatis Regni, Principis Imperij, ac Ducis, explicatos; Leges Successiones Antistitum, ut prudenti Iudicio neminem alium, quàm Te **REVERENDISSIME & CELSISSIME PRINCEPS**, cogitare potuerim, cui hosce TRES MISCELLANEORUM LIBROS inscriberem; qui

(b) Ps. 66. 7. (c) S. Leo Serm. 2. in Anniver. Assumpt. suæ. (d) Ps. 44. (e) S. Ambros. l. de Noë & Arca C. 4. (f) Brissot. de Regno Persar.





potius accusari potuerim, si Te neglexissem: Nam, cum  
causæ omnes ecclesiasticæ Archidiecepsos Tuæ, ad Te in prima instantia deferan-  
tur, (g) si ego per saltum ignorantia, quod Tui Juris est, ad alium  
transferre tentâssem, profectò LIBER hic meus omnium  
sententijs repudiatus, in ærarios referri, & ad piper, & cu-  
cullos damnari meritò debuisset; Audire itaque mihi vi-  
debar solennem illam in sacris veterum Christianorum vo-  
cem, Ministris clamantibus: *Sancta Sanctis!* (h) Hactenus  
Causæ publicæ, quæ me in dedicando præsentì opere CELSITU-  
DINEM TUAM respicere coëgerunt; quid si privata conse-  
cter, & ILLUSTRISSIMÆ TUÆ DOMÛS, & à Te in me collata  
pridem beneficia (quorum aliquod extare, & à me profi-  
cisci oportuit documentum) comemorem? ab ipsa in-  
fantia Vester sum, cum à fortissimo Heroë & postea Du-  
ce, ex gloriosa gente Vestra, in ulnis gestatus, aquâ sanctificante  
in Baptismo ablutus, in vitam æternam, & sortem Filiorum DEI regene-  
ratus sum. Tu quoq; meminisse potes, PRINCEPS  
CELSISSIME, sine Te nullum quibusdam Meis ad lucē  
libris aditum patuisse (*Libri enim quasi Liberi nostri sunt*) (i)  
venerant filij ad partum, & non erat virtus pariendi; Tuâ svavi operâ effe-  
ctum esse gavissus sum, ut lucem aspicerent, ac nè durè in  
humum caderent, feliciter, & dextre Tuâ PRINCEPS  
HUMANITATE (k) sunt levati. Atque in hoc ipso Li-  
bro magnum approbatōnis Tuæ præjudicium CEL-  
SISSIME PRINCEPS, jam nuper dedisti, LIBRUM  
hunc nondum à Typographo manumissum, cum dulci  
quodam arrifu, & lætis oculis percurrento, sacris Tuis  
manibus tractare dignatus. Maçte hâc in bonas literas  
humanitate Tuâ, PRINCEPS OPTIME! sic om-  
nes humanitate facis Tuos, qui Te unquam novêre! Li-  
bet hoc loco exclamare cum Sancto Synesio: ô Principes! ô  
Dy-

(g) Goldast. l. 4. de Boh. C. 3. & 4. (h) Durant. de Ritib. Eccl. (i) Isaiæ 37. (k) Mart. Roas S. J. in libr. Singul.






Dynastæ! *Vestra ista humanitas, imò & humilitas Vestra, vos facit Excelsos!* (l) Vos si ire altiùs, & crescere innoxie, & sine invidia cupitis, gloriose decrescite! *Vestræ humanitatis depressio altitudinis Vestræ mensuram extendit! magnitudinis terminos dilatatis, dum etiam infima, & humilia, (m) Divinitatis imitatione respicitis, & favore Vestro sublevatis!* quis *Solem* amaret? quis pro magno duceret? quis laudaret? si fursum tantum radios effunderet, terris aspectum negaret? perpetua illius *umbra*, potius gravis foret Mundo; at quod humanissime quotidie ad nos lucē projiciat, quod omnibus sese commodum, & benignum ostendat, quod Orbem universum assidue benefaciendo circumcursset, quod naturam omnem exhilaret, quod benignis influxibus, etiam inimis telluris recessibus aurum, gemmas, & pretiosa quæq; animare nunquam desinat, hoc uno *Sol* (n) est, hoc *Mundi oculus*, vas admirabile, opus *Excelsi*, *Naturæ*, & *Cæli decus*, *caloris fons*, *splendor sine occasu*, *ignis inextinctus*, *Cæli peregrinus*, *horarum*, & *temporum divisor*, & *Mundi dimensor nominatur.* (o) Genuinus omnino, & gnifius Divinitatis character est benefica humanitas! Verissime senior Plinius: (p) *DEUS est: mortali juvare mortalem, & hac ad aternam gloriam via!* hâc *Proceres iere Romani*, hâc nunc *cælesti passu cum liberis suis vadit maximus omnis ævi Rector Vespasianus Augustus fessis rebus subveniens, &c.* Ad hoc exemplum, **PRINCEPS CELSISSIME**, quidquid in *Clypeis Tuis* lucet, ad publicam utilitatem Regum, & Regnorū videtur pertinere: **QUATUOR** (q) *Gentilitij Inclytæ stirpis Tuæ LEONES*, quatuor *Virtutes Cardinales* designant (virtutes unice publico bono necessarias) *Aquila*, quæ in medio scuti libratur, *Regibus* servit (quandoquidem (r) *Consilijis Iovis intima sunt Aquilæ*) *Lineæ Austriacæ stirpis*, tum alteræ illæ *Archiepiscopales*, nihil aliud denotant, quam

(l) S. Synes. l. de Regno ad Imp. Arcadium. (m) Ps. 197. (n) Eccl. 43. (o) Secundus Philosoph. (p) Plin. l. 2. hist. Nat. c. 8. (q) Pier. Hieroglyph. in Leone. (r) Pier. ibid. in Aquila. (s) Dan. 12.





quàm *Lineas cogitationum, & curarum Tuarum, Ecclesiæ, Patriæ, Au-*  
*striacæ Domui consecratas; Stellam rubeam cum Cruce, Hospitali-*  
*atem, Stellam bonam Favoris gratiosi, & victoriam in hoc signo*  
*promittit, quod signum Filij Hominis in Cælo parebit, & in perpetuas*  
*æternitates lucebit. (s)* Atq; hîc ego cum æternitate finem  
facio, & **CELSITUDINEM TUAM** tribus hisce  
**MISCELLANEORUM LIBRIS** sanctè, & piè veneratus,  
gram ipsam sacræ vestis Tuæ cum mille bonis precatio-  
nibus, & votis deosculor.

Pragæ in Collegio ad S. Clementem  
18. Augusti, A. clō 100 LXXXII.

*Tuus*

**C E L S I S S I M E**  
E T  
**REVERENDISSIME**  
**P R I N C E P S.**

*Servus & Infimus Cliens*

**BOHUSLAUS BALBINUS è SOC: JESU.**



# PRÆFATIO AD LECTOREM.



Num mihi in principio hujus Operis admonendus es, Lector benevole quod meâ & Tuâ plurimum interest, Te scire: meâ, ne quid à me quod nolui, expectes sed re cognitâ, benignè excuses; Tuâ, ne tibi non esse factum satis queraris, & in eo fastidio legendo perseveres. Sic igitur habeto: nunquam mihi venisse in mentem, omni gesta eorum Divorum, quos hic nominabo, describere, & quidquid de ijs inveniri potuit oratione & narratione complecti; excrevisset profecto præsens Opus, & duo, aut tria ista volumina implevisset, si consilium hoc mihi placuisset; at quomodo hæc res in hac parvasimonia temporis, senili ætati meæ jam ad metam properanti potuisset congruere? ego, quod est in veteri proverbio (a) (bos lassus fortius figit pedem) expressi: nam Divos, & Sanctimoniam inclitos Viros in hoc Regno nominare, deinde Chronologiam statuere, tandem præcipua tantum vitæ exempla, aut gesta adferre contentus, mixtæ cætera, ac ijs, qui curis exsoluti tempore abundant, diffusiore stylo pertractanda reliqui, ut videlicet in hoc argumento, Si quis eadem fortè conari velit, haberet aliquid operis residui. Nihil ego dubito, exortitum aliquem post me, qui singulari Volumine, prima, quæ ego hic duxi lineamenta, suis coloribus decenter adornare & ad perfectum adducat: adferet ille primum & ex intima Scriptorum antiquitate colliget singulorum ex Divis gesta illustria à diversis Authoribus tradita, tum quidquid de ijs in Annalibus Nostris legitur, congeret denique hæc omnia Notis tam historicis, quam Chronologicis, illustrabit; obscura, aut dubia loca interpretabitur; si quæ vox barbara, aut in vulgus ignota occurrat, explanabit; ac fortè (si majora ipsi subsidia suppetant) Sanctorum & Beatorum Imagines, præponet, ut quod Raderus noster in Bavaria sanctæ Maximilianæ Duce sumtus suppeditante laudatissime præstitit, æquè laudabili conatu emuletur, Divosque sub aspectum collocet ut Divorum sanctæ venustas, & scita Calcographorum, ut ita dicam, fila, legentes illiciant, & nostrorum minimam Pietatem ad imitationem exstimulent. Posset etiam Ordo Mensum constitui, ut singulis Mensibus singuli aut plures Divi respondeant. Sed quid ego ista velut Dictator, præcipio? agant Posterì, quod sumus cum in Sanctos Indigetes Nostros amor & veneratio dictaverit. Tu Benigne Lector boni laborem hunc meum censes, & pro benevolentia, & facilitate Tua, si quid minus rectè dictum inveneris, excusa! nihil est ex omni parte beatum, neque ipsa de Beatis narratio. iniquus est, qui à mortali manu, & ab hominum (qui privilegium errandi habemus) angustis ingenijs, immortale aliquid, & quandam in verbis & sententijs divinitatem (cui nihil demi, nihil etiam addi possit) efflagitat! Mihi in hoc Opere pro omni gloria est, eritque: in hoc scilicet labor (quod in Divis Patrijs apud nos, quod sciam, nemo tam copiosè, & cumulatè præstitit) non omnino indiligenter esse versatum. Horum sacrorum Nominum objectu, velut amuleto, & Ajacis Clypeo, si quis pergit laceßere, me tuebor! Satiùs multo facturi sumus omnes, si illud carpendi cacoëthes ad imitandas Divorum, quos hic laudamus Virtutes, quàm ad carpenda Scriptorum vitia, acris studio traducere, & transferre conemur. Memorat Appianus (b) Scipionem Africanum: iudicio postulatam Romæ apud Cives suos, atque ut putat (c) Plutarchi sine dubio condemnandum, cum ab eo defensionem legitimam expectarent delecti Iudices, pro omni responso hoc orationem habuisse: hodie Quirites anniversarium est, quo Carthaginenses vici; itaque hinc in Capitolium (nam tempus est) ascendo sacrificatum; Vos qui Patriam amatis, sequimini! & Dijs gratias agite! Ita Populus universo, cum ipsis Iudicibus pudore victis, sequente, soli accusatores relictì sunt in foro. Si parva licet componere magnis, idem mihi faciendum esse decrevi, si quis contrà nitatur, & multa in hoc opere peccata accusare Capitolium & Cælum, & in eo Divos ostendam, ad quos, ut Amicos DEI colendos, vertantur. Hæc Prologi Galeati instar sunt. Tu Lector benevole, de quo omnia mihi lata polliceor, Vale, & Fave!

(a) Hieron. in Epist. ad S. August. (b) Appian. in Syriacis. (c) Plutarch. in Moral. l. de laude suis.





LIBER IV.  
MISCELLANEORUM  
BOHEMIA  
S A N C T A;

PARS PRIMA.

*Adducuntur*  
SANCTI ET BEATI,

*2 v i*  
IN BOHEMIA, MORAVIA, SILESIA, LUSATIA  
*aliquando vixerunt,*

*Aut*  
Pro CHRISTI Nomine, ejusque sanctissima FIDE ab Ethnicis,  
aut Hæreticis sunt perempti.

CATALOGUS  
Sanctorum, & Beatorum Bohemiæ, Moraviæ, Silesiæ,  
& Lusatiae, qui in hac Libri IV. Miscellaneorum Parte I. nominantur.

CLASSIS I.

*Sancti & Beati, quos Sedes Apostolica in Divorum numerum retulit, aut S. Sedis  
permissione, ut Sancti & Beati coluntur.*

- SS. C Yrillus & Methodius, §. I. S. Vitus Martyr, Patronus Reg: Boh. §. X.  
S. Iwanus Eremita Patronus Bo- S. Sigismundus Martyr, Patronus Regni Boh:  
hemie, §. II. §. XI.  
S. Ludmilla Martyr, Patrona Reg: Boh: §. VII. S. Wolfgangus Ratisbonensis Episc: §. XII.  
S. Wenceslaus Bohemice Dux, Martyr, Patro- S. Adalbertus Pragensis Episcopus & Martyr,  
nus Bohemie, §. VIII. Patr: Regni, §. XIV.

A

Quin-





Quinque SS. Martyres S. Adalberti fratres uterini, §. XV.

Quinque SS. Martyres S. Adalberti Fratres Ordinis, §. XVI.

S. Henricus Imperator, Boh: defensor. §. XIX.

S. Procopius Abbas, Bohemia Patr: §. XXI.

S. Norbertus Archiepiscopus Magdeburgensis, Patron: Boh: §. XXVI.

S. Leopoldus Austriae Marchio, §. XXVII.

SS. Angela, & Euphrasia Virgines, hac etiam Martyr, §. XXVIII.

S. Otto Bambergensis Episcopus, §. XXIX.

S. Hedwigis Dux Silesia. §. XLII.

S. Agnes Ordinis S. Clarae, Regis filia, §. XLIV.

S. Elisabeth Vidua, Thuringiae Princeps, §. XLVII.

S. Hyacinthus Ord: Prædicat: §. XLVIII.

B. Capistranus Ord: Minor: §. CXII.

B. Jacobus de Marchia, Ord: Minor: §. CXIII.

S. Casimirus Wladislai Regis nostri Frater, §. CXV.



## CLASSIS II.

*Eorum, qui etsi à Sede Apostolica in Sanctorum vel Beatorum censum relati non sint, ab immemorabili tempore, ut Sancti vel Beati coluntur, vel ab idoneis Scriptoribus his titulis ornantur.*

B. Borzivojus primus Boh. Dux Christian: §. III.  
B. Wratisslaus Dux Bohemiae, B. Borzivojij Filius, §. IV.

B. Przibislaw S. Wenceslai Soror. §. V.

B. Podiwinus Aulae S. Wenceslai Praefect: §. IV.

B. Milada vel Maria Virgo Sanctimonialis prima Antistita ad S. Georgium Ord. S. Benedicti, §. XIII.

S. Gaudentius S. Adalberti Frater Archiepiscopus Gnesnensis, Ord. S. Benedicti, §. XVIII.

S. Guntherus Ord. S. Benedicti, §. XX.

S. Severus Pragensis Episcopus sextus, §. XXII.

B. Culmatius Eremita ad Monasterium Stockense in Boh. Guilielmita, §. XXIV.

B. Gerwicus Eremita ad Waldassium, §. XXV.

B. Henricus Zdik, Olomucensis Episcopus, Ord: Præmonstr: §. XXX.

B. Amabilia Vestalis, Ord: S. Benedicti Clataviae, §. XXXI.

B. Elisabeth Wladislai I. Regis filia Ord: Præmonstr: §. XXXII.

B. Brzetislaus Henricus Dux Bohemiae, Episcopus Pragensis, Ord: Præmonstr. §. XXXIII.

B. Adalbertus Wladislai II. Regis filius, Archiepiscopus Salisburgensis, Ord: Præmonstr: §. XXXIV.

B. Agnes Ord. S. Benedicti & B. Hedwigis Ord. Præmonstr: filia Regis, §. XXXV.

Agnetae dua Ord. Præmonstratensis in Parthenone Doxanensi, §. XXXVI.

B. Hroznata Ord. Præmonstratensis, Confessor & Martyr, §. XXXVII.

B. Woyslaw, Beatrix, Bohuslaw & Judith Ord. Præmonstrat: §. XXXVIII.

B. Andreas Episc: Pragensis. §. XXXIX.

Adela vel Abda Coniux Regis Ottogari, Ordinis Cisterciensis, §. XL.

B. Abdela vel Adela vel Abda Ottogari I. filia, Ord. Cisterciensis, §. XLI.

Henricus Probus Dux Silesiae, & B. Anna ejus Coniux. §. XLIII.

B. Castulus Praepositus Siloënsis, Ord: Præmonstr: §. XLV.

B. Gerlacus Abbas Milovicensis, Ordinis Præmonstr: §. XLVI.

B. Ceslaus Germanus S. Hiacyinthi Ord: Præmonstr: §. XLIX.

B. Henricus Moravus, & B. Hermannus Ordinis Præmonstr: §. L.

B. Bertholdus Ord. S. Francisci, §. LI.

B. Margareta Wladislai II. Filia, Ord. Præmonstr: §. LII.

B. Zdislaw Ord: Prædic: §. LIII.

B. Cunegundis Ord S. Benedicti. §. LIV.

B. Euphemia Ordinis Prædicat: §. LV.

B. Conradus Ord: Prædicat: §. LVI.

B. Joannes Schwenckfeldius Ordinis Prædicat: §. LVII.

B. Arnestus Archiepiscopus Pragen: §. LVIII.

S. Joannes Nepomucenus, Canonicus Eccl. Prag: §. LIX. (§. CX)

S. Hieronymus Prag. Ord: Camaldulensium

B. Joannes à Milna Ord. Minor. §. CXVI.





# CLASSIS III.

*Eorum nomina, qui licet neque à Sede Apostolica Sancti vel Beati declarati sint, neque ut Sancti colantur, odio tamen Sanctæ fidei vel ab Ethnicis, vel ab hæreticis sunt interfecti.*

Cæsi à Drahomira Christiani, potissimum Sacerdotes, §. VI.

Proflivojus Apostolicus Sacerdos odio Religionis necatus, §. XVII.

Sacerdotes Christiani à Judæis crudelissimè perempti, §. XXIII.

Zbynko ab Hasenbourg Archi: Prag. veneno ab hæreticis sublati, §. LX.

Petrus Lazurus Abbas, quòd thesauros Ecclesiæ prodere nollit, occisus, §. LXI.

Plurimi Catholici ab hæreticis post An. 1420. excarnificati, & occisi, §. LXII.

Undecim Viri Consulares Pragæ ob Catholicam fidem necati ab hæreticis, §. LXIII.

Carthusiani Pragenses ab hæreticis injurijs affecti, ad extremum perempti, §. LXIV.

Cænobia Prædicatorum Clatoviæ & Pisece excisa omnibus interemptis, §. LXV.

Pragæ Cænobia pleraque excisa cum Religiosis omnibus, §. LXVI.

Austa Sezymæa ob fidem Catholicam funditus deleta, §. LXVII.

Plurima Cænobia Pragæ, alibique cum incolis deleta, §. LXVIII.

Servitæ sexaginta quatuor Pragæ ab hæreticis occisi, §. LXIX.

Tria rursus Cænobia Ord. S. Benedicti & Cisterciense duplex deletum, §. LXX.

Gredicense Cænobium Ord. Cisterci: & Brzewnoveniense Ord. S. Bened: exciditur, §. LXXI.

Jacobus Rector Universitatis Prag. & quatuor Aulæregienses, hi injiciuntur in rogam, ille in exilium deportatur, §. LXXII.

Plurimorum Monachorum & Sacerdotum cædes à Ziskæ, §. LXXIII.

Prachaticium Urbs Catholica deletur, §. LXXIV.

Spineæ Coronæ Cænobium Cister: vastatur occisis Monachis, Wodniani Sacerdotes exuruntur, §. LXXV.

Cænobia in tractu Reginohradensi cum sacris incolis flammis abolentur, §. LXXVI.

Plurima alia Cænobia delentur, §. LXXVII.

Berauna Civitas excinditur, §. LXXVIII.

Welehradi in Moravia Abbas cum suis crematur. Item ad Stradow Minores, §. LXXIX.

Commotivum ob religionem deletur, §. LXXX.

Cænobij Raudnicensis Canonici à Ziskæ perimuntur, §. LXXXI.

Broda Catholica Civitas cum Civibus deletur, §. LXXXII.

Caurzimij Cistercienses, Colini & Chrudimij Prædicat: flammis cremantur, §. LXXXIII.

Czaslavia Minores, Nymburgi Prædicatores, Cuttenberge Catholici ab hæretic: occiduntur, & membris mutilantur, §. LXXXIV.

Rursus Sacerdotes, item Sedlecenses Religiosi ob Religionem necati, §. LXXXV.

Excidia quàm plurima Cænobiorum, & sacrorum hominum cædes, §. LXXXVI.

Jaromiriū cū Civibus & Religio: §. LXXXVII.

Ad Tustam cædes Religiosorum plurima, §. LXXXVIII.

Doxanense Ord. Præmonstr. Teplicense Ord. S. Benedicti, Offecente Cisterciensium Cænobia delentur, §. LXXXIX.

Bilina, & ad Brixiam Catholicorum lanienæ, §. XC.

Plura iterum Cænobia diversorum Ordinum deleta, §. XCI.

Teutobroda deletur; Sobieslavia Sacerdotes Catholici flammis consumti, §. XCII.

Müglicium in Moravia deletur, tum quadam alia Cænobia ibidem, §. XCIII.

In Moravia cædes Catholicorum ab hæreticis patrata, §. XCIV.

Czernin odio fidei necatus, Turnovij totus Conventus Ord. Prædicatorum, §. XCV.

Plurimi in Cænobijs denuo occisi, §. XCVI.

Przibislavia deleta. Lucense Cænobium excisum; in Bohemia cædes Catholicorum, §. XCVII.

Nymburgi duo Sacerdotes occisi, §. XCVIII.

Litomislum cum Catholicis deletum, & quadam vicina Cænobia, §. XCIX.

Slanæ Urbis, tum plurimarum Catholicarum Urbium excidia, §. C.

Henricus Colman, & Trczka odio Religionis excarnificati, §. CI.

Ozelka Parochus exurit; aliæ quoque Catholicorum cædes, §. CII.





- Duxovium prorsus excisum, tum alia Catho-  
licorum Arces & Oppida. §. CIII.  
Austa cū Civibus internecione deletur, §. CIV.  
Quædam Silesiorū Catholicorū cades. §. CV.  
Ungari, Moravi, Silesij, Lusatij Catholici mul-  
ti necati, præcipuè Lubanæ, §. CVI.  
Rursus Catholicorum cades plurimæ in Bohe-  
mia, Silesia, Lusatia. §. CVII.  
Francksteinenses Martyres in Silesia Ord. Præd:  
§. CVIII.  
Novocellenſe Cœnobium exciditur, §. CIX.  
Guba Catholica Civitas deletur, §. CX.  
Pragæ Senatus ob religionem Catholicam ne-  
catur. §. CXIV. (§. CXVI.  
B. Joannes à Misna Ord. Min. Strict. Observan:  
Christiani duo Pueri à Judæis necati. §. CXVII.  
Edmundus Campianus S. J. §. CXVIII.  
Christophorus Spotecus, S. J. §. CXIX.  
Adamus Markowsky Eques Polonus ob Relig:  
Glacij occisus. §. CXX.  
Quatuordecim Cœnobitæ ad Nives ab hæreti-  
cis necati. §. CXXI.
- Joannes Ogilbæus S. J. §. CXXII.  
Joannes Ernestus Schöfferus, ob Religionem  
Catholicam Austriæ trucidatus, §. CXXIII.  
Melchior Grodecus S. J. §. CXXIV.  
Joannes Sarcander in Moravia ab hæreticis ex-  
carnificatus, §. CXXV.  
Carolus Spinola S. J. §. CXXVI.  
Vitus Weisman, ejusdem Soc. §. CXXVII.  
Camillus de Gram, Ord. S. Benedicti ab hæreti-  
cis occisus, §. CXXVIII.  
P. Mathias Burnatius S. J. ab hæreticis occisus  
§. CXXIX.  
P. Hieremias Fischer S. J. ab hæreticis occisus,  
§. CXXX.  
Joannes Meagh Sacerdos, S. J. Martinus Igna-  
tius, & Wenceslaus Trnozka Laici S. J. a  
hæreticis occisi, §. CXXXI.  
P. Laurentius Passoke, & P. Mathæus Crame-  
rus S. J. ab hæreticis occisi. §. CXXXII.  
Matthæus Christianus puerulus à Judæo per-  
emptus, §. CXXXIII. (CXXXIV.  
P. Georgius Königius S. J. à Turcis occisus. §.

*De hac tertia Classe, scilicet de Bohemis Catholicis, Nobilitate, ac Civibus, quos Hære-  
tici Religionis odio An. 1420. & sequentibus crudelissimè peremerunt, & quorum cades in hac Prim  
Libri IV. Parte suis temporibus, ac locis describentur, Testimonium omni exceptione ma-  
jus, & irrefragabile habemus.*

Pius II. Papa in Literis Apostolicis, ad omnes Christi Fideles adversus Georgium  
Boh. Regem scribens: *In inclyto illo, inquit, Bohemia Regno Hæretici magnos motus  
excitarunt &c. Proceres tamen, & Nobiles in ipso Regno, & Marchionatu Moravia  
& Civitates pleraque, sanctissimè in fide permanserunt, ita ut quamvis armata hæresis Fi-  
delibus vim facere statuisset, atque adversus eos arma movisset, nunquam tamen ab Evan-  
gelij veritate Sanctorumque Patrum doctrina, & Romana Ecclesiæ obedientia divelli po-  
tuerint, potius occumbere, ac omnibus tormentorum generibus affici, quàm illorum insani  
consentire voluissent, ita ut multos Martyres nostra ætas in Bohemia viderit. &c. Da-  
tum Romæ in Consistorio publico apud S. Petrum. XVII. Calend. Julij 1463. A&  
Publica, & Codex M. S. literar. public. mihi fol. 171.*

Similia ante Pontificatum de Bohemis scripserat idem Pius (præfat. ad hist. Boh.  
*Viri fortes! qui vel exilium, vel carcerem, vel cadem pro testamento Christi fortiter per-  
tulere, nunc cum Rege suo in cælo regnant, quorum multa millia Bohemia tulit &c. ne  
Provincia est, quæ tempore nostro plures Christi Martyres, quàm Bohemia  
produxerit, &c.*




# FACULTAS

REVERENDI PATRIS

## PROVINCIALIS

BOHEMIÆ.



um Librum IV. Miscellaneorum Historicorum Regni Bohemiæ, qui Vitas, Sanctorum, & Beatorum, nec non eorum, qui cum opinione Sanctimonie vixerunt, & in eodem Regno obierunt, à P. BOHUSLAVO BALBINO SOCIETATIS JESU conscriptum, tres ejusdem Societatis Theologi, quibus id commissum fuit, recognoverint, ac in lucem edi posse censuerint, potestate acceptâ, à Patre Nostro JOANNE PAULO OLIVA SOCIETATIS JESU PRÆPOSITO GENERALI, Facultatem concedo, ut Liber Typis mandetur. In quorum fidem hasce literas manu meâ subscriptas, & Sigillo officij munitas dedi. Pragæ in Collegio ad S. Clementem, 3. Julij, Anno 1681.

L S.

WENCESLAUS SATTENWOLFF.



# PROTESTATIO

## AUTHORIS.



um Sanctissimus D.N. URBANUS PAPA  
VIII. die XIII. Martij, Anno M. DC. XXV. in sacra Congregatione  
R. & Universalis Inquisitionis Decretum ediderit, idemque confir-  
maverit die I. Julij, Anno M. DC. XXXIV. quo prohibuit imprimi  
Libros, hominum, qui Sanctitate seu Martyrij famâ celebres è vita migraverunt ge-  
sta, miracula, vel revelationes, seu quæcunque beneficia tanquam eorum inter-  
cessionibus à DEO accepta continentes, sine recognitione, atque approbatione  
Ordinarij, & quæ hætenus sine ea impressa sunt, nullo modo vult censeri approbata.  
Idem autem Sanctissimus die V. Junij An. M. DC. LI. ita explicaverit, ut nimirum non  
admittantur Elogia Sancti vel Beati absolute, & quæ cadunt supra personam, bene-  
men ea, quæ cadunt supra mores, & opinionem cum Protestatione in Principio, quod  
ijs nulla adsit autoritas ab Ecclesia Romana, sed fides tantum sit penes Authorem.  
Huic decreto, ejusque confirmationi, & declarationi, observantiâ & reverentiâ quæ  
par est insistendo, profiteor me haud alio sensu, quidquid in hoc Libro refero, acci-  
pere, aut accipi ab ullo velle, quàm quo ea solent, quæ humanâ duntaxat autoritate  
non autem divinâ, Catholicæ Romanæ Ecclesiæ, aut Sanctæ Sedis Apostolicæ nitun-  
tur; ijs tantummodo exceptis, quos eadem Sancta Sedes, Sanctorum, Beatorum, atque  
Martyrum Catalogo adscripsit. Quod ut magis Lectores intelligant, penitusque  
perspiciant, in certas Classes omnium eorum Nomina, quorum hæc gesta commemo-  
rantur, distinxî.

BOHUSLAUS BALBINUS  
è Societ: Jesu.



**LIBER IV.**  
**MISCELLAN EORUM**  
**HAGIOGRAPHICUS.**

**PARS PRIM A.**

§. PRIMUS.

S. Cyrillus, & Methodius Slavicarum gentium,  
 & in ijs Bohemorum Apostoli.



**CONSTANTINUS** (Romæ po-  
 stea **CYRILLUS** appellatus) Theſſalonicae clarif-  
 ſimâ Græciæ Urbe natus eſt; Fratrem habuit *Me-*  
*thodium* vel *Methudium*, moribus & vitâ prorsus  
 germanum, iſſdémque virtutis, & doctrinæ ſtu-  
 dijs conjunctiſſimum. Emenſo liberalium arti-  
 um, ac præcipuè *Philosophiæ* (in qua habitare quo-  
 dammodo videbantur, ideóque *Philosophi* per ex-

Patria ho-  
 rum Sancto-  
 rum.

cellentiam ſuâ ætate ſunt vocati) emenſo, inquam, *Philosophiæ* curriculo, ad  
 diviniorem *Philosophiam* animum adjecere; itaque relicto poſt tergum hu-  
 mano genere, Cœnobio ſeſe *Constantinopoli* Fratres includunt, ſub *D. Baſi-*  
*lij* diſciplina, vitam Angelicam à Divinis laudibus exorſi; *Methodius* in illa  
 ſolitudine præterea, pingendi artem, quam adamârat à puero, tantâ ſedulita-  
 te excoluit, ut in Imperatoria urbe, quò Artificum illuſtrium nomina omnia  
 confluebant, ſummos inter Pictores haberetur. Abdiderant ſeſe in nobi-  
 liſſimum otium, ſed divinitas eos in Solem, & pulverem jam tum educere ſta-  
 tuerat: habitabant id temporis ad *Constantinopolim* in *Aſiæ*, & *Evropæ* fini-  
 bus Barbaræ nationes quàm plurimæ (*Barbaras* appello, quòd unde omnis  
 vera humanitas petenda eſt, *DEI* veri notiâ carerent) itaque vultus qui-  
 dem hominum, mores habebant ferarum: omnia libidine, crudelitate, &  
 ſanguine confundere, nihil vetitum eſſe putare, jus omne in dextris & armis,  
 & violentia ponere, eóq; excrevit potentia, ut ſæpius *Constantinopolim* ipſam  
 juſto

*Bolland. ad*  
*9. Martij.*  
*& xi. Febr.*  
*in vita S.*  
*Theodore*  
*Imperatr:*  
*Ordo Reli-*  
*gioſus.*  
*Methodius*  
*Pictor.*

*Bolland. l.*  
*c. xi. Febr.*  
*Anaſtaſ.*  
*Bibliothec:*  
*in vita Ni-*  
*col. i. Pont.*



Occasio &  
caussa Chri-  
sti D. fidem  
Bulgaris  
prædicandi

Bogores pi-  
eturâ ulti-  
mi judicii  
ad Christum  
adductus.

Legatio  
Moravorum  
pro S. Cy-  
rillo.

In Epitom.

justo Exercitu terruerint, & obsessam tenuerint. Imperatores Orientis tan-  
vicinæ pesti propulsandæ remedia necquicquam quærentes, tandem in eam  
viris maximis in consilium vocatis, venere sententiam: si Christi fidem Bar-  
bari susciperent, mitiores sine dubio, & ex hostibus amicos Imperij futuros  
Imperabant in Oriente eo tempore S. Theodora Mater cum filio Michaelē  
ad eam rem perficiendam Fratres Thessalonicenses aptissimi sunt visi; null-  
mora: communicato cum ijs consilio, protinus ad Slavorum linguam  
discendam, studio Christiani nominis proferendi, apud Gazares, & Cher-  
sonesios adjecerunt animum, brevique eo labore devorato, commenda-  
tione S. Imperatricis Theodora muniti, An. C. 848. ad Bulgaros primum pro-  
ficiscuntur. Bogores Bulgarorum Rex advenas libenter accepit, cumque ar-  
tis pictoriæ amantior esset, hoc maximè telo petitus est; rogaverat, pingere  
rent imaginem, quæ terrificum aliquid, & quod maximè horribile videre-  
tur, repræsentaret: pinxit Judicium extremum Methodius, tanto, tamque  
horrido ex pereuntium elementorum, ac totius generis humani clade, spec-  
taculo, ut Bogores percelleretur, maximè postquam per eam causam Chri-  
stum Judicem, & unâ Christi Religionem miranti Regi, Cyrillus explicuit  
tantumque in Regis animo timor ille invaluit, ut Baptismum postularet, uni-  
versâ Nobilitate, ac populo, Regis exemplum sequente. Bulgarici Regis  
conversionem ad Christum aliæ Slavorum Provincia imitari voluerunt, quæ  
Bollandus enumerat. Cum apud Gazares Cyrillus, & Methodius versaren-  
tur, Svatoplucus Moravia Rex, vicini Regni Bulgaria exemplo, splendi-  
dam Legationem ad Michaelē Imperatorem adornat, rogâque, ut eximi-  
um illum Doctorem Constantinum ad se pro potestate mitteret; impetratum  
est, quod tanto ambitu precum quærebatur; venit Cyrillus fratre comite, &  
intra quatuor annos cum dimidio, Moraviæ amplissimo Regno percurso  
totam propè illam regionem adduxit ad Christum, & Sedi Apostolicæ (cu-  
tum Nicolaus I. Pontifex præerat) subjecit. Accidit per id tempus, ut Bo-  
rzhovogius Bohemiæ Princeps in Moraviam in Procerum suorum comitatu a-  
Regem Svatoplucum veniret; nihil habuere antiquius SS. Præsules in Aul-  
tum Regis versantes, quàm Juvenem Bohemiæ Principem, à quo salus totius  
populi penderet, Christo adjungere; prædicato igitur Evangelio, & Reli-  
gionis Christianæ veritate probatâ, promisso insuper DEI nomine Regno  
quod Borzhovogij posteritas à Moravis translaturum, per sæcula obtineret, aliis  
que Divinis, & humanis felicitatibus, initiatum Christianis sacris Borzhov-  
jum cum tricenis Aulicis in pervigilio S. Joannis Baptiste sacris aquis abluere.  
De Anno non æquè constat; plerisque An. 894. cum Hagecio ponentibus,  
quod fieri non potuisse alibi probavi; circa An. 855. gesta res est Na-  
colai Papæ Pontificatu, qui Cyrillum Archiepiscopi Welehradensis (quæ tunc  
Regni Metropolis erat) titulis, & insignibus exornavit pro merito; accel-

sér



re deinde *Bohemia* SS. Apostoli, & *Slaviboro* Comite, totâque domo *Conventum Mielnicensium*, ante omnes *Ludmillâ Principis* conjugem Christiano ritu salutaribus aquis ablutâ, Ecclesias consecrârunt, literis Slavicis inventis scholas aperuerunt, totam denique Religionem ordinârunt. Anno 867. *Romam* *Cyrillus* & *Methodius* profecti sunt; causâ profectionis erant obsecrationes *Præfulum Germanorum*, quibus institutio *Metropolitana Ecclesie*, & sex novorum *Præfulum* non placebat, tum accusationes cæteræ adversus homines externos, qui *Slavonicè* sacra peragerent, aliâque hujusmodi, quæ etiam in mortuo *Cyrillo* in *Methodium* fuerunt conjecta. Attulerant SS. Apostoli, cum in has oras venirent, S. Clementis Papæ corpus *Chersonæ* acceptum, & que circumlato *Bohemia* Ecclesias honorârunt; donum hoc dignum victimam est, quod Apostolicæ sedi offerrent: Urbem ingressis 13. Novembris, *Nicola* Pontifice è vita excedente, *Adrianum* An. 868. *Roma* Pontificem accepit, qui sacro munere lætus, *Cyrillum* & *Methodium* benignè audivit, de infectionem probavit, insuper *Slavicæ* gentis Apostolatam contulit, nominatim *Cyrillo Metropolitani* dignitatem confirmavit; tum corpus S. Clementis in *Insula*, & Ecclesia nomini ejus pridem *Romæ* dicata, reverenter jussit deponi. An postea *Cyrillus* in *Bohemia* redierit, dicere non habeo; sed brevissimo post tempore, *Archi-Episcopalem* dignitatem exuisse, & *Adriano* annuente, transtulisse in fratrem, *Monachali*que habitu S. *Benedicti* recto ac simpliciter, ad S. Clementis corpus reliquam brevem exegisse vitam *Benedictinorum* monimenta astruunt fidem. Paulò post, quantum conjicere licet A. 869. 9. Martij, finem vivendi fecit *Cyrillus*, *Methodio* apud nos Apostolicis laboribus insudante, qui comperto fratrem obiisse, *Romam* protinus recurrit, & iuxta id, quod inter Matrem, & ipsos convenerat (videlicet, ut mortui fratris corpus superstes frater *Constantinopolim* ad *Cænobium* deferret) *Cyrilli* corpus asportare in *Graciam Romæ* connisus est, sed retractus, & *Cyrilli* sacrum corpus in Ecclesia S. Clementis relinquere coactus, ad *Bohemos* suos revolvit. Recruduere rursus *Germanorum Præfulum* accusationes, quæ *Methodium* *Romam* iteratò petere coegerunt; ibi habito Concilio, innocentiam viri compertâ absolutus, etiam illud, quod narrat *Baronius*, ab *Joanne VIII.* impetravit, ut *Slavicâ* lingvâ in Sacris uti liceret. A Pontifice denique *Moravia* Regi cum honore dimissus est, ac *Moravia* Regi diligenter commendatus, universis *Præfulibus* ejus Regni, *Methodio* parère jussis; multa deinde passus, cum maximas, quibus premebatur, angustias, eidem Pontifici indicâset, consolatorias ab illo literas meruit accipere, quibus ad fortiter agendum summo opere est animatus. Post annos aliquot ingravescente ætate, ex *Bohemia* quam pridem sceleribus, & contumaciâ novi Regis *Svatoboj* offensus innigrârat, omnibus ritè compositis, *Romam* aliquando reversus, ibi sanctissimo fine vitam conclusit, cujus cineres fratris æquè Sancti cineribus commix-

Bohemia  
conversa  
ad Christum.

S. Clementis  
corpus  
Romam al-  
latum.

Mors S. Cy-  
rilli.

S. Methodi  
us accusat  
à Rō: Pontif:  
absolvitur.



Ricciol. in  
Chronol. Re  
formata T.  
IV. tit. 2.

S. Cyrilli li  
bellus apo-  
logorum  
sacrorum.  
Bolland. ad  
xi. Martij.

S. Methodij  
lucubratio-  
nes.  
Christann.  
nepos S. We  
ceslai in vi  
ta S. Ludm.

Anast. præ-  
fat. in Conc.  
7. Univers.  
Constanti-  
nopol.

Sapientia &  
fortitudo S.  
Cyrilli.

Vana excu-  
satio Photij

Invidia Pho-  
tij adversus  
S. Ignatiū.

Bolland. ad  
9. Martij.

tos, hodièque Ecclesia illa S. Clementis, postea S. Adalberti, tandem illato S. Bartholomæi Apostoli corpore, S. Bartholomæi in Insula Tiberina nuncupata, religiosissimè servat. Atque utinam exoriat aliquis, qui Sanctissimas hæc Apostolorum nostræ gentis exuvias, Romæ alioquin Sanctorum corporibus nimium abundante, & divite, impetret, eisque Bohemiam, sine dubio cœlesti dono consecrandam exhilaret! Edidit S. Cyrillus Apologos elegantissimos Græcè, quæ Scripturæ vetustissimo genere Slavice in Bibliothecis nostris antiquis leguntur, & in Latinam linguam hoc sæculo sunt translatae. Methodius inventor fuit Slavicarum literarum, seu characterum (quo nomine ab ejus ævi Scriptoribus Germanis accusatur, ut alibi diximus) uterque Universalitatem quandam studiorum Budecij Pragæ non procul, fundarunt; Latinis literis excultum præterea fuisse Cyrillum, ac vetus, novumque Testamentum, pluraque alia ex Græco, Latinoque sermone in Slavorum linguam transtulisse, Christannus est author.

Ad maximam, ejusdem S. Cyrilli gloriam spectat quod sequitur, idque Vir omni exceptione major Anastasius Bibliothecarius commemorat; unde S. Apostoli, Religionis Zelus, veritatis amor & defensio, animi fortitudo ac præcipuè altitudo scientiæ, & firmitas elucet. Omnes historiæ Ecclesiasticæ periti sciunt, quantas turbas Photius, dum S. Ignatium Patriarcham Constantinopolitanum sophisticis artibus oppugnat, conciverit; audiamus Anastasium: ante aliquot annos Photius duarum unumquemque hominem animarum consistere prædicabat, qui cum à Constantino Philosopho (is est S. Cyrillus noster) magnæ Sanctitatis Viro, fortissimo ejus amico, increpatum esset, diceret: Cur tantum errorem in populum spargens, tot animas interfecisti? respondit: non studio quenquam ledendi talia dicta proposui, sed probandi, quid Patriarcha Ignatius ageret, si suo tempore qualibet hæresis per syllogismos Philosophorum exorta patefceret, qui scilicet Viros exterioris Sapientiæ repulisset? & rûm ignoravi, me sub hujus fomite propositionis tot animas fore læsurum. quod Cyrillus: O sapientia mundi, quæ infatuatur, & destruitur! jactas sagittas in multitudinem copiosæ turba, & ignorasti quemlibet ex his omnibus vulnerandum? Certè omnibus liquet, quia sicut oculi, quantumlibet sint maligni, & aperti, si fumus palearum interjacuerit, videre ultra non possunt; ita oculi Sapientiæ tuæ quantumlibet sint amplii & patuli, avaritiæ tamen, & invidia fumo penitus obcæcati, tramitem justitiæ videre non possunt. Ac per id verum est, quod dicis, neminem ictu tuo putasse esse ledendum, cum sic obcæcatum sensum prædictis adversum Patriarcham passionibus habens, nec quid miseris, prævidisti. Refert ista ex Anastasio Bollandus, conjectatque id colloquium & reprehensionem Photij à S. Cyrillo Anno Chr. 848. aut sequenti contigisse.

Hæc de Sanctissimis nostræ Gentis Apostolis; in quorum gestis expi-

cans



indis multas chronologicas hallucinationes in diversis Scriptoribus invenimus, nos ex *Baronio*, *Bollando*, antiquis Ecclesiarum monumentis, divini officij vetustis Lectionibus, tandem ex idoneis Scriptoribus hæc excerptimus.

## Nota.

Facere non possum hoc loco, quin obiter *Lectores* meos admoneam: ne ita *Vitas* hæce *Divorum* concinnasse, ut ingentem post me *Silvam* & argumentum scribendi relinquam, si qui fuerint, qui *Vitas SS. & Beatorum Coronæ Bohemiæ* (videlicet Bohemorum, Moravorum, Silesiorum, Lusatiorum) tractare voluerint; conficiet ingens volumen, aut volumina potius, quisquis id sibi proposuerit; ego, ut *Magistri Pictorum* solent, prima ineamenta duxi, ornatum addant posterius; mihi in hac ætate senecta satis esse potest, *Divos vel nominasse*, cum ante me objectum esse sciam *Bohemis, Moravis, Silesis, Lusatij, carere illos Sanctis & Beatis*; cessabit igitur hæc seu accusatio, seu obtrectatio, seu querela, satisque patebit, quænam gens potius, quam nostra, penuriâ & paucitate Sanctorum laboret.

Quod SS. *Cyrilli* (seu *Constantini*) & *Methodij* gesta attinet, sciant *Lectores* ita illa esse confusa, ut quod uni tribuitur, ab alijs alteri tribuatur. *Cyrillum Slavicos* characteres excogitasse tradunt Veteres Scriptores, idem ab alijs æque vetustis Scriptoribus (ut in *Epirome* dixi) adscribitur *Methodio*; communia hisce *Sanctis Fratribus* omnia fuisse videntur: *BorZivojum Principem Bohemiæ* S. *Cyrilli* prædicatione ad Christi fidem amplectendam adductum in *Annalibus* legimus, pro S. *Cyrillo* (idque probabilius videtur) S. *Methodium* nominant alij, *Hagecius* S. *Cyrillum* Basilicam B. Virginis Teinensem consecrasset scribit, quod à S. *Methodio* factum *Chronologia* ipsa videtur evincere, & in hanc partem *Dubravius*, & *Bollandus* inclinant. *Chronologia* intuenda semper est historiam condentibus, eamque velut *Ariadne* filamentum, aut perpendiculum semper tenere, & habere ad manum convenit, ne quid pravè extruatur; hæc certa sunt quæ sequuntur; SS. *Apostolos* ex *Bulgaria* in *Moraviam* expeditos & impetratos *Welehradum* advenisse post A. C. 856. *Moravis* quatuor annis & dimidio Christum prædicasse (quo tempore *BorZivojus Princeps* cum *Aulæ Proceribus* Christo nomen dedit, & *Welebradi* sacris ablatus est aquis) posthæc in *Bohemiæ* transiisse, & magnam *Populi* Partem præsertim in ditione *Comitum Mielnicensium* cum ipso *Slaviboro* & conjuge *Lidoslava*, & filio *Haussek* ac cæteris, Christo initiassent; An. 868. S. *Clementis* corpus detulisse *Romam*, quam 13. Novembris ingressi sint. Anno sequenti 869. 9. Martij *Romæ* S. *Cyrillus* è vivis excessit; accurrit illi co *Romam*, qui ad nos nuper redierat S. *Methodius*, & corpus SS. Fratris sui in *Græciam* asportare volens, prohibitus est, atque in *Bohemiæ* & *Moraviam* regressus, Apostolicos labores continuavit (quod ex *Epistola Joannis VIII. Pontificis* constat) longè ultra Annum 882. Tandem ordinatâ uni-

Mens Authoris in opere præfati.

*Vita S. Ludmilla M. S. Boll. d. xi. Martij. Dubr. l. c. Pont. in Bo: Pia. Hagek in Ann. Boh. Cosmas in hist. Boh. En. Sil. C. 13. hist. Boh. Dubrav. l. 2. hist. Boh. Bolland. ad 9. Martij. Chronologia SS. Cyrilli & Methodij.*



Baron. in  
Annot. ad  
Martyrolo:  
Rom.  
Reliquiae  
eorum.  
Octav. Pan  
cirol. in The  
sauris ab-  
sconditis Al  
mae Urbis.  
Boll. l. cit.  
Epitom. l. i.  
C. 45.

versâ Ecclesiarum nostrarum Oeconomia, ætate & laboribus fractus Roman  
concessit, ibique moriens ad Fratrem appositus est: de quo *Baronius*: *idem*  
*Sancti* (Cyrillus & Methodius) *Roma morientes*, miraculis clari sepulti sum  
quorum sacras Reliquias nuper sub altari in ejusdem Ecclesie (S. Clementis  
Sacello per vetusto repertas accepi. Subscribit *Baronio Pancirollus*, aitq; in Eccle  
sia S. Clementis horum Sanctorum corpora asservari. De eorum Canon  
fmo vide *Bollandum*; primum in orbe toto eorum honori Templum *Bolesla*  
via *Veteris* statuit *Wratislaus Bohemia Princeps Borzivogij filius*, non mul  
tis post S. *Methodij* obitum interjectis annis ante An. C. 916. ut in *Epitom*  
docuimus, *Chronologiâ* id poscente.

## §. I I.

## S. Iuanus Eremita.

Auctariū  
I. hist. S.  
Montis.

S. Iuanus  
Angelo du  
cente in Bo  
hemiam ve  
nit.

Cerva S. Iva  
ni cōficitur

Mors Ivani.

C Onsecravit Patriam nostram *Iuanus*, *Gestimuli Dalmatarum Regi*  
à *Lothario* ejus nominis I. Imperatore A. 845. in prælio occisi, primo  
genitus, qui contemtis omnibus mundi illecebris paternum Re  
gnum fugere, ac in solitudinem aliquam sese abdere *Christo* uni famulaturu  
constituit; cum de fuga constitisset, *Fratres* fraterno amore fugientem secu  
ti assequuntur; ille ad *DEI* opem versus, impetravit, nè posset agnosci; co  
lestis deinde *Genius* aspectabilis transire *Danubium* jussit, & in *Bohemiam* de  
duxit: quadraginta duos annos in *Bohemia* versatus varia antra incoluit; no  
vissimum fuit (quod in *Petra* dicimus) ubi annos 14. permanfit: primo bi  
ennio molestos in eo antro sensit dæmones, ut locum mutare cogeretur; ab  
eunti (locus hodiè que ostenditur) S. *Joannes Baptista* occurrit, & *Cruce* da  
tâ, jubet intrepidè iter relegere; fecit, & *Legionem* illam *Tartaream* cum cru  
ce penetrans fugat, unique *Dæmoni* imperiosius resistenti *crucem* in os im  
pingit, & injicit, qui illam continuo evomens grandi foramine & hiatu reli  
cto evolavit. Hinc jam quies, & diurna sine interpellatoribus, nocturnaq;  
oratio; nec defuit Divina Providentia, quæ jam pridem cultori suo nutriti  
am addidit *cervam*, cujus lacte quotidie pasceretur *Iuanus*. hanc *Borzivogi*  
*us Bohemia Princeps S. Ludmilla conjux*, in venatu deprehensam, & ad *Ivan*  
specum fugientem confecit; ejus tumultûs causâ antro egressus senex, blan  
do *Borzivogij* sermone delinitus, vitam suam omnem aperit, & invitatus, asel  
lo etiam misso, die sequenti *Tetinum ad Principes* venit, quos in Religione &  
virtutum, & cœli amore mirificè confirmatos reliquit. Instante verò jan  
mortis tempore S. *Ludmilla* per visum cœlitus admonita, *Paulum Sacerdotem*  
suum ad *Ivanum* cum omni sacrorum apparatu ablegat, qui noxis ejus audi  
tis, SS. *Evcharistiâ* refectum comparavit ad mortem; post triduum abiit in  
cœlum senio, ac magis Sanctimonia vitæ venerabilis; si *Hagecius*, & *Pon*  
tanu



non fallunt circa Ann: C. 910. Sacellum super Viri Sancti tumulum S. Crucis, DEI Matris, & S. Joannis Baptiste honori condidit Principes, eumque locum Sacerdotibus commiserunt; postea *Hazembergica* stirpis illic viciniae dominantis benefica liberalitate, Coenobium excitatum est, & D. Benedicti *sub A. 1022.* familiae donatum; de quibus vide *Auctarium nostrum historiae S. Montis*, & R. P. *Fridericum Bridelium* in vita S. Iovani, quae nomine *Archi-Episcopi Pragensis Matthaei* fuerat evulgata. At quod ibi additur, *Neklano in Bohemia* imperante in *Bohemia Iovannem* advenisse, defendi ægerrime potest; forsitan *Hostiviti* Ducis nomen supponi oporteret. Tumulum S. Iovani *Caesar Matthias* ornavit, augustam Ecclesiam *Leopoldus I. Imperator* superstruxit. Vitam S. Iovani scripsit *Pontanus*, *Salius*, *Chanovsky*, *Bridelius*, quorum postremi tres è *Societate Jesu* Sacerdotes.

## §. III.

## Beatus Borzivoius primus Ducum Bohemiae Christianus.

**B**orzivojus *Hostiviti Pragensis Ducis filius*, inter An. C. 830. & 840. *Vide Epitomen nostram Christianam: vit. S. Lud.* verosimiliter editus in lucem est; suscepto post mortem Patris regno, *Borzivoius juvenis* (ut disertè tradit *Christannus*) ad amicum Regem *Slavorum Svatooplucum* nomine, in triginta Procerum suorum comitatu profectus, bonam fortunam apud Regem *SS. Cyrillum & Methodium* invenit, à quibus Christianis sacris institutus, & pridie S. Joannis Baptiste initiatus est cum suis, rediensque domum *Paulum Keicham* Sacerdotem Christianum in Bohemiam adduxit. Primus hic *Pragensium Principum* fuit, qui Christo nomen dedit, ut in his *Miscellaneis* nostris postea probabimus. Graves in ea deperpeffus calamitates, etiam *Principatu* dejectus ob Religionem exulavit: cum praesidia humana deessent, ad Divina, & praecipue ad DEI Matrem *MARIAM* confugit, Basilicam ejus nomini conditurum voto promittens; cujus coelesti auxilio, superatis à Clientum parva manu ab genero suo *Comite Slaviboro* hostibus, restitutus, Basilicam *Tinensem* Pragae ante Curiam suam condidit DEI Matris in Coelos Assumptae honori, quam alter è *SS. Apostolis Slavorum* consecravit; exilium hoc, tum alia ad *Borzivoium* spectantia diligentissime descripsit *Christannus* primus Bohemiae Scriptor (quem nuper vulgavimus) *Boleslai Savi Bohemiae Ducis filius*, *Borzivoij* pronepos. Vitam egit Sanctissimam *Borzivoius*, Pontifici propiorem, quam Principi, uni Religioni proferendae intentus; post haec *Spitihneo* filio in folio Principis locato, circa An. D. 905. ipse una cum conjugē Sanctissima *Ludmilla* (de qua paulò post) humano genere, & Principatus titulo post tergum relicto, in *Tinensem* solitudinem secessit, multosque per annos DEO

Paulus Keicham primus in Boh. Sacerdos.

Borzivojus exul voto ad Dei Matrem edito Regnum recepit.

Borzivoius in solitudine secedit.



Mors & tu-  
mulus.  
In Ep. hist.  
rer. Boh.  
l. 4.  
Pro sancto  
habitus à  
Majoribus  
nostris.  
Papr. in Bo  
rziv. Crug.  
in syll. SS  
Pessina in  
Phosph. ra-  
dio 3.

uni, totis sensibus deditus, grandi ætate (septuagesimum septimum attigiss  
*Weleslavinus* affirmat) elatus est. Virtutes tanti Principis, & vita Christia  
nis institutis sanctissime acta, meruere, ut eum *Beati* titulo antiquitas hono  
raret, conditus est in *S. Georgij Ecclesia* in Arce *S. Wenceslai* Pragæ quodq  
memorable, & firmitus ad fidem sanctitatis faciendam: Corpus *Borzivoi*  
in Ara ipsâ intra *Altare*, quod est in Ecclesiæ medio condidit religiosissim  
Majores nostri, qui fuit ritus Veterum, quempiam *Beatorum & Sanctorum*  
numero aggregandi, *Canonizationem* hodie vocant, ut ex *Cardinale Baroni*  
pridem ostendi. *Dubravius* in historia Bohemiæ, *Borzivoium* in *Basilica*  
sua *Teinensi* conditum significat, sed subscriptorem non habet: nam cæteri  
rerum Bohemicarum Scriptores, *Borzivoium* in nova ab se honori *S. Archangeli*  
*Michaëlis* constructa Ecclesia *Tetini* sub arce, ibidem *Tetini* mortuum &  
humatum esse affirmant; unde successu temporum sacra ejus ossa levata, &  
quod decebat maximè, in eandem Ecclesiam, ubi *S. Ludmilla Conjunx* sepul-  
chrum invenerat, sunt illata. Ita *Paprocus*, *Crugerus*, *Pessina*, ac cæteri.

§. IV.

B. Wratisslaus Dux Bohemiæ, B. Borzivoij  
Filius.

Wratisslaus  
conditor Ec-  
clesiæ Geor-  
gianæ.

Defenditur  
ob Conju-  
gem Draho-  
miram.

Chronolo-  
giæ ratio.

**U**tinam perinde ut vitia, sic virtutes, & sanctimonia contagione vul-  
garentur! habent tamen grande ad virtutem momentum exempla  
monitus Parentum, & præcipuè educatio, quæ mihi velut quædam  
forma, & modulus videtur, in quam vita puerorum infunditur, & confor-  
matur. *Wratisslaus* Parentibus Sanctissimis *Borzivoio*, & *S. Ludmillâ* Ma-  
tyre genitus, vitæ quoque eximiam coluit Sanctitatem, ob eamque causam  
ab antiquitate in ipso tumulo *Beati* nomen invenit, omnibus Principatûs se-  
titulis pretiosius; regnavit annis decem, quibus omnibus imperium suum  
pietate constabilivit; *S. Georgio Martyri* deditissimus, Ecclesiam insignem  
ejus nomine condidit, in eaque velut *Fundator* est humatus. Unum obijci-  
tur: quod *Drahomiram* (quam postea dehiscente imâ tellure Orcus sibi vi-  
vam rapuit) conjugem viperinam acceperit; sed eum pridem excusavit Ne-  
pos *Wratisslai Christannus*, qui scripsit, eam dum nuptura duceretur, promi-  
sisse *Christi* fidem, quam postea contemserit; Ex hac viperina Matre genitu-  
us est Sanctissimus Filius, velut ex senticeto rosa, *D. Wenceslaus*. Obijt Pra-  
gæ *Wratisslaus* ætatis suæ 33. Anno Christi 916. alijs decennio post, 926  
quod fieri vix, ac nè vix quidem potuit: cum enim, ut dixi, ex *Christanno*  
anno ætatis suæ 33. decesserit, ac *Divus Wenceslaus* juxta eosdem ipsos An-  
907. sit editus in lucem, necessario consequitur (quod probabile non est) an-  
no 13. vel 14. ætatis, filium *Wenceslaum* genuisse. *Weleslav* in *Geneal. Ha-*  
*gek* in *Annal. Paprocus* in *Ducibus Boh*: *Pontani* in *Boh. Pia*.



S. V.

B. Przibislavva Vidua, S. Wenceslai Martyris  
Soror.

**P**rzibislava S. Ludmillæ neptis, germaniorem se Wenceslao semper esse maluit, quàm Boleslao, neque Matrem secuta (quas plerumque filia imitantur) aviam Ludmillam expressit virtutibus, eâque de causa ab omni retro antiquitate Beata vel Sancta titulo honoratur; de hac antiquitate in Christanno præconium legimus: Venerabilis Matrona soror beati Martyris Przibislavva, ab ipsis cunabulis Christo Domino fuerat edocta (sinè dubio in sinu Avia Ludmillæ educata) servire DEO secundum documenta Evangelica sinè querela. Postquam enim eam Dominus à Jure maritali solverat nota conjugium) totam se mancipaverat DEO famulandam, æstuantis sitis animo velamine sacro contegi, die, noctûque instanter orationibus, jejunijs, vigilijsque persistens &c. pergit idem Christannus commemorare visionem, quam habuit Przibislavva apparente ei Fratre S. Wenceslao, ac manifestante, ubi auricula ejus à capite absecta lateret, quæ S. Martyris capiti unita divinitus sic adhæsit, ut nè vestigium quidem vulneris appareret. In eadem Vita idem Christannus de Przibislavva loquens: Soror S. Wenceslai Przibislavva quantum oculus humanus potest præjudicare sub sacro habitu sanctissimè vivens &c. significare videtur hoc loco Christannus B. Przibislavam religiofum habitum, velumque in viduitate gessisse. Cui autem primùm desponsata fuerit, altissimum est apud omnes silentium: Fablonæ Dominum habuisse in conjugio constat ex eo, quod Fablonæ tumultata sit (ut affirmat Crugerius) postea Przibislavva Pragam translata, in Podivini tumulum est illata, ut ipse sepulchri titulus hodièque testatur, A. 1367. ut narrat Benessius. Manuscriptus Codex pervetustus B. Przibislavam in pago Fablon sub monte Krutina primò sepultam, cum luminibus cœlestibus & Angelorum cantibus frequentissimè illustraretur locus, Christianum quendam potentem, Chotislaum nomine in S. Przibislavæ (Sanctam disertè vocat, eamque asserit ante & post obitum miraculis claruisse) in ejus, inquam, honorem Ecclesiam super tumulum condidisse, quæ Sancta Przibislavæ Ecclesia ab omni retro antiquitate fuerit appellata; post multum verò tempus An. 1367. Carolo IV. apud Nos imperante, qui Divorum sacris Corporibus Ecclesiam Pragensem ornare cupiebat maximè, summo honore populi elevatum esse Fablonnâ sacrum Corpus & in S. Viti Ecclesiam non procul Fratrì Sanctissimi tumulo compositum, unà cum B. Martyre Podivino, ut etiam Aulæ suæ Præfectum S. Dux Wenceslaus apud se haberet.

Notula, quam Illustrissimus & Reverendissimus DD. Episcopus Suffraganeus Joannes Ignatius Dlanhovesky dum hæc legeret, manu suâ adscripsit:

Utrum-

Przibislavæ  
sanctitas.

Ejus visio.

Christannus  
in Vita S.  
Wenceslai.

Beness. l. 4.  
Chronicor.

M. S.  
De Titulo  
Sanctæ aut  
Beatæ.

Beness. in  
Chron.



Utrumque corpus & B. Præzibislava, & B. Podivvini inventum, elevatum est, dum fundamenta nova addita Ecclesiæ ad S. Vitum ponerentur A. 1677 quod mihi peccatori videre, & utrumque tractare licuit, multoque populo Clero osculante non sine lacrymis, & magna teneritudine.

Ita testor Joannes Ignatius Episcopus Milevitanus, Præpositus Pragensis Senior Canonicus, & sexto jam tunc Anno Bohemicus Ecclesiastes S. Metropolit. Pragensis.

## S. V I.

Cæsi à Drahomira Christiani Pragenses Martyres  
potissimum Sacerdotes.

An cæsi in  
acie Marty  
ribus accen  
seri possint.

Cædes Ca  
tholicorum  
Pragæ.

Dubrav. l.  
4. & 5. hist.  
Boh.

Hagek ad  
A. 909. in  
Ann. Boh.  
Vita P. Al  
berti Cha  
novsky S.I.

**D**u dubitavi, utrumne Cives Pragenses à Drahomira cæsos Martyribus accenserem, quod pugnautes (quanquam pro Religione) ceciderint. Eusebius Nirembergius è Societate JESU, Vir Sanctimoniæ & libris omnigenâ eruditione refertis clarus, non dubitavit in *Stromatis* asserere, eos etiam, qui pro religione pugnant, & cadunt, *Martyrj lauream* manere; sed etsi id alicui forsitan novum, & non probatum satis videri possit certum tamen est in re nostra, quàm plurimos à Drahomira Satellitibus Christianis cæsos, qui nihil repugnauerint, ut conjuges Christianorum, pueros, & virgines; Dubravius l. 5. *histor. Bohemica* docet à Drahomira, & ejus ministris Sacerdotes præcipuè fuisse necatos, quod eorum operâ potissimum *dæmonum* malorum cultus vilesceret; hos igitur eâ causâ cæsos, nemo è SS. Martyrum numero expunget. Anno 919. 3. Aprilis datum, Drahomirâ jubente, cædium initium, Palhogio Prætorè Pragensi nequissimo homine, & idolis ad insaniam dedito, & Dominæ suæ simillimo, sub noctem ex insidijs Christianos aggrediente; sed quia Christianis maturè datum indicium, occurrere armati, & forum (licet ægre) 400. Palhogianis cæsis, non paucioribus amissis ex suis, tenuere. Cautius 10. Aprilis Palhogius ordinavit insidias, & nocte mediâ Christianos aggressus, trecentos occidit, cum coire ad defensionem non possent. Incessit omnibus lætitijs Drahomira, & factò dæmonibus Sacro, aliam eamque decretoriam sibi promittens victoriam, eodem Anno deleturam se omne Christianum nomen juravit. 18. Augusti Palhojum quantas maximas, & quàm instructissimas posset Ethnicorum copias educere in forum Pragensè jussit, & cædes facere; Christiani etsi numero inferiores, DEI auxilio invocato congregati, post cruentissimum prælium vicere; quingenti Ethnicorum occisi, Palhojus ipse domum fugiens trucidatus, & in cloacam abjectus est; desijt tandem desperatione Drahomira sævire, sed in Ecclesias Pragenses iram vertit, & flammam injecit. Ob tantum Christianum sanguinem Venerabilis P. Albertus Chanovsky S. J. dicebat:



it: sese tenerrimâ pietate perfundi, quoties forum hoc *Pragenſe* rigatum  
 ingvine Christianorum transfret; prælia hæc depicta in vetere Curia Pra-  
 gensi (*Stará Kychta* vocant) hodiè que gratiosè spectantur. Agunt de  
 s *Dubravins*, & *Hagecius* pluribus Annalium locis.

Pragenſe  
 forum An-  
 tiquæ Urbis  
 rigatū Mar-  
 tyrum san-  
 guine.

## §. VII.

S. Ludmilla Vidua, & Martyr, Dux & Patrona  
 Regni Bohemiæ.

**L**udmilla Slavibori Comitis de *Mielnik* tum adhuc pagani, & *Lidosla-*  
*væ* filia *Mielnicij* nata est; *Borziivoio Bohemorum Principi* nupta, *S. Me-*  
*thodium* Magistrum Fidei Christianæ accepit, qui eam *Mielnicij* cum  
 atre, & fratribus sacris aquis abluit. Ex eo tempore nil nisi pura, & illimis  
 incitas vita *Ludmillæ* fuit: deflere quotidie priorem suam idololatriam; o-  
 ire ad verum DEUM de genibus diu, noctûque, ad multam diem in Eccle-  
 ijs persistere; pauperum curam gerere, à quibus *Mater* appellaretur; vir-  
 ites omnes, præcipuè quæ Matronas decent, exercere, & colere. confra-  
 tis dæmonum simulacris (quæ varijs metallis constabant) quidpiam æri *Co-*  
*inthio* simile cum profluxisset, varia inde Templis (præcipuè *Mielnicensi* &  
*Boleslaviensi*) donaria misit, ex quibus esse *Imaginem Divæ Virginis Bolesla-*  
*viensis*, non vanè suspicantur peritissimi Antiquitatis Viri. Pertæsa deinde  
 es humanas *Wratislao* filio commendatâ *Bohemiæ* gente, unâ cum conjugē  
 & *Paulo* Sacerdote sene in *Tetinenſem* solitudinem sese abdidit, DEO uni fer-  
 iens, & inhærens; subinde *Wratislao* ex *Drahomira* nascitur *Wenceslaus*,  
 quem adhuc à matre rubentem unâ cum nutrice *Christiana Tetinum* ad se fer-  
 i impetravit, & annis ferè decem (mortuo nuper *Borziivoio* conjugē) vidua  
 ecum habuit, quotidie ad omnem pietatem conformans, dum denique ad  
 cholas *Budecenses* erudiendus à Patre mitteretur; nova deinde rerum in  
 Principatu mutatio ex morte *Wratislai Principis*: is moriens *Ludmillæ* Matri  
*Bohemiæ*, & rem Christianam commendârat; hoc iniquissimè ferens *Dra-*  
*homira* sæmineâ impotentiâ, dolens maximè idola sua contemni, & *Ludmil-*  
 æ studio fidem Christianam longè, latèque propagari, focrum decrevit in-  
 terficere. Instante Exitij die, quem Divinitus prænoverat *Ludmilla*, voca-  
 tis clientulis mercedem persolvit, & quod supererat, in pauperes suâ manu  
 distribuit. Remotis deinde arbitris, confessione apud *Paulum* peractâ, au-  
 dito Sacro, acceptoque Eucharistiæ viatico, vitæ suæ finem impensè DEO  
 commendat, cum ecce duo à *Drahomira* missi Proceres Ethnici *Tuman*, &  
*Kuman* à *Ludmilla* pridie convivio excepti, nocte intempestâ in cubile irrum-  
 punt, & orantem elisis faucibus velo capitis suffocant, non tamen siccâ mor-  
 te; siquidem alliso ab ijs ad saxum capite, saxum illud sanguine perfudit *Lud-*  
*milla*

S. Ludmilla  
 virtutes.

Idola con-  
 fringit, & ex  
 metallo do-  
 na mittit Ec-  
 clesijs.

S. Wences-  
 laus educat.

Occiditur  
 infidjs Dra-  
 homiræ.

Vorum S.  
 Ludmillæ  
 mors cru-  
 enta.



*Cosmas in  
Annal. Bo:  
Hagek ad  
A. 1100.*

*milla* (quod hodieque ostenditur) id nimirum unice *Ludmilla* habebat in ve-  
tis, & à percussoribus moriens petierat, ut sanguinem pro *Christo crucifixo*  
membris elicerent percussores. Sepulta est *Tetini* primùm *Ludmilla*, dein  
de post aliquot annos incorruptum ejus corpus à *S. Wenceslao* nepote *Praga*  
translatum in sepulchris Majorum in *Ecclesia S. Georgij* conditum est; quo  
miraculis multis, & varijs Divinitas illustravit; pulcrum illud de velo in *C*  
*isma*, & *Hagecio* legitur, pridem à me in *Originibus Guttensteinij*s narratum  
& de fragrantia miri odoris, quæ, ut habet *Christannus*, cunctorum arom-  
tum, florumque odora menta vinceret.

*Hag: in An:  
Boh: A. 922.*

Mirum & illud *Tetini* ad *S. Catharina* Ecclesiam, ubi primitus *S. Lu-*  
*milla Martyris* corpus humatum fuit, quod se indubiâ fide comperisse, & plu-  
ribus exemplis confirmari posse tradit *Wenceslaus Hagecius* antiquissimi *C*  
pituli *Boleslaviensis Præpositus*: ex eo tempore, quod *S. Ludmilla Tetini*  
condita, *Tellurem* illam *Coemiterij*, nullius omnino quantumvis pij & *Chri-*  
*stiani* hominis, nè infantis quidem, cadaver tolerare, quin altero mox die e-  
ciat, & inopertum relinquit, ideoque ad *S. Michaëlem* non ad *S. Catharina*  
*Tetineses* humari; probatum id sæpius, & à se cognitum cum sexennio *E*  
*clesijs* illis præfuerit. Hæc ille; quod venerationi *S. Ludmilla* coelitus d-  
tum, & humum *SS. Martyris* corpore quodammodo præconsecratam, cæ-  
ra corpora dedignari putandum est, idque cum *Hagecio* omnis retro senti-  
antiquitas. Idem ex pervetusto *Pragensis Ecclesiæ Breviario* confirmat-  
(lect. 6. in Translatione *S. Ludmillæ*) *Coemeterium B. Ludmillæ jam in Eccl-*  
*siam conversum nullius exinde hominis sepulturam admittit, quin alterâ mox a*  
*cadaver à terra ejectum reperiatur.* Scripsere *S. Ludmillæ* vitam permul-  
primus, idemque antiquissimus *Christannus* Divæ pronepos; *Legende vet-*  
*res*, ut vocant, plenæ sunt ejus virtutibus, & miraculis: *Nicolaus Salius* de  
mo *Pragensis* è Soc: *JESU* vitam Latine edidit, quam retulit *Foannes Bon-*  
*facius S. I. Hispanus* in historia *Virginali*, & *Surius* descripsit; consulantur *H*  
*gek, Chanovsky, Pontanus* &c. omnium accuratissimè *S. Ludmillæ* vita  
nostrâ memoriâ descripsit *Georgius Ferus S. J.* Quæ nos hîc attulimus, pl-

*Chronolo-  
gia imperij  
& mortis S.  
Ludmillæ.*

raque ex *Lectiõibus vetustis Breviarij Pragensis* excerpta sunt. Passa est  
*Ludmilla* An. C. 927. (*Weleslavinus*, aliique probabilius ponunt An. 920  
Sabbatho 16. Cal. Octobris; unde evanescit illa Patriæ historiæ curiosi ac-  
miratio: quî fieri potuerit, ut *S. Ludmillâ* vivente, & ad clavum seden-  
(post filij *Wratislai* mortem scilicet) *Drahomira* in Christianos Tyrannidem  
exercere potuerit? facilis responsio: cum enim 916. *Wratislaum* Principem  
objisse & *Ludmillam* An. 820. casam esse ponamus, habebit prope quatuor  
annos imperij *Ludmilla*; reliqui Anni usquè ad *S. Wenceslai* regnien *Dra-*  
*homira* Tyrannidi dabuntur. Adde quod *S. Ludmillam*, etsi à filio *Wra-*  
*slao* oblatum haberet imperium, cessisse folio, & in *Drahomiram* dominatio-



em transtulisse *Christannus* (in vita S. Ludmillæ) significet. Tandem di-  
ere possumus, etiam vivente S. Ludmillâ *Drahomiram* sævijsse, cum & Mu-  
er (qui sexus sæpe omnia sibi licere putat) & impotens animi, avidaque re-  
nandi *Cacodæmonem* spiraret, ac penè ob idola sua rabiret; hoc quod ul-  
mò dixi habet Officium Sacerdotale *Pragensis Ecclesiæ*, *VVratislaus*, in-  
uit, moriens, *Ludmillæ omnem Regni administrationem commisit*; quod *Dra-*  
*omira indignè ferens*, &c.

*Lect. IV. in  
fest. S. Lud.*

## §. VIII.

S. Wenceslaus Bohemiæ Dux, Virgo, Martyr,  
& Regni Bohemiæ Patronus.

**W**ENCESLAUS Bohemiæ Dux, *VVratislai* Bohemiæ Ducis  
primogenitus, *Drahomirâ* Matre gentili natus An. 908. *Paulo Kei-*  
*cha* Sacerdoti S. *Methodij* discipulo educandus traditur, contopitum  
ille puerulum genibus ante lectulum flexis quotidie Divino Numini offerre  
solebat; ergo pij Sacerdotis, & præcipuâ aviæ *Ludmillæ* Sanctissimæ fæmi-  
æ curâ, omni virtutum genere efflorescere cæpit, sic ut *Budecium* ad studia  
literarum missus etiamnum puer cœlestibus visis (quorum aliqua refert coæ-  
vus Scriptor *Christannus*) dignaretur à DEO. Peculium puerile suum om-  
ne *Budecij* erogabat in *Missas*, & (quæ tum merces pretiosissima) in vinum,  
& panem SS. *Eucharistiæ* à Sacerdotibus conficiendæ, cui mysterio ipse mini-  
strare quotidie gestiebat; affectus hic in *Eucharistiam* in omne reliquæ vitæ  
tempus perseveravit in *VVenceslao*, ut postea Princeps, quidquid ad *Missam*  
pertineret, suis manibus appararet: nam & agrum tritici feracem, & vine-  
am habebat (quam hodièque ab eo donatam, *Ecclesia Vetro-Boleslaviensis*  
servat, & colit) sacrificijs destinatam, ubi *VVenceslaus Princeps* *Eucharistiæ*  
colonus & serebat, & metebat, suisque humeris deportabat in horreum, &  
conterebat, & molebat, & pinsebat; vinum verò pastinatum à se botris le-  
tis exprimebat, quo in labore nullum admittebat socium; visitur adhuc *Ve-*  
*tero-Boleslavia* in Ecclesia SS. *Cosmæ*, & *Damiani*, S. *VVenceslai* culinula, in  
qua SS. *Princeps* & hostias oblatas coquebat, & reliqua in apparatus *Missæ*  
omnem conficiebat. Sed *Budecium* redeamus: dum Wenceslaus  
puer in studijs versatur, Mater *Drahomira* per nefariam S. *Ludmillæ* necem,  
ac prius per voluntariam cessionem & Imperij renunciationem, Regni admi-  
nistrationem assequitur, Ethnicisque impune ad cædes Christianorum con-  
citatis, Religionem Christianam propè extinxit. Pertæsi tyrannici, & im-  
pij Regiminis Bohemiæ Proceres, quorum caput *Podivinus* postea *Aulæ VVen-*  
*ceslai Præfectus*, *VVenceslaum* silentio *Budecio Pragæ* evocant, & (quod, si  
religionem, & rempublicam salvam esse vellent, necessarium erat) excusso

S. Wences-  
laus à pue-  
ro cœlestib⁹  
visis hono-  
ratus.

SS. Eucha-  
ristiæ à pue-  
ro cultor.

*Strans: in  
Rep. Boh.  
C. 8. §. 12.  
A. 922.*



Matrem gē  
tilem detur  
bat Princi-  
patu.

Virtutes S.  
Wenceslai

Beatissimæ  
Virg: & SS.  
Patronorū  
studiosissi-  
mus.

Cædes S.  
Wenceslai

Ricciol. in  
Chronolog.  
reform. To.  
IV. tit. 2.

Sanctis ad-  
scriptus bre-  
vi post mor-  
tem.

*Drahomiræ* iugo Principem quatuordecim annos natum consalutant; rem  
ut gesta est, idem *Christannus* commemorat. *Venceslaus* pietate magis  
quàm Imperio *Bohemiam* regens, orphanis, viduis, egenis, tantâ charitate  
subveniebat, ut proprijs humeris ligna indigentibus noctu comportaret. Ju-  
cundum, an triste magis (certè *Wenceslao* latum) narrat exemplum *Chri-*  
*stannus*, cum in ea comportatione lignorum deprehensus nocte SS. *Princeps*  
neque agnitus ab Oeconomo domûs suæ graviter vapulavit, ac silentio ren-  
transmisit. Pauperibus humanis frequenter aderat, captivos præcipuè  
Ethnicorum pueros redimebat, carceribus detentos noctè intempestâ visita-  
bat, pecunijs, & consilio solabatur. Miti animo Princeps vehementer do-  
lebat, quempiam, etsi reum, morti adjudicari. Noctè nudis pedibus supe-  
nivem, & glaciem circuibat Ecclesias, ut etiam cruenta, & sequentem *Podi-*  
*vinum* calefacientia vestigia remanerent. Angelos habuit sui corporis custo-  
des: cum enim ad singulare certamen adversus *Radislaum Ducem Curimen-*  
*sem* eo fine accederet, ut suorum saluti prospiceret, visi sunt Angeli arma mi-  
nistrasse, & adversario dixisse: *Ne feri!* perterritus hostis venerabundum  
procidens veniam exoravit, & victorem *Pragam* secutus Christiano ritu sa-  
cris aquis ablatus est. Cum in *Germaniam* profectus esset, Imperator con-  
spectis duobus Angelis, aureâ cruce ad se accedentem ornantibus, è folio pro-  
filiens, brachijs excepit, Regijs insignibus, ac titulis decoravit (quos tamen  
S. *Viti* modestia recusavit) eique S. *Viti* brachium fatale Imperij pignus (quo  
se ad *Wenceslaum* ultro converterat, velle se à *Venceslao* auferri indicans)  
donavit. S. *Michaëlis*, *Cosmæ*, & *Damiani*, S. *Petri Apostoli*, ac præcipuè  
D. *Virginis* studiosissimus fuit: quoties ad *Curiam solennem* (ut Veteres vo-  
cabant) aut ad prælium cum exercitu properabat, *MARIÆ* effigiem, ori-  
entalium Regum exemplo, præferri sibi jubebat in hastili, crediturque effigi-  
em *Vetero-Boleslaviensem*, eâ in S. *Venceslai* pompâ sæpius prælatam fuisse.  
His virtutibus florentem, & coelibem vitam agentem impius frater *Boleslau-*  
*Drahomiræ* matris hortatu convivio *Boleslaviæ* exceptum, & postea noctu a  
Ecclesiæ, per prodicionem clausæ, januam orantem, paratæ sibi mortis præsci-  
um, adhibitis sceleris comitibus, interfecit, An. Christi 938. 28. Septembris.  
*Sanguis* per parietes aspersus adhuc conspicitur, & DEO vindice Matrem  
impiam Tellus absorbit, interfectores varijs modis miserè perierunt. In  
Ecclesia *Boleslaviensi* statim à morte plurimis, maximisque coruscavit mira-  
culis, quæ postea, *Pragam* ad Ecclesiam S. *Viti* quam fundarat, corpore de-  
vecto, secuta sunt, & leguntur in vita, ipsaque Translatio miraculum fuisse.  
Suâ ætate patrata ad tumulum *Benessius Canonicus Pragensis* recenset; quibu-  
ritè cognitis Divorum numero ritè adscriptus est; certè *Joannes Papa* in li-  
teris, quibus *Episcopatum Pragensem* recens fundatum confirmat, Sanctum  
& Martyrem *Venceslaum* appellat, annis à morte ejus paulò amplius trice-  
nis



is. Auream S. Wenceslai capiti coronam aliquoties nostri Principes, ac Reges imposuere, Sobieslaus Dux, Joannes & Carolus Reges; ætate Caroli V. Proceres Bohemia, & major Regni Nobilitas pretiosissimo opere clypeos aureis (quæ singulorum stemmata referebant) ejus sepulchrum contexere. Romæ in Vaticano apud S. Petrum stat elegans Altare marmoreum S. Wenceslai (cùm nullus propè alius Regum Sanctorum altare in ea Basilica habeat) ab Joanne Episcopo Olomucensi ædificatum, & donatum; die festo S. Wenceslai in præsentia Cardinalium omnium colebatur, quibus duo scuta ut vocant, singulis, pauperibus verò panis & vinum distribuebatur. Lampades duas, ardentem alteram, alteram viliores, sed cum fundatione æterni ignis appendi curavit ætate nostrâ Jaroslavus primus ex sua stirpe Comes de Martinitz. Sarcophagum gemmeum extruxit Praga Carolus Imperator, quod opus A. 1366. in pervigilio S. Martyris absolvit. Tumbam ex purissimo auro idem augustissimus Cæsar Carolus aureo Principi Wenceslao paravit, in qua cùm 50. & amplius Annis jacuisset, Sigismundus Caroli filius, caussatus belli necessitatem, & extremum religionis periculum, confringi jussit, atque inde Numos aureos procudit ad Militum stipendia, nullo, ut Scriptores observant, operæ pretio, fortunâ abhinc adversâ usus in omnibus bellis. Scripsere S. Wenceslai vitam plurimi, & extat in Surio; Joannes Episcopus Olomucensis diligentius cæteris, Christannus de Scala primus fuit, qui ejus vitam vulgavit; Nos quoque vitam ejus scripsimus brevissimam, quam Clementi IX. Papæ Matthæus Archiepiscopus Pragensis dedicavit. Illud in solatium afflictæ Patriæ dictum esto: eam esse universæ Nationis, ac totius Bohemæ gentis in Divum hunc, dulcem, solidam, & continuam Pietatem, ut ad summam nihil deesse amplius videatur: illius opem universa Bohemia per vetusto illo hymno (quem Ernestum I. Archiepiscopum, non Joannem I. concinnasse Cuthe- nus affirmat) quotidie implorat! illius nomine quàm plurima Tempia consecrat! ad illius sacrum Tumulum, etiam in summa Regni egestate, quidquid pretiosum habet, affigit! illius SS. & Virgineum corpus, omnium ætatum & Ordinum frequentissimis supplicationibus honorat! neque unquam frequentius ullum in Bohemia nomen quàm Wenceslaus & Joannes auditur. Denique nō adjuvet ille, tantum non perimus. Expresit hunc totius Bohemæ dulcem sensum ante annos trecentos propè, carmine, nobilissimus ex Gente nostra Poëta Bohuslaus Lobkovicz ex Procerum familia, quod in Sanctissimi Martyris gloriam, & Lobkovicianæ stirpis honorem adjicio:

BOHUSLAI HASSENSTEINII DE LOBKOWICZ  
AD SANCTUM WENCESLAUM.

**Q**uid facis, ô Columen nostrum, Patriæq; labantis?  
Quid facis atherei lumen, honorque laris?

C 3

Corona aurea, & Clypeoli aurei.

Fundatio  
Altaris S.  
Wenceslai.

Aureum S.  
Wenceslai  
sepulchrum.  
Chanovsky  
in vestigio  
Boh. Pie C.  
3.  
Hagek. Du  
brav. Sc.

Vitæ Scrip-  
tores.  
Affectus  
nostræ gen-  
tis.

S. Wáclav  
we / 2c.  
Cuth. in No-  
tis ad Æne-  
am Sylvium  
in Ernesto.

A. 1400.

Elegia Lin-  
ter opera  
Bohuslai  
Lobkovicz

An



Descriptio  
temporum  
sub Wladi  
slao Rege  
in Boh.

Preces ad  
D. Wence-  
slaum.

An Te forsā habent letheæ obliviaripæ,  
Excidimūsq; animo nos tua turba, tuo?  
Æquoris in medio cur nos Pater optime fessos  
Deseris, assuetum præsidiūq; negas?  
Aspicias? ut tendat piceī frenator Averni  
Mille tuo populo retia, mille plagas,  
Aspice quā latè ventosa superbia regnet?  
Despicit ut fastu cetera cuncta truci?  
Invidiā livent procures cum paupere vulgo,  
Tinctāq; vipereo spicula felle gerunt;  
Detinet ira ferox plebem, vindictāq; votum est  
Omnibus, & magni creditur esse viri.  
Vivitur ex spolijs, nulla est concordia Fratrum,  
Nummus honoratos, egregiosq; facit.  
In miseros passim juvenes, miserāsque puellas,  
Tela pharetratus flammea jactat amor.  
Dicere delicias dominae, gestare corollas,  
Dedecus annosus non putat esse senex.  
Segnities multis, atque otia sola probantur,  
Et gravior stygijs est labor omnis aquis.  
Pluribus est venter curæ, Bacchōq; cibōq;  
Distendi, vitæ præmia summa putant,  
Cretāq; quicquid habet, quicquid Chios aspera vini.  
Sufficit illorum vix satiare gulam.  
Religio nulla est, superi cælūq; putantur  
Fabula, nec pueri jam Phlegethonta timent.  
Hos inter fluctus semper jactamur, & undas,  
Aurāq; nescio quò, lintea nostra vehit.  
Nos inter scopulos agimur moderamine nullo,  
Nec Typhis nobis, nec Palinurus adest.  
Sed tu lentus abes, nec nostra pericula curas,  
Qui spes es nostri, perfugiūq; chori,  
Saucia sunt nobis Erebeis membra sagittis,  
Vulnera nec medicā nostra fovetur ope.  
Te quondam in niveo (si vera est fama) Caballo  
Externas Acies, Dive, fugasse ferunt.  
Terrenas acies, terrenāq; castra fugare  
Si potes, hos hostes nunc quoque pelle, precor!  
Detege Tartarei fraudem serpentis, & astum,  
Detege conatus, insidiāsque suas!

B. Pod  
ceslai  
eor

P Od  
lib  
ver  
caussa int  
scopo com  
nesque  
culum e  
apud vet  
& confor  
Vences  
vit; tan  
que suæ  
simam ca  
gladio, a  
bus præci

Te



*Te pietas moveat, te denique vota tuorum,  
 Te flectant humiles, Dux venerande, preces!  
 Da veram pacem, tranquillâq; tempora nobis,  
 Sit tuba, sint litui, sint fera bella procul!  
 Sit procul omne animi vitium, pestisque recedat  
 Corporis, & mentem si qua venena tenent!  
 Fac curent patriam Proceres, majorque potestas,  
 Rex, qui Pannonici nunc colit arva soli.  
 Pareat imperio populus, mandata Senatûs  
 Observent, nulli noxius esse velit,  
 Vanâque religio, peregrinâque sacra facessant,  
 Agnoscat Latius Pastor ovile suum.  
 Cessent letiferi motus, cessentque tumultus,  
 Per quos jam patriâ corrui omne decus;  
 Sic tua te soboles cunctis venerabitur annis,  
 Et dicet Patrem tempus in omne pium.*

## §. I X.

B. Podivinus Vir Nobilis, & vitâ Sanctus, S. Wenceslai Martyris Achates; Christiani complures, eorûmque liberi infantes ob Fidei causam trucidati, & Sacerdotes in exilium acti præcipites.

**P**odivinum cum S. Martyre Wenceslao inter primos cæsum in *Annalibus Bohemicis* affirmat *Hagecius*; at veteres alia omnia tradunt, convenitque inter eos: diu post cædem S. Wenceslai captum, in optima causâ interiisse; rem, ut gesta est, ex *Christanno*, & *Joanne Olomucensi Episcopo* commemorabo: SS. Wenceslao Duce peremto, tota ejus familia, omnesque Aulici, partim cæsi, partim in *Albim* injecti, & merfi sunt; qui periculum evadere potuerant, in alias terras abiêre; inter hosce *Miles* (quæ vox apud veteres Nobilitatem indicat) *Podivinus* (alijs *Podivven*) *comparticeps* & *consors* (ut loquitur *Christannus*) *universorum operum*, quæ dudum à S. Wenceslao gerebantur, in Germaniam abiit exulatum, diuq; exilium toleravit; tandem pacem Patriæ redditam jam esse ratus, in Patriam redijt, domique suæ sese occultans, hærebat; cûmque aliquando S. Wenceslai indignissimam cædem animo volveret (ut erat ingenij ferocioris) exardescens, arrepto gladio, ad *Domum* cujusdam, qui *Boleslao* necis author fuerat, cujus manibus præcipuè S. Martyrem interfectum esse sciebat, properans, eundem ex-  
 pro-

*Circa A.D.*  
 932.

*Christan. in*  
*Vita S. Wenceslai.*

*Podivinus*  
*summus apud S. Wenceslaum.*



B. Wenceslai Ducis  
sui cædem  
ulciscitur.

Capitur Po-  
divinus.

Nota: Sanctum  
appel-  
lat Podi-  
vinum Chri-  
stianus Bo-  
leslai ipsius  
fratricide fi-  
lius ante  
700. ann.

Virtutes B.  
Podivini.

Miracula in  
B. Podivini  
morte.

Benef. Ca-  
non. Prag.  
l. 4. Chron.

probratâ prius cæde SS. Regis, occidit; Veteris Boleslavia rem esse gestam ostendit, quod sequitur: Podivinus perpetratâ sicarij cæde, sperans evadere se posse, in vicinam silvam contendit; sed Boleslaus continuò facinore cognito cum Apparitoribus silvam circumdedit, illicòque comprehensus Podivinus, laqueo in arbore sublimis necatus est. Quæ sequuntur, ex ipso Christiano exscribo: Grande aliquid dicturus sum, sed ora plurimorum scientium luce clariùs hæc predicant: pependit ibi tribus annis, non avis, non bestia, non ipsa humana carnis assumptio, & putredo in corpus ejus prævaluit, sed more viventis, ungues, & barba excrevit, & capilli ejus usque ad summam caniciem albi effecti sunt. Tandem tadio victus Fratricida (Boleslaus) quia miraculum DEUS ubi vis gentium declarabat, in eodem loco eum humo cooperiri fecit. Sed nec ita opera DEI abscondi potuerunt, quin ad manifestanda populi Sancti sui merita, lumen caeleste noctu à transeuntibus frequentissimè super se pulchrum ejus accensum videretur. Tandiu hoc actum est, donec undecunque advenientes, donaria offerre inciperent, & supra Tumbam sepulti devotionis suæ munera darent, & vita suæ commoda DEO, & occiso illi committerent. Post multum temporis, sublatum est corpus, & translatum cum devotione Clericorum, Virorum, mulierumque devotarum, & positum in Cæmeterio S. Viti ita, ut S. Venceslaus in Ecclesia quidem, & Miles illi foris positus, solâ maceriatâ dividantur. Et hanc illi gloriam fides recta acquisivit, in qua dum advenit, Domino suo fideliter deservivit: nam cum esset universorum dispensator inter tecta S. Venceslai degentium, cunctos penè vernaculos, extremos usque ad cocos ita instruxerat, quod penè nullus Curtesium (Aulicorum) foret, qui Psalmographiam, hymnos canere, vel stylo exarare ignoraret, vel aliquid ad Ecclesiasticum ritum pertinens addisceret. Universos, ceu gnatos proprios amplectens, à cunctis ut Pater, honorabatur. Si quando verò illi Eleemosyna injecta fuisset, in dispendendis decem nummis, ipse pro fidelitate Domini sui addebat quinque; quando videbantur in triginta, vel eò amplius alimenta pauperes distribui, quindecim ille addebat ad numerum. Quapropter & à Deo secundum promissa ejus, Evangelicum audire meruit: Euge serve bone, quia in paucis fuisti fidelis, super multa te constituam; & cum Domino carnali in gaudia omnipotentis Christi meruit intrare manentia sine fine, lucernæque ardentes in Basilica Sanctorum (uterque ubi quiescit) nocte visæ sunt, vocēsque psallentium Angelorum à pluribus inibi audite sunt frequenter.

Haftenus Christianus, quem describere voluit, quòd alium sciam neminem, qui diligentius & cum autoritate majore (quippe eorum temporum proximus) facta Podivini, ac mortem notaverit. Ex quibus Viri Sanctitas, & quantum ei D. Wenceslaus tribuerit, intelligere licet; simul illud, Podivinum, velut Beatum jam illâ ætate cultum fuisse, ideòque prope sepulchrum S. Wenceslai conditum, cui postea Beatam Przibislavam S. Wenceslai

Joro-



rorem Canonici adiecere, ut vel ex socia Sanctissima Matrona noscatur ab ijs, qui de Podivino nihil legerunt. Traditum est ab antiquitate & illud: dum infelici arbori alligatus esset Podivinus, omnes Boleslaviensis silvæ arbores, certatim ei honorem habuisse, & inclinasse vertices; in qua cultus significatione hodièque, ut videmus, perseverant. Cosmam quoque vetustissimum scriptorem audiamus: An. 1124. Meinhardus Pragensis Episcopus reperit ossa B. Podivini (ita disertè scribit, qui tum vivebat Cosmas) Boleslavia post Ducem suum S. Wenceslaum occisi, eaque condit humi in Capella, quæ est sub terra inter Altare S. Nicolai Episcopi, & tumulum Episcopi Jaromiri. At tum Ecclesia Pragensis conderetur, eadem sacra ossa alium in locum sunt translata.

Cosmas l. 3.  
hist. Boh.

Translatio  
S. Corporis

Annno 1367. ait Beneficius Canonicus Pragensis, Beata Præzibislava, & B. Podivini corpora sepulta sunt in Ecclesia Pragensi, sed extra Sacellum B. Martyris Wenceslai. Vide quæ, cum de B. Præzibislava ageremus, dicta sunt.

Neque inhumana feritas Drahomiræ, & Satellitum ejus Podivini cæle conquievit, sed plurimos alios, cæso Wenceslao adjecit Christianos, ut SS. Martyr magno comitatu Cælos intraret; Christannum eorum temporum proximum audiamus: Idem S. Martyris necatores, ei, quem usque ad mortem persecuti sunt, nec mortuo parcere cupientes, cursu rapido Civitatem Pragensem adeunt, & omnes amicos ejus (scilicet S. Wenceslai) quos bonos bono adhæsisse credimus, diversâ, & crudeli morte perimunt, & infantes eorum vivos in profundo fluvij Vltaviæ demerserunt: quos quia participes fuerunt passionis, credimus & effectos esse gloriæ, & eorum numerum, & nomina, licet nos indigni præ multitudinem eorum nesciamus, tamen DEUM scire, & elegisse verè credimus. De Clericis verò hæc habet idem Scriptor: Adunaverat autem Vir Beatus, dum adhuc viveret, Clericorum non minimam multitudinem, & servorum Dei, quos persecutores S. Martyris adeo persecuti sunt, ut vix in Patria aliquis eorum remaneret, ut verè in hoc impletum cerneremus, quod de Domino specialius prædictum cognoscimus: percutè pastorem, & dispergentur oves Gregis.

Christan. l.  
cit.

Martyres  
plurimi cū  
S. Wenceslao

Notandum

## §. X.

## S. Vitus Martyr Patronus Regni Bohemiæ.

Vitus admodum puer, infans Patre, baptizatus est: quod cum illerescivisset, nihil prætermisit, quo filium à Christiana pietate removeret, qua in voluntate permanentem Valeriano Judici verberibus castigandum tradidit. Sed nihilominus in sententia persistens, Patri redditus est. Dum verò eum pater gravius punire cogitat, Vitus Angeli monitu, comitibus Modesto, atque Crescentiâ ejus educatoribus, migrat in alienas terras. Ibi eam sanctitatis laudem adeptus est, ut ejus famâ ad Diocletianum perlata, ipsum

Ex lectioni-  
bus Brevia-  
rij Romani.



Mors S. Mar-  
tyris Viti.

S. Viti Bra-  
chium im-  
petrat S.

Wencesla-  
us cum mi-  
raculo.

Joann. Epi-  
sco: Olom.  
in vita S.  
Wenceslai.

Beneff: Can-  
Prag. l. 4.  
Chron.

S. Viti cor-  
pus à Caro-  
lo IV. Pragā  
allatum.

Silo. in Pa-  
rallelis Al-  
fonfinis L.  
2. N. 4.

De Sancto-  
rum corpo-  
ribus certa-  
mina.

ipsum Imperator accerferet, ut filiam suam à dæmone vexatam liberaret. Quâ liberatâ, cum ei amplissimis præmijs ingratus Imperator, ut Deos cole-  
ret, persuadere non potuisset, unâ cum *Modesto & Crescentia* vinculis con-  
strictum, mittit in carcerem. Quos ubi constantiores esse comperit, demit-  
ti iubet in ingens vas liquato plumbo, ferventi resinâ, ac pice plenum, in quo,  
cum, trium Hebræorum puerorū more, divinos hymnos canerent, inde ere-  
pti leoni objiciuntur, qui prosternens se eorum pedes lambebat. Quare irâ  
inflammatus *Imperator*, quod multitudinem videbat miraculo commoveri  
eos in catasta sterni jubet, & itâ cædi eorum membra, atque ossa divelli. Quo  
tempore tonitrua, fulgura, magnique terræ motus fuere, quibus templa Deo-  
rum corruerunt, & multi oppressi sunt. Eorum reliquias *Florentia* nobili  
femina ungentis conditas honorificè sepelivit: *Brachium S. Viti S. Wence-  
slaus* Dux, primus intulit *Bohemiæ* ab *Henrico Aucupe* Ottonis Magni Patre  
*Merseburgi* acceptum, cœlesti miraculo admonitus; nam, ut scribit *Joanne  
Epis:* cum aperto scrinio reliquiarum sacrarum, quæreretur joco *Henricus*: qui  
exijs cum *Wenceslao* proficisci vellet? *Brachium S. Viti Wenceslao* sponte  
annuit, & se asportari velle indicavit; cujus Sancti honori Ecclesiam postea  
*Metropolitanam* fundavit idem Sanctissimus Martyr *Wenceslaus*. Ossa S.  
*Viti Carolus* Rex noster A: 1356. Ticino, seu Papiâ, impetrata, eadem in æd  
Pragenſi locavit. Extat Tractatus *Caroli* augustâ manu scriptus, quo proba-  
tur S. Viti corpus non *Florentiæ*, alibi, sed *Papiæ à Regibus Longobardorum* il-  
latum, jacuisse, cui ego (tam curioso istiusmodi rerum Imperatori) plus ni-  
mirum fidei tribuendum esse existimo, quâ conjecturis sæpe ex jactatione na-  
tionum ortum habentibus; quanquam disputare, & dubitare de *S. Viti* no-  
stri corpore nemo prudens potest, cum & ex *Corbejano Canobio brachium*, &  
ex *Ticinensi urbe* ipsa corpus habeamus. Cæterum Lectores ignorare non  
possunt vetera de Sanctorum corporibus Urbium, & Ecclesiarum certamina  
ut de *S. Benedicti* corpore, de *S. Dionysio Areopagita*, quod in *Gallia*, & simul  
*Ratisbonæ* quiescere jactatur, de *S. Adalberto* *Pragæ & Gnesnæ*, aliisque per  
multis. De *S. Viti* corpore sub *Pipino* Rege Francorum furtim à *Fulrado Ab-  
bate Gallo* Româ ablato, & ex latebris primùm An. 836. prolato, & in Cœ-  
nobium novæ *Corbejæ* per *Abbatem Warinum* deportato, ac multis miracu-  
lis illustrato, longa est in *Chronico Corbejensi* (quod *Henricus Meibomius* edi-  
dit) narratio. Ego nihil ausim definire; consulantur, qui ista ex professi-  
tractabunt; interim legatur suprâ laudata *Caroli IV.* tractatio, præsertim *Epi-  
stola* ejusdem ad Archiepiscopum, Præpositum, Decanum, & Capitulum  
Ecclesiæ Pragenſis, cujus exordium est: *Oriens ex alto*, quam *Pessina* in suo  
*Phosphoro*, & ante eum *Pontanus in Bohemia Pia* recitavit; quâ Epistolâ *Ca-  
rolus IV.* docuit, Inclitum *Lombardorum Regem Astulphum* nomine, ab An-  
nis 800. circiter (longè scilicet ante *Corbejæ* foundationem) corpus & caput S.

Viti



Viri attulisse *Ticinum*, idque testimonijs, & sigillis Episcopi, Abbatum, & Civitatis *Papiensis* confirmat. Passus est Martyr sanctissimus in *Lucania A.* C. 303. 15. Julij. S. *Viri Martyris* ossa fatalia esse Imperio Romano-germanico, & quò sacrum ejus corpus transfertur, eò transferri Imperia docuit, & probavit exemplis Illustrissimus *Cardinalis Baronius*.

*Ricciol. in  
Chron. Ref.  
T. IV. tit. 2.*

*In An. Eccl.*

## §. X I.

S. Sigismundus Martyr Patronus Regni Bohe-  
miæ.

**S**igismundus *Burgundia* Rex, quam à *B. Avito Viennensi* Episcopo pietatem hauserat, egregiè excoluit. Charitate in pauperes, vitæ abstinentiâ, demissione animi, omni denique virtutum genere, sed præsertim religione in DEUM, veneratione in Sanctos, illustris fuit. Inter cæteros, *Thebæos Martyres*, eorumque Ducem *Mauritium* mirificè coluit, quorum *Agaunense* templum, ubi eorum sacra Corpora servabantur, & Monasterium injuriâ temporum penè desertum, non modò restituit, sed magnificentius etiam exstructum, Monachorumque numero auctum amplissimis redditibus locupletavit. Ad horum Martyrum tumulum cum frequenter accederet, illud rogare in primis consueverat, ut in eorum Societatem ipsis exorantibus à DEO reciperetur. Hoc ipso in templo, dum preces funderet, monitus ab *Angelo* divinitus est, ut quod cœlestium chori ipso audiente mox erant facturi, monachos ad psalmos alternis versiculis decantandos hortaretur. Denique *Syagrii* filij necem, quam novercæ dolo, atque impulsu illi intulerat, hoc eodem in loco ad Sanctorum Martyrum tumulum provolutus, uberrimè deflevit, veniamque à Domino ipsis deprecatoribus impetravit. Interim cum in *Burgundiam Franci* irrupissent, *Sigismundus* unà cum *Gondemaro* fratre illis occurrit. Fusus ab hostibus, cum ad *Agaunense* Monasterium, quasi in portum confugisset, prodeuntibus suis, in *Clodomiri* potestatem venit. Abductus ejusdem jussu in Gallias, atque in carcerem primò conjectus, mox etiam in puteum unà cum uxore & liberis præceps est datus. Sacri corporis reliquiæ post triennium ad *Agaunense* templum delatæ sunt, quas *Carolus IV.* Romanorum Imperator, & *Bohemiæ* Rex, qui totâ Europâ Sanctorum Corporum reliquias quærebat, sagaciter, cum locus sepulchri ignoraretur, manuscripto Codice veteri prolato, invênit *Agauni & Pragæ* die S. Augustini An. 1365. summâ omnium ordinum frequentiâ, & pietate intulit, quod continuò innumeris cœpit clarere miraculis, de quibus, ut ait, *Benessius de Weitmil, specialis tractatus in Ecclesia Pragensi servatur*. Constat ex Scriptoribus ejus temporis *Filium* Anno Ch. 1368. in quarto *Caroli* connubio à S. Martyre impetratum esse, ideòque *Sigismundi* nomen accepisse, idque Cæ-

*Ex Lectio:  
Brev. Bohemici.*

*S. Sigismundi cœlestes Virtutes.*

*Cædes S. Sigismundi.*

*Vide Epit. nostram.  
Translatio Pragæ.  
Beness. l. 4.  
Chron.  
Epit. l. 3. c. 21.*







ur, delibuti, vel aquâ ab illo benedictâ degustatâ, optatam illico incolumi-  
 atem receperunt. Idem prophetico Spiritu *S. Henricum* Imperij gubernam-  
 ula suscepturum, fratrem ipsius *Brunonem* ad Episcopatum promotum iri,  
 triusque *Sororem* Abbatissam fore, aliâque consequentibus annis eventura  
 prædixit. Neque rerum suarum nescius, cum sex & viginti annis in seduli  
 astoris munere peractis, sibi extremum imminere diem cerneret, quæ sibi  
 usitata liberalitate supererant, omnia in cœli Gazophylacium, per manus  
 pauperum præmisit, sacræq; Eucharistiæ viatico ritè præmunitus, in ipso *S.*  
*Othmari* Oratorio, beatam animam DEO reddidit. Hactenus *Breviarij*  
*Bohemici* Lectiones; ex quibus merita *S. Wolfgangi* in nos satis apparent:  
 quod *Antistes* Noster fuerit, *Bohemiâ* ad *Ratisbonensem* *Diœcesim* primis ejus  
 temporibus spectante; quod, ut Præsulem suum haberet *Bohemia*, villis tan-  
 tum pauculis, quæ ad *Ratisbonensem* *Episcopatum* spectarent, gratuito acce-  
 ptis, libens concesserit; his adde: perpetuum Divi *Wolfgangi* etiam ante E-  
 piscopatam in *Bohemos* amorem. Tradunt *Einsidlensium* Abbatum me-  
 moriæ: *S. Virum*, cum Monasticen adhuc ibidem profiteretur, *Evangelii*  
*Christi Bohemis* (quorum pars magna id temporis falsos Deos colebat)  
 prædicasse. Disertè *Raderus* noster ex *Aventino*, *Hundio*, *Annalibus* *Hel-*  
*veticis*, omnem *Bohemiâ* peragrasse *S. Wolffgangum* affirmat. Ac sanè ne-  
 scio, an tum, an postea jam *Præsul*, vestigia illa saxi imprefferit, quæ in rupe  
 super *Chudienicum* in *Provincia* *Plsnensi* hodièque visuntur; *Wolfanek* Vi-  
 cinia Ecclesiam illam opere insigni exstructam appellat, vestigia *S. Wolfgan-*  
*gi* (quæ pijs osculis adorant peregrini) fornice tegentem, & mœnibus ambi-  
 entem. Quidquid rusticæ plebis est à pluribus milliaribus eò confluit, &  
 locum traditâ pet manus à Majoribus pietate venerantur, certumque rerum  
 suarum in *S. Wolfgango* præsidium repositum habent, vix unquam suâ spe  
 delusi. Observatum illud est in ea *S. Wolfgangi* Ecclesia, omnia, quæ alias  
 molesta sunt homini animalia, innoxia esse, ac pulices ipsos parcere morsi-  
 bus, quod tota illa vicinia narrat. *Czerniniorum* illustrissimam gentem (cu-  
 jus auxilijs potissimum hoc Templum surrexit) *S. Wolfgangus* eò loci, ut  
 exemplis probari potest, servat de cœlo; admirandum est, & fidelissimo au-  
 thoritatis testimonio munitum, quod in Testamento *Illustrissimi* *Comitis*  
*Hermanni Czerninij* qui An. 1651. 6. Febr. decessit, ante aliquot annos lege-  
 re memini: *Humberto Czerninio* loci Domino sanissimo & nihil morbi pas-  
 so, An. 1600. Angelum apparuisse, qui post triduum moriturum admone-  
 ret, in hac Ecclesia *S. Wolfgangi* ritu Catholico peccata confiteri, *SS. Eucharis-*  
*tiæ* viaticum sumere, & domui suæ disponere; fecit, & prædictioni respon-  
 dit eventus. Porro *Antistes* sanctissimus vitâ excessit 31. Octobr. A. 799.

Mors.

S. Wolfgā-  
gus Apосто-  
lus Bohem.M. S. Cle-  
ment. Pra-  
gensis Colle-  
gij.Rader. in  
Bav. sancta  
in S. Wolfg.Epit. Boh.  
l. 2. c. 9.Ejus Eccle-  
sia mirabi-  
lis apud nosCzerninio-  
rum Chu-  
denicij Pa-  
tronus.





## §. XIII.

B. Milada, vel Mlada (quam Joannes Papa Mariam vocavit) prima Antistes Parthenonis Ordinis S. Benedicti ad S. Georgium Pragæ.

In Epitome  
l. 2. C. 6.

B. Miladæ  
merita in  
Bohemiam

In Cœnobij  
Boh.

Cruger. in  
Pulverib.  
sacris ad 9.  
Febr.  
Beatæ titu-  
lus.

Bolland. T.  
3. Martij  
ad 28. in  
Prætermis.

**P**Ridem notavi iummam fuisse *Boleslao Sævo* quantumvis fratricidæ in liberis fælicitatem; ex ijs *Mlada*, vel *Milada* filia, *S. Wenceslai* Martyris neptis, quam pater jam frugi redditus, latinis literis, ac deinde sacrarum Scripturarum notitiâ ad sæculi miraculum in *Ratisbonensi Parthenone* exultam, & innubem (quod ipsa unice cupiebat) reliquit. *Romam* mortuo Patre profecta, ab ipso Pontifice *Joanne XIII.* velo injecto, inter *S. Benedicti* Vestales novo *Mariæ* nomine imposito, consecrata est *Romæ* An. D. 971. Ibi dum *Maria* moratur, immortalis beneficio universam gentem suam affecit, & pro fratre suo *Boleslao Pio* Legatione functa, *Bohemis* Episcopum impetravit, & Apostolicas literas, quibus *Ecclesia Pragensis* (quam Pontifex *Ecclesiam SS. Viti, ac Wenceslai Martyrum* disertè vocat) in Episcopalem erigebatur; addidit alias preces *Maria*, ut Cœnobium Virgineum, ubi vellet, fundare liceret; fundavit illud Pragæ, & ex Principali sua hæreditate dotavit, ejusque Cœnobij (quod lectissimis Virginibus *Bohemis* implevit) prima Antistita (*Abbatissam* vocant) evasit; sed de hoc Cœnobio alius describendi locus. *Maria* postquam omnibus virtutum exemplis Alumnas & Amatas suas magis quàm imperio rexisset, ad DEUM in æternitate temporum laudandum, quò illam sua merita vocabant, evolavit in cœlum, annis, & gratijs cœlestibus plenissima. A. C. 994. 9. Februarij mortuam, anno notat *Crugerius*, at vetus *Breviarium* illius Parthenonis, 8. diem Februarij quo decesserit *Milada*, sinè dubio probabiliùs, consignat; *Beata* titulum omnis retro antiquitas *Milada* tribuit, ipsùmque etiam altius ab humo elatum in Sacratio B. *Annæ* sepulchrum loquebatur, quod ignorantia præcipiti, & supervacua Religionis curâ, nostrâ ætate quidam, humiliari, & deprimi, titulum etiam *Beata* extrito (quasi contra sacros Canones id statutum, & incisum esset) jusserunt; cùm disertè *Urbanum VIII.* Divis ab immemorabili temporis cultis (quod est centum annorum) nihil se præjudicare velle in iisdem Apostolicis literis contestetur. Vide *Epistolam* pro defensione cultus B. *Joannis Nepomuceni*, quam ejus Vitæ præfiximus. Quæ causâ verò sit, cur B. *Maria* vel *Miladam* in basilico illo, & cœlesti opere, quod Sanctorum gesta complectitur, *Bollandus*, ejusque Socij, Fastis suis non adscripserint, facile intelligimus, quòd videlicet diem obitus, & cultus ignorarent; ipsa eorum verba recitabo: *Milada seu Mlada Boleslai Ducis Bohemiæ filia refertur à Wion. L. 4. Ligni Vitæ C. 24. inter sanctas Benedictinas Regum filias, non indicato die obiti*



ortus. Hanc *Arthurus à Munstier in Gynæceo sacro cum Titulo Sanctæ* hoc  
*retulit. Dubravius l. 6. hist. Bohemica* appellat *virginitate & religione con-*  
*secratam. Æneas Silvius in hist. Bohem. C. 16. ab eruditione laudat: Pont-*  
*ns in Boh. Pia l. 4. Beatam* appellat. *Ceterum si venerationem aliquam Ec-*  
*clesiasticam haberet, diem hi indicassent, neque omisissent suis Martyrologijs in-*  
*scribere Benedictini, maxime qui ultimò in Germania scripsit, qui dum in Ger-*  
*mania sacra egit de S. Georgij Monasterio ab ea Praga constructo, Beatam etiam*  
*apellat, & magna cum opinione sanctitatis ad celos evolasse ait. Hæc*  
*aud Bollandum. Ego hisce oculis in vetustissimo S. Georgij Codice Missa-*  
*li me legisse memini 8. Februarij Commemoratio B. Miladæ. Postremum*  
*Germaniæ sacræ Scriptorem diem omisisse nihil miror, cum in Cœnobijs*  
*Bohemiciæ (ut in Cœnobijs DEO dante demonstrabimus) describendis neg-*  
*ligentissimè sit versatus. Nihilominus (ut animi mei sensum de Miladæ*  
*periam) ita comperio: Beatæ titulum ab antiquitate illi esse tributum; at*  
*cultum publicum non habuisse.*

Cur omiffa  
 in Basilico  
 opere San-  
 ctorum.

Buc.

dies mortis

## §. XIV.

S. Adalbertus, Pragensis Episcopus, & Martyr,  
Patronus Bohemiæ.

**V**itam SS. Præfulis, & Christi Martyris *Adalberti*, plurimi conscri-  
 pterunt; diversas misi in Belgium Vitis Sanctorum à R. P. *Daniele*  
*Papebrochio* inferendas. In hac brevitate proposita, placet Lectio-  
 nes *Vetusti Breviarij Pragensis* exscribere, non enim majore autoritate quid-  
 quam à me confici potest: *Adalbertus* nobilissimo genere ortus, cum gra-  
 viter adhuc infans ægrotaret, *Beatissimæ Virginis* ope, cui illum Parentes de-  
 roverant, ejusdem aræ admotus mirè convaluit. Missus *Magdeburgum*  
 ad liberales hauriendas disciplinas, cum præstaret ingenio, magnos in iisdem  
 progressus habuit. Reversus ad suos *Ditmaro* demortuo, summo omnium  
 consensu *Episcopus Pragensis* creatur, quo in munere, dum verbo, & exem-  
 plo gregem pascit, omnes optimi Antistitis partes implevit. Non respon-  
 dit labori fructus. Itaque cum se nihil proficere animadverteret, *Hierosoly-*  
*mam* petiturus *Romam* venit. Digressus inde ad *Cassinense* Monasterium,  
 longioris peregrinationis abjecto consilio, *Beati Nili* monitu ad Urbem re-  
 diens, ad *S. Bonifacium* monachus efficitur. Quinquennium ibi incredibili  
 pietate, ac religione cum egisset, missa ad *Summum Pontificem* legatione in  
*Bohemiam* revocatur. Jussus reverti, paruit; sed cum populus ab ingenio  
 non recederet, ad Monasterium, unde discesserat, remigravit. Nec diu qui-  
 escere ibidem potuit. *Ottone III. Romam* adveniente, cum *Moguntinus*  
*Antistes* illum repeteret, iterum discedere cogitur; Sed rejectus à suis, pijs,  
 quos

A. C. 997.

Ex Lectio:  
 M. S. Brev:  
 Prag.

Historia vi-  
 ta.



quos proximè in *Polonia*, priùs verò in *Hungaria* fidei causâ, susceperat laboribus, minimè contentus, quod à *Summo Pontifice* impetraverat, ad gentes quæ *Christum* non noverant, lucrificiendas animum adjecit. Vix in *Prusiam* venerat, cùm malè acceptus ab incolis, mox etiam ab iisdem est interfectus. Corpus à *Boleslao Poloniae Duce* æquali auri pondere redemptum fuit, quod demum *Pragam* translatum ibidem religiosissimè colitur. Hæc ætate vetus *Breviarium Ecclesiæ Pragensis*. Quanto verò amore etiam nunc in cœlis gentem suam prosequatur *Adalbertus*, multa demonstrant. *Adalberto* tota *Bohemiæ* antiquitas singulare illud adscribit, quòd leprosum etiam à dæmone obsessis *Bohemia* careat; eidem attributa est cœlestis victoria, quam *Dux Sobieslaus de Lothario Cæsare* clarissimam reportavit. Itaque 1126. cùm Patris sui vexillum in acie *S. Adalbertus* explicari iussisset. Itaque 1260. cùm spectabilis super *Bohemorum* aciem stetit.

Habet *Ecclesia Pragensis Metropolitana* divisa à cætero corpore aliquo Sanctorum capita, auro, argento, & monilibus inclusa ad venerationem, & solatium Fidelium, ut *S. Venceslai*, *S. Stanislai Cracoviensis* &c. inter ea *S. Adalberti* caput est, quod An. 1142. amissum in *Ecclesie S. Viti* conflagratione An. 1146. repertum est; hoc indicat *Ecclesie Pragensis* vetus Martyrologium, quod diem inventionis ejus velut lætissimi thesauri posteris congnavit; ita enim legimus: 4. Idus Octobris Inventio Capitis *S. Adalberti*. Satis jejunè, & aridè, neque tempore, & Anno, neque causâ, & loco, quod id contigit, indicato; sed ante *Hussitica* tempora contigisse, necessum est, cum ipsum Martyrologium descriptum sit à *Wenceslao* dicto *Kysselo* An. 1407. Porro *Sanctum Adalbertum*, exemplo *S. Wolfgangi* tum in recentiori profecisse, atq; ejus imitatione (ut fecerat nuper *S. Wolfgangus*, qui relicto Episcopatu in solitudinem sese abdiderat, in eâque quinquennio delituerat) imitatum egisse *Adalbertum*, faciliè quisquis *Raderum* nostrum legerit, intelliget Cæsum esse *S. Adalbertum* An. C. 997. 23. Apr. Ricciolius tradit; Baronius annum ponit 999. Bollandus in divino illo opere de Sanctis, invictò argumento demonstrat, vera Ricciolum tradidisse.

§. XV.

Quinque Sancti Martyres, S. Adalberti fratres uterini, totaque Civitas Libicensis odio Religionis ferro & igne deleta.

**A**Nno Christi: 995. Wrssovicenses Dynastæ, cæterique in Bohemi  
idolorum cultores, odium, quo in Sanctum Adalbertum Præfuler  
ferebantur, absente eo Romæ, in fratres vertunt: Libicense igitur in  
Bohemia oppidum, arcemque (quæ ditio erat Fratrum SS. Præfulis natalis  
inob

Beneficia æ  
terna S. Ad-  
alberti in  
Bohemos.

Hagekin  
Annal. Bob  
ad A. 1126.

*Vide Epit.*  
*l. 3. C. 10.*

S. Adalber  
tus S. Wolf  
gangū imi-  
tatur in de-  
ferendo E-  
piscopatu.

Rad. in Ba-  
varia S. in  
S. Wolfgan:  
Ricci: Chro:  
refor. tit. 2.

Vita SS. ad  
14. Febr. in  
Vita S. Brun-  
nonis.

*Epit. hist.*  
*l. 2. C<sub>13</sub>.*

An. 995.

Cædes SS.  
Martyrum.



isto die, cum omnes incolæ in Ecclesia Beatissima Virginis sacris interessent, observati occupant, & quinque germanos S. Adalberti fratres, odio SS. Regionis, unâ cum eorum parvis prolibus, & omnibus Incolis Libicensibus crudelissimè necant, & insepultos abjiciunt, ipsûmque oppidum exurunt. hæc ex Cosma, Pulkava, Miechovio, Dubravio, Paprocio. Ob religionem Christianam hos omnes necatos esse, tota Antiquitas Bohemica consentit. n. 1216. B. Andreas Episcopus Pragensis Vir Sanctissimus, de Summi Pontificis, cui charissimus erat, licentia, eorum sacra corpora, summâ veneratione, totiusq; Cleri, ac Populi Pragensis supplicatione, Libicio Pragæ translat, ac in Ecclesia S. Georgij in Arce Pragensi in ipsum altare velut Sanctos Martyres inclusit, quæ erat eorum temporum canonizatio, ut ostendit Cardinalis Baronius. Celebratur eorum memoria 16. Aprilis. Major controversia est de eorum sacris nominibus. Cosmas antiquissimus nominat: Sobieborum, Spitimirum, Bohuslaum, Boreum, & Czaslaum. Pulkava habet: Wseborum, Spitimirum, Bohuslaum, Borzitam, & Czaslaum. Miechovius: Sobieborum, Spitimirum, Sodroslaum, Zymislam, & Czaslaum; Dubravius cum Pulkava convenit, sed pro Bohuslao Przibislaum, pro Boreio Borzitam obtrudit. In Spitimiro itaque, Czaslao, & Sobieboro, seu Wseboro, omnes conveniunt; Bohuslaum (præter unum Dubravium) omnes agnoscunt, qui Miechovio est Sodroslaus; Boreko seu Borzita unus Miechovius supponit Zymislam.

Porro grande miraculum, quod eorum funus, in duobus locis (Romæ & Libicij) positus S. Adalbertus procurarit, omnes Bohemi, & Poloni Scriptores uno ore testantur. Extremum illud, licet ad humanam, & hujus ævii gloriam adjicio: hosce SS. Martyres, eorumq; germanum fratrem S. Adalbertum, nobilissimo (Imperatorio scilicet & regio) genere ortos esse: nam Lavnik in primis, Pater S. Adalberti, ex Henrici Aucupis Imperatoris (ex Saxonica Domo) sorore, aut filia natus est, ut nostri Scriptores consentiunt; t verò Strzezyslavva, seu Ssriestislavva Mater, S. Venceslai Ducis Bohemice neptis fuit, adeoque meritò Christannus de Skala Boleslai sævi filius, Adalbertum nepotem suum appellat. Sed hæc suo tempore ac loco diligentius examinabimus, & enucleatè discutiemus.

## §. XVI.

Alij Quinque SS. Martyres in Polonia passi, quos S. Adalberti fratres Ordinis, appellant.

Temporibus Henrici Imperatoris, qui post Ottonem III. rexit Romanum Imperium, in Polonia, ob professionem Christianæ paupertatis, passi sunt quinque fratres: Benedictus, Joannes, Mathæus, Isa-

E

ac,

Cosm. in hi:

Bohem.

Pulk. C. 23.

Miech. l. 2.

hist. Pol. c. 8

Dubra. l. 6.

Paproc. in

spec. Mor:

Translatio

Baron. in

Annal. Ec:

ad A. 1027.

Canonism

sanctitatis.

Nomina.

Albr. Bz-

in Notis. ad

vit. S. Adal-

berti: &amp; in vi-

ta S. Ceslai.

Hag: Dubr:

Chanovsky.

Boleluc: &amp; c

Chanov. in

Vest. Bohe.

Pie.

Christ. in

vita S. Lud

milla.

A.C. 1005.

Ex Bre. Po-

lon: Bohem.

Morav:



Virtutes SS  
Fratrum.

Barnabas  
absens Mar-  
tyrij Coro-  
nā amittit.

Translatio  
eorum in  
Bohemiam

Bohemi fu-  
ere natione

ac, & *Christinus*. Hi Sanctum *Adalbertum* Romā ex monasterio *S. Alexi*  
Pragam, & inde in Poloniā comitati, primū religiosam vitam duxerun  
Prage in Templo *S. Joannis in Insula*. deinde in *Polonia* majore, in Ere  
quadam à *S. Adalberto* illis assignatā prope *Casimiriam*, ubi casis, quæ singu  
los caperent, ædificatis, mutuum etiam alloquium fugiebant, solis cœlesti  
bus intenti. Abstinentiā singulari eorum alij bis per hebdomadam cibum  
sumebant, alij semel duntaxat, oleribus & aquæ potu contenti, ad quæ in so  
lo Paschatis festo aliquid leguminum admittebant. Veste utebantur cil  
cinā ex equinis fetis; lectus erat humus, & lapis cervical, neque somno ni  
modico utebantur, pernoctantes in oratione DEI. Moris illis erat, post de  
cantatam *Primam*, denudato dorso humi se prosternere, & acriter unum a  
altero in dies flagellari. Cū autem placuisset DEO, fratrum innocentiar  
suā mercede remunerari, admirabili modo disposuit eis martyrij coronam  
Dux enim Polonorum *Boleslaus Chabrus Mestislai* filius, pius Princeps, fr  
tres invisit, ut eorum orationibus, se & Provinciam commendaret, & vi  
eorum inopiā centum eis marcas argenti elargitur. Fratres visā pecuniā, p  
*Barnabam*, qui eis sextus erat socius, & onus procurationis rerum extern  
rum sustinebat, remittunt pecuniam ad *Ducem*, suā paupertate ob Christi  
amorem contenti. In hoc igitur rerum omnium terrestrium contemtu, pra  
ter spem invenerunt cœlestes thesauros. Dum enim abesset *Barnabas*, p  
mā noctis vigiliā sanctos Fratres divinis laudibus vacantes opprimunt latro  
nes, & è casis extractos invadunt, ac strictis gladijs intentant mortem, nisi p  
cunias à Duce acceptas tradant; quas quia *Duci* relatas affirmabant, cupic  
tate in rabiem versā, alligant singulos palis, & ignibus ad latera admo  
urunt, cultrisque pungunt; deinde rotæ adstrictos diutissimè verberant,  
totam noctem consumunt in crudelissimo supplicio innocentium paup  
rum, ac tandem jugulant. Passi sunt Anno salutis millesimo, & quinto,  
pridie Idus Novembris, & ab eodem *Boleslao* sepulti *Casimiria*. Deinde  
autem post annos triginta, & quatuor, à vigesimo primo *Bohemia* Duce *Br  
tislao*, subactā Poloniā, & Episcopo *Bohemiae Severo* premisis jejunijs,  
Christianæ fidei, ac morum publicis juramentis, unā cum *S. Adalberti*, &  
*S. Gaudenij* ejus Fratris corporibus, qui *Gnesna* in Beatæ Virginis Temp  
quiescebant, & Cruce, ac tabulis aureis, aliisque pretiosis donarijs in *Bohem  
am* translata, & in Ecclesijs *Arcis Pragensis* reposita sunt, summā totius Regi  
lætitia, & populorum accursu. Nomina Sanctorum quinque Martyrum  
hæc sunt: *Benedictus*, *Matthæus*, *Joannes*, *Isaac*, *Christinus*; servant  
eorum sacra lipsana *Veteroboleslavia*, præter *S. Christinum*, qui *Moravia* p  
datus, cujus sacrum corpus vidisse se argenteā thecā inclusum in Ecclesia C  
thedrali *Olomucensi*, initio prioris sæculi, testatur *Miechovius*. An ex  
disciplina *S. Benedicti*, an *S. Romualdi* prodierint, & cujus gentis, in *Epitome*  
*Hip*



historica disputatum est. Bohemos gente fuisse, *Martinus Bielsky Polonus* affirmat. Colitur eorum festus dies ritu duplici, Divino officio, & sacris, per totam *Poloniam, Bohemiam, Moraviam, Silesiam*, 12. Mensis Novembris.

*Bielsky in Chr. Regni Poloniae edito Polonicè A. 1590.*

## §. XVII.

## Prostivojus Apostolicus Sacerdos, odio Christi necatus.

Nullis Idololatriæ apud *Bohemos* confinijis, cum nova Evangelij lux jam universam *Bohemiæ* perstringere cœpisset, cultores dæmonum, ut cadentē stultitiam suam, & aniles, & irrisas superstitiones defenderent, omnem operam dederunt, atque ubiubi poterant, *Sacerdotes* maximè, ulciscantur: A. 992. *Prostivojus* qui Apostolorum exemplo (ut Christi regnum roferret) *Bohemiæ* percurfabat, ab *Hrabodoio Wr̃sovicensi* (hæc enim gens ultima ex nobilitate *Bohemiæ* Christum agnovit) ad Villam *Lubocz* excetus insidijs, odio Christianæ Religionis, crudeliter exquisitis supplicijs necatur; *Virum Sanctissimum* fuisse *Prostivojum*, & in causa Christi, quem prædicabat, perijsse, *Cosmas* eorum temporum vicinus, affirmat; plura de ejus morte habet *Hagecius*. *Pessina* è collegio Canonorum *S. Viti* Ecclesiæ *Prostivojum* fuisse affirmat, illud certius Ecclesiæ *Parochiali S. Mathiæ Apostoli* in *Hradczano* præfuisse, ob eamq; causam corpus ejus sacrum, non in Ecclesiâ *S. Viti*, sed in *S. Mathiæ* Ecclesiâ *Boleslaus Dux* jussit inferri. Idem optimus Princeps, quanti hanc mortem pro Christo & SS. Religionibus toleratam faceret, satis ostendit, cum in loco cedis (*Ruzinam* castrum inter, & *Pragam*, quæ *Pragâ* *Slanam* iter est, non integro milliari) Ecclesiam *Dei parentis Mariæ, & SS. Fabiani & Sebastiani MM.* nominibus dedicatâ construxit.

A. 992.

Mors Prostivoij.

*Cosmas l. i. hist. Boh. Hag. in Ant. ad A. 992. Pessina in Phosphoro Radio 3.*

In cædis loco Ecclesiæ conditur.

## §. XVIII.

## S. Gaudentius S. Adalberti frater uterinus, Præsul Gnesnensis.

*Sanctus Gaudentius* (*Radim Polonis, & Bohemis*) *Slavonici* Comitiss nepotis *Henrici Aucupis, & Strzezyslava* (ex Ducum *Bohemiæ* prosapia natæ) filius, ter ut ita loquar, *S. Adalberti* frater fuit: quod ex eodem utero prodijt, quod in eadem *S. Benedicti* familia, & quidem in ipsdem Cœnobijis, *Romano, Insulano, Br̃zevnoviensi* religiosus frater vixit, & quod ipsdem omnino moribus sanctissimis vitam transegit, quæ tertia germanitas longè priores duas exsuperat. Hac similitudine virtutum SS. Viro *Adalberto* conciliatus, assiduus comes in tristibus æquè, ac lætis, in *Bohemia, in Italia Ro-*

*S. Gaudentius ter quodammodo S. Adalberti frater.*



An fuerit  
Archiepiscopus:

Sancti titu-  
lus.

Cosmas in  
hist. Boh.

ma, in Gallia Floriaci apud Tumulum S. Benedicti, in Ungaria apud Reges, in Polonia apud MiecZislaum, nunquam à latere fratris nè latum unguem discessit; donec Adalberto in Prussiam ad Christi fidem prædicandam properante, Gnesnæ ejus jussu remanere jussus, Adalberto pro Christo peremto, Præfatus Gaudentius Polonicæ Ecclesiæ salutem indefessè procuravit. Gaudentium Gnesnensem Archiepiscopum faciunt Poloni Scriptores; at ex Baronio nondum Gnesnensem Archiepiscopatum eo tempore fundatum fuisse colligitur. Nihilominus Episcopum Gnesnensem fuisse ex ijs, quæ in Epitome de Dambovka scripsimus, dubitari non potest, idque affirmat Ditmarus L. 4. Chronici, qui tum vivebat. Vitâ sanctissimè, ut fratrem & Martyris, & Religiosi & Præfatis decebat, obitâ, Gnesnæ sepultus, Pragæ, ut Scriptores nostri testantur An. 1040. translatus, & in Sacello SS. Cosmæ, & Damiani composuit, pluribus cœpit miraculis inclarescere, sic ut post aliquot annos Sancti tumulum omnis retro Gaudentio tribuerit Antiquitas; miraculum hominis e carcere Cracoviensi, in quo triennio tenebatur, ope S. Gaudentij apparentis in liberum campum translatis, refert ipse Cosmas oculatus, & auritus testis An. 1060. alias visiones, & lumina, quæ in eadem crypta Custodes Ecclesiæ videre sunt soliti, idem Cosmas insinuat; additque Lampadem ad Sancti Tumulum ab omni antiquitate accendi. Agunt de S. Gaudentio, præter Cosmam, Poloni, Bohemique Scriptores, Miechovius, Cromerus, Hagecius, Dubravius, &c.

## S. XIX.

### S. Henricus Imperator ejus nominis II. Bohemorum defensor.

A. 1024.

Ex Lect.  
Brev. Rom.

Gesta S. Henrici compendioso.

**H**enricus cognomento Pius, è Duce Bavarie Rex Germanie ac postmodum Romanorum Imperator, temporalis Regni non contentus angustijs, pro adipiscenda immortalitatis gloria, sedulam æternæ Regi exhibuit servitutem; adepto enim Imperio, religioni amplificandæ studio incumbens, Ecclesias ab infidelibus destructas, magnificentius reparavit, plurimisque largitionibus, & prædijs locupletavit. Monasteria, aliâ loca pia, vel ipse ædificavit, vel assignatis redditibus auxit. Episcopatum Bambergensem hæreditarijs opibus fundatum, B. Petro, Romanoque Pontifici vectigalem fecit. Benedictum VIII. à quo Imperij Coronam acceperat profugum excepit, suæque sedi restituit. In Cassinensi Monasterio gravi detentus infirmitate, à S. Benedicto insigni miraculo sanatus est. Romanam Ecclesiam amplissimo diplomate muneratus, eidem tuendæ, bellum adversus Græcos suscepit, & Apuliam diu ab illis possessam recuperavit. Nihil enim precibus aggredi solitus, Angelum Domini, Sanctosque Martyres tutelares



pro se pugnantes ante aciem interdum vidit. Divinâ autem protectus  
e, barbaras nationes precibus magis, quàm armis expugnavit. Panno-  
nam adhuc infidelem, traditâ Stephano Regi sorore suâ in uxorem, eoque ba-  
pizato, ad Christi fidem perduxit. Virginitatem raro exemplo matrimo-  
nio junxit, sanctâque Kunegundem conjugem suam propinquis ejus, morti  
proximus illibatam restituit. Denique rebus omnibus, quæ ad Imperij ho-  
norem, & utilitatem pertinebant, summâ prudentiâ dispositis, & illustribus  
pr Galliam, Italiam, Germaniam, religiosæ munificentiae vestigijs passim re-  
litis, postquam heroicæ virtutis suavissimum odorem longè, latèque diffu-  
derat, sanctitate, quàm sceptro clarior, ad Regni cœlestis præmia, consum-  
matis vitæ laboribus, à Domino vocatus est Anno salutis 1024. cujus corpus  
in Ecclesia Beatorum Petri & Pauli Bambergæ conditum fuit, statimque ad  
eius tumulum multa miracula Deo ipsû glorificante, patrata sunt, quibus po-  
tente ritè probatis, Eugenius III. Sanctorum numero illum adscripsit.

At quo merito inter Divos Bohemiæ numeretur Henricus, operæ pre-  
sum erit cognoscere: Boleslaus Chrabry vel Chobry cognomento Polonia  
lex, posteaquam Boleslaum III. fratruelem suum Bohemiæ Ducem, contra  
idem datam excacasset, eâque opportunitate post An. C. 1002. Bohemiam  
ingressus, Pragam proditione Wrsoveciorum captam, duobus annis tenuit.  
et, S. Henricus Imperator in favorem Ducalis Bohemiæ stirpis, Wlademari-  
m Bohemiæ præfecit, & Polonum jussit facessere, renuentem, & contumaci-  
er arma spectantem, bello petijt; erant in Exercitu Imperatoris Regij Bohe-  
niæ juvenes, Jaromirus, Udalricus, cum meliore Nobilitatis parte, cæteri  
Bohemi à Polonis oppressi, inviti Boleslaum Polonum sequebantur, præsertim  
cùm Boleslaus nuper excacatus (qui ob facinora in fratres suos admitta, Cæ-  
saris iram metuebat) Boleslao Polono (etsi pessimè de se merito) sese junxisset.  
Narrant hoc bellum, qui interfuere S. Adalboldus Episcopus Trajectensis, &  
Nonnosus Presbyter Henrico Imperatori à sacris. Henricus invocato prius,  
ut solebat, Dei auxilio, munitionem quandam limitaneam Bohemiæ obsedit,  
captam Jaromirio tradidit; Zatecium Civitas ipsa se in libertatem vindica-  
vit, occiso præsidio Polonorum; ductus posthæc ad Pragam exercitus, pro-  
cessere cum innumerabili multitudine Poloniæ Principes (verba Nonnosi reci-  
to) Henricus ad orationem confugit, & cùm omnes perceptione corporis, &  
sanguinis Domini confortati fuissent, ad locum certaminis venit. Ibi iterum  
oranti Henrico aperti sunt oculi, & vidit gloriosos Martyres Georgium, Lau-  
rentium, Adrianum cum Angelo percutiente, Exercitum suum præcedentes, &  
hostium cuneos ad fugam propellentes, qui projectis armis, sine Christiani san-  
guinis effusione, fugerunt. Hæc gesta sunt An. C. 1004. Pragam deinde  
stratagemate singulari Udalricus juvenis Bohemiæ Princeps (quod apud Co-  
smam & Hagecium legitur) occupavit. Partâ victoriâ Henricus Bohemiæ

Meritum  
maximum  
S. Henrici  
in Boh.

S. Henricus  
ope cœlesti  
Bohemiam  
à servitute  
liberat.



Ducem *Jaromirum* nominavit. Magnum igitur in gentem nostram meritum *Henrici Sanctissimi Imperatoris* est, quod pro *Bohemia*, cui incubabant *Poloni*, bellum gerere non dubitavit, quod *Bohemos* in libertatem asseruerit, quod legitimos à *Przemyslæa* gente Principes, throno per summum nefas dejectos, reposuerit; in quo quidem facto *Cælites* ipsos *Henricus* meruit habere in partibus, & sive *Henricus* illos, sive illi *Henricum* ad nos devocârint, utrumque in gratiæ loco *Bohemia* gratanter agnoscit, & quem in terris *Defensorem* habuit, nunc etiam in cœlis veneratur *Patronum*.

## §. XX.

## S. Guntherus Ordinis S. Benedicti.

1045. 9. oct.

Adelsreitt.  
in hist.

Bojer. p. 1. l.

15.

Rader. in

Bavaria S.

H. Canis. in

Antiq. lect.

Tomo II.

S. Guntheri  
ad perfecti-  
orem vitam  
conversio.In literis  
Fundatio-  
nis Præpos-  
turae Rey-  
bradensis.S. Gunthe-  
rus Patrino  
Ducis Brze-  
tislai.Rad. in Ba-  
varia S. in  
S. GuntheroMiraculosè  
Brzewno-  
vium adve-  
hitur.

**B**eatum, imò & Sanctum Guntherum Veteres omnes, novæque memo-  
riæ Ordinis S. Benedicti, tum alij Scriptores omnes uno ore pronun-  
ciant. Ejus vitam sanctissimam, resque ab eo gestas in *Canisio*, in *Surio*  
in *Radero*, in Vestigio *Bohemiæ* Piæ *Joannis Tanneri* invenies; è *Thuringia*  
Principibus ortus, *S. Stephano* Ungar: Regi agnatus fuit. Splendidam aleba-  
familiam magnis opibus, quæ virtuti sunt insidiosæ; in ijs egerat adolescen-  
tiam aliquantò solutiorem, cum ei DEUS mentem ad cœlestia injecit; *Di-*  
*vus Gothardus* Altahensis Abbas hærenti author fuit, ut se in *Altahensis* Cæ-  
nobij portum reciperet. Ob famam virtutis semel, iterumque ad *S. Stepha-*  
*num in Ungariam* vocatus, accessit; deinde bonâ Præsidum veniâ Cænobi-  
*um Rinchenacense* condidit, rexitque per annos septem magnâ autoritatē  
sanctitatis; Cænobij hujus facultates auxit *S. Cunegundis Augusta*. Ad ex-  
tremum, ut ætas illa ferebat, perfectionis amore in solitudinem secessit, vari-  
asque *Bohemiæ* silvas habitatione suâ per septem, & triginta annos consecra-  
vit. An. 1040. cum *Brzetislaus* *Bohemiæ* Dux *Henricum Casarem* in  
aditu *Bohemiæ* magno prælio vicisset, ac fugasset, eidem *S. Gunthero* (qui  
*Brzetislaum* olim in Baptismo susceperat, ut ipsemet *Brzetislaus* testatur  
amore DEI petenti, captivos omnes *Germanos* dimisit, & donavit; Vide E-  
pitomen nostram. Narrat *Raderus* noster: *Brzetislaum Bohemiæ & Po-*  
*loniæ Principem*, Venationibus intentum, in solitudinem *S. Guntheri* in  
*Narvvaldensi* *Bohemiæ* saltu sitam incidisse, cui *Guntherus* in alterum diem  
suum è vita discessum post diurnam & religiosam sermocinationem aperu-  
erit, qui primâ luce cum *Severo Pragensi Antistite* ad ostium *Guntheri* adve-  
nerit cœlestem Agnum in viaticum porrigi jubens, ubi ille inter piorum lac-  
rymas & vota expiravit; Corpus verò per jumenta jugi insveta ad *Brzewno-*  
*viense Cænobium* devectum, prodigijs vitæ prioris sanctimoniam ostendisse  
& ipsum cœlestibus post religionibus consecratum. Hæc omnia verita-  
consonant; at quod innuere videtur *Raderus*, tum primum *S. Guntheri*, &

Brze



Brzetislai familiaritatem coepisse, sustineri non potest, ex his, quæ paulò antea ex Originibus Ducis literis exscripsimus. Obijt Guntherus An. C. 1045. 9. Octobris, quem se in Ecclesia Breunoviensi ad Pragam sepelisse idem Brzetislus affirmat; ejus sacrum tumulum plusquam trecentis miraculis Divinis honoravit. Hodie sepulchri locus ignoratur, sed diligenter quæritur. occultavere illud Hussitarum temporibus Religiosi; spes est non vana, propediem inventum iri.

## §. XXI.

## S. Procopius Abbas, Ordinis S. Benedicti.

Procopius post liberalium studia disciplinarum in Monasterio Breunoviensi vitam aliquamdiu religiosè traduxit. Solitudinis deinde amore captus, speluncam Sazava flumini incumbentem, larvis, ac spectris obnoxiam, quam adire nullus audebat, magno animo incolendam sibi delegit. Nec viri sanctitatem ferre monstra diutius valuerunt, sed continuo digressa, liberalem illi, quietamq; ejus loci possessionem reliquere. Ejus prodigij famâ vulgatâ, cum magni ad illum concursus fieri coepissent, facile intellexit, Divini consilij non esse, ut lateret. Itaque perfectioris vitæ studio incensos nonnullos collegit, quos ad omnem sanctitatem suo præsertim exemplo informavit. Udalricum Bohemie Ducem à venatione fessum, aquâ in vinum versâ recreavit, daemones non modò è corporibus ejecit, sed etiam sub jugum missos arare compulit. Denique, cum obitum suum, aliâque prædixisset, virtutibus, divinisque muneribus clarus, migravit in cælum, nec defuit post mortem miraculis coruscare. Inter alia illud insigne, quod cuidam, qui in magno discrimine fugiens, ejus opem imploraverat, fluvio in glaciem verso ad iter prosequendum viam expedivit, ac periculo eripuit. Illud etiam memorabile, quod cum fui Monasterij Abbas, ut inter Sanctos referretur, in Urbe non impetraret, Innocentium III. per somnum admonuit, ut postulatis annueret. Nec diutius cum Pontifice laborandum fuit. Quare ab eodem, anno salutis millesimo ducentesimo quarto, Sanctorum numero est adscriptus.

Fuit S. Procopius ex Chotaun pago, inter Bohemobrodam, & Caurzimium sito; Slavicis literis (quas S. Cyrillus, vel Methodius, ut alibi diximus, invenit) excultissimus; Wissebradi ad S. Clementis Ecclesiam Sacra primum procuravit, deinde Benedictinæ militiæ Brzeunovia ad Pragam nomen dedit; post aliquot exactos in solitudinibus annos, Abbas Sazaviensis; obiit An. 1053. 25. Martij, ut ex Cosma, & Lupacio annotat Weleslavinus; sepultus in Ecclesia B. Virginis in Cœnobio suo. Vita ejus, & miracula stupenda prorsus, passim in manuscriptis Codicibus leguntur; P. Nicolans Sazaviensis

Ex Lectio.  
Brev. Boh.  
4. Julij.

A. C. 1053.

S. Procopij  
gesta & mi-  
racula.

S. Procopius  
è cælo sibi  
Canoniza-  
tionem pro-  
curat.

Abbas fuit  
Sazaviensis  
Cœnobij.

Lup. & We-  
lesl. in Cal.  
hist. ad 25.  
Martij.

lius



Juvat Bohe-  
mos pugnā-  
tes aspecta-  
bilis.

lius Societatis nostræ, hanc quoque scripsit, eaque in *Bibliotheca Crumlovien-*  
*sis Collegij* invenitur; apparuisse eum cum cæteris *Bohemia Patronis super-*  
*Exercitum* Bohemorum, & attulisse victoriam testis est ex manuscriptis Co-  
dicibus *Hagecius*. Dæmones malos sic in officio continebat, ut saxa arare  
cogerentur, cujus laboris dæmoniæ hodièque in petris, prope ejus antrum  
superfunt vestigia, & arationes, quas ipse vidi. Illud etiam mirum, *Pica-*  
orationi suæ obstrepentes, abire jussisse, neque unquam ampliùs in ea vicinia  
comparere; *Abbatem* in Cœnobio non satis canonicè electum, cùm *S. Pro-*  
*copius* aspectabilis, semel ac iterum honorem deponere jussisset, & ille parère  
cunctaretur, ità *Pedo*, quod *Sanctus* ferebat, contudit, ut brevè pòst, quan-  
tumvis poenitens, expirarit.

Pontan. in  
Bob. Pia.

Jubet sibi  
ac suo no-  
mini Eccle-  
siâ exstrui.

M. S. Bid-  
zovini.

S. Corporis  
Pragâ trans-  
latio.

M. S. Mar-  
tyrol. Eccl:  
Prag.

Porro multæ per Bohemiam Ecclesiæ *S. Procopij* nomine appellantur:  
celebris est in minore *Urbe Pragensi*, quam in suo nomine dedicari, *S. Proco-*  
*pius* per quietem *Sulislao & Dobromila* conjugibus An. 1213. apparens jussit,  
ab ejus domûs limine *Pragam* esse vocatam, & primam hanc domum *Praga*  
stetisse affirmans; eam igitur domum in *Ecclesiam* pij conjuges convertère,  
& *Daniel II.* Episcopus *Pragensis Przemyslao Ottogaro I.* Rege cum Proceri-  
bus præsentè consecravit.

Ejus sacrum corpus in Cœnobio *Sazavensi* (quod tum raros, aut nul-  
los habebat cultores) delitescens, An. 1588. 28. Maij *Pragam* translatum  
est; intulit in tumulum in *Ecclesia Collegiata Omnium Sanctorum* in Arce  
*Pragensi Martinus Archiepis: Pragensis* solennibus cerimonijs, præsentè *Ru-*  
*dolfo II.* Imperatore cum numerosissima Procerum corona; sed jam ante ali-  
quot sæcula *S. Procopij* solennes reliquias habebat *Ecclesia Metropolitana Pra-*  
*gensis*; unde in ejus Martyrologio sic legimus: 4. Nonas *Julij Canonizatio*  
*S. Procopij Abbatis, & Confessoris, Patroni Regni Bohemia, mira Sanctitatis*  
*Viri; cujus brachium habetur in Ecclesia Pragensi.*

## §. XXII.

### S. Severus Antistes Pragensis sextus.

A. C. 1068.

Paproc. in  
Stemmato:  
l. 2. C. 22.

S. Severi vir-  
tus in utra-  
que fortu-  
na.

**S**everus non tam dignitate, & munere, quàm virtute, & morum inte-  
gritate *Izzoni* antecessori suo geminus Anno 1030. successit. Equestri  
loco natus familiâ *Berzkovskiana*, quæ candidum lilium gerit in campo  
sangvineo; ejus acta illustria, & ad summam Reipublicæ spectantia, in *An-*  
*nalibus* nostris leguntur. Quod vitæ sanctitatem attinet, author est *Cosmas*,  
hunc sanctum Antistitem, Sanctorum fato, gravissima quæque passum, & ali-  
quando à *Brzetislao Duce* falsis accusationibus nimium tribuente, in vincula  
(nefas!) conjectum, ac rursus receptum in gratiam, & omnibus excultum ho-  
noribus, utramque fortunam fortiter, & moderatè tulisse. In veteri Eccle-  
sia



Pragensis Martyrologio, quod inter sacra legebatur, annotatum reperi. 3.  
 al. Julij Ordinatio S. Severi Episcopi sexti Pragensis Ecclesiae. Obiit 1068. 7. Novembris. sedit annos 38. quot haecenus duo. Hagek habet An:  
 1065. Hujus Severi laudabili lenitate perfectum est, ut suum Moravorum  
 Ecclesia haberet Antistitem, ad quod alij Antistites, imminutionem suae Di-  
 eceseos caussati (fortasse Zelo non secundum scientiam adducti) nunquam in-  
 uci potuerant. Quod verò Severum hunc Nostrum (in S. Adalberti cor-  
 pore Gnesnâ ad Nos in Bohemiam transferendo, & in spoliatione Ecclesiarum  
 Polonia ab Exercitu Bohemorum facta) velut Sacrorum Canonum violato-  
 rem, aut saltem rudem, & juris Ecclesiastici ignarum inculcat Baronius, Scri-  
 ptoribus Polonis, ac praesertim Dlugossio & Cromero imputandum est, ex qui-  
 bus Baronius (cùm nostros Scriptores non legisset) totam illam historiam tot-  
 dem verbis descripsit; qui si Cosmae Pragensis Decani Viri integerrimi, &  
 Sancto Severo coevi Chronicon vidisset (sed hoc nondum Typis ediderat  
 Freherus) nunquam Dlugossio, & Miechowio ante duo, vel summum tria  
 saecula, & Cromero, priore saeculo primùm, de rebus procul à sua aetate gestis  
 scribentibus subscripsisset, praesertim in controversia nationali. Vetus ver-  
 bum est Tragici Poetae: Qui statuit aliquid parte inaudita altera &c. haud  
 aequus fuit. Inspiciant, amabo, Lectores mei, defensionem Sanctimoniae Se-  
 veri in Epitome mea historica, & in Vita Ernesti I. certè causam meam tam  
 probabilem existimo, ut ipsum Baronium Virum omni meâ laude majorem,  
 si viveret, rebus prolatis Judicem recusaturus non essem. Multum etiam  
 apud me valet Autoritas vetusta Ecclesiae Pragensis Severo Sancti titulum in  
 Martyrologio suo tribuentis, quæ cùm omni tempore sanctissimis & doctis-  
 simis Viris & Prætulibus floruerit, nunquam sine autoritate universalis Ec-  
 clesiae, ac Summorum Pontificum, Severum Sanctum appellasset. Quod  
 verò spolia Ecclesiarum Polonicarum attinet, silent nimirum inter arma leges,  
 & Severum (quam excusationem Romanus Pontifex, postea, ut est apud  
 Cosmam, probavit) ob alienam culpam in iudicium vocari, multoque etiam  
 minus alieni peccati poenas dare oportuit; nec de S. Adalberti & Sanctorum  
 Fratrum Corporibus raptis merito accusari potest Severus, utpote quem ipse-  
 met S. Adalbertus excusat; is enim (ut est in antiquissimis Breviarij Pragensis  
 Lectionibus, & narrat idem Cosmas) S. Severo apparens per quietem, trans-  
 ferri se in Bohemiam velle significavit, certasque leges & conditiones Exerci-  
 tui Bohemorum praescripsit, quas si servaturos se promitterent, impune & sine  
 damno (quod nuper miraculo ad Sancti Tumulum prostrati, & sine sensu ja-  
 centes praestare non poterant) in Bohemiam Corpus suum transferrent. Eas  
 leges Severus S. Adalberti nomine Militibus explicuit, & Exuvias sacri Praesu-  
 lis, bona ipsius gratiâ, ipsoque ita volente & indicante, suis manibus  
 elevavit è tumulo.

Dubr. l. 8.  
 hist. Boh.  
 Cosm. Cuth:  
 Welesl. 27.  
 Novemb.

Concedit  
 Episcopum  
 Moravis.

Baron. in  
 Ann. Eccl:  
 Dlugoss, sen  
 Longinus.  
 Miech. Cro-  
 mer: in hist:  
 Polon.

Defensio S.  
 Severi.

S. Adalber-  
 tus transfer-  
 ri se in Boh.  
 patitur.





## §. XXIII.

Complures Sacerdotes à Judæis in Bohemia  
eviscerati.

A.C. 1067.

Cosmas l. 2.  
hist. Boh.Pulkava C.  
40: hist.Lup. ad 14.  
Julij.Judæi Chri-  
stianum pu-  
erum furan-  
tur.Hägek ad  
A. 1077.Sacerdotes  
Christia-  
nos occi-  
dunt.Deprehen-  
dant poe-  
nas.

**A**Nno 1067. 14. Julij grave crimen à *Judæis Pragensibus* designatum ve-  
teres habent *Annales*: nam cùm permittente *Wratislao Bohemiæ* Re-  
ge ex minore Praga (eo de loco, ubi nunc sacellum S. *Archangeli Mi-  
chaëlis* honori conditum stat sub vitiferis collibus in horto, Collegio Societatis  
*Jesu* donato) in majorem Urbem Pragensem immigrarent *Judæi*, cujusdam  
*Civis Pragensis filium* triennem, clam crudeliter mactandum subdixerunt; r-  
per navicularij indicium propalatâ, author sceleris, unâ cum alijs quinque eju-  
facinoris conscijs, mandato Regis culleo infutus, in profluente *Muldava* de-  
mergitur. Has pœnas suorum, cùm *Judæi* cæteri concoquere non possent  
alia scelera, quibus unum illud contegerent, perpetrârunt. Hisce igitur ar-  
tis (præcipuè 1077. & 1078.) *Bohemia* plurium Sacerdotum sanguine ex oc-  
culto cæcorum non semel redundavit: strati in vijs inveniebantur Sacerdotes  
crudelissimè extractis è corpore visceribus, potissimùm viâ *Boleslaviensi*, au-  
thores tamen scelerum latebant, dum denique Sacerdotem quendam *Bole-  
slaviam* præmissum, vel alium quempiam, Sacerdotali habitu indutum, la-  
tenter *Christiani* milites secuti, *Judæos*, qui in Sacerdotem impetum fece-  
rant, exceperunt, & capientes ceperunt; omnibus humanæ vitæ supplicij  
excarnificati sunt rei. Neque tamen destitère, sed eadem, ut postea videbi-  
mus, repetivère facinora, multoque etiam crudeliùs in innocenti Christiano  
rum sanguine sunt bacchati. Nihil dubium est, Sacerdotes illos *Martyres*  
appellari posse, & debere, qui ab hostibus, sanctissimarum religionum  
odio, sunt trucidati.

## §. XXIV.

B. Culmatius seu Chulmannus Bohemus, Eremita  
ad Piwonkam in Bohemia, cum Socijs  
duobus.Crusenius.  
Milenus.

**S***Tockense*, seu *Piwoonkanum* Ordinis S. Augustini Eremitarum Cœno-  
bium in Bohemia multis rebus memorabilibus inclaruit, ut *Crusenius*  
in *Monastico suo Augustiniano* demonstrat; at illa gloriatio, & claritu-  
do, quæ à virtutibus proficiscitur, omnem sinè dubio humanam gloriam  
vincit: Beato *Culmatio* Bohemia Patriam & Virtutis locum dedit; *Culma-  
tius* sibi ipse virtutes, & constantiam, gratiæ Divinæ ope, paravit; DEUM  
Viri Sancti Virtutem miraculis honoravit, ut, qui se ipsum propter DEUM  
vice



icerat, propter homines etiam Naturam vinceret, & quæ dicimus, *miracu-*  
*patraret.* *Culmannum* quædam Manuscripta appellant, qui in medio Sa-  
 rarij S. *Joannis Baptiste* nomine consecrati in Cœnobio compositus quie-  
 rit; honoravi sacrum ejus Tumulum ante complures annos à Reverendis  
 lis Patribus indicatum, & dulcem quandam pietatem, quæ de Sanctorum  
 corporibus sæpe profluere dicitur, persensisse me diffiteri non possum. Por-  
 to *Culmatio Beati* titulum *Crusenius*, & (si is non satis idoneus author cui pi-  
 um videatur) *Milensius*, *Chanovsky*, *Crugerius* ex totius antiquitatis, & plu-  
 rum sæculorum consensu tribuerunt. Tumulus Beati viri cratibus altè edu-  
 ctis Majorum ætate ad venerationem muniebatur, hodie crates absunt, sinè  
 lubio manibus hæreticorum, quibus Cœnobium non semel præda fuit,  
 confraçtæ. B. *Culmatio* duos, eâ in solitudine socios fuisse, ac fratres (an  
 sanguinis, an Ordinis non satis liquet) Veteres Memoriae tradunt, non ad-  
 litis nominibus, sed sanctimoniâ & vitæ innocentia pares: eorum alter tu-  
 mulatus est in *Sacello* S. *Barbaræ* ad *Tinam*, alterius Tumulus Cœlo prostat  
 aperto, uno milliario à Cœnobio *Pivvankano* ad *Pagum Trnava*. Adsit illi  
 loco est columna murariorum opere, in qua Agrestes varias imagines appen-  
 dunt, totusque locus (verba recito ex Vestigio Bohemiæ Piæ) in longum passus  
 sex, in latum propè quatuor, sepibus ligneis clauditur; huc feriâ II. Paschatis &  
 Pentecostes ruralis Populus Beati illius Viri Tumulum precibus, aliisque modis  
 veneraturus confluit, atque in vicem muneris virgam unam singuli afferunt,  
 quas in fascis similitudinem colligatas super Tumulum erectas collocant, priori-  
 bus vetustis amotis. hæc ibi. Addit postea Scriptor, Tempus, quo Viri duo  
 isti religiosi vixerint cum B. *Culmatio*, videlicet An. 1000. sed hoc sustineri  
 nullo pacto potest, cum ipsum Cœnobium *Pivvankanum*, ex quo illi prodie-  
 runt, non prius quàm post Annum 1040. fundari potuerit, ut ex ætate *Ducis*  
*Brzetislai Fundatoris* clarissimè probatur. Vide *Epitomen* nostram ad A. 1040.

Tumulus  
B. Culma-  
tij.

Encomiasti  
cum Augu-  
stinia: lit. C.

Beati titulu

De duobus  
S. Culmatij  
socijs.

C. 3.  
Honor Tu-  
muli.

## §. X X V.

B. Gervicus Eremita in Bohemiæ finibus ad  
Waldassium.

Multos Sanctæ solitudinis amatores, qui inter feras cælestem in Divi-  
 nis laudibus vitam agitabant, venatio Principum prodidit, ut *Ægi-*  
*dium* in Gallia, *Iovanum*, *Guntherum*, & *Procopium* apud nos in  
 Bohemia, pluresque alios; *Gervicum* quoque, de quo nobis est sermo; qui  
 ad *Waldassium* Egrâ non procul, in silvis statione fixâ, DEO uni vacabat,  
*Theobaldus Wohburgensis Dux* invenit, & cum feras quæreretur, hominem in-  
 vênit, qualem inter homines ægerrimè reperisset, cælestem, Divinum, &  
 Angelum magis, quàm hominem; ut vita DEO tam accepta in plures pro-

circa A. C.  
1128.



Occasio Cō-  
versionis B.  
Gervici.

Brunner.  
in Boicis P.  
3. lib. 12.

Waldsassii  
& B. Gerwi-  
cus quā ra-  
tione in Bo-  
hemiā pos-  
sit referri.

Brusch. in  
Monaster.  
Germa. lit.  
IV.

pagaretur, & ex hominibus Angelificerent, *Theobaldus* Cœnobium eo in lo-  
co construxit. At nē putes, tum primū à *Theobaldo* visum esse *Gervicum*,  
quia istud ad *B. Viri* gloriam cedit, diligentius & à principio memorabo: *Die-*  
*poldus* seu *Theobaldus II. Vohburgenfis*, & *Chambensis Marchio* id sibi à pri-  
ma ætate decorum putavit, ut Militiam seriam ludicramque studiosissimè fe-  
ctaretur: Circensia præsertim, ludosque illos *hastarum*, quibus tum tota  
*Germania Nobilitas* insanè tenebatur, sic adamârat, ut nemo eâ ætate magis.  
par in ea concurrendi, & periculosè ludendi cupiditate inventus est *Gervicus*  
*de Wolfmutterstein* domo *Westphalus*, genere nobilissimus, quorum duorum  
amor ob communia studia, ut sit, tantum coaluit, ut *Thesei*, & *Pirithoi* re-  
novari videretur exemplum. Infelix deinde casus intervertit omnia: nam  
cū in Cataphractorum commissione, ubi cæcè quodammodo & Andaba-  
tarum more pugnatur, *Gervicus* insciens in suum *Theobaldum* incurrisset,  
altero infelici casu eidem hastâ velitari oculorum alterum expungit. Tan-  
tus ex ea re dolor utriusque Amici animum invasit, ut damnatis & omni exe-  
cratione devotis tam tristibus ludis, *Gervicus* *Sigebergensi* Cœnobio se clau-  
deret, *Theobaldus* domum ad Conjugem rediens, nunquam nec spectare am-  
plius ludos sustineret; tria idē Cœnobia cū *Luitgardâ* Matre ex *Sultzbacensi*  
familia ortâ fundavit; *Waldsassense* ad *Egram* *Gervico* debet originem: i-  
cum Abbate suo *Sigebergensi Cunone* ad *Insulas Ratisbonenses* evecto, in hæ-  
loci profectus, impetratâ solitudine uni DEO solus vivere cœpit. Posthæc  
illa, quæ initio memoraveram acciderunt: deprehensus à venante *Theobal-*  
*do*, redeunte utrique in memoriam Veteri Amicitia, tantum à *Theobald-*  
*Nemorum* & silvarum dono accepit, quantum uno die posset obiri. Hæc  
fuere initia celeberrimi postea Cœnobij *Waldsassensis*, quod centesimam ovicu-  
*lam* *Cistercienses* (quippe centesimum sui Ordinis Cœnobium) appellant  
*Offecense* Cœnobium hujus colonia fuit, ut alio in loco dicitur; *Waldsass-*  
*um* multis titulis *Bohemia* conjunctum, Reges quoque nostros *Fure clientel-*  
respexit; sed hæc aliàs, vide interim *Gasparem Bruschium* in *Waldsassio*, quod  
omnes Cœnobij hujus incolas *trilingves* olim fuisse, & præter Latinam &  
Germanicam, etiam *Bohemicam* calluisse linguam, ac Cœnobium ipsum in-  
ter *Bohemia* Cœnobia, velut domesticum censei solitum attestatur; quæ  
caussa impulit ut *B. Gervicum* in Divorum nostrorum album referrem, ut  
*Raderi* exemplo, qui in *Bavaria Sancta*, *Austriam*, & vicinas *Bavaria* Regio-  
nes etiam *Tirolim*, & plures alias, quos illæ provinciæ Divos habent (ut *Ba-*  
*variam suam* illustraret) adduxit. Quanquam cū *Waldsassium* ab omni  
memoria in *Egensi* Territorio censum sit, nihil alienum fecero, si *Egræ* (quæ  
hodie dum Regem *Bohemia* respicit) *Waldsassium* conjunxero.





## §. XXVI.

S. Norbertus Archi-Episcopus Magdeburgensis,  
Germaniæ Primas, Regni Boh: Patronus.

**N**Eque maiore fide & autoritate, neque brevius (quod in hoc opere maximè spectavi) de S. Norberto quidquam adferri potest, quàm quod Ecclesia festo illius die in Sacerdotalium Precum officio legendum proponit: Norbertus nobilissimis Parentibus natus, adolescens liberalibus disciplinis eruditus, in ipsa postea Imperatoris Aula spretis mundi illecebris, Ecclesiasticæ militiæ adscribi voluit. Sacris initiatus rejectis mollibus ac splendidis vestibus pelliceâ melote indutus, prædicationi Verbi DEI se totum dedit. Abdicatis Ecclesiasticis proventibus satis amplis, & patrimonio in pauperes erogato, semel in die sub vesperam solo cibo quadragesimali utens, nudisque pedibus, & lacerâ veste sub brumali rigore incedens, miræ austeritatis vitam est aggressus. Potens igitur opere, & sermone innumeros hæreticos ad fidem, peccatores ad penitentiam, dissidentes ad pacem, & concordiam revocavit. Cum Lauduni esset, ab Episcopo rogatus nè à sua Diocesi discederet, desertum in ea locum, qui Præmonstratus dicebatur, sibi delegit, ibique tredecim Socijs aggregatis, Præmonstratensem Ordinem instituit, divinitus acceptâ per visum Regulâ à S. Augustino. Cum verò ejus fama sanctitatis in dies magis augeretur, ac plurimi ad eum quotidie Discipuli convenirent, idem Ordo ab Honorio II. aliisque Summis Pontificibus confirmatus, ac pluribus ab eo Monasterijs edificatis, mirificè propagatus est. Antverpiam accersitus, in ea Urbe Tanchelini nefariam hæresin prosligavit. Prophetico spiritu & miraculis claruit, Archiepiscopus tandem (licet reluctans) Magdeburgensis creatus, Ecclesiasticam disciplinam, præsertim Cælibatum constanter propugnavit. Rhemis in Concilio Innocentium II. egregiè adjuvit, & Romam cum alijs Episcopis profectus, schisma Petri Leonis compressit. Postremò Vir DEI meritis & Spiritu Sancto plenus Magdeburgi obdormivit in Domino, Anno salutis 1134. die sextâ Junij.

Obijt 1134.

Ex Lect.

Brev: Rom:

S. Norberti  
nobilitas.Ardor vir-  
tutis.Ordinis in-  
stitutio.Scriptores  
Vitæ.Translatio  
Pragam.

Haftenus Breviarij Romani Lectiones. Edidère SS. Præsulis Vitam plurimi, tam ex illo sacro Ordine Canonici, quàm alij, ac novissimè Vitam S. Norberti diligentissimè abs se conscriptam Augustæ An. 1641. vulgavit è Societate Nostra Sacerdos Joannes Baptista Schellenberg. Exstat Echo S. Norberti triumphantis Antverpiæ An. 1629. Typis edita Authore R. P. Joanne Chrysostomo Vander Sterre Præmonstratensi, in qua S. Norberti Pragæ Translatio, omnesque ei ab omnibus Bohemiæ Ordinibus impensi honores describuntur, Liber hic in omnium manibus versatur. Translatus est Pragæ An. 1636. Doxanâ ex Parthenone sacro ejusdem Instituti, in quo corpus sacrum, qui Magdeburgo levaverant (Questenbergius Abbas Strahoviensis,



Elevatio fa-  
cri corporis  
& veteris se-  
pulchri de-  
scriptio.

*Crispinus Præpositus Doxanensis, & Martinus Stricerius S. Crucis Canonicus Presbyter Hildesienſis*) tantisper depoſuere; quo in munere maximè *Queſtenbergij Abbatis* commendatur industria; qui omnem movit lapidem nè *Cæſar & Procereſ* ſuis deſiderijs fruſtrarentur: Attentârunt id plurimi pri-  
dem Principes & Præſules, irritò ſemper ad extremum conatu: *Bavari Leo-  
dieneſes Epifcopi, Erneſtus, Ferdinandus; Albertus & Iſabella Belgarum Prin-  
cipes; Rudolſus II. Imperator; Joannes Lobelius Archiepiſcopus noſter; Eitel-  
Fridericus Zolleranus Cardinalis, aliique; Ferdinandus II. Imp.* his omni-  
bus fortunatior, per *Abbatem Queſtenbergium* quem dixi, ſtrenuam hac in-  
re operam præſtante *Alberto Wenceslao Eusebio Duce Fridlandia*, à Senatu  
Magdeburgenſi, Adminiſtratore Brandeburgico connivente, elevationem  
& translationem Sacri Corporis in Bohemiam, non tam impetravit, quàm  
extorſit. Juverit forſitan ad Majestatem SS. Præſuli apud ignaros conci-  
liandam, *Descriptionem ſepulchri Magdeburgenſis* ab ijs qui aperuere accep-  
ptam, adjicere hoc loco, tum quia pauciſſimis nota eſt, tum quòd me legen-  
tem ſummopere oblectârît, velimque voluptatis hujus meæ partem aliquam  
communicare cum legentibus, præſertim ſi qui rebus antiquis cognoscendis  
magis, quàm hiſce novis teneantur: Odæum *Templi Magdeburgenſis* octo-  
nis gradibus altius in medio aſſurgit, *Arâmque S. Crucis* ſuſtinet, quæ palis,  
machinifque amolienda fuerunt, unde margo duntaxat *Sepulchri* promine-  
bat, cui ingentia duo ſaxa quatuor ulnas longa firmi operis nexu, immiſſis ni-  
mirum ferreis inter ſe fibulis peritiſſimè cohærentia, incumbebant; ijs porro  
veſtibuf relaxatis, ac mole utrâque revulſâ, *Sarcophagus* ad formam huma-  
nam exciſus proſtabat. Epitaphium candido ad parietem marmori inci-  
ſum hoc erat:

NORBERTUS DEI GRATIA  
S. MAGDEBURGENSIS ECCLESIAE EPISCOPUS,  
ORDINIS PRÆMONSTRATENSIS INSTITUTOR,  
ET HUIUS MONASTERII RESTAURATOR,  
SUB HOC MARMORE CONDITUR  
ANNO DOMINI M. CXXXIV. IV. JUNII.

fortè VI. vel  
VII.

Reteſto magna cum veneratione loculo, conſpectoq; latente Theſau-  
ro, miranimorum motus exciti adgeniculantibus pias excivere lacrymas  
ſacra Offium compages ſuo quæque loco ac ordine ſibi cohærens, juſtan  
porrecti hominis ſtaturam excedebat, quæ ipſo quàm primùm attactu dilabi  
ac reſolvi viſa eſt. *Frons ſacra* puriſſimis, ac cryſtallinis manabat guttis  
cùm tamen id loci ingenium, aridum cætera ac arenoſum, & offa multum hu-  
mo levata cernerentur. Stabat *dentium Ordo* geminus, & condenſatus ne  
unico imminutus. *Manus* in Crucis formam protenſæ, & decuſſatim com-  
poſi



positæ. *Anulus* Sapphiro radians aureâ palâ, sed rudi opere inclusus perop-  
 portunè *Præsulis* *Questenbergij* digito, faustoque omine semet insinuabat.  
*Caput* *humericum* linteo amictu tegebantur, ipsum verò venerandum cor-  
 pus synthesi jam tabescente, ac ob vetustatem in araneorum telas diffuente  
 velabatur, quam limbi aureo intexti filo eleganti opere obibant. *Cyclas* fe-  
 rica purpuram præferens, sparsim situ ac putredine attacta, textu florido tribus  
 supernè gemmatis acubus confibulata ad talos fluebat. *Pallium* Archiepi-  
 scopi humeris circumfluens, & cycladem inumbrans, depexa lana, & carie co-  
 nesa, illæsas duntaxat Cruces præferebat. *Stola* ac *sinistri fasciæ brachij* pro-  
 xiora solito, auròque texta nitebant. Hunc in modum pretiosa lipsana à  
*Triumviris* illis purâ sindone sigillatim collecta, ac schedis quæque suis in-  
 scripta, ingenti cum triumpho *Pragam* asportata fuere. Quacunque incesse-  
 rant, festo æris campani pulsu, ac tormentorum displosione, omnium Or-  
 dinum ingenti accursu, plausuque ab hominum memoria inaudito, circa III.  
 Id. Decembr. Strahoviam, decantato inter pompam regiâ symphoniâ Am-  
 brosiano cantu, illata fuere. Jam *Breviarium* vitæ, quod *SS. Præsulis* lauda-  
 tionem, & res gestas nervosâ brevitæte continet, apponam:

NORBERTUS Saliciorum domo natus,

*Cæsarum* *Sanguis*,

*Abdicatis* *Cæsarum* *Aulis* *fidereas* *Domos* *aspirans*,

*Amictu* *candido* à *Cœli* *Regina*,

*Castis* *religionis* *legibus* à *Magno* *Augustino* *receptis*,

*Candidæ* *Familiæ* *Conditor*

*In loco* *divinitus* *Præmonstrato*

*Cælibem* *ac* *Cælitæ* *vitam* *prævit*;

*Apostolico* *Zelo* *plerumque* *Septentrionem* *peragravit*,

*Ac* *Cæli* *ignaros* *Christo* *conciliavit*.

*Archiepiscopus* *Magdeburgensium* *ab* *Innocentio* *II. Pont. Max.*

*Sacrorum* *Principum* *per* *Germaniam* *Princeps* *declaratus*,

*Astrum* *Saxonie* *inextinctum*,

*Civibus* *presidio*, *terrori* *hostibus*,

*Antverpiam* *hæresi* *infectam* *expiavit*,

*Parthenopolin* *moribus* *labantem* *erexit*,

*Sacri* *Imperij* *nutantem* *statum* *stabilivit*,

*Innocentiâ*, & *vita* *sanctimoniâ*,

*Orbem* *implevit*.

*Oraculis* *juxta* *ac* *miraculis* *clarus*,

*Ab* *Innocentio* *III. Christi* *in* *terris* *Vicario*

*Divorum* *Cœlitum* *adscriptus* *Syllabo*,

*Quem* *Patriæ* *Parentem*,

Elogium hi-  
 storicum  
 SS. Præsulis

Sancta



## §. XXVII. S. Leopoldus.

*Sancta Urbium Colonia à teneris excoluit,  
Clara Parthenopolis evexit,  
Regia Praga in sinum recepit,  
Et quod condi potuit  
Strahoviensis Ecclesiae Thesauris intulit,  
Anno Christiano M. DC. XXVI.*

*In vita S.  
Norberti  
fol. 137.*

*Fit Patronus  
Regni Boh.  
Boh.*

Hæc Echo S. Norberti triumphantis suprâ citati Authoris, & P. Joann. Bapt. Schellenberg. Plura de eo, deque SS. ejus Ordine in libro de *Cænobijis* adferentur. Porro SS. Præsul Norbertus eodem, quo Pragæ corpus ejus translatus est anno, votis omnium Ordinum concordibus, & peculiari Decreto Eminentissimi Cardinalis Ernesti Archiepiscopi Pragensis Divis Bohemiarum Tutelaribus est accensus.

## §. XXVII.

## S. Leopoldus Austriæ Marchio.

*A. C. 1134.*

*Ex Brei. Rô.  
ad 15. Nov.*

*Pietas S. Le-  
opoldi.*

**L** Leopoldus Austriæ Princeps, ab insigni in DEUM pietate Pius cognominatus, in primo ætatis flore, ea virtutum femina concepit, quæ annorum progressu in singularem vitæ sanctitatem excreverunt. Relucebant in adolescentia cum DEI timore summa vitæ integritas, continentia, & humilitas; in provectiore ætate, justitia, misericordia, sapientia, religionis cultus præcipuus. Patre defuncto curis licet conjugalibus, & Principatus sollicitudine præpeditus, pietatis, & misericordiæ munera diligenter obibat; inopes fovebat, oppressos sublevabat, lassos roborabat, denique inter tot aulae inquinamenta immaculatum se ab hoc sæculo custodiebat. Ecclesiae Romanæ Pontifices tantâ veneratione prosecutus est, ut ab Innocentio II. S. Petri filius meruerit appellari. In Clerum, virosque Religiosos beneficis, duo monasteria celeberrima, *Claustro neoburgense*, & *Sanctæ Crucis in Valle nemorosa* construxit, & amplissimè dotavit. Melicense quoque à se instauratum, magnis sumptibus, & censibus illustravit. Demum, cum annis quadraginta Austriæ Principatum laudabiliter gubernasset, Anno supra millesimum centesimum trigesimo sexto, vitâ sanctissimè functus, sacris Ecclesiae Sacramentis munitus, ab hoc mundo ad cœlestem gloriam translatus est. Ejus Corpus ad *Clastrum Neoburgi* conditum innumeris cœpit clarescere miraculis, quibus DEUS tantam Viri sanctitatem voluit manifestam. Namque ad ejus invocationem mortui suscitati, cæci illuminati, surdi auditum, muti loquelam, claudi gressum, captivi libertatem, varijs morbis oppressi sanitatem sunt consecuti. His clarissimis Sanctimoniarum documentis rite compertis, Innocentius VIII. Sanctorum catalogo adscripsit. Ejus sacra ossa è tumulo ab Imperatore Maximiliano elevata, in eadem Ecclesia honorificen-

*Ex qua stirpe  
fit genitus.*

ficen-



ficientius repofita, debitâ coluntur veneratione. Haftenus Officij Divini Lectiones; fuit autem D. *Leopoldus* ex vetuftis Austriae Marchionibus, ex *Schirensi* familia, ut putat *Raderus*, aut quod verifimilius eft, ex *Babenbergenfi*, ut *Cuspinianus*, & *Lazius*, & *Arembergius*. Quo merito igitur, dices S. *Leopoldum* in *Bohemiâ* trahis? Confanguinitatis arctiffimo titulo; namque nifi ſtemma S. *Leopoldi* in *Bohemiâ* derivarem, *Auguſta Auſtriadum* Domus, hodie glorioſè regnans, & imperans, ejus Ducis ſanguinem non haberet; primùm *Filia* D. *Leopoldi Gertrudis Wladislao* II. poſtea *Bohemiæ* Regi An. 1138. deſponſata eſt, unde omnes abhinc *Bohemiæ* Reges *Przemyslae* ſtirpis deſcendunt, uſque ad *Elifabetam Wenceslai* II. filiam, à qua per Matres in Sereniſſimam Domum *Auſtriacam* Sanguis Divi *Leopoldi* maternâ lineâ deſluxit, ut in *Originibus Guttenſteinianis* Genealogicè probatum eſt à nobis. Neque hîc amicitia *Bohemiæ* Principum cum S. *Leopoldi* progenie conſtitit: quippe hoc ipſo Anno 1138. *Sobieslaus Bohemiæ* Princeps filiam ſuam *MARIAM*, *Leopoldo* V. Marchioni *Auſtriæ* S. *Leopoldi* filio conjugio junxit cum dote quingentorum talentorum argenti; nuptiæ *Olomutij* in *Octobri* ſunt celebratæ. In quibusdam manuſcriptis invenio: *Wladislai* II. fratrem *Henricum* nomine, Originarium ſtirpis *Henricianæ*, ſeu *Czerninianæ*, alteram filiarum S. *Leopoldi* in matrimonio habuiſſe, atque adeò *Czerninij* Comites & Barones, tum omnes illi, qui ſe à *Czerninijs* per Matres deſcendere gloriantur (quorum in Nobilitate noſtra inſignis eſt numerus) S. *Leopoldo* ſanguine conjunguntur. Sed neq; iſtud myſterio vacat, eſtq; *Bohemiæ* ſumma gloria, quòd in S. *Leopoldi* Manſoleo, à *Maximiliano* I. ſumtuofiſſimè poſt Annos 344. demum excitato, in marmore ipſo quarundam Illuſtriſſimarum *Bohemiæ* Familiarum inſignia, ac nominatim *Sternbergicorum* expreſſa videamus. Argumentum hoc eſſe poteſt grandis alicujus in S. *Leopoldum* meriti: nimirum *Zdenko de Sternberg* apud Pontifices Romanos eâ tempeſtate gratioſus in primis, qui titulum *Generalis Ducis Armorum Eccleſiæ* gereret, cujus unius conſilij *Georgio* regnante res Catholica in *Bohemia* nitetur, interventu ſuo, ac precibus, & Legatione (quod in Manuſcriptis invenio) ad impetrandum quod petebatur ab Apoſtolica Sede, plurimum attulerat momenti. Eſt autem *Divorum* albo inſcriptus, & honori publico propoſitus ſub *Friderico* III. Romanorum Imperatore An. 1485.

## §. XXVIII.

Duæ Sanctæ Virgines ex Bohemia, S. Angela, & S. Euphrasia Martyr, quæ in Patria ſua ignotæ, in Regnis Hiſpaniæ coluntur.

Consultò duas hæc Sanctiſſimas Virgines Bohemis noſtris olim ignotas, etſi in *Bohemia* natas, ac proinde *Noſtras*, tractatione conjungo;

G

diu

Rad. in S.  
Leopoldo P.  
3. Bav. Sâ:

Lazius ap:  
Rader.  
Cuspinian:  
in Leop. I.

Vide Epit:  
rer. Boh.  
lib. 3. C. 10.  
Origin. Cō.  
de Gutten-  
stein.

Quomodo  
S. Leopoldus  
ad Bohemiam  
pertinere  
videatur.

vide Epit:  
& Indices  
Chronolog:



Crug. in Sa-  
cris Pulver:  
in Augusto  
fol. 75.

Nullum in  
Boh. priori  
bus sæculis  
fuit Cæno-  
bium VV.  
Carmelitæ:

Cænobium  
hujus Ordi-  
nis fundan-  
tur in Boh.

Epit. rer.  
Boh. l. 3. C. 13  
S. Angela  
sancta &  
docta.  
Delrio l. 4.  
Disq. mag:  
C. 1. qu. 3.  
sect. 4.  
Possev. in  
Appar: sac:  
in Append.  
Tomo I.  
Ges. in Bibl:  
Diac. Ale-  
gro in Pa-  
rad. Carm.  
decoris in  
S. Angela.

diu dubitavi, utrum eas in hoc *Sanctorum Bohemæ Censu* collocarem, & sva-  
debat altissimum omnium Nostrorum Scriptorum silentium; at tandem in-  
victâ maximorum Authorum autoritate superatus succubui, dóque jam  
manus, & quamvis *Parentes* certò nominare non possim, *Patriam* tamen il-  
lis apud nos libenter concedo. *S. Angelam* *Wladislai Bohemæ Regis* filiam  
P. *Joannes Tanner* facit; sororem P. *Georgius Crugerius*, quæ Fratrem Re-  
gem in terram Sanctam cum copijs *Bohemorum* ad auxilium Christianis fe-  
rendum proficiscentem peregrina secuta sit. *Carmeliticum Institutum* in Pa-  
læstina amplexam esse, & *Angelicam* prorsus vitam egisse, ejus Sancti Ordinis  
Annales affirmant; ferunt hujus *S. Virginis* vitam, & res gestas in Belgio nu-  
per editas Typis, quæ in manus meas non venerunt; ex his forsitan certi  
aliquid possemus statuere; at quod iisdem Patribus narrantibus didici, *Præ-  
genſe Cænobium Carmelitanarum Virginum* rexisse, & Præge 6. Julij mortuam;  
sustineri non potest, cùm (quod certissimò constat) nullum Cænobium,  
aut Parthenonem sacrum ejus Ordinis ante *Caroli IV.* tempora *Bohemia* ha-  
buerit. Primus hic felicissimus Imperator Carmelitanos altissimi operis Ba-  
siliçâ *MARIÆ ad Nives Præge* exstructâ, & cum Cænobio iisdem donatâ  
in *Bohemiâ* adduxit, aliudque novum pro iisdem Cænobium *Tachovia*  
fundavit; cujus exemplum *Guttensteinij Comites* secuti postea, duo Cæno-  
bia *Chisense*, & *Rabsteinense* construxere: potuit nihilominus *S. Angela* spe-  
certâ novi Cænobij sororibus suis fundandi, designata jam Antistita ad fra-  
trem Regem in *Bohemiâ* venisse, & *Præge* dum maximè foundationi immine-  
ret, extinguì, præsertim, si in ea tempora conatus incidit, cùm ingratis-  
simus Imperator *Fridericus Ahenobarbus* Regem *Wladislaum* fratrem *Virginis* di-  
gnitate regiâ deturbavit. Sed tumuli nullum *Præge* superest vestigium. At  
quàm facilis jactura sepulchri! an deerant *Præge* Cænobia, ac maximè quod  
soror *B. Agnes* regebat in Arce, ubi conderetur? Satis de multum contro-  
versa quæstione. vide, quæ in *Epitome nostra* attulimus, ac peculiari Disserta-  
tione ad *Venerab: ac Doctissimum P. Carolum Slavatam*, non modò Excellen-  
tissimæ familiæ, sed *Patriæ* etiam nostræ *Bohemæ Decus*, & ornamentum, ac  
(dum hic præsens Liber sub prælo Typographico sudat) sui Ordinis *Carmel:  
Discalc: Generalem*. Fuit verò *S. Angela*, & virtute, & scientijs omnibus ad  
miraculum exculta; mirantur, & commendant ejus opera, quæ latinè scri-  
psit (*Exhortationes ad moniales suas*, *cælestes Revelationes*, ac librum de *Vene-  
rabili Sacramento*, aliæque plura) *Delrio*, *Possevinus*, *Nostrum*, tum *Carmelita-  
ni Scriptores*; ac fortè id est, quòd eam in Effigie apud *S. Gallum Præge* vi-  
demus inter Sanctos ejus Ordinis depictam, Librum tenentem, cui libro *Mon-  
strantia*, ut vocamus in templis, superstat. hæc de *S. Angela*.

*S. Euphrasiam*, alij *Ephrasiam*, aut *Eurosiam* appellant, & *S. Angeli* so-  
rorem fuisse perhibent, æquè apud nos natam, & Regis filiam. Hæc Regi

*Hispa-*



*Hispaniarum* per Legatos desponsa, & promissa, dum in *Hispaniam* mittitur, & *Pyrenaeos* superat, in *Maurorum* potestatem devenit, qui Virginis eximiâ formâ capti (ut est gens salacissima) vim pudicitiae inferre coeperunt, sed Virgo Regia latronum scelus averfata, mori maluit, quàm foedari, atque in ea pudoris sui defensione *Martyr* occubuit. Civitas *Laca à Dauroultio* nominatur, ubi editis post mortem miraculis, religiosissimè colatur, & in ficitate telluris, ac pestilentiae tempore, praesentissimâ semper è cœlis ope ab incolis invocetur. Tempestates quoque in illa cœli plaga gravissimas saepius avertit in auxilium vocata. *Hispania* Scriptores ejus meminisse, ac nominatim *Marianam*, testis est noster *Chanovius*; miraculis in *Hispania* claram esse affirmat *Marchantius* in *Pastorali*. De hac *Sancta Euphrasia* velut à nobis profecta nullam in *Basilico* illo Opere, quod *Bollandus* Noster inchoavit, mentionem invenio; at de *B. Angela* ad 28. Februarij hæc leguntur: *B. Angela de Bohemia Ordinis Carmelitani quibusdam Calendarijs hoc die inscripta traditur, in ejus vita, quam M. S. nacti sumus, non tenui Examine egentem; traditur obiisse 6. Julij. Ita ibi.*

S. Euphrasia Martyr castitatis.

*Dauroult. in Catech. historico. Mariana in hist. Hisp.*

*Chanov. in Vest. Boh. Pie C. 3. in Notis.*

## §. XXIX.

## S. Otto Bambergensis Episcopus, Pomeranorum Slavorum Apostolus.

**S**anctissimus hic Praesul bene de *Bohemia* nostra meritis, effecit, ut ejus inclytum nomen inter patrios, & illustres Sanctimoniam Viros legatur: amantissimus in primis fuit *Bohemici nominis* & *Bohemia* saepius adiit (nam *Slavicam linguam* in *Polonia* perceptam perfectissimè callebat) quoties scilicet ad barbaros iter habebat, *Wladislaum I.* & *Sobieslaum I.* Duces *Bohemiae* salutabat ex intervallo. Innotuit Ducibus nostris *Bambergae* in Comitibus Imperij An. 1124. 7. Maij ab *Henrico V. Caesare* celebratis, & in intimam Principum familiaritatem admissus est; adde quod *Pomeranis* (qui tum Slavice loquebantur) cognata nobiscum genti, Christi Evangelium praedicavit. An. 1125. Martio exeunte, *S. Otto* *Pragam* advenit; nihil esse potuit opportunius, *Wladislaum I. Bohemiae Duce*, cum fratribus, & patruelibus suis immortaliter, ut ita dicam, dissidente; tantum oratione nervosa apud morientem Ducem profecit *Otto*, ut omnia Fratribus condonaret, eoque *Sobieslai* fratris, à quo maximè dissidebat, amore processit, ut proprijs etiam liberis praeteritis, *Sobieslaum* Proceribus commendavit, atque ut in Imperio succederet, impetravit. Obijt 2. Aprilis *Wladislaus* à SS. Praesule *Ottone* ad moriendum optimè comparatus A. D. 1125. Reliqua Apostolica *Ottonis* gesta in *Surio* leguntur. Obijt SS. Praesul *Pomeranorum* & *Lusiciorum* Apostolus A. C. 1139. 30. Septembris. ætatis 70. Divorum numero à *Clemente III. Papa*

S. Otto Bohemis & Slavici peramicus.

*Weles. in Calend. ad 7. Maij. Cosmas in hist. Boh. Dub. Hag. Rad. in Bavaria. S. in S. Ottone. Manlius in Lusatin.*

Reconciliat Duces Bohemiae dissidentes.

*Man. J. cit.*



*Hen. Canis.  
T. 2. antiq.  
lect.  
De Pomera  
nia Slavica.*

pâ adscriptus 1189. Apostolicos S. Ottonis labores, *Pomerania Slavica* descriptionem, universæ illius Gentis ad Christum conversionem, jucundè prorsus & memorabili narratione complexus est Anonymus, sed synchronos, & ejusdem Ætatis Scriptor apud *Henricum Canisium* tribus libris.

## §. XXX.

## B. Henricus Zdik, Olomucensis Episcopus è Regio Ducum Bohemiæ sangvine.

*Beati titulo  
& Natales.*

**B**eatum titulum Henrico virtutes primùm, & sanctimonia, uno eodémque vitæ colore, & tenore usquè ad extremum deducta conciliârunt. deinde omnis retro Antiquitas, & Scriptores omnes sinè controversia tribuerunt; controversia major est de Patre: alij *Ottonis I. Znoymensis*, & *Olomucensis Ducis* filium, alij *Wladislai I. Regis Bohemiæ* fratrem, & *Wratislai I. Boh. Regis* filium, alij *Wladislai I. fratruelem* faciunt; omnes iterum in eo consentiunt, ex *Przemyslea* regnatrice apud *Bohemos & Moravo.*

*M. S. hist.  
Ord. Præm.*

stirpe editum fuisse. Educatio illi Principalis, & Regia, multæ deinde literæ, inde parta prudentia, Principibus charum, & ad res maximas agendas, & de rebus maximis suggerenda consilia idoneum fecere. Sed autoritatem omnem consiliorum *Henricus* ad Divina convertit, ac sanè nescio Antistitem in Patria, cujus consilio plura ad DEI gloriam sint gesta. *Episcopus Olomucensis* post An. C. 1126. rite creatus, cum angustissimè *Præsul & Canonici* duodecim in *SS. Petri & Pauli* Ecclesia versarentur, *Olomucensibus Ducibus* (*Wenceslao & Wladislao*) author fuit A. 1128. arcem *Olomucensem* in *Cathedralem S. Wenceslai* Martyris Ecclesiam convertendi; auxere eodem authore *Collegium Canonorum* antè laudati Principes, ut ad *S. Wenceslaum* *Canonicis* 24. *Collegium* constaret. Idem Ecclesiam *S. Wenceslai* condecoravit auro, aliisque pretiosissimis cimelijs, & satis magnâ parte *SS. Crucis* quam *Hierosolymis* secum (ut mox dicam) attulerat. Omnis igitur, quam videmus hodie, Ecclesiæ illius Majestas, quasi fundamento ab *Henrico* sub-

*Pulk. hist.  
Boh. C. 74.*

*Ejus iter in  
terram S.*

*Summus  
fuit admira  
tor & ama  
tor Ordinis  
Præmonst.*

structo, eidem Beato Antistiti debetur. Posthæc incessit cupido terram sanctam, quæ Christi vestigijs, imò etiam sudore, & sangvine consignata esset, visendi; pedes *Hierosolymam* usquè processit, rediensque tot Divinas mente imagines ex *Palæstina* retulit, ut in Patria *Palæstinam* videre se crederet, amantiù more, qui sibi somnia, & omnia fingunt: hoc *Sionis*, hoc *Montis Olivæ* Cœnobita testantur. Porro *Henricus* in hac peregrinatione *Sacri Præmonstratensium Ordinis*, cujus tunc prima gloria, amore sic captus est, ut se ijs adungere, & consecrare, depositis *Insulis* statuerit, sed à Pontificibus impetrari ampliùs non potuit, quàm ut vestem religiosam ferret in loco, & quantum dignitas Episcopalis pateretur, *Præmonstratensis* esset. Itaque jam penè

facro



sacro illi Ordini domesticus, ejus incrementa promovit: *Wladislao Bohemiae Duci*, postea Regi, sic Ordinem suum commendavit, ut celeberrimum, atque in primis opulentum Cœnobium *Præmonstratense Praga* fundaret, cui *Henricus* ob similitudinem ad montem *Sion Hierosolymis*, *Sionis* nomen imposuit; *Litomyslij* deinde alterum eodem *Henrico* impulso *Præmonstratensium Collegium Brzetislaus Wratislai I. Regis* filius fundavit, ut ostendit *Pessina*; Scriptores alij ipsum *Henricum* nominant Fundatorem (qui rursus ex *Palæstina Montis Oliveti*, vel *Olivetorum* Cœnobium appellavit) conciliari possunt sententiæ, si primus Fundator *Brzetislaus*, secundus (quod frequentissimum in Cœnobijs fuisse lego) *Henricus* habeatur Fundator ob grande aliquod beneficium. Magnum & illud, quod (ut *Crugerius* docuit) prius *Henricus* effecerit, ut ex *Strahoviensi* Cœnobio *Olomucenses* Antistites lege quâdam inviolatâ diu legerentur. Ottoni nominari possunt ad eas Infulas ex *Præmonstrato Pragensi* evocati. *Paprocij* obiter refellendus est error, qui *Joannem*, cognomento *Ventriosum* Episcopum *Olomucensem* An. 1104. electum, eidem ordini (qui nondum fundatus erat) adscribit. Illud verius, quod idem *Paprocius* scribit: *Henricum* à *Wenceslao Duce* impetrâsse, ut *Parochialis Ecclesia S. Mauritiij* (quæ antea Cœnobium Ordinis *S. Benedicti Hradistiense*, seu *Gradlicense* respiciebat) ad *Cathedralem S. Wenceslai Ecclesiam* pertineret. Eidem *Henrico* libertates, & immunitates suas ex merito adscribit *Virgineum Cœnobium ad S. Georgium Praga*, quod ille sibi protegendum, ornandum, & in virtute promovendum sumsit, fuitque *Parthenoni* à sacris confessionibus; unde ejus postea obitu mœstas *Virgines Eusebius III. Pontifex* Epistolâ singulari An. 1151. *Ferenti* datâ, solatus est, ut in *Epitome historica* probavi. Perinde verò, ut boni bonum, sic mali, & improbi acerrimum vindicem legum sacrarum *Henricum* sentîere: *Clericos concubinos* (quod tum ob frequentiam, vix pro scelere habebatur) cum aggressus ipse, & *Otto Pragensis Episcopus* eradicare non possent, *Henricus* *Romam ad Eugenium Pontificem* profectus, Legatum *Gvidonem* impetravit, cujus autoritate victi Regij sanguinis Principes, defensionem omittère, effectumque est, ut alijs exilio, alijs carcere punitis, alijs administratione Sacrorum prohibitis, *Clerus Bohemiae, & Moraviae* ad sanitatem, & sanctitatem rediret (quod infeliciter alijs quibusdam *Præsulibus* cessit, ut de *Godervoldo Misnensi* legimus apud *Fabricium*) quid tamen per causam hujus itineris, & quàm gravia passus sit *Henricus*, *Dubravius*, & *Hagecius* latè commemorant; fuit perpetuus egenorum, & à fortuna, & amicis desertorum Patronus; denique vitâ omnibus sanctimoniam numeris absolutâ, prophetiæ spiritu clarus, migravit in Cœlum An. C. 1151. 25. Junij. Agunt de eo *Dubravius* l. 12. *Hagecius* in Annalibus. *Crugerius* 25. Junij. *Paprocius* & *Augustinus* *Moravus* in Episcopis *Olomuc*: *Aubertus Miræus* in Chronico &c.

*Dubrav. l. 12. hist. Boh.*

*ad 25. Junij*

*Strahoviense Cœnobium Seminarium Episcoporum.*

*Paproc. in speculo Moraviae: in Episc.*

*Cœnobium Hradistiense ad Olom.*

*Epit. hist. l. 3. C. 13.*

*Dub. l. 12. Hag. in An.*

*Clerici concubinarij cortecti.*

*Fab. in An. Mis. l. 1. ad An. 1130.*

*Obitus ejus.*





## §. XXXI.

## B. Amabilia prima Antistita Parthenonis Clatoviensis, Ordinis S. Benedicti.

B. Amabilia  
liae genus,  
& Vita.

B. Amabilia  
lia Plsnam  
translata.

Ejus Tumulus.

Weleslav.  
in Geneal.  
Chanovs: in  
Vest: Boh.  
Pie.  
Ferus in Vi  
ta S. Agner.

**A** *Mabilia* Henrici, & Theobaldi (quorum ille *Czerninorum*, hic *Ssvihoviorum* illustrissimas stirpes fundarunt) germana soror, *Wladislai I.* Bohemiae Principis, & *Amabilia Wohburgensis Ducissa* filia, ab in-  
eunte aetate DEI sese magis filiam, quam mortalium Principum probavit,  
uni aeternitati, non tempori, nulli nisi coelesti voluptati, quam ex divinis lau-  
dibus liquidissimam capiebat, imminens, & intenta. Cum *Theobaldus* fra-  
ter Coenobium Religiosorum *Clatovia* (ad quod uni Nobilitati aditus pateret)  
statuisset, *Amabilia* ad idem exemplum Nobilium puellarum Coenobium  
ibidem (in suburbio Civitatis situm, ut probabile puto) fundavit, utrumque  
Coenobium ex *S. Benedicti* legibus regebatur. Antiquitas (senectuti no-  
strae simillima) obliviosa, nihil de illa posteritati tradidit, nisi *Beata*, imò &  
*Sancta* titulum, quem virtutibus, & contemptu rerum omnium terrenarum,  
spiritu prorsus Principali meruerit; deinde & illud, quod comitari sancti-  
moniam solet: *Miraculis claruisse*. Vixit circa An. C. 1170. *Clatovia* pri-  
mum in Ecclesia *S. Laurentij* tumultata; at cum impij *Hussite*, non modò ad  
necem Catholicos viventes quærent, sed etiam mortuorum, ac praesertim  
*Beatorum* hominum corpora iterum quodammodo occidere cuperent, eo-  
rum sacros tumulos violando, ossa, & cineres dissipando, urendo, *Ssvihovij*  
*Barones*, qui eam, velut sui sanguinis Divam, ab omni memoria colue-  
runt, eandem *Amabiliam cum Theobaldi Originarij* sui, ac cæterorum ex sua  
gente Procerum corporibus *Clatovia* effossis, *Plsnam* (quod ex vetustis *Ssvi-*  
*hovororum memorijs* exscribo) detulerunt. Errat vir historiae nostrae peritus,  
qui corpus *S. Amabiliae* sub rudibus veteris *Plsnae* jacere scripsit; jacet in  
duobus Coenobij Novæ, seu hodiernæ Urbis *Plsnensis*, ac nominatim *S. A-*  
*mabilia* ante summum Altare in Sacello *S. Margarethæ* (quod alij templum,  
alij Sacellum *S. Spiritus* appellant) ad Coenobium Ordinis *Prædicatorum*, cu-  
jus corpus effossum (dum Sacellum reparatur) ante annos triginta se vidisse  
mihi narravit Illustrissima, & fide dignissima & pietate insignis Matrona  
*Przichovskiana*, nata ipsa *Kokorzoovciana*; an redditum tumulo sit, an à  
Patribus alibi conditum asservetur, hætenus scire non potui. Egit de  
ea *Weleslavinus*, *Chanovsky*, *Ferus* &c.



## §. XXXII.





## §. XXXII.

B. Elisabeth Wladislai I. Bohemiæ Regis Filia, S. Amabiliæ Soror, Ordinis Præmonstratensis in Cœnobio Doxanensi.

**J**am sæpe dixi, *Wladislai I. Bohemiæ Regis* generationem, totamque adeo cognationem benedictam ex Cœlo videri, tot Sanctimoniarum Viros, ac faminas protulit, ut unum illud sæculum, cætera omnia *Bohemiæ* multitudine *Beatorum*, ac *Beatarum* provocare videatur. En iterum *Elisabeth Wladislai I. filia*, inclytæ Sanctitatis in vetusto illius Cœnobij Catalogo legitur, ac disertè *Beata* appellatur. Ob eum nobilitatis, & virtutum splendorem, unanimi Virginum suffragio, post *Mechtildem*, quæ ibidem *prima Priorissa* dicitur, successit *Elisabeth secunda* Cœnobij Priorissa, Regis *Wladislai II. soror*, cujus *Wladislai* Conjux *Gertrudis S. Leopoldi* filia Parthenonem hunc sacrum fundavit; sed & *Elisabeth* cum fratre Rege plurimum Cœnobij foundationem promovit; hæc enim in *Memorijs Doxanensibus* invenio: *B. Elisabeth secunda Prælatæ nostræ*, contulit pro se, & fratre suo 80. *Marcas* argenti ad ædificium *Monasterij*; item duas villas; insuper *Calicem cum patena*, & *ampullas argenteas inauratas*. Dies obitus annotatur ibidem 31. Martij, annus abest. Crediderim ad An. 1170. vivendo pervenisse.

1170.

B. Elisabeth  
auget fun-  
dationem  
Doxanen-  
sem.

## §. XXXIII.

B. Brzetislaus Henricus Dux Bohemiæ, Episcopus Pragensis.

**F**uit *B. Henricus Brzetislaus*, filius *Henrici III. Bohemiæ Ducis* ex *Agnete Ducissa Carinthiæ*, filia *Henrici IV. Imperatoris*, ac proinde ex familia Imperatorum, ac Regum; nam *Henricus III. Wladislai II. Bohemiæ Regis* frater fuit; fratres & ipse habuit, *Henricum*, à quo stirps *Henriciana* dicta, hodie *Czerniniana*; & *Theobaldum*, à quo stirps *Theobaldicorum* (quos hodie *Ssvihovskios* appellamus) descendunt. A prima ætate bonas literas, tum etiam Philosophicas, dein Divinas, & interiores *Parisijs Magister & Doctor* percepit; sed ille omnia virtuti posthabuit, Religiosam vitam in *Strahoviensi*, seu *Sionæo Cœnobio* professus. Doctrinæ, & virtutis comes Honos apud bonos est: *Præpositi Wissebradensis* dignitas, tandem mortuo *Valentino* etiam Episcopatus, *Henrico* defertur. Cum verò *Wenceslaus II. & Przemyslaus* de Principatu Bohemiæ contenderent (*Spitihnæi* pupilli causam egisse in Comitibus *B. Henricum Solymannus* scribit; ego quis ille *Spitihnæus* fuerit, ignoro; scio alioquin *Wladislai II. Regis* filium,

A. 1196.

Genus.

Doctrina.

Ordo.

Jul. Solym.  
in Elogijs  
Reg. Boh.

atq;



Dignitas  
Regia.Merita &  
fundatio-  
nes.Henricus à  
Pont. cog-  
nominatur  
Sapiens.Amantissi-  
mus subje-  
cti populi.Obitus &  
tumulus.Pont. in Ep.  
Prag.  
Pessina in  
Phosphoro ra-  
dio s.  
Crug. ad 14.  
Junij.  
Mortuar.  
Doxanense  
M. S.

atque etiam Wenceslai filium *Spirihnaum* poni à *Weleslavino*, de quibus alij Genealogistæ tacent) ergo, cum illi duo contenderent, *Henricus* à Bohemis Dux est acclamatus, licet perinivitus, ac deprecans, probante *Henrico IV.* Cæsare; quod factum An. C. 1191. cum jam Annos decem in Episcopali munere *Henricus* exegisset. Primum operum Principalium fuit, Regij sanguinis Principes componere, quod etiam armis feliciter perfecit. Domum Episcopalem exstruxit cum Sacello augustissimo *augustissima DEI Matris* ibidem, atque etiam *Wissebradi Ecclesiasticos Cantores* (Chorali tono, ut vocant) DEI laudes cantaturos fundavit; sed hæc minora: collapsam Clerum in Bohemia disciplinam cum *Petro Cardinale Calesini III.* Papæ Legato restituit, à quo *Henricus Sapiens* titulum apud Pontificem reportavit. In summa, quæ Bohemiam premebat annonæ caritate, *Henricus* de suo ingenti frumenti numero comparato, velut alter *Joseph*, totam aluit Bohemiam, & ob Cives servatos & apud DEUM, & apud homines immortalem lauream obtinuit. Aliquoties Principatus insignibus exuere sese tentavit, sed nunquam ab amantibus subditis impetravit; quod profecto testimonium subiectorum, electione omni majus est. Denique, cum vicinam *Sion* in oculis haberet, ipse in Hierusalem vetus revocavit *Machabææ* gentis exemplum, ut & *Sacerdos* maximus, idemque bello, & pace Dux optimus haberetur ab omnibus, & qui vel uno munere laudabiliter gesto præconium æternum meruisset, utroque sic excelluit, ut paucos *Antistites*, paucos etiam pares *Duces Henrico* Bohemia viderit. Obijt 14. Junij *Egra*, quod ex consilio Medicorum ad aquas *Acidulas* valetudinis gratiâ sese contulerat; decessus *Doxanum* ad *Præmonstratenses* suos, ibique apud Matris tumulum humatus An. 1196. Scripsere Sancti Principis encomia, quicumque de Bohemia scripsere; at peculiariter *Pontanus*, *Pessina*, *Crugerius*. Brevissimè vetustissimus Codex *Doxanensis*: 14. Junij. Obijt beata recordationis *Henricus Pragensis Episcopus*, & nostra Congregationis Protector piissimus, omniumque spiritualium optimus Defensor, qui contulit nostræ Ecclesiæ circuitum *Kolovvecz*, & de tentorio suo ornamenta Altarium auro texta. Beati titulum omnes Nostri Scriptores, & omnis retro antiquitas *Brzetislao Henrico* tribuerunt.

## §. XXXIV.

B. Adalbertus Wladislai II. Bohemiæ Regis filius,  
Archiepiscopus Salisburgensis.

A. 1200.

Beati titulus

Quicumque *Adalberti* trigésimi secundi à *S. Rudberto* Salisburgensis Archiepiscopi meminerunt, titulum ei *Beati* apponunt, quem virtutibus, vitâ innocentissimè actâ, & exilio pro defensione Sedis Apostolicæ fortiter tolerato, meruerit. Natus est apud nos, Patre Rege *Wladislao*



*dislao II. Matre Gertrude S. Leopoldi Marchionis Austriae filiâ; educatus in Cœnobio Strahoviensi Praga, legitimâ ætate Præmonstratensium Institutum secutus, votis sese Religiosis illigavit; at Pater (ut illo sæculo plerique ex Strahoviensi Cœnobio ad Infulas, & dignitates Ecclesiasticas petebantur) filio prædivitem id temporis Præposituram Mielnicensem contulit. Paulò post, Anno videlicet 1168. moritur Conradus Archiepiscopus Salisburgensis, S. Leopoldi Marchionis Austriae filius, frater Gertrudis; eadem commendatione usi Wladislaus Rex, & agnati cæteri, Gertrudis filium Adalbertum ad Salisburgenses infulas promoverunt. Pallium Archiepiscopale Adalberto Alexander Pontifex misit, Aquilegiensis Patriarcha Præsulem consecravit. Divitum erat Ecclesia Schismate (quod vocabant) Fridericiano, cum scilicet Fridericus Cæsar Ahenobarbus legitimum Pontificem Alexandrum III. agnoscere nollit, aliosque sacrilegè sufficeret; Adalbertus meliores partes, ut decebat, secutus, in Cæsaris offensam incidit, multisque ob eam causam appetitus injuris, tandem An. 1174. cum ei Cæsar accusatores duos ex Sacro, quod minimè decebat, ordine apposuisset, atque ipse furens, iudicio præficeret, innocentem, neque respondere ad calumnias permissum, damnavit. Multatus exilio in Bohemiam Mielnicium se recepit, cum antè, sponte an metu, cessionem Archiepiscopatus ab eo Cæsar extorsisset; Adalberti igitur locum Henricus, deinde An. 1178. Conradus Wittelsbachius tenuit, quo in Moguntinam Sedem elato A. 1183. Friderico jam resipiscente, & bonâ fide pacem cum Ecclesia, & legitimis Pontificibus colente, post tot annorum exilium fortissimè toleratum Adalbertus noster Sedi suæ restitutus, ostendit, virtuti æquè adversa, ac prospera servire. Paulò ante mortem servum suum rebus adversis iterum sibi approbare Divinitas voluit, quippe charissimum alioqui populis Præsulem, & suorum amantissimum (ut ostendit Adeltzreiter) suimet clientes (caussa annalibus expressa non est) cepere, & captum dies quatuordecim arctè attinere; ob rei indignitatem Sacris interdictum totâ Archidicecesi, neque prius pœna sublata, donec constitit, restitutam Præsuli innocentissimo libertatem. Septem, & decem annis cum summa laude & commendatione Pontificum, Cæsarum, Principum, omniumque ordinum Archiepiscopali dignitate functus Adalbertus A. 1200. 4. Aprilis (Doxanense M. S. 7. Aprilis ponit) velut Pastor bonus ad Pastorum Principem Christum evocatus est, & Salisburgi in Cathedrali Ecclesia tumulatus; quem hodièque Sanctis, & Beatis Ecclesiæ suæ Præsulibus, Archidicecesis illa fœlicissima accenset; fundavit B. Adalbertus Præmonstratensibus suis amplissimum ad Straubingam Cœnobium.*

*Chron. Au-  
ber: Mirai.  
Bibl. Joan:  
de Hæye.  
Henr. Stero  
in Chron.  
Avent. l. 6.  
Boic. hist.  
Hundim  
Meiro. e. 4.  
Kensner Ba  
sili: Geneal.  
Munst. Cos  
mogr. l. 3. C.  
371.*

*Defendit  
Rom: Ponti  
ficis autho-  
tatem.*

*Ob eam rē  
fede Archi-  
episcopali  
dejicitur.*

*Adeltz. P.  
1. l. 22. n. 34.*

*Restitutus  
rursus exer-  
cetur adver-  
sis.*

*Chanov: in  
Vestig. Boh.  
Pie. C. 3.*





## §. XXXV.

B. Agnes Virgo DEO consecrata, Antistita Parthenonis Georgiani Pragæ; & B. Hedwigis Religiosa in Cœnobio Doxanensi, hæc Instituti Præmonstratensis, illa Benedictini, Sorores; utraque Wladislai I. Bohemiæ Regis filia.

Circa A.D.  
1206.

B. Agnes religiosa Virgo Præmonstratensis, & post Benedictina.

Crug. ad 14 Martij.  
Weles. in Geneal. Prin. Boh.  
Tanner. ad C3. Vestigij Boh. P. 12.

Controversia de B. Agnete & Hedwige.

**A**gnes Wladislai I. Regis Bohemiæ filia, ex Gertrude (Sancti Leopoldi Marchionis Austriæ filia) primùm *Doxana* inter Virgines Norbertinas Religiosam egit vitam, admota etiam gubernationi Parthenonis Sacri circa A.C. 1200. tertia numero *Doxana Antistita*, multâ cum Cœnobij utilitate præfuit; at postea Rege Przemyslao Ottogaro I. fratre agente, ad S. Georgij Parthenonem Benedictinum regendum translata, ut prius fecerat, omnibus suis mirâ Sanctitate præluxit, quam ob causam Agneti huic Beata titulum tribuit antiquitas. Ex hac Agnete satis imperitè (quod fieri non posse crederent, ut una, eadēque in duobus diversi Ordinis Cœnobijs degeret) duas quidam Scriptores fecerunt, quos Memoria Georgiana, deinde Calendarium Doxanense ante 300. annos scriptum, refellunt: Calendarium: 7. Junij. Obijt pia, & beata memoria Agnes Abbatisa, Restauratrix Ecclesiæ S. Georgij Pragæ, Congregationis nostræ Soror Professa, quæ nobis bona multa contulit. Ex his habemus obitûs mensem, & diem; annum tamen nominare non possumus. Scripsit de ea Crugerius; mentionem fecit Weleslavinus. Tumulata à suis in sacrario Sanctæ Annæ prope ipsam B. Miladam Fundatricem, quod à Rege fratre suo Przemislao Ottogaro I. quàm plurima beneficia, & Privilegia Cœnobio procurâisset; Beata titulum ei tribui testatur Tannerus. At quid de Hedwige, quam (ante Professionem in eodem Doxanensi Cœnobio factam) Agnetem appellatam, affirmat Crugerius, faciemus? an eadem est cum priori B. Agnete? addit idem: Hedvigem Wladislai I. & Gertrudis filiam, & primùm annis XX. privatam, deinde *Doxana* itidem tertiam Priorissam XV. & ampliùs annis Parthenoni præfuisse, & A. 1205. 14. Martij morientem *Doxana* in elatiore, marmoreoque Tumulo sepultam fuisse, quæ omnino non coherent: fuerit Regum filia, fuerit 20. annis privata, sanctissimè vixerit, sanctissimè obierit, & ob illam Sanctimoniam auctoritatem extante tumulo honorata sit à suis; at neque 14. Martij obijt, neque dignitatem Antistitæ gessit; ut Hedvigem non fuisse Agnetem necesse sit dicere: nam ad 20. Martij in Mortuario legitur: Obijt Beata memoria Hedwigis filia Regis. ad 7. Junij verò: Obijt pia, & beata Memoria Agnes Abbatisa Restauratrix Ecclesiæ S. Georgij Pragæ, ut suprà retuli. Agnes igitur ad S. Georgium

ium, He  
Georgian  
evident  
Prioriss  
ginum ad  
non voca  
ibidem 13  
appellari  
iam appel  
lo post Pr  
thio & Su  
numerata  
tem tenu  
B. Agnete  
memoria  
es eviden  
obijt. S  
nes 31. Ju  
dit 20. Ma  
  
Agne  
Sa  
  
I NCa  
Regis  
quæ r  
naculis,  
guntur o  
potestes  
steriore  
(itâ M.  
contulit  
ipsa Beat  
hemix R  
publicis  
mensi do  
dislaj filij  
tuit alia A  
renond



gium, *Hedvvigis Doxanæ* Tumulum invēnit, hæc privata, illa Parthenonis Georgiani Antistes; illa 20. Martij, hæc 7. Junij evolavit in cœlum. Unde evidenter probatur (adversus *Crugerium*) diversas fuisse, neque *Hedvvigem Priorissæ* munere fundam; quod sine dubio ad nomen ejus in *Mortuario* Virginum additum legeremus. Tandem ex eodem *Mortuario* *tertia Priorissa* non vocabatur *Hedvvigis*, sed *Margarita filia Fundatorum*, ut est scriptum ibidem 13. Julij. Sed notandum hoc loco, primò. *Margaritam* *tertiam* appellari *Priorissam*, licet *B. Agnes* (ut initio hujus numeri dixeram) *tertia* etiam appelletur: scilicet electa fuit quidem à fororibus *Agnes Doxanæ*, sed paulò post *Pragam* est evocata, cui viventi *Margarita* successit; quæ prope *Electio & Successio* effecit, ut in Catalogo *Priorissarum Doxanensium* *B. Agnes* numerata non sit, sed *Margarita*, quæ videlicet hoc munus usque ad mortem tenuit, adeoque *tertia Priorissa* constanter nominatur ab omnibus, *B. Agnete* ad aliud Antistitium translata. Ajo secundò: *tres Agnetes Beata memoria*, in *Mortuario Doxanensi* reperiri, quas diversas esse ipsa mortis dies evidenter ostendit. *Agnes*, quæ postea ad *S. Georgium* transijt, 7. Junij obiit. *Secunda Agnes* *Priorissa* obiit 17. Maij. *Tertia Beata Memoria Agnes* 31. Julij. *Hedvvigis* autem, quam malè cum *Agnete Crugerius* confundit 20. Martij decessit. Jam ad *Agnetes* duas illas reliquas veniamus.

## §. XXXVI.

*Agnetes duæ Priorissæ, ut illæ vocant, Virginum Sacrarum Doxanæ, Instituti Norbertini.*

**I**N *Calendario* vetere *Doxanensi*, præter allatam *B. Agnetem Wladislai I. Regis* filiam, duæ leguntur ejusdem nominis, ut paulò antè dicebam, quæ rarâ opinione Sanctitatis relictâ, admotæ *Cœnobij* *Virginei* gubernaculis, decesserint; altera 17. Maij (anni non adduntur) altera 31. Julij, leguntur obiisse; & quanquam natalium nulla sit mentio, dubitari tamen non potest ex illius sæculi more, nobilissimas Virgines fuisse, idque ipsum de posteriore satis indicant divitiæ, quas illa *Sacro Parthenoni* donavit. 31. Julij (itâ *M. S.*) Obijt *beata memoria* (Nota) *Agnes Prælata loci hujus, quæ eidem contulit vineam, & 80. marcas argenti.* Superior verò *Agnes* (17. Maij) & ipsa *Beata* titulo insignitur. Hanc postremam ego suspicor *Wenceslai I. Bohemiæ* Regis sororem, & *Przemyslai Ottogari I.* filiam fuisse: *Fabricius* ex publicis Tabulis commemorat, *Wenceslaum Bohemiæ Regem Ecclesiæ Misnensi* donasse castrum *Lefnam* pro salute animarum *Ottogari* Patris sui, *Wladislai* filij, & *Agnetis* sororis suæ An. 1247. X. Calendas Octobris. Non potuit alia *Agnes* esse, quàm hæc *Doxanensis*; siquidem *S. Agnes Ordinis S. Clare* nondum obierat (An. 1281. mortua) neque altera *Henrici I. Saxonie* Du-

*Circa An. 1210.*

*Tres Agnetes filie Regis Ottogari I.*

*Fabric. l. 2. in Misnicis ad A. 1247. Supplementum Chron. Misnie.*



Obiectio  
solvitur.

cis conjux, quæ An. 1268. ut paulò antè dixeram, decessit; atque ità evidenter probatur: *Przemyslaum Ottogarum I.* præter alias filias, tres *Agnetes* filias habuisse, sed ex ijs, an ex *Adela* prima uxore, an & quæ ex *Constantia* susceptæ sint, certò dicere non possum. Objicere hoc loco Sciulus quispiam posset: etiam pro vivorum salute donari multa Ecclesijs, & Anniversaria fundari, adeòq; ex hac fundatione tres *Agnetes* non sat evidenter probari. respondeo: clarissimè ex toto foundationis contextu apud *Fabricium* evinci, hoc cœleste Sacrorum anniversariorum auxiliū mortuis, non vivis à *Wenceslao Regi* fuisse impensum: nam si pro vivorum salute fundare anniversarium statuisset *Rex*, cur se, cur *Ottogarum* filium, cur cæteras proles suas tum adhuc viventes, cur sorores suas reliquas prætermisit? nimirum quia vivebant, & tres illi, pro quorum salute anniversarium in *Ecclesia Misnensi* Sacrum fundabatur, jam decesserant; idem comprobatur perpetua eorum temporum consuetudo: quis enim Anniversarij alicujus fundator, si vivant ij pro quorum salute Missa fundatur, non addat continuò, id Sacrum post eorum mortem inchoandum? hîc autem sine omni exceptione (nimirum pro mortuis, ut constabat inter omnes) Anniversariū fundabatur, & cùm duo illi (*Ottogarum pater, & Wladislaus filius*) vitā exceßerint, quā ratione *Agnes* vivens & valens cum mortuis Anniversarium haberet? cur id soli *Agneti* viventi præstaret *Rex* frater? an aliæ *Agnetes* sorores tam charæ Regi non erant? imò chariores, ut de *S. Agnete* Ordinis Seraphici *S. Claræ*, ex ejus Vita satis datur intelligi. Maneat igitur in hac causa inconcussum: *Przemyslao Ottogaro I. Regi, tres Agnetes filias fuisse.*

## §. XXXVII.

Beatus Hroznata Ordinis Præmonstratensis Confessor, & Martyr.

A. 1217.

Beati Viri  
genus.

Fundat  
duo Cœno  
bia Ord.  
Præmonst.

Actum agerem, si hoc loco B. *Hroznata* vitam, résq; ejus gestas describendas susciperem; vulgavi eam pridè in *Originibus Guttensteinianis* ex vetere M. S. Codice Cœnobij *Teplensis* excerptam; hîc succinctissimè, & paucis complectar omnia: B. *Hroznata Comes* (itā eum difertè appellat *Henricus Episcopus, & Dux Bohemorum in literis Originalibus*) ex Comitibus de *Mielnik* (qui postea ab arce *Guttenstein*, *Guttensteinij*, vel *Gutta* dicebantur) patre *Sežymâ* Comite, Matre *Dobroslavvâ* est genitus, *Przemyslao Ottogaro I.* (qui ab An. 1191. usque ad 1230. regnavit) carissimus, primosque inter Procere numeratus, conjuge, & filio unico orbatus, totum se ad studia pietatis & virtutum cæterarum convertit, ac primū assumptā Crucē *Hierosolymam* peregrinationem vovit, sed mox urbem *Romam* accedens, Cælestino Papā voti loco injungente, nobile Cœnobium *Teplense* Ordinis Præmonstratensis in *Bohemia*, in honorem Beatissimæ *DEI Matris*, terram ipse

è solo



è solo eggerens, & efferens, fundavit; legi in pervetustis sacri hujus Ordinis Annalibus, cum Cœnobij fabricam compleisset B. Hroznata, Christum D. eidem apparuisse per quietem, ac dixisse; *Hroznata! audi vi Orationem tuam, & elegi locum istum mihi in domum sacrificij*; quo oraculo percepto lætus Vir beatus pronus in terram corruens, Dominum adoravit, illa repetens identidem: *Confitemini Domino quoniam bonus, quoniam in aeternum misericordia ejus!* at verò super Cœnobium dum dedicatur à Joanne Episcopo Pragensi, toto die *Stella lucidissima* fixa stetit, nec nisi nocte desijt apparere; brevi post *Virgineum Cœnobium* quoque (cui *Chotiesovium* quasi dicas *Sponsarum Domum*, nomen indidit) adjecit, fundavit, dotavit, instruxit *Hroznata*; in quo *Beati Viri Sorores Virgines, Beatrix, Bohuslava, & Juditha* sanctissime vixerunt. Neque hac pietate liberalissimâ *Beatus Hroznata* sibi fecit satis, sed iteratò Romam contendens, habitum *Præmonstratensis Ordinis* ab ipsomet Pontifice suscepit, & religiosam amplexus est vitam. Procedente tempore *Præpositus* factus est *Chotiesoviensis*, aut potius ditionum quas ipse Cœnobijs donaverat, *Administrator*, quæ viriliter adversus Religionum hostes (non cognatos, ut aliqui nullo nixi fundamento suspicati sunt, quod pridem refelli) *sed adversus æmulos de Egrensi Provincia* (ut vita M. S. loquitur) *defendens*, cum in *Hroznietin* (*Lichtenstat* hodie vocant) proficiscitur, captus, & tractus in *Teutonium* (non in *Bohemiâ*) *carceri* mancipatur; ibi fame, siti, frigore, aliisque pœnis excruciat, cum redimi à Fratribus suis recusaret, morte affectus, cum palma Martyrij cœli aulam ingreditur; redemptum post mortem à *Fratribus* corpus, sine omni vulnere, & incorruptum apparuit, quod ante majus altare *Teplæ* condiderunt. Eadem, quâ obierat, nocte, immenso lumine circumfusus, famulo, qui in alio carcere victus tenebatur, videndum se *Beatus Hroznata* præbuit, & catenis divinitus exemptum, & altissima de turre, innoxie ut caderet adjutum, *Teplam* ad fratres mortem suam nunciaturum ire iussit. Miracula tum ad ejus sacrum Tumulum, tum alibi patrata, in *Originibus* ejus familiæ memoravi. Sed memorabilis præcipue Nativitas ejus est: nam mortuus in lucem à Matre editus, voto ad B. V. MARIAM à *Dobroslavva* matre facto, repente revocatur in vitam; *Cracoviæ* apud Sororem *Woyslavvam* (quæ *Poloniæ* Duci nupserat) puer educabatur; ibi malo casu in *Vistulam flumen* decidens, ab hora diei tertia usque ad occasum in aquis sine omni damno delituit, aspectabili DEI Matre, verticem ejus manu tenente, donec diu in undis quæsitus extraheretur; plura ejusmodi mira loco citato *Lectores* invenient.

M. S. de Origine Ordinis Præmonstrat.

Religiosam amplectitur vitam.

Verba sunt pervetusti Codicis M. S.

Capitur ab æmulis, & necatur.

Miracula B. Hroznatæ.

Beati titulus

Porro *Hroznatam* *Beati* nomine, ut ibidem ostendi, omnis retro antiquitas honorat: vidimus ejusdem effigiem capite radiato ab ejus Instituti Patribus editam; de eo *Natale Sanctorum Ordinis Præmonstratensis* ad 14. Julij hæc habet; *In Bohemia Natalis Beati Hroznatæ ex nobilissimo Regni Pri-*



mate, Fundatoris Cœnobiorum Teplensis, & Chotiesoviensis, Canonici Ordinis Præmonstratensis; qui pro tuendis Ecclesiæ suæ Juribus, contra impiorum conatus ad mortem usque agonizans, fame, siti, aliisque teterrimi carceris exhaustus injurijs, inter diuturna vincula, DEO dignam animam suam, Martyrii laureâ illustrem, exhalavit, varijs in vita, & post obitum nobilitatus miraculis hæcibi. Meminere Senes adhuc An. Ch. 1642. in Ecclesia Teplensi in altari quodam Effigiem Hroznatæ cum Beati & Martyris titulo stetit; unde intelligi datur, ejus cultum ab immemorabili tempore viguisse; quem subtrahâ imagine aliquis nimium anxie religiosus abolevit. Vitam mortalem Beatus Hroznata An. 1217. 14. Julij finivit. Sezyma verò Pater B. Hroznatæ, ut in vetusto Codice Parthenonis Chotiesoviensis lego, 22. Januarij obiit (annus non additur) Dobroslava Mater B. Hroznatæ. Stirpe Czerniniana fuit; sic enim in Manuscripto Chotiesoviensi, sed anno non addito: XI. Calendas Septembris (id est 22. Aug:) ☉ D. Henricus Czernin de Chudenicz Avunculus Fundatoris. Avia Fundatoris Bohuslavva dicebatur, obiitque 3. Octobris; sed incuriosa Antiquitas, & annum, & genus ejus consignare omisit. Adjiciam hoc loco B. Hroznatæ vitæ Elogium, quod rogatu Religiosi Patris F. Josephi Schmid Ordinis Præmonstratensis Teplæ (carissimi quondam in Rhetoricis Discipuli) pridem confeci.

Mater ejus  
Czerninia.

Calen. M.  
S. Choties-  
oviense.  
Mortuari-  
um Doxa-  
nense M.S.

BEATO CONFESSORI, ET MARTYRI HROZNATÆ.

Vitæ Elogi-  
um.

H R O Z N A T A M

Candidissimi Ordinis Præmonstratensis candidissimum  
& verè lacteum sidus Bohemia genuit;

Ex ea stirpe prodijt,

Quæ cum Czecho gentis authore in has oras adveniens,  
à mille, & pluribus annis Comitum titulum tulit;

Imò Ducibus, ac Regibus Bohemiæ per Matres  
Sanguinem, & Lac dedit;

Ex hac gente S. Ludmilla prodijt,

cui suum Wenceslaum debet Bohemia:

At Beatus Hroznata Illustrissimam suam prosapiam

Sic illustravit, ut obtenebraret;

Ultima enim illius laus est, quæ prima fuit:

Ex Illustrissimis ortum esse.

Infans, cum ederetur è Matris alvo,  
mortuus apparuit;

Noluit vivere, nisi à MARIA,

Cui commendatus vitam accepit.

Ità illi MARIA non tantum Mater, sed (quia sola vitam dedit)

Guttenstei-  
nij semper  
Comites.

erian



*Etiam Pater fuit:*

*Ergo Hroznata MARIÆ creatura.*

*mira rerum facies!*

*Prius Hroznata foris natus est, quam foris viveret,  
(Quia mortuus erat, antequam ex utero nasceretur)*

*Prius occidit, quam mundo oriretur,*

*Prius in eo edito mors vixit, quam vita illuxit,*

*Sed ab ea vita lumen accendit, à qua Christus lux mundi;*

*verè itaque scriptum est:*

*Christum esse MARIÆ filium primogenitum,*

*Ut plures à MARIA filios numeraret Ecclesia.*

*Creverunt cum Hroznata crescente miracula:*

*Puer in Vistula flumine submersus*

*Totâ die in alveo fluminis latuit,*

*Sed ejusdem Divinæ Matris Patrocinio,*

*aut mortem evasit, aut mortuus vitam accepit;*

*Bis vitam accepit, ter mortem sensit,*

*(Si sentiri Mors potest)*

*Primum in matris utero,*

*Iterum in fluminis alveo,*

*Tandem in Martyrio,*

*Ità per tres mortes venit in cælum,*

*Ut vitam abundantius acciperet.*

*Tot miraculis vitam auspicatus Beatus Hroznata,*

*Ipse etiam in virtutibus miraculum fuit:*

*Sedebat Przemyslao Bohemiæ Regi proximus,*

*Humilitate infra omnes jacebat;*

*In aula pijissimus*

*Inter medias voluptates temperantissimus,*

*Denique omnes Beatitudines humanas, & divinas in se uno complexus.*

*Crucem Christi sic amabat,*

*Ut non modò ferret eam in corde, sed etiam in veste.*

*Hierosolymitanæ Peregrinationis incensus amore,*

*Eo properans, ad Romæ sacra limina impexit,*

*Et in melius mutato consilio,*

*Candidissimi, & à DEO sibi Præmonstrati Ordinis*

*Sacram vestem assumpsit,*

*ab ipso Pontifice Cœlestino Romæ indutus;*

*Nominis hujus auspicio cœlestem vitam inchoavit.*

*Opes suas omnes, duobus à se fundatis Cœnobijs,*

*(Teplensi*



(Teplensi, & Chotieffovienfi)  
 Cum donasset pro Christo,  
 Postea seipsum Christo in Religione donavit.  
 Omnia dedit, qui nihil sibi, quod Christo donare posset, retinuit,  
 Illud Divinum secutus: si vis perfectus esse.  
 Quantis (putamus) deinde virtutibus claruit,  
 Cujus primus gradus summa virtutum fuit?  
 Totus Charitas, totus Virtus, totus Sanctitas,  
 Ut ad Martyrium educari videretur,  
 Quod ei per visum DEUS antè revelavit.  
 Ità amicos, & dilectos suos erudit, & educat DEUS:  
 Revelat consilia, sed cumulat dura,  
 Ut Christus formetur in illis.  
 Captus tandem ab hostibus B. Hroznata,  
 Cum grande lytrum peteretur,  
 Ipse, nè quid pro se Fratres darent, petijt:  
 Nam mors illi pro Christo pretiosior, quàm vita videbatur.  
 Tormentis excruciatu durissimis,  
 Vitam prius amisit, quàm constantiam;  
 Cujus rei argumento post mortem candidissime apparens,  
 Cælesti luce circumfusus,  
 Illesum, & sinè ullo vulnere corpus ostendit:  
 Vivere se tertio in cælo, multis in terra probavit miraculis.

## §. XXXVIII.

B. Woyslawva Vidua, Beati Hroznatæ Soror, cum  
 tribus præterea Sororibus Sanctimonialibus Vir-  
 ginibus Ordinis Præmonstratensis, Beatrice,  
 Bohuslawva, & Juditha.

An. 1227.

B. Woysla  
 vva inter  
 Conversas  
 Præmonst:

**B**eata Woyslawva Soror natu major Beati Hroznatæ, eundem apud  
 Cracoviam, Matris Dobroslavvæ vice, sanctissime educavit, & ad om-  
 nem pietatem adolescentulum informavit; fuit enim Ottoni Duci  
 Cracoviensi ante An. C. 1180. in Matrimonium data; Conjuge fati erepto,  
 diu superstes, eam longissimam vitam usque ad An. 1227. omnibus ijs virtu-  
 tibus conspicuam perduxit, quæ viduas, ac præcipuè S. Ludmillam Viduam  
 (ex cujus stirpe Illustrissima Woyslawva nata fuit) commendabiles reddide-  
 runt. Post An. C. 1190. cum Frater ejus Hroznata Teplense Virorum Reli-  
 giosorum Cœnobium, deinde Parthenonem sacrum Chotieffoviensem fur-  
 dasset



dāffet, *Woyslavva* sanctioris vitæ studio flagrans, cum Virginibus Christi  
 sponsis *vidua Chotieffovij* sese inclusit. Errat Vir Patriæ historiæ scientissi-  
 mus, qui *Chotieffoviense Cænobium*, exemplo Fratris, ab ea fundatum esse  
 scripsit: hanc enim sententiam non modò vetera Cænobij monimenta, sed  
 etiam historici omnes, atque ipse *Lapis Sepulchri* refellit, ubi apertè legimus:  
 Anno Domini: 1227. hic sepulta est Domina Domina *Woyslavva*, illustris  
 Comitum DD. *Hroznata*, Templi, & Monasterij hujus Fundatoris Soror. Ad-  
 lecta sunt Insignia Stemmatum Guttenssteiniani. Non dubito tamen, auxisse  
 eam fratris foundationem auro, cimelijs, & muliebribus divitijs *Woyslavvam*  
 ex Principali suo Conjugio; id enim perpetua Parthenones sacros ingredi-  
 entium consuetudo pervadet, *Woyslavvæ* Sanctitas, & Memoria *Doxa-*  
*nenses* significant, cum eam *Fundatricem Ecclesiæ Chotieffoviensis* appellant?  
 ☉ 26. Novembris (at rectius *Chotieffovienses* Memoria 22. Novembr.) Gene-  
 rosa Domina *Woyslavva* Generosi Comitum DD. *Hroznata*, Teplensis, & hu-  
 jus Monasterij Fundatoris Soror, quæ in medio Ecclesiæ est sepulta An. 1227.  
 Porro ab aliquibus *Svvoyslava* nominata reperitur; cujus rei causa scilicet  
 est, ipsa *Woyslavva* Sanctimonia; cum enim in *vetustis Memorijs* S. id est,  
*Sancta*, vel S. *Woyslavva* legeretur, quidam non animadverso Sanctitatis ti-  
 tulo, conjungere literas, & pro S. *Woyslavva* *Svvoyslavvam* appellarunt.  
 Ea verò tam de se humiliter sentiebat, ut (licet esset *Ducis* Conjunx olim, &  
*Fundatoris Soror*, atque ob divitias Cænobio illatas propè *Fundatrix*) non in-  
 ter Sanctimoniales, & Capitulares Virgines, sed inter *Conversas*, ut vocant,  
 vitam exegerit, *Advocata* gerens, seu Patronæ officium in habitu, quem *Vi-*  
*duæ hujusmodi* consueverunt deferre, ut ait Abbas *Joannes*. Primæ Virgines  
 sacræ in hoc *Chotieffoviense Cænobium* inducæ sunt cum B. *Woyslavva*  
 Sorores ejus tres: B. *Bozena*, seu *Beatrix*, B. *Bohuslavva* (quidam *Bolesla-*  
*vam* appellant) & B. *Juditha*; & *Beatrix* quidem primùm *Doxana*, dein-  
 de etiam *Chotieffovia*, ut in Manuscripto Martyrologio ejus Cænobij  
 nuper legi, *Pralata*, seu *Antistita*, ut illæ vocant, munus gessit. Jam prius  
 tres istæ Gratia Religiosam vitam agere cœperant in Cænobio *Doxanensi* sub  
*Agnete* III. Priorissa, sed *Chotieffovium* invitata è *Doxanensi* cum alijs Vir-  
 ginibus coloniam duxerunt, & ad Fratrem *Hroznatam*, ac Sororem *Woysla-*  
*vvam* volentes, lubentes advolârunt. *Woyslavva* plurimis annis supervi-  
 xit, ad extremum (verba recito Codicis) in pace Christi quievit; cujus corpus  
 ibidem in medio Monasterio est honorificè tumulatum. Post obitum B.  
*Hroznata*, miracula quædam, uti & visionem, quâ Beato *Hroznata* mortem  
 instantem revelavit DEUS, ipsa narravit. B. *Woyslavvæ* mortis dies, ut  
 dixi, 22. Novembris, *Beatricis* 13. Novembris. *Judithæ* 25. Septemb. cele-  
 bratur; B. *Bohuslavvæ* natalis dies mortis ignoratur.

Fundatio-  
nem Parthe-  
nonis auget

Mortuar:  
Doxan: M.  
S.  
Ca'en. Cho-  
tieffoviense  
M. S.

L. S.

Humilitas  
B. Woysla-  
vvæ.

In Vita B.  
Hroznata.

Tres Soro-  
res B. Hroz-  
nata.

Obitus ea-  
rum.

Calen. Cho-  
tieff. M. S.  
Epi: histor:  
l. 3. C. 13.





## §. XXXIX.

## B. Andreas Episcopus Pragensis, &amp; Martyr.

A. 1224.

Pessin Phos  
poro Rad. s.  
pag. 534.

Caput B.  
Andreas ve  
nerationi  
publicè ex  
positum.

Benef. l. 4.  
Chron.  
Hagek ad  
An. 1369.  
Pont. in Epi  
scopis Prag:  
Lup. 7. Jan:  
Epit. nostr:  
l. 3. C. 13.

Andreas Re  
gem excom  
municat ob  
tributa Sa  
cerdotibus  
imposita.

Ejus exilii.

M. S. Lib.  
Distribut.  
Eccl. Prag.

B. Andreas  
Epif. Prag:  
pro Bohem:  
à S. Domi  
nico impe  
trat Ordin:  
Prædicato:

Fovet Ord.  
Prædicato:

**Q**uod Ecclesia Anglicana in S. Thoma Cantuariensi miratur, & laudat hoc habet Ecclesia Pragensis in sanctissimo & fortissimo suo Prasul Andrea. Audiatur Ecclesiae Pragensis Decanus, & Samandriensis Episcopus Thomas: *Beatus Andreas ex Prasposito Episcopus Pragensis acerrimus Ecclesiasticae libertatis adversus Regem Przemyslum Ottogorum vindex; innocentia vite prestans, victu frugalissimus, in pauperes beneficentissimus, miraculis in vita, & post mortem clarus.* Defuncti caput in Metropolitana Ecclesia in Sacello S. Wenceslai ea parte, qua Crux aurea post summum Altare in muro visitur, An. 1369. reconditum, adeoque publice veneratoni expositum hodieque manet. haec Pessina. videatur Beneficius, Hagek, Pontanus, Lupacius. Sed potiora sunt, quae ex historia temporum exscribo Przemyslaus Ottogarus I. Rex, cum parum Religioni tribueret, & Sacerdotibus nullo jure per contemptum ex rasura coronae tributa imponeret, Andreas Episcopus, monita pia alpernantem, & contumacem Regem anathematizavit; annis septem Bohemia gemuit sub Interdicto (etsi illud aliquo tempore ab Archiepiscopo Moguntino laxatum, interruptumque fuerit) ipse Andreas Episcopus Romam sese recepit. Obijt Andreas in Cassanæa Italiae urbe in exilio An. C. 1224. corpus in Cœnobium Welehradense, ad cujus fundationem plurimum contulerat, devedum; caput Pragae allatum à Nicola Pragensi Episcopo, in Sacratio, velut Martyris, An. 1369. i. Martij locatum est, claruitque miraculis; anniversaria Andreae obitus dies 30. Julij, Ecclesiae Pragensi erat in benedictione. Abrahamus Bzovius Ord: Prædicatorum Vir prudentiae & doctrinae autoritate etiam apud summos Pontifices magnus, in M. S. Vita B. Ceslai narrat: *B. Andream Episcopum Pragensem, cum in exilio Romae degeret, S. Dominico Ord: Prædicatorum Fundatore familiarissime usum, ejusdemque virtutum & miraculorum admiratione captum. Dominico petijisse: dignaretur aliquos sui instituti Sodales Septentrioni concedere, qui & gelu malitiae (ut loquitur) concretos inflammarent, & veterno dormientes ad verae lucis aspectum suscitarent; nec habente Dominico, qui idioma gentis calleret, ecce divino spiritu acti viri ad caelestis vitae perfectionem spirantes. Hiacyntus & Ceslaus Odrovansij fratres, Henricus Moravus, & Hermannus Tevto familiares Ivronis (Cracoviensis Episcopi) in medium exilierunt, jugo Religionis longè suavissimo colla ornari à Dominico flagitantes; annu. Dominicus, suscepit, Prædicatoriaque togâ texit in S. Sabina religiosissimo Cœnobio &c. posthac (An. 1220.) emenso tirocinij cursu his verbis à S. Dominico Româ dimissus est Ceslaus: perge in DE nomine annunciare penitentiam in remissionem peccatorum. Primum de via Frisacum, dein Pragae cum Henr-*



o Moravo advenire, & impetratâ à B. Andrea Episcopo verbi DEI prædican-  
i potestate, cum id munus cœleste ingenti in animis profectu peragerent,  
on procul ab Regis aula in Porzicz ad ripam Muldave Ecclesiam S. Clemen-  
is obtinuere; ubi Przemyslaus Ottogarus Rex amplissimum Cœnobium  
quod postea ad aliam Ecclesiam S. Clementis in Majore Praga translatum  
st) exstruxit. Sed hæc omnia suo tempore copiosius in Cœnobijs Bohemæ  
tractabuntur. Itaque B. Andrea Episcopo primus in Bohemiam sanctissimi  
ujus Ordinis accessus debetur.

## §. XL.

Adela, vel Abda Ottonis Divitis, Marchionis Mis-  
nensis filia, Conjux Przemyslai Ottogari I.  
Bohemæ Regis.

P Rzemyslaus Ottogarus Bohemæ Rex, primam Conjugem habuit A-  
delam, vel Abdam, Ottonis Marchionis Misnensis filiam (non, ut ha-  
bet Crantzius, sororem) sed eam deinde, post quatuor ex ea liberos  
usceptos, repudiavit; causas divortij in Epitome nostra allegatas, & exami-  
natas invenies; plerique odio Diterici, fratris Adela, Marchionis Lusatiae  
quod partes Philippi Cæsaris adversus Ottonem (cujus Ottogarus totus erat)  
Ditericus foveret divortium imputant. Adela fœdè à Rege deserta, ad  
Episcopum Pragensem recurrit, à cujus Satellitibus repulsa, Innocentium  
III. Pontificem appellavit, qui hujus causæ cognitionem Alberto II. Archi-  
episcopo Magdeburgensi, & Prapósito Sebergensi commisit, ut testatur Con-  
stitutio Decretalis l. 2. Tit. de Testibus, & attestationibus 20. cap. 46. ventilata  
diu lis est, neque unquam ad sententiam perducta, dum denique Adela in exi-  
lio diem obiret; magna hujus Viduæ in ferendis rebus tam adversis, & fæmi-  
neo ingenio propè intolerabilibus, fortitudo fuisse narratur; totam se ad res  
cœlestes cogitandas, amandas, & sectandas Adela transtulit, cumque Dite-  
ricus frater ex Adela dote Virgineum Cœnobium Wasserburgi (quod postea  
locum mutavit ex urbe ad ripam Albis translatum) fundasset, introductis sa-  
cris Virginibus, Abdela humili gradu contenta, inter Conversas, omnium  
virtutum exemplis editis, diem clausit extremum An. C. 1211. 1. Februarij.  
sepulta in Ecclesia Wasserburgensi, marmore altè elato, ac cæteris cultûs indi-  
cijs, ut Divorum corpora humare Veteres sunt soliti.

A. 1211.

Adela for-  
titudinis in  
rebus ad-  
versis feren-  
dis.Fabr. in Mi-  
sanicis l. 1. ad  
A. 1211.Fundatio  
Cœnobiij  
Wasserbur-  
gensis.



## §. XLI.

B. Abdela, seu Adela, seu Abda, Filia Przemysla  
Ottogari I. Bohemiæ Regis, Antistita Geren-  
rhodensis.

post A. 1220.

Fabric. in  
Orig. Sax.

Elogiū vitæ

**H**ujus *Adelæ* filia cognominis Matri, ipsam Matrem vitæ Sanctimo-  
niâ, & virtutum honore superavit; *Fabricius* locuples testis (nam  
etiam *salus*, & veritas ex inimicis nostris peti potest, & solet) eam in-  
ter *Divas* relata, & in suo Cœnobio pro *Sancta* cultam fuisse testatur. In-  
gressa *Gerenrhodense* Ordinis *Cisterciensis* Cœnobium, innocentiam vitæ cum  
virtutibus, & mirâ Prudentiâ conjunxit, ut meritò & titulis omnibus, *Ant-*  
*istita* munus ei Sorores deferrent, quod illa sanctissimè obiens, curis illis in-  
mortua, & suis est insepulta virtutibus. Mortis annus, & dies ignoratur.

## §. XLII.

S. Hedwigis Dux Silesiæ.

A. 1243.

S. Hedwigis  
virtutes.

Miracula.

**H**edwigis *Bertholdi* Marchionis *Merania* (non *Moravia*) Sanctæ  
*Elisabethæ* matertera, ex *Henrico* Barbato Poloniae Principe filius  
tres, totidemque filias suscepit. Ex quibus *Henricus* fortia pro  
religione Christiana aggressus, dum castra DEI, & Religionem Christianam  
contra *Tartaros* protegeret, occubuit. Filia *Gertrudis* Virgo perman-  
*Mater* in matrimonio omnem jejuniis, festumq; diem merito continentiae ce-  
lebrabat. Tandem etiam ipsa, marito consentiente, in manu Episcopi vove-  
castitatem. Itaq; fructibus redditus matrimonij, soli DEO feriari incepit, &  
in suum, filiaque à turba sæculari recessum, exædificavit in *Silesia* amplissi-  
mum *Trebnicense* Monasterium. Eò præmissâ filiâ cum magno grege Vi-  
ginum, mox subsecuta *Mater* insistebat orationi diurnæ, ac nocturnæ, ni-  
dis semper pedibus incedens, quantumvis aspera foret hyems, ac in jejuniis  
multis totos quadraginta annos perseveravit. Die enim Dominicâ, tertiâ,  
& quintâ feriâ tantum vescabatur piscibus, & lacticinijs; *Sabbato*, & feriâ se-  
cundâ, aridis leguminibus, quartâ autem, & sextâ feriâ, ad panem solius aque  
potum adhibebat. Tredecim pauperes alebat, lavabat, & curabat ab ulce-  
ribus, captivos liberabat, subditos ab oppressione tutabatur, nunquam vi-  
rata; si tamen reprehensio necessaria erat, hæc vox: *parcat tibi DEUS*  
omnis erat ipsius objurgatio. Hanc tantam vitæ Sanctitatem DEUS signis  
admirandis, & dono prophetiæ illustravit: duabus enim Sanctimonialibus  
restituit visum, & duos, qui laqueo vitam finierant, ad vitam coram multis  
revocavit. *Mariti* mortem, & temporis, ac omnium circumstantiarum  
seriem



seriem multò antè prædixit; eadem autem filij eo ipso die, quo fiebat, quamvis remotissimè abesset, cognovit. Sui quoque obitûs diem præsentiens, priusquam morbo graviore corriperetur, sacrâ unctiōe roborari voluit. Multâ deinde hilaritate salutans *Sanctos*, qui magno cum splendore ad morientis lectulum descenderant, spiritum DEO reddidit, die *S. Matthæi* horâ vespertinâ, quâ eadem jejunia sua solo panereficere solebat, Anno 1243. Dum autem *Clemens IV.* eam in *Sanctorum* numerum referret, cæca visui est restituta. *Raderus* noster in *Bavaria Sancta* refert ex ejus apud *Surium* vita: *S. Hedvigem* aliquando ad *Christi* de cruce pendentis effigiem preces fundentem, Imaginis dextrâ clavo solutâ, in bene precantis modû cruce signatam fuisse; eandem ubicunq; posset, sacrificanti Sacerdoti adfuisse; hinc ille natus versiculus:

*In sola Missa, non est contenta Ducissa,  
Quot sunt Presbyteri, tot Missas optat haberi.*

At, quod idem addit: fuisse eam *S. Benedicti* alumnam, defendi non potest, cum constet, *Trebnicensem Parthenonem* & hodie, & à primis initijs, *Cisterciensis Instituti* legibus parère. De *Joachimi Curæi* ineptijs, qui *S. Hedvigem Lutheranam* facere voluit, diximus alio in loco. Obijt Matrona sanctissima An. 1243. 15. Octobris, inter Sanctas relata An. 1267. Viterbij 26. Martij.

*Rader. in  
Bav. S. in  
Hedv. f. 147*

*Obitus &  
Canoniza-  
tio.  
In Epit.*

### §. XLIII.

**Henricus II. cognomento Probus, Silesiæ Dux,  
& B. Anna ejus Conjux Przemyslai Ottogari  
III. Bohemiæ Regis filia.**

**H**enrici Ducis Sanctitatem, ipsum *Pij, & Probi* cognomen ab Antiquitate ei jure merito tributum ostendit; locupletavit multis opibus & plurimis Privilegijs, atque immunitatibus ornavit *Cathedralem S. Joannis Ecclesiam Wratislaviæ*; consulantur rerum *Silesiticarum* Scriptores; Mors ab Henrico pro Christiana Religione obita, majorem commendationem finè dubio meretur: Tartari An. C. 1241. subjugatâ *Poloniâ, Silesiam* ingressi, aliquot centenis millibus armatorum; *Henricus* animi plenissimus Princeps, collecto quàm maximo potuit Christianorum Exercitu non dubitavit occurrere. In campum processuro exiliens ultro *Lapis* ex muro Ecclesiæ, indicium dedit cladis futuræ, prædixit eandem Christianorum cladem *S. Hedvigis* Mater, jussit tamen ire filium, & in conspectu universæ Christianitatis pulchre mori pignantem; ivit in certam mortem *Henricus* & pene ipsa fata vicit, ut jam dubia staret *Tartarorum victoria*; sed DEO aliter visum. Cecidit igitur cum maxima Provinciarum nostrarum, ac præcipuè

*A. 1241.*

*Henrici Si-  
lesiæ Ducis  
magnani-  
ma fortitu-  
do.*

*Mors.*



Fundatio-  
nes Annæ  
Bohemæ in  
Silesia.

Annæ san-  
ctitas.

Curæ in  
Ann. Siles.  
Schikfus:  
An. Sil.  
Henel in  
Breslogr. &  
Silesiogr.

cipue *Silesiæ* Nobilitate, & vitam probitate insignem, non minore fortitudi-  
ne conclusit, 9. Aprilis, anno, ut dixeram 1241. *Anna Bohema* ejus conjux,  
nil viri morte perterrita, cum *Tartari Lignicium* sibi tradi poscerent, forti re-  
sponso Tartarorum belluinam rabiem avertit: genuisse se plures conjugii  
proles, quorum singuli Patri similes, mori mallent, quam indecorè vivere.  
Fuit *Anna* Matrona singularis pietatis, post mariti cædem annos 24. vidua  
exegit. Fundavit *Wratislaviæ* Parthenonem *S. Claræ*, fuasque in eo, & in  
Virginum dulci pietate reponebat delicias; *S. Jacobi Basilicam*, quàm Ma-  
ritus inchoarat, de suo perfecit, ac ponè *Conventum*, ut vocant, *Minorum S.  
Francisci*, suis etiam sumtibus erexit, & dote stabilivit. Ejusdem *Annæ* libe-  
ralitate fundata est *Hospitalis Domus Divi Mathiæ* pro *Crucigeris cum Rubea  
Stella*, agente primo Ordinis hujus Generali Magistro *Alberto de Sternberg*;  
quibus etiam *Anna* magnificam Basilicam *S. Elisabethæ*, Eleemosynis cele-  
bratissimæ Divæ à se excitatam subjecit. Vitam *Annæ* innocentissimè, &  
sanctissimè actam An. D. 1265. 23. Junij. *Wratislaviæ* mors abruptit; tumu-  
lata est ibidem apud Virgines suas, ut vocant *Clarissanas*, cujus tumultum mi-  
raculis à DEO honoratum testantur *Annales*, qui eandem etiam *Sanctam*  
appellant.

## §. XLIV.

### S. Agnes Ordinis S. Claræ, Virginitate, Sanctita- te, & miraculis illustris.

S. Agnes  
Deo se to-  
tâ consecrat

**A**gnes filia *Przemyslai Ottogari I.* Bohemiæ Regis, & *Constantiæ* (Be-  
læ III. Ungariæ Regis, filia sororis *Andree* itidem Regis *Ungariæ* qui  
*S. Elisabetham Thuringiæ Dominicam* procreavit; unde *Agnes* nostra  
& *S. Elisabeth* consobrinæ fuerunt: illa ex sorore hæc ex fratre) edita, nata  
est An. C. 1205. post *Wenceslaum Regem* fratrem; hæc *Friderici II.* Cæsaris  
conjugium recusavit, & contentâ Augustæ dignitate, fidem suam, honorem,  
castimoniam, & quidquid pretiosum inter regales delicias cogitare potuit,  
*Christo Sponso Virginum* consecravit. Cœnobium Ordinis *S. Claræ* (quod  
*S. Francisci* dicitur) in veteri Urbe *Pragen*si de suo, fratris tamen auxilijs usa A.  
1233. fundans, in eoque vitam Religiosam, & pauperem (nam solâ stipe pio-  
rum vivebant, nullâ stabili dote, ideoque *pauperes domicellæ* nomen habe-  
bant) professâ, detonsâ coram septem Episcopis virginem cælarie, cum sep-  
tem illustrissimis ex gente *Bohema Virginibus*, ibidem exactis 48. annis sepul-  
ta, multis in vita, & post mortem miraculis à DEO honorata. Fuit dilecta  
*S. Claræ Socia*, ejusque tempore inter primas institutum illud amplexa, quæ  
etiam & per se, & per fratrem effecerat, ut virgineum hoc consilium ex legi-  
bus *S. Francisci* vivendi, à Pontificibus approbaretur; *missitabant sibi vicis-*  
*sim*



sim literulas, ait vetus Scriptor *Pulkava*, *Clara ad Agnetem*, *Agnes ad Claram*; vitâ excessit Agnes 1282. 6. Martij, ut habet vetustissimum *Mortuarium Do-*  
*xanense* (alij 2. Martij, alij 10. posuerunt) quæ ut inter Divos Cœlites *Romæ*  
 adlegeretur, & lacris coleretur officijs, *Elisabetham Caroli Caesaris* matrem  
 An. 1328. multum legimus laborasse; educata primùm fuerat *Agnes Doxa-*  
*na* inter Instituti Præmonstratensis Virgines, post ad *Benedictinas Vestales*  
*Trebnicium* translata est; illa tamen neutri Ordini se consecravat, sed DEI  
 ipsius monitu *S. Clara* exemplum respexit, & in Parthenone suo cum 100.  
 Virginibus (quarum quinque à *S. Clara* ex Italia sibi missas acceperat, cæteras  
 ex prima *Bohemiæ* nobilitate lectissimas adsciverat) vixit eâ vitâ sanctimo-  
 niâ, ut etiam mortuos excitaret ad vitam. Fundavit quoque cum fratre suo  
*Wenceslao I. Rege Hospitalium* pauperum domum *S. Spiritus ad Pontem Pra-*  
*gensensem*, quam *Crucigeris cum rubea Stella* commisit regendam. Sanctissi-  
 mæ Virginis vitam admirabilem ex M. S. Codice antiquissimo primus evul-  
 gavit *Georgius Ferus S. J.* quam in Latinum à se conversam *Georgius Cruge-*  
*rius Joanni Bollandi S. J.* transmisit, legiturque in *Martio* Typis edita inter  
 Vitas Sanctorum. Agunt de ea plurimi, *Pontanus*, *Chanovsky*, *Weleslavi-*  
*nus*, *Crugerius*; *S. Agnetis* corpus inter illas ab hæresi turbas remotum ab  
 oculis, postea mortuis, qui latebrarum conscij erant, planè amissum est, ut ho-  
 die, ubi sit, nesciatur; prædixit *Papausssek Litomericensis Præpositus*, Vir à San-  
 ctitate, ante annos ducentos, & quod excurrit, celebris, pacem optatissimam  
*Bohemiæ* restituendam, cum hujus *S. Virginis* corpus amissum invenietur.  
 Nostrâ memoriâ sub *Ferdinando III.* cum nescio quid in illa, quam *S. Agnetis*  
 vulgus appellat Ecclesia, exstrueretur, repertum est Virgineum corpus cœle-  
 sti odore, qui omnes rosas & lilia superaret, fragrans: suspicio multorum  
 fuit, *S. Agnetis* corpus esse: missi ab utraque potestate, qui rem arbitraren-  
 tur, cum nihil certi constituere possent, rem in medio indecisi relinquerent.  
 Porro plurima Divorum corpora bellis, aliisque de causis amitti contigit (nè  
 Majores nostri soli negligentes fuisse existimentur) ut *S. Simperti*, quod secun-  
 do inventum est; Vir Illustris *M. Velserus Sanctæ Afræ* corpus omni diligen-  
 tiâ se quæsisse, scribit, sed nihil invenisse, neque esse spem in posterum. Quid  
*S. Wolfgango* celebrius habuit *Ratisbona*, quem apud *Sanctum Emmeramum*  
 annos quingentos septuaginta septem latuisse, tandem ætate suâ repertum,  
 summa cum religione & publicâ celebritate translatum *Raderus* est author?  
 plurima hujusmodi Exempla, & *Inventiones Sacrorum Corporum*, in *Histo-*  
*rijs Ecclesiasticis* leguntur, præsertim apud *Bollandum*, ejusque cœlestis labo-  
 ris socios *Henschenium*, & *Papebrochium* Viros eruditissimos, & Ec-  
 clesiasticæ antiquitatis peritissimos.

*Pulk. in hi-*  
*stor. Boh.*

Divino mo-  
 nitu *S. Cla-*  
*ræ* Ordinē  
 ingreditur.

*Chron. Aut.*  
*Reg. C. 20.*

Fundatio *S.*  
*Agnetis.*

*Weles. in Ca-*  
*lend. ad 2.*  
*Martij.*

Corpus *S.*  
*Virginis fa-*  
*tales Bohe-*  
*miae.*

*Steng. Com-*  
*men. de reb.*  
*August. P.*  
*2. C. 61. 5.*  
*P. 1. C. 18.*

Amissa San-  
 ctorum cor-  
 pora.

*Rad. in Ba-*  
*var. S. in S.*  
*Wolfgang.*



## §. XLV.

B. Castulus, Præpositus Siloënsis, seu Zelivenfis  
Cœnobij, Ordinis Præmonstratensis.Circa An.  
1200.B. Castuli  
fons.Crug. ad 26  
Martij.

**B**eatulus Castulus in ipsis inijs Cœnobij Siloënsis vixit, egitque loci Præpositum, miraculis & in vita, & post mortem clarissimus; fontem elicit messoribus arefcentibus siti, qui hodièque B. Castuli fons dicitur mirè ad omne genus morbos salutare; ad eam implorato simul B. Castuli auxilio certatim vulgus accurrit, & sanitatem, & vitam reportat. Titulus Beati tribuitur Castulo ab omni retro antiquitate: consule Auberti Miræ Chronicon, & quos citat Georgius Crugerius. 26. Martij obiisse B. Castulum inter omnes constat, de Anno controversatur; etsi nihil certi definire possumus, omnibus temporum adjunctis pensatis, satis probabiliter dici potest inter An. 1170. & 1200. ad æterna præmia evolâsse; plura, quæ moveri possent, de Titulo Præpositi, de Siloë, aliâque hujusmodi, dissolvit loco citato Crugerius Vir patriæ historiæ scientissimus.

## §. XLVI.

## Beatus Gerlacus Abbas Milovicensis, Præmonstratensis Ordinis, vitæ sanctimoniâ, spiritu prophético, &amp; miraculis in vita &amp; post obitum clarus.

Hagek in  
Ann. Boh.  
ad A. 1239.

7. Febr.

Res B. Gerlaci.

Canonism  
ejus, & Reliquiæ.

**N**otus est Bohemiæ Scriptoribus B. Gerlacus, primus Abbas Milovicensis; deducta porro Milovicium Colonia est Religiosorum Virorum An. C. 1200. ex Strahoviensi Inclyto Cœnobio, Abbate Adamo deducente, & Beatum Gerlacum Fratribus præficiente. Rexit Cœnobium Gerlacus non tam imperijs, quàm exemplis, prophetiæ dono ante, & post mortem clarus, ac plurimis supra naturam prodigiosè patratis, sic ut statim à morte populi universi voce Beati titulo honoraretur. Cœnobio Milovicensi A. 1420. die S. Georgij ab Hufsitis incenso, nè sacra B. Gervici ab impurijs illis violarentur, prius Ssvambergici Proceres Catholici in Arcem Zvikov. seu Clingenberg (olim Templariorum) munitissimam intulerunt, & in Sacello arcis reverenter deposuerunt, additâ etiam Imagine, quæ cultum ostenderet: viscebantur videlicet picti in pariete Cœlestes Genij, B. Gerlaci ossa cum arcula sustinentes, infra Proceres Ssvambergici genibus flexis B. Gerlaci apud DEUM gratiam implorantes, adscriptis hisce verbis Bohemicè: S. Gerlace, Deum, & ejus Matrem deprecare pro nobis. Obijt Gerlacus An. Ch. 1227.

vitâ



vitâ sanctissimè exactâ, Regiminis sui Anno duodetrigesimo, 7. Februarij. Hodie corpus *Viri Sancti* nusquam apparet: *Ssvvambergicam* hanc ditio- nem ad *Rosenbergios* devolutam constat, ab his ad *Lobkovicios* sacra lipsana pervenerunt; an deinde aliò, ignoramus. Utinam qui celant, & Thesau- ros Ecclesiæ hujusmodi plures asservant, aliquando Regni calamitosissimi auxilio, & solatio, proferrent! Agunt de eo cum titulo *Beati, Chrysostomus Sterren* in Natalibus Sanctorum Ord. Præmonstratensis. *Joannes de Paige. l.*  
2. Bibliothecæ Præmonstratensis.

*Chanous: in*  
*Vest. Boh.*  
*Pie.*

*Bollan. T. 2.*  
*Maij. die 7.*  
*in Præter:*

## §. XLVII.

Sancta Elisabetha Regina, Princeps Thuringiæ,  
Vidua.

**E**lisabeth Andreae Regis Hungariæ filia, ab infantia DEUM timere cœ- pit, & crescens ætate, crevit etiam devotione. Hæc postea *Ludovico Landtgravio Thuringiæ* in Conjugem copulata, etsi ea, quæ viri erant, curaret, non minùs tamen, quæ DEI sunt, sedula exequabatur. Noctur- no tempore à latere Viri surgens, ferventer orabat, sicque *dum esset vir in ac- cubitu suo, nardus ejus dabat suavitatem odoris.* Et licet exterius indueretur Regalibus, nè mariti oculos offenderet, interiùs tamen sub cilicij tegmine sponsum gerebat absconditum. Pietatis officijs dedita, viduis, pupillis, ægrotis, carcerum inclusis ergastulis pro uniuscujusque necessitate subvenie- bat: cujusdam pauperis capitis langvore correpti, quasi filij curam gerens, capillos manu propriâ totondit, caput in pomarij secreto lavit, ut oculos fu- geret ancillarum. Cùm *Teuthoniam* gravis urgeret inedia, captatâ viri ab- sentiâ, domûs suæ frumenta egentibus erogavit. Sumtibus proprijs nobile hospitale construxit, & amplâ possessione dotavit. Pauperum, & ægroto- rum receptam ibi multitudinem corporali visitabat obsequio, affluenter eis necessaria subministrans, pedes, & capita incredibili lavabat humanitate, & leproforum ulcera, etiam aspectu horribilia, capitis velo mundabat. Post- quam autem à lege Viri soluta est, depositis gloriæ sæcularis exuvijs, *Ordi- nem Pœnitentium Beati Francisci* ingressa, vilis tunicæ decore vestitur, ac di- vitiarum contemptâ jactantiâ, & generositate parentum, nobilissimis orta nata- libus se mundo fecit ignobilem, ut nobilitaretur in cœlis, pro corona susci- piens cinerem, & cilicium pro fascia pectorali. Pallebant ora jejunijs, ab- stinentiæ tenuitate confecta, & martyrem adhuc viventem caro præmortua testabatur. Demum propinquiorum destituta præsidio, castris, & posses- sionibus spoliatur, sed miserationis solitæ non oblita, *operata est consilio ma- nuum suarum*, de sui laboris impendio nudos pauperum humeros vestitura. Dum autem die quadam defixis in cœlum oculis contemplationi vacaret,

*A. 1231.*

*Ex Brev:*  
*Boh. antiq:*  
*ad 19. Nov:*

*Virtutes S.*  
*Elisabethæ,*  
*præsertim*  
*amor pau-*  
*perum.*



Visio cele-  
stis amabi-  
lissima.

Bullar. T. 1.  
in Greg. IX.  
Const. XI.

S. Elisabeth  
cum Bohe-  
mia, & Regi-  
bus conne-  
xio.

Reus. in Op.  
Basilico in  
Geneal. Re-  
gum Unga-

ut quasi de humanæ conversationis consortio videretur abstracta, DEI Fili-  
um, dulcem JESUM, ad se inclinatum, cœlis patentibus, vidit inter alia fili-  
consolationis lenimenta dicentem: *Si tu vis esse mecum, ego ero tecum.* Cu-  
respondit: *Ita Domine, ut tu mecum esse digneris, ego à te nullatenus separa-*  
*bor.* Cum verò in his, ac pluribus alijs sanctis operibus usquè ad finem vitæ  
perseverasset, domesticis suis obitum prædicens, DEO spiritum reddidit A-  
C. 1231. 13. Kalendas Decembris. Corpus post sanctissimæ animæ sepa-  
rationem statim cœpit pluribus, & maximis coruscare miraculis, quibus au-  
ditis & certâ fide compertis, *Gregorius IX.* eam Sanctarum Collegio adnu-  
meravit. Hæc ex pervetusto *Officio Divino Ecclesiæ Pragensis.* San-  
ctissimam Reginæ hujus vitam innumeri Scriptores evulgârunt, summan-  
Exemplorum, & virtutum exquisitissimâ diligentia publicavit *Raderus* no-  
ster in *Bavaria Sancta*, quem obvium Authorem describere operæ pretium  
non est. Illud agendum magis, ut eam ad *Bohemia* quadantenus pertine-  
re doceamus: est autem facilis ratio, vel ex inspectione prima Genealogica-  
rum Tabularum tam apud *Ungaros*, quam apud nostros Scriptores: to-  
enim connubijs *Przemyslea Bohemia Regum* stirps *Hungaria* antiquis Regi-  
bus sese inseruit, ut longâ serie per *Matres, Bohemia Reges ab Hungaris, Hun-*  
*gari à Regibus* nostris ritè descendant, quod in *Originibus Guttensleinjs* Ta-  
bula A. satis, ut reor, à nobis est demonstratum. Quod propius *Divan*  
*Elisabeth* contingit: habuit hæc *Andream Regem Patrem, Belam IV. Regem*  
*fratrem; Andrea soror, Bela III. filia Constantia dicta, Przemyslao Ottogaro*  
*Regi Bohemia* nupsit; ex eo conjugio *Wenceslaus Rex, & Przemyslaus Mo-*  
*ravia Marchio*, tum quatuor filia, omnes Sanctimoniâ, & innocentia vita  
illustres prodierunt: *S. Agnes S. Claræ, B. Abdela Cisterciense Institutum*  
*amplexæ, B. Anna Henrici Probi Silesiæ Ducis, Borzislavva Ulrici Carin-*  
*thiæ Ducis Conjuges*, ex quibus tres priores in præsentī opere suum obtinen-  
locum; unde facile perspicitur potest *B. Elisabetha* cum stirpe Regum nostro-  
rum consanguinitas, eaque tam propinqua, ut *sororia* dici possit: quippe  
illa ex *Rege fratre*, istæ ex Regis (*Andrea* videlicet) *Sore* procefferunt; ad-  
de, quod *Bela IV. S. Elisabetha* frater filiam suam *Annam Wenceslao II.* si ve-  
ra sunt, quæ *Elias Reusnerus* affirmat, elocârît; sed hoc postremum quia mi-  
hi suspectum, prætereo; certiora sunt, quæ primùm adduxi: vidit, & agno-  
vit hanc cognationem *Anna Henrici Probi Silesiæ Ducis* conjux Sanctitate  
Matronali insignis, quæ pulcerrimam Ecclesiam *Wratislaviæ* in *S. Elisabetha*  
*thæ* honorem construxit, & *Crucigeris cum rubea stella ad D. Mathiam* subje-  
cit. Eam Ecclesiam primam in orbe toto sub titulo *S. Elisabetha* conditam,  
probabilis est suspicio: quippe Anno Christi 1231. ad cœlum abiit *Elisabeth*,  
*Anna* verò An. 1265. inter quod tempus necesse est Ecclesiam illam surrexisse.  
Sed alias duas Ecclesias *B. Elisabetha* nomine habet *Praga*: alteram sub *Wis-*  
*sebra-*



*Abbrado ab Joanne Ocello Archiepiscopo cum hospitali domo (in qua peregrini recipiebantur ad SS. Reliquias Pragæ honorandas advenientes) exstructam, & dotatam; alteram supra Hradczanum in Monte Sion, seu Strahov, quam unâ cum Hospitali domo alendis duodenis pauperibus, Caspar Quenbergius Abbas Strahoviensis nostrâ memoriâ excitavit.*

## §. XLVIII.

## S. Hyacinthus Ordinis Prædicatorum.

**H**YACINTHUS Polonus, nobilibus, & Christianis Parentibus in Camienfi villa *Episcopatus Wratislaviensis* natus est. A pueritia literis instructus, post datam Jurisprudentiæ, & sacris litteris operam, inter *Canonicos Cracovienses* adscitus, insigni morum pietate, & summâ eruditione ceteros antecelluit. *Romæ* in Prædicatorum Ordinem ab ipso Institutore *Sancto Dominico* adscriptus, perfectam vivendi rationem, quam ab ipso didicerat, usque ad finem vitæ sanctissimè retinuit. Virginitatem perpetuò coluit: modestiam, patientiam, humilitatem, abstinentiam, ceterasque virtutes, ut certum religiosæ vitæ patrimonium, adamavit. Charitate in DEUM fervens, integras sæpe noctes fundendis precibus, castigandoque corpori infumens, nullum eidem levamentum, nisi lapidi innixus, sive humi cubans, adhibebat. Remissus in patriam, *Frisaci* primùm in itinere amplissimum sui Ordinis monasterium, mox *Cracoviæ* alterum erexit. Inde per alias *Poloniæ Regni* provincias, alijs quatuor exædificatis, incredibile dictu est, quantum verbi DEI prædicatione, & vitæ innocentia apud omnes profecerit. Nullum diem prætermisit, quo non præclara aliqua fidei, pietatis, atque innocentia argumenta præstiterit. Sanctissimi Viri studium erga proximorum salutem maximis DEUS miraculis illustravit; inter quæ illud insigne, quod *Vandalum* fluvium prope *Visogradum* aquis redundantem, nullo navigio usus trajecit, socijs quoque expanso super undas pallio traductis. Admirabili vitæ genere ad quadraginta propè annos post professionem perducto, mortis die suis fratribus prænuntiato, ipso *Assumptæ Virginis festo*, horis Canonicis persolutis, Sacramentis Ecclesiasticis summa cum veneratione perceptis, ijs verbis: *In manus tuas Domine, spiritum DEO reddidit*, Anno salutis 1257. quem miraculis, etiam post obitum illustrem, *Clemens Papa VIII.* in sanctorum numerum retulit. Hæc, quæ attulimus ex *Officio Divino*, summâ Ecclesiæ autoritate nituntur; specialia quædam, & longè majora attulit *Abrahamus Bzovius* in *S. Hyacinthi vita*, quam in Italia titulo *Thaumaturgi Poloni* vulgavit. Admirabile illud, & paucis, ut arbitror, notum, spiritu Divino incitante, munijs omnibus Ordinis sui valedicto, ad barbaras nationes abiisse, & Regem quendam *Tartarorum* cum populo adjun-

An. 1257.

Ex Breviario  
Rom. ad 16.  
Augusti.S. Hyacinthi  
res geste

An. 1606.



S. Hyacin-  
thus Vir A-  
postolicus.

Quomodo  
S. Hyacin-  
thus in Bo-  
hemiam  
pertineat.

xisse Christo, tum *Russis*, *Haliciensibus*, *Livonibus*, *Walachis*, *Muldavis* fa-  
licissime Christi Evangelium prædicasse, imò adeò in *Graciam*, & in *Pelopon-*  
*nesum* penetrasse; quæ, si vera sunt, ut dubitare fas non est, profectò jure me-  
ritissimo *Apostoli* nomen *Hyacinthus* meruerit; miracula, quæ describit Bzo-  
*vius*, infiniti foret operis recensere. Et si autem Regno *Polonia* *Hyacinthus*  
eripere non possumus, tamen multis de causis eum inter Regni nostri *Indige-*  
*tes*, ac *Divos* numeramus, speramusque *fraternam* *Polonorum* *Gentem* non  
indignè, pro suo in *Hyacinthi* gloriam studio, laturam, si eum ab illa aliqua-  
tenus participemus. Natus est in *Silesia*, in *Diœcesi* *Wratislaviensi*, in *Op-*  
*poliensi* *Ducatu*, qui perinde, ut olim *Poloniam*, ita nunc *Bohemia* *Regnum*  
respicit, eodémque jure *Corona* *Bohemia* subiectus est. Patrem habuit *En-*  
*stachium* *Comitem* de domo *Odrovanskia*, quæ *Sagittam* *veterem* gerebat in  
*Clypeo*; eadem *Illustrissima* *Stirps*, non modò per *Poloniam*, sed etiam pe-  
*Bohemia*, & *Moraviam* diffusa, hodièque in *Silesia* in *Kravvarzijs*, &  
*Sedlniczkijs*, *Lassotis*, aliisque perseverat. Invocandus magis est votis, &  
precibus *Hyacinthus*, ut *Silesia* *Patria* *sua* hæresi corrupta, & lethaliter ægro-  
tanti subveniat, impetrètque lumen fidei, ad totius *Regni* *Bohemia*, & *Re-*  
*gum* nostrorum securitatem, & *Pacem*!

## NOTA.

T. II. Febr.  
ad 12. in S.  
Alexio Ki-  
joviensi, in  
Vitis SS.

S. *Hyacinthum* *Kiiovvia* in *Russia* *Cœnobium* sui *Ordinis* erexisse circa Annū C. 1226  
& pluribus Annis *Kiiovvia* habitasse author est *Henschenius*, quæ ad XVI. Au-  
gusti probaturum se promittit.

## §. XLIX.

B. Ceslaus S. Hyacinthi germanus frater, ejusdem  
Prædicatorij Ordinis.

Ceslai ge-  
nus.

An. 1243.  
Bzovius in  
Vita S. Hia-  
cynthi. C. 8.  
& in Propa-  
gine ejusdē.  
C. 1. & 4. &  
in M. S. tra-  
ctatu de Vi-  
ta B. Ceslai.  
Ordo reli-  
giosus.

**B**eatum Ceslaum eodem quo *Hyacinthus* genere, & natione apud *Silesio-*  
Anno 1180. editum, meritò, multisque titulis ad Nos etiam pertinere  
constat. Innocentissime, & procul vitijs omnibus adolescentiâ de-  
cursâ, *Theologiam*, *Canonicum* *Fus* *Lutetia* & *Bononia* didicit, in utraque  
scientia lauream consecutus; post in Patriam reversus *Ivone* *Cracoviensi* *Præ-*  
*sule* connitente, in *Canonicorum* ejusdem Ecclesiæ numerum adlectus est, ad-  
jectâ etiam *Prælaturâ* (ut vocant) *Custodia* *Sandomiriensis*. An. Ch. 1219.  
*Patrum* in negotijs Ecclesiæ suæ *Romam* proficiscentem secutus, cum *Hia-*  
*cyntho* fratre, in *S. Dominici* *Patriarchæ* familiaritatem intravit, & cum ab eo  
*Neapolionem* quendam *Stephani* *Cardinalis* nepotem coram se à mortuis exci-  
tari orationibus ad DEUM fufis vidisset, commotus intimè, in ipsum *sa-*  
*crum* *Ordinem* admitti precibus impetravit. Virtutibus omnibus excultus,  
à *S. Dominico* in Patriam cum fratre remissus est anno sequenti; compositis  
rebus



rebus omnibus in Polonia, & Cœnobio Cracoviensi excitato, in Bohemiam A. 1222. cum Beato Henrico Moravo, aliisque locijs accessit. Sunt tamen, qui Beatum Ceslaum cum Româ in Poloniam rediret, Pragam transiisse, & ali- quod Cœnobio Pragensi jam tum datum initium, suspicentur; utut sit, Pra- gam Ceslaus advenit. Przemyslaus Ottogarus I. regnabat eo tempore, qui Sancti Viri coelestibus moribus, & vitæ innocentia captus, primum ante Pra- gam majorem in Porzicz vico, Ecclesiam S. Clementis, deinde alteram ad pon- tem Pragensem in ipsa Urbe Majore Ecclesiam itidem S. Clementis, jam antè non ignobilem, areamque amplissimam pro Cœnobio excitando libera- lissimè donavit. Hoc à Bzovio appellatur Seminarium Cœnobiiorum ejusdem Ordinis per Bohemiam, Saxoniam, Moraviam, & vicinas latè Regiones. pri- mus Cœnobij hujus Clementini Prior F. Hieronymus nominatur. Redijt deinde Wratislaviam Ceslaus, & Laurentio Episcopo Wratislaviensi Eccle- siam Sancti Adalberti offerente, & Cœnobium erigente, An. 1223. primus eum Conventum rexit Prioris nomine Ceslaus. Vita ejus universa consta- bat virtutibus, humilitate, & animi demissione, pietate in DEUM, charitate in proximum, vigiliantia, orandi, sèque, suasque omnes cupiditates vincen- di studio ardescebat. Miracula plurima ab eo patrata testatur Bzovius, in- tērque ea quatuor mortuos revocatos ad vitam. Trajecit & ipse sinè navi- gio flumina, sacris vestibus sibi suppositis; arcanis, futurisque noscendis sæ- pissimè Ceslaum admovit Divinitas. cum Tartari Wratislaviam obsiderent An. 1241. sinè dubio occupaturi, Ceslaus ad preces conversus, & urbi perituræ illacrymans, è Cœlo suppetias deduxit: columna ignea stativis hostium imminens, ita barbaros perculit, ut panico metu correpti, obsidionem defe- rerent; alij globum igneum super orantis Ceslai caput vidisse Tartaros, alij etiam fulminibus è cœlo verberatos affirmant. Obijt vitâ, & morte San- ctorum Ceslaus An. 1242. postquam nuper An. 1235. Provinciam sui Ordinis gubernâisset, in Cœnobio suo S. Adalberti tumultatus. Wratislaviâ ig- ne deflagrante, ait Bzovius, An. 1570. super aëra conspicuum se ostendit Ceslaus, ab incendio protegens suæ requiei Depositorium, videlicet S. Adalberti Monaste- rium. Vide plura apud eundem Scriptorem. At in Vita B. Ceslai M. S. (quam servo) plura alia commemorat miracula, ijs sæpe nominatis, in qui- bus ea ad Sepulchrum Ceslai patravit Divinitas: à malo dæmone obsidente liberatorum; morientium ad valetudinem, quin adeò mortuorum ad vitam redeuntium; sæpe ad sacrum ejus tumulum temere collectum pulverem ad capitis dolores valuisse, & alia extrema vitæ pericula propulsasse; Wratisla- viensem S. Catharina Parthenonem An. 1581. à flammis Urbem longè latèque depascentibus incolumem servasse; cuidamq; Virgini ex eodem Cœnobio, non diu post suam mortē, de ejus cœlesti gloria nonnihil dubitanti Apostolo- rum choro septum apparuisse cum dicto: Apostolico choro associatus, ac felici-

Ceslaus Or-  
Prædicato-  
rum in Boh-  
primus in-  
ducit.

Miracula  
B. Ceslai.

In vita M.  
S. B. Ceslai.  
Cromer. in  
hist. Polon.  
Ann. Mo-  
nast. Wra-  
tislav. M.  
S.

Obitus.

Veneratio  
B. Viri.



ter glorificatus sum! his adiecit Bzovius non de trivio Scriptor, rituum Ecclesiae, si quisquam alius, callentissimus: ob innumera miracula Ceslai corpus An. 1330. humo ignobili erutum, de subaltare sub ejus invocatione excitatum illatum, summa in veneratione populorum fuisse.

## §. L.

B. Henricus Moravus, & B. Hermannus Teuto, uterq; S. Hyacinthi socij, qui Coenobia Silesiae vivendo, & moriendo consecrârunt.

Bzov. in  
Propagine  
D. Hyacin:  
C. 5.

Gesta B. He-  
rici Moravi.

A. 1245.

Bzov. l. c.

Gesta B. Her-  
manni Ord:  
Præd.

Humbertus  
in Chron.

Fernan: Ca-  
stell. 1. P. 1. 2.  
C. 22.

Familiari-  
tas cū Chri-  
sto D. & ejus  
SS. Matre.

**C**eslaum, Henricum, & Hermannum totâ historiâ suâ, tum etiam in vita S. Hyacinthi, nunquam aliter, quàm Beatos, peritissimus Romanarum rerum, ac Rituum Bzovius appellat. Henricus Wratislaviae diem clausit extremum; eundem apud Moravos ortum, eorum temporum in cognominibus usitata consuetudo demonstrat, licet eum Humbertus in Chronico ob Poloniae Provinciam, in qua vivebat, Polonum cognominârit. Vir fuit Apostolicus, & prorsus Hyacintho & Ceslao Sanctis Fratribus conformis, simili in DEUM, & proximum charitate. Sacramentis ritè omnibus munitus, & mortem operiens, arrepto crucis signo, S. Andreae verba iterabat: O bona crux! securus, & gaudens venio ad te, & quæ sequuntur. Tum veniente ad se cum Apostolis Christo, commendare mortem suam cœpit, dulciter ridens, vultu toto, ac manibus plaudens in crucis amplexu; nec defuere dæmonum terribiles visu formæ, in quos dum verba illa: Credo in DEUM Patrem, & Filium, & Spiritum Sanctum elatâ voce contorquet, expiravit Wratislavia; quod Coenobium alijs multis rebus, sed potissimum B. Ceslai, B. Henrici, & B. Joannis Inquisitoris sacris corporibus illustratur.

Beatus Hermannus Teuto, multis in Germania Coenobijs excitatis, Oppolij An. 1245. decessit è vita; admiranda de eo habent Sacri hujus Prædicatorum Ordinis Annales. Passioni, & morti Christi meditandæ diebus, & noctibus incumbibat, illum versiculum iterabat sæpissime: Adoramus te Christe, & benedicimus tibi &c. Admovit eum aliquando vulneribus suis Christus apparens, & pretiosissimas anhelanti sui sanguinis guttas instillavit; nec Virgo Beatissima ab Hermanno orata defuit, sed aspectabilis linguam balbam correxit, & eloquentiâ, lingvarum dono, prudentiâ, & consilijs, scientiâ sacrarum literarum, & Theologiâ infusâ, cœlitus instruxit, ut inter disertissimos, & acutissimos haberetur, cū ante id, rudis, segnis, & præter Orationem, parum ad alia idoneus censeretur. Morienti Crux aureis radijs pellucida super Ecclesiam Oppolensem Sole lucente apparens, Sanctitati, & prædicationi, & ab eo in corpore suo portatæ cruci testimonium amplissimum dedit.

Hæc



Hæc de B. Henrico, & B. Hermanno, ut in *Bzovio* legeram, scripsi, cum ecce in quibusdam pereruditi e Societate Nostra Viri chartulis ad 20. Februarij annotatum reperio: *B. Henricum Moravum* Pragæ ad S. Clementem, deinde *Budvicij in Bohemia* (primi utrobique) Prioris munus in Cœnobijs sui Ordinis gessisse, ac *Budvicij* in honoratiore Tumulo compositum jacere. Non parum ea res me perculit; an satis credibile est *Bzovium* hæc ignorasse, qui ejus obitum sanctissimū cum tot adjunctis rerum & verborum narraverit? adde: quod *primus Clementini Cœnobiij Prior F. Hieronymus à Bzovio*, non *Henricus* appelletur; existimo *B. Henricum Wratislavia* tumulatum, longè à primo *Budvicensis Cœnobiij Priore* diversum esse, utrumque tamen virtutis excelsæ Virum, & famā sanctitatis conspicuum, idque Chronologia & temporum ratio firmat. Vidi tamen, & osculo semel atque iterum honoravi saxum *primi Budvicensis Prioris* Tumulum in Ecclesia ejus Ordinis, altè ab humo educatum, & Muro Ecclesiæ insertum: expressus est saxo in Ordinis sui habitu, quem percontando, *Priorem* fuisse, & primum Cœnobio didici præfuisse, Sanctimonix exemplis clarum, ideoque Tumulo divisum à cæteris. Optabile foret, si ista nobis ignota ab ijs quorum interest, commendarentur memoriæ! nam etiam hujus *Budvicensis* ipsum nomen ignoratur. Porro Cœnobiij hujus origo, Anno 1265. antiquior non est, ut *Weleslavinus* ostendit; adeoque ad illam ætatem *B. Henricum Moravum* vivendo pervenisse verisimiliter dici non potest.

De B. Henrico Moravo controversia.

Tumulus saxus Budvicensis.

Welesl. in Calen. hist. fol. 137.

## §. LI.

Beatus Bertholdus è S. Francisci disciplina, Apostolicè per Bohemiam, ac potissimum Glacij concionatur.

Natale, & fatale solum habuit *Bertholdus Ratisbonam*, germanissimus *S. Francisci Alumnus*, magistro virtutis usus viro pari religione *B. Davide*, quem ab Urbe vocabant *de Augusta*, cujus religiosissima scripta nuper *Augusta* prodierunt, huic *Bertoldo* summæ tum spei surculo olim dedicata; quæ sanè spes *Davidem* non fefellit, cum adeò progressus est in cœlesti philosophandi disciplina, ut doctorem suum superasse videatur. Tantum potuit in dicendo Christianâ eloquentiâ, ut veluti philtro quodam traheret auditores, quorum interdum censa sunt sexaginta millia, interdum centum millia. Sic enim *Andreas Presbyter* in Descript: Monasteriorum Bavarix: Anno Domini 1251. Frater *Bertholdus*, natione *Ratisponensis*, Ordinis *Fratrum Minorum* prædicare cœpit. ad cujus prædicationem dicuntur aliquando centum millia hominum confluxisse. Hic sepultus est *Ratisponæ* ad Fratres minores, hoc habens Epitaphium:

An: 1272.

Ex Radero in Bav. S.

Bertholdi cœlestis Eloquentia.

1272.



1272. 19. CAL. JANUAR.

OBIIT FRATER BERTHOLDUS. MAGNUS PRÆDICATOR.  
HIC SEPULTUS. LUCIÆ VIRGINIS.Miraculum  
mulieris re-  
fuscitæ à  
B. Berthol:B. Bertoldus  
per inter-  
pretem in  
Boh. prædi-  
cat Verbum  
DEI.

Laudatur idem in libro *Conform. vitæ S. Francisci* ad vitam *JESU Christi*, & narratur miracula patrâsse, interque *Beatos à Gonzaga* numeratur. In-  
sectabatur pro Cathedra, cum ad populum diceret, vitium acri, & vehemen-  
ti oratione, de quo sibi clam conscia famina quâdam territa, & exanimat  
metu, in media populi concione mortua subito concidit: tantus dolor simu-  
pœnitentem oppresserat. Sed cum admonitu *Bertholdi*, omnes in genu-  
fusi, pro salute miseræ deprecarentur, revixit, causamque mortis palam ex-  
posuit: jussam se in vitam redire, ut peccatum, quod exanimarat infelicem  
confessione dilueret. Adjecitque inter alia, quæ coram ad tribunal supre-  
mi Dictatoris mundi citata spectârat, hoc tremendum sanè, & narratu horri-  
cum, nè dicam spectatu: Adducta simul eodem puncto temporis sexagint  
animarum millia, quæ in omni orbe varijs casibus ex corporibus & vitâ ejectæ  
decefferant, trësque ex omnibus illis millibus ad piaculares purgatorij igni  
flammas destinatas, reliquas omnes præcípites abiisse ad sempiterna infero-  
rum supplicia, & tormenta, unum è cœtu *S. Francisci* transisse per loca pur-  
gatoria, secumque duos ex olim familiaribus ad cœlum, intactum ipsum, de-  
duxisse. In M. S. Conventûs Monacensis hæc de eodem *Bertholdo* cogno-  
sco: *His temporibus Frater Bertholdus de Ratisspona Ordinis nostri eximius*  
*prædicator, exequens injunctum sibi prædicationis officium tantum profecit uni-*  
*versitati tam populi, quam cleri, ut omnium in cordibus, & auribus fuerit ad-*  
*mirandus.* In eisdem chartis An. 1271. & 72. hæc de eodem traduntur: *In*  
*Festo S. Lucie Virginis obiit etiam feliciter ipse Frater Bertholdus de Ratisso-*  
*na, Prædicator magnus in diversis Provincijs, videlicet Thuringiâ, in Bohemia*  
*ubi habuit Interpretem Fratrem Petrum cognomento Oderincium, sepultum in*  
*Glaſ, & ibidem prædicavit Frater Bertholdus in campo sub tiliâ, quæ usque*  
*hodie dicitur Bertholdi, quam ego oculis meis vidi prope Glaſ.* Hujus prædi-  
catoris verba utilia, & magnifica facta, ut alterius *Helia*, peccatores conver-  
tentia ad Dominum fuerunt; nam multos Ungaros convertit, cum infideles Cu-  
mani multos seduxissent. Verbum ejus, quasi facula ardebat. Posuit enim De-  
os ejus, quasi gladium acutum. Super caput ipsius in Thuringia à fide dignis re-  
ligiosis utriusque sexûs, cum secundum morem faceret, plures coronæ fulgidæ vi-  
debantur. Hic sepultus jacet in Ecclesia Fratrum Minorum Ratissponæ, juxta  
murum versûs ambitum, & pluribus miraculis à die transitûs sui claruit, si-  
cut latius continetur in majori *Chronica*. Hæc chartæ Monacenses.





## §. LII.

Beata Margareta Wladislai II. Bohemiæ Regis, &  
Gertrudis Austriacæ filia; tertia in Doxanensi  
Cœnobio Priorissa.

**D**E hac Margareta, quæ se DEO in Doxanensi à Matre sua fundato  
Parthenone consecravit, nihil prorsus habet Genealogia Regum no-  
strorum à diversis Scriptoribus vulgata; sed jam sæpe monui: *Prze-*  
*nyslae* gentis Tabulas non esse absolutas, & plurima in ijs nomina desiderari.  
Fidissimæ memoriæ *Doxanenses*, de Margareta hujus nomine (quod rarissi-  
mum est) adjecto Beata titulo, meminerunt: Beata memoria Margareta,  
tertia hujus loci Prælatæ, filia Fundatorum 13. Julij (annus non adjicitur)  
obiit. Præfuerat Cœnobio piæ, & in suo ingressu donavit Cœnobio 80. marcas  
argenti. Hucusque manuscriptum.

Titulus Be  
atz.

## §. LIII.

Beata Zdislava Berkiana, Ordinis Prædicato-  
rum.

**P**rocerum Berkarum vetustissima, & Illustrissima stirps multos insignes  
Sanctimoniâ, cæterisque dotibus viros, ac matronas protulit; inter  
has non postrema Beata Zdislava, quæ de Mariti consensu sacrum  
Parthenonem *Fablonæ* ingressa, vitam exegit sanctissimam, atque ut animi  
demissione eminebat, *Conversarum* infimo in gradu stetit usque ad mortem.  
Egêre de hac Beata Matrona *Pontanus*, *Chanovsky*, *Crugerius*. Sacrum  
Beata Zdislavæ corpus *Fablonæ* in Ecclesia Fratrum Prædicatorum (ad  
quam olim Cœnobium Virgineum steterat) quiescit; innumera in antiqui-  
tate patrata miracula circa Zdislavæ Tumulum picta visuntur, quæ ante-  
quam oblitterentur tempore, ex usu foret describere, & postea piorum bene-  
ficio novis coloribus excitare. Adoravi osculo hujus Beata Tumulum non  
ante multos annos, & singulari perfusum me pietatis dulcedine persensi. Ma-  
nuscripti Codices, in quos bonâ fortunâ his jam scriptis, nuper incidi, refe-  
runt: B. Zdislavam septennem puellulam, DEO vocante, in solitudinem  
quandam procul à suis fugisse, vitam egisse asperrimam, & innocentiam su-  
am cilicijs, jejunijs, cubatu durissimo, miserisque alijs modis vexasse, tam  
pertinaciter saxa & rupes geniculis orantem pressisse, ut sapissime saxa cruen-  
taret. Nihilominus jam adultiorem Parentum imperijs (à quibus post  
DEUM ac Cælites unice pendeat) adauctam nupsisse; Marito immitti,  
tamen audientem dicto fuisse semper; Matris pauperum nomen ex merito

Ord. Præ-  
dicatorum  
ingreditur.Pontan. in  
Bohem. Pia  
Chanovs: in  
Vestig. Boh.  
Pia.Septennis  
fugit in ere-  
mum.Mater pau-  
perum.



Cœnobii  
ædificat.

Apparet  
post mortē  
in purpura  
cœlesti.

consecutam, confarcinandis aut de novo parandis, & consuendis indusijs earum ac tunicis continenter occupatam, earum pedes abluisse, ulcera osculando & lambendo (quod in tam tenella *Matrona* permirum!) sæpius miraculo persanasse; tandem *Marito*, quem delicatissimis precibus flexerat, & sibi devinxerat, lubente, *Ordinem Prædicatorum S. Dominici* instituto viventium Virginum ingressam, omnes alias Virtutibus cæteris, sed obedientiâ præcipuè, & humilitate obsequiorum superâsse, *Cœnobium Virgineum* ex dote ædificasse, lapides ad ædificationem manibus proprijs aut tulisse, aut advolvissè, ancillarum munia omnia sustinuisse. Tandem de mortis instantis tempore divinitus admonitam, *Fablonnensem Ecclesiam* ad tumulum sibi elegisse, & post mortem plurimis claruisse miraculis. *Maritum* superstitem mœrentem, & fortè de priore sua adversus mitissimam & innocentissimam Conjugem duritia sese angentem, aspectabili specie consolatam esse, & *purpuram cœlestem*, quam pro meritis mortalis vitæ à *cœlesti Sponso* accepisset, ostendisse, ac iussisse nè mœreret; insuper ad omnium injuriarum oblivionem indicandam, frustulum quoddam *cœlestis illius Vestis ac purpuræ* abruptum, eidemque *Marito* jam gaudenti, memoriæ & solatij causâ in manibus reliquisse. Hæc *Manuscripti Codices*.

## §. LIV.

## B. Cunegundis Antistita S. Georgij Pragæ.

A. 1321.

Genus.

Ordo religiosus.

**C**unegunda hujus (Bohemis Kunhutæ) literas complures ad fratrem Regem in *Archivo S. Georgij* vidi. Nata est *Patre Ottogaro II.* bellicolissimo, ad extremum infelici Rege, *Matre Cunegundâ Rosislæ Bulgarorum Regis filia*, soror fuit *Wenceslai II.* pijsissimi Regis, ab ineunte ætate puella nihil nisi DEUM, & Divina spectabat; occiso Patre, nata libertatem DEO sese devovendi An. 1278. cum alijs 14. lectissimis, & nobilissimis Virginibus *S. Agnetem* avi sui *Wenceslai I. Regis Bohemiæ sororem* imitata, *Parthenonem S. Clare* ad Salvatorem in antiqua *Urbe Pragensi* ingressa est; sed post annos duodecim ad fratris sui in *Regnum Poloniæ* jura firmanda, *Papâ* annuente coacta, *Masovia Duci* in conjugem datur; Duce marito viduata, sub Annum Christi 1302. 22. Julij DEO sese restituit, neque tamen prius illud *S. Clare* claustrum repetijt, sed *Fratre* optimo apud Pontificem agente *S. Georgij Parthenonem* subivit, ac post editam rursus professionem, cum vitæ Sanctissimis exemplis cæteris præluceret, perpetuòque tenore vitæ omnes virtutum, & sanctimonix partes impleret, communi Virginum sententiâ, etsi prius in conjugio vixerat, *Antistita* creatur; omnia apud Fratrem Regem poterat, ideòque amplissimis Privilegijs, gratijs, favoribus, *Cœnobium* suum permuniri, locupletari etiam ditionibus (quæ, cum de Cœnobijs agetur, adferemus)



feremus) procuravit, ut *Mater*, & altera *Cœnobij Fundatrix* appellari possit. Obijt relictâ apud omnes illimis cujusdam Sanctitatis opinione An. C. 1321. 13. Februarij, ut habet *Beneficius*; corpus demortuæ altiore Regium in modum Mausolæo intra ambitum claustrum in peculiari Sacello B. Virginis conditum jacet. Vide plura in *Crugero* ad 13. Februarij. in MM. SS. Cœnobij libris, omnibus locis *Beata* titulo insignitur.

*Benef. l. 2. Chronicor.*

*Beata tituli*

§. L V.

B. Euphemia Virgo Ordinis Prædicatorum, Lesconis Ratiboriensis Ducis filia.

**H**abet *Silesia* complures apud se natos, & natalia sua sidera, quibus Cœlum gloriôsè adauxit: B. Euphemia Lesconis Ratiboriæ Ducis filia, & *Przemyslai Ratiboriæ Ducis* soror, cum fratrem An. 1336. ad foundationem Sacri Parthenonis (donato cum septem villis, oppido *Ja-vorovv*) perpulisset, de suo eundem locupletavit, & seipsam, & vitam innocentem suam, Christo Sponso donavit, vixit in eo Cœnobio ad An. 1359. tam exquisitâ vitæ Sanctimoniâ, ut *Beata* titulum in sepulchro, & in omnibus *Silesia* Scriptoribus meruerit; hodièque ipse *Virginis Sanctissimæ* Tumulus miraculo est: nam clade Urbi, aut Cœnobio imminente, sepulchri lapis ex imo intus pulsatur, & validè verberantur, admonenturque eo ictu omnes, ut quæ DEUS intentat verbera, patienter ferant, vel ut fugiant à facie arcûs, & liberentur electi. Agit de hac Virgine Sancta insignis ex Ordine Sancti Dominici Scriptor *Abrahamus Bzovius*.

1359. 17. Januar. Crug. Genus.

Prodigiosus Tumulus.

Bzovius in Propagine D. Hyacin.

§. LVI.

B. Conradus Ord. Prædicatorum Pragæ in caussa Religionis occisus.

**B**eatus Conradus Inquisitor hæreticæ pravitatis, Ordinis Prædicatorum, quâ gente, & patriâ sit editus, nondum invêni; *Polonia* suæ cum adscribit *Abrahamus Bzovius*, uti & B. Joannem, de quo statim agemus (quem tamen fuisse *Szovidnicij* natum, constat inter Authores) at cum eo tempore *Polonici*, & *Bohemici* Prædicatorum Conventus una Provincia censerentur, nullum inde pro natione confici potest argumentum; ad Sanctam ejus mortem veniamus: Nancerus Episcopus *Wratislaviensis* Joannem *Bohemie* Regem diris devinxerat, B. Conradus Inquisitor pro officij, & muneris sui ratione *Pragam* advênit; ad Regis colloquium, imò & ad mensam admisus, omnia se confecta habere, & tam difficili negotio apud irritabilem Principem ex animi sententia finem imposuisse credebatur, cum ecce duo sicarij

A. 1341.

Ep. rer. Boh. l. 3. C. 18.

Occasio & caussa occis.



Cædes.

à *Wratislaviensibus* subornati (*Wratislaviensibus* enim præcipuè *Bonorum Ecclesiasticorum* occupatio, & artes fruendi præ cæteris placebant; quamvis *Bzovius* in *Bzovius* difertè *Foannis Regis* jussu interfectum esse scribat) *Inquisitorem* apud suos ad Pontem antiquæ *Urbis Pragensis* in *S. Clementis Cænobio* degentem, per speciem sacre Confessionis ex cella ad se evocari postulant, nihilque mali suspicantem, atque in Impluvium *Cænobij* descendentem adoriuntur in tenebris, pugionibus, & gladijs nefarij homines confodiunt, & relinqvunt pro mortuo. Id gestum An. 1341. *Conradum* post mortem multis claruisse miraculis affirmat *Bzovius*, iisque adductos homines sæpius apud *Sedem Apostolicam* egisse, ut in numerum *Sanctorum* solenni cerimonia & ritu solito referretur.

A. 1341.

## §. LVII.

Beatus Joannes Schwenckfeldius Inquisitor, pro Immunitate Ecclesiastica, & Fide Catholica strenuè dimicans à Senatu & Populo *Wratislaviensi*, è *Cœnobio* suo extractus, crudelissimè per Urbem raptatur, & confoditur.

1341. 6. Octo.

Educatio  
religiosissi-  
ma.

**J**oannes Schwenckfeldius *Svidnicij* in *Silesia* bono loco natus, cum sese juvenis *Sacro Prædicatorum Ordini* adjunxisset, tantos in virtutibus, & scientijs progressus fecit, ut inter suos autoritate plurimum emineret, eoque nomine, hæreticæ pravitatis per *Silesiam Inquisitor* (quod munus eo tempore hominem fortem, doctum, & prudentem requirebat) constitueretur. Interdixerat sacris *Urbi Wratislaviensi* (ut paulò antè dixi) *Nankerus Wratislaviensis Episcopus*, quod bonis Ecclesiasticis imminerent, & à Rege *Foanne* animati Clerum vexarent; Interdictum hoc gravem contumeliam interpretati *Wratislavienses* per populi tumultum, *Monasterij* (in quo *B. Joannes* degabat) ad *S. Adalbertum* portas effringunt, *B. Joanni* manus injiciunt, per civitatis vicos, & plateas prostratum trahunt, tandem multis ictibus confosum, cerebro eliso occidunt immaniter. Diris devoti à *Benedicto XII. Pont. Max.* agente potissimum *Carolo Marchione Moraviae Joannis Regis* filio, resipiscere cœperunt, & ipso *Carolo* comitante, capitibus, & pedibus nudis, sinè pallijs, & cingulis reorum habitu à prætorio usque ad *Cœnobium* progressi, humi prostrati per modum Crucis, veniam, & misericordiam oraverunt, *Episcopo Przeczlao* (qui *Nankero* mortuo successerat) veniam faciente. Nihilominus 8. *Maij* die, gravissimas de Civibus pœnas sumsit *DEUS*, totâ urbe fortuito incendio in cineres redactâ; quo tempore visus est super urbem *Cælestis Angelus* stricto ense terribilis cum socijs, qui ardentes prunas

nas



nas in urbem cœlo effunderent. Hæc gesta sunt An. 1342. ut narrat ex *Miechovio Bzovius*. De hoc B. Joanne memini, olim vidisse me in Manuscriptis *Bibliotheca Pragensis Codicibus* exemplum Apostolicarum literarum in membrana scriptum, quibus Joanni velut Martyri inter Divos cultus, dies item Sanctæ ejus memoriæ per totam *Diæcesin Wratislaviensem* consecratus decernitur. Has literas, quibus nunc egerem maximè ad gloriam Viri sancti, nullâ diligentia invenire potui, sed vel juratus legisse me testor. *Abrahamus Bzovius in vita M. S. B. Ceslai* narrat: Pallium B. Joannis sanguine aspersum, & vulneribus non tam deformatum, quàm illustre, *Wratislaviæ in Cœnobio S. Adalberti* hodièque servari, idque ita recens, ac si pauculis abhinc annis cædes peracta fuisset: nostris manibus, inquit, sæpe sanguineas illas guttas attrectavimus, & piè exosculati sumus, An. 1607. nimirum prædixerat moriens Vir sanctus, quòd pro fide Catholica, proque veritate & justitia moreretur, pallium hoc nunquam à tineis corrumpendum.

*Miech. l. 4.  
hist. Polon:  
C. 23.  
Bzov. in  
Propag. D.  
Hyac. C. 8.*

*Pallium ejus  
cruentum  
hodièque  
ostenditur.*

## NOTÆ IN B. CONRADI &amp; B. JOANNIS MARTYRIUM.

His jam ad Typum datis, magnâ cum admiratione meâ, *Abrahamum Bzovium* (quem in historia B. Conradi, & B. Joannis secutus sum) à se dissidere animadverto: nam cum in historia sui Ordinis in Polonia, seu in Propagine S. Hyacynthi (quam edidit An. 1606.) & in vita M. S. B. Ceslai, Joannem *Schwenckfeldium* per compita *Wratislaviensia* raptatum asseruisset, postea in *Annalibus Ecclesiasticis* (quos An. 1618. vulgavit) Joannem *Schwenckfeldium* Praga in Cœnobio S. Clementis (nullâ Conradi factâ mentione) confossum commemorat. Idem ex eo descripsere *Spondanius*, & *Raynaldus*, ubique Joannem non Conradum nominantes; diversos tamen esse diversæ mortis, & alia adjuncta ostendunt, & quod *Bzovius* citans antiquissima Manuscripta nominet Conradum Praga, & Joannem *Wratislavia* occisos. Hæreo inter sacrum & saxum! utinam qui ista utpote sua norunt, quid tenendum sit edoceant, & vestigium cui firmius insistamus, ostendant. Fortasse *Malpæus Ord. Predicatorum in Palma fidei* (qui liber non est ad manum) hunc nodum dissolvit.

*C. 8.*

*Bzov. in An.  
Ecc. T. 14.  
ad A. 1341.*

*Sponda. &  
Rayn. in  
An. Ecc. ad  
A. 1341.  
In Prop. S.  
Hyac. C. 8.*

## §. LVIII.

B. Arnestus, seu, ut nunc loquuntur, Ernestus I.  
Archi-Episcopus Pragensis.

## AD LECTOREM.

UT nihil ad fælicitatem meam (quam in hoc opere, dum scribo, faventem semper, & affluentem sensi) deesset, dum in *Crumlovienfi Responsum Bibliotheca* manuscriptos Codices nuper excutio, incidi bonâ fortunâ in librum vetustissimum, sapphirini coloris membranâ tectum, umbilicis, & claviculis olim probè munitum, nunc omnibus ornamentis spoliatum, cui initio præfixa est litera D. XVI. In eo multa Antiquitatis monu-

*1364.*

*Vita B. Ar-  
nesti reper-  
ta inter Co-  
dic. manus-  
Coll. Crû-  
lovien: S. J.*



Odor. Ray-  
nald. in An:  
Ecc. ad A.  
1359.

Triples B.  
Ernesti vita

menta, multorumque Authorum pervetustorum quædam particulæ leguntur, quas inter *Vitam* hanc *Arnesti* novam, & antè ineditam, hinc atque inde in diversis folijs exaratam, invenisse me mihi ipsi sum gratulatus. Eam verò nè periret, hîc adjiciam. *Typographia Societatis JESU Pragæ Vitam Arnesti, ab Joanne Glacensi Præposito scriptam, Mariali præfixit: hæc alia est, majorémque etiam authorem præfert, Wilhelmum videlicet ab Hazenburg, Arnesti discipulum, eidem sumâ amicitia junctum, nobilitate vetustâ clarissimum, Wissehradensem Præpositum, Caroli Caesaris ad Pontifices Legatum; quâ dere mentio fit in Epistolis Innocentij VI. Anno Pontificatus VII. 12. Cal: Maij. An. 1359. Fuit Wilhelmus Vir doctrinâ sumus, cujus Bibliothecam pretiosissimam, Carolus IV. post ejus obitum emtam, Universitati Carolinae donavit. Porro vitam Arnesti sumâ quâ licuit diligentia à me conscriptam, & justo volumine comprehensam, ab utraque & Joannis, & Wilhelmi distinctam, An. 1665. Pragensibus Typis expressam, Ernesto II. Eminentissimo Cardinali Archiepiscopo probante, & laudante Glacensi Comitatu dedicavi; eam consulat, quisquis SS. Præsulis gesta, & singulas actiones avet cognoscere; hæc interim vita sufficiet, ut reor, (etsi generatim ferè scribat) ad ideam aliquam Arnesti Sanctimonie animo effingendam, & efformandam.*

Incipit Vita Venerabilis Arnesti primi Archi-Episcopi Pragensis, Authore Wilhelmo ab Hazenburg, Decano Wissehradensi. Ex Codice pervetusto Bibliothecæ Collegij Crumloviensis Societ: JESU.

Ernesti à vi-  
gilantia &  
iustitiæ con-  
stantia infi-  
gne enco-  
mium.

**A**pparuit gratia DEI Salvatoris nostri diebus istis novissimis in Servo suo Arnesto, quem Pater misericordiarum, & luminum, tam largâ dulcedinis benedictione prævenit, ut esset cœtaneis suis in speculum, & posteris evidens in exemplum. Sicut enim hunc sibi amabilem, nobisque imitabilem reddidit, ita & modo per consequens admirabilem dereliquit; perfectis etiam virtutum prærogativis, & meritis celebrem, & præclaro circa eum ostenso miraculo insigniter demonstravit illustrem. Ad hoc videlicet: ut qui *Sanctorum vestigia* sequi, mundi prohibente concupiscentiâ non possumus, hujus saltem, qui noviter nos præcessit, conversationem laudabilem, honestos mores, benignitatem, & patientiam imitari pro viribus studeamus. Hic enim quasi *Stella in medio nebulae*, claris vitæ pariter, & doctrinæ fulgoribus micans, & super commissum sibi gregem solerter invigilans, non solum hunc viam veritatis edocuit, sed & ab eo, quibus tum involvebatur, errores, & negligentias, sollicitudine præcedente repressit. Non hunc Magnatum timor pro justitia suppressenda concutere, non thesauri oblatis corrumpere, fed



sed neque parentum, aut confinium amor suam in hoc potuit constantiam obtruncare. Maluit enim obrectationum lingvis, culpâ non subeunte, re-  
dargui, quàm ob defectum justitiæ ante tribunal superni Judicis, durâ pro-  
pter hoc sententiâ condemnari. Pater ipsius *Arnestus de Pardovitz Miles*,  
qui tunc castrum, & *Provinciam Glacensem* ex commissione Regis *Bohemia* ob-  
tinebat, hunc in *Glacensi Oppido*, liberalibus tradidit studijs imbuendum.  
Ubi dum sub ætate tenera scholas cum suis condiscipulis frequentaret, *Imago*  
*Beatissimæ Virginis MARIÆ* sibi coram ea genua flectenti, dorsum advertit,  
quod quidem miraculum ipse, quamdiu vixit, subticuit, sed in agone labo-  
rans, propriâ manu conscriptum, ad ædificationem fidelium publicè revelari  
mandavit. Verùm dum hunc jam debita in ætate constitutum ad honores  
Ecclesiasticos Clementia vellet Divinâ provehere, primò ipsum *Decanum*  
*Pragensem* constituit, & demum sede vacante, ad *Episcopalis dignitatis api-*  
*cem* benigniùs elevavit. Erat autem idem *Arnestus Vir longæ staturæ*, venu-  
stâ facie, omnique morum præditus honestate. A tempore quoque sui Re-  
giminis, sicut erat discretus silentio, ita & utilis mansit in verbo, ut nec tacen-  
da proferre, sed nec quidem vellet proferenda tacere. Sciebat enim, quòd  
sicut incauta locutio in errorem pertrahit, ita & indiscretum silentium hos  
qui erudiri poterant, in errorem perducit. Nempe quotidiana ipsius fami-  
lia, nunquam audit ex ore ejus verbum iniquum, aut dolosum procede-  
re, quo aut inferre cuiquam vellet injuriam, aut reprimere conaretur illatam;  
& si quempiam ex sua Familia, verbo quantumcunque levi se offendisse per-  
sensit, mox poenitentiâ ductus, ab eo veniam verbis humilibus postulavit.  
Ex adverso verò, dum ei aliquis injuriosum quid, seu displicibile loqueretur,  
mox digitum ori superposuit, & pronum ad inferendas vindictas animum,  
tanquã veræ humilitatis discipulus effectualiter mitigavit, recurrens ad illud  
propheticum: *Pone Domine custodiam ori &c.* Nimirum ad hoc, ut in  
anima sua virtutum posset structura consurgere, studuit Vir DEO dilectus in  
corde suo, veræ humilitatis *Fundamentum* locare. Qui licet in *Bononiensi*,  
& *Paduano* studijs per quatuordecim annos continuos moram continuans,  
licentiarum promeruit, tamen cor ejus, ut plerumque fit, acquisita scientia non  
inflavit; quando omni se petenti benevolum, & ejus auxilium invocanti, se  
redderet innatâ pietate mansuetum; inerâtq; sibi mos, & consuetudo laudan-  
da, ut quoties coram eo Divina peragerentur Officia, ipse cum *Praelatis*, *Ca-*  
*pellanis*, & *Clericis*, tento coram ipso Missali, officium Missæ perlegeret, ac  
demum horas de *Beata Virgine*, ordinatis, & morosis accentibus ruminaret,  
nec audebat hunc quispiam, pro re quantumcunque gravi, quamdiu *Missæ*  
legeretur, accedere, seu cum ipso de negocijs, etiam arduis, publicè, aut se-  
cretè conferre. Qui tamen officio expleto, publicam procedens ad salam,  
tam pauperibus, quàm divitibus audientiam præbuit, facti quoque circum-  
stan-

Arnesti na-  
tales & edu-  
catio.

Miraculum  
quod cum  
Arnesto ad  
huc juvene  
patravit  
DEUS.

Arnestus  
parcus ver-  
borum.

*Psal. 140.*

Oratio Ar-  
nesti plena  
dignitatis.



stantijs pensatis ad debitum, ipsos sine intervallo temporis benignius expedivit. Quod autem propter absentiam propriam, vel negotij qualitatem, per seipsum expedire non potuit, id ipsum à Prælati sibi assistentibus, cum omni celeritate terminare mandavit. Quid ultra? ex fructu arbor cognoscitur, & fructus ex arbore commendatur. Præcessit in radice Divina copia muneris, ut in ramusculo sequeretur abundantia honestatis. Tantâ etenim Deus excelsus in servum suum condescensione respexit, ut sicut hunc vidit de virtute in virtutem proficere, sic & commissam sibi Ecclesiam ad laudem propriam, & Bohemici Regni honorem, voluit magnificè sublimare. Procurante namque *Serenissimo Principe Domino Joanne Bohemia Rege*, & ejus primogenito *Carolo Romanorum Imperatore semper Augusto, & Bohemia Rege*, An. Domini 1344. *Pragensis Ecclesia in Metropolitanam* erigitur, & à subjectione *Moguntinensis Ecclesiæ*, quâ eidem tenebatur obnoxia, per Sanctissimum in Christo Patrem Dominum Clementem, sacrosanctæ Romanæ, ac universalis Ecclesiæ *Summum Pontificem*, absoluta, *duas Suffraganeas Ecclesias, Olmucensem* videlicet, & *Litomisliensem* felici dispositione sortitur. Recepto quoque per eum pallio, sibi ab Apostolica sede transmissio, in quo nomen, & plenitudo Archiepiscopalis dignitatis consistit, juribus etiam, & canonibus præscriptis rationabilibus, & quæ pro lege habentur, consuetudinibus re-collectis, attento nihilominus, quia diversitatem corporum diversitas sequitur animorum, statutis *Moguntinensis Ecclesiæ*, quæ tum propter abusum, tum etiam propter inconvenientiam, modicum, aut nullum fructum afferebant, suppressis, nova & utilia *statuta edidit*, *Provinciali* propter hoc Concilio celebrato; interserens statutis ipsis de Jure Canonico multa utilia, Presbyteris quoque ipsis, *Ecclesias Parochiales* regentibus, summè necessaria, & his præsertim, quos interdum à studij cura paupertas prohibet, non voluntas. Inerat & huic viro talis Judicij futuri memoria, ut qui de talento sibi credito rationem districto Judici reddere tenebatur super commisso sibi grege, ad eò sollicitas observare studeret excubias, ut nunquam somno corpus reficeret, nisi eum aut violentus sopor opprimeret, aut langvor insolitus vigilare per amplius prohiberet; sciens quoque, quòd humana natura sicut laboribus diutius instruitur, ità nihilominus per otia torpentia fatuatur, ad hoc ut mentem sollicitam quotidianis virtutum incrementis instauraret, lectione hanc continuâ refovebat. Habens quoque in subteriori veste sacculum ab utroque latere dependentem, certos in eo libellos, & memorialia deferebat, & nunc in curru pergens, nunc etiam à Cæsaris consilio, quoties ibi minùs utilia tractarentur, se abstrahens, tam ad suam, quàm aliorum ædificationem in eisdem aut per se legit, aut legi per alios verbis intelligibilibus procuravit. Nunquam hunc poterant à bono prosequendo otia detestanda retrahere, quin instar potiùs Supernorum in scala Jacob, aut ascendebat in DEUM, aut de-

Vigilia Ar-  
nesti.

Nunquam  
otiosus.



descendebat in proximum. Die autem ad occasum Solis vergente, dum nunc cubile consuetum suscipere, sibi fecit Vitas Patrum, aut alium codicem edificativum tam diu legere, donec ipsum ingens sopor lectionem non finiret auscultare. Noverat enim de cujuslibet ore legentis elicere, quod animæ profuit; sciens, non minoris esse prudentiæ, de rudi quandoque spina florem decerpere, quàm fructum ex arbore nobili manducare. Capto quoque somno, sed modico, dum hunc crederet Cubicularius in loco sibi præparato recumbere, ipse mollem lectum declinans, interdum in humo, interdum verò super vili repertus est matta cubare. Mediâ autem nocte, dum aliorum oculi concepto gravantur à somno, iste *Pastor sollicitus*, quem non vincere acedia, non frangere potuit torpens ignavia, proprio confurgens è lectulo, secum manentes advocat *Capellanos*, cum quibus tam horas *Canonicas*, quàm & *Beatæ Virginis*, devoto corde, distinctâ quoque voce complevit. Postquam verò iidem *Capellani* fessa membra solitis adibant refovere cubilibus, ipse in oratione pervigil, & invictus manebat, & si erat de manè Missam celebraturus, devotas se dabat in lacrimas, ut tunc venas divini susurri furtivè suscipere, quando sopor cæteros opprimebat. Ad hoc quoque majora studuit seminare semina fletuum, ut majores tandem fructus perciperet gaudiorum. Solitus etiam erat à promotionis suæ tempore usque ad obitum sui diem in quodam libello singulos suos defectus spirituales propriâ manu conscribere, ut & eisdem deinceps virili mente resisteret, & ea, quæ fragilitate ipsum impellente commiserat, per satisfactionem debitam emendaret; in quo etiam conscripsit injunctas sibi pœnitentias & consilia Confessorum. Aderat & ejus præcordijs divinitus indita quædam ad pauperes misericordia liberalis, quæ secum ab infantia crescens, tantâ cor illius benignitate repleverat, ut meritò dici posset, hanc cum ipso ex eodem naturæ utero processisse. Nimirum Evangelij non surdus auditor, omni se disposuit petenti tribuere, & ei præsertim, quem audivit, amorem divinum ferventiùs allegare. Sciebat enim, quòd dives eleemosyna suis amatoribus hæreditatem præbet immarcescibilem, & cælestis curiæ dignitatem. Sed neque hunc latuit miranda misericordiæ virtus, quæ peccatorum omnium rubiginem purgat, frementium vitiorum incitamenta mortificat, & splendore cœlestis gratiæ, tenebrosas hominum mentes illustrat. Hanc igitur per affectum amplecti desiderans, multos in *Bononiensi*, & *Paduano* studijs pauperes tenuit *Clericos*, quibus de libris, singulisque vitæ necessarijs providebat, quos & in adipiscendis beneficijs Ecclesiasticis, proprijs consanguineis præferebat, transiensque per viam, eleemosynam pauperibus, quos obvios habuit, largitus est. Singulis etiam diebus duodecim pauperes pavit, & eorum cuilibet duos parvos denarios, currentis pro tunc monetæ, donavit, & nihilominus singulis annis 70. stamina panni crisei inter pauperes dividebat, ut ad Divinæ legis imperi-

Ernestus Eleemosynarius.



Occultos  
pauperes fo-  
vebat Arne-  
stus.

Inquisito-  
res Arnesti  
duplices.

um, nudum operire, carnemque suam nequaquam despectui videretur habere. Constat igitur in ipsius arcano pectoris plantatam fuisse arborem miserationis, cuius dum fructus reficit animam, præbent exterius folia medicinam. Certum est etiam, hunc fuisse vestigiorum gloriosi Pontificis, *Beat* scilicet *Nicolai*, fidelem, & sollicitum sectatorem; sicut enim auro ille Virginum incestus, auro patris inopiam, auro utrorumque detestabilem ademi infamiam; sic & iste fidelis servus, & prudens, rem sub silentio tegens, per duos Presbyteros, ad hoc specialiter deputatos, *Virgines pauperes*, dote competentem oblatâ, matrimoniali disposuit fœdere copulari, nè paupertate premente, in dedecus honoris Virginei admittere cogerentur publicos amatores. Similiter & eos, quos natura nobiles, & casus fecit sinister egenos, quique, prout apparet ad oculum, non valent fodere, & erubescunt verisimiliter mendicare, nè ipsos aliena per furtum, aut rapinam insequi bona contineret, competenti pecuniâ relevabat; quibus etiam, aut alijs ad hoc idoneis expressè commisit, ut hospitalia infirmorum visitare, defectus quoque indigentium, ejus sumptibus debeant utiliter reformare. In anno quoque Domini 1362. dum in *Regno Bohemie* carissima magna læviret, in tantum, ut propter defectum victualium, multos fames exhorrescenda captivaret, multa fecit eleemosynas in pane pariter, & frumentis, per quas civitatum, & oppidorum incolæ ab imminentis sunt mortis periculo liberati. Ad ædificationem quoque tam propriam, quàm etiam aliorum, multos libros scribi, & de alienis partibus procuravit afferri, quos etiam *Monasterijs*, & alijs pijs locis juxta necessitatis eorum indigentiam, tradidit, & donavit. Advertant hi defides *Clericorum*, *Sacerdotumque Rectores*: illi, illi nimirum, qui ad corrigendum subditorum excessus deputati, cæteris præeminent, & inconsiderato silentio peccandi subditis licentiam præbent. Audiant, inquam, & prudenter intelligant, quantam hic *Præsul* sollicitudinem in correctione *Clerici* sibi commissi adhibuit, & circa hoc studiosis laboribus defudavit. Hic etenim inter cogitationum varietates innumerâs, quibus animum suum cura officio pastoralis involvit, præcipuè *Correctorum*, & *Inquisitorum officium* censuræ exerceri, ut videlicet alter eorum nunc salutaribus monitis, nunc perversationibus, atque minis, nunc etiam pœnis inflatis, *Clerici* petulantiam, & ipsorum errores reprimeret; & alter hæreticorum perfidiam, & ipsorum doctrinam detestabilem realiter, & efficaciter confutaret. Fuit etiam bene agentibus per humilitatem consocius, contra delinquentium vitia per Justitiæ zelum erectus. Bonis se in nullo prætulit, & cum pravorum culpa subfuit, potestatem sui prioratûs agnovit. Nimirum *Clerus* illius temporis modicè, prodolor! legi subjacuit, atque ideo seipsum carnis voluptatibus, rigore deficiente, subegit: alius enim tabernam frequentans, quadriformi cum bibentibus colludebat in tessera; alius concubinis adhærens, & nec tonsuram, se

coro



coronam deferens, turpi seipsum polluit sæditate; quorum tamen infamia, sub ipsius regimine, penitus conquievit. Hic etiam judicia peregrina, videlicet candentis ferri, & aquæ frigidaë, quibus *Bohemi* usque ad ipsius tempora utebantur, exerceri prohibuit, & eadem totaliter, *Baronum* resistantiâ non obstante, suppressit. Similiter & vagos homines, quos vulgus *Flagellatores* appellat, quique sub ovina pelle conscientiam nôrunt vulpinam abscondere, non solum à tali præsumptione compescuit, sed & à suæ Diæcesis finibus eliminari curavit. Ut autem pluribus modis negotiator hic Evangelicus lucris insisteret, ac totum præsens tempus conflaret in meritum, non tam præesse voluit, quàm subesse, nec tam præcipere, quàm parère. Propter quod in *Monasterio Canonorum Regularium in Glac*, quod ipse de novo extruxit, & tam redditibus, sufficientibus libris, & ornatibus pretiosis, quàm etiam picturis varijs adornavit, *Archiepiscopali* dimisso fastigio, eandem voluit *Regulam* profiteri, ut eò liberius posset præconium transitoriaë laudis contemnere, tumentis jactantiæ fastum comprimere, & fraudulentæ simulationis mendacium confutare. Nimirum tempus sibi concessum ad meritum dividere sic prudenter didicerat, ut aliud proximorum lucris laboriosis impenderet, aliud contemplationis tranquillis processibus dedicaret; sic factum est, ut arrepto itinere ad ipsum *Monasterium*, in comitiva unius tantum familiaris, perveniens, seque *Romam* aditurum confingens, in cella, quam pro se ipso construxerat, *Omnipotenti DEO*, & ejus *Genitrici MARIE* pensum suæ servitutis exsolveret, & occultè ac latenter matutinali tempore solus *Ecclesias* circumiret. Etenim tantâ prævenire hunc *DEUS* dignatus est gratiâ, ut mentem ipsius intrinsecus incendio dilectionis adureret, & absynthio quoque passionis impleret. Et licet pro tunc, quibus in solitudinem avolare posset, dispositas pennas haberet, adeò tamen erant nexibus præceptorum adstrictæ, ut absque ipsorum permissione liberum non posset habere volatum. Et ideo subscriptos *Romanos Pontifices*, videlicet *Clementem*, *Innocentium VI.* *Urbanum V.* sive *modernum*, nunc per se, nunc etiam per Legatos, & idoneos nuncios de danda sibi cedendi licentia, humiliter requisivit; qui videntes hunc de culmine velle Pontificali descendere, nec causam quoad hoc cognoscentes subesse, ipsum ab ejus vinculo absolvere minimè curaverunt. Videbant etenim, quòd in ipso vigor devotionis, & fidei, etiam corpore senescente, non periit, sed vergente deorsum conditione corporeâ, fervor spiritûs in sublimiora conscendit, & ideo oportebat hunc in regiminis pastoralis persistere labore, Creatoriq; suo deinceps cum *Martha* sollicita ministrare. In signum tamen desiderij sui præfati, coram imaginibus *DEI*, & *Beate Virginis MARIE*, quas in vitris, & alijs coloratis picturis fieri procurabat, seipsum, deflexo in terram poplite, Archiepiscopalia verò insignia ante pedes suos jacentia, tanquam quæpiam abjecta, & ob amorem *DEI* procurabat dimissa de-

Amor religi-  
gioſæ vitæ  
in Arneſto.

Ætas hujus  
Scriptoris  
hinc poteſt  
colligi.



Magnificen-  
tia Arnesti  
in sacris, &  
liberalitas.

pingi. Hic etiam *Monasteria in Saczka, in Jaromir, in Rokiczano* dicti Ordinis de novo crexit, & sumtuosè fundavit. *Hospitalia in Broda Bohemicali, in Przibramo, & in Libano* construxit, & munivit necessarijs appendijs competentè. Hic reedificavit omnia castra sui *Archiepiscopatus*, quæ erant ex nimia vetustate collapsa, & in *Przibramo* de novo unum castrum construxit. Oppida suæ Ecclesiæ, videlicet *Brodam Bohemicalem, Thyn Horsov, & Rudnitz* muris munivit; piscinas multas, præsertim *Kyge villam, Rokiczanum, Thynhorsoviense, Przibram, RzecZicz, Zerczicz & Cheinovv*, cum magnis impensis de novo extruxit; mediam *Baroniam de Rosenthal*, datis plurimis redditibus ad vitas Ecclesiasticarum personarum, *Archiepiscopali* mensæ acquisivit. Hic omnes *libros Pragensis Sacristiæ*, nimia vetustate consumptos, ligari, & meliorari, *Chorales* verò libros, videlicet *Gradualia, & Antiphonaria*, in multis voluminibus, pulchriora, quàm unquam in Ecclesiâ visa fuerant, pro magnis pecunijs scribi fecit, aliosque pro studio sacra Scripturæ condonavit, & ipsam *Ecclesiam* plurimis ornatibus pretiosissimis donavit. Dedit etiam *sua Ecclesiæ* in mortis articulo pro structura ipsius de proprio patrimonio *mille marcas; & unam Capellam*, proximam ei, quæ est in fronte chori novi, à fundamentis usque ad perfectionem suis sumptibus extruxit, & fenestris vitreis exornari procuravit. Item dedit *centum marcas pro panibus, Altaristis Pragensis Ecclesiæ*, ut unâ cum Vicarijs Canonorum, perceptione panum gauderent, pro quibus emti sunt redditus perpetui in talibus villis, &c. Hic in eadem *Pragensi Ecclesiâ Lectorem in sacra Theologia* suis pecunijs instituit, pro quo emit certos redditus in villa *Zlatnik* prope *Pragam*, ut *Canonici, & alij Clerici Pragensis Ecclesiæ*, ampliùs studeant divini verbi pabulo victuram in perpetuum mentem reficere, quàm ventrem morituræ carnis terreno pane satiare. Et quid plura? comparavit namque pauperibus *Clericis* duodecim sexagenas reddituum in villa, ut bis in anno habeant tunicas, & liberiùs, ac sedulius in choro nocturnis, & diurnis horis vacent in Divino officio. Huc accedit, quòd inter cætera charismatum dona, quæ à largo datore *Arnestus* obtinuit, quâdam speciali prærogativâ excrefcere promeruit in *divitiis Justitiæ* observandæ. Hæc quidem *Justitia*, sicut priscis temporibus ob Judicium ignorantiam, quæ plerumque est Innocentum calamitas, quasi pedibus calcata subsiluit, sic & sub illius felici regimine, tam in *Consistorio publico*, quàm etiam privatis judicijs suas fimbrias dilatavit. Constant enim hic vir contra bifformes fortunæ eventus, uniformi mentis constantiâ præmunitus, in iudicio non contempsit pauperem, non oppressit viduam, personam divitis non recepit, in omnibus operibus justitiam reservavit. Verùm, nè cælestis hujus benedictionis vena, quæ tunc in *Regno Bohemiæ* scaturijt, intra breves terminos occludatur, sic eam Divina Providentia derivavit in amnē, ut fluminis impetus (caput orbis *Romani*) letificaret Civitatem.

Justitiæ patrocini-  
um  
ab Arnesto  
susceptum.



em. Spargitur in Curia Summi Pontificis, & Cardinalium fama tanti Viri, omniumque tenet assertio: neminem huic in Germania fore similem in conservando legem Excelsi. Quanto autem favore idem Romanus Pontifex, & ejus Cardinales ipsum profecuti fuerint, experientiam loqui, & convenit me tacere. In Legationibus enim Caesaris Romam transmissus, & ibidem singulari honore susceptus, commissa sibi negotia tam fideliter, quam etiam legaliter expedit. Sæpe hunc Romanus Pontifex in altum erigere, & in majore voluit dignitate locare. Sed qui commissam sibi Ecclesiam, Divino ipsum amore impellente, dimittere disposuit, ad majores dignitates per eum assequendas minimè anhelavit; Mortuoque Innocentio hujus nominis Papæ sexto, poscentibus ipsius moribus, atque virtutibus, per certos Cardinales fuit in Summum Pontificem nominatus, & fuisset indubitanter electus ab omnibus, si promotionem suam non impedisset natio aliena. Quanquam autem de laude tanti viri multa per me adhuc possent interferi, & præsertim ea, quæ ego Wilhelmus Decanus Wissehradensis, non relatione testium, sed per me ipsum cuncta cognovi; malo tamen à prosecutione ulterioris famæ suæ manum simul, ac stylum retrahere, quàm in ejus, & meum opprobrium linguas detrahentium excitare. Nimirum scio, quòd nulla est tam modesta felicitas, quæ possit malignitatis dentes vitare; alienis enim malis, sicut suis bonis detractores latentur, alienis jacturis sunt divites, calamitatibus locupletes, & funeribus immortales. Nunc igitur mens mea nube mœroris obducitur, finis quoque gaudij luctibus sequentibus occupatur. Qui cum tam laudabilis viri famam simplicibus, sed veridicis verbis, & hilari quidem mente transcurri, nunc ad referendam ipsius mortem fletu singultuoso perveni. Sub Anno igitur Domini 1364. iste Venerabilis Pater, pro expediendis arduis suis, & Ecclesiæ suæ negotijs, ad Imperatorem, pro tunc in Budissin moram trahentem, proficiscitur, & tam ab eo, quàm alijs Curiae suæ Magnatibus, honorificè suscipitur, & benigniùs pertractatur. Die quoque Sancto Pentecostes, facto sermone vulgari ad populum, ipsiusque festi Sacris Missarum celebratis solemnijs, mox febrium supervenientium atrocitate gravatur. Artubus quoque suis, morbo invalescente detentis, nova cumulat debilitas, quæ & proximam vocationem ad Dominum inducit, & dissolutioni irrevocabili viam parat. Propter quod ab Imperatore obtentâ licentiâ, & negotijs proprijs expeditis ad votum, se jubet ad Castrum Rudnicz langvidum deportari, cumque à suis inibi fuisset delatus, coepit paulatim corporis virtute destitui, & langvore ingruente graviùs fatigari. Egit enim circa eum Divina Clementia, ut qui sanus dotatus fuerat meritis operum, infirmus dotaretur meritis Passionum. Facto igitur per eum, prout sibi ex Concessione Apostolica Sedis licebat, provido Testamento, dum adhuc in eo ratio nativa vigeret, multis familiæ suæ inopensis muneribus, non sinè magna devotione, cordis-

Arnesti in  
Curia Ro-  
mana au-  
thoritas.

NB.

Arnestus à  
certis Cardi-  
nalibus suf-  
fragium ha-  
buit ad Sum-  
mum Pon-  
tificatum.

Arnesti obi-  
tus.



Lamentati  
ones ob  
mortem B.  
Arnesti.

Adhortatio  
Authoris  
ad Prælatos  
Ecclesiarū.

que contritione, animā in DEI manibus commendatā, die ultimā mensis Junij, quæ fuit dies Dominica *in festo Commemorationis S. Pauli Apostoli*, horā quasi Completorij, feliciter obdormivit. Transijt autem iste *venerandus Antistes* ex hujus mundi naufragio, Anno Pontificatūs sui vigesimo secundo, & in *Ecclesia Parochiali Sanctæ Mariæ in Glac*, in qua dudum sepulturam elegerat, ubi etiam sibi *gloriosæ Virginis Mariæ* imago, prout superius tactum est, dorsum averterat, ante majus Altare sepultus; ad cuius reverentiam, & honorem, diebus singulis in aurora, *Missæ solennis* cum Antiphona *Salve Regina*, ipso procurante, cantatur. Quantus autem luctus hominum, quanta præcipuè ob ipsius mortem lamenta fuerint *Clericorum*, mihi non expedit, sed nec consultum apparet, particularibus debere verbis describere, nec sermonem meum in hoc diutius protelare. Hoc solum pro conclusione inferenda sufficiat, quod illo irrevocabiliter sublato, mater amaritudinis Mors, nobis non ex alia causa pepercit, nisi ut nos crudelius laniaret. Unicum tamen nobis hujus ægræ separationis datum est ab alto remedium, ut qui corporalem nobis exhibere præsentiam prohibitus est vivus, nobis tamen remaneat jam defunctus. Discant igitur *Præsules*, ad instar hujus Viri mores animi sub debito pacto componere, litium in se flammæ extingvere, veramque concordiam cum suis proximis efficaciter observare. Scriptum est enim: *Quisquis corpus affligit, & concordiam deserit, DEUM laudat in tympano, sed non laudat in choro.* In cassum quoque corpus atteritur, si inordinatis motibus dimissa mens vitij dissipatur. Super iracundiam eorum nequaquam Sol occidat, sed ut cum ijs ad inferendam vindictam duritia concepta fenescat; fervidam enim vindictam sequi non potest justitia temperata. Discant orationibus sacris sincerā devotione insistere, divinisque laudibus animam jugiter occupare; Justitiam in suo rigore non habito ad personas respectu, confoveant; subditorum excessus, conditione ipsorum pensatā, re corrigant, & de facultatibus Ecclesiæ suos consanguineos non extollant. Discant in pauperes Christi largas manus extendere, sibi que per *virtutem Eleemosynæ* thesauros in coelesti Patria congregare. Hæc est enim illa peremabilis suffragatrix, quæ velut fluentum fontis irrigui, & peccatorum inquinamenta detergit, & æstuantium vitiorum flammæ extingvit. Discant in seipsis vitiorum motus comprimere, ut possint Subditis lucis exempla monstrare. Tunc enim summus locus bene regitur, dum is, qui præest, vitio potius, quàm Fratribus dominatur.

*Explicit vita Venerabilis Patris, & Domini Domini Arnesti Archiepiscopi  
Primi Ecclesiæ Pragensis, & Legati.*

Haftenus Vita Arnesti SS. Præsulis à Wilhelmo ab Hasenburg oculatorem gestarum teste conscripta, quam ut Typis ederem, Amici authores fuerunt; eorundem votis quasdam aspirationes ejusdem B. Ernesti manu scriptas ad-



adjicere hoc loco æquum putavi; quas quidem in alia Codicum MM. SS. Bibliotheca (Trebonensi) repertas, manu meâ (quod Amanuenses characterem legere non possent) descripsi; est *Liber de Apibus*, seu *Apiarius*, titulum præferens, quem dum illam Bibliothecam recenserem, literâ A. notavi. In eodem Codice mihi auro contrâ caro, descripta est *Vita S. Wenceslai*, & *S. Ludmillæ*, quam (quia hætenus Typi auxilio lucem non aspexerat) in Epitomen nostram inserui; ago immortalis DEO gratias, quod in hunc Codicem tam præstantem inciderim. Sed jam ad ipsas *Arnesti* aspirationes veniamus, quas vel ideo adfero, ut Sanctitatis studiosi ejus exemplo Methodum addiscant, utiles, & præstabiles libros legendi, utque eorum lectionem (quod hic apparet) comitetur oratio, quæ cum Lectione geminam alam conficit (ut alicubi probat Noster *Nigronius*) quâ volumus in Cælum, & vel in hoc vitæ mortalis carcere clausi, æterna, & quæ mutari non possunt, mente gustemus.

In Opusculis Spirit.

In Codice M. S. Cœnobij Trebonensis Canonorum Regularium S. Augustini, folio primo Codicis hæc leguntur:

Reverendissimus in Christo Pater Dominus *Arnestus Sanctæ Pragensis Ecclesiæ primus Archi-Episcopus* Vir magnæ litteraturæ, miræq; pietatis, tanta erat contemplationis, quod paulisper nocturno tempore somni capiebat. ita quod cum compleret devotarum orationum Sacrificium matutinum, sacris lectionibus inherens in Lege Domini meditabatur. nocturna silentia (ut religiosarum, & notabilium personarum sibi commorantium veridicâ didicimus relatione) taliter indefinenter expendendo. Inter cetera verò opera suæ devotionis idem Pater legendo Libellum de *Apibus* post quamlibet historiam ipsius libelli, seu narrationi manu suâ venerabili oratiunculam, qualem se à DEO disponi secundum narrationem ejusdem historiæ affectabat, per modum cujusdam recapitulationis in marginibus ipsius libelli conscribebat. Quem quidem libellum sic manu suâ propriâ annotatum de Monasterio Saczensi accepimus mutuatum, & eum rescribi procurantes, etiam ipsas Oratiunculas ob memoriam ipsius & devotionem legentium, in præsentis nostro libro in marginibus fecimus consignari. Amen.

Authoritas hujusce libri ad B. Arnestum pertinentis.

Incipit Prologus in *Librum de Apibus*, quem bonum universale vocant. Reverendissimo in Christo Patri Fratri Humberto Ordinis Predicatorum Sacerdos humilis, cujus nomen ad præsens non urget necessitas nominari &c. Hæc Author *Apiarij*.

Arnestus: Oro te D. DEUS meus, si quid boni fecero, nomen meum non nominem, & quæ ad statum omnium, & maxime Prælatorum, & subditorum pertineant, revolvam. orari pro me sollicitans.

B. Arnesti proposita mentis nata ex sacra lectione.

Ad Præfationem. Uni Capiti Ecclesiæ, quod est, Christus, tanquam Regi obediam.

Ad Cap. I. adscribit Arnestus: In moribus sim sincerus; famâ redoleam; cogitem, qualis sit vita mea; gaudium habeam animi, hoc est, bonæ conscientia; provocem alios ex vita mea, & in virtutibus complear, & hominibus non me ingeram. Veri Pastoris vitam geram; materno affectu Ecclesiæ defectui condoleam, & pro his ad Orationes devotorum confugiam, ut Ecclesiæ dignus præficiar operam dem, officium meum maximâ humilitate predicationi in baculo, & zelo animarum vacando exequar, nec fallar effectum. De honore, & divitijs non confidam. Per lites Ecclesiæ non destruam. Deliberativus sim, qualis



qualis Pralatus eſſe debeat, ex Regulis Auguſtini, & Benediſti colligam. & plus factis, quam dictis doceam; aliquem eligam, quo tanquam preſente, mores, & vitam meam corrigam, & eum imiter.

Ad Caput II. adſcribit Arneſtus: Sapientibus mundi, & ſecundum carnem nobilibus morigeratos, & ſpirituales viros preſeram. Et ſi ante adeptam dignitatem levis vita fueram, nunc gravis in moribus, & in cura proximorum ſim ſolicitus. Subijciam me in omnibus rationi, & in rectum impetum meum dirigam.

Ad Caput III. Arneſtus: Cornua ad indignè promoventes elevata, totis viribus reprimam. Scientiā, nobilitate, potentiā non abutar. Proximos exemplo Joſeph traham, ne beatiffimā viſione DEI ſcæ faciei caream; flagellis tuis non abutar, ut cum tempus habeo operer bonum. Regibus recta conſilia dem.

Ad Caput IV. Aculeo, id eſt, ſeveritate, ſeu crudelitate caream. humilis, & mitiſſim. apud ſubditos meos in timore, & amore habear, irā non abſorbear. Qualem in clementia te DEUM eſſe volo mihi, ſic alijs ſim. In virtute ſim conſtans.

Ad Caput V. Quod unus principetur, & dominetur, operam dem. Schiſma & diſſenſionem non faciam.

Ad Caput VI. Coronam argenti, & auri, id eſt, eloquia Domini caſta, & puritatem conſcientiæ deferam in capite.

De hac voce  
ce coelitus  
miſſa, vide  
Caput cita-  
tum.

Ad Caput VII. Arn: Cultu veſtium ſuperfluo, & cibo non utar, Auguſtini exemplo Chriſti, Joannis Baptiſtæ, & Benediſti. laſciviā non diſſolvam. ſeorſum ob voluptatum epulas non conſideam. non me denudem libenter. immundus, & lubricus non ſim. alterius periculo corrigan: quamvis intolerabili labori, ipſam etiam vitam, pompas, & divitiās contemnā, vocem illam attendens: quare pannus ante pannosum? potius pauperibus, quæ habeo, diſtribuam, quam ſeculares diſtrahant.

Ad Caput VIII. Qui caterorum pondus portare debeo, præ alijs charitate, & virtutibus excellam.

Ad Caput IX. & X. Arneſt. Queruloſus propter occupationes varias non ſim, qui pluribus intentus. Sed tanto moderamine rerum ſpiritu ſerviam, ut ſuo tempore ſpirituales, temporales, & orationi vacem. Prædicatoribus, quia laudant, benedicunt, & prædicant, faveam.

Ad Cap. XI. Pralatum ſequar, & non ut lupum fugiam. & ſubdito occaſionem fugiendi non præbeam. cum inferiore ſic vivam, qualem mecum meum velim vivere ſuperiorem, & clementer inſtruam, & cum eo converſer, ſtetit enim JESUS in medio diſcipulorum, & dixit: Pax vobis.

Ad Cap. XII. Arn. Chriſto D. obediam. non ſerviam ad oculum. Pralatum meum tanquam ſemper præſentem, reſpiciam, & ſi gravis ſit, ſolum DEUM precibus invocem ad jutorem.

Ad Cap. XIII. Arn: Exeuntem Pralatum ad negotia ſubditi orationibus adjuvent & compatiantur.

Ad Caput XIV. Per contemplativa non impeditur Regum familiaritas.

Ad Caput XV. Prælati prius ſubeant gravia, quam ſubditis imponant.

Ad Caput XVI. Nunquam Pralatus otietur, ſollicitetur circa actus ſubditorum etiam exempli gratiā manibus labore.

Ad Caput XVII. Arn. Solum, ubicunque ſit, non decet eſſe Pralatum.

Ad C. XVIII. Aſſiſtant Prælatiſ adjutores, & deſenſores. Et moderatè debent vitia corrigi.

Ad C. XIX. Nota contra Prælatos impatientes quietis, & vagos.

Ad C. XX. Prælati ad negotia ſine neceſſitate non exeant. Item exire volens prius ſe DEO devotè commendat. cura animarum, niſi ex cauſſa valde neceſſaria, periculum eſt

Ad C

Axiomata  
boni Paſto-  
ris Eccleſiæ



Ad C. XXI. Arn. *Prelati, errantes cum omni dulcedine revocent exemplo Christi.*

Ad C. XXII. *Interest cuilibet homini pacifice vivere, etiam exemplo irrationabilium odia, & discordias vitare, maxime Ecclesiasticis.*

Ad C. XXIII. *De obedientia, & malis, qui non obediunt Superioribus.*

Ad C. XXIV. *Bellum cum orationibus contra Sathan ineundum.*

Oratio est  
bellum cū  
Satana.

Ad C. XXV. *Impossibile est Praesides non fatigari, & sunt à subditis relevandi. Item dissimulari potest nequitia, sed non in longum.*

Ad C. XXVI. Arn. *Lugendus est Pralatus mortuus. Salvatoris Passio est valde plangenda, & mors pro eo expetenda.*

Ad C. XXVII. *Nullus presumat de se, quia & diabolus Dominum tentavit, etiam in Cruce morientem. Item nullus decedit sine horrore demonum.*

Liber II. de  
Apibus.

Ad C. XXVIII. *DEUS iratus multis non parcit. Orationibus bonorum totus mundus juvatur.*

Ad C. XXIX. *Prius subdi debebant pecora homini, sed modò homo homini. Item subduntur homines dura cervicis propter peccata. Item Christus habuit membra ligata, sed patens os ad orandum.*

Ad C. XXX. *Adversus Sacerdotem de facili non admittatur accusatio.*

Ad C. XXXI. *Clerici vilia servitia sibi fieri non patiantur, maxime ab humilibus.*

Ad C. XXXII. *Tutius est inurbationibus stare.*

Ad C. XXXIV. *De diligendis, & honorandis Parentibus, in quo turpior est homo omni animali.*

Ad C. XXX. VI. VII. *Nota, quàm diligenter laborandum, & otium vitandum sit. Item excusantur Praedicatores, & minores à labore manuum, & nota hîc de eorum spiritali labore. Nota hîc de B. Virgine Patrona. Quàm periculosum est tribulare homines innocentes!*

Ad C. XXXVIII. *Simul est habitandum, & maxime religiosi non sint sine socio.*

Ad C. XXXIX. *Religiosi propter hospites non fraudentur. Extra refectorium inordinatè, & sine debita causa non est vescendum. Nè facias ipse, quod vetas.*

Ad C. XL. *Silentium commendatur, & maxime Religiosis.*

Ad C. XLI. *Nota pulchra de Pace, & prius cum Deo, cum corde tuo, & proximo.*

Ad C. XLII. *Sancti diversis, sed non adversis vîs diriguntur ad Patriam.*

Ad C. XLIII. *Hîc est melius corrigi, quàm in futuro. Natura licet delicata, & consuetudo, virtutis exercitio vincuntur.*

Ad C. XLIV. *Contra peccata rigiditas est habenda.*

Ad C. XLV. *Claustales nimis exterioribus se commodantes, fiunt iracundiores.*

Ad C. XLVIII. *Hospitalitas non sit simulata.*

Ad C. L. *Felix MARIA propter virtutes singulares Api assimilatur.*

Ad C. LII. *Si non habes omnimodam virtutem, certes saltèm habere aliquam. Subvenendum est pauperi, suscipiendus hospes, vestiendus nudus. proximus non despicendus, sed fovendus.*

Ad C. LIV. *Prelati deficiente auxilio humano recurrant ad Orationes.*

Ad C. LV. *A servitio Christi nulla atas excipitur.*

Ad C. LVI. *Virgo Sancta MARIA da veram Confessionem!*

Ad C. LVIII. *Libido fel dici debet omnium peccatorum. hoc vitium de omnibus est verecundum. Maxima pœna est peccare. Castitatem tueri licet, sicut corporis vitam.*

Ad C. LX. *Propter peccatum gratuita perduntur, & etiam naturalia debilitantur.*

Ad C. LXV. *Maximè fructificantibus bona opera, nocere non debemus.*

Ad C. LXIX. *Grati esse Deo debemus, in Psalmodia, & Cantu. Item de contemplatione anima, quæ est mentis júbilus.*



Ad C. LXXIII. Tempore Pacis, justitia, doctrina, & alijs bonis poterit vacari, non sic tempore turbido. Nota: contra te, & negligentias, & procrastinationes tuas, cum tempus habes &c.

Ad C. LXXVII. Applausu Diaboli, & tinnitu, servi ejus gaudent, ut in torneamentis, quae valde sunt periculosa. Ludus taxillorum plenus est vanitate.

Ad C. LXXVIII. Conscientia mala nihil est tristius. In morte cuilibet pavendum est. In morte, & in infirmitatibus, per diabolum vana, & presumptuosa exaltatione audacia suggeritur.

Ad C. LXXIX. Virtus vera Paenitentiae vita est anima. Habitum negare in extremo vita non debemus. In recipiendis Apostatis paenitentibus difficiles esse non debemus. Magna prudentia est in praesenti paenitentiam agere.

Ad C. LXXXI. Ad mortuos plurima Sanctorum suffragia referantur. Magna peccati, & periculi est tardare, vel negligere Testamenta. Magna merces est inscientie docere. Quam bonum est dare operam, ut Sacerdotes fiant!

Ad C. LXXXII. Quam felicissimum erit videre Christum! Fratres non debent sollicitari, quis eos ad refectionem suscipiat.

Ad C. LXXXIV. Efficax locus deceptionis est diabolus, super cibo & potu effusio.

Ad C. LXXXVI. Nocte quadam Daemonia virtutem nocendi accipiunt, quando lucecente die habere non possunt.

Nocte daemonibus plus permiffum, quam die.

Ad C. LXXXVII. Diligendus Deus, quia formosus, bonus, dulcis, generosus. Semper super se pingenda est manu Domini Crux contra daemones, qui & dormientes vexant. Ibi Nota hic contra Reges pretiosos, & purpuratis vestibus utentes, & unam Missam audiente.

Explicit Liber bonus de Apibus. Incipiunt quaedam notabilia bona de gaudio & pulchritudine coelestis Patriae.

Arnestus: Summe Pater patra, ut in caelo esse desiderem, ad videndam tui vultus claritatem!

De devotione. Arnest: In specie parvuli JESUM tuum videre desiderem!

De Pagano. Arn: Omnia pro te relinquam, ut centuplum accipiam, & vitam aeternam possideam.

De Cruce. Arn: Crucem assumam! amor mei me non trahat! horror visus putet nunquam discedat à mea memoria.

De B. Virgine. Arn: Ecclesias libenter visitem, & orem. contractos, & infirmos relevem. crucifixo obediam.

Iterum de B. Virgine. Arn: Eleemosynas faciam, & B. Virginem frequenter salutem cum lacrymis. ad Confessionem veniam, ut à demone per MARIAM liberer! ad evadendum peccatum, confusionem, & tristitiam, ad MARIAM confugiam! daemones non conjurem! & MARIAM, quae ita mihi fideliter subvenit, semper honorem!

De B. Virgine. Ave MARIA, cum reverentia ante altare transiens dicam! & vitia, quibus delectatus sum, deseram! tibi Domine, & Matri misericordiae ferventius serviam, & in bonis operibus vitam praesentem finiam. Amore carnali in faminam maxime illustrem non accendar! In omni tribulatione, & opere Ave MARIA murmurem! consuecam honorare Virginem, & ex devotione audaciam colligam. Et, si nil aliud discere, & dicere possum, saltim floridum, & aureum Ave MARIA semper ruminem! Ad spem salutis Divinis eloquijs reducar. Silebo ob honorem MARIAE. ab omni latrocinio, & iniquitate cessem! Ego mutus, silebo: ob reverentiam in Celis coronata jejunem, & à peccato carnis omnino abstineam, ut per Virginem à demonibus eripiar! In tribulationibus non turber! demonis voluntatem nequaquam perficiam, & Virginem nunquam abnegem. Lanta non queram, ex visione corrigar, ut Electuario Virginis refociller. Imaginem Virginis ornem.



Ad C. de Sacramento Eucharistiae. Arn. Corpus Christi valde revereat, ut qui peccavi omni modo peccandi in carne mea. Recipe me in gratiam tuam, & merear audire à te: recognosco &c. Appropinquare ad Corpus Christi, nullus me horror impediatur, & ipsum reverenter, & devotè suscipiam, & saltè unum Pater noster cum Ave MARIA Corpori Christi ad honorem dicam, ut in fine viatico maniar. Devotè communicare cupiam, & utinam cum communico, decantari audiam ab Angelis: Speciosus formà prae filiis hominum. Ubi Corpus Domini invenere improvidè locatum, cum summa diligentia ad Ecclesiam deferam. O salutaris hostia &c.

Ad C. de Pœnitentia. De eo, quod malè feci, summè doleam, & noctes insomnes ducam. Nullum in desperatione ponam; pœnitentem benignè pertractem. hostià salutari, & eleemosynis, & suffragiis peccata mea redimam, nè maximo tempore in Purgatorio puniar.

Ad C. de Pœnitentia. Ar. Honores non ambiam, & maxime ad Episcopatum non anhelem, nec pro favore Canonico expendam, vitam durissimam ducam, peccata luceam, & paucitatem salvandorum respectu damnatorum ponderem. Hic purger & corripiar. De omnibus factis meis ore infrunito crucier. Ubique peccare timeam, quia Dominus ubique est. occasionem ex me alijs peccandi non dem. ex omnibus peccatis meis quasi sarcinam faciam semper illa deflens, & confitens. Nihil habeam terreni cum quo me occupem, nè per diabolum decipiar, & utinam tantum pœniteam! quasi bestia reputer! manibus, & pedibus semper reptando, quousq; me Dominus respiciat. bonitatem DEI circa me considerem. Deprecans conterar. ad misericordiam peccanti, maxime pœnitenti flectar, tibi DEO me conformem, & te sequar! Paupere petente, non turber, nec insultem. pensem, quia omnes actus mei in statera librabuntur. in tantum summus Eleemosynarius efficiar, ut omnia mea dem Christi pauperibus. & utinam me ipsum in servum venderem! illud pretium pauperibus largirer!

Ad C. de E  
leemofyna.

Ad C. de aeterna gloria. Arn. Quamdiu vivo jugem Passionis Dominicae memoriam habeam, ut in corde meo gemmam splendidam ponam! semper tristis cogitem de peccatis meis, de Christi Passione, & tormentis inferni, potius quam jocunder.

Ad C. de Passione Christi. Ar. Utinam in vulnera Christi lateris omnia mihi duraintingerem, & sic mihi sapida fierent!

Ad C. de Timore mortis. Arn. Cogitationem de adventu judicis ad instar incarcerationati semper habeam.

Ad C. de Contemplatione. Arn. Aliquod gaudium Paradisi utinam in hac vita videre concederes!

Ad C. de Amore. Arn. Letanter curram ad monasterium, sicut ad epulas per amicum meum Christum invitatus. Propter cælum, terram relinquam.

Ad C. de Peccato. Arn. In mea sepultura Angelus bonus nares non obstruat, & in conspectu tuo propter peccata non fœteam.

Ad C. de Paupertate. Arn. Hic etiam ut à bellis manducer, & non in futuro puniar, & glorificem te super tuis iudicijs.

Ad C. de vita solitaria. Arn. Si in mea infirmitate aliquis me non consolabitur, saltè Angelus Domini mihi ministret.

Ad C. de Infidijs Diaboli. Arn. Christum potius in illa vita, quam in ista videre desiderem. De Scripturis Sanctis, & de utilibus conferam. Verba spiritualia, & non detracloria libenter audiam.

Ad C. de Infidijs Diaboli. Arn. Ab astutia demonis sub specie bona mihi consulentis caveam, & ab eo per Confessionem liberer, & sic eum valde subtiliter decipiam.

Ad C. de Tentatione Diaboli. Arn. In tentationibus me signo crucis muniam, & ad Ecclesias, & crucifixi virtutem confugiam. Cum tentor carnis vitio, orem illum Da-



vidis verum: Confige timore tuo carnes meas. nec putem me posse vivere sine tentatione. & ideo quandocunque venit, illi viriliter resistam.

Ad C. de Oratione Arn. Cæmeterium non transeam, quin pro defunctis exorem.

Ad C. de humilitate Arn. Partem majorem in cibo pauperibus reservem. leprosum in necessitate non deseram. Episcopum illum sanctum naturam vincentem, & linguam linguam sordes leprosi utinam imiter!

Ad C. de Eleemofyna. Pauperes, & hospites invitem, & utinam inter eos Christum reperiam!

Hæc An. 1664. 24. Decembris exscripsi; potiora, & lectiora scilicet; quæ minùs singularia visa sunt, omisi.

## §. LIX.

Vita Sancti Joannis Nepomuceni, Canonici Metropolitanæ Ecclesiæ Pragensis, Decani Collegiæ Ecclesiæ ad Omnes Sanctos in Arce Pragensi; ob arcanum Sacræ Confessionis servatum, in profluentem Muldavam abjecti, & merfi; qui Tutator & Patronus eorum habetur, qui infamiam timent, & de bono nomine amittendo periclitantur.

Ex libris editis, & Veteribus MM. SS.

An. 1383.

Paulus Zidek in Chro: Boh. M. S.

In adversis magis eminet virtus.

Cochl: in hist. Hussit. lib. 2.

Nullum unquam tam infelix, tam sterile, ac tam inimicum bonis sæculum Christianæ Reipublicæ illuxit, in quo nasci, & crescere Virtus non posset, imò quæ deteriora fuere tempora, eadem feraciora fuere Sanctitatis; adversa enim virtutem non frangunt, sed faciunt, & factam corroborant, quod vel in Bohemia nostra, Wenceslai Regis ac Caesaris (Caroli IV Caesaris filij degeneris) Imperium satis ostendit, qui cum Princeps esset Ignavissimus, idemque in luto sanguine macerato (quod ei prius in baptismo, & in Coronatione contigit) sederet, id est, libidinosè, & crudeliter regnaret, tamen in tanta universi Regni à capite suo corruptela, Ecclesia Bohemica, & præcipuè Pragensis Metropolitana, tam insigni numero virorum summæ generis claritate, doctrinâ, rebus fortiter pro Ecclesiæ immunitate gestis; vitæ innocentia ac sanctimoniâ, cæterisque magnorum Sacerdotum virtutibus luculentium abundavit, ut non ferrea Neronis, sed gemmea Constantini tempora rediisse viderentur; de his illustribus Pragensis Ecclesiæ Viris alio in Opere agemus, nunc B. Joannis Nepomucensis, vel, ut alij volunt, Nepomuceni, vitam, & mortem brevissimo compendio perstringam, idque in Arcani Confessionis Sacramenti (cui ille vitam suam impendit) honorem. Ac nihil ego quidem dubitem, tanti Martyris vitam pridem conscriptam in Antiquitate fuisse; at Hæresis, quæ B. Joannis mortem excepit, iisdem flammis, quibus

Cæno.



*Cænobia omnia, & Tempia apud nos arserunt, corruptisse videtur; quæ igitur de B. Martyre adferemus, in multis Manuscriptis, & Typo expressis Codicibus reperta, & in unum summâ fide collecta, non tam diligentia meâ, quàm fælicitati, quod inventa sint, adscribantur.*

## CAPUT I.

Nativitas, educatio, & prima Pietatis, ac literarum studia B. Joannis Nepomuceni.

**N**atus est B. Joannes Nepomucensis in Bohemiæ Oppido *Nepomuk*, vel ut Veteres dicebant, *Pomuk* in Pilsnensi regione, *Pragâ* Bavariam versus magnis decem milliaribus. Oppidum *Nepomuk* artifodinis quondam nobile, tum religionis antiquæ vestigijs, nec minùs monte, qui oppido incumbit, & *viridis* dicitur, celebratum est, quod nimirum in eo Monte (ut ex *Bohemicis Annalibus* constat) *S. Adalbertus Pragensis Episcopus* Româ ad Bohemos suos rediens, multis annis negatam *Bohemiæ* pluviâ, Sanctissimæ Crucis signo cum bonis precationibus in campos latè subtusjacentes efformato, statim Cœlo deduxerit, & primùm hunc montem, totam deinde reliquam *Bohemiâ* gratissimo herbarum virore recreârit. Quo Anno B. Joannes editus sit in lucem, scire non possumus, ex ætate reliqua suspicamur inter Annum 1320. & 1330. ortum esse. Parentes Oppidani, & mediæ fortunæ fuerunt, pietate magis, quàm genere, aut fortunâ conspicui; pietatis hoc indicium est, quod ætate jam senectâ, cum prole omni carerent, precibus, & votis ad *DEI Matrem*, quæ in statua sua sub *viridi monte* in *Cænobio Cisterciensium* religiosè colebatur, fuis, impetrârunt filium; cui ut affectûs erga *MARIAM DEI Matrem* ipso nomine admoneretur, *Joannis* imposuere nomen; at non uno beneficio contenta *DEI Mater*, quæ nuper ex utero sterili *Joannem* eduxerat, & propè creaverat, eadem recreavit: nam, cum puellus *Joannes* in gravissimum incidisset morbum, voto ad ejusdem *Divæ Virginis* simulacrum edito, & oblati in ætatem reliquam obsequijs, protinus surrexit incolumis. Sed ante id quoque servi sui sanctimoniam, & cœlestem vitam cœlesti indicio comprobaverat *DEUS*: nascente enim *Nepomuci Joanne*, serenissimæ quædam flammæ cœlo visæ descendere, amabili, & innocenti luce, gratissimo Civitati spectaculo, totam *Domum*, in qua *Joannes* nascebatur, circumfuderunt. Hoc flammarum augurium sanctissimis quibusdam viris concessum, B. Joannes totâ reliquâ vitâ, ardentissimis ad Populum sermonibus, & ignitis ad *DEUM* precibus approbavit, eadēque flammæ cœlestes etiam mortuum sunt comitatæ, &mersum in fluminis alveo prodiderunt. Sed in historia præverti non decet. Puer *Joannes*, ut primùm fari per ætatem potuit, formulam sacrificio Divino mini-

*Hagekin  
Annal. Boh  
Pon. in Boh  
Pia.  
Chan. in Ve  
st. Boh. Pia.*

B. Joannes  
ex sterili  
Conjugio  
natus.

B. Joannem  
radij lucis  
sæpe comi-  
tantur.



Sancta pue-  
ritia B. Jo-  
annis.

studia ejus.

Acta Deca-  
ni Philos.  
Facult. Ca-  
rolinae Uni-  
M. S.  
Archiv. Ca-  
rolinae Uni-

Regula Sa-  
cro sanctae  
Wissehrad.  
Eccl. M. S.

strandæ exactè perdidicit, eaque in usum deductâ, nullo postea impellente  
quotidie cum prima Aurora ex Oppido, ad *Cisterciense Cœnobium* decurrere  
omnibus ex Ordine, quotquot sacra facerent Sacerdotibus ad aram servir  
consuetudinem sibi fecit, tantâ, tamque pertinaci pietate, ut jam velut do-  
mesticus, & sacrificiorum stabilis administer inter altaria versaretur, quo par-  
vo quidem in speciem, sed non planè futuri ad extremum argumento, ma-  
gnū aliquid se jam tum in *Puero Joanne* videre multi credebant. Erat e-  
cum dulci pietate, acre, vividum, & igneum quoddam ingenium, cui ut Pa-  
rentes copiam crescendi darent, *Zatecium* ad celebres Latinitatis scholas mi-  
ferunt; hîc elementa *Grammaticæ Latinæ* prima, ac reliquas Humaniores  
disciplinas egregio profectu, & rarâ ingenij commendatione percepit. præ-  
cipuè juveni ad bonas spes genito *Eloquentia* placebat, ad quam eum natura  
ipsa conformarat, & finxerat. Plerumque enim Genio, & ingenio ducen-  
te in studiis nostris sequimur, quod nos assequi posse confidimus; sine sp-  
capitare profectum, irritus labor est. Cùm jam *Zatecij* nihil restaret discen-  
dum, ad altiores scientias, & non linguam tantum, sed pectus ipsum exco-  
lendum, *Pragam* contendit. Paulò antè ea tempora *Universitatem* studio-  
rum *Pragæ* excitarat *Carolus IV. Imperator*, & conquisitis ex omnibus litera-  
tis Regionum urbibus (*Paduâ, Bononiâ, Parisijs*) Magistris, omnis do-  
ctrinæ humanæ, & Divinæ Scholas aperuerat; ad eos sese applicuit *Joanne*  
noster, ac primùm *Philosophiæ Magister* inter primos, tum *Theologiæ*, ac Sa-  
crorum *Canonum & Decretorum Doctor* creatus est; Theologiam ad Eccle-  
siam *Collegialem S. Apollinaris* (ubi ea frequentissimè docebatur; nam ex vi-  
cina *Wissehradensi Ecclesia Clerici* omnes huc itabant) audivisse constat sub  
optimis Magistris; cæteras scientias, in quibus Collegijs perceperit, incen-  
tum est.

## C A P U T I I.

### B. Joannis Sacerdotium, cura animarum, tum cæ- tera munia, & honores.

Quomodo  
se ad Sa-  
cerdotium  
suscipien-  
dum com-  
paravit.

J Am pridem ex quo literis dare operam cœperat *Joannes*, ad Sacerdotium  
& animarum obsequia vocari se senserat, ardentius etiam cùm prope me-  
tam esset, ad id ferebatur; quamvis verò studiis literarum, Pietatem, &  
virtutem semper conjunxerit, tamen cùm existimaret, quo quis magis ab ani-  
mi cultu comparatus ad suscipiendos *Sacros Ordines* accedit, eò postea sæli-  
cius in animarum salute versari, integrum mensem ab omnibus profanis ne-  
gotijs vacuum, Sacerdotio præmisit, quem mensem totum in afflictando  
corpore, repurgandâ conscientia, impetrandis cœlestibus ad tantum, tam-  
que Divinum munus auxilijs, piisque commentationibus, & in providentia  
& consilijs in futurum, traduxit. Ex hac solitudine egressus, & sacris, initia-

tus,



is, cum nullas ad populum phaleras, & *mulsa*, ut ait Comicus, *dicta*, sed spiritu Divino animata verba, & Divina sensa velut hastas amentatas, aut potius ipsos currus falcatos in subjectam Concionem ex alto immitteret, & renaret in animis, ex Auditorum motu, lacrymis, & magis emendatione vitæ, revè præstantis *Ecclesiastæ* nomen apud Pragensem populum est adeptus. Itaque commendatione omnium, *Joanni* in Basilica Beatissimæ Virginis ante *atam Curiam* (vulgò *Tein* vocant) in *Antiqua Urbe Pragensi*, primario Urbis loco, Concionandi munus imponitur. Difficile videbatur, Auditores maximis Concionatoribus audiendis assuetos tenere: succedebatur *Conrado Austria* (quem unum ætatis suæ disertissimum *Praga* crediderat) succedebatur *Joanni Militio* non ita pridem extincto, quo dicente, unâ omnes *Matronæ* Pragenses luxum vestium abjecerant, Meretrices magno numero *Cœnobia* poenitentes sese incluserant, *Lupanaria* Cives dejecerant; tamen *Joannes* noster omnem illam Populi expectationem implevit, & desideria primum extinxit, prudentissimâ modestiâ, contentioso genere dicendi, & in excrucians in *Ordines Mendicantes* invecivis semper abstinens (ut tum erant *studiorum*) quod superioribus illis grave apud multos odium, *Romæ* accusatio literarum, ac propè exitium legimus attulisse. Jam *Joannis* labor, doctrina, virtus, & parta tot meritis apud omnes autoritas altiore gradum merebantur; *Joannes* itaque *Joannis Archiepiscopi Pragensis* commendatione, de communi *Canonicorum* omnium sententia, in *Collegium Canonicorum S. Metropolitana Pragensis Ecclesiæ* adlegitur, simulque ei in *Ecclesia S. Viti Metropolitana* ante *Cæsarem* concionandi munus offertur; diu *B. Joannis* modestia expugnari non potuit, cum se eo loco indignum diceret, omnium denique vocibus succurreretur, clamantium: *Joannem* eò digniorem esse, qui non ut cæteri, honores quæreretur, sed ab honoribus quæreretur. *Canonicus B. Joannes*, in *Ecclesia S. Viti*, compluribus annis *Ecclesiastæ Bohemici* munus obijt, quem non modò *Rex*, & *Aula* universa, sed ipsi etiam qui olim in *Tein* audierant, sequebantur. Præcipuum Concionum argumentum poenitentia fuit, tum adversus licentiam Nobilium, & aulæ, adversus ebrietatem, quæ tum invaluerat, adversus luxum, ac cæteros corruptissimi illius sæculi mores contentio; nondum *Wenceslaus Imperator* ad imum malorum devenerat, itaque viri doctrinâ, sapientiâ, & interioribus literis captus, audito *Joanne*, multa faciebat. Tradunt Veteres *Memoriæ*, cum fortè per id tempus *Sedes Episcopalis Litomislj* vacaret, à *Cæsare* *Joannem* ad id munus fuisse propositum, sed *Joannes* oblatam dignitatem recusavit accipere, multisque allatis in speciem probabilibus causis evicit. *Præpositi Wissehradensis* dignitas eo tempore par erat primis; *Princeps, Regni Cancellarius*, primus post *Archiepiscopum Regni Primatem*, *Præpositus Ecclesiæ* illius habebatur; adde opum vim: nam annui Proventus ad 80. florenorum Ungaricorum millia ascende-  
debant;

Celebris Ecclesiastes evadit.

Honores B. Joanni collati.

Argumentum ejus Concionis ad Aulicos.

Divitiæ Ecclesiæ Wissehradensis



*Zidek in M  
S. ad Regē  
Georgium.*

*Confessarij  
Reginæ &  
Cœnobij  
Georgiani;  
tum Elee-  
mosynarius  
Regis.*

debant; summa ingens, quæ nondum apertis navigatione Indijs, alterum tantum in hodierna Moneta conficeret; hæc quoque dignitas B. Joanni Wenceslao Rege ac Cæsare oblata est, sed & hanc repudiavit, quod abstrahere potuit, scilicet Eleemosynarij munus (dignitas est in Aulis Regum usitata, & gratiosa) à Rege & Regina oblatum; quo in munere ita sese probavit ut ejus dexteritatem, & solertiam Aulici, misericordiam Pauperes, prudentiam, & in distribuendo Justitiam commendarent omnes. Decanum insuper Collegialis Ecclesiæ ad Omnes Sanctos in Arce Pragensi nihilominus B. Joannes hoc tempore fuisse Paulus Zidek affirmat. Crescebat in dies viri Sancti authoritas; itaque Imperatrix (Johanna nomine Alberti Bavaria Ducis, & Comitissæ Hollandiæ filia) Matrona candore animi, morum innocentia, pietate, ac cæteris virtutibus spectatissima, quæ B. Joannis sacrâ dictione mirum in modum tenebatur, & validissimè ad omnem virtutem se incitari sentiebat, hunc sibi Conscientiæ suæ arbitrum, hunc vitæ Magistrum, hunc Patrem digne legit. Valuit ad plures exemplum: Religiosæ Virgines in Parthenone sacro ad D. Georgium in Arce Pragensi, & ipsæ B. Joanne docente, & ducen- ad summum Religiosæ virtutis apicem, non tam passibus, quàm volatibus ferebantur. Veteres quædam Memoriæ addunt, B. Joannem Metropolitanæ Ecclesiæ Decanum hoc tempore electum esse; at cum Inscriptio sepulchri hoc titulo careat, & meliores Codices non subscribant, credibile est, errorem subesse. Id certius in B. Joanne hoc tempore, Sanctam Pragensem Ecclesiam Oraculum quoddam doctrinæ, atque ut sic loquar, sententiarum Magistrum habuisse; tanta enim erat de viri virtute, & sapientia existimatio, quidquid B. Joannes consultus statuisset, id partes velut æquitatis plenus probarent, ac sinè contradictione sequerentur, atque ejus rei veteres quidam Codices faciunt fidem, ubi in causis difficillimis, quæ per sententias Judicum finiri non poterant, Joannes Nepomucenus Arbiter, atque (ut illi loquuntur) Laudator eligitur, idque B. Virum fiduciâ doctrinæ & pacis amore suscepisse, ac pronunciâsse, ex sententijs ipsis, quæ recitantur, cognoscimus.

### C A P U T III.

#### B. Joannes ad prodendam Reginæ Confessionem à Cæsare necquicquam sollicitatur.

*Wenceslaus  
Rex deterio-  
r evadit.*

*Chron. mag-  
nū Belgij.  
Paul. Zidek  
in M.S. ad  
Reg. Georg.*

Interea Wenceslaus Cæsar (ut lubrica omnis nequitia est, & in descensu & casum præceps) quotidie seipso evadebat deterior: Reginam Joannem quam oderat præsentem, & ferre non poterat, eandem absentem deprecabatur. Præterea de se, & educatione corruptum Wenceslai ingenium (ut multorum fert opinio) philtis quibusdam magicis efferaverant, & prorsus ex melle insanum effecerant scelerum administrum. Non est hic locus licentiosius illa



lam, cruentam, & maculosam vitam describendi; eorum temporum con-  
 alantur *Annales*. Annus agebatur post Christum natum 1383. *Regina*,  
*Wenceslai* quotidianis sceleribus offensa, cum nullum ex rebus humanis so-  
 titium amplius caperet, neque per mariti suspiciosos oculos capere posset,  
 crudelitatem maximè *Wenceslai* perhorrescens, qui etiam mensam, dapésq;  
 Regias cædibus, & sanguine aspergere nihil pensi habebat, quod tutissimum  
 idebatur, omnem mundi amorem abjicere, unìque se DEO totam (quan-  
 tum vita conjugal sine ret) donare constituit. Nulla res animum, DEI  
 more semel occupatum, magis DEO adstringit, quàm gravis, diuturna, &  
 quam tuo capiti continenter impendere videas, calamitas. Itaque *Regina*  
 Tribunal sacrum adire frequentius, cum lacrymis minimas quasque labecu-  
 as aperire, afflictare sese, egenorum curam suscipere, DEUM assidue pre-  
 cari, ut meliorem *Cæsari* mentem dare vellet, orare. Quod *Wenceslao*, si  
 aperet, placere debuerat, id vertit in odium; incessit deinde libidinosum,  
 & furiosum *Regem* cupido: si quo pacto rescire posset, quid *Regina* ad sa-  
 rum Tribunal adferret, quas præcipuè noxas aperiret, quid de ipso marito  
 cogitaret, an quem alium amaret, aliàque hujusmodi, quæ sibi stulta Tyran-  
 nis amore accensa, & suspicionibus cincta, potest & solet confingere; hæc  
 ipsa *Regina* interrogando exprimere non poterat. Vocat *B. Joannem*,  
 quem unum omnium secretorum conscium esse sciebat, tum quasi aliud  
 agens, mentione *Reginæ* injectâ ad *Confessionem sacram* paulatim delabatur:  
 uxorem eam esse subjectionem, & conditionem, ut earum omnia marito  
 nota esse oporteat, maximè in familijs Regum, ac Cæsarium; opes deinde,  
 honores, & quidquid felicitatis à se *Joannes* expectare posset, verbo *Regio*  
 pollicetur, si induceret in animum, vel pauca quædam, quæ *Joanni* in Tri-  
 bunali sacro *Imperatrix* confessa esset, uni sibi concedere; id sibi pro omni  
 solatio futurum. Exhorruit ad sceleratas Preces *Vir Beatus*, & gravi, libe-  
 ràque oratione, quantum crimen esset, quod petebatur, ostendit, damnaret  
 proinde curiositatem suam *Rex*, & quod fieri non posset, desiderare etiam  
 omitteret. Comovit objurgatio hæc sulphuratum, ut ita dicam, *Princi-*  
*pem*, repressit tamen sese, cum cogitaret, sæpe qui in primo assultu, & cona-  
 tu fortes se probârint, ad secundum, & tertium mollescere, & loco cedere;  
 primam hanc admotam esse machinam, quæ, si non processerit, fortio-  
 rem se admoturum, quæ victoriam extorqueret. Nec diu absuit, quod animum  
 ægrum exulceraret magis: fortè *Cocus Regius Caponem* malè assum ad Regis  
 mensam miserat; ea res improvisa in tantam egit rabiem *Wenceslaum*, ut  
 omnis humanitatis oblitus *Cocum* alligatum veribus continuo admo-  
 veri flammis jussit; perculsi barbarâ crudelitate Aulici omnes horrore pallere,  
 se mutuò intueri; videbant si quid paululum titubassent, eadem sibi suppli-  
 cia parata, itaque attoniti factum silentio damnabant; unus *B. Joannes*, qui

Regina pie-  
 tati totam  
 se addicit.

Sollicitat  
 à Cæsare B.  
 Joannes ad  
 arcana Con-  
 fessionis  
 prodenda;

Chro. Mag.  
 Belgicum  
 apud Mar-  
 qu. Freher.



Cæsar à B.  
Joanne re-  
prehenfus  
exardescit.

Conjicitur  
in carcerem  
B. Joannes.

tum versabatur in Aula, postulato ad *Cæsarem* aditu intrepidè accessit, ac primum verbis mollibus negotium tractare, cumq; apud iratum, & sui impotentem *Principem* nihil valerent, sententijs gravibus facti atrocitatem explicare coepit. Paucissima verba *Joannes* protulerat, confestim irritabilis, & crudelissimus *Princeps Satellites* inclamat, nullâque Sacerdotalis, & honoratissimi Ordinis reverentiâ, nullo etiam ad Majestatem Regiam respectu, rapi, & in ultimum carcerem detrudi jubet; ibi aliquot dies squalore, & horrore loci, tristissimisque tenebris, tum fame, & siti propè enectus exegit, in DEO solo acquiescens, eoque lætus, quod pro ejus honore, & amore dignus habitus esset & carceres, & contumeliam pati.

## CAPUT IV.

## B. Joannis fortitudo, &amp; constantia in tormentis extremâque ejus ante mortem gesta.

Iterum B.  
Joannes à  
Cæsare sollicitatur.

Torquetur  
in carcere;  
ejusdem in-  
tormentis  
constantia.

Non ignorabat *B. Joannes*, quod Regis ira spectaret: nam etiam *Cæsar* *Custos* monuerat, unam esse salutis viam, si *Cæsar*, quæ petierat nuper, impetraret; at *Beatus Martyr* obfirmârat animum, & miles mori, quàm quidquam ex sacra Confessione efferre decreverat. Paucos dies intercesserant, cum ecce honoratus Vir à Rege missus apparens, nunciat Regem eorum poenitere, quæ in *Joannem* illiberaliter admisisset, proinde oblivisceretur, quæ gesta essent, ac liber abiret; sed ut firmior foret receptu ad gratiam, cras ad Mensam Regiam nè gravaretur accedere; venit *Joannes*, & summâ significatione honoris, mensæ Regiæ adhibetur. Remotis mensis, & arbitris, *Cæsar* causam, cur ad se accersiri jussisset, aperit, quiescere se non posse, dum quæ *Regina* in sacra Exomologesi in aurem dixerit, & peccata ex ordine omnia, pandat; miscet blanditias, pollicetur silentium, modò dignitates, & præmia offert, modò carnificinas omnes minatur, nolit iram prius experiri, quàm gratiam. *B. Joannes* excelsio animo honores perinde ac minas contemnere, *Confessarij* munus explicare, silentij Sacrosanctam legem extollere, poenas temporales, & sempiternas ijs, qui secretum non tenuerint, constitutas, exaggerare, denique *Regem* monere, abstinere captandis, quæ uni DEO cognoscenda servantur; sinè Sacrilegio talia tentari non posse; in cæteris omnibus Regis imperia adorare se, unum hoc deprecari, quod si mille mortes subeundæ essent, non faceret. *Rex* ardens iracundiâ sinè mora *Carnificem* (quem semper habebat ad manum, & *Patrinum* per delicias appellabat) cum socijs adesse jubet; à quibus ad carcerem tractus crudelissimè in catasta extenditur, & facibus admotis torquetur. Adfuisse supplicio *Cæsarem* (etsi id à nemine traditum legerim) cætera ejus vita probabilem facit conjecturam, quod spectaculis ejusmodi oblectari, & oculos pascere consuevit.



veviffe accepimus, tum etiam, quòd speraret jam se in tormentis auditurum  
 andem, quæ nunquam antè *Joannes* efferre voluiffet. At *Vir Beatus*, &  
*Christi Martyr*, abstractâ, quantum licuit à supplicijs præsentibus mente, sa-  
 cra *JESU*, & *MARIÆ* nomina ingeminans, nullum aliud verbum prolocu-  
 tus, dolores omnes suos, vitam & mortem Domino commendabat. Nihil  
 sibi diligentiae ad summam diritatem reliquum fecere cruenti *Carnifices*, præ-  
 sertim *Cæsaris* urgente præsentia, tamen omnis illa carnificina intra *Joannis*  
 patientiam fuit; denique, cum proficerent nihil, defessi, *Cæsare* abeunte, de-  
 sistunt, ac de catasta depositum deferunt. Veteres codices cœlesti consola-  
 tione recreatum *Joannem* scribunt; at qualis ea consolatio fuerit, an interna  
 quædam ad animum Divinitus allapsa, an etiam externa ex *Sanctorum Ange-*  
*lorum* colloquio, & aspectu (ut sæpe alijs *Viris sanctissimis* evenisse legimus)  
 non explicuerunt. Posthæc *Imperator*, nè quâ res emanaret veritus, five  
*Imperatrice* agente, quæ fortassis attineri *Beatum Virum* inaudierat, quem ip-  
 sa *Patris* loco habebat, *Joannem* dimittit. *Joannes* quasi nihil passus, tam  
 gravem injuriam silentio concoxit, nulli suorum aperiens, & curatis, quæ  
 tormenta fecerant, vulneribus, vetera sua munia, majori quàm unquam an-  
 tē spiritus ardore, repetere cœpit, eo pacto sese comparans ad mortem, quam  
 ex importunissima *Wenceslai* natura, & humani cruoris avidissima iracundia,  
 paulò post inferendam sibi dubitare non poterat. Ad stationem itaque su-  
 am reversus, cum ad *Concionem in Ecclesia S. Viti* diceret, verba illa *Christi*:  
*Modicum videbitis, &: jam non multa loquar vobiscum*, identidem repetens,  
 vultu læto, & facili, mortem sibi pro *Christi* legibus oppetendam disertè præ-  
 dixit, tum cœlestibus oraculis factâ semel viâ, *Spiritu Prophetiæ* plenus, la-  
 crymis ubertim fluentibus, futurum *Bohemiæ* statum, & venturas brevī cala-  
 mitates descripsit: hæresin ab inferis suscitandam, cui sacra, & profana per-  
 inde forent, nullumque faceret discrimen; *Ecclesias* omnes, & *Cœnobia*  
 per *Bohemiā* arsurā, quædam etiam dejicienda manibus, sacros, & reli-  
 giosos viros omnibus tormentis perituros; denique exitium universæ *Re-*  
*ligionis* instare (penè incredibilis res visa, fœlicem id temporis *Ecclesiæ*  
*Bohemiæ* statum cogitantibus) extremā *Oratione* vale fecit omnibus, ac  
 præcipuè à *Pragensis Ecclesiæ Prælati*, & *Canonicis* humillimis verbis veni-  
 am poscens, se, vitamque suam, ac vitia multis accusans, finivit, ma-  
 gnoludū, & in retam nova, admiratione omnium  
 auditorum.

Silentium  
 admirabile  
 B. Joannis.

*Domin. 3.*  
*post Pascha*  
*Joan. 16.*

*Spiritu pro-*  
*phetico*  
*multa præ-*  
*dicat B. Jo-*  
*annes pro-*  
*Concione.*





## CAPUT V.

## Beati Joannis Nepomucensis mors, funeris celebritas; utrumque pluribus miraculis consignatum.

Boleslavia  
adit Peregrinus.

**P**AUCIS post diebus B. Joannes Boleslaviam ad antiquissimam totius Bohemiae Divinae Matris Effigiem à Sanctis Slavicæ gentis Apostolis Cyrillo & Methodio (ut multi suspicantur) ex Oriente allatam (quæ eo in loco magnâ Populi veneratione colitur) iter suscepit; ibi quàm liquidæ Pietatis, & amoris sensu Cæli Reginam (cui à prima ætate consecraverat sese & in qua spes omnes suas habebat repositas) orârit, ut sibi paulò post mortuorum adesset, ut filium propitium redderet, etsi manuscripta nihil dicant, quæque ex Joannis in DEI Matrem amore, ex periculi magnitudine, ex vicini mortis horrore, facere conjecturam potest. Pragæ vespertinis horis Boleslavia revertentem Joannem Wenceslaus Rex tum fortè, ut erat otiosus Princeps, è fenestra prospectans, observat. Recurrunt extemplo furioso Principi omnes illæ tristes de Regina Coniuge imagines, dolebant acceptæ toties à Beato Joanne repulsæ, neque jam animum regere poterat; ergo non hominem, sed dæmonem spirans, mittit continuò qui Joannem accersant, neque multis, ut in præcipiti ira, usus est verbis: *audi, inquit, Sacerdos, moriendum tibi est, nisi è vestigio jam hinc Coniugis meæ Confessionem, & quidquid unquam illa tibi confitens dixit, ordine exponas. Furo DEUM* (quæ verba tollentia & usitata Wenceslao fuerunt) *Aquam bibes!* merisionem in flumine eâ vocat Caesar volebat intelligi. Beatus Joannes indignum ratus eâ de re toties obtundi, nullis verbis, sed toto capite sacrilegium averfatur. Vix signum dederat, jam Sanctissimum Virum validissimi Satellites circumstant, Rege clamante, atque inter manus in aliud cubile sublimem deportant. Viratum populum significant vetusti Codices; nocte ad pontem, qui Muldava flumini impositus, Pragenses Urbes duas Veterem & Minorem, conjungit, deducitur, DEO quæ mortem suam ardentissimis precibus, & suspirijs commendans, in subiectum flumen ex ponte dejicitur, mergiturque, 16. Maij A. 1383. Mortem, quam occultam esse Caesar voluerat, statim cælestia prodidit miracula: ignes, qui olim B. Joannem terris nascentem ostenderant, ejdem mortuum, & cælos intrantem cinxerunt; totus continuò Muldava relixit: vidisses innumera, & miri candoris lumina, quasi pace cum elementis aquæ factâ, toto fluvio innatare (& commodum id temporis excreverat flumen, & latius, atque altius attollebantur fluctus) numerosiores, & majores faces corpus B. Martyris, quod secundo flumine paulatim descendebat, commitantur, inde aliæ, aliæque sequebantur flammæ, uti si pompam funeris deducere

Rursus tentatur & cum nihil ab eò impetrari posset, abjicitur jussu Regis in flumen.



educerent. Effusa ad spectaculum tota Civitas utrinque quid factum esset, ut quid fieret, mirabatur; *Reginam* quoque *Johannam* ex Arce Regia depectantem, & omnis rei hactenus ignaram tam novum spectaculum attraxit; rursu illa ad *Cesarem maritum* contendit, miracula luminum ostendit, & innocentis simplicitate, quid istud sibi velit, interrogat; percussit illico animum celeris conscientia, & viso coelesti miraculo, velut fulgure perstrictus propripuit ex conspectu sese, ac seu timore, seu vero, aut ficto dolore triduum abstinuit publico, neminem nisi necessarium admittens. Totâ nocte circum Corpus *B. Martyris* luxerant flammæ, dies quid factum esset, ostendit: jacebat in arena corpus exanime, suo in habitu, vultu placido, ac renidenti decensissimè compositum; statim totâ urbe spargitur rumor, neque diu cædis auctor latere potuit, cum plura ejusmodi crudelitatis exempla *Cæsar* edidisset, & conscij Carnifices, Aulici, Satellites nescirent tacere. Tandem ad *Canonicos Metropolitana Pragensis Ecclesiæ* fama rei gestæ pervenit, qui adornatâ supplicatione *Sanctum Fratris* sui corpus ex flumine honorificè levantes, ad *Ecclesiam* proximam *Sanctæ Crucis Religiosorum de Pœnitentia* tantisper deposuerunt, dum gloriosius sepulchrum in *Ecclesia Metropolitana* pararetur. Hæc *Canonicorum* pietas cum insigni fortitudine animi conjuncta (quis enim cruentissimi, & tam irritabilis Principis iram non pertimesceret? aut suspectam habere non posset?) sinè præmio non fuit: cum enim Loculum in *Ecclesia S. Viti* effodiunt, Thesaurum, & multa auri, argentique talenta, ac cæterarum rerum pretia reperiunt defossa, quasi Sanctus Vir pro tumulo suo, & honore sepulchri eam *Ecclesiæ*, & *Canonicis* deputasset mercedem. At inferiùs in *S. Crucis Ecclesia*, innumera hominum vis ad sacrum corpus videntum affluxit, primusque ille cultus *B. Martyris*, à Populo fuit: constantiam, & fortitudinem deprædicare, pedes, manusque certatim osculari, ejus sese precibus commendare, sacrum corpus reverenter contingere nullum faciebant finem. Non ità se in familiares tenebras abdiderat *Imperator*, ut quæ circa corpus fierent, ignoraret. Itaq; (ut sunt omnium, qui Tyrannicos habent animos, suspiciosa, & violenta consilia) Satellites cum Mandatis ad Religiosos illos Viros mittit; *novâ re abstinere, Tumultum non concitare, arce- rent turbam, & Joannis Nepomucensis corpus procul è conspectu in angulum aliquem abijcerent.* Fiebat, quod Rex imperârat, sollicitè, sed majore *B. Joannis* gloriâ, siquidem clausum corpus tantam ex sese coelestis odoris fragrantiam effundebat, ut occultari non posset, magnoque iterum hominum concursu locus celebrabatur. Jam parata erant funeri omnia, *Canonici, Clerusq;* universus, comitante innumera Populi multitudine, campanis totâ urbe personantibus supplicationem adornant, & *Beati Viri* corpus ex *Ecclesia S. Crucis* (tanto intervallo) ad *Arcem S. Wenceslai ad Metropolitanam Ecclesiam* deportant. Obsequendum populo petenti fuit, rursusque apertâ funerali

Prodigia in morte.

Thesaurus dum sepulchrum effoditur, repertus.

Iuxta funebria.



Sepulchri  
inscriptio.

Lup. in Cal.  
bist. ad 1. Ja-  
nuarij.

Arcâ ad venerationem ostensus est; ægros plurimos contactu sacri corporis curatos vetera Manuscripta testantur. Tandem, ut aliquando finis fieret, humatus est cum lacrymis; pauperes præcipuè, quorum erat Pater, planxerant; grandis lapis superjectus postea cum Inscriptione, quam hodièque legimus: *Honorabilis Dominus Magister Joannes Nepomucenus, hujus Ecclesie Canonicus, Regina Confessarius, quia Sacrosancti Confessionis Sigilli Custos usquè ad mortem fuit, à Wenceslao IV. Bohemia Rege Caroli IV. filio, tormentis tentatus, ex Ponte in Muldavam precipitatus, miraculis clarus, hic jacet sepultus. An. D. 1383.* Hactenus Inscriptio. At Regina Johanna, postquam de morte B. Joannis, quem habebat pro Patre, triste nuncium accepit, eamque mortem suâ causâ à crudeli conjugè illatam perspexit, (sunt enim, qui in cæde Joanni irroganda, Regem de Regina toties monente vindictam quæsisse affirmant) cum nullam præterea ex tot & tantis malis evadendi viam videret, in gravem animi ægritudinem lapsa, carpi paulatim cœpit, & quarto abhinc Anno contabuit. Mortua An. 1387. 1. Januarij, ut contra Hagecium Lupacius ostendit.

## CAPUT VI.

De veneratione, & cultu, qui velut Beato, & Martyri Joanni Nepomuceno ab omni memoria tribuitur.

S. Joannes  
Nepomu-  
censis velut  
Martyr ab  
immemora-  
bili tempo-  
re colitur.

Exempla  
hujus cul-  
tûs profe-  
runtur.

Illud universim, antè quàm ad miracula veniamus, præmittendum est: etsi hujus Beati Viri memoria, neque sacrificio, neque Divino officio honoretur in Templis (quod sine Sanctæ Sedis autoritate fieri non potest) reliqua tamen omnia, quibus Divorum nomina consecrantur, ad Tumulum adhiberi: itaque quicumque ad salutandos Sanctos Bohemia Patronos, Vitum, Wenceslaum, Sigismundum, Adalbertum, eorûmque sacra corpora veneranda in Metropolitanam Ecclesiam Pragensem, Proceres, Nobiles, Sacerdotes, Prælati, Canonici, Religiosi, Matronæ, verbo: minimi, maximique conveniunt, B. Joannis Tumulum nunquam omittunt; hinc provoluti in genua supplicant, preces ad eum fundunt, ejus opem implorant; suspensa est ad sacrum Tumulum Tabella, Latino, Bohemico, & Germanico idiomate, quæ Orationem exhibet ad S. Joannem Nepomucenum (hic enim est titulus) eam recitare Populus consuevit; pendent hinc atque inde cerea lumina, & varia Anathemata, tum B. Joannis imago radiata, Tumulus cratibus ferreis duplici ordine permunitur, laminis depictis, in quibus Joannis nomen legitur, additurque vox Martyris & Beati; Lampas Tumulo B. Joannis impendit, ardētque. Alias faces cereas propè quotidiana Piorum hominum liberalitas accendit; earum quædam humani corporis magnitudinem æquant; his faci-



facibus consumtis novæ semper liberaliter apponuntur, ab ijs præsertim, qui  
 e ad B. Joannis tumulum cœleste aliquod beneficium accepisse lætantur.  
 serenissimus Leopoldus Austriae Archidux, candelabrum elegantissimum (de  
 quo postea sermo recurret) huic Divo statuit, & in eo B. Joannis Effigiem  
 eneam cum cæteris Bohemiae Patronis affabre fieri fecit. Reges, & Principes  
 nostri B. Joannem coluere semper: Ferdinandus I. Imperator, quoties Pra-  
 gensensem Ecclesiam adiret, ante hunc Tumulum genua ponebat. Idem acitaf-  
 e pium Principem Ferdinandum II. atque etiam III. multi meminerunt; po-  
 tremus hic Cardinale Archiepiscopo Ernesto ab Harrach advocato, de B. Jo-  
 annis publico cultu, & canonismo (ut vocant) procurando consilium sæpius  
 habuit, sed piam optimi Cæsaris mentem bella primùm, deinde mors ab-  
 upit. Imagines B. Viri æri incisæ habentur in manibus, in his & Beati ti-  
 tulus Joanni tribuitur, & capitis apex ardet cœlesti lumine circumfusus. Ne-  
 que honores isti nuper primùm inventi, novique sunt, sed jam ab ipsa morte,  
 & ab omni memoria ab omnibus impensi: In Sacratio Ecclesie Metropoli-  
 tanae Pragensis Ara quædam est, super eam, ut fieri solet, in Pariete depictæ  
 Sanctorum Bohemiae Patronorum Imagines; pictura ipsa, (quod indicant ap-  
 positi numeri) centum octoginta annos superat antiquitate; inter hæc San-  
 ctorum Imagines Joannes Nepomucensis stans palmam tenet manibus, &  
 caput habet radijs illustre, néve dubites, quem artifex depinxerit, & Canoni-  
 ci depingi jusserint, additus est trabalibus literis titulus antiquissimâ manu:  
 S. Joannes Nepomucenus. Paucis passibus à B. Joannis tumulo, in Ecclesia  
 Pragensi Sacrarium est, seu Capella, in qua sub marmore altè educto condi-  
 tus jacet Joannes Wlaffimius Archiepiscopus Pragensis; in ejus Capellæ Altari  
 sacra faciunt Sacerdotes; porro Titulus Altaris, manu propriâ Caspari Arse-  
 nij Sacrae Theologiae Doctoris, & Ecclesie Metropolitanae Decani scriptus,  
 hæc habet: Anno 1621. 16. Julij per Illustrissimum, & Reverendissimum  
 D.D. Joannem ejus nominis III. Archiepiscopum Pragensensem consecratum est  
 Altare in Capella regione Sepulchri B. Joannis de Nepomuk Confessoris, in ho-  
 norem Visitationis Beatissimæ MARIÆ Virginis, ac SS. Virginum, & Mar-  
 tyrum Lucia, & Ottiliæ; nec non S. Clementis Papæ & Martyris, & B. Jo-  
 annis Nepomuceni. In quo inclusæ sunt istæ reliquiæ, &c. Hanc Tabellam Ar-  
 senij à se descriptam nuper mihi dedit in manum Reverendissimus DD.  
 Thomas Joannes Pessina de Czechorod, Metropolitanae Pragensis Ecclesie De-  
 canus, Archidiaconus Officialis &c. Vir officio, aliisq; meritis clarus. Scrip-  
 torum quoque nostrorum in asserendo B. Joanni Martyris, & Sanctimonie  
 nomine consentit autoritas; videatur Dubravius Olomucensis Episcopus,  
 Hagecius Ecclesie Boleslaviensis Præpositus, pluresque alij. Simon Fagellus  
 Ecclesie Collegiatæ Omnium Sanctorum in castro Pragensi Decanus, qui an-  
 te centum, & quod excurrit annos, de SS. Bohemiae Patronis Hymnos quof-  
 dam

A. 1486.

Scriptores  
 Joannem  
 Nepomucē  
 sem Beatū,  
 & Sanctum  
 appellant.



Eminentissi-  
mi Card. ab  
Harrach Ar-  
chiepiscopi  
Prag. autho-  
ritas.

dam vulgavit, hymnum quoque cum titulo ad B. *Joannem Nepomucenum* concinnavit, versu pro ætate illa non planè invenuto. *Georgius Bertoldus Pontanus* Metropolitanæ Pragensis Ecclesiæ Præpositus in sua *Bohemia Pia Joannem Nepomucenum Beatum Martyrem* appellat; eandem appellationem tribuere cæteri Superiorum ætatum, atque etiam Nostræ Scriptores, ut Venerabilis Pater *Albertus Chanovsky* Societatis JESU, & *Georgius Ferus* ejusdem Societatis, pluresque alij. Pridem narraveram, B. *Ioannem Nepomuci* in *Bohemia* natum esse; ex ea domo, in qua *Ioannes* natus est, Oppidanorum Pietas, *Sacellum* B. *Ioannis* honori statim ab ejus morte excitavit; tradunt veteres memoriæ, in ea Domo neminem nocturnam quietem capere potuisse, omnes insomnijs fatigatos semper abscedere coactos, donec ea domus in *Sacrarium* verteretur. Nostrâ memoriâ *Illustrissimus D. Franciscus de Sternberg Nepomuci Dominus*, R. P. *Georgio Fero* Soc: JESU incitante, *Sacellum* hoc vetustate labascens totum dirui jussit, & novam, eamque perelegantem Ecclesiam B. *Ioannis Nepomucensis* honori magnis sumtibus exstruxit. Benedici Ecclesiam illam permisit *Ernestus Archiepiscopus Pragensis*, & *Cardinalis* per alios, cum ipse met per morbum venire, & consecrare non posset. In Altari summo hujus Templi B. *Ioannis* Imago radiata conspicitur, atque in veneratione habetur; per eam novi Templi causam An. 1641. R. P. *Georgius Ferus* Soc: JESU librum edidit, quem *Famam Posthumam* B. *Ioannis Nepomuceni* inscripsit; in eo libro, elegantibus Imaginibus, summo Pictore *Carolo Scretæ Pragensi* præbente operam, vitam, & mortem B. *Ioannis*, brevissimis titulis triplici idiomate, Latino, Bohemico, & Germanico comprehendit. Aditur *Nepomucensis* B. *Joannis* Ecclesia hodièque multis supplicationibus, *Parochi* à multis passuum millibus ad certam diem Populum adducunt; idque agitur ab immemorabili tempore; *sacra* de Beato Joanne non leguntur quidem, sed de *Sanctissima Trinitate*, Concio tamen ad Populum de B. *Joannis* eximij virtutibus habetur. Appensa visuntur circa Aram anathemata plurima, fatenturque diversi ejus se meritis varia beneficia coelitus impetrasse. Pro comperto est, si campi illorum siccitate laborent, supplicatione unâ, alterâve ad hanc Ecclesiam publicè ductâ, pluviam celeriter impetrari. Cantio quædam pervetusta de B. *Ioanne* per hanc viciniam circumfertur, quam rustica plebs libenter decantat; B. *Ioanni* pecudes suas, & jumenta cætera commendare solent, opemque sentiunt. In peste, quæ *Bohemiâ* An. 1649. pervagata est, & gravissimè afflixit, omnes qui sese *Nepomuci* B. *Ioanni* commendârunt, periculo sunt erepti. *Praga* quoque B. *Ioannis* Tumululus, ut antè dixeram, in summo habetur honore, & quamvis imperiti quidam, & in Religione nimium timidi, cautique, Religionis prætextu cultum B. *Ioannis* impedire aliquando tentârunt, Populus tamen de constantia justæ pietatis demoveri non potuit. De ejusmodi vetusta Religione, & cul-



u Beatorum antiquo optimè dixit Vir in gestis Divorum describendis, & il-  
ustrandis diligentissimus, & rerum talium peritissimus *Godefridus Hensche-  
rius*: *Venerationi Divorum*, inquit, à tempore memoriam unius sæculi exce-  
lente, *Urbanus VIII. Pontifex* nihil voluit derogatum, quo minùs perpetua (ve-  
neratio illa) deinceps esset. Jam cultu B. *Ioannis ab Antiquitate* probato ad  
coelestia beneficia, quæ per eum impetrata sunt, & alia mira, quæ ad ejus Sa-  
rum *Tumulum* evenêre, faciamus gradum; ex his etiam apparebit, quàm  
neritò tantus ei à Populo cultus habeatur.

Cultus Di-  
vorum ab  
immemora-  
bili tempo-  
re non est  
ab Urbano  
VIII. abro-  
gatus, sed  
potius con-  
firmatus.

## CAPUT VII.

Mira quædam ad B. Joannis Tumulum patrata, &  
beneficia coelestia omnis generis.

**T**ot actanta, B. *Ioannis* interventu, beneficia cœlitus impetrata fuisse,  
tradunt Veteres Memoriae, ut ex ijs annotatis justum librum Majores  
nostri confecerint, qui in Sacrario Pragensis Ecclesiæ servabatur; ci-  
tat eum librum *Wolfgangus Chanovsky de Longa Villa Ecclesiæ Metropoli-  
tanae Canonicus* Vir illustris, qui An. 1583. moriens, hujus *Beati* amore, non  
procul ab ejus Sacro tumulo, ut conderetur, impetravit; scribit is, in eo libro  
B. *Ioannem Nepomucenum Thaumaturgum Bohemiæ* appellari, cæcum ad ejus  
*Tumulum* recepisse visum, alios præsentissimam ejus opem sensit, alios in  
vitæ, & Mortis confinio stantes, imò etiam ad supplicia mortis Judicum sen-  
tentijs damnatos B. *Viri* auxilio mirabiliter evasisse mortem; addit, plura se  
non describere, cùm sit Liber in manibus; sed eum librum hæresi apud nos  
regnante, subtractum ex oculis, postea omnino amissum dolemus. Illud  
permirum, sed omnibus *Praga* notum, quicumque B. *Ioannis Tumulum* cal-  
cârint, præsertim si contemnant, eos ipsâ die infamiam aliquam incurrere, &  
pœnam vitare non posse, quod certis, & contestatis nostræ, & superioris æ-  
tatis exemplis possumus approbare: An. 1588. cum *Radzivilus Princeps*,  
Regis, & Reipublicæ Polonæ nomine solennem Legationem apud *Cæsarem*  
*Rudolfum II.* obiret, accesserat *Pragâ* Magnificus D. *Christophorus Sluska Pa-  
latinus Vendenfis*; hic aliquando *Metropolitanam Ecclesiam Pragensem* in-  
gressus, posteaquam omnia curiosis oculis lustravisset, ad *Sepulchrum* B. *Io-  
annis* adducitur; narrat *Palatino*, qui ducebat: mirabilem hunc esse *Tumu-  
lum*, nam quisquis calcâsset, eo die pœnam non effugere; risit *Palatinus* le-  
vem, ut putabat, Sacerdotum credulitatem, & confestim pede *Tumulum* pres-  
sit; at ecce è vestigio quasi percuti frontem, & turbari mentem sensit; in ea  
turbatione Templo egreditur; Equum, & currum Domino adduxerant fa-  
mulum (numerofo enim satellitio vir admodum potens cingebatur) *Equum*  
primò petit, sistitur, ipse *Dominus* quasi intemperijs ageretur, à dextra *Equi*

Qui B. Joā-  
nis sepul-  
chrum in-  
honorassēt,  
eodem die  
puniti.

Theoph. Cri-  
steccus Re-  
ctor Collegij  
Prag. ad S.  
Clement. S.  
J. in M. S.  
Geor. Fernus  
in Fama  
posthuma  
B. Joannis  
Nepomuc:

Exemplis fi-  
des adstrui-  
tur.



In vita V.  
P. Alberti  
Chanov.  
S. J. Cap. 1.

Wenci de  
Raupovva  
egregiè mul-  
tatus.

parte tentabat ascensum, ascendit tamen, & evadit in Equum, sed Equus neque stimulo, neque hortatu ullo, moveri loco potuit; rursus igitur Equus descendere cogitur, currum conscendit, sed iterum nullâ vi, quidquid agerent Aurigæ, impellere Equos poterant; denique pudore confusus Palatinus, spectante, & ridente Caesaris aulâ, ex Arce toto illo itinere pedibus suis confecto, multum admirans, & egregiè pudefactus ad Hospitium suum est reversus. In Vita Venerabilis, & Apostolici Viri Alberti Chanovvsky Socii JESU, quam P. Joannes Tanner ejusdem Societatis nuper vulgavit, aliud legitur exemplum, quod Scriptoris verbis referemus: Dum Praga Albertus noster, inquit, Grammatica daret operam, essetque annorum forte quatuordecim, Pater ejus Joannes Pragam advēnit, cum quo Sanctorum, ac præcipue Bohemiae Patronorum corpora venerationis ergo visitavit; accidit verò, ut etiam ad B. Joannis Nepomuceni monumentum venirent, ubi referente Patre didici, quanta locus esset venerationis, quanta DEO cura Martyris illius honor, quanta certa eorum poena, qui terram illam protervè conculcare auderent, adeo, ut Virginini cuidam, teste Wenceslao Hagek, sacrum illud Sepulchrum pede protervè calcare impudenter ausa, dum maximam inter Populi frequentiam per Pontem Pragensē domum rediret, exorto repente vehementi vento, quasi quodam turbine involuta, vestis seu toga in altum sit elevata, cum incredibili Virginis pudore &c. adhuc cogitare cœpi (juvat P. Albertum hæc de se in Manuscripto referentem audire) facile id contingere potuisse Fæmina, sed viro, aut puero, quatione quid simile contingere posset? quare experiundi gratiâ, cum eo temporē adhuc clathri circa sepulchrum Sancti essent rari, & demissi, pedem eò datâ operâ imposui, itâ, ut Sepulchrum calcarem. Accidit autem, cum ad antiquam Urbem per Parvam Partem rediremus, ambulando sequebar Parentem, & ecce incidi in latentem quandam foveam usq; ad genua, quæ Praga solent esse in plateis hieme ex congesta glacie, & nivibus, & ferè illic calceum reliqui, irridente me toto populo, pudore insigni fui suffusus. Et veniens ad Pontem prope Imaginem Crucifixi, illic recidi, & in luto circumquaque in pallio meo obvolutus fui, & quasi tum interiùs hanc vocem audiui: In hoc loco ille Sanctus de Ponte in aquam fuit præcipitatus, & submersus. Summo pudore affectus fui, mirantibus, & ridentibus hominibus, quid, cur, & quomodo hoc mihi accidisset. Hæc Venerabilis Pater Albertus Chanovvsky. Alia, eaque longè gravio poena secuta est Calvinianum hominem Wenceslaum Wilhelmum de Raupovva (erat hic rebellionis proximæ, non tam ab hominibus proprijs, quam exteris, Turriano, Hohenloio Comitibus, Felsio item, Novis tum Bohemiae incolis fœdo incœpto, ac fœdiore exitu motæ, haud postremus incentor, ideoque à Friderico Palatino, Bohemiae Cancellarius postea constitutus) Raupovva igitur, cum aliquando in Ecclesia Metropolitana, velut in profana domo A. 1619. otiosus cum socijs inambularet, in B. Joannis Tumulum for-



fortè incidit; recurrit homini vetus de eo sepulchro traditio; quare mul-  
 um Catholicorum stultitiam, ut putabat, demirans, & deridens, qui rebus  
 am vanis tenerentur, *Tumulum B. Joannis*, quem parte unâ dejectis cratibus  
 violârunt hæretici, calcant, & quasi nihil egisset, cætera Idololatriæ Catholicæ  
 (ut Calviniani blaterant) monumenta perlustrat, neque multò post Templo  
 greditur; in ipso limine anhelans famulus ad Dominum accurrit cum tristi  
 nuncio: filium, quem habebat unicum, modò esse defunctum; ita nimi-  
 um eodem articulo temporis DEUS contemptum servi sui morte unici filij  
 vindicavit. Atque utinam hunc finem Divina vindicta habuisset! constat  
 inter omnes post annos plurimos *Raupovvam* actum in rabiem, dum homi-  
 nes stricto ferro infectatur, misere *Litomerici* perijisse. De hac *Raupovvæ*  
 celerata temeritate, nè dicam magis, deque pœna confestim secuta, est inter  
 manus meas Testificatio legitimè confecta, annulo signata, chirographo fir-  
 mata, quam *Illustrissimus Comes Zdenko Wratislav de Mitrovitz, Wilemo-  
 vij, Zierotinij, &c. Dominus*, Slanensis Districtus Præfectus An. 1648. con-  
 fecit, qui & familiariter *Raupovvam* novisse, & hæc sibi omnia constare per  
 conscientiam animi sui testatur. Venio nunc ad Exemplum, quo tristius ad  
*B. Joannis Tumulum*, nullum accidisse puto: ac nescio sane, quid illud esse  
 oporteat, quòd tanto semper odio in *B. Joannis* memoriam, & sepulchrum  
 hæretici ferantur: in illo, quod modò dixeram, hæreticorum Regno, post  
 Annum 1618. cum Calviniani *Ecclesiæ Metropolitana Pragensis* partem poste-  
 riorem occupassent, suâque profanâ, & umbratili cœnâ contaminassent, ha-  
 bebant præ oculis SS. Patronorum, *Viti, Sigismundi*, & aliorum Divorum  
 Corpora, & ferebant placidè, unius *B. Joannis Nepomuceni Tumulum* humi-  
 lem videre non poterant, sed ille locum egregiè tutatus est. Neque modò  
 crates circum *Tumulum* tollere, sed ipsum *S. Martyris* corpus (facinus etiam  
 in quocunque humano corpore indignum) exhumare, & in communem lo-  
 cum abjicere constituunt, eâ demum ratione Idololatriam (ut dicebant) sub-  
 laturi. Mittuntur ad certam diem valentissimi Satellites, quibus id datum  
 erat negotij: vix sacrilegium tentarant, & crates ferreas convellere cœperant,  
 cum ecce duo subitò in terram corruunt, alter omnino exanimis nunquam  
 vitam recepit, alter operi præfectus Anglus homo Epheborum *Friderici Pa-  
 latini Præceptor*, semivivus, & vix spirans è Templo sociorum manibus ela-  
 tus, paulò post quoque miserabiliter animam efflavit. Cæteri omnes, peri-  
 culo, & damno suorum cautiores, opus imperfectum reliquere. Res est  
 Tragica, sed eorum, qui adfuere, testificationibus firmata, quæ ante *B. Joan-  
 nis Nepomuceni* sepulchrum paucis post rem gestam annis tessellato opere,  
 pereléganter in ligno expressâ, cum admiratione Peregrinorum hodièque  
 spectatur. Recenset præter alios, hoc triste *Miraculum Author Germanici  
 Libri Augustæ An. 1630. Typis editi, cui Veridici Titulum fecit, & primum*

Calviniani  
 Tumulum  
 S. Joannis  
 turbantes  
 tragicè re-  
 pelluntur.

Zeusscher  
 Warsager  
 pag 89. &  
 Angli sequentib:



B. Joannes  
aspectabilis  
in Ecclesia  
S. Viti.

Gemitus ex  
sacro tumu-  
lo B. Joanni  
auditi.

Luce circū-  
fusum Se-  
pulchrum.

Angli illius Calviniani sepulchro insultantis sacrilegas voces, tum cœlestem ultionem, sacrilego repente humi alliso, ac demum eadem nocte inter horrificas vociferationes, & ejulatus, infeliciſſimam mortem multis verbis describit; res fuit eo tempore certa, quippe in omnium oculis, & luce gesta. Adicitur in eodem libro: paulò ante decretoriam in *Albo Monte Pugnâ*, quæ hæreticorum res conciderunt, cùm An. 1620. nocte quadam hæretici satellites in *Ecclesia Metropolitana S. Viti*, in Christi crucifixi statuis, aliisque Divorum Imaginibus dejiciendis strenuè laborarent, à Catholico, piòque homine, qui tum aderat, & dolenter, quæ gererentur, videbat, visos tres Viros humanâ formâ augustiores, è sepulchris suis prodeuntes: primum *cultu Regio*, alterum *apparatu Pontificali* conspicuum, tertium sacro, sed ignoto in habitu, hos convenisse, unâque stantes, quasi de futuro rerum statu consilia conferrent, postea amissos ex oculis. Nullum dubium relinqui, *S. Regem Wenceslaum*, & *S. Adalbertum Episcopum* fuisse; tertium suspicari se *B. Joannem Nepomucenum*, qui tam indignis modis ab hæreticis sit acceptus. Ita Liber ille in re tum recenti, quæ ego non refello; fides sit penes authorem; nos ad *B. Joannis Tumulum* redeamus. Ob eam maximè causam, cùm jam antè ferrei clathri ad unius ulnæ altitudinem prætenti essent, alijs novis cratibus sepulchrum cinxerunt *Canonici*, quæ faciliè duas ulnas altitudine æquant, ut nulli nisi ægerrimè, vel si velit, improbo esse liceat; sed ad Calvinianos nostros redeamus; eodem Anno 1620. tam malè apud sepulchrum *B. Joannis* accepti (quamdiu *Pragensi Ecclesiâ* sunt usi) *Tumulum* ipsum totum, præstigias nescio quas in eo latere causati, asseribus, & tabulis quibusdam clausere, nè ullo modo posset adiri; obturbare illos, dum ad cœnam sedent in Templo, *B. Joannes* videbatur, & velut mortualis umbra odiosus, & non vocatus intervenire convivij. Porro *Ecclesiæ Metropolitanae* profanationem, & stantem in loco sancto abominationem ex sacro suo tumulo *B. Joannes* significavit: siquidem imminente illâ ab hæreticis calamitate, sæpius nocte gemitus, & lacrymosæ quædam voces ab imo Templi audiebantur; Custodes gemitus illos studiosè secuti, animadverterunt non semel ex *Tumulo B. Joannis* exire: nimirum dolebat (quantû *Beati* dolere possunt) *dilectam Pragensem Ecclesiam* tot sacrilegijs profanandam, quæ ex quo à *S. Wenceslao* erat fundata (nè quidem *Hussi*, aut postea *Rokyžana* temporibus) hæreticorum Sacris inquinata fuisset. Sed plures sacri illius Tumuli prærogativæ posunt adferri: nam alijs quoque temporibus *Ecclesiæ Metropolitanae Excubitores*, ad indicandam fortasse *B. Joannis* sanctitatem, amabili luce cingi, & coruscare Tumulum viderunt. Neque id mirum: pro Thesauro est *Ecclesiæ Pragensi B. Ioannes*, verusque est, ubi Thesauri latent, ignes emergere. Præcipuus *B. Ioannes Patronus*, & *Tutor* eorum habetur, qui cum infamia conflantur, & nè scelus aliquod suum in lucem veniat, pertimescunt: occurrit



currit enim mirabiliter periculis, & factum abscondit, aut etiam lingvis hominum laesos, absolvit, & restituit in integrum; hujus auxilij toties perspecti argumento, edita pridem Typis est oratio, quæ sub B. Joannis imagine poni solet, hisce verbis concepta: *Præsta quæsumus Omnipotens DEUS precibus nostris, quas in Beati Joannis Confessoris Tui veneratione deferimus, pium benignus auditum; ut ejus meritis, & intercessione suffulti, ab infamia, & confusione temporali liberati, ante mortem reatus nostros sincerâ confessione expiare, saluari penitentiâ delere, & portum æternæ salutis contingere feliciter valeamus. Per D. N. IESUM Christum Filium &c.* ijs quoque opem fert B. Joannes, qui exitiali verecundiâ crimina sua in Tribunali sacro aperire reformidant: nam ad ejus sepulchrum precantes, audaciam quandam ad proferenda omnia addi sibi senserunt, idque libere ante Sacerdotes postea sunt testati. Anathemata ad Beati Tumulum, quæ plurima olim pependisse meminerunt fenes, hæresis Calviniana laceravit, aut flammis corruptit. Nostrâ memoriâ Matres aliquot, ad partum gravissimè laborantes, tum alij hydrope, alij febribus diuturnis crudeliter divexati, fulsis ad B. Joannem precibus, recepere sanitatem. Quibusdam ipsa fides, & in Beatum amor opem attulisse videtur: nam, cum alia deessent, pulverem ex lapide sepulchrali modicè abrafum, ad varios morbos valuisse læti senserunt. Matrona illustris (cujus nomini parcimus) cum aliquando de Sanctis in Metropolitana Ecclesia conditis mentio fieret, & nescio quis ex domesticis B. Joannem nominasset, illa indignans supercilio sublato: *quem, inquit, tu mihi Beatum Joannem nominas? nihil de illo Roma scit. colitur ille perperam à rudibus, neque venerationem hanc meretur: nam si Sanctus esset, pridem eum Pontifices in Sanctorum numerum retulissent.* Post dies aliquot eadem Matrona, cum in Templo, nihil jam de B. Joanne cogitans, orat, reperit in Libello suo Beati Effigiem capite radiato in habitu Canonicorum venustissimam, quam antè nunquam viderat; paulò post, cum in scriniolo suo aliud quærit, alia item ejusdem Beati effigies, quasi sponte venit in manum; ea res ità tenerum Matronæ animum vulneravit, ut confestim in lacrymas soluta B. Joannem Nepomucensem inclamaret, die altero ad Ecclesiam Metropolitanam profecta, confessione peccatorum præmissâ, Divinam Eucharistiam sumsit, & sepulchro B. Martyris advoluta, audaciæ veniam postulavit. Nec omittenda est Religiosi cujusdam Viri temeritas, divinitus ut videtur castigata: hic in disceptatione cum socio, negabat rite fieri: quod B. Joannes à Populo coleretur, addebat cum quodam stomacho: malè agere eos, qui cum facillè impedire possent, cultum hominis, de quo nihil sciatur, tolerarent. Nondum abierat dies, gravem ægritudinem in se venire sentit, tremore artuum insolito concutitur, ac nè causam ignorare posset, simul B. Joannem de se vindictam sumere ultro succurrit. Neque dolor, neque tremor cessavit, donec æger B. Joannem vo-

B. Joannes  
imploratus  
eos adjuvat  
qui de bo-  
no nomine  
periclitan-  
tur.

Quædam  
alia Miracu-  
la.



De Lampa  
de ad ejus  
sacrum Tu  
mulum.

to honorâisset, ac veniam postulâisset; rem ut erat gesta, Vir Religiosus ipsi ad perpetuam memoriam scripto testimonio consignavit.

Ardet ad B. Joannis Tumulum suspensa lampas, ut antè dixi; ex ea lampade *Servus Capellæ* (ita Templi custodem appellant) oleum omne effuderat, oleique loco *Aquam puram* infuderat, ut focium (cui commissa lampas erat) vexaret; accedit omnium rerum ignarus socius, alter *Æditimus* (prior illo procul observante, & benignam sibi socij irridendi materiam oblatam gaudente) accenditur lampas, & quasi oleum adesset, sine omni elemento pugna exardescit, nitidissime lucet; territus rei novitate jocularis ille *Servus*, fatetur, quid egerit, uterque agnoscit miraculum, plures *Ecclesiæ Ministros* advocant, rem ita se habereprehendunt, DEUM in servo suo B. Joanne glorificantes.

Sacrilegio  
infelici ve  
xatur sacer  
Tumulus.

Stat super B. Joannis Tumulum Candelabrum ex aurichalco ingens, cuius pedem inter cætera spolia, excisâ Urbe Mediolanensi, à Friderico Barbarossa Casare, Wladislaus Bohemiæ Rex ante annos facile quingentos, quod e Salomonis Templo fuisse diceretur, Pragam attulerat, & Ecclesiæ S. Viti donarat; eum pedem Antiquitas aurichalco inductum jam ab annis centum octoginta (quod numeri adscripti docent) in candelabri formam aptavit, & sepulchro B. Joannis imposuit, quod in Manuscriptis codicibus Templi, Candelabrum B. Joannis appellatur. Id candelabrum nostrâ memoriâ sibi summi ornandum Serenissimus Archidux Leopoldus, Ferdinandi III. Caesaris frater, & Statuas Omnium SS. Bohemiæ Patronorum suo quemque in habitu (quos inter B. Joannes spectatur) itidem ex aurichalco apponi jussit supernè in orbem quasi in corona stantiû gratioso spectaculo, à bonis artificibus perfectas. Hoc opus cum sacrilegi quidam intuerentur, & aurum esse crederent, defraclant B. Joannis statuam, quæ cæteris formosior videretur, rapuere. Magna illis sacrilegium attulit curam, quippe diu noctûque laniabatur intemperimens, ut nec somnum, nec quietem ullam capere possent; adacti igitur à tortore, & monitore assiduo, quem habebant intus, retulere statuam, & ad Tumulum B. Joannis, & postea ad sacrum Pœnitentiæ Tribunal advoluti, rem omnem Sacerdotibus aperuere.

Hactenus de B. Joannis vita, & miraculis narratio; porrò, nè queruâ laude defraudem, præcipuam mihi materiam suppeditavit Illustrissimus & Reverendissimus D. Joannes Ignatius Dlauhovvesky de Longavilla, Protanotarius Apostolicus, & S. Metropolitana Pragensis Præpositus, nec non Exemptarius Wissebradensis, & Collegiata Veteroboleslaviensis Ecclesiarum Canonicus hodie verò Milevitanus Episcopus, & Suffraganeus Archiepiscopi Pragensis qui suas ad me literas anno superiore in hunc modum conclusit: mitto, quæ de Beato nostro Joanne Nepomuceno invenire potui, eaque ex varijs fidelissimis



indubijs manuscriptis collecta sub fide Sacerdotali communico. Faxit igitur DEUS, ut quem honoramus in terris, ejus consortio perfruamur in Cœlis!

Oratio ad S. Joannem Nepomucenum, Confessarium Conjugis Wenceslai Regis &c. quam tribus lingvis conscriptam, & in Tabulis ante Sacrum jus Tumulum appensam, Populus recitare consuevit.

**S**ancte Joannes Martyr, ac Patrone, Nepomuci in Regno Bohemie oriunde, Templi S. Viti in Arce Pragensi Canonice, eò quòd ad instantiam Wenceslai IV. Regis (ulcisci se de Coniuge, sæpe illum de vita corrigenda monente volentis) ante, & post torturam, Confessionem Auguste propalare recusasti, in Flumen Muldavam ex Ponte præcipitatus, à Luminibus noctu supra flumen, ubi corpus tuum jacuit, apparentibus, certissimis tuæ innocentie, & Sanctitatis testibus ostensus, solenniter ab universo Clero, ac Populo ad Cathedrale Templum deportatus fuisti, ubi usque hodie, qui tuum sepulchrum dehonorat, vulgi infamiam effugere non solet, tueri admirandam, inauditam, ac sempiternam memoriam secreti Exomologeseos post te reliquisti; per hæc tua merita, & dona Divinitus tibi concessa, precamur suppliciter, ac fiducialiter, apud Omnipotentem DEUM eam impetra nobis gratiam, ut ira ejus conquiescat, peccatorum poenas, uti Pestem, Bellum, Famem, aliasque tam corporis, quàm animæ plagas clementer avertat, & ut Nos ante obitum constiteri, pro peccatis satisfacere, omne periculum, & sæculi dedecus, Hominum scandalum effugere, DEO placere, adherere, vitam laudabiliter concludere, & ad vitam æternam pervenire possimus. Per IESUM Christum Dominum, ac Salvatorem nostrum, Amen.

Oratio ad  
S. Joannem  
Nepomuc:

Intricatus  
sensus.

#### AD VITAM B. JOANNIS NEPOMUCENI.

Notet Lector eruditus: Dubravium in historia Bohemie asserere, cum B. Joannes Nepomucensis in Muldavam abjectus esset, fluvium quasi indignantem fluere noluisse, ac coepisse minui, sic ut vado transiri posset; sed istud Annis post X. accidit 1393. 19. Aprilis, cum videlicet idem Rex Wenceslaus alium Joannem Suffraganeum Archiepiscopi Pragensis mergi jussit. utrumque miraculosum fuit (ut ex MM. SS. eorum qui tum vivebant, & fieri videbant, constat) fluvium scilicet morte B. Joannis Nepomuceni subito excrecere, & morte alterius Joannis Suffraganei amitti; at bonus Dubravius duos Joannes confudit in unum (vide Epitomen historicam nostram) nisi fortè distinguenda sint tempora, ac primum intumuisse Muldavam, deinde paulò post exaruisse (quod Paulus Zidek vicinus eorum temporum affirmare videtur) dicamus.

lib. 23.

De miraculo excrecentis fluvij in morte B. Joannis.  
Epi. l. 4. C. 1.  
Zidek in Instr. ad R. Georg.

#### §. LX.

Zbynko ab Hasenburg, VI. Archiepiscopus Pragensis, vitæ Sanctimoniæ, & in Hussum odio celebris, veneno ab hæreticis propinato pro ovis suis mortuus.

**A**nno Domini 1402. 19. Septembris sublato è vivis Nicolao Puchnik Electo Archi-Episcopo Pragensi sufficitur à Collegio Canoniorum Ecclesie

Man. MS.  
Eccl. Prag.



Zbinko Pre-  
 ful insignis. *cleria Pragensis An. 1403. Zbynko vel Sbynek Hasenburgius, eodemque ipso*  
*anno, Novembris initio, consecratur. Præful hic natalibus, & virtute illis*  
*stris, etsi altioribus, & interioribus literis non emineret, fortem & heroicum*  
*animum ad regendum attulit, hæreticorum odio flagrabat in primis; exci-*  
*tabant eum ad justas hæc iras Summi Pontifices, Gerson Parisiensis Universitatis*  
*Cancellarius, tum ex Universitate Pragensi complures, præcipue Andre-*  
*de Broda Magister artium, & Theologiae Baccalaureus formatus vehementer*  
*fimis literis, quæ in Raynaldo, & Cochleao leguntur; sed opus non erat in-*  
*tare sponte currentem. An. 1410. Hussium jam apertius adversus Ecclesiam*  
*insurgentem, & insanientem, ad se vocavit, tamque gravi, & potenti oratione*  
*castigavit, ut perterritus ille, meliora omnia, seque in officio futurum, &*  
*quieturum sanctè polliceretur, imò & quæ pro concione dixerat, revocaturum.*  
*Zbynkonus orationem luculentissimam, & Hussi responsum recitavit*  
*Hagecius; sed nimirum hæresis ut tenax hedera hæc, & hæc arborem implicans*  
*errans (ait Poëta) ubi semel Imagines mentis infuscavit, nunquam bonæ*  
*fide deletur ex animo; reversus ad ingenium est Hussius, neque intra min-*  
*Zbynkonus oratio fuisset, nisi Sophia Wenceslai Caesaris Conjux (cui Hussius*  
*confitenti aurem dabat) & per eam ipse Wenceslaus Caesar Hussij patrocini-*  
*um suscepissent. Eodem Anno 14. Julij de consilio Ecclesiæ suæ Prælatorum*  
*omnes suspectos de hæresi libros, præcipue Wiclef Opera in aream Archiep-*  
*scopalis Domus (quæ sita fuit in minore Urbe Pragensi, prope Pontem ad de-*  
*tram intrantibus) undique conquisitos, & unum in acervum comportatos*  
*jussit comburi; amplius ducenta Volumina pretijs maximis à librarijs scriptis*  
*(nondum arte typorum inventa) fuisse traduntur, quorum librorum ven-*  
*statem cum aureis bullis, & umbilicis, Silvius mirificè commendat; sed ni-*  
*mirum in aureo calice propinabatur venenum. Ex ea re tantum sibi hæret-*  
*corum odium Zbinecius paravit, ut & Hussius rabiosis declamationibus, &*  
*vulgus hæreticum maledicis cantilenis Archiepiscopum non cessarent prosci-*  
*dere; videbant salvo Zbynkone se & hæresim perituram; ad extremum Pra-*  
*sulem tollendum omnes decernunt, & commodum Zbynko, cum nullum*  
*auxilium à Wenceslao Rege sperare posset, ad Sigismundum Ungariæ Regen-*  
*consilij, & opis necessaria gratiâ, descendebat; Cocus Præfulis pecuniâ co-*  
*rumpunt (quindecim aureis, non amplius, mors tanti, & tam egregij Præful-*  
*lis emta est) id venenum Pragâ secum Cocus avexit, & Posonij, Domino, an-*  
*quam ad Sigismundi præsentiam admitti posset (ut disertè tradit Stephanus*  
*Palecz Vir Catholicus in Epistola sua apud Cochleum) porrexit; 28. Septem-*  
*bris, ipso S. Wenceslai die Posonij extinctus est, cujus pretiosam mortem in*  
*conspectu Domini fuisse nemo è Catholicis dubitabit, quam scilicet hæresis*  
*intulit, docto eloquenti, sancto, & quod caput est, strenuo Religionis anti-*  
*quæ Defensori, ac Vindici, quos titulos Dubravius, Silvius, Cochleus, Zbyn-*

Coch. l. 1. h.  
 stor. Huss.  
 Raynal. in  
 Ann. Eccl.  
 ad A. 1409.

Hussium  
 oratione a-  
 cerrimâ ca-  
 stigmat.

Hag. ad 1410  
 Epi. l. 4. C. 6.

Libros hæ-  
 reticorum  
 comburit.

Silv. in hist.  
 Boh.

Venenum  
 ab hæreticis  
 Zbinkoni  
 porrigitur.

Obitus in  
 caussa Reli-  
 gionis.

Dubrav. in  
 hist. Boh.  
 Coc. l. 1. Huss.  
 Silv. l. c.  
 Zalansk. in  
 Vir. Huss. l. 3.



oni tribuerunt, contra hæreticos Scriptores, qui odio occupati, *Abecedarium* *piscopum*, aliisque indignis nominibus appellant. *Cocus*, ut hoc obiter djiciam, in suspicionem vocatus, tormentis examinatus, confessus est cædem *Brodae* quatuor *Pragæ* milliarijs, terrifico supplicio, Equis discerptus est.

## §. LXI.

Petrus Lazurus Abbas Opatovicensis Coenobij Benedictinorum cum aliquot Socijs, quod sacros Ecclesiæ Thesauros prodere, & tradere nollet, occisus 1415.

**N**on auderem profectò *Petrum Lazurum* accensere Martyribus, nisi Ecclesiasticas historias, SS. Patrum authoritates, *Menologia* & *Martyrologia* haberem in partibus, qui eos, qui vel sacros libros, vel Ecclesiarum pecunias, vel opes cæteras Tyrannis tradere noluerant, & in ea causa mortem oppetierant, celebrant ut Martyres. nota est *S. Laurentij* passio, nota *S. Leonis Papæ* sententia: *impious persecutor, si Laurentium fecisset* *pro pecunie traditorem, fecisset etiam veræ Religionis exsortem.* *Opatovicense Cænobium* in *Bohemia* omnium *Bohemiæ* Cænobiorum ditissimū est, ut ex *Hagecio* pridem narraui; causa opum clara, & evidens, quod in *Cænobium* nemo nisi nobilissimæ, & avitæ stirpis admitteretur, inferrentque hereditates ditissimas. *Miesteczky* clarus genere, sed virijs clarior miles, ex *Bohemiæ* Procerum gente, quæ scalas cum aduncis ferreis cuspidibus, quales in oppugnationibus Urbium adhiberi solent, gestabat in *Clypeo*, cum audisset, quæ *Carolus IV.* olim de sacris illis opibus *Aulicis* suis narraverat, concepissetque, ingentes divitias Ecclesiarum occulto quodam loco *Cænobij* servari, An. 1415. 2. Novembris cum pauculis suorum ad *Abbatem Petrum Lazurum* venit; appetebat prandij tempus, humanissimè ad triclinium invitatur; dum securi rerum omnium *Monachi* prandent, adsunt plures *Miestecij* *Satellites*, paulò post alij majore numero, tandem alij super alios irruunt, qui novissimi, fores *Cænobij* occupant, *Monachos* obvios convulnerant, & contrucidant; tum primū *Miestecius*, quid venisset, ostendit, & in medijs pulvis, in hospitali mensa *Abbatem*, & *Seniores tres*, quatuorve Patres *Latro* celeratus adoritur: jubet sibi protinus *Ecclesiæ* thesauros, & quidquid opum in *Cænobio* abditum haberent, argentum, gemmas, & aurum exponi, negantes id fas esse, vinculis constringit, tormentis excruciat, multos dies iterat tormenta, cumque eo pacto nihil extorquere posset, junioribus fratribus in misericordiæ speciem ejectis, spoliato Templo, & raptis cimelijs omnibus, *Abbatem* (quem *Virum Sanctum* vocant Scriptores) relinquit pro mortuo;

*Strans. in Rep. Boj. Lupac. in Calend. hist. ad 19. Junij Hag. ad A. 1411. Theob. in Hussit. P. 1. C. 7.*

Inter Martyres numerantur, qui Libros, aut bona Ecclesiarum tradere noluerunt. 1415.

*Epit. hist. l. 5. C. 5. & l. 3. Miscellan.*

*Miesteczky* stratagemam in occupando Opatovicensi Coenobio.

Excarnificatio Religiosi.



paucis post diebus dolore vulnerum *Petrus Abbas* expiravit; expirasse etiam seniores significant quædam *manuscripta memoria*. Vir Patriæ Historiæ primis peritus, affirmat, *Petrum Lazurum* eundem fuisse, qui *Carolo IV.* th. fauros *Opatovicenses* ostendit, sed istud Chronologia, & ratio temporum non permittit sentire.

## §. LXII.

Multa millia Martyrum in Bohemia Hussiticis temporibus, Testimonio Pij II. Papæ occisa; Vir Nobilis in Bohemia exuri sibi patitur tibias potius, quam hæreticorum partibus accedere vellet.

Testimoni-  
um Pij II.  
Papæ de  
multitudi-  
ne Martyrū  
in Boh.

Eques Mar-  
tyr.

Hag. ad A.  
1419.

Sil. in hist.  
Boh.

Epit. lib. 4.  
à C. 5.

Cochl. &  
Theob. in  
Hussit.

Avent. l. 8.  
hist. Bojor.

Ziskka 500  
Sacerdotes  
suâ manu  
perimit.

**R**Em totam, quam Titulo promisi, verbis *Æneæ Silvij*, postea Pij II. conficiam: is igitur Alfonso Magno Regi Arragonum Bohemiam historiam à se scriptam offerens, hæc inter alia habet in Præfatione Bohemis loquens: *Viri, inquit, constantes, qui vel exilium, vel carcerem, vel cadem pro testamento Christi fortiter pertulere, cum Rege suo in cælo regnant, ex aliena victoria triumphantes, quorum multa millia Bohemia tulit, nam, sicut Hussitarum insania Bohemicum nomen labefactavit, ita & virorum fortium constantia illustravit. nec Provincia est, quæ tempore nostro plures Christi Martyres, quam Bohemia protulerit. Inter quos Equitem fuisse non est ambiguum, nobilibus parentibus ortum, quem captum ab Hussitis, admotum ignibus, pedes primum, deinde tibias, mox genua, coxasque, postremo reliquas corporis partes exuri passum, quam illorum insaniæ consentiret.* hæc Silvius. Quis ille Eques, aut quâ stirpe illustri genitus fuerit, etsi nulli diligentia pepercim, rescire non potui. Porro de Martyribus, & cædibus Catholicorum quas sangvinarij Hussitæ in Bohemia perpetrarunt, legantur Hagek, Dubrovius, idem Silvius, Epitome historica nostra, & qui de bellis Hussiticis egerunt Cochleus, & Theobaldus. Aventinus quamvis hæreticus, & dubiæ fidei Scriptor pro certissimo affirmat: Ziskam cum Taboritis suis facile 550. Sacerdotiorum Foundationes evertisse, longeq; majorem Sacerdotum numerum peremisse. In Epitaphio Attilæ hujus Bohemici legimus, Ziskam suâ manu & ictu clavæ ferreæ, quingentos Sacerdotes occidisse; quâ in re etiam cæcis fumâs & tenerrimas delicias habebat: manu alterâ in Capite Sacerdotum coronam tractare, dextrâ ictum lethalem infligere; quâ imagine expressur Ziskam, in hæreticarum Urbium parietinis, non semel spectavi. De alijs hæreticorum, qui succedere Ducibus prudens Lector faciat conjecturam; ceterum nihil illi, duo Procopij Taboritarum, & Orphanorum Duces, ut alios tace-



m, concesserunt, *Crugerius Pulverum* Bohemiæ diligens Scriptor, existimat, *trices centena hominum millia* (scio quid scribam, *tres hominum milliones*) ex Catholicis, omnium nationum, Cruce signatorum &c. in Hussiticis bellis cecidisse tum in acie, qui pugnârint, tum qui in Urbibus captis perierint; eos verò qui nihil moverint, & pro Religione in Cœnobijs, claustris, Collegijs Canonorum, & Parochijs cæsi sint, item qui oppressi hæreticorum adventu repentino exturbati sint è vita, unius Religionis odio, extinctos acilè *centum millia* numerari posse; *ducenta* ampliùs Cœnobia ab uno *Ziřka* excisa, everfa, & in cineres cum Religiosis Incolis redacta fuisse.

*Ad 18. Sept.  
812. Octob.*

Ingens numerus Catholicorum occisus ab hæreticis.

## §. LXIII.

Undecim Consulares Viri Novæ Urbis Pragensis, cum Nicolao Urbis Judice ob Religionem defensam crudelissimè necantur.

**Z** *Isřka*, qui mortem *Hussi* contra fidem datam, ut jactabat, factam ulcisci, quacunque demum viâ posset, statuerat; ut aliquod *Pragæ* initium turbarum daret, suosque sanguini assuefaceret, simul ut grandi aliquo facinore perpetrato nullam gratiæ spem haberent, ideòque *Duci* suo fideliores esse cogerentur, 30. Julij An. 1419. Plebem concitat, & quicquid hæreticorum, & sceleratorum hominum colligere potuit, secum rapit; primus impetus in Cœnobium *Carmelitanum* factus est (quòd *Carmelitani Patres Constantiæ in Hussum*, ac præcipuè *Hieronymum* testimonium dixissent) inde *Paræcia S. Stephani* expugnata, *Parochum* occidit, & ex longa trabe per fenestram suspendit; causam in *Epitome ex Theobaldo* adduxi. Interea *Senatus Novæ Urbis* in Curiam congregatur, ut si possent, seditionem consilio federent: erant Viri Catholici omnes, præsertim *Nicolaus Judex*, qui jussu Senatus sæpius clandestinas coitiones, quibus malè feriat homines hæresin suam firmabant, & adversus legitimos Magistratus, *Ziřka* incentore, conjurabant, dissiparat; nihil verò *Ziřka* ferebat ægrius, quàm quòd nuper *Senatus Decretum* tulerat, nè *SS. Christi Corpus in Monstrantia* sinè autoritate publica per plateas Urbis circumferretur, quo velut instrumento aptissimo ad concitandas turbas plerumque hæretici pietatem prætexentes sceleribus, utebantur. Primus *Ziřka* voce sublatâ *Senatum* ignominiosè appellat, sequuntur comilitones cæteri; denique *Ziřka* in Curiam ducit, & prius jurgatur cum Senatu, armatus ipse cum armatis suis proximum quemque vulneribus conficit, ac nè sui, qui ante Curiam stabant, otio marcerent, aliquos ex *Senatu* magis exosos è fenestris præcipitat; hos illi cadentes ex alto acutis excipiebant hastilibus, & si quid superesset vitæ, tribulis ferreis excutiebant; tredecim *Hagecius & Theobaldus* eo die cædes factas scribunt; Undecim Senatores, *Nicolaum*

1419.

tumultus à *Ziřka* excitatur.

*Theob. in  
Huss. P. 1. C.  
29.*

*Dubr. l. 24.  
Epito. rer.  
Boh. l. 4. C. 5*

*Senatus Novæ Urbis trucidatur.*



Hag. ad A.  
C. 1419.  
M.S. Chro:  
Boh. tit. Co  
sules ex Cu  
ria præcipi  
tati.

Nomina Se  
natorum  
Catholico-  
rum, qui  
cæsi ab hæ-  
reticis.

Nota.

Ziska Dux  
sceleris.

laum Judicem, ejusque famulum seu apparitorem, cæteros ex Senatu, matu-  
rè sibi consuluisse. Scelera hæc non per tumultum, sed ex destinatò, & ini-  
to longè antè consilio perpetrata significat *Hagecius*; Catholicæ Religionis  
odio cæsos, nemo unquam dubitavit. Hanc Tragœdiam longè aliter reci-  
tat coævus, quanquam & ipse subleste fidei Scriptor in M.S. Chron. cujus ver-  
ba in latinum conversa adducam, præsertim quòd nomina fortissimorum  
Virorum, quæ alibi non leguntur, apponat: An. 1419. die Dominico in fe-  
sto S. Abdonis instituta est solennis Supplicatio ab Ecclesia B.V. ad Nives ad S.  
Stephanum, quòd venientes fores clausas invenère; itaque effregère S. Stephan  
januas, & ingressi Missam dixerunt, Eucharistiam sub utraque specie Populi  
porrigentes. Dum à Processione redirent, ad Curiam Novæ Urbis restitè-  
runt paululum postulantes, ut Consul, Senatus ac Judex dimitterent liberos, quo  
propter usum Calicis carceribus attinerent, respondit intrepidè Senatus: id  
facere non posse; interim ex Curia nescio quis in Sacerdotem hæreticum, qui  
supplicatione Populi Monstrantiam, ut dicimus, gestabat, lapidem jecit; undè  
processio turbata in Curiam impetum facit, & Curiam occupat: ante omne  
Magistro Civium vis & manus illata, Joannes Podvinsky dicebatur, tum Cle-  
mens Sstiašnik, Thomas Pellio Consules, Czenko Patriarcha cognomine, Rze-  
hla Drevonik, Joannes Humpolecz, Wenceslaus Barborzin, Joannes Kaba-  
Nicolaus Sasyn Judex arrepti. Judicis famulus Gregorius Walcharz infr-  
in Culina Curie mactatus est. Hos Senatores quos nominavi, & quosdam  
alios immisericorditer & immaniter peremere: nam omnes ex fenestris Senacu-  
dejecti necessariò in hastarum cuspides, in veruta, gladio & ficas incidebam  
& si qui innoxie cecidissent, ferratis flagellis trucidabantur. Hæc Scriptor ejus  
temporis, qui etsi hæreticus facinus detestatur, simulque satis ostendit un-  
cam cædis causam Religionem fuisse! ad extremum totum hujus sceleris ordi-  
nem Ziska præsentì imputat, quem ait, (quod notari meretur) præ cater  
Aulicis Regi Wenceslao fuisse charissimum, & perquam gratiosum.

## §. LXIV.

Carthusiani undecim (spoliatâ priùs ab hæreticis  
& incensâ Pragensi Carthusiâ) spinis coronati, pe-  
Pontem ducuntur, Urbe pelluntur, ac deniq;  
necantur immaniter.

1419.

Dubr. hist:  
Boh. l. 21.

**E**Rat Praga perillustre tam à Sanctimonia, quàm à doctrina Cœnobiu-  
Carthusianorum, Hortus *MARIÆ* appellatum, An. 1341. ab Joann  
Bohemiæ Rege conditum, & magnificè fundatum (cujus Cœnob  
originem, dotationem, Viros præclaros, aliâque huc spectantia suo tempo-  
re, ac loco commemorabuntur) hoc tempore Marquardus Wartembergin  
Ca



Carthusiæ Pragensis Prior, *Hussi* acerrimus infectator, accusator, & hæreticorum *Pragæ* malleus ab ijs maximè designabatur ad cædem, tótque ac tam multiplices erant insidiæ, ut de comuni amicorum, & Catholicorum confio cedere tempori, & *Pragâ Brunam* velut in exilium discedere cogeretur, uæ profectio *Priorem*, ejusq; itineris comites aliquot morti subtraxit; nam- ue interea *Pragæ* horrida ab hæreticis excitata tempestas An. 1419. 31. Julij in Carthusianos incubuit, quam *Hagecij* Bohemiæ Principis historici narratione in Latinum versâ, fideliter recitabo: *Manè die SS. Abdonis, & Sennen* 319. *Nova Civitatis Pragensis* seditiosi Incola iterum ante Curiam conveni- ent, &c. Monasterium *Zderasense* invadunt, spoliant, incenduntque. For- e per id tempus ante cataractas, & molarum aggeres, lignorum plurimæ rates appulerant, ut ad alteram *Muldavæ* ripam tutò liceret transgredi; ergo fax hominum furiosa transeunt, & in Cænobium *B. Virginis in Augezd*, quod *Jo-annes Rex cæcus* An. 1341. splendidissimè exedificarat, irruunt, spoliant, & sub- ecto igne concremant. Monachos venerabiles senes vinctos trahunt in Vete- rem Urbem, Capitibus eorum coronas spineas imponunt, habentque ludibrio. Postquam ad Pontem medium ventum est, quidam è Ponte deiciendos, & mer- gendos esse clamant, alij repugnant, rixa ac deinde pugna ipsorum hæreticorum exoritur, vulnerati non pauci, duo etiam occisi sunt. Ejus totius sceleris (in Carthusianos) & sacrilegij admissi causa in *Joannem Bradaty* veteris Urbis Consulem conferebatur. Quidam *Marzik* ex *Nova Civitate* Coriarius, in- dutus habitum Sacerdotalem, calicem sacrum manu præferens, tripudiânsque, & gesticulans, Carthusianos anteibat, quos in carceres *Antiquæ Urbis* in ipsa Cu- ria (undecim numero) detrusere arctè foribus conclusis. Senatui *Antiquæ Ur- bis* Tumultus iste non placuit, ideoque citatum sacrilegum illum *Marzik* con- jecerunt in vincula, & sero diei illius (quantumcunque Consul *Bradaty* repugna- ret) velut tumultus in quietâ urbe auctori, caput amputari jusserunt. Altero die Senatus Carthusianos invisit in carcere, reperti sunt non ampliùs decem, cum pridie undecim intrâssent; ergo vectibus, & seris multiplicatis, arctiùs custo- diri jusserunt, tertio die reperti sunt novem; quærent Consules, quò duo jam fratres devenissent? respondent: dum unâ cum ijs nos omnes in faciem procum- beremus, DEUM pro nobis, & inimicis nostris orantes, nescimus, quò deven- rint; responso dato Carthusiani reducuntur in carceres. Paulò post Senatus universus cum Consule *Joanne Bradaty* in carcerem venit, alloquuntur singulos, & magnâ diligentia sæpius numeratos novem restare comperiunt, tum disce- dunt, atque in præsentia sua oppressulari diligenter omnia jubent, nec istâ diligen- tiâ contenti, annulis, & sigillis suis fores ipsas, seras, & quidquid ejusmodi fu- it, obsignant; Manè altero reversi, unum iterum desiderari vident, octo tan- tum relictis; attoniti rei novitate, quærent: ubi nonus, quem heri viderant, esset, quò devenisset? respondent Carthusiani: charissimi Filij, ut jam dixi-

Carthusia  
Pragensis  
excisa.

Hag: in An.  
Bob. ad An.  
1419.

Carthusia-  
ni ignomi-  
niosè in Car-  
cerè ducti.

Prodigiosè  
Carthusia-  
ni ex carce-  
ribus emit-  
tuntur.



Pontan. l. i.  
Boh. Pia.

Carthusia-  
ni cū Sedle-  
censibus in-  
terfecti.

Quo die va-  
kata Car-  
thusia.

Theob. in  
Hussitici.  
P. i. C. 29.  
sed male A.  
1418.

In Tract. de  
Cenobijs  
Carthusia:

Quinā Car-  
thusiani Sed-  
lecijs depre-  
henfi & ne-  
cati sint.

mus, nobis orantibus, quò alteri, & iste devenerint prorsus ignoramus. Sedit natus ergo miraculo flexus, liberos omnes esse jubet, & protinus è carcere dimitti, dato etiam comœatu, & ex satellitibus comitatu, qui in Moraviam itur deducerent, & securitatem præstarent. Hæc Hagecius, & in Bohemia Pi Bertholdus Pontanus, Metropolitanæ Pragensis Ecclesiæ Præpositus, ex quibus & miraculi magnitudo, & Christi Pugilum fortitudo cognoscitur; factes profectò, qui ad Christum extra castra, improprium ejus portantes exierunt, & imitatione Christi spineam coronam ferentis præluserint morti! nam (quod ad alia properans omisit Hagecius, sed alij Bohemiæ Scriptores, Paulus Zidek vicinus eorum temporum, & Bilejovius tradiderunt) Carthusienses Pragâ relegati, & Sedlecium ad Cisterciense Cænobium progressi, remisèrunt Comitatum Satellitum, ibique apud amicos Patres, & Fratres confederati. Non multo interjecto tempore, alia hæreticorum manus (qui postea Campes tres appellati sunt) in Sedlecense Cænobium incurrit: spoliatur rebus omnibus Cænobium, Religiosi Viri aguntur præcipites, alij exquisitis suppliciis necantur, natant religioso sanguine pavimenta, Tempia, & Altaria sacrilegijs contaminantur; ibi quoque Carthusienses Nostri cum Cisterciensibus a hæreticis deprehenfi, Religionis odio, pridem prædammati, vitam profuderunt cum sanguine. Hactenus ex narratione Hagecij, Pontani, Theobaldi &c. at M.S. Chronicon coævi Scriptoris hæc acta Pragâ non die ultimâ Julii sed in Augusto (die Jovis post Assumptionem Dei Maris) disertè tradit; cui subscribunt alij quoque Codices Manuscripti, quorum unus tradit, Carthusianos Patres prius à furentibus in Cænobio baculis & fudibus, crudelissimè verberatos, cū ducerentur, cæruleis vibicibus lividos, luto & cruore oblitos miserum de se spectaculum præbuisse. Unum illud de cæde Carthusianorum Pragensium Sedlecij expedire satis tūrè non possum: RR. PP. Carthusiani in Memorijs suis antiquis nihil tale reperiunt, sed Pragâ eductos Brunam apud Moravos (quò jam Prior Pragensis Marquardus ex nobilissima Wartembergicorum stirpe prognatus, ut alibi probavimus, pridem præcesserat plerosque tenuisse significant. Quid igitur Authoritati Veterum faciemus dicendum necessariò erit: alios ex Pragensibus Brunam pervenisse, alios Sedlecij hæsisse, aut (quod verisimile prorsus mihi visum est, idemq; affirmat in chartulis suis Georgius Crugerius Societatis nostræ Sacerdos peritissimus historiæ patriæ) eos Carthusianos, qui Sedlecij apud Cistercienses necati scribuntur, ex Podiebradiensi Carthusia profugos, eo tempore Sedlecium advenisse favet vicinitas locorum, favet utriusque Cænobij vetus fraternitas, favet causa communis, & hæreticorum internecina hostilitas, favent aliæ omnes conjecturæ, ac potissimum, quòd eâ ratione in speciem discordantes, bene conciliantur sententiæ.



## §. LXV.

Clatovienses, & Pisecenses hæretici Cœnobia  
Prædicatorij Ordinis apud se sita invadunt, ac  
Religiosos Viros crudeliter interimunt.

**N**on potest explicari satis, quàm citò scelera, & scelerum exempla vul-  
gentur in populum, ac propagentur: vix pauca illa, quæ antè dixi,  
Cœnobia arserant Pragæ, jam & Pisecæ, & Clatoviæ Pragâ procul, Ci-  
es consurrectione factâ, suorum Religiosorum Conventus immeritos occi-  
lunt: odio capitali in Ordinem Prædicatorum Viris doctrinâ, & pietate cla-  
issimis ferebantur hæretici, ideoque cupidius, atque atrociùs egere; utrobi-  
que magnifica prorsus, & augusta stabant Tempa, Cœnobia omnia lapidea,  
ut laterculis constabant, manibus multa dejecta sunt, quæ flammis non con-  
siderant; Religiosi ipsi, ut fors tulit, aut ensibus transacti, & concisi, aut tri-  
bulis ad mortem verberati. Hæc gesta: 1419. inter 17. aut 20. Augusti, nam  
variant Authores. Non palmare tantum, sed triumphale omnino facinus  
lixerim Pisecensis Sancti Dominici Familiae; quibus, cum hæretici optionem  
ledissent, vel è vestigio Missam dicere (etsi jam dies in vesperum desineret)  
c sub utraque specie Laicis, hæreticorum ritu, Eucharistiam porrigere; aut  
inter extremos cruciatus perire, postremum unâ omnes elegerunt, nullo sup-  
plicia, quæ parata videbant, recusante. Illud & in his, & in aliorum quoq;  
Cœnobiorum excidijs (quæ nunc subjiciam) magnopere dolendum: Nomi-  
na gloriosissimorum Virorum nusquam annotata apparere, præter paucissi-  
mos: sed nihil mirum; nisi mortui, aut morientes, scribere non poterant,  
cum hæretici ipsam etiam terram, taceo memorias, si quas reliquerant, in  
qua sacri homines steterant, è rerum natura auferre molirentur. Agunt de  
his cædibus Theobaldus, Cochlaus, Hagek, aliique omnes, qui bella Hussiti-  
ca prosequuntur. Laurentius de Brzezyny sacrilegium hoc à Pisecensibus A.  
1419. Dominicâ post Assumptionem B. V. patratum scribit, omnes Cœno-  
bij Religiosos occisos, Priorem unicum abfuisse paucis antè diebus Budvicium  
negotiorum causâ profectum. Adjicit: Cives Pisecenses Catholicos, qua-  
draginta numero, in exilium actos, quòd manus commodare noluerint, ne-  
que ejus Cœnobij excidium sibi placere significârint. hæc M. Laurentius.

Epit. rer.  
Boh. l. 5. C. 5.

1419.

Fortitudo  
Pisecensis  
Conventus  
Ord. Præd:

Hagek ad  
A. 1419.

Theob. in  
Hussit.  
Hagek. l. cit  
Cochlaus.  
aliique.

Catholici  
Pisecæ in E  
xilium acti.

## §. LXVI.

Novæ cædes DEO sacratorum hominum Pragæ,  
& plurimorum Cœnobiorum excidia. A. 1419.

**A**B hoc dato initio sacra evertendi, & Religiosos Viros trucidandi  
(quos ipsi inutile telluris pondus, & Cœnobia otiosorum hominum, &  
sagina



Monasteria  
Pragæ cum  
alumnis suis  
excisa.

Lup. in Ca-  
lend. hist.

Zidek in  
M. S.  
Weleslav.  
ad 3. 6. 31.  
Julij. 27.  
Aug.  
Theob. in  
Huss. P. 2.  
C. 33.  
Epit. l. 5. C.  
5.  
Laurenti-  
us in M. S.

*sagina deditorum domicilia* appellabant) incursum in alia Cœnobia pauci post diebus, nec ulla prope Augusti dies *Pragæ* sine scelere, & sanguine transivit: *Brzevnoviense* magnificum ad Pragam Ordinis S. Benedicti, *Strabovienſe* Norbertinorum æquè splendidum, & in minore Praga *Plassensis* *Præpositura* post portam Augezdenſem; *Melitenſium Equitum* in pede Pontis ac *Sanctam Reginam*, hodie ad *Catenam* dictum; *S. Thomæ Eremitarum* *S. Augustini*; Vestalium de *Pœnitentia* *S. Mariæ Magdalene* diruta sunt (duo postrema Anno sequenti etſi lacera jam, stabant, incensa tamen sunt, ut habet *Lupacius*) sacra Deo homines utriusque sexûs, quicunque non effugerant (& quis, oro, effugere eam celeritatem, & vim hostium, nisi fortè pauculapud cognatos, & amicos clàm servati, & occultati potuissent?) cæteri omne crudeliter excruciat, & interfecti varijs mortibus, paucissimi in carceres conſecti, & postea misericordiâ animos Civium aliquorum subeunte, in exilium acti præcipites. Nec minùs in *Veteri* & *Nova* Urbe sævitum: deſecta sunt *S. Clementis Prædicatorum* ad Pontem; Virginum *S. Claræ*, quod ad *S. Franciscum*, aut *S. Agnetem* appellant; aliudque non procul *S. Barbaræ* ejusdem Ordinis Virorum; ad *S. Benedictum* Crucigerorum Prutenorum; *Carloviense* *Canonicorum* *S. Augustini*; *S. Ambrosij* sub Wiſſehrado Ambrosianorum Ordinis S. Benedicti; denique *Carmelitanorum* ad *Nives*, & si quæ fuerunt alia. Quæ adduxi, omnia in Scriptoribus eorum temporum, alijsque tam Manuscriptis, quàm Typo editis *Historijs Bohemiæ* nominata leguntur: ubique plurimum factum sanguinis, direptaque omni suppellectili, Templis, & Cœnobiorum parietes deſecti, omnèsque deprehenſi *Sacerdotes* & *Monachi*, omnibus humanæ patientiæ exemplis necati.

## §. LXVII.

Auſta Sezymæa Civitas cum Incolis, & cum toto Prædicatorum Cœnobio, Religionis odio à Taboritis deletur. Ulricus loci Dominus in Castro Sedlecz captus, cum plurimis alijs Viris Religioſis ac Sacerdotibus necatur crudeliſſimè.

Hag. in An-  
nal. ad 1420

Auſtæ Ca-  
tholici occi-  
duntur.

Anno 1420. 21. Februarij die Cinerum, Auſta Civitas (Auſti Bohemis) sub Taborio ſita, *Ziſſka* Duce excinditur; timebant hanc urbeculam *Taborita*, quòd vicina Taborio (quod condere moliebantur) progressiones Urbis novæ ſiſtere una poſſe videbatur; præſertim quòd Auſtæ imperaret *Ulricus Sezyma* de Auſti ex Roſenſibus (qui cæruleam in clypeis Roſam gerebant) ortus, acerrimus Religionis Catholiçæ defenſor, & hæreticorum hostis. Ergo cum latiores epulis celebrantur dies, *Bacchanalia* dicti,

ante



ate creperam lucem diei cinerum, *Ziřka* summo silentio cum suis *Taboritis* invadit Urbem, nec nisi jam captā Urbe, cū defendendi nullum locum, nullūque tempus haberent, *Cives* hostem sensere, & continuo ad mortem cāfati. Stabat in eadem Civitate *Austensi Prædicatorum Cænobium* (de quo aliquid dicere memini, cū de *Illustrissimo* illo ordine alio in loco agerem) huc conflūere latronum sāvissimi, ut eorum, quos pessimè oderant, applicijs pascerentur. Quibus cruciatibus exturbati sint è vita, nemo veterem tradidit; totum Religiosorum gregem, seu *Conventum* crudelissimè percatum, omnes *Memoria veteres* affirmant. Tragœdiā peractā, & aliquot hominum (quod dubitari in tanta id temporis Civitatum frequentia, ac multitudine populi, non potest) millibus, incensa *Civitas*, rogos omnibus domus, & domus, & moenia super *Cives* ruere. Extant hodiēque *Austæ* vestigia, & seges est urbis vice; plateæ *Ecclesiarum*, & præcipuè *Cænobij* locus post duo, & amplius sæcula agnoscuntur; agnovi & ipse, locūque tot Martyrum cruore signatum cum lacrymis salutavi. *Ulricus de Austi*, quem super nomināram, dum caperetur *Austa* aberat, atque in vicino castro *Sedletz* dicto morabatur; in idem Castrum plurimi sese *Sacerdotes*, & *Religiosi Viri* cum *Cænobiorum* & *Ecclesiarum* suarum sacris opibus receperant. Die una post *Dominicam in Albis Taboritæ* quatuor ex sese lectis Ducibus Arcem *Sedletz* ex improvise invadunt, & occupant. *Ulricus Sezyma* loci Dominus protinus ante omnes tribulis ferreis datur in terram, & barbarā crudelitate erimitur. Mortuo *Ulrico* (tanta fuit ulciscendi rabies!) pedes & manus obcidere *Taboritæ*, eosque unā cum trunco corpore in rogam iniecere; cæteri æquè sacri ac profani homines, quicunque reperti sunt, nullo discrimine diversis mortibus periēre, arx ipsa subiectis flammis deleta.

Cænobiū  
Austense e-  
versum, Sa-  
cerdotes oc-  
cisi.

Ulricus Se-  
zymæus ex  
Procerum  
familia cru-  
deliter cum  
alijs occisus

A. 1420.

## §. LXVIII.

*Coenobia: Milovicense Præmonstratensium, & Launovicense Virginum ejusdem Instituti; Pragæ Melitensium Equitum; Prædicatorum ad Sanctum Clementem An. 1420. excisa ab hæreticis. Exules Catholici Pragenses.*

Cū *Taboritæ*, ut modò narraveram, *Austam Sezymæam* delevissent cum Civibus, in proximum *Milovicense Virorum, & Launovicense Virginum Cænobium*, utrumque *Præmonstratense* invadunt, spoliant, incendunt, ac diruunt; an in D E O consecratos homines ferro grassati sint, in silentio hæreticorum Scriptorum (qui crudelitatem suorum ubique tegunt, & excusant) certum non habeo, sed perpetua *Taboritarum* consuetudo

1420.

Milovicen-  
ses nocte ef-  
fugiunt.



Epit. rev.  
Boh. l. 5. c. 7.  
Hagek ad  
A. 1420.

Exilia Civi  
um Catho-  
licorum Pra  
ga.

Hag: l. cit.

do, qui jam tum sanguine sacro manus imbuerant, quid sit factum, ostendit  
Ex *Milovicensi*, noctis beneficio, evasisse Religiosos scripsit *Hagecius*. Lau  
novicensis Parthenonis ditiones Civitati suæ novæ adjunxere *Tabores*, quod *S*  
*gismundus* *Cæsar* postea ratum habuit, ut Jure fecisse viderentur; id unum  
scilicet calamitatibus *Bohemiae* deerat, ut sacrilegia Juribus firmarentur. Pra  
gæ quoque per id tempus quædam Cænobia deleta: *Rhodiorum Equitum*  
dictum *na Bogiffi*, *S. Clementis Predicatorum* in vico Porzicensi in Nova  
Urbe; *S. Catharinae* in eadem urbe, Virginum *S. Augustini* Instituto viven  
tium, aliæque. Exilia quoque, inter supplicia *SS. Martyribus* irrogata  
computant *Annalium Ecclesiasticorum Scriptores*; id *Pragensibus* Urbibu  
hoc Anno accidisse notavit *Hagecius*: septuaginta, & amplius Familiae Ca  
tholicae in *Urbe Antiqua Pragensi*, vacuis domibus relictis, nec pauciores in  
Nova, Religionis causâ (cui jam *Praga* locus non erat) solum (partim vi  
partim sponte, & necessitate adacti) verterunt; maluerunt scilicet vitam in  
opem, & vagam persequi cum suis, quàm excidium antiquissimarum Reli  
gionum (quod gravius omnibus supplicijs esse credebat) aspicere, & quoti  
dianis injurijs expositi vivere in medio nationis pravae, & peccatis urgentibu  
jamjam convellendæ, ac penitus dilacerandæ. Queruntur de ea solitudine &  
dorum centum quadraginta, & plurium vastitate, etiam *Scriptores* hære  
tici, dolentque cum *Catholicis* tam crudeliter actum: potuisse enim, si mol  
lius egissent, forsitan ad partes suas adduci.

## §. LXIX.

Sexaginta quatuor, Patres, & Fratres Ordinis Ser  
vorum Beatissimæ Virginis à Taboritis in Cœno  
bio Boticensi ad Ecclesiam Beatæ Virginis Anun  
ciatæ Pragæ in Rogum injecti, & flammis  
consumti.

1420.

Capitulum  
Servitarum  
Pragæ, ex ijs  
64. igne  
pro fide Ca  
tholica cõ  
busti.

Anno Christi 1420. 3. Junij. *Tabores* gens ad excidium Religionis in  
Bohemia nata in Cænobium *Servorum Beatissimæ Virginis in pratul*  
dictum, sub *Wissehrado* in Nova Civitate Pragensi ad rivum *Boticz* fi  
tum furioso impetu incurrunt. Mirabili Numinis Providentiâ factum reor  
ut per id, licet tam periculosum tempus, *Capitulum* seu *Comitia* Sancti illi Pa  
tres *Pragam* indicarent, celebrarentque; parabat nimirum Religiosissimis  
viris Lauream Martyrij *DEUS*, ideoque omnes in illam arenam collectos  
quodammodo evocarat: Nomina præcipuorum, qui è nobilissimis *Floren*  
*tia*, & *Senis* familijs orti fuere: *Augustinus Cennini*, *Bartholomæus Donati*,  
*Laurentius Nerveci*, *Joannes Baptista Patricci*. & hi quatuor Missionarij



et Concionatores Apostolici, Virique doctissimi. Tum *Fovaccini*, *Piccomini*, *Franciscus Datrius*, *Bonaventura Chuni*, *Benincasa* (prænobilis in Urbe *Senis* stirps, ex qua, nisi fallor, *S. Catharina Senensis* prodijt) *Rapaccioli* illustre genus) *Periteus Malvecz* &c. Hos congregatos hæretici adoriuntur, quærunt: velintne quatuor illorum articulis subscribere? cum negarent omnes, seque pro Fide morituros forti, & invictio pectore responderent, statim Religiosæ domui, & Ecclesiæ Marianæ ab hæreticis subjiuntur faces, aptisque ex ardente Cœnobio torribus Rogi parantur; at SS. Martyres altissimâ voce hymnum: *Te DEUM Laudamus* inchoant, & cantu lætissimo proseguuntur, velut cygni modulando morientes. Ergo injecti in rogos latronum pascebant oculos, sed & atroci spectaculo cœleste prodigium jungebatur, quippe animæ purissimæ *Servorum Beatissimæ Virginis* columbarum instar ex ipsis rogis evolantes in cœlum à *Taboritis* spectatæ sunt, ut veteres hæreticorum manuscripti Codices testantur, sed nimirum bene in SS. codice Evangeliorum de improbis legimus: *neq. si quis à mortuis resurrexerit, non credent.* Ex Epistola Manuscripta R. P. *Gerardi Ordinis Servorum B. Virginiæ* data An. 1420. 30. Novembris. Freibergâ.

Miraculum  
in eorum  
cæde.

Vide Epit:  
histor: nost.  
l. 3. C. 21.

## §. LXX.

Cœnobium opulentissimum Apostolorum Porta (vulgò Postoloprty) Ordinis Sancti Benedicti ad Launam, atque in eo Religiosi omnes ferro, & igni delentur. Nepomucense Cisterciensium Cœnobium duplex excisum.

Eodem Anno 1430. scelerati *Hussitæ*, & ex ijs ultima fax latronum conjuratione factâ, silentio comparatis rebus omnibus, *Postoloprtense* Cœnobium summâ celeritate (quod alioqui præviso periculo defendi posse videbatur) occupant, & occisis prius crudelem in modum *Monachis*, nullo inter sacrum, & profanum discrimine, diripiunt omnia, ac tandem *Eclesiam* elegantem cum toto Cœnobio succendunt; periêre eo incendio omnes reliqui, qui sese quibusdam Cœnobij latebris contexerant, tum magnavis Ecclesiasticorum ornamentorum: occisorum Religiosorum numerus longè supra centum fuit, quorum nomina scripta sunt in cœlis; Nos defectu monumentorum nominare non possumus. Dolebant Majores nostri, æquè *Hæretici*, ac *Catholici*, consumtam flammis in Cœnobio *Bibliothecam Manuscriptorum Codicum* præclarissimam omnis argumenti, quâ numerosior, & præstantior alteram, eâ tempestate *Bohemia* non habuerit. Paulò aliter rem gestam ex *Hagecio* narrat *Papocius*; videlicet: defensum à Sa-

1420.

Epit. rer.  
Boh. l. 4. C. 7

Frequentis-  
simum Cœ-  
nobiū Por-  
tæ Aposto-  
lorum ever-  
titur.

Bibliothe-  
ca pulcher-  
rima perit.

Pap: in Mo-  
naster. Boh.



tellitibus conductis summâ vi Cænobium, sæpiusque rejectos hostes (quos ille *Slanenses*, *Zatecenses*, & *Launenses* fuisse affirmat, Duce *Putâ*, & *Zavissu Barbato*, Equite *Obrovicio*, & *Petro Sspiczka* Taboritico Sacerdote, quicū assultibus nihil se viderent proficere, sagittis flammâs ferentibus, multi in locis Cænobium, quod arci, & Castello munitissimo simillimum fuit, incenderint, cædēsque reliquas perpetrârunt. Narratio à priore non multum differt; lectores in re tam antiquâ, sequantur quod volent.

Cædes sacerorum hominum Nepomuci.

*Nepomucum* Cisterciensis Instituti Cænobium in latissima valle sedebat, alterum ejusdem instituti Virginum in vicino monte viridi (*Grünberg*) procul eminebat, illud Colonia fuit Cænobij *Erbacensis*, ut pridem ostendi; di Parthenone, præter traditionem certam, nihil adhuc invēni. huc occultis itineribus ijdem Cænobio-clastæ perveniunt, unôque impetu invadunt, & capiunt; plures centum, & quinquagenis viros sacros, & Virgines DEO devotas, velut victimas, nihil pugnantés ferro variè interemerunt.

## §. LXXI.

Monachorum Castrum Cisterciensis instituti caput, & cum Religiosis viris omnibus ab Orebitis funditus deletum, A. 1420. Pragæ rogo exstructo, duodeni Brzevnovienses Religiosi, tum alii duo Catholici publicè cremantur.

1240.  
Epit. rer.  
Boh. l. 4. c. 7

Gradicense  
Cænobij  
vastatur.

Religiosi in  
terfecti.

**H**inek Krussina de Lichtemburg Orebitarum Ductor, Vir consilio, & manu promptissimus, sed partium malarum, cū suos ditare vellet, quibus legitima stipendia representare non poterat, *Ambrosij* sacrilegi Sacerdotis (qui castra, & milites *Trzebechovicij* collectos sequebatur, ac postea vel hoc merito, *Reginohradecio* in Junio occupato, *Reginohradecensem* Archidiaconatum ab hæreticis obtinuit) tum etiam Apostatæ *Matthæi Lupacij* consilio, *Ziſſcæ*, & *Taboritarum* exemplo, pecuniam facere constituit; Nobilissimum disciplinâ, & institutis optimis, numero, & ædificationibus splendidissimis, augustissimâ Basilicâ, aliisque ornamentis Cænobium erat in *Boleslaviensi* Provincia, Cisterciensis Ordinis, quod *Hradistiense*, ipsimet verò Religiosi Monasterium in *Gredis* appellabant, ut ex *Libris Erectionum* intelligimus. Dubitari non poterat, si latronum adventus patuisset, vitari excidium potuisse; at *Hinek*, nè res emanaret sollicitus, die noctūque continuatis itineribus Castrum inobservatus repente adoritur; non fuit pugna, sed victima, licet præfidiarij in re tam subita acriter locum tutarentur. Incenso Cænobio sacri incolæ, maximo numero (ut tum erant tempora) aut inter ferrum, aliâque supplicia, aut denique inter flammâs, beatas animas posuerunt.



int. Quid hæc sanctius morte, quid optatius, quam Christo sanguinem are pro sanguine, & vel cruore temperasse hæreticorum sitim, ut initius Cæcem sitirent?

Jam Praga fora rogis, ultrinis, & busticetis inflammari vidisses. 6. Julij (sacro Corporis Christi die) insidijs hæreticorum excepti Brevnovienses quidam ex D. Benedicti familia, qui incenso 22. Maij Cœnobio, & Templo augustissimo, nuper evaserant, educti in forum, & in rogi inijecti, concrenantur. Duodenos numero fuisse Brevnovienses, affirmat idoneus Aulæregius Dubravius; his in pari causa additos esse duos scribit Theobaldus, videlicet Sacerdotem Catholicum, tum Germanum quendam, qui tot sacrilegiorum, quæ videbant, odio, vocem aliquam miserant; quâ reprehensione licet verissimâ, irritati hæretici, utrumque in flammâ, & ardentem rogos iniecere.

Wes. in Calend. ad 6. Junij. Dubrav. in hist. Boh. l. 24. Theob. in Hussit. Brzevniovienses Religiosi exuruntur.

§. LXXII.

Jacobus Scholasticus, olim Rector Universitatis Pragensis, in exilium relegatur. Quatuor ex Aulæregiensi Cœnobio sacrati homines, rursusque alij quatuor in rogi impositi.

Quandam furiosæ suæ mentis imaginem in flammis habebant, & referebant hæretici; ideoque hoc pœnarum crudelissimo genere maxime sæviebant: nondum à priore supplicio sex abierant dies, rursus ad terrorem Catholicorum, præsertim sacrorum hominum excitantur flammæ, educti in publicum Cistercienses in Aulæregiæ Cœnobio educati, qui neque blanditijs, neque minis de sententia dimoveri potuissent; ergo prius omnibus contumelijs vexati, unâ in DEO spe repositâ, pro Christo, & sanctissimis Religionibus gloriosam oppetiêre mortem duodecimâ Julij: nemo erat, qui publicè condoleret, plurimi dolorem premebant in corde; at viri fortissimi lætitiâ ex causæ bonitate vultu præferentes, vitam à quo acceperant, reddiderunt. Vicecimâ Junij rursus aliorum quatuor Religiosorum Virorum incendium (quorum ordo, & institutum ignoratur) Pragensi forum spectavit; optio data omnibus, si vitam servare vellent, sub utraq; specie Eucharistiâ sumerent; aut si id nollent laudare, & probare se dicerent; negantibus id sibi per Ecclesiæ leges, morésq; licere, neque DEO placere eos posse, qui Ecclesiam Matrem non audirent, crudele flammarum supplicium irrogatum.

1420. 12. Junij.

Aulæregienses aliq; Religiosi incensi.

Epit. hist. l. 4. C. 7. Theob. in Hussit. P. 30.

Mitiùs actum cum M. Jacobo Scholastico Viro doctissimo; cognomen Hagek non addit, sed Universitati Carolina quondam præfuisse, atq; eo tempore in Ecclesia Teineni ad populum Concionatoris munere functum affir-

Hag. ad A.

1420. Rector Carolinæ Universitatis Pragæ pul-



firmat; is, cum disertâ oratione Populum doceret, quanta huic *Eucharistia* SS. Sacramento reverentia, & cultus deberetur, quâque in ea re graviter delinquerent, qui nihil comparati ad sumendum accederent, tantam *Taboritarum* offensionem incurrit, ut jam de morte inferenda cogitarent; *Senatus* cui ob Eloquentiam charus erat in primis, sequenti mox die Viro exilium indixit.

## §. LXXIII.

Zifka expugnato Oppido Rziczano, septem Catholicos Sacerdotes, tum Hermannum Suffraganeum Pragensis Archi-Episcopi, tandem in Arce Rabi rursus septem, vel decem alios Monachos occidit.

1420.

Hæreticorum astutia ne Catholicis Martyrij lauream eripiant.

Observatum pridem est ab historiæ nostræ peritis (quos inter *Georgium Crugerium* è S. J. Virum plurimæ lectionis nominare possum) observatum inquam est: *Wenceslaum Hagecium*, cæterâ nobilissimum Annalium nostrorum Conditorem, in quibusdam historiæ partibus paulò negligentius esse versatum: proferam suis locis exempla nonnulla; hîc unum illud annotasse sufficiat, dum cædes Catholicorum ab hæreticis perpetratas describit, inhæsisse pertinaciùs *M. Laurentio BrzeZina*, qui cum ipsi *Hussi* placita, & errores sequeretur, ut suam doctrinam etiam Catholicis probabilem visam ostenderet, eos, qui ob fidem Catholicam à *Taboritis*, vel *Hussitis* occidebantur, precantes inducit, *se paratos esse sentire, docere, ac sequi quæ ipsi* (videlicet hæretici) *sentirent, Eucharistiam sub utraque duros, & suscepturos*, aliâque hujusmodi, ac nihilominus quasi jure belli cæcos esse quâ fraude *Laurentius* Scriptor astutus, plurimos egregios Viros pro Religione occisos, & prius omnibus tormentis excruciatos, Martyrij debitâ laudem fraudavit. Hoc nostrâ, & superiori ætate *Angli Puritani* imitantur, qui cum Catholicorum omne nomen in *Anglia* delere statuerint, Catholicis, si quod deprehendere possint, invidiâ veræ laudis, ac virtutis, crimina, aut perduellionem aliquam affingunt, jactantque, non ob Catholicam fidem (hanc enim veram causam nolunt prodere) sed ob conjurationem aliquam, aliudque simile crimen torqueri, & mortibus puniri. Hac fraude hæreticorum non animadvertens, bonus, & bonæ mentis *Hagecius*, quæ in *Laurentio* hæretico invenerat, totidem propè verbis describit, & nutasse in Religione narrat eos, quos alij *Manuscripti Codices*, & ipsimet hæretici, ut *Theobaldus in Hussiticis*, commemorant: fortissimè, ut decebat, tolerasse poenas omnes, ac pro Religione sua tuenda, mortes atrocissimas subijisse. Ità *Borzka Wartembergica*

Borzka Antistita S. Georgij defenditur.

Anti-



*Antistita Parthenonis Georgiani Praga*, virilis animi Virgo, cum Pragensium articulis subscribere nollet, pulsa è claustro, ac deinde cum Virginibus suis omnibus in exilium est deportata (quam *Hagecius Laurentio* suo anxie inhærens, subscripsisse illis articulis affirmat, Theobaldo, etsi hæretico, ex alis MM. SS. docente, subscribere noluisse) & sanè si subscripsit, cur ejecta est? profecto nullam hæretici causam adferre potuissent. Idem in narranda cæde *Beunensium Catholicorum*, *Laurentij* sui autoritate deceptus peccavit *Hagecius*, cum nobilissimos Viros pacisci cum hæreticis voluisse, & se hæreticis accessuros promississe describit, quos *Theobaldus* nullis pollicitationibus ad mundam Religionem induci potuisse affirmat, ideoque in caldaria cella subiectis facibus arsisse. Quæ enim sæviendi causa? cum insuper hostes accessione tam clarorum Virorum hæresin suam firmare potuissent? adde, quòd innumeris exemplis constet, omnes fugitivos claustrorum, & Sacerdotes ipsos, quicunque sceleratis illis exercitibus addere sese voluissent, statim, & promptè receptos, etiam posthæc agminum ductores evasisse! hinc illa *Propij Rasi* turma, totius *Exercitus Taboritici* flos, quæ ex rasis, id est, Sacerdotibus, & Monachis constabat. Hæc necessaria visa est defensio tot Illustrissimi Sanctimoniæ, aliisque dotibus Virorum, quibus *M. Laurentius*, malo affectus hæreticorum Genio, coronam Martyrij iminentem è Cælo subtrahere conatus est, cum tamen homo stultissimus eos pro fide, & Religione cæsos fateatur. Sed neque belli jus obtendi potest: quod enim jus belli Religiosos in claustris pacatè degentes, Divinis laudibus diu nocturneque occupatos, alios obvios, alios inermes, aut cum se ad munita loca recepissent, captos, omnes inmeritos, trucidare, idque factum jure belli defendere? absit odium Religionis internecinum, absit hæresis, nihil erit, quod causam dedisse tot cædibus, & morte atrocioribus, & tam exquisitis supplicijs, quæ irrogabantur, possis dicere. Redeamus in viam:

Anno eodem 1420. in pervigilio *S. Bartholomæi Apostoli Rzigzanum* oppidum cum Taboritis aggressus occupat *Ziska*; inter captivos Septem Sacerdotes inventi, quos vinctos in hypocæustum quoddam materiatum injici iussit, atque ipsum locum incendi, quo igne sunt consumti. *Hagek* ex *Laurentio* eos Sacerdotes jam antè Populo *Eucharistiam* sub utraque porrigere solitos, & cum *Ziska* ad prædas, & cædes ituros promississe, prorsus improbabiliter narrat; ut quid enim suos, & partium suarum vitâ privabat? nihil de hac prævaricatione Sacerdotum *Theobaldus* diligentissimus Scriptor, nihil Codices cæteri, ab eorum temporum Scriptoribus relictæ. Porro *Rzigzanum* *M. S.* Codex ait eo tempore in ditione *D. Dionysij* fuisse; crediderim *Boczkonem Podiebradium* intelligi.

*Rzigzano* *Ziska* in *Bechinesem Districtum* contendens fortunâ in *Hermannum Episcopum Nicopolitanum Suffraganeum Archiepiscopi, Mindelheimi* in *Sue-*

Item Beranenses Catholici.

Apstote plurimi his temporibus

*Hagek* in *Ans. Theob. in. Hussit. Epit. hist. rer. Boh.*

*Rzigzani* Sacerdotes combusti.



Defensio  
Hermanni  
Suffraganei  
Prag.

Ad arcem  
Rabi cōbu-  
sti Monachi

in *Svevia* natum olim in Augustiniano Ordine religionem professum, inci-  
dit; hunc cum duobus Sacellanis captum *Taboritæ* ad quandam piscinam  
deductum (rursus *Laurentius* eum promississe omnia, & *Taboritarum Sacer-*  
*dotes*, ut antè fecisset, consecraturum, & *Taboritis* accessurum narrat) un-  
cum duobus illis sacris comitibus, in piscinam dejectum, aquis præfocârunt  
M. S. Codex *Chronici Bohemæ* (cui maxime, licet hæretico credo, utpote di-  
ligentissimo, neque omnia suorum facta probanti) apertè affirmat: *Her-*  
*mannum Suffraganeum* humani aliquid passum, consecrâsse primùm *Tabori-*  
*ticos Sacerdotes*, at postea resipuisse, & *Taboritis* maxime adversatum, iussu  
*Czenkonis Lipnicensis* in aquas injectum perijisse. Sed ad certiora, & mortes  
quas nè ipse quidem *M. Laurentius* Religionis causâ illatas negârit, venia-  
mus; Paulò ante id tempus, ait Codex ille meus M. S. *Rabi* castrum occu-  
patum est à *Taboritis*; qui ditati plurimis spolijs, incendere Castrum, & Sa-  
cerdotes flammis cremavêre; stetit castrum nullo præsidio imposito, quo-  
loco satis fidere non possent. Hæc ex M. S. Ex alijs satis idoneis Annalibus  
Manuscriptis habetur: *septem Monachos* (sunt coevi Scriptores, qui disertè  
*decem*, eosque *Sacerdotes* fuisse affirmant) qui Arcis fiduciâ, *Ecclesiarum* sua-  
rum opes intulerant, captâ Arce, eductos, & rogis exstructis undequaque sal-  
tantibus, & gaudio triumphantibus *Taboritis*, flammis esse consumptos; locum  
à veteribus incolis adhuc memoriâ nostrâ, ubi arserant, monstrabatur.

## §. LXXVI.

Prachaticij Civitate Præpositi Wissehraden-  
sium cruentissima laniena Ziskâ Duce patrat: Ur-  
be ferè totâ cum Civibus odio Religionis  
excisâ.

Occupato  
Prachaticio  
Cives peri-  
muntur.

**Z**iskam Polyphemum Bohemæ, quacunq; se cum *Taboritis* suis in-  
ferebat, velut sævisissimam aliquam tempestatem, pluviae, imbres  
cruentæ procellæ, latrocinia, & sacrilegia comitabantur, & seque-  
bantur. Hoc eodem Anno, in quo nunc sumus, 1420. *Prachaticium* Civi-  
tas egregia, ditio *Wissehradenfis Præpositi*, sanguineam ejus iram penè cum  
omnium Civium suorum excidio sensit, & luxit. Die *Nativitatis B. Vir-*  
*ginis* accessit Urbem, dedique sibi protinus imperavit; *Cives Catholici*, qui  
nihil æqui à crudelissima bellua, & Catholicæ Religionis hoste jurato *Ziskâ*  
impetraturos se, & si etiam impetrarent pacem, vix pacta conventa servatu-  
rum, sperare poterant, Urbem clausurunt. *Ziska* facto irritatus, coronâ  
*Urbem* cingi, & sinè mora assilire ad mœnia suos omnibus è locis iussit; *Cive-*  
tantæ vi, cum undique peterentur, impares, abjectis armis, misericordiam  
Ducis



ucis, quam *Ziska* nunquam didicerat, nunquam assuetus parcere, implo-  
bant; primo statim in *Urbem* ingressu triceni quini super centenos (potior  
civium pars) alij super alios cecidere; *Sacerdotes*, qui arma non gesserant,  
in promiscuum vulgus cum mulieribus, & parvis liberis sacri loci fiduciâ in  
Ecclesiâ confugere; *Pius II.* in *historia Bohemiæ* affirmat, hos omnes, in  
igne (pueros etiam, ac infantes) combustos; alij mitiores ajunt: mulieri-  
bus imperatum, ut pueros, & infantes efferrent, aut educerent, atque huic  
gmini, ut oppido migrarent, indictum, ac tum primum cæteram inermem  
Catholicorum turbam, octoginta quinque numero, Ecclesiâ inflamatâ, igni-  
bus deletam, cum acerbissima irrisione adjectâ: sic nos Catholicorum cadibus  
ortet implere omnem justitiam. Utcunque sit, fœlices profectò, qui cum  
heretici scelera patrando, isti, mortem pro *Christo* fortiter tolerando, Justi-  
& Sæm impleverint! Atrocius aliquid de cæde *Prachaticensium* ejus tem-  
poris Scriptor, quem fidissimum hætenus animadverti, significat: *Die S.*  
*Martini* (vide notam temporis ab *Hagecio* multum discrepantem, quam ta-  
men ego omnibus Manuscriptis Codicibus reclamantibus admittere non  
possum) *Ziska Prachaticium* expugnat; heu quantâ hominum ferro, & ig-  
ne pereuntium strage! ac propè omnium Civium morte! nam Cives in hy-  
lococaufta tria, atque in quoddam *Sacrarium* compulsos, factò inter eos incen-  
dio consumserunt; eo pacto tres cisternas cadaveribus solis ad summum im-  
levêre; denique maximam fecere cædem. Hæc Scriptor coævus: his  
uo ad cæforum numerum subscribere videtur *Theobaldus*, qui *Prachaticij*  
ongentos Catholicos à *Ziska* peremptos affirmat.

C. 42.

Diversæ  
narrationes  
de cæde Pra-  
chaticensium

M. S. Cod.

Theob. in  
Huss. P. I. C.  
II.

## §. LXXV.

Splendidissimum, ac verè Regium Cisterciensium  
Cœnobium Aureæ, vel Spineæ Coronæ funditus  
deletum; Religiosi, qui deprehendi poterant, in  
tilijs suspensi perierunt. Wodniani Sacerdotes  
in flamas conjecti.

UT popinis, ganeis, lustrisque assveti Lurcones, qui nocturno fœtere me-  
ro, fœtere diurno jucundissimum existimant, nullum indecoræ illius  
vitæ finem facere possunt, & eodem semper consuetudinis quâdam  
necessitate trahuntur; perinde belluini, & cruenti latrones semper incitan-  
tur ad cædes, nec minor in ijs deprehenditur humani sanguinis, quàm vini si-  
tis. Adhuc *Prachaticium* calido sanguine Civium suorum natabat, cum re-  
pente *Tabores* in *Ulrici Rosensis* ditiones (qui nondum Pacem cum ijs fecerat)  
incurrunt. *Theobaldus* in *Hussiticis* innuere videtur, hæc quæ mox narra-

A. 1420. 14.  
Maij.

Ep. l. 4. C. 7.

Hist. Rosen-  
sis M. S.

Theob. in  
Hussit. P. I.

C. 38.

S

bo,



Abbas Ru-  
digerus cū  
nonnullis  
suis mortē  
effugit.

Capparum  
miraculum

Dubr. l. 26.  
hist. Boh..  
Ep. l. 4. C. 7.

Wodniani  
Sacerdotes  
exusti.

Error de  
Aula Regia

bo, ductu *Victorini Boczek de Kunstadt*, patris *Georgij Regis* esse patrata: ali  
*Ziſſca* scelus imputant. *Crumlovio* non ita procul amplissimum, idēqu  
opulentissimum *Cisterciensis* Instituti Cænobium stabat, *Ecclesia* augustissi  
ma, & visendi operis (sed hæc describendi alius erit apud me locus) huc *Tabo*  
res feruntur. Statuerat *Rudgerus Abbas*, Cænobiij sui vitam armatā manu al  
hostibus defendere, vidique in *Curia Budvicensi* literas, in quibus ballista  
rios sibi propere mitti in auxilium postulat; at dum *Budviceses* cunctantur  
rebusque suis tuendis potius, quam alienis prospiciunt, *Abbas* exclusus tem  
pore, tantum non oppressus ab hæreticis, vicinis nemoribus, ac silvis se texit  
deprehenſi tamen sunt ultimi, qui restiterant, ex Religiosis (fortasse senes, de  
biles, ægrotique) quos misericordiā scilicet latronum animos subeunte, no  
(ut alibi faciebant) flammis cremarunt, sed laqueis circum Cænobium in tili  
suspensos reliquere, Cænobium, & Templum, & quæcunque adſita sunt  
flammis cremavere. Hinc illud in *Bohemia* omnibus notum tiliarum mi  
raculum, quarum cappata, & capitellata sunt folia sic, ut ad vivum cappa  
Monachorum repræsentent. Vidi hisce oculis ejusmodi capitatas, ut si  
dicam, tilias ad illud Cænobium, quod ex ruderibus, & cineribus paulatin  
affurgit; quarum arborum folia, me puero, passim distribuebantur, quæ  
miraculo habebat omnis retro *Bohemica* antiquitas.

Excisâ Coronâ aureâ, quæ posthac *Spinea* dici potuit, spinis in Cæno  
bij, & Ecclesiæ loco crescentibus, *Wodnianum Ziſka* descendit, deditoque  
oppido, *Sacerdotes* omnes, quieo sese loci fiduciâ receperant, in calcarian  
fornacem injecit, flammisque per sumam crudelitatem cremavit innoxios, nis  
quod *Catholicè* credidissent, ac sacra fecissent; sed hoc *Taboritis* grande, a  
nullis flammis expiabile sacrilegium videbatur. Sunt quædam manuscripta  
quæ *Wodniani* excidium anno sequenti posuerint.

### NOTANDUM:

In Martyrologio Ordinis Cisterciensis in Bohemia (quod in eo SS. Ordine publicè le  
gitur) hæc reperi: *In Bohemia Passio SANCTORUM MARTYRUM Ord: Cister*  
*ciensis, qui in Aula Regia Domino famulantes, pro eodem vitam hæreticorum furor*  
*liberè obtulerunt, eamque suspendio gloriosissime terminarunt, quæque grata, a*  
*pretiosa fuerit in conspectu Domini Mors eorum, continuum postmodum miraculum*  
*comprobavit; siquidem in Tilia in qua suspensi fuerunt usque in hodiernum diem*  
*folia crescentia instar Caputiorum reperiuntur. De ijs in Menologio Cisterciensi Chry*  
*sostomus Henriquez, Abrahamus Bzovius ad An. 1420.* Mirabar cum hæc le  
gerem; nihil tamen ex ijs, quæ asserui, muto: video enim Authorem hujus *Mar*  
*tyrologij*, imò & *Henriquesum* in sui Ordinis rebus (quantum *Bohemiâ* attinet  
paulò negligentius esse versatos. Certissimum & compertissimum est: pro Cæno  
bio *Aula Regia* legendum esse Cænobium *Aureæ Coronæ*: nam in *Aula Regia* de Ti  
lijs cappatis, nihil unquam simile vidi, vel audiui; at in *Spinea* vel *Aurea Coro*  
*na* ipse ego, hisce manibus, Cappas ex Tilijs decerpſi.





## §. LXXVI.

Orebitæ hæretici nequitiâ Taboritis pares, crudelitate etiam superiores, in tractu Reginohradensi Cœnobia Religiosorum Virorum excidunt; Reginohradenses Cives hæresi corrupti, Swatopole/ seu Sancti Campi Cœnobium, cum tota sacra familia incendunt.

Post Victoriâ de Cæsare Sigismundo ad Wissehradum relatam, Orebitæ, nè scilicet otio marcerent, præsertim, quòd pietate, ut jactabant, Monasteria excindendi, Taboritis nihil concedere vellent, Pragâ in Reginohradensem Provinciam, ad oppugnanda Cœnobia furorem convertunt. Non explicant hæretici (quos solos authores rerum istarum habeo) quæ Cœnobia potissimum excisa sint, sed exquisitissimis supplicijs de vita debatos Religiosos ipsimet fatentur, plerique vivi, ac spirantes flammis conuimebantur; sed cum hiems asperrima hoc anno sæviret, tempore utentium rati Latrones publici, Monachos deferebant ad flumina, tum nudatos penitus, exsectâ virilitate, manibus, pedibusque vinctis, mille ignominijs vexatos, rigidissimo anni tempore deponebant in glacie, ubi miseri (si spectentur humana) obtorpescebant, ac tormenta inter, & frigora necabantur.

Jam & Cives Reginohradenses nuper admissâ in animis hæresi, rati ad se quoque Cœnobiorum spolia pertinere, quasi rem in medio relictam, Sancto-campense Cœnobium in vicinia sua aggrediuntur, quòd, posteaquam, quæ rapipi poterant, rapuissent, incendere, & Monachos omnes in eandem flammam coniecere, id quod M. S. Codex (quem Reginohradensem vocare soleo) commemorat; locus, ubi Cœnobium illud Swatypole dictum steterit, non additur; permirum mihi semper est visum, nunquam hujus Sancti campi (nam alterius in Podbricensi Provincia in S. Montis historia meminimus, quæ Præpositura, ut vocant, Nepomucensis Cœnobij fuit) istud, inquam, permirum, nunquam hujus S. Campi, quod sciamus, mentionem in historia nostra fieri, successit scilicet duobus sæculis continuata hæresis, quæ ipsum Cœnobij nomen extinxit; suspicor Præposituram divitis alicujus Cœnobij, aut celebrem ditionem fuisse: quippe hæretici, (ut sæpe in M. S. Codicibus legimus) Monachorum ditiones, & domicilia, etsi non satis propriè, Cœnobia, & Monasteria sinè discrimine, & indifferenter appellant. Hæc postrema (ut obiter admoneam Lectorem) fine anni 1420. & sequentis initio ab

Orebitis sunt patrata.

1420.

Epit. rer.  
Boh. l. 4. C. 7  
Theob. in  
Huss. P. 1. C.  
40.  
Contin. in  
M. S.

Tormenti  
atrocissimū  
genus.

M. S. Regi  
nohrad.

Sanctus Cæ-  
pus Mona-  
sterium ex-  
cisum.

Appendix  
I. ad hist.  
Divæ S.  
Montis.





## §. LXXVII.

Nova Cœnobiorum excidia, & mortes fidei causâ irrogatæ Chotiessovij, Cladrubij, Plassij, in Bor, Starosedlj / vel Altensattel / Rokyczanæ, &c.

Chotiesso-  
vium.

1421. in Ian.  
MM. SS.  
Codices.  
Hagek ad  
A. 1421.

**J**Anuarium Mensæ Anni 1421. inquit semper, & cruentus *Ziſſcæ* animus sanguine, & cædibus *Monachorum* initiavit: primus in Parthenonem *Chotiessoviensem Præmonstratensis Ordinis* impetus factus: an Virgines sacrae evaserint cædem, an deprehensæ Virginitati Martyrij lauream adjunxerint, nusquam scriptum inveni. Illud constat, Cœnobij hujus Satellites (quos Virgines pro defensione Cœnobij pretio conduxerant) restituisse aliquamdiu, sed hostium multitudine superatos, & necatos, *Cænobium* deinde spoliatum, & incensum esse.

Hag. l. c.  
Epito. l. 4.  
C. 7.

Cladrubiū

Itum deinde *Cladrubium* (*Cænobium Benedictinorum* est) sed jam emana-  
narat fama. itaque Religiosi convasatis rebus omnibus, totoque Archivo  
ac suppellectili sacra, & pretiosa evecta, *Ratisbonam* ad *S. Emmeramum* effuge-  
runt. Narrabant senes: quosdam ex Religiosis animosiores *Cladrubij* re-  
mansisse, & Satellitibus Cœnobij, aliisque militaribus viris Catholicis in au-  
xilium vocatis, primos hæreticorum irruentium impetus fortiter repressisse  
ad extremum numero hostium superante, pro aris, & focis strenuè pugnan-  
tes cum alijs omnibus, qui se eò loci concluserant, perijsse; *Ziſſka* ex alieno  
liberalis *Petro Zmrzlik de Svoyssina*, olim *Moneta Præfecto* Viro militari *Cladrubium*, totamque Cœnobij ditionem donavit; qui cum *Cænobium* illud, at-  
que etiam *Chotiessoviense* egregiè permunivisset, relicto *Cladrubij* strenuo E-  
quite *Rzepiczkiæ stirpis*, *Chvval* nomine, locum adversus *Cæsarem Sigis-  
mundum* egregiè tutatus est. Eadem fortuna, & calamitas, reliqua per eam  
viciniam Cœnobio afflixit: *Plassense* Cisterciensium, *Præpositi* sedes in Bor-  
leu *Heida* (sita, ubi nunc arx visitur) & alia dives in *Starosedlo* (*Altensattel*) tandem & *Teslinensis Benedictinorum Eremus S. Joannis* arserunt:  
quæ omnia sinè cæde, & sanguine Religiosorum perfecta, quis satis sanus, &  
rerum peritus credat? *Rokyczanam* Civitatem *Ziſſka* transiens, nonnullos  
*Canonicos Regulares S. Augustini* in Cænobio de trabibus suspendit, & senem  
ex ijs Sacerdotem, Virum sanctimoniam famâ percelebrem in Ecclesiæ medio  
vasi piceato inclusum incendit. Audi Patres à *Societate nostra* narrantes,  
qui post Annum 1624. *Rokyczanensem Civitatem* ad fidem Catholicam mul-  
to Concionum labore adduxerant, atque in parietinis Veteris Cœnobij habitâ-  
rant, eo ipso in loco, ubi sacri illi viri pro Christo vitam laqueo finiſſent, tam  
gratos efflari odores sensisse, ut sibi in cœlo esse viderentur.

Theob. P. 1.  
C. 42.

& alia Cœ-  
nobio exci-  
sa.

Hagek l. cit  
Epit. l. o.

Rokyczanæ  
se Cœno-  
bium ever-  
sum.





## §. LXXVIII.

cauf.  
Bor,  
Commotoviensis Civitas odio Religionis cum Ci-  
vibus suis omnibus excisa.

**A**Nno 1421. Dominicâ in Palmis, quæ tum in 16. Martij diem incide-  
rat, *Ziſka* Cœnobiorum expugnator, cum hæreticorum Pragenſi-  
um, & ſuo Exercitu, *Commotovium* Urbem, Catholicæ fidei ſtudio id  
temporis celebratam, paulò antè obſeſſam, capit; nihil occupatâ Civitate  
iud geſtum, quàm truncare, occidere, & urere; irritârat hæreticos non fæ-  
minarum petulantia (ut obtendunt Scriptores hæretici) ſed ipſa *Commotovi-*  
*uſum* in Religione perpetua constantia, & quòd nuper quorſdam *Taboritas*,  
c nominatim quendam *Hromadkam de Giſtebnicze* cum duobus hæreticorū  
Miniſtellis captos inieciffent in rogam; nec mulieribus, nec infantibus vitæ  
ratia facta; duo millia Catholicorum Civium in plateis, ac præcipuè in  
templo, ad quod confugerant, periſſe ſcribunt; *Weſelavinus* duo millia  
ucentos, *Dubravius* tria millia, *Lupacius* viginti duo millia trucidata ſcrip-  
it, quod frequentia Civitatis, advenarum, qui ſe receperant, multitudo, mu-  
erum, & infantium numerus, & promiſcuum vulgus, probabile reddit;  
*Weſelavinus*, & cæteri, Cives tantum, & armatos forſitan numerârunt. In  
æſorum numero præter cives fuere Sacerdotes non pauci, Viri nobiles per-  
ulti, reliqui opifices, qui non ferro tantum, ſed etiam flammis perire ſunt  
oacti, vitâ donati triginta tantum viri (alii quinque tradunt) qui cæſos tu-  
nularent; ſeptuaginta Matresfamilias cum puellis, extra Urbem educatas in  
officina Pannorum, & telæ premendæ, flammis redêgere in cineres hæretici;  
præcipuus ſupplicij, ut dixi, locus, *Eccleſia*, & *Cœmeterium* fuit; ideoque  
enerationis gratiâ tot millium pro fide Chriſti peremtorum, quibus hæreti-  
ci eo die cæleſtes Palmas in manum dedere, nemo in ijs duobus ſacris locis ad  
noſtra uſquè tempora ſepelitur, ſed extra urbem conduntur. Mirum quod  
equitur mihi ſemper viſum eſt, quòd ab æditimis Eccleſiæ priùs didici, atque  
pſe ſpectavi (cauſſam tamen nec illi, nec ego ullâ diligentiam aſſequi potuimus)  
tantam in eo *Cœmeterio Commotoviensi ad Eccleſiam Decanalem Dentium*  
*humanorum* multitudinem reperiri, ut velut in fabulis, meriſſima dentium  
leges jacta in eam humum videatur; præcipuè, ſi pluvia cœlo decidit, meros  
dentes humi legere potes; ſi vel digito humum terebrare volueris, dentium  
examina effodies; me ipſum, & conſcientiam meam pro teſtimonio Lecto-  
ribus offero, ut fides fiat; etiam in ipſis Cœmeterij humilibus illis muris,  
quacunque hiabant, aut patebat fiſſura, dentes reperi, eamque rem admiran-  
tibus *Noſtris Patribus*, qui aderant, oſtendi. Forſitan argumentum eſt tot  
millium cæſorum, qui cum (ut tradunt *Commotovienses*) humati non ſint,

In Martio  
1421.

Zalans: Cœ-  
ci: 2. de vit:  
Huſſi.

Comotovij  
aliquot Ca-  
tholicorum  
millia ab  
hæreticis  
perimuntur

Weſel. & Lu-  
pac. ad 16.  
Martij.  
Cont: M.S.  
Dub. l. 26.  
hiſt. Boh.

Dentium  
multitudo  
in Cœmete-  
rio Commo-  
toviensis Ec-  
cleſiæ.



sed finè sepulchri honore relictæ, alijs ossibus putrefactis, dentes qui nonnisi tardissimè in cadaveribus corrumpi solent, remanserunt; Ego Lectori sagacem dijudicandam relinquo.

## §. LXXIX.

Beraunæ Civitatis Regiæ ab iisdem hæreticis una cum civibus suis, Nobilitate, Religiosis, & Sacerdotibus excidium.

1421.1. Apr.

Beraunen-  
sis Ecclesiæ  
divitiæ.Theob. in  
Hussit.  
alij 1. Apr.Beraunæ  
plurimi ex  
Catholicis  
occisi.

**B**erauna Regia Civitas est, tribus à Praga miliaribus, vicinitate ejus, alijsque commodis, & præfidijs vitæ in Bohemia non incelebris, sed religionis Catholicæ per id tempus studio, & Sacerdotiorum in Ecclesiæ Parochiali multitudine, deinde opibus sacris longè celebratior; constat atque nostrâ Saxones ex Ecclesiâ Beraunensis thesauro circa An. C. 1632. triginta septem vel octo calices sacrificijs Divinis destinatos, argenteos omnes, & inauratos, multos eorum genis distinctos, ut alia ornamenta Ecclesiarum fideantur, sacrilegè abstulisse; sed ad rem veniamus: Beraunam igitur, cum Catholicis nominis odio Pragenses, & cæteri hæretici, oppugnandam An. 1421. suscepissent, sæpius virtute obsessorum cum ignominia repulsi, tandem multitudine superante, 26. Martij capiunt, decem diebus post Commotivum excisum. Hic tamen mitiores videri voluerint: tanto enim sanguine Commotivij nuper fuso, furiarum restinctæ tædæ, & ardor stygius mitius urere videbatur insanos; non sævitum igitur in obvios; unus Joannes Kobliha Equestri loco natus, qui egregiâ virtute affilientes represserat, ex Turri urbis præceps datus, cum adhuc spiraret, ferreis tribulis ad mortem verberatus est: tum parcere sanguini Duces jusserunt. Oblata omnibus vitæ gratia pacatè primùm, si articulis hæreticis subscribere vellent, actum per colloquia, suos ac se miseri respicerent, esse omnes in potestate victorum, proinde saperent, & tempori cederent; integro die ad deliberandum dato, cum nihil viri fortissimi minis, neque blanditijs moverentur, ad supplicia denique quasi per otium cum clementiæ fama, crudelissimi latrones descendunt: triginta septem Sacerdotes, ac Religiosi (nam Beraunæ Conventus erat Ordinis Sancti Francisci Minorum, ac fortè etiam Benedictini ex Skalensi Cænobiolo, vel aliunde Beraunam sese in eo tumultu receperant) numerabantur; erant inter captivos quoque Jaroslav Miczan de Klinstein ex Procerum Bohemorum familia, Beraunæ Decanus, tum tres Universitatis Carolinæ Magistri Catholici: Ernestus de Paczovv, Georgius de Launa, Michaël Daubek, cum triginta septem alijs Sacerdotibus, & Religiosis Viris; ex nobilitate Joannes Kobliha Urbi Præfectus, quem ex turri Urbis præcipitarent, ut paulò antè dixi, tum Bohuslaus de Daupovva cum Patre suo sene, & globo Catholicæ ex vicinia Nobilitatis;



statis; hos iterum, iterumque monitos, ut *articulos Pragensium* (qui Reli-  
gioni Catholicæ adversabantur) admittant, recusantes tandem vinciunt, de-  
inde in balnei hypocaustum quoddam ante Urbem inductos, sese mutuò ad  
constantiam adhortantes, unà cum domo incendunt, & consumunt. Hic  
fuit exitus Virorum fortium, quorum cum flammis animæ evolarunt in cælum.

## §. LXXX.

Novi Taboritæ Moravi Stephanum Abbatem  
Welehradensem Cisterciensis Instituti unà cum  
Fratribus ob Religionem flammis addicunt. Chru-  
dimenses in Bohemia Cœnobium Fratrum Mino-  
rum Conventualium ad Stradow incendunt.

**D**um *Ziřka* apud *Bohemos* cum *Taboritis* suis in *Cœnobia* bacchatur, &  
pro *Christi calice*, sanguinem piorum, & sacratorum hominum sa-  
crilegè bibit, aut profundit, *Moravi* hæretici, Apostatis Sacerdoti-  
bus *Bedřicho de Stražnic* (cujus postea in *Bohemia* multa sacrilegia in An-  
alibus nostris leguntur) & *Thoma de Wistonic* Ducibus, eadem insaniâ  
correpti, in Insula quadam *Morava*, non ita *Stražnic*o procul castris positus  
quæ *Novum Tabor* dixere) viciniam illam omnem prædationibus infestare  
cœperunt. Urebat illos ante omnia *Cœnobium Welehradense Cisterciensi-*  
*um* (de cujus origine consulatur *Epitome*) huc inobservati primis castris per-  
veniunt; aperta omnia ut in pace, valla nulla, nihil clausi, nihil murati inve-  
niunt; ergo statim ad prædas versi, postquam omnia rerum pretia, cum pul-  
visculo, ut ita dicam, ex Templo, & Cœnobio opulentissimo extulissent sibi,  
æque probè escis, & vino ingurgitassent, post epulas quasi ad spectaculum,  
& ludos effusi, captum Abbatem Stephanum cum septem Fratribus educunt;  
statim ingens pyra exstruitur, & incenditur; honorem Abbati deferre se vo-  
ciferantes, primum illum, deinde ex ordine cæteros septem in flammis jactant,  
mille execrationibus vitam illorum, & mortem devoventes. Stephanum  
dum viveret, pro Sancto habitum, testantur *Hagecius* & *Dubravius*, ad cu-  
jus exemplum vitam conformabant suam & reliqui, quo merito ad lauream  
*Martyrij* vocati videntur à DEO. Plura finè dubio *Novi Taboritæ* sacrile-  
gia patrassent, nisi principiis malorum *Catholica Moravia Nobilitas*, ac præ-  
cipuè *Joannes de Praga Olomucensis Episcopus* occurrissent, sacrilegòsque illos  
suis copiis dissipassent. tantum de *Moravorum Taboritis*.

In *Bohemia* circa hæc tempora (die *Lunæ* post Dominicam primam  
Verni Jejunij) *Chrudimenses Cives*, ut fidem suam mox venturis ad se *Pragen-*  
*sibus* approbarent, solliciti, *Cœnobium S. Jacobi* in vicinia Urbis suæ è regione  
Castri

1421.

Novi Tabo-  
res in Mora-  
via.Welehra-  
denfes Reli-  
giosi com-  
busti.Epi. l. 4. c. 7  
Hagek ad  
A. 1421.  
Theob. P. 1.  
C. 43.Dubr. l. 26.  
hist. Boh.Hagek l. 6.  
Epi. l. cit.  
Theob. l. c.  
Occisi FF.  
Minores  
Chrudimij.



Castri Veteris Stradow situm Ordinis S. Francisci Minorum Conventualium adoriuntur, occupant, incendunt, quatuor supra viginti partim Religiosis, partim præsidarijs militibus trucidatis.

## §. LXXI.

Broda Bohemica, Civitas Archiepiscopalis, & Catholica, cum plerisque Civium, Sacerdotibus omnibus, totoque præsidio deletur.

1421.  
Hagek ad  
1421.  
Theob. P. 1.  
C. 43.

Hist. Sedle.  
Simeonis  
Eustachij  
impressa C.  
3.


Broda Catholica Civitas ab hæreticis occiditur.

Dubr. l. 26.  
hist. Boh.  
Theob. l. c.

M. S. Regi  
nohrad.

Decanus &  
alii Catholici occiduntur.

Cùm Catholici in Bohemia justum exercitum, quo defendi possent, in campo non haberent, hostes Taboritæ, Orebitæ, Pragenses, divisè sese, & diversi ad Cænobia, & Catholicorum Urbes spoliandas, & incendendas profecti sunt; Pragensis Exercitus (cujus Ducem fuisse Joannem Zelivensem Apostatam historia Sedlecensis affirmat) ante Brodam stetit Aprilis medio An. 1421. & deditioe postulata, quia nisi armis nihil se impetraturos videbant, 16. Aprilis affiliere; semel atque iterum magna cum clade dejectis mœnibus, tandem novis ac novis semper succedentibus obtinere Urbem. Præsidarij (quos Germanos fuisse M. S. Codices testantur) ad Turrem Ecclesiæ confugere, Pacem orantes, sed mox incensâ Turre, educti extra Urbem, adversus omnes militiæ leges, in rogos injecti partim flammis, partim tribulis ferreis verberati perierunt. Exfatiari ira obsidentium hâc cæde potuit, nisi ipsa hæresis obstitisset; itaque in innoxios, inermes, ac Sacerdotes atrocius etiam sunt bacchati: ante omnia (quod perpetuum illis fuit) Ecclesiam S. Gothardi Collegiatam, in quam sese plerique Civium receperant, incendunt, in quo incendio amplius, quàm ducenti mortales animas exhalârunt; ex Viris sacris præcipui Joannes de Dubnian Decanus Artium Magister cum tribus suis Canonicis, tum alij quindecim Sacerdotes necati. Nicolai Navaræ cædes singularis fuit cum æterna Viri gloria peracta; fuit Navaræ Capituli Metropolitanæ Pragensis Ecclesiæ Notarius, Vir moribus gravissimus, vitæ innocentia conspicuus, doctrinâ summus, quodque exitium attulisse Theobaldus fatetur, hæreticorum hostis accerrimus, quare hunc unum avidius ad necem poscebant omnes, ut unus inter manus omnium laceraretur, sed Ducibus (ut Hussos parentarent) flammæ supplicium præplacuit, vinctumque, & extra urbem vectum in vas pice perfusum conjiciunt, totoque Exercitu tripudiante, velut in triumpho cum cantibus exurunt. O pretiosam mortem in conspectu Domini! moriatur anima mea morte justorum, & fiant novissima mea illorum similia!





# §. LXXII.

Kaurzimij Cistercienses quinque, Colini Prædicatorum Ordinis sex cum Urbis Decano Hinkone Viro Natalibus, doctrinâ, & virtute illustri; iterum Chrudimij ex eodem Prædicatorio Ordine octodecim flammis cremantur.

Adem *Pragensium* hæreticorum tempestas alias, aliâque post *Brodam Bohemicam* Urbes involvit: *Kaurzimenses* missis Legatis se in potestate futuros polliciti sunt, ad quos statim aliquot suorum turmas direxerunt: *Pragenses*, acceptâque, & redditâ fide, *Præposituram S. Martini Cisterciensium* in Urbe (ubi hodie *Decani* domus est) stantem adorti, direptis rebus omnibus incendere, *Sacerdotes quinque* Religiosi eduoti, probris omnibus iniuriis foris ante portam Urbis, quæ *superior* appellatur, maximis lætitiæ significationibus, & vociferationibus, in vasa picea includuntur, & stramento ardo oppilatis vasis, ac incensis, in cineres rediguntur invictâ constantiâ, pro Deo & sacris Religionibus crudelissimâ morte defuncti 21. Aprilis.

*Kolini* idem sacrilegium in pervigilio *S. Georgij Martyris* patratum est (*Theobaldus* ipsum *S. Georgij* festum diem ponit) *Cænobium* Patres ex *S. Dominici* disciplina *Kolini* percelebre in antiquitate, & præclari operis habebant quod postea in *castrum* verterunt hæretici) illuc *Pragenses* in Urbem ultro dimissi, rectâ feruntur; sacram Domum rebus omnibus elatis exspoliant, incendunt, *sex Sacerdotes vinctos* accensâ pyrâ in flammam conjiciunt, nullâ nisi Religionis causâ. Erat eò loci *Decanus* Vir Illustrissimæ Nobilitatis *Procerum de Ronovv* (qui ab eadem cum *Bercis* origine descendebant) *Hinek vel Hinko*, doctissimum in profanis æquè ac sacris fuisse tradunt historiæ; hunc, ut morti majorem celebritatem adderent, vasi piceo inclusum, injectis flammis exurunt, subsultante interim circa pyram militari plebe, & cùm decurrerent, quasi re triumphali gestâ, plaudente, & canente.

Posthæc *Chrudimio* Exercitum admovêre *Pragenses*; jam nuper excilio *Stradoviensis Cænobij*, ut narravi, *Chrudimenses* commendaverant, & probaverant sese, hoc tempore illustri edito facinore, omnes sibi hæreticos plurimum devinxere: curritur in *Monasterium Prædicatorum*; alij sacra diripiunt, alij profana, alij *Cænobio* subjiciunt faces, quidam Religiosos extrahunt in forum, alij pyram exstruunt, alij succendunt, alij captos vinciunt, denique post mille verborum contumelias, concussiones, & verbera, universa illa Patrum, & fratrum corona in foro ipso concrematur. Octo fuisse Religiosos *Viros Theobaldus* affirmat; at *M. Laurentius*, qui eâ tempestate vivebat, parvus alioqui in enumerandis Catholicorum cædibus, solitus etiam su-

T

orum

1421.

In Kaurzim  
Cistercienses  
exusti.

Hagek ad  
A. 1421.  
Epit. l. cit.  
Theob. P. 1.  
C. 44.  
Simeon Eu  
stach. in hi-  
stor. Sedlec.

Hag: Theo:  
Epit. l. cit.

Prædicato-  
res item Co  
lini.

Et ex Proce-  
ribus Hinek  
de Ronovv.

Ibid. ijdem.

Chrudimij  
Prædicato-  
rum Convē-  
tus deletur.



orum scelera contegere, *octodecim*, totumque adeo, ut vocant, *Conventum Beatissimæ Virginis* (ita enim appellabant) excisum esse tradit, cui etiam *Weleslavinus* subscribit. Cum olim per *Chrudinium* necessarium iter esset mihi, & Cœnobij, & pyræ, in qua perierant *Martyres*, locum, monstrantibus civibus, honoravi. hæc 25. Aprilis gesta tradit *Theobaldus*, at certum est 28. Aprilis perpetrata; tum omnis sacrorum apparatus ex illa *Beatissimæ Virginis Ecclesia*, Cimelia Templi, Calices, Monstrantiæ, (ut vocant) Sacerdotum sacrificantium amictus pretiosi, & gemis collucentes, foras ad castra *Praagensium & Taboritarum* sunt transmissi.

## §. LXXXIII.

Cædes Abbatis *Woldemari* cum suis, ex Ordine *Canonicorum Regularium Sancti Augustini*, ac denique totius Cœnobij *Raudnicensis* excidium ab hæreticis.

1421. 24.  
Apr.

Raudnicen  
ses Canoni  
ci Reg: Ord:  
S. August:  
perimuntur

De Wolde  
maro Abb:

**Z** *Isca* Taboritarum Ducis Sangvinolentus animus nihil aliud volvebat, quam cædes & sangvinem: quoties hostis armatus abesset, querebat *Cœnobium*, raptisque secum, qui expeditiores erant latronibus, ubi minimè timebatur apparens, opprimebat incautos. 24. Aprilis repente ad Pontem *Raudnicensem* stetit: nihil erat, quod transitum prohibere posset: *Archiepiscopus Conradus* hæreticis peramicus desidebat in Arce, certatum officij: *Ziska* etsi viagere posset, per pontem & Urbem transitum à *Conrado* petit; *Conradus* indulget, neque id modo, sed ad *Ziskam* demerendum cibum & potum Exercitui liberalissimè suppeditat. Curatis corporibus pontem superant hæretici, *Raudnicium* transeunt; viso Cœnobio contineri non potuerunt, cursu in *Cœnobium & Ecclesiam* elegantissimam, & prorsus basilicam feruntur: *Abbas Woldemarus* occurrens, protinus ab hæreticis occiditur, tum alij complures Canonici, pauci subterraneis quibusdam cellis coniecti vitam servarunt; *Cœnobio, & Ecclesiâ* spoliatis utrumque arsit; Latrones *Pragam* versùs abiêre. Describit hanc cædem Codex M. S. Cœnobij *Raudnicensis*, aitque rem gestam An. 1421. altero post S. Georgij die. De *Woldemaro* in alio M. S. Codice Cœnobij hæc lego: *In hoc nostro Raudnicensi Cœnobio educatus, & Martyrio coronatus fuit Venerabilis Abbas Woldemarus Rhenanus, ob doctrinam eximiam, Vitæq; integritatem, præsertim summum in Beatæ Virginis cultu studium valde celebris.* hæc ibi. Nimirum tales eligit DEUS, quos Martyrij laureâ coronet, ut virtutibus instructi DEUM (ut S. Tereſia quodam loco scripsit) DEUM habeant debitorem.





## S. LXXXIV.

Czaslaviæ Minorum Conventualium, Nymbur-  
g Prædicatorum Conventus flammis, & fuorum  
ingvine delentur. Cuttenbergenses Catholici,  
cui sedes mutare ob Religionem volebant, contra  
datam fidem membris mutilati, pars cæsi ab  
hæreticis, repelluntur.

Enè tantum, non amplius, in *Narratione* erit, quantum *Titulus* præ-  
fert; rebus enim omnibus cum Religione mutatis, succedente in eas  
ipfas Urbes hæresi, & propè trium sæculorum spatio regnante, nimi-  
um monimenta omnia exciderunt: deleta esse Cœnobia *CZaslavia* &  
*Nymburgi*, id verò constat inter omnes, Manuscripti Codices testantur, ru-  
era Ecclesiarum, & Cœnobiorum pendentia hodièque clamant, lapides al-  
terium fracti, & parietes sanguine perfusi loquuntur. Sed de *Nymburgensi* Cœ-  
nobio, quo illud tempore excisum sit, non æquè constat: longè tardiùs, &  
im *Ziřka* extincto, *Nymburgum* esse captum certissimum puto; etsi illud  
excidium, alios Scriptores secutus, hoc loco & anno posuerim.

*Kuttenbergæ* quid gestum sit eo ipso die, quo *Ziřka* ad *Chrudimium*, aut  
potiùs, ut paulò antè ex M. S. Codice dixeram, *Raudnicij* versabatur (nisi ista  
er ejus Duces gesta esse dicamus) habet M. S. *Cives Kuttenses* cum ea, quæ  
*Berauna*, *Broda*, *Kaurzimij*, *Kolini* gesta erant, accepissent, conterritos, Lega-  
os ex suis honoratissimos Viros ad *Pragenses* (qui *Taboritis* longè mitiores ha-  
ebantur) misisse. qui pacem orarent, revocarent in memoriam utriusq; Urbis  
b antiquo tempore fœdera, unam fuisse *Pragæ*, & *Kuttnæ Civitatem*, uni-  
versi Regni thesaurum argentifodinis contineri, proinde parcerent Urbi co-  
gnatæ, parcerent Regno, parcerent sibi. *Theobaldus* ex *M. Laurentio* ait,  
um Monstrantia *Ven. Sacramenti* occurrisse *Pragensibus Kuttenses*, & geni-  
ous positis veniam orasse, & impetrasse, etiam illud, ut qui Catholicam Re-  
igionem mutare hæresi nollent, usquè ad *Assumptionis B. Virginis* diem, rebus  
uis venditis, vel convafatis, innoxie quò vellent, abirent. ità tum inter par-  
es convênit; cui conventioni cum fiderent *Catholici*, & plurimi Urbe exce-  
derent, *Pragensium* satellites insidijs collocatis quàm plurimos exceperunt,  
rebus omnibus exuerunt, manus nonnullis crudeliter amputârunt, alios na-  
sis, alios auribus mutilatos ad ignominiam rursus impulerunt in Urbem,  
nullâ fidei, quam dederant curâ, nullo pactorum fœderum  
respectu.

1421.

FF. Minor:  
Czaslaviæ,  
Nymburgi  
Prædicato-  
res perimū-  
tur.

Epit. hist. l.  
4. C. 7.  
Theob. P. 1.  
C. 45.  
Hagek l. 6.

Cuttenber-  
genses Ca-  
tholici pere-  
unt.

Lupac. in  
Calend.





## §. LXXXV.

Ziſka in vicinia Lichtemburgicæ Arcis Sacerdotes quàm plurimos occidit; Sedlecenſe Cœnobium Cifterciënſium ditiffimum, & frequentiffimum, occiſis Religioſis omnibus inflammatur.

1421. **Z**iſka Taboritarum Ductor, cùm ſe à Pragenſibus ſeparâſſet, ſubito Taborium ſeſe retraxit, & Piccarditiſ Taborij, pèrq; eam viciniam delatis, celeriter reverſus, non procul *Jeniková* ſub montibus, iterum Pragenſium copijs ſuas conjunxit; ad Caſtrum deinde *Lichtemburgum* progreſſus, arcis deditiōe factâ, *Chrudimium* cum ſuis pervenit. In hoc itinere maximam vim Sacerdotum à Ziſka trucidatos periſſe, Eccleſias quàm plurimas inflamari, incendiq; juſſiſſe, tradit *Hagecius*; at *Sedlecij* Cœnobij venuſtiſſimi incendium, & cruentam Religioſorum omnium ſtragem, cujus etiam hæretici meminere, ab eo omiſſam, quoties ejus Cœnobij in mentem venit, admirari ſatis non poſſum. *Sedlecenſe Cœnobium* igitur, ſummâ celeritate uſi, nè quid prædæ elaberetur è manibus, Taborita cingunt, vias omnes occupant, tum ad prædas, & cædem Monachorum vertuntur: *quis clades illius lucis, quis funera ſando explicet?* quingentos Religioſos Viros *Sedlec* DEO continuatis diu, noctûque horis laudes dixiſſe, & pro ſceleribus hominum DEI miſericordiam implorâſſe conſtat; quantum *Sedlecij* numerus occiſorum fuerit, nullibi, nè in hiſtoria quidem *Sedlecenſi* reperio; ſuſpenſo patibulis, aliſque mortibus ſublatoſ *Euſtachius* tradit; *Zidek* vicinus eorum temporum *Carthuſianos* quoque, tam *Pragenſes*, quàm etiam *Podiebradienſes Sedlecium*, ut ad locum ſecurum, recepiſſe ſeſe, eôſque omnes immanitate unâ cum *Cifterciënſibus* trucidatos ſcribit; an *Jacobus Abbas* evaſerit mortem tectus latebris (quæ in Cœnobio multæ fuiſſe feruntur, & quas *Henricus Abbas* exemplo paratas habebat) nondum comperi. Necatis Religioſis omnibus faces Eccleſiæ *B. Virginis*, & Cœnobio ſunt ſubjectæ; conſtantium omnium traditiō eſt: *Ziſkâ* invito, Eccleſiam & Cœnobium ariſſe, quod magnitudini, venuſtati, & præſtantiffimis ædificationibus parcere ſtatuiffet, ideôque ut *Euſtachius*, & *Theobaldus* narrant, viſis flammis indoluiſſe, & conſeſtim proclamari juſſiſſe, quaſi latum incendio: *quisquis accendiſſet, veniret, præmiũ recepturus, quantum auri, & argenti ſatis in omnem vitam eſſet*; cùm ſacrilegus veniſſet, comprehenſum illico, eiſque liquatum aurum argentûmque in os infuſum, ut mortuus conciderit; ſimul cum ejus morte ſeveriſſimè vetitum, nè quis injuſſu Ducis flammâ cuicunque ædificio ſuperponeret. Itâ nemo malus eſt, qui bonus aliquando eſſe, aut ſaltèm videri

Cædes multorum Sacerdotum.

M.S. Bar-  
toſſek de  
Drahonicz

Hagek ad  
A. 1421.

A. 1421. 28.  
Maij.

Sedlecenſe  
Cœnobij  
cum Religi-  
oſis excin-  
citur.

Euſtach. in  
hiſt. Sedle-  
cenſi.

Paul Zidek  
in Inſtr. ad  
Regem Ge-  
org. M. S.

Euſtach. ad  
A. 1309.



on velit. Agit de hoc Cœnobij Sedlecensis excidio Menologium Sacri Ord: Cisterciensis ad 28. Maij his ipsis verbis: *In Monasterio Zedelitzensi Sedlecensi) Passio Beatorum Monachorum Cisterciensium, qui ob fidei Catholica professionem ab Hussitis Martyrio affecti Coronam immortalitatis promerunt; quibus associati sunt Monachi Carthusiani, qui à Nostris hospitio charitativè excepti, eodem die, eodem loco, & eandem ob causam Martyres extollarunt ad cælum.* De illis Joannes Cochleus, Aubertus Miraus, & Paulus Langius in Chronico CitiZensi A. D. 1421. hæc Menologium Henriquez.

Carthusiani in Sedlecensi Cœnobio deprehenfi occiduntur.

## §. LXXXVI.

Excidia Cœnobiorum in Chrudimensi, Boleslaviensi, & Reginohradecensi Provincijs, cum innumeris Catholicorum, Sacerdotum, ac præcipuè Monachorum cædibus.

**F**ulminis in morem, ut vidimus, in Cœnobia ferebantur hæretici: acuebant prædones ipsa hæresis, quæ sanguine libentissimè pascitur, stimulabat prædorum ex Cœnobijs, ac Templis ditissimis infinita cupiditas, incendebant Victoriæ, & semel degustata sanguinis dulcedo, velut de *Ursis* tradunt, magis, ac magis efferabat; hæc vulgus hæreticorum. At Duces non diu impunè se volituros cogitare poterant, adfore brevè in Catholicorum subsidium universam Germaniam, utendum esse tempore, fibras omnes Catholici sanguinis excindendas ferro, præcipuè urbes omnes in partes suas metu, odio, aut quacunque ratione adjungendas, & trahendas staterant; accedebat, quòd nulla legitima stipendia militi repræsentare poterant, præter quæ prædando collegissent, sciebant assuefaciendos esse sanguini, & sacrilegijs Suos, ut neque receptum ad veniam habere unquam possent, & cum ex sacris, & Ecclesiarum flammis prædas agerent, majoribus sceleribus perpetratis, minora flagitia ducerent pro nihilo. Igitur Nobilitate adhuc intactâ, præterquam si quis opponeret sese, in Cœnobia suos ire iusserunt: explicari non potest, quantæ cædes his pauculis diebus in tanta hæreticorum omnia pervadentium celeritate, perpetrata sint. Ut priora, quæ jam commemoravi, præteream; Primo furentium impetu in uno Chrudimensi Districtu deletur Conventus Predicatorij Ordinis in minori Pardubicio (in Pardubičách) Dobrovicij, vel Drobovicij Premonstratensium; Podlaticense Benedictinorum (in quo fugâ dilapsis fratribus cæteris, deprehensum Abbatem cum alijs duobus Religiosis Patribus, in flammis injectum periisse, literæ Picardorum fatentur) in Orlik ad Chocznam dives Cœnobium Crucigerorum S. Cyriaci (de quibus alio in loco agemus) in Arce Gezbórzicensi (quod

1421.

Cædes innumera Sacrorum Virorum

Epist. Picardorum sub Vladis. Rege Typis edita.



Enumeran-  
tur Cæno-  
bia vastata  
& cum In-  
colis deleta  
hoc tēpore.

M. S. varia  
Epi. l. 4. C. 7  
Hag. 14. 21.  
Theob. in  
Hussit. P. 1.  
C. 44. & 45.  
Dubr. l. 27.

Templarijs extinctis, pridem Rhodij Equitibus cesserat) *Altomeitæ geminum* Ordinis Minorum, Virorum atque Virginum (quod S. Ludovici appellabatur) cum his *Altomeitani Crues*, qui portas claudere sunt ausi, non pauci perire; *Skalicense* iterum *Cisterciensium*, ac *Sezemicense* ejusdem instituti Virginum. In hoc postremum *Ziſka cum Taboritis* nullo prohibente ingressus, attonitas, tam horrido spectaculo DE Iſponſas (nam ex ipsis *Taboritarum* vultibus spirabant tormenta) vinciri, & in profluentem, *tredecim* numero (nam forsitan pluribus, ut alibi quoque factum lego, defuit animus) abjici jussit; bonâ fortunâ accidit, ut quibus id mandatum erat negotij in *Pragensem* aciem incurrerent, qui, utpote civiliores, illas sibi Virgines dari petierunt, datâsque *Reginohradecium* dimiserunt incolumes, quæ innocuæ animulæ lacrymantes per viâ, extra mundum se ire credebant, quod ejicerentur ex clauſtro. Sed, & *Czaslaviensis* Provincia ingens tum à *Taboritis* in sacris damnum accepit: *Wilemoviense* Ordinis S. Benedicti Cænobium cum suis cultoribus, & omnibus memorijs deletum, & incensum, aliud item *Michaloviense* ejusdem Ordinis, & *Chotussense*, vel *Chotieicense* S. Procopij Cisterciensis Instituti, *Byſoviense* (quod, cujus Ordinis fuerit, ignoratur) aliâque complura. Eandem calamitem subiêre Cænobia quædam in *Boleslaviensi*, & *Reginohradecensi* Provincia, ut *Benatek novum* (quanquam id antè à *Pragensibus*, qui *Boleslaviam Veterem* tenebant, factum videatur) *Crucigerorum* S. Cyriaci, *Fablonense* Virginum ex S. Dominici disciplina (nam postea Virginibus *Viri* succelsere) *Domum Rhodiorum Equitum* in juniore *Boleslavia*, ibidemque *Fratrum minorum Conventualium* Cænobium; *Lissa*, & *Proſik*, & sub Caſtro *Bezdiezy* *Canonicorum Regularium* S. Augustini (colonix Cænobij *Carolini* *Pragensis*) & aliud eorundem *Canonicorum* Cænobium in *Saczka*, & aliud *Landſcrona*, in *Zleby* *Noſocomium* opulentissimum à *Marquardo de Wartemberg* An. 1377. fundatum, cui sex *Cistercienses Monachi* cum *Præposito* ex Cænobio *Gradicensi* missi præerant; *Reginohradecij* ad S. Joannem *Baptistam* Cænobium *Fratrum Minorum*, ibidem alia duo Cænobia in suburbio Ordinis *Prædicatorum* Virorum, & fæminarum: illud ad *Ecclesiam B. Virginis*, hoc ad S. *Georgium* (quanquam *Reginohradecensis* Cænobia, non prius, quàm *Ziſka* adveniente, & suburbanas domus inflammante deleta videantur) item *Præpositura* Ordinis S. Benedicti in *Bassczin*; *Collegiata Ecclesia* in *Lipnicz* à D. *Wilhelmo de Landstein* An. 1397. fundata, ubi *Decanus* cum sex numero *Canonicis* ejecti; & *Domus Rhodiorum* in *Dub*, Cænobium *Crucigerorum* cum *navicula Sancti Sepulchri* ad *Trutnovium* (quæ civitas armatâ manu capta est) *Bidzoviense* Ord. Minorum *Conventualium*; *Zwolenſe* ad *Faromirium* Ordinis *Prædicatorum*, aliæque plurimæ Religiosæ sacrorum hominum Sedes, in quibus omnibus, quantum sit effusum sanguinis, expendat, quisquis hæreticorum in sacra rabiem, & eorum temporum latro-



ocinia, & sacrilegia in nostris Annalibus legit. Hæc omnia Cœnobia  
hoc iter Brodense, Kuttense, Chrudimense, & Jaromiriense, aut in redi-  
Pragam excisa sunt; Monachi, deprehenſi, ut habet Dubravius, exusti. *Dubr. l. cit.*

## §. LXXXVII.

Jaromirium Reginae Bohemiae dotalis Civitas in  
Reginohradecensi Provincia, datâ, & non servatâ  
hæreticis fide, Religionis causâ, aquâ & igne  
deletur. Zwolenses quatuor Ordinis Prædica-  
torum in Albim abjecti, merguntur.

Lacet Joannis Dubravij verbis Tragicum Jaromirensis Urbis excidi-  
um explicare, adjectis, si quid amplius inveniatur, brevissimis Notis:  
certiores mox facti (hæretici) Jaromirium Oppidum diligentissime  
à Bohemis, tum à Moravis, sub Præfecto Moravo ex familia Procerum  
Zsko vicia, muniri, eò Exercitus ducunt, & mœnia ingenti, ac pertinacim-  
Reptu invadunt, quippe ab ortu Solis usque ad meridiem illum continuarunt, tan-  
suorum occidione, ut Pragensium plus minus septingenti, Taboritarum autem  
Cyriangi desiderati fuerint. Minus posthac feroculi ad circumvallandum op-  
dum se dederunt, mox ad colloquium obsessos invitarunt, Pragensium loquen-  
Præfecto, futuram statim obsidij solutionem, si quatuor capita agnoscere vo-  
derint. Nihil nobis, respondent, cum vestris Capitibus errore plenis, nos uni-  
ecclesie Caput, sicut unum Regem nostrum agnoscimus. Caterum si liceat Vi-  
is, mulieribusque cum ipsis pueris incolumibus exire, & tantum cuilibet recu-  
rum suarum secum auferre, quantum dorso gestare queat, de Civitate se Pra-  
ensibus, non autem Taboritis concessuros. Obstringunt fidem, ita se facturos,  
ed perfidi non faciunt. Nam ipsum Præfectum Pragam captivum deduci ju-  
ent, viros, mulieresque etiam ipsis vestibibus despoliant, ac plures Virgines nuda-  
as in flumine submergunt. Hæc in Historia Bohemiae Dubravius; quæ non  
arum aliter in Theobaldo, & Hagecio, aliisque MM. SS. codicibus narrata  
eguntur: inprimis MM. SS. codices non Czernohorskium, sed Czervenohor-  
kium Urbis Præfectum nominant, quod fuit agnomen familiae Berkianæ in  
Bohemia, non Bozkoviciana apud Moravos stirpis. Taboritas nongentos,  
& sexdecim humum planxisse, ab Jaromirensibus occisos tradit Hagecius.  
Cum urbe exirent Catholici, nihil moventibus Pragensibus, Taboritas fœdi-  
fragos aggressos Civium turmas, primò Senatū (cū se in hoc Senatū dig-  
nitatem tueri velle cum amaro risu profiterentur) deinde cæteros, ac tandem  
nudas Virgines ex rupe (locus hodièq; monstratur) in Albim jecisse, & mer-  
sisse. Jam quod omisit Dubravius ex modò citatis Scriptoribus est supple-  
dum

A. 1420. 14.

Maij.

Dubr. l. 26.

hist. Boh.

Hæretici Ja-  
romirensi-  
bus fidem  
non serva-  
runt.Hagek ad  
1421.



Canonici  
Regulares  
S. Augusti-  
ni Jaromi-  
rij cōbusti.

Demerfi IV  
ex Ord. Præ-  
dic. ex Cœ-  
nobio Zvo-  
lenfi.

dum; alter dies (15. Maij) supplicijs *Sacerdotum* datus est totus: unum fu-  
pra vicanos eduxerunt, plerosque *Canonicos Regulares S. Augustini* ex Jar-  
miriensi Cænobio, tres tormentorum metu victi (ut habet *Theobaldus*) ac-  
cesserunt hæreticis, reliqui duodeviginti exercitu hæreticorum utroque spe-  
etante, flammis pyrâ ingenti excitatâ, sunt consumti.

*Zvole* pagus medio *Jaromirio* milliari situs, in quo *S. Dominici* Re-  
ligiosa Familia Cænobium, aut domicilium potius quoddam fixerat, quin-  
que enim non amplius alebantur; ex his quatuor dum *Jaromirium* obside-  
tur & capitur, captos, & in *Albim* projectos à *Taboritis* narrat *Joannes Laica*  
ejusdem Ordinis, qui latebris tectus evasit; cujus Chirographum Libro II  
*Miscellaneorum* Cap. XI. recitavi. Corrigendus ibidem Annus: non eni  
1425. sed 1421. gesta res est, licet eam primum A. 1425. *Joannes* descripseri

### §. LXXXVIII.

Tustenses Cives hæretici Castra Herstein, & Ry-  
zemberg occupant, ibi septemdecim Catholicos  
hîc sexdecim Viros nobiles exurunt; Conventu-  
ales domesticos suos trucidant. Virgines Sacra-  
Parthenonis Georgiani ignominiosè acceptæ pe-  
fora Pragæ ducuntur, & cum alijs Sacris Virgini-  
bus, quarum numerus ad trecentas quinquagin-  
ta ascenderat, in exilium deportantur.

1421.

*Theob. in*  
*Huss. P. I. C.*  
45.  
*Epit. l. cit.*

Herstein.  
Pivvodka.

Ryzmberg:

Cùm Orientalia *Bohemia* loca Ecclesijs, ac Cænobijs plurimis, non  
nullisque etiam Urbibus inflammatis, desolarentur, *Occidentalen*  
quoque *Bohemia* partem Catholicorum cædibus hæresis funestavit  
octo diebus ante Pentecosten *Tustenses Hæretici* arcem munitissimam, in  
quam loci fiduciâ suas opes multi ex Nobilitate, & Sacerdotes ex Templis in-  
tulerant, *Herstein* (ad *Ronsperg* in *Plsnensi* Provincia sitam) expugnant, in  
eâque septemdecim Viros Catholicos, Religiosos plerosque, ut probabili  
conjectura evincit, flammis enecant, deinde in descensu montis, nobile Cæ-  
nobium *Pivvonganum* Eremitarum *S. Augustini* incendunt.

Propè jam mihi exciderat alterum *Civium Tustensium*, seu *Domažli-*  
*ensium* sacrilegum facinus, nisi memoriam admonuisset *Calendarium histo-*  
*ricum* *Procopij Lupacij* *Civis Tustensis*, cujus hæc verba sunt ad 18. Maij, An.  
1421. *Domažlicenses* expugnatâ *Rizembergâ* (castro munitissimo) XVI. Cli-  
entes (id est Nobiles) veritatem Christi adversarios (vide hæretici hominis a-  
mentiam!) combusserunt, *Bohuslao* *Rizembergæ* Domino *Ssvihoviana* gentis  
foli



li pepercerunt, eò quòd esset Reipublicæ Pragensis jam antè captivus. En cæ-  
 em, en causam! sed & tertium eorundem hæreticorum *Tustæ* facinus An.  
 119. patratum in M. S. Codice reperio: excidium videlicet in Urbe sua Cæ-  
 nobij *Minorum Conventualium* multo cum sanguine. erat id pro *Augustinia-*  
*is* A. 1288. fundatum (ut dicam alibi) post ad *S. Francisci Ordinem* perve-  
 nit; hodie rursus habitatur à suis.

Cænobiū  
 Tustense  
 FF. Minor:  
 M. S. f. 191.  
 In Cænobijs

Nec *Pragæ* quies Catholicis data; rudes puellæ, DEO que plenæ Vir-  
 gines ex Cænobijs extractæ tantum non perierunt. In Junio Anni 1431.  
*Borzka*, seu *Ursula Czenkonis de Wartemberg Burgravij supremi soror Anti-*  
*ta Parthenonis Georgiani* ad Senaculum Antiquæ Urbis Pragensis, ad pro-  
 na subsellia ab Altaribus, ad opifices fordidissimos Princeps fæmina, &  
*incipis titulo* ornata evocatur; quærit *Foannes Apostata Monachus*: velit-  
*Pragensium Articulis* (quos scilicet hæresis dictaverat) subscribere? ita *Par-*  
*thenoni* omnia tuta fore, & pacata; sin recuset, omnia malè illi eventura.

Hagek ad  
 A. 1421.

*Borzka* in maximorum Procerum familia genita, animo præsentis conditio-  
 nem paucissimis verbis recusat; ergo illi exilium in *pervigilium S. Joannis*  
*Baptistæ* decernunt; mittunt, qui deducerent satellites hæresi corruptissi-  
 mos: *Borzka* triginta sacratæ Vestales sequebantur, per frequentissima *par-*  
*te Urbis* loca ducuntur, compita omnia vociferationibus hæreticorum, &  
 etulantissimis scurrilibus, & impudicissimis (quod Virginitati tormentum  
 maximum) vocibus personabant; in Ponte qui *magnam, & parvam Pragam*  
 conjungit in sumum venêre discrimen: erat quibusdam animus dare præci-  
 pites in *Muldavam*, restitère prudentiores civium, rixa, ac propè jam pugna  
 vit, tandem pars sanior, & mitior vicit: ad *S. Annam Virginum S. Domini-*  
*Cænobium* adducunt: huc enim ex cæteris quoque Cænobijs Virgines  
 compulerant mitiores hæretici, numero amplius trecentas quinquaginta.  
 Post varias consultationes hæreticorum, generis claritudo (nam pleræque  
 Procerum, & Nobilium nurus erant) mortis periculo innocuas animulas  
 exemit; *Borzka* cum suis prima, sed pecunijs, rebúsque omnibus spoliata,  
 in exilium, deinde & cæteræ paulatim, nè furens plebs sentiret, dimit-  
 untur, quas procul Patriâ exulatum in alienas terras ad sui instituti Sorores  
 misisse, traditum est. *Hagecius* à *M. Laurentio* iterum deceptus *Borzka*  
*Articulis* hæreticorum subscribere voluisse narrat, sed eum tum cæteri Scri-  
 ptores, tum ipsum exilium, quod irrogatum est, luculentè  
 refellit.

Vide superi-  
 us quæ de  
 Borzka ejus  
 que constā-  
 tia memora-  
 vi §. LXXXIII

Virgines sa-  
 cræ Pragæ  
 in exilium  
 deportan-  
 tur.





Canonici  
Regulares  
S. Auguſti-  
ni Jaromi-  
rij cōbuſti.

Demerſi IV  
ex Ord. Præ-  
dic. ex Cœ-  
nobia Zvo-  
lenſi.

dum; alter dies (15. Maij) ſupplicijs *Sacerdotum* datus eſt totus: unum  
pra vicenos eduxerunt, pleroſque *Canonicos Regulares S. Auguſtini* ex Ja-  
mirienſi Cœnobia, *tres* tormentorum metu victi (ut habet *Theobaldus*)  
ceſſerunt hæreticis, reliqui duodeviginti exercitu hæreticorum utroque ſe-  
tante, flammis pyrâ ingenti excitatâ, ſunt conſumti.

*Zvole* pagus medio *Jaromirio* milliari ſitus, in quo *S. Dominici* Fa-  
ligioſa Familia Cœnobium, aut domicilium potiùs quoddam fixerat, quæ  
que enim non ampliùs alebantur; ex his *quatuor* dum *Jaromirium* obſi-  
tur & capitur, captos, & in *Albim* projectos à *Taboritis* narrat *Joannes Lai-*  
ejuſdem Ordinis, qui latebris tectus evaſit; cujus Chirographum Libro I  
*Miſcellaneorum Cap. XI.* recitavi. Corrigendus ibidem Annus: non eni  
1425. ſed 1421. geſta res eſt, licet eam primùm A. 1425. *Joannes* deſcripſe-

### §. LXXXVIII.

Tuſtenſes Cives hæretici Caſtra Herſtein, & Ri-  
zemberg occupant, ibi ſeptemdecim Catholicos  
hic ſexdecim Viros nobiles exurunt; Convent-  
ales domeſticos ſuos trucidant. Virgines Sacra-  
Parthenonis Georgiani ignominioſè acceptæ p-  
fora Pragæ ducuntur, & cum alijs Sacris Virgir-  
bus, quarum numerus ad trecentas quinquagin-  
ta aſcenderat, in exilium deportantur.

1421.

*Theob. in L.*  
*Huſſ. P. I. C.*  
45.  
*Epit. l. cit.*

Herſtein.  
Pivvonka.

Ryzmberg:

Cùm Orientalia *Bohemia* loca Eccleſijs, ac Cœnobijs plurimis, ne-  
nullis que etiam Urbibus inflammatis, deſolarentur, Occidentalia  
quoque *Bohemia* partem Catholicorum cædibus hæreſis funeſtav,  
oſto diebus ante Pentecoſten *Tuſtenſes Hæretici* arcem munitiſſimam, a  
quam loci fiduciâ ſuas opes multi ex Nobilitate, & Sacerdotes ex Templis i-  
tulerant, *Herſtein* (ad *Ronsperg* in *Plſnensi* Provincia ſitam) expugnant, a  
eâque ſeptemdecim Viros Catholicos, Religioſos pleroſque, ut probabis  
conjectura evincit, flammis enecant, deinde in deſcentu montis, nobile C-  
*nobium Pivvonkanum Eremitarum S. Auguſtini* incendunt.

Propè jam mihi exciderat alterum *Civium Tuſtenſium*, ſeu *Domaſ-*  
*cenſium* ſacrilegum facinus, niſi memoriam admonuiſſet *Calendarium hiſt-*  
*ricum* *Procopij Lupacij Civis Tuſtenſis*, cujus hæc verba ſunt ad 18. Maij, A.  
1421. *Domaſlicenſes* expugnatâ *Rizembergâ* (caſtro munitiſſimo) XVI. Ci-  
entes (id eſt Nobiles) *veritatum Chriſti adverſarios* (vide hæretici hominis  
mentiam!) *combufferunt*, *Bohuſlao Rizembergæ Domino Sſvovihoviana* genit-



pepercerunt, eò quòd esset *Reipublica Pragensis jam antè captivus*. En cœ-  
n, en caussam! sed & *tertium* eorundem hæreticorum *Tustæ* facinus An.  
9. patratum in M. S. Codice reperio: excidium videlicet in Urbe sua Cœ-  
n<sup>ij</sup> *Minorum Conventualium* multo cum sanguine. erat id pro *Augustinia*-  
A. 1288. fundatum (ut dicam alibi) pòst ad *S. Francisci Ordinem* perve-  
nit; hodie rursus habitatur à suis.

Cœnobîū  
Tustente  
FF. Minor:  
M. S. f. 191.  
In Cœnobîis


Nec *Pragæ* quies Catholicis data; rudes puellæ, DEO que plenæ Vir-  
gines ex Cœnobîis extractæ tantum non perierunt. In Junio Anni 1431.  
*Borzkæ*, seu *Ursula Czenkonis de Wartemberg Burgravij supremi soror Anti-*  
*Parthenonis Georgiani* ad Senaculum Antiquæ Urbis Pragensis, ad pro-  
prietaria subsellia ab Altaribus, ad opifices sordidissimos Princeps fœmina, &  
incipis titulo ornata evocatur; quærit *Joannes Apostata Monachus*: velit-  
*Pragensium Articulis* (quos scilicet hæresis dictaverat) subscribere? ita *Par-*  
*thenoni* omnia tuta fore, & pacata; sin recuset, omnia malè illi eventura.

Hagek ad  
A. 1421.

*Borzkæ* in maximorum Procerum familia genita, animo præsentis conditio-  
nis paucissimis verbis recusat; ergo illi exilium in *pervigilium S. Joannis*  
 *Baptistæ* decernunt; mittunt, qui deducerent satellites hæresi corruptissi-  
mos: *Borzkam* triginta sacratæ Vestales sequebantur, per frequentissima par-  
tibus loca ducuntur, compita omnia vociferationibus hæreticorum, &  
scurrilissimis scurrilibus, & impudicissimis (quod Virginitati tormentum  
maximum) vocibus personabant; in Ponte qui *magnam, & parvam Pragam*  
conjungit in sumum venere discrimen: erat quibusdam animus dare præci-  
pes in *Muldavam*, restitère prudentiores civium, rixa, ac propè jam pugna-  
nt, tandem pars sanior, & mitior vicit: ad *S. Annam Virginum S. Domini-*  
*Cœnobium* adducunt: huc enim ex cæteris quoque Cœnobîis Virgines  
impulerant mitiores hæretici, numero amplius trecentas quinquaginta.  
Istas varias consultationes hæreticorum, generis claritudo (nam pleræque  
Procerum, & Nobilium nurus erant) mortis periculo innocuas animulas  
emittit; *Borzkæ* cum suis prima, sed pecunijs, rebûsque omnibus spoliata,  
in exilium, deinde & cæteræ paulatim, nè furens plebs sentiret, dimit-  
tuntur, quas procul Patriâ exulatum in alienas terras ad sui instituti Sorores  
transiisse, traditum est. Hagecius à *M. Laurentio* iterum deceptus *Borzkam*  
*Articulis* hæreticorum subscribere voluisse narrat, sed eum tum cæteri Scri-  
ptores, tum ipsum exilium, quod irrogatum est, luculentè  
refellit.

Vide superi-  
us quæ de  
*Borzka* ejus  
que constā-  
tia memora-  
vis. LXXXIII

Virgines sa-  
cræ Pragæ  
in exilium  
deportan-  
tur.







## §. LXXXIX.

Doxanense, & Teplicense Cœnobia, illud Præmonstratensis, hoc Benedictini Ordinis Virginitum deinde Ossecense virorum Cisterciensis instituti, ferro & igni delentur.

1421. in Jul.

Hagek l. c.  
Epist. l. cit.  
Theob. P. 1.  
C. 49.

Doxanen-  
sis & Tepli-  
censis Par-  
thenones  
vastati.

Pessina in  
Moravogr:  
L. 4. C. 4.

Ossecense  
Cisterci-  
sum Cœ-  
nobium in-  
cessum.

f. 833.

Cisterci-  
ens in Os-  
secensi crude-  
liter perem-  
ti.

**J**ulij Mensis initio *Joannes Apostata Monachus*, qui tum *Praga* omnia p-  
terat, *Pragenses* copias in *Zatecensem*, & *Litomericensem* Districtus en-  
tit: *Doxanense Cœnobium* Præmonstratensis Instituti Virginitum opule-  
tum in primis, ac multis Regum, & Reginarum foundationibus locupletatum  
ante omnia invadunt sacrilegi, spoliunt, & cum Ecclesia incendunt. Ha-  
cuius diem Lunæ post *S. Procopium* nominat (id est, nî fallor, 7. Julij) quo  
flammis *Doxanum* conciderit; eandem rabiem, quamvis initio humani-  
tem præferrent, in alterum Cœnobium *Teplicense* Virginitum *S. Benedi-*  
*Pragenses* effuderunt; ac primùm Antistita Parthenonis leniri posse ben-  
ciji speraverat, itaque velut Amicis Civitatem suam *Teplicensem* pro poteste-  
patere, & portas aperiri jusserat, deinde opiparè, lautèque tractari submini-  
ex præsentī copia cibarijs; at apud improbos, & sacrilegos frustra ex ben-  
cio gratiam quæsieris; curatis, & satiatis corporibus, crudeles etiam animos  
incendijs, & supplicijs pascere jam pridem cupiebant; impetu in Cœnobia  
facto, e ductis prius *Virginibus*, deprædantur omnia, & ad extremum cla-  
strum inflammant, ac diruunt; improbissimus quisque abeuntes *Sacra*  
*Virgines* affecuti despoliant, ipsis vestibus exuunt, & nudatas agunt in fugam,  
quasdam aquis præfocant.

12. Julij, *Ossecense Cœnobium* Cisterciensis Ordinis elegantissimis ædifi-  
cijijs, & magnifico Templo percelebre *Pragenses* adoriuntur, idque nullo  
fendente occupant. In tempore admoniti Religiosi evasere cladem plenam  
& in proximas silvas, ac montes abdidere sese; at hæretici rabie in saxa ca-  
versâ, elatis rebus omnibus, quæ usui esse poterant, *Ecclesie*, & *Cœnobia*  
gustissimo faces subjecere. In his tribus Cœnobijs, quotquot deprehendere  
poterant Religiosos, qui aut *Sacra* apud *Virgines* DEO devotas procurabant,  
aut ægroti, aliâve causâ retardati venere in manus, vel igne, vel ferro per-  
merunt. *Chronicon CitiZense*, Religiosi è familia *S. Benedicti* Scriptoris,  
differtissimè affirmat: An: 1421. cum Hæretici *Bilinam* (quæ tum erat in i-  
tione *Alberti de Colditz* Viri Catholici) obsiderent, Cœnobium *Ossecanum* b-  
jisdem exustum, & *Monachos Cistercienses*, qui ibidem DEO militabant, ci-  
deliter occisos. Idem affirmat disertis verbis Menologium Cisterciense  
Chrysostomi Henriquez: *Apud Bohemos*, inquit, *Passio Beatorum Mary-*  
*rum Sanctæ Mariæ de Ossek* Ord. Cisterciensis, qui in confessione fidei consti-



*persistentes ab Hussitis immaniter interemti (An. 1429.) cum palma Martyrij victores evolarunt in cælum. Eorum Martyrium referunt Paulus Lan-  
 us. Cochleus l. 6. hist. Hussitar. Aubertus Miræus l. 5. Originum Monasti-  
 c. c. 15. Observet Lector, discrepare de Offecensi Cœnobio Scriptores :  
 eobaldus, aliique evasisse cœdem Religiosos, alij subiisse; alij Cœnobi-  
 in 12. Julij An. 1421. alij 23. Sept. 1429. excisum affirmant. conciliari utra-  
 e pars à Nobis potest: dicimus enim primo hæreticorum incursu A. 1421.  
 Julij fugâ in vicinas silvas vitasse mortem: at cùm paulò post rediissent,  
 damna illata, ut poterant, reparassent An. 1429. 23. Sept. inopino hostium  
 ereticorum impetu crudelissimè deturbatos è vita, idque postremum ipsius  
 . Ordinis autoritate firmatur, imò hodièque locus in Offecensi Cœnobio  
 monstratur, in quo Beatorum illorum Martyrum sacra ossa quiescunt; ut de  
 de illa dubitare ampliùs non liceat.*

## §. XC.

*Bilinæ expugnatâ Arce, cruenta Catholicorum la-  
 iena. Ad Brixiam septem Sacræ Virgines Ordini-  
 nis S. Mariæ Magdalenæ de Pœnitentia, crude-  
 lissimè ante Effigiem DEI Matris in Templo  
 necantur.*

*Ingentem Catholicorum & Sacerdotum, qui se Bilinæ clauferant, stragem  
 non modò Scriptores Nostri, sed hæretici etiam execrantur; obseffa pri-  
 mùm Civitas à Pragensibus, cùm defendi non posse videretur, præsidia-  
 i, & quidquid erat armatorum cum Sacerdotibus, qui confluerant plurimi,  
 d Arcem, quæ Urbi imminet, refugerunt; sed quod arma efficere non pote-  
 unt, confecit proditio. Arce Pragenses potiuntur, trucidantur promiscuè  
 mnes Catholici, præsidium, Nobilitas plurima, Sacerdotes magno numero  
 yris exstructis quasi per otium (quò magis odium Catholici nominis appa-  
 eret) concremantur. Utinam singulatim à Scriptoribus hæc tractata habe-  
 amus! at illi velut in titulis Triumphorum captam Bilinam, & ingentem nu-  
 erum eorum, quos diximus, peremtum, & exustum dicere contenti, reli-  
 ua omnia silentio transierunt. Vix quidquam ampliùs de crudeli cæde Sa-  
 rarum Virginum Zaras traditum accepimus: sed magno authore nititur  
 arratio Georgio Bertholdo Pontano à Breitenberg, Metropolitana Pragensis Ec-  
 lesiæ Preposito: obsidebant Pragenses hæretici Brixiam Julio Anni hujus,  
 am obsidionem à cæde DEO devotarum Virginum inchoarunt; erat Cœ-  
 nobium Ordinis S. Mariæ Magdalenæ de Pœnitentia in pago Zará sub ipsa Ar-  
 e Brixienfi (quam in Regni Constitutionibus vetustis Landsvertam pridem*

*1421. 7. Jul:  
 Hag. 1421.  
 Epi. l. 4. c. 7*

*Bilinæ Ca-  
 tholici cre-  
 mantur.*

*Pontan. in  
 Brixia.*

*Septem Mo-  
 niales in Za-  
 raz interfe-  
 ctæ.*



diximus appellatam) dum advenirent *Pragenses*, timore, qui in eum sexum plurimum potest, ex *Cœnobia* in proximas silvas profugerant; at brevi cū nihil quo pellerent famem, invenirent, neque inopes consilij expedire ita possent, amore *Martyrij incense*, ut loquitur *Pontanus*, mutuò sese adhortantes, ad *Cœnobia*, velut columbulæ, septem ex omnibus revolarunt. hæretici recognitâ, in *cœnobia* irruunt, illæ ad *Ecclesiam*, & ad *Beatissimam Virginis Aram* confugiunt, ut felicius ad pedes *JESU*, & *MARIÆ* adlutæ morerentur: hæretici hâc ipsâ pietate irritati, quasdam jacentes in precibus, capillis, contactu fœdissimo, ab humo levant, easque adaucto in precordia ferro trucidant, alias genibus flexis mortem suam *Regina Virginis MARIÆ* commendantes, capite abscisso, frameis, natantes in sangvine relinquunt. Narrat *Pontanus*, geminum in ea Virginum cæde contigi-  
 Miracula quædam in earū cæde.  
 Pont. l. cit. miraculum; ac primum quasi sacrilegio gravatam *Tellurem* movisse, & tremuisse; deinde *Signum DEI Matris* avertisse vultum, nè vel in statua dæmesticarum sutarum cædem videret, in eadēque statua *Puerum JESU* quem sinu gestat *Mater*, velut etiam ipsum conterritum, ut hominum more loquar, digitum ori Materno inferuisse;

*Hoc monumenta docent, & testes Numinis aræ,*  
 canit *Pontanus*, quod ipsum *Divæ Matris signum in Zaraz* vidisse me jam pridem, & in signo mirifico *JESUM*, & *MARIAM*, quamvis cultu longe diverso (hanc ut hominem, illum ut Deum, & Hominem) adorasse lætæ & glorior. Porro *Zarazenses Virgines* annis volventibus, ex horrore illorum locorum, in *Urbem Brixiam* transtulere *Cœnobia*, & securiorem in *Urbem* solitudinem natæ, DEO hodiēque serviunt, rerum humanarum prorsus inmemores, cui sacro *Parthenoni* à *Confessionibus* sacris aliquo tempore fuis-  
 Commotoviensi Societatis Collegio *Brixiam* non semel devectus.

## §. XCI.

*Borense Cœnobia* Virginum ad *Horazdiovicum* à *Zifka*, *Swietsense* ad *Bilinam* *Monialium* *Sepulchri*, & aliud in *Biela* *Eremitarum Sancti Augustini*, à *Pragensibus* excinduntur, & incenduntur.

1421.  
 M. S. Manuscriptus Codex *Historiæ Bohemicæ* fidelissimus narrat, cū *Pragensis Exercitus*, ut modò narraveram, obsidione *Bilinæ*, *Brixie*, & excidijs vicinorum *Cœnobiorum* occuparetur, *Zifkam* in *Becovensi Provincia Piccardorum*, & *Adamitarum* sectam nascentem funditus delivisse (quod unum operum ejus laude dignissimum nostri Scriptores agnoscunt)



ent (mox in *Crucigeros Melitenses*, qui *Strakoniciū* ditione tenebant, arre-  
vertisse, inde semel, iterumq; virtute *Henrici de Novadomo Grandis Prio-*  
*Crucigerorum*, cum ignominia rejectum, ut habet *Cochlaus*, minora op-  
ia, & arces vicinas infestasse. Urebat illum post *Horazdiovicium* situm  
nt. *Virgineum Cœnobium* in *Bor*, quod irritatus *Straconicensi* repulsâ, capto  
eatissimopido, & castro delevit, incenditque. *Virgines* in hoc Cœnobio habitasse  
Eadistans, & à Majoribus tradita memoria est, at cujus instituti? nusquam in-  
es inire potui, sepulchra in Ecclesia inferiore *crucibus* ubique *Melitenſium* ad  
o in pte is signata, ostendunt *Crucigeros Virginum* illarum spiritualem curam ha-  
*Virgines* esse; perlustravi lapides omnes, monumenta omnia antiqua indagavi soli-  
tangunt, nihil invenire certi potui; Ecclesia in vicino colliculo (ad quam Cœno-  
ontigim *Virgineum* steterat) Altare habet Virginibus congruum; nihil enim  
e, Galad, quàm *Sanctarum Virginum* maximo numero circa *DEI Matrem*, &  
tatua *erum JESUM* stantium signa parvula repræsentat: suspicio oboritur (si  
E SU nodò mea conjectura potentius scripto aliquo vetere conprobari posset) *Me-*  
um *melitenſium Ordinis* fuisse; neque obstat *Crux*, & institutum militare: nam &  
*Crucigeri milites S. Sepulchri* apud *S. Jacobum* in *Svvietsy* (*Schwarz* hodie  
Germani appellant) Moniales suas in *Bohemia* habuerunt, quod ipsis sepul-  
e mebris ad oculum, ut loqui solemus, demonstraturum me promitto.

Hoc quoque Cœnobium *Svvietsense* (quod antè præterieram) locuples,  
Virginibus sacris (ut postea in *Zaraz* fecerunt) aut occisis, aut in fugam actis,  
loceodem Anno delevêre *Pragenses*, & flammis, ut hodièque ruinæ ipsæ sa-  
in Uis loquuntur, corrupere.

Die *S. Lucæ* sacro ijdem misso Exercitu, *Michalovicij* (quem capitaliter  
oderant) Civitatem, & Arcem, *Bielam* nomine, oblessam cepere, in eâque  
eprehensos (quod loco fiderent) *Religiosos Ordinis Eremitarum S. Augusti-*  
ad Ecclesiam *S. Wenceslai*, diversis mortibus omnes crudelissimè pereme-  
unt. Hæc omnia *Foannis Apostatæ Monachi* imperio gesta esse, omnes eo-  
um temporum Scriptores fatentur, quem insuper *Piccardorum* sectæ dedi-  
am, iisque, cum apertè non posset, ex occulto, & velut post siparium favif-  
e, ijdem *Manuscripti Codices* multis argumentis ostendunt; unde etiam  
*Piccardorum* spiritu instinctus, Catholicorum sanguinem maximè sitiebat.  
n *Octobri* hujus anni *Foannes Sadlo de Koſtelecz* innoxie à Monacho damna-  
ur ad mortem; rem gestam ex *Theobaldo* narrabimus: *Foannes Præmon-*  
*stratensis Pragæ* nimium sese tractationi Reipublicæ immergens, quem oderat,  
nunc vitâ privabat, vel Civitate pellebat; id apertissimè declaravit mors stre-  
nui Equitis *Foannis Sadlo de Koſtelecz*; hunc, ut exosum *Pragensibus* red-  
deret, quod Catholicus esset, accusavit ad populum: *venenum*, & *pestem*  
*Patriæ*, appellans, qui cum *Pragenses* adversus hostes *Bohemici* nominis *Bri-*  
*xiam* ducerent, nullam opem adferre voluisset, ac nuper in *Comitijs Kuttne-*  
*sibus*.

*Cochl. lib. 5.  
hist. Hussit.*

*Virgineum  
Melitenſiū  
Cœnobiū  
in Bor.*

*Svvietsense  
Cœnobiū.*

*Bielense itē  
deletur.*

*Hag. 1421.*

*Theob. in  
Hussit. P. 1.  
C. 50. ex Ger-  
manico ver-  
ti.*

*Equitis Ca-  
tholici ob  
religionem  
cædes.*



sibus Legatos Pragensium ad prævaricationem præcipuo conatu suo adduxisset. His acceptis Sadlo ad Pragensem Senatum (quem *Monachus* non pridem pro arbitrio creaverat) literas dedit, quibus latè descripsit, quam fidem operam Pragensibus, vivente *Wenceslao Rege* præstiterit, petere publice: liceret *Pragam* venire, & causam dicere. *Senatus* respondit dare se fidem, veniret modò, vim omnem abfuturam promittit. Ità *Sadlo* pertractus in Urbem cum duobus fratribus suis germanis *Petro*, & *Burchard*, altero die comparet in Senatu; è vestigio, sed silentio, circumvenitur, & capitur, denique secundâ noctis horâ in ipsa *Veteris Urbis Curia* capite truncatur. Hæc est *Theobaldi* narratio, quæ si veritatem continet, profectò *Johannis* hujus *Equitis* mors cum causâ fidei conjuncta fuisse dici potest. At *Hagecius* à suo *M. Laurentio* in transversum actus (ut jam sæpe questus sum eundem *Equitem* sub utraque specie *Eucharistiam* sumentibus benevolum, commodum fuisse semper, ipsûmque etiam aliquando sub utraque summe solitum commemorat; ego rem in medio relinquo, dum certiora adferantur indicia. Constat tamen vex *Hagecio*, Virum fuisse probum, religiosum, *Wenceslao Regi*, ac *Cæsari* ab intimis consilijs, qui ante mortem efflicti *Sacerdotem* adesse sibi expetierit, nec impetrare potuerit, tumulatum esse in æde *S. Nicolai* post *Curiam Urbis antiquæ*.

## §. XCII.

Teutobrodenſis Civitas Catholica cum Sacerdotibus plurimis, aliisque sacris hominibus à Tabornitis excinditur. Sobeslaviæ Sacerdotes flammis consumti.

1422. 10. Janu-  
ar.  
Sil. præfat.  
in hist. Boh.

Catholici  
perimun-  
tur Teuto-  
brodæ nul-  
lo discrimi-  
ne.

Cohl. ad A.  
1422.

**A**nnus 1422. in *Bohemia* parcior *Martyrum* (quos hoc nomine *Pius I* appellat) fuit: ipso tamen anni initio 10. Januarij *Ziſka Cocles* & *Cyclops*, *Polyphemus* alter, *Cæsare Sigismundo* in fugam acto, *Teutobrodæ*, quæ portas clauſerat, & fortissimè pro aris, & focus dimicarat, occupavit; statim sinè discrimine omnes sexûs virilis (ad tria hominum millia) quos inter sacros homines è *Zelivensi*, & *Wilemoviensi Cænobijs*, qui sese huc receperant, atque eos, qui *Teutobrodæ* ad Collegialem *Beatæ Mariæ Virginis Ecclesiam* sacra procurabant non parvo numero crudeliter interfecit, tum Civitate incensâ, & super Cives suos cadente, tantâ etiam inclementiâ in imbelles usus, ut omnibus incolis vacuata septem annis (alij quindecim scribunt frequentissima illa tum Urbs, & *Iglaviæ* æmula, sinè Cive, & habitatore sterit derelicta. De hac Urbis Catholicæ clade agit *Crugerius* ad 10. Januarij nôsque in *Epitome* ad eum annum; *Cochleus* in *Huffiticijs*, sed omnibus dili-

gen



gatiùs libro eodem titulo scripto *senior Theobaldus*. Videtur porrò *Ziſſ-*  
*ſpuria* quadam, ut ita loquar, pœnitentiâ ductus *Teutobrodam* iterum ha-  
 bilem reddere voluisse. Habeo in M.S. Codice meo *Ziſſka* bohemicam  
 istolam *Wilemovio* hoc An. 1422. die Jovis Sancto datam, in qua omnes  
 morum suorum per Bohemiam Socios *Teutobrodam* ad diem Mercurij post  
 ta Paschalia invitat, inter alia, *ut ubi peccavimus*, inquit, *eodem in loco pœ-*  
*nitentiam agamus*; at profectò pœnitentia illa sacrilegi Latronis, ut videbi-  
 ur, & ceteris postea, nimium brevis fuit, quam nova sacrilegia obruerunt.

Octavo post *Teutobrodam* excisam die, *Tabores* victoriâ utendum rati  
*Sobieslaviam* petierunt. Facilitatè Civium, ac fortasse quòd eadem cum *Ta-*  
*ritis* sentirent, admissi, præsertim cùm jam tantum sanguinis fudissent, cle-  
 us sumptuæ famam aliquam aucupari voluerunt, veniâque dederunt omnibus;  
 lum, ac cùm in *Coronam Monachorum & Sacerdotum* (ut habet *Theobaldus*) inci-  
 sum essent, nimirum crudeles & cruenti Latrones animis imperare non poterant  
 ferantur, unâque omnes protinus injecerunt in rogam.

*Sobieslavię*  
 occisi Sacer-  
 dotes.

*Theob. P. 1.*  
*C. 15.*

## §. XCIII.

*Oslovanense* Virginum Cisterciensium Coenobi-  
 um in Moravia vastatur; in eadem Provincia Mü-  
 glium Civitas Episcopalis prorsus deletur.

**R** Em ipsam, quam titulus promisit, brevissimè absolvam: *Oslovan*  
 pagus est ad *Evanczicium* (nam arx, quæ hodie eò loci visitur, ex *Par-*  
*thenonis* ruderibus surrexit) in quo Cisterciensis familia Religiosa sa-  
 ratas sui Instituti Virgines habebat. Exstant hodièque vestigia, *Sacellum*,  
 & *Ædes*, ex quibus facilè ædificium *Parthenonis* agnoscere possis. Spe-  
 tris infestatur locus, ac sæpe *Processiones ad Ecclesiam Arcis* ducuntur nocte,  
 it à fide dignis comperi, ordinatè, & cum cantu; curiosè in eo loco versatus  
 per dies aliquot, & noctes, nihil præter terrorem vidi, vel audiui. Sed ut re-  
 leam: *Oslovanenses Virgines* quotquot deprehendi poterant, *Ziſſka* in pro-  
 fluentem abjecit, ac merſit; sinè dubio Religionis causâ, quid enim aliud  
 mbelli, & propè adhuc lacteæ ætati, *Virginibus* innocentissimis, DEO sacra-  
 tis, quæ neque mundum, neque seipsas, præter Religiones, & DEI obsequi-  
 am noverant, objici pro crimine potuisset?

Jam verò cùm in *Bohemiâ Reginohradecium* ad suos ex *Moravia Ziſſ-*  
*ka* rediret, subito ad dextram converso itinere, *Mohelnicium*, hodie *Mügli-*  
*cium* Episcopi *Joannis Ferrei Olomucensis* Urbem, etsi frequentissimam po-  
 pulo, imbellem tamen, invalidam, & malè vallis, ac mœnibus firmatam pri-  
 mo impetu capit; nihil ibi Sanctum, nihil immeritum, & innocens esse cre-  
 didit,

1423.

*Oslovany*  
 cædes Sacra-  
 rû Virginû.

*Pess. in Mo-*  
*ravogr. l. 4.*  
*C. 7.*

*Epit hist. l.*  
*4. C. 8.*

*Müglcij*  
 Catholici  
 interficiun-  
 tur.



didit, Cives omnes, ac puberes interfecit; sunt qui etiam infantes, ac puellas occisas tradant; dum ante complures annos illac iter haberem, monstrare *Cives Sacrarium* in Ecclesia ingredientibus ad partem dextram, ubi trucidatos, pauci qui remanserant, tumulassent; illud subtus *Sacrarium* plenum his ossibus, ideoque protuberare à tumulis, & altius Ecclesiæ plano lum ejus esse narrabant; occisis Civibus vacuum, & jam inutilem urbem crudelissimus *Latro* cum Templis incendit.

## §. XCIV.

*Ziska Kozogedy* Castro occupato Catholicos quadraginta trucidat; Autumno medio in Moravia vos ducit Exercitum, *Quasicij*, *Evancicij*, & per viam Catholicos omnes flammis exurit.

In Kozogedy  
Catholico-  
rum cædes.

1423.

Ep. l. 4. C. 8.  
Theob. in  
Hussit. P. 1.  
C. 54.  
Hagek ad  
A. 1423.

**P**ost Victoriam cruentam, quam *Ziska* de Catholicis quibusdam Provincibus ex *Provincia Reginohradensi* supra *Horzicium* ad *S. Gothardum* Ecclesiam An. 1423. paulò ante *S. Georgij* festum reportarat, septimo post die *Kozogedy* Castrum, quod ad *Czenkonem de Wartemberg* pertinuit, probabilis est conjectura, obsedit, & ultimâ Aprilis occupavit. Deditur se, ac sua *Catholici* præsidarij, at *Ziska* efferatus dediticios æquè, ac repugnantes, modò *Catholici* forent, sinè discrimine trucidare jam statuerat, itaque nullâ misericordiâ, omnes *Catholici* numero quadraginta Religionis odio periére.

Dubr. l. 26.

Et in arce  
Quasicz.

Nondum *Moravis* omnibus *Ziska* nomen innotuerat, quò properavit magis in Autumno præsentis anni, sese sceleribus, & sacrilegijs toti *Moravia* commendare. *Quasicium* arx percelebris, prima *Ziska* sævitiam, truculentiam in *Moravia* sensit: nam captâ arce, non ut solebat, militum viros ferro sustulit, sed quasi per orium, odio majore flammis (quod supplicium *Sacerdotibus*, *Monachis*, iisque tantum, quos *Catholica* fidei propaganda studuisse, & ardentem eam colere sciebat, irrogabat) pyram exstructâ prædium totum unâ cum Arcis Domino redegit in cineres.

Et Evanczi-  
cij.

*Evanczicium* *Znoymensis* Provinciæ Civitas post hæc tempora Civibus suis coelum auxit; adveniente enim *Ziskâ*, vix armorum terrore ostentato, *Cives*, quorum potior pars *Hussitarum* jam infecta erroribus Romanæ Religionis nuncium remiserat, hostes admiserunt. Quàm ibi crudeliter *Sacerdotes* & *Cives*, qui veterem Religionem Catholicam præsentis animo contemptâ etiam morte, tuebantur, sævitum! pars in vicino flumine demersa, pars in flammis coniecti, pulchrâ morte pulciores animas Christo reddiderunt. Notant hoc loco ex *Aenea Sylvio Crantzio*, *Cochlaus*, *Dubravins*

Æn. Silv.  
hist. Boh. C.  
44.  
Pess. in Mar-  
te Morav.  
l. 4. C. 7.



ultimis vitæ annis *Zifskam* longè cruentiorem, & irritabilem magis esse editum, elatùmque victorijs insolentiùs indies egisse, *Ecclesias* passim per *Bohemiam*, & *Moraviam* delevisse, si quæ restabant; Civitatibus gravia im-  
passe tributa, etiam supplices, & petentes pacem *Catholicos* trucidari cru-  
enter jussisse, vicos, & villas sinè discrimine incendisse, omnem sexum, &  
ros etiam parvulos eorum, quos sibi adversari suspicaretur, occidisse. Id  
ximè *Pulkavæ* in *Austria* patuit, ubi capto oppido, immani feritate, quid-  
d ibi viventium reperit, interfecit, idem *Stockeravia* (utrumque *Austriæ*  
pidum est) præstitit, Urbe & Ecclesiâ, in quam sese receperant nonnulli  
rium, incensis, omnibus mortalibus ferro, vel igne consumptis.

*Zifka* usq;  
in *Austriâ*  
pertendit.

*Crantzius* (quanquam ille in *Hussitarum* bellis, itineribus, & progres-  
sibus vehementer, & frequenter hallucinatur, ut cuique ejus *Vandaliam*  
enti perspicere licet) *Crantzius*, inquam, author est, *Zifskam* in *Austria*  
ssantem pervenisse in conspectum usquè *Viennæ*, omnia igne, & ferro cru-  
ent in modum fœdasse, incendisse oppida, evertisse urbes, dejecisse Arces,  
mpla, & Monasteria diruisse; postea de *Moravia* subjicit: in sola *Mora-*  
a per hanc unam astatem, decem muratas Urbes subvertisse *Taboritas*. Hæc  
antzius.

## §. XCV.

*denko* (alijs *Brzenko*) *Czernin* vetustissimæ a-  
ud *Bohemos* stirpis *Eques* à *Taboritis* odio *Reli-*  
ionis crudelissimè necatur. *Turnovij* Conven-  
us universus *Prædicatorum* à *Zifka* deletur. *Gi-*  
lemnicij *Coenobium* *Virginum*, & super *Albi-*  
polim *Præpositura* vastantur.

**N**ihil atrocius, ut sæpe dixi, *Bohemia* vidit præ bellis *Taboritarum*, qui-  
bus latrones illi sævissimi *Justitiam*, *Pacem*, *Religionem*, si cælo de-  
scendissent, cupissent occidere. Anno Christi 1424. 5. Martij, *Zif-*  
a *Exercitum Arnovia*, seu *Hofstinna* admovit, virtute Civium aliquoties re-  
ulsus, tandem desperatione abscessit; eo itinere castrum *Mlazovice*, cujus  
udera nuper spectavi, aggressus cepit, atque in eo *Zdenkonem Czerninium* ex  
lustri prosapia Equitem (quem ipsum etiam *Rhodia Militiæ S. Joannis E-*  
uitem *Commendatorem*, vel *Vicem commendatorem*, ut vocant, fuisse non vanè  
uspiciatur *Crugerius*) comprehensum, per otium, odio *Religionis* minuta-  
im, ac in frustra diffecari præcepit; quam ille plusquam barbaram lanienam,  
pro fide Christi fortissimè toleravit, aternâ stirpis suæ gloriâ, & nunc omni-  
um dolorum victor in cælo triumphat laureatus.

1424.

*Zdenkonis*  
*Czernini*  
*Martyrium*

*Cruger. ad*  
*5. Martij.*



Turnovien-  
ses Religiosi  
cremantur.

Vide Epit.  
hist. lib. 4.  
C. 9.

Gilemnicen-  
se Cœnobi-  
um, & Præ-  
positura  
Gradicensi  
um.

*Turnovium* dein *Ziřka* suam usque celeritate subito occupavit, & cum multum sanguinis Catholici fecisset, ad *Cœnobiū Ordinis Prædicatorum* quos pessime ob defensionem Catholice Religionis *Tabores* oderant, contendit, captosque universos, datā ut semper solebat, optione, si ad partem hæreticorum transire vellent, cum nihil moverentur, omnes in rogos præparatos injecit, & flammis delevit. Quot fuerint, quæ nomina, quæ extrema gesta, abolitis omnibus monumentis, dicere non possumus; mortem forum, & illam *Czerninij*, *Catholicorum* æquē, ac *hæreticorum Annales* continent. *M. S. Cuttnense*, *M. Laurentius*, *Hagecius*, *Theobaldus*, *Crugeri* aliique.

In Codice quodam *M. S.* invēni: *Ziřkam* hoc ipso *Arnoviam* seu *stinnam* excursu, *Gilemnicense Virginum Religiosarum Cœnobiū* ad *S. Elizabetham dictum*, tum etiam *Præpositi sedem super Albipolim* sanguine & flammis delevisse, istudque immane & sacrilegum facinus hujus Anni Martio Menologio patratum, nihil tamen adjicitur, unde *Religiosus Parthenonis* illius Ordo, etiam *Præpositi sacrum Institutum* possit cognosci; sed in alijs Manuscriptis Codicibus lego, *Gilemnicense Cœnobiū* à *Cisterciensibus* administratum, & *Præposituram Langenavensem* (ita enim appellabant) ad *Cœnobiū Gradicense* vel in *Gredis* (quod inter novam *Boleslaviam*, & *Turnovium* medio stetit in loco) pertinuisse, adeoque ex tot *Martyribus* (nam eos *Martyres* disertè nominat in suo Menologio *Henriquez*) justissimam verissimam gloriæ causam *Cisterciensis sacer Ordo* reportat.

## §. XCVI.

*Cœnobia* quæcunque reliqua erant in *Provincia Plsnensi*, *Zatecensi*, *Slanenſi*, *Ecclesiæ* item quàm plurimæ incenduntur à *Ziřka*. *Libochovicij* pro Religione Sacerdotes exuruntur.

1424.

**J**am pridem monui, in Religiosorum, & Sacerdotum cædibus recensendis, *Hagecium* negligenter esse versatum; id adeo vel ex historia prædictis Anni 1424. luculentè patet; contentus enim dicere: *Ziřkam* adiunctis sibi *Clatoviensibus*, *Zatecensibus*, *Launensibus*, & *Slanensibus* viam maximam *Ecclesiarum*, & *Cœnobiorum*, quæcunque supererant, flammis abolevisse, nullum omnino, præter *Clatoviensia* duo *Cœnobia*, *Virorum Virginum S. Dominici*, nominavit (sed hæc jam antè occisis Religiosis deleta stabant) alia omnia omisit. Ardeat igitur, (ut *Parochiales* pulcherrimas *Ecclesias* omittam: *Insulanam S. Benignæ Cœnobiū Ordinis Eremitarum Augustini*, tum alterum *Roczoviense*, & tertium *Sussicense* ejusdem Instituti)

*Cœnobia*  
quàm pluri-  
ma cum Re-  
ligiosis de-  
leta.

Mize-



izenſe Minorum Conventualium S. Franciſci, Carmelitanorum Tachovia,  
una ad B. Virginem Prædicatorum, vetuſtiſſimum S. Joannis in Inſula, S.  
ocopi SaZavienſe, ut etiam ad S. Iuſvanum Skalenſe, & Tauſkovienſe Bene-  
fina; ad Cadanam in Strzydce Sanctimonialium S. Mariæ Magdalene, &  
ejuſdem Ordinis ad Launam; Zatecij Ordinis S. Benedicti, S. Gothardi  
Slanam Collegiata (ut vocant) Eccleſia, aliæque innumeræ; facile ſuſpi-  
ci poſſum, hæc Cœnobia non omnia hoc anno, ſed quædam prius exciſa,  
tamen ruinæ Cœnobiorum, & Eccleſiarum rudera Taboritarum malefi-  
ci hodiè que demonſtrent, cumque hoc anno Ziſka Cœnobia in Occiden-  
ti Bohemia ſita, delenda ſibi ſumſerit, ſi quæ nondum conciderant flammis,  
edibile eſt hoc anno concidiſſe; certiffimum & illud (quod Scriptores om-  
nes teſtantur) Sacerdotes, & Monachos, ubicunque deprehendi potuerunt,  
& flammis, ac plerumque flammis necatos. Przesticium S. Benedicti fa-  
milie ad Cladrubiſe Cœnobium ſpectans oppidum, & Præpoſitura de nomi-  
nis honoris cauſâ adducendum eſt; nam quod Religioſos, & Sacerdotes ad  
revocâſſent, indignatus Ziſka Viris, & Civibus plerisque cum Sacerdoti-  
bus omnibus trucidatis, oppidum expilavit, magna ex parte diruit, & incendit.

Libochovicium Nicolai Hazmburgici, acerrimi Eccleſiæ propugnato-  
is in Litomericenſi Diſtrictu ſitum oppidum, die S. Georgij, triumphalibus  
flammis Martyres illuſtrârunt: Paulus Ribka, & Wenceslaus Paſſer Metro-  
politane Pragenſis Eccleſiæ Altariſta; Georgius Tobiasſek (M. S. Codex Ti-  
ſtam appellat) Joannes Wlczek, Strzydniek de Wranyho Litomericenſes Sa-  
cerdotes, tum Equites nobiliſſimi duo Joannes de Miſſeno, & Hinek de Ra-  
zinoves unius Religionis odio flammis conſumti; Sacerdos quidam Henri-  
us nomine in campo extra urbem ferro peremptus; omnes conſtantiffimè  
ad extremum uſque ſpiritum Catholicam Eccleſiam profeſſi, ſanguinem, &  
itam Religioni impenderunt; poſt hæc omnia Libochovicium oppidum ex-  
ciſum.

Libochovi-  
cij Sacerdo-  
tes crema-  
tur.

## §. XCVII.

Przibislavia capta, & incenſa; Hunnobrodæ Ca-  
tholicus Populus interfectus cum toto Prædica-  
torum Conventu; Cœnobium Lucenſe dirutum;  
Horziniewſij & Holohlaviæ Catholici plurimi  
necati, idemque actum Chlumecij.

**Z**iſka peſtilentiâ iectus, XI. Octobris An. 1424. in obſidione Przibisla-  
via (quod oppidum, & caſtrum ad Proceres inclytæ familie Ronovi-  
enſis ſpectabat) extingvitur, neque tamen ab oppugnatione hæretici  
deſiſcere, ſed capto prius oppido, deinde & caſtro, complures ſacros Viros

1424.

Przibisla-  
via deleti  
Catholici.



cum sexaginta præfidiarijs injecerunt in flammæ, quòd se ritu solenni *Ziſka* iusta funebria velle perſolvere clamaret Exercitus.

*Cænobiũ  
Lucenſe de  
letur.*

*Przibislavia* poſt *Ziſka* mortem alij aliò, *Procopius major*, ſeu *Raj* cum *Taboritis Moraviam* ingreſſus eſt; deleviſſe *Cænobium Lucenſe* (quod haſtenus firmo præſidio tenebatur) M.S. Codices affirmant; neque ſi ſanguine Religioſorum expugnationem peragi potuiſſe, nimis quàm certum eſt, ſed tacent *Annales*.

*Crug: in Pul  
ver. ſacris  
ad 4. Aug.  
M. S. Hun  
nobrodenſe.*

*Hunnobro  
denſes Mar  
tyres.*

*Georgius Crugerius* Hiſtoriæ noſtræ peritiſſimus optimâ fide narrat, veteri M.S. legiſſe ſe: *Przibislaviã* captâ *Taboritas* quosdam ab alijs factione diviſos in *Ungariæ* confinia irruiſſe, & crudelem in modum ferro & igne graſatos eſſe, nominatim *Hunnobrodæ* ingentem *Catholicorum numerum* in gladij, ut ſacræ literæ loqui ſolent, occidiſſe; haud dubiè laureâ *Martyrij*, *Crugerius* loquitur, coronatos; ſed præcipua in *Cænobio Ordinis Prædicatorum* laniena; varijs ac varijs mortibus è vita deturbati ſunt, nève ſola turculenta barbaries tam cruenta facinora deſignare videretur, extremum Religionis contemptum addidèrunt *Latrones*, & *Sacerdotali amictu* induti, verberatoſi *Simij*, *Plateas* obequitantes, ut alij alijs ridiculi fierent, *Catholicis* luſère.

*Et Pulkavi  
enſe.*

*Theob. in  
Huſſ. P. I. C.  
57.*

Paulò antè *Pulkaviènſe* quoque in *Auſtria Cænobium* diruerant *Taborites*, in quo tamen jam ita, ut erat, diruto, poſtea *Bohuslaum de Szwambur* in *Recij* oppugnatione ſagittâ occiſum (ut habet *Theobaldus*) tumulârunt; ejus tumulus *Pulkaviæ* oſtenditur, & ipſemet non ante multos annos cum execratione, mixto tamen dolore (quòd Vir nobiliſſimus, quòdque certum conſtat, *Catholicus*, contra animi ſui conſcientiam *Taboritis* ſeſe junxerunt) ſpectavi; ſunt, qui *Crumlovij* apud *Moravos Bohuslaum* eſſe ſepultum affirmant, errantes.

*Epit. l. 4. C.  
19.*

*In multis  
Urbibus Ca  
tholici in  
terfecti.*

Jam campum clauſerat hiems ſæviſſima, ipſique *Taboritarum Ducibus* diviſi, *Urbibus* etiam, oppidis, & arcibus, quas vivente *Ziſka* cœperant, ſeſe (ut in *Epitome* narravimus) diviſère. Principio Anni 1425. *Taborites* præcipui, quorum Ductor *Joannes Bzdinka*, & *Procopius Major* (quibus *Nymburgum* fortitione obtigerat) *Horzynievoſum*, & *Holohlavum*, utrumque locum ob fundationes (de quibus in *Libris Erektionum* dicemus) *Sacerdotibus*, & *Altariſtis Catholicis* refertiſſimum excidère; *Holohlavij* ut ſibi ludibriter facerent, alligatum *Sacerdotem*, *Sovva* nomine, ex murali machina, ſingulari crudelitate ejecerunt in auras; eadem *Chlumecij*, quam ditionem tum *Becca* *Catholici* *Proceres* obtinebant, patrata crudelitas, ubi *Pauczka* *Sacerdos*

*Hinkone de Kunſtadt*, rogo ad id parato combuſtus eſt





## §. XCVIII.

Georgius Rohovlad Parochus Nimbургensis, &  
Sacellanus ejus, Clemens nomine, pro Christi  
fide combusti.

**A**Nno Christi 1425. Taboritæ gens ad excidium nata, cum Nymburgum tenerent, odio SS. Religionis Georgium Rohovvladum loci Parochum unâ cum Clerico Clemente in vas pice oblitum injecere, quodque de extrema Uctionis Sacramento prædicasse constaret, Oleum vehi clamantes, præurbium curru de vectos incendere. A morte fortium virorum, lux electis noctibus visa, Angelorum cantus auditi, ægroti quàm plurimi locum euntes, & ex pulvere sacro in rogi loco collecto medicinam sibi facientes, momentò sanati. Nimbургenses hunc Virum pro Sancto ab omni memocoluerunt, atque in Martyrij memoriam, Portam Urbis, ad quam passus, S. Georgij portam hodièque appellant. In pyræ loco nullum gramen, nilque aliud virens crescere ad sua usquè tempora testatur Hagecius; at quod de suo adjicit: Georgium sub utraque Eucharistiam Populo porrigere litum, non subsistit, refelluntque Catholici Scriptores Pontanus Metropolitane Pragensis Ecclesiæ Præpositus, & Wilhelmus Slavvata Supremus Regni Bohemie Cancellarius; nimirum Hagecius à M. Laurentio Utraquista decessus hæc descripsit, qui laudem hanc etiam affectavit (ut aliàs monuisse memin) ut aliquos suæ Religionis Martyres haberet, ideòque ex Catholicis ubi licuit aut potuit, Hereticos fecit, quod nunquam animadvertit Hagecius. Porro ab hac Rohovvladi cæde, quem ferunt ad concionem Populo sapius culcare solitum, ut peccata sua (præcipuè in morte) legitimo Sacerdoti cum dolore confiterentur, Eucharistiam absque detestatione scelerum indignè & in novo scelere sumi; morientes Oleo Sancto ungi oportere, aliàq; Catholicæ dogmata, Taboritarum Ductor præcipuus, ac tum Nymburgi præsens, Bzdina præconis voce prædicari iussit: nemo ampliùs Sacerdoti quale quale crimen patrasset, aperiret, sed coram fratribus (itâ se Taboritæ, jam ad Picardos effectentes, vocabant) confiteretur peccata; recitat Hagecius hoc loco ridiculum, & insanix plenissimum Taboriticæ Confessionis exemplum de Beneficio quodam adultero; unde quò progressi sint agnovère tandem, rursusque præconem vociferari jusserunt: nullâ confessione, nec apertâ, nec illâ quam turicularem appellant, opus esse. Hæc eò adduxi, ut optima Religionis causa, quæ Rohovvlado mortem attulerit, penitiùs intelligatur. Pontani verba sunt: in loco Martyrij lux noctu luxit, Angelorum cantus, infirmis red-dita sanitas est, & alia multa ab Incolis, & Taboritis ipsis fuerunt observata.

Hag: in An:  
Boh. A. 1425  
Pont. l. i.  
Boh. Pia.  
Slav: in A-  
pol. M. S.

Nimburgi  
porta S. Ge-  
orgij.

Loca ante  
citatis.

Confessio  
Taboritica  
nulla.

Pont. l. i.  
Boh. Pia.





## §. XCIX.

Litomislum Episcopalis Urbs, occupatur ab Orphanis, arce deinde captâ in Catholicos omnes promiscuè sævitum. Coenobium Prædicatorum Switaviæ, & Carthusia ad Litomislum delentur.

A. 1425. 9.  
Martij.

Borzek de  
Miletnik  
feu de Ri-  
chemburg.

Litomisl-  
enses Ca-  
tholici inter-  
fectione de-  
leti.

**L**itomislum jam pridem occuparant Pragenses, illudque A. 1421. Dionysio Borzek de Miletnik partium suarum studiosissimo donarant. Eius Boczek Baronum è stirpe, qui primitus de Pardubitz (quod eam Urbem ditione tenerent) appellabantur, & Equum Album dimidiatum gerebant in clypeo; ex ea stirpe olim prodijt sanctissimus ille Præsul Arnestus Primus Archiepiscopus Pragensis; ego nondum rebus satis exploratis hunc Dionysium Dohalskiae Stirpis Equitem in Epitome feceram, meque alij quidam secuti idem scripserunt, at dedidici errorem postea manifestis argumentis, quo suo tempore, ac loco adducam; nunc satis est dicere, Joannem Hodiogor- num præclarissimis illis in Hagecium Notis, disertè docere Dionysium Borzekum, qui Pragensium Ductor fuerit, cui Litomislum donarint, Cunieticij- cis Dominum, ex familia illustrissima Dominorum de Pardubitz ortum esse & de Miletnik appellatum. Hæc necessaria retractatio visa est, jam ad narra- onem veniamus: tenebat igitur Urbem Dionysius Borzek; Arx tamen, for- Castrum munitissimum ab Joanne Olomucensi unâ, & Litomislensi Episcopo tenebatur, qui præsidium ibi è Catholicis habebat, neque ita pridem novar- & validam ex stipendiarijs cohortem in castrum immiserat, quò avidius Orphanis in Litomislenses ferebantur, partim ut se de Joanne, qui multis eos Moravia cladibus affecerat, ulciscerentur, partim ut Episcopalis Collegij prim- res, qui se in castro cum plurimis Sacerdotibus clauserant, denique Catho- cos expugnarent. Borzek septimo quàm oppugnari cœptus est die, Urbem dedit, & cum suis omnibus discessit; castrum expugnatio multo Orphans sanguine constitit, jamque diebus quatuordecim frustra assiliebant; die Cyrilli, & Methodij 9. Martij omni connisu, & omnibus partibus furiosè, & rabiosè, scandente toto Orphanorum Exercitu, licet semel, iterumque for- ter repulso, tandem in potestatem hostium Castrum venit: nihil ibi dediti- nis mentio, nihil abjecta arma, nihil preces, nihil ætas, sexus, dignitas valu- re, sinè discrimine unâ omnes etiam milites, utpote Catholici, & ex Episco- Militia, quòdque atrocius, infantes, pueri, puellaq; Religiosi, & Sacerd- res ferro concisi perierunt. Paucis post diebus Switavia se se dedit, ubi M- nasterium Ordinis Prædicatorum expilatum; Carthusianorum posthac Ei-



s, *Rubus Beatae Virginis dicta*, sub *Litomyslio* ad pagum *Trzek*, funditus excisa.

## §. C.

*Slanae Urbis ab Orphanis expugnatio cruentissima. Catholicorum Nobilium quaedam Oppida, & Arces captæ, excisæ, incensæ.*

**N**ullibi locorum anno præsentis plus effusum esse Catholici sanguinis, quam, in duarum Urbium Bohemiarum *Litomyslij*, & *Slanae* excidio Scriptores nostri consentiunt; de priore jam diximus. *Slanam* die vis Sancto *Orphanis* obsidione cinxerunt, Sabbatho advenire *Taboritæ*, Martis in *Paschate Zatecenses*, & *Launenses* applicuere, ita quatuor justis exercitibus, & quatuor partibus, velut coronam, Civitas premi cepit; tuerentur acriter, qui sese intus clauserant, præter Cives, ex Nobilitate quam urimi, ac præcipue virtus Manipuli militaris, quem in ea Urbe nuper reliquerat insignis bello Dux *Hinko de Waldstein*, Cives verbo, & præsentibus templis confirmabant; ac sanè jam per duodecim dies continuata obsidio, ultusque omnes propè quotidiani fortitudine Civium fracti, tam hos ad viam victoriæ, quam hostes ad desperationem urbis capiendæ adduxerant, si intervenisset proditio hæreticorum quorundam Civium, qui intus latebant; sed à nocturno scelere *Slana* captâ, nilil crudelitatis omissum; casum præsidii *Hinkonis*, cæsi Cives; Nobiles Viri, qui ad Turrem campanariam congerant, subiectis loco facibus cremati; Prætor, Consules, ac præcipui Civium in Macellariam tabernam in fori medio stantem compacti itidem exurunt; præcipue duorum Sacerdotum cædem Christiani, & *Wenceslai de Zvíkovicz*, qui sacrâ Eloquentiâ claruere, lugent Codices Manuscripti. Inter Nobiles eminebant *Joannes Srssa* cocles, *Petrus Kamenec* de *Holau*, *Zdenko de Blahotic*, *Witko de Kuvicz*, *Haramule*, alique permulti; urbem ipsam postquam expoliassent, super cadavera Civium suorum incendere, diuque nihil præter parietinas *Slana* fuit. Satis scio Catholicis immixtos in hac Urbe *Ultraquistas*, ut vocabant, plurimos fuisse; tum enim contra *Pragenses* eorumque fæderatos à *Taboritis* gerebatur bellum, tamen cum etiam Hæretici Scriptores fateantur cum Catholicis suos quoque non paucos periisse, inle necessario conficere possumus, majorem Catholicorum partem *Slanae* ab hæreticis trucidatam. Perfecto uno scelere ad alia perpetranda profecti, Catholicorum Arces, & oppida potissimum sibi expugnanda sumserunt: Arcibus *Tocznik*, & *Zbiroh*, & castro *Raudnicensi* necquicquam oppugnatis (quod prima duo firmissimo Catholicorum Procerum de *Kolovrat*, *Raudnicium* verò Archiepiscopali præsidio tenerentur) oppida Catholica subiecta *Zebračum*

1425.

Slanae excidium.

Slanae Catholicorum præcipue cæsi.

MM.SS.



In Arcibus  
Catholici  
interfecti.

*brakum*, & *Horzovicium*, & *Civitatem Raudnicium* incendere; *Richmburgum* *Castrum* duplex, alterum *Domini Flassea de Pardubit*, alterum quod *Knieszinen* dicebant, tum *Opocznam*, *Hradek* in *Districtu Reginohradecensi*, *Michalovicium* *Castrum* propè *Boleslaviam* juniorem; in *Plsnensi Ssvihovium*, *Domini Wilhelmi de Skala Ssvihovij*, post accerrimam quindecim dierum oppugnationem cœpere, ac diruere: plurimis ubique Catholicis, præsertim *Sacerdotibus*, ferro, flammâque deletis. In ditionibus, villis, pagis *Fratrum Kolovratæorum*, *Hanuſſij*, & *Friderici*, maxima facta Catholicorum cædes, ut *Bartholomæus Eques de Drahonice* in *M. S.* sua historia (quæ apud me est) commemorat, scilicet irritati erant, quod à *Krassov*, *Libstein* *Arcibus* (illud ad *Hanuſſium*, hoc ad *Fridericum Libsteiniorum* originarium pertinebat) reiecti turpiter, fugientium instar discedere cogerentur.

## §. CI.

*Oborzistij Henricus Colman* Vir nobilis cum alii decem; *Kwietnicij Procopius Treczka* *Eques* splendidissimus *Catholicæ Religionis* odio cum suis omnibus crudelissimè necantur. Bellum, quod patibularium appellabant, inter hæreticos, & Catholicos gestum hoc tempore.

1425.

Catholici  
cremati.

Inter tot Catholicorum, quas dixi, cædes, singularem sibi vindicatum, *Henrici Colmani* mors pro fide Christi fortissimè tolerata: degebat is in castro suo *Oborzistie*, cum ecce sacrilegi *Taboritarum Duces* *Libhuslaus de Ssvamberg*, *Foannes Bzdina*, *Foannes Zmrzlik junior*, *Petrus Buzko de Smolotel* cum suis repente adveniunt; nulla nisi in armis spes, duo Catholici summâ vi latronibus restitère; ad conditiones deinde ventum est. Viri militares credebant militariter secum actum iri, ideoque gratiæ se Ducum permiserunt; at quid à latronibus, qui unicam in mortibus, cædibus voluptatem reponebant, sperari potuit? statim *Henricus Colman de Dorenstein*, natus verò in *Krziklavva* (ut loquitur *Eques Drahonicus*) indignè vinculis constringitur, conjunguntur alij Viri *Equestri loco nati*, *Ulricus Holeska*, *Sigismundus Stezka de Sokolovicz*, & quidam *Czert*, aliique propter numero, ac rogo ingenti excitato, nullâ aliâ nisi *Religionis causâ*, pervigilio *SS. Corporis Christi* cremantur; cæteri *Petrus de Tazovec*, & alij quadraginta quinque milites præſidiarij abducuntur, arx denique ipsa inflammatur, & in rogam convertitur.

Treczka E-  
ques Catho-  
licus inter-  
ficatur.

Paulò antè circa *Pentecosten* *Arx Kwietnicensis* in *Kaurzimensi Provincia* ab *Orphanis* occupatur; *Castri Dominus Procopius Treczka de Lippyc*



Eques nobilitate generis, opibus, & dignitate illustris, quòd Catholicam religionem sectaretur, & ardentè promoveret, incensus est, familiam universam cruciatam. Habebant hoc solenne *Taboritæ*, ac *Orphani* (ut exemplis plurimis probari potest) eos, quos Religionis Zelus, & pietas magis commendabat, pyrâ, & rogis, alios verò Catholicos ferro, ut hinc factum videmus tollere. Vehemens mihi semper suspicio fuit, quam hoc loco communicabo in lectore: hunc *Procopium* ab *Orphanis* concrematum, eum esse *Equitem*, quem tacito nomine præfatione in historiam *Bohemiae* ad *Alfonsum Regem Aragonum* laudat *Sylvius*, qui captus ab *Hussitis* (verba ipsa annúmero) adustus ignibus, pedes primum, deinde tibias, mox genua, coxasque, postremò reliquas corporis partes exuri passus sit potius, quàm illorum insanie consentiret. *Silvius*.

*Bellum patibularium* hoc tempore inter Catholicos, & hæreticos exarsit; unde initium datum sit, dicere non habeo; suspensis ex alterutra parte quibusdam militibus, pars altera à se captos, ut ulcisceretur, suspendit, hoc eorum facinus velut non militare, ulti sunt alij, ita universi quasi lege quâdam dictâ quicumque caperentur *Catholici* ab hæreticis, *Hæretici* à Catholicis intoto in collum laqueo suspendebantur, quod *Bellum patibularium* (*Bohemice Ssybeničnau Wognu*) appellabant; eam non satis honestæ mortis rationem, anno sequenti, an conventionem aliquam partium, an bello (quod contra *Germanos* ad *Austam Bohemice* gessere) cessasse, & abolitam esse comperio; id hoc anno Manuscripti Codices duo annotant: complures generosissimos, & bello clarissimos *Equites* pluribus in locis, & maximè in *Sedlczan* incendio necatos, præcipuè eos *Catholicos Equites*, qui ex *Wozicz & Wlassi* contra *Taboritas* pugnabant; postea tamen Castrum *Wozicze* post diurnam quinque hebdomadam obsidionem autumnò hujus anni *Taboritæ* per conditiones ceperunt.

De Bello  
patibulario

## §. CII.

*Ozelka Petrovicensis* Parochus Religionis causâ *Gratij* in *Bohemia* exurit; quædam aliæ *Catholicorum* in *Bohemia* cædes.

*Bellum* hoc anno 1425. *Meinhardo de Novadomo* cum *Taboritis* fuit; narrat *Rosenfis historia Manuscripta*, cum in ditiones quasdam *Rosensum Taboritæ* prædatum excurrissent *Joanne Bzdina Duce*, *Uowory* (*Gracium*, vel *Grazen* hodie appellant) occupasse; captum deinde, & exustum esse *Gracium*, & Sacerdotem Catholicum, *Ozelkam* nomine *Petrovicensem* in vicinia illa Parochum in manus hæreticorum devenisse, eumque statim in piceum vas injectum, & incensum, vitam Religioni impendisse

1425.

Cædes O-  
zelcæ Paro-  
chi.



Catholici  
cæduntur.

se, *Cives Gracenses* plerosque ferro deletos. Ego historiam in dubium vocare non possum, præsertim cum Civium traditione firmetur; at de tempore controversi potest: constat pacem *Rosenses* inter, & *Taboritas* hoc ipso anno firmatam, adeoque credibile non est pace integrâ tantam stilitatem in ditione *Rosensium à Taboritis* admissam, præsertim, cum tractatores *Ulrico* medium se offerente inter *Meinhardum*, & *Taboritas* eam coaluisse; libenter igitur annis post decem *Gracij* occupationem, & *zelca Martyrium* ponerem, sed obstat iterum: quod hæc ab *Joanne Bona Taboritarum Duce* gesta dicantur, quem omnium Scriptorum fide scimus hoc anno in expugnatione *Woziczij* telo vulneratum paulò post expirasse prius igitur, cum bellum contra *Rosensem Taboritæ* gererent, perpetratum *Taboritis* est scelus. Porro hoc anno multum *Catholici* sanguinis effusus est obfesso, & occupato *Kamenicio ad Novamdomum*, & ad *Poczatek* oppidum, quod tamen *Taboritæ* frustra oppugnare, tum in prælio ad *Kamenicum* propè piscinam ex eo dictam *Kalich* / seu *Calix*; tum in quotidianis & semper ab utraque parte cruentis velitationibus; sed quia cædes istæ in pugnantibus factæ sunt, omittuntur: mihi enim propositum non fuit hoc loco, prælia, sed *Martyria* recensere, & irrogatas *Catholicis* non in acie, quasi per otium, aut per tormenta cædes, quantum ex ipsorum hostium confessione & libris, & chartis Manuscriptis cognosci potuit, annotare; ob eandem causam & atrox prælium ad *Austam*, & aliud ad *Tachoviam*, multis *Catholicorum* millibus cadentibus, prætereo; qui bella legere velit, nostrum *Epitomen* consulat, aliosque *Bohemica Historie* Scriptores.

### §. CIII.

*Catholicorum Arces, & Oppida in Litomerici Provincia expugnata. Duchczovium, vel Duchcovium ad Teplicium, Civibus trucidatis, tota flammis concidit.*

A. 1426;

Lipa, Biela  
capta.

**A**nte decretorium ad *Austam* prælium 16. Julij An. 1426. hæreticos inter, & Catholicos commissum, *Pragensium, Taboritarum, Orphanorum Exercitibus* diversis itineribus ad *Austam Urbem* obsidendam (quæ firmissimo Germanorum præsidio tenebatur) properantibus, villas, arces, castella, oppidâque plurima, viæ, montes, ac silvæ *Catholicorum* sanguine rubuerunt. 1. Maij *Lippa Civitas* capta, & incensa, *Catholico* prædio toto, & potissimâ parte civium deletis. *Bielam* *Joannes Rohacius* Dube occupavit, omnesque puberes interfecit; capta quoque (vel potius quod munita non essent, occupata) sunt ab hæreticis *Catholicorum* oppida.

Hofm.



oska Archiepiscopalis, Trebnicium Virginum S. Georgij, Arx Strzekovv, xenobium Sovietecense iteratò, aliàque plura. Procopius Rásus, seu Ma- Teplicium, Duxovium, Krupnáque cum castro cepit, quæ Urbeculæ anes, oppida item quæ enumeravimus omnia, quòd Catholicis Dominis rèrent, quòdque Catholicè crederent, & viverent, funeribus Civium, & pidanorum sunt fœdata: Duxovium internecinâ cæde concidit, ut ex antio Cochlaeus commemorat: Hussitarum manus inquit, obsedit Du- m oppidum. Id veritus Fridericus Marchio, urbem ut poterat, communi- t, valido imposito præsidio, quantum defensionis satis esse putaret. Armavit foris sex millia suorum, quæ ex opportunis locis in obsidentes incurrerent. rbs acriter impugnata, aliquandiu fortiter est defensa. Ubi autem Urbis affectus cum præsidio est noctu egressus, ut hostes invaderet, quidam ex civibus ereticis favens, clam muro delapsus, hostes admonet, fortiter oppugnarent, ab- e præsidium. Illi ergo acrius instantes, ac sine intermissione oppugnantes, mi- ros cives ita fatigarunt, ut amplius propugnare non possent. Hostes itaque uro, & inde urbe potiti, sævierunt sine exemplo in omnem aetatem, in utrum- e sexum, in omnem ordinem. Multi ex civibus Ecclesiam in castelli modum mmunire tentabant, ut inde se suosque defenderent; hæretici autem superve- entes injecto igne, omnem illam multitudinem incendio consumsere. Atque à miserabili strage peractâ, facta est ea Urbs civium suorum commune sepul- rum; ita ab alto dissimulante Domino, ut per occultam justitiam aut purget oriam peccati, aut excipiat abundantius in catu Sanctorum Martyrum vasa lorie. hæc ad verbum Krantzius. Narrat deinde Misnense præsidium in ostes prædâ onustos ex insidijs erupisse, ac tria circiter Hussitarum millia per- misse, multò tamen minùs damni rependisse, quàm acceperant. Ex quo anifestè Krantzius ostendit, longè plura, quàm tria hominum millia Du- ovij ab hæreticis occisa; neque id mirum videatur, cum in omnes etiam in- fantes, & imbellem sexum Taboritæ sævierint, quos fidei causâ profudisse innocentem sanguinem, nemo nisi superstitiosè timidus, negaverit. Por- ònè quid dissimulem, non satis de cædis hujus tempore inter Scriptores con- venit: Krantzius post cladem Pragensium ad Brixiam, quæ A. 1421. accepta st, Duxovienses peremptos significat, ac nî fallor (quod legenti patet) malè Brixiam à Catholicis oppugnatam, & de hæreticis captam docet, cum con- rà Brixiam à Catholicis egregiè defensam, rejectis hostibus hæreticis dicere debuisset. Cochlaeus Annum 1424. nominavit, quo Duxovium cum civi- bus omnibus sit excisum. Pessina in Marte Moravico & ipse in Annum 1421. inclinât; Ego, qui in Theobaldo legam An. 1426. circa initium Junij ex- pugnatum à Procopio Raso Duxovium, constetque ex Manuscriptis tam cru- deliter excisum, & incensum, ut diu habitatore caruerit, vix credo tam brevi spatio civibus impletum, ut statim quinto post anno inhabitari, oppugnari,

Crantz. in  
Vandalia l.  
II. C. 6.

Cochl. lib. 5.  
hist. Hussit.

Duxovium  
proditione  
captum &  
deletum.

Controver-  
sia de tem-  
pore.

Pess. in Mar-  
te Morav.  
l. 4.



defendi, & à *Procopio* iterum expugnari potuerit; sed perinde nunc quid habeo, quando id acciderit, cum de re constet. Excidij sui diem celebratione solenni *Duxovienses Catholici* hodièque, eumque peragunt *Beatissimæ Virginis festo die*; probabile est hac in re servire illos temporis, & cum de die non constet satis, hunc diem elegisse, quo, nisi fallor, iam *Nundinæ* celebrantur.

## §. CIV.

*Austa Bohemiæ Civitas ad internecionem ab hæreticis deletur; quædam de Prælio Austensi.*

A. 1426.

**N**on est hic prælij *Austensis* describendi locus, in quo, supputato etiam *Austensium* cesorum numero quinquaginta Catholicorum millia tum in prælio 16. Junij, quam in fuga, & post victoriam in castro *Schreckenstein* / & *Gejersperg* cecidisse narrantur; si id incredibile videatur timido Lectori, *Hagecium* sequatur, aut *Silvium*, quorum prior duodecim millia, alter novem millia in acie cæsa scripserunt. Ad duo germanica miliaria fugientes infecuti, qui vicerant, grandem edidère stragem, multo cæcæ, quæ in acie contigit, majorem. Orabant veniam victi abjectis armis, genu flexo supplices; nihil impetravère ab irato victore concisi; quidam, cum se in *Schreckenstein* arcem, alij in *Gejersperg* recepissent, per prodicionem circumventi perierunt. Mirabile visum ex *Cochleao* recitabo; unde facile apparet, quam sit pretiosa in conspectu Domini mors eorum, qui pro Religione, vel pugnantes, occumbunt; nam cum is complures ex illustribus Germaniæ familijs in *Austensi* prælio desideratos narrasset, subdit: *ferunt una familia Nobilium de Kokeritz cecidisse supra 65. Viros, quorum unus viri sua puerpera apparens, & lecto assidens, eam rogasse fertur, ut agricolis subditis non esset tot angarijs aut servitutibus (ut ipse fuerat) molesta, modumque daret justiore: Ob eas enim res iniquas, ipse fuisset damnatus DEI iudicio, nisi pugnasset contra hæreticos.* hæc *Cochleus*. Quo exemplo satis intelligitur, damnationi causam sibi, ut ita dicam, manufacere, qui subditi, & suæ glebæ adscriptitios, immisericorditer novis servitutibus inventis opprimunt; deinde & illud: mortem pro fide Christi vel armis quæsitam, nolitibus Christianis cælum aperire. Sed ad id, quod proposueram, veni: Post Victoriam hæretici nullo jam resistere auso, *Austam*, quam nuper oderant, apertis portis ingrediuntur; quidquid erat hominum, trucidant, extremâ barbarie etiam infantibus, & omni fæminarum ætate ferro deletâ, spoliatam Urbem incendunt, nullo ex incolis superstite, quod vel ferro, vel flammâ necessariò periissent. Constat triennio toto *Austam* desertam, & cultibus vacuum stetisse, tum primùm *Jacobus Wrzesovecius Bilinæ Domini,*

*Coch. in hist  
Huss. l. 5.*

*Austenses  
internecio-  
ne deleti.*



vitatis quoscunque habere potuit novis Civibus, moenibus utcunque repa-  
tis, speciem quandam Urbis restituit, & Catholicorum loco, qui Religio-  
is causâ perierant, *Hæreticos* imposuit. De hoc *Austa* excidio agunt hi-  
storici nostri omnes, *Silvius*, *Cochlaus*, *Hagek*, *Dubravius*, *Theobaldus*, om-  
niæque Veterum manuscripta. Nemo hoc loco nominari sibi Martyres po-  
ulet, unum omnibus nomen est *Omnes*, omnis sexus, omnis ætas Austen-  
sis, Religioni vitam impendit; aliquos tamen bonâ fortunâ in Epistolis Jo-  
annis Decani Metropolitanae Ecclesiae Pragensis nominatos invêni: *M. Wen-*  
*eslaum de Praga*, & *Mathiam de Biela* Canonicos Pragensis Ecclesiae, tum Pe-  
grinum Vicarium ejusdem Ecclesiae qui cum *Paulo Canonico Mielnicensi*, &  
*Paulo Plebano in Wyfoka*, & (ut disertè adjicit *Joannes Decanus*) cum alijs  
multis Sacerdotibus, & Clericis, vel ferro concisi, vel flammis consumti sunt.

## §. C V.

*Wartæ* in Silesia duo Beatissimæ Virginis Templa  
b hæreticis incenduntur; Camencense Coeno-  
bium Cisterciensium excinditur. Quædam  
Martyrum nomina.

**D**E *Wartensi Diva* hoc loco, etsi maximè cuperem, nihil possum dice-  
re, quòd ejus historiam diligenter elucubratam pridem An. 1655. pu-  
blicârim, quæ inter manus versatur: Stabant *Wartæ* celsissimi operis  
Templa duo *Parochiale* alterum, alterum quod appellabant *Bohemicum* (Pie-  
tati scilicet peregrinorum Bohemorum alendæ conditum) utrumque hære-  
tici flammis corruperunt, sed *Camencij Cisterciensium Cœnobio* crudelior ab  
eisdem tempestas incubuit: *Basilica Camencij* visitur admirandi operis (ut in  
historia *Wartensi* descripsi) neque huic rabies *Taboritarum* pepercit, Templo  
subjecere ignes; eoque ipso tempore quidam Cœnobij Religiosus, qui sub  
testo Ecclesiae latebat, extractus ab *Hussitis* ex media Templi testudine deje-  
ctus in Ecclesiam, cervicibus elisis Religioni vitam impendit. In libro mor-  
tuorum, quem *Camencij* asservant, hæc leguntur: An. 1427. intravere per-  
fidi *Hussitæ in Silesiam*, devastantes per combustionem ignis Civitates, & Mo-  
nasteria, villas annihilantes, captivantes, mortificantes homines maximè Reli-  
giosos, de quorum numero sunt occisi ab ipsis Fratres nostri, videlicet Frater N.  
*Kappiz Plebanus in Byczovu*, Frater *Joannes quondam Camerarius*, Frater  
*Wenceslaus Custos cum uno famulo*; & Fratrem *Jacobum Rogeler* ceperunt  
in castro dicto *Homole*, qui obiit in vinculis ibidem. Item Fratrem *Scheller Ple-*  
*banum in Henrichsvvaldt*, hunc horribiliter percusserunt usquè ad mortem. ita  
manuscriptum. Neque contenti *Hussitæ* semel expugnâsse *Camencium*,

*Coch. l. c.*  
*Hag. in An.*  
*Boh. A 1426*  
*Theob. in.*  
*Hussit.*  
*Dubr. l. 27.*  
*Æn. Silv.*  
*hist. Boh. C.*  
44.  
Nomina  
quædam  
occisorum.  
*M. S. Epist*  
*Joannis De-*  
*cani adlan-*  
*konem de*  
*Duba. ex*  
*Oibin 1426*  
26. Julij.

1427.

Multæ cæ-  
des Catho-  
licorum in  
Silesia.

*Diva War-*  
*tensis l. i. C.*  
5. §. 4.

M. S.



Clodius.

atque (ut ille minabatur) incendium ruinâ, & sanguine bonorum extinxit, nequa scintilla avitæ Pietatis lateret in cinere, quæ deinde se efferret, sapiens *Bohemia* rediêre flammis, & sanguine grassantes, idq; conjici potest ex proximissimo *Henrichovienſi* ejusdem instituti Cœnobio, quod (ut in Templo augustissimi vestibulo hodiè que legimus) *Huffſitæ* septies igne, ferroque vastarunt.

## §. CVI.

*Taboritæ*, & *Orphani Moraviam* ingressi, & usque in *Ungariam* *Posonium* penetrantes plurimum Catholicos sanguinis profundunt. *Lusatia*, & *Silesia* vastatur: oppida Catholica quædam internecione delentur, nec venia data pueris in literario ludendo sedentibus. *Lubanensium Martyrum cædes*.

1427.

Bartoff. de  
Drabonicy  
M. S.

Loca plurima  
Catholicorum  
sanguine cruci-  
antur.

**P**rocopius (Magnus cognomento) malarum partium strenuissimus Dux cum *Taboritis* suis, adjuncto etiam Exercitu *Orphanorum*, *Moravia* partem, eam præcipuè, quæ *Ungariis* confinis est, An. 1427. scilicet, & furore in Catholicos amens intravit; quantum ibi Catholicos, & innocentis sanguinis profusum sit, non ex annalibus (qui brevi titulo casus Catholicos promiscuè omnes, in quos apud *Moravos* *Orphani*, & *Tabores* incurrissent, annotarunt) sed ex hostium perpetua consuetudine, & inexplorabili Catholicos sanguinis siti satis intelligitur: *Napagedla*, *Malenovicium*, *Zlin*, *Broda* ad *Ungariam* sita Civitas, tum omnis illa villarum, pagorum, oppidorumque vicinitas, sanguine suorum decolor, ad extremum flammis condidit; nihil *Taboritas Morava fluvius*, nihil munita loca, & arces, quas à tergo relinquebant, nihil *Ungarici Regni* potentia, avidos prædarum, & sanguinem morabantur; non enim obtinere, sed vastare & urere Provincias, præcipueque Sacerdotes, & Catholicos Viros, ipsasque adeo virtutes occidere si possent, cogitabant. Transito *Moravâ*, cæterisque, quæ obistere poterant summâ celeritate superatis, *Posonium* usque penetrant, & cum Urbem, & arcem non possent, *Suburbium* incendunt; vastant, & occidunt omnia, tantum celeri, & fulmineo gradu volantes, ut coloni simul mortem vulneribus reciperent, simul hæreticos hostes agnoscerent. Omnis illa feracissima *Moravia*, & *Hungariæ* plaga ad sinistram *Danubij* ripam, quæ inter *Posonium*, *Drauinam*, & inde usque *Cremſirium Moravorum* latè porrigitur, sanguine, & incendijs scædata est, cladisque tantæ memoriâ diutissimè conservavit. At hæretici velut glorioso patrato facinore, conscientiam malorum læti, præ-



es, & omni genere mortalium bonorum aucti, & grave agmen trahentes, collaterones, & collatrones suos in *Bohemiā* redierunt.

Paulò pòst vere adhuc tepente, prædarum, & sanguinis dulcedo *Ore-*  
*bas* quoque, & *Orphanos* in *Silesiam*, & *Lusatiam* extraxit: *Goldberga*,  
*Lainovia*, *Lubena*, *Lignicensis Ducatus* *Oppida* excisa sunt funditus; *Cives*,  
*vi*, *fæminæ*, *Sacerdotes* necati, adeò & *Abecedarij* *pueri* in *Scholis* *Tabellas*  
*fas* *cretæ loco*, *innocenti sanguine* depinxerunt, *villæ* omnes arserunt, vul-  
*gis* omne ruri interfectum. Hæc ab *ijs Orphanis* gesta, qui domi remanse-  
*int*; at potior pars, quæ, ut paulò antè narraveram, per *Moravos* in *Unga-*  
*rum* usquè, & *Austriam* cum *Taboritis* penetrârunt, captâ modicâ quiete, *Lu-*  
*satriam* sibi petendam delegerunt: *Luba*, vel *Lubana* post *Gerlicium* acriter  
*re*. *Maij* à *Procopijs* cœpit oppugnari, quintoque pòst die capta est: *Clerus*  
*(verba Krantzij apud Cochlæum recito)* cum reliquo populo in *Ecclesiam* con-  
*g* *gientes*, *laudes DEO* concinunt, & *Beatae MARIE DEI Genitricis* o-  
*pm* *implorant*, *Salve Regina* sonoris vocibus decantant, ut in confessione ortho-  
*doxa* *Fidei* morerentur. Mox igitur adsunt cruentis gladijs hæretici, raptos-  
*que* *ex ulnis Matrum* parvulos dissecant medios, *Sacerdotes* confodiunt, anus ob-  
*viunt*, *Virgines* adultas, & *juniores fæminas* ad libidinem reservant, nulli par-  
*viunt* *ordini*, *sexui*, vel *atati*, *Templa* fuso sanguine profanant, *cadaveribus* re-  
*gent*, ac *supposito igne* incendunt, *Monasteria* subvertunt, *Monachos* truci-  
*unt*, *Moniales* constuprant, *Urbem* denique totam ferro, & igne devastant.  
*Hoc* *ibi edito crudelitatis exemplo* è *Lusatia* pergunt in *Silesiam*, ubi urbem quæ  
*ureus* *mons* dicitur, consimili strage, ac *sævitiâ* deperdunt. Inde in *Moravi-*  
*am* *conversi*, unâ illâ æstate decem muratas *Urbes* subverterunt. Non sufficit  
*lingua*, nec *calamus*, crudelis *Hussitarum* populi *sævitiā* explicare. Parvu-  
*is* *cum matribus* unâ perimunt, omnem *Pietatem* abijciunt, omnem *humanita-*  
*tem* *exuunt*, *Christum* obliviscuntur, cunctis *infidelibus* immaniores, imò *bestijs*  
*innibus* *ferocitate* incomparabiles. Hæc *Crantzius*, sed sinè ordine tempo-  
*rum*; constat enim non omnia, quæ attulit, uno anno, sed quædam 1427.  
*quædam* *sequenti*, à *sceleratis latronibus* esse patrata, ut mox dicemus. Por-  
*ò* *Luba* in *Lusatia* complures etiam è *Bohemia* perijsse, *Viros* dignitate, vir-  
*utibus*, & *scientijs* magnos invenio, qui illuc exulatum abierant; *Pessinani*  
*audiamus*: *Multi tum Sacerdotes*, qui *Lubam* ex *vicinis locis*, aliqui etiam ex  
*Bohemia* *confugerant*, *miserabili*, sed *pulcra* pro *Christo*, & *Catholica Religio-*  
*e* *morte* *trucidati* sunt. Inter alios erant *Canonicus Metropolitana Pragensis*  
*Ecclesiæ M.* *Joannes de Launa*, & duo *Altaristæ*: *Andreas de Jablonna*, &  
*Procopius*, atque unus è *Vicarijs* &c. *Marcus Ssobka Lubensis Parochus*, qui  
*loco* *superiore* ad ferendam pro *Christo* mortem fortiter illo ipso periculi  
*articulo* *cohortabatur* (quod hæretici ferre non poterant) *Templo* inter ma-  
*nus* *elatus* *equis* quatuor secundum manus, & pedes alligatus, in quatuor par-  
*tes*

Weles: ad 19  
 Maij.  
 Curæus in  
 Ann: Siles:  
 Epit. l. 4. c.  
 10.

Crantz. in  
 Vandal. l. II  
 c. 9.  
 Coch. lib. 6.

In Silesia &  
 Lusatia Ca-  
 tholicorum  
 cedes.

Goldberg.

In Marte  
 Morav.

Lubana cœ-  
 si Catholici



tes crudelissimè discerptus est. Illa certè dies memorabilis, tot Martyribus ut *Divus Maximus* loquitur, sanguine laureatis coronam immortalitatis imposuit. *Lusatia* parte *Silesijs* conterminâ vastatâ, in *Silesiam* *Procopij* ducis (ille *Taboritarum*, hic *Orphanorum Ductor*) cum suis commigrârunt, in gnâ iterum Catholicorum editâ cæde.

## §. CVII.

Quædam Arces ex Catholicis captæ, & dirutæ per agros passim cæsi Catholici. Tachovia Bohemica Civitas Catholica deleta, præcipuè Cœnobium Carmelitarum.

1427.

Drahonici  
us M. S.Civitates  
& Arces Ca-  
tholicorum  
excisæ.Carmelita-  
ni Tacho-  
viæ necati.  
M. S. f. 247

**I** Ngrata, & otiosa prorsus sinè cædibus, & sanguine vita *Taboritis*, *Ore-*  
*tis*, & *Orphanis* esse videbatur; itaque ex *Silesia* reversi, velut per ludum  
eodem Anno in Catholicos quosdam Proceres consurgunt. Oderant  
pessimè jam ab ipso *Jaromirij* excidio *Czerwenohorskium* (is erat *Hinko*  
*derspach* ex ramo itâ dicto *Berkarum*) ejus igitur castrum *Czerwenohor-*  
diu obsessam expugnant, & diruunt; *Zleby* quoque castrum *Haskonis*  
*Dietenitz* captum, & incensum est; quæ castra licet sinè sanguine, & per co-  
loquia occupârint, in viciniam tamen, & ditiones eorum Catholicas ferro  
& igne sunt grassati; ac plura sinè dubio in eo *Bohemia* tractu perpetrâssent,  
nisi in auxilium à *Pragensibus* evocati in Occidentalem *Bohemia* bellum  
propere transportâssent. Immiserat in *Bohemia* *Martinus V.* Pontifex  
cum Cardinali *Vintoniensi* Cruce signatorum Exercitus, qui tripartitò, tribus  
que vijs *Bohemia* ingressi, *Misam* obsidione cinxerunt; advenientibus hæ-  
reticis Catholici panico quodam terrore correpti, fugam arripiunt; victima  
potius fuit, quàm pugna; decem millia *Fidelium* humum planxisse *Scripto-*  
res consentiunt; sed hæc ab instituto meo aliena omitto; legantur *Silvius*  
*Dubravius*, *Cochlaus*, *Theobaldus*, *Hagek*, *Drahonicius* meus, aliique. Pu-  
sis cruce signatis Tachovia Civitas Catholica obsessa ab hæreticis, strenuè  
*Bohemis* Catholicis defensa, decimo sexto primùm obsidionis die ii. Augusti  
tandem capitur: præcipuè *Bohemis* defensores nominantur *Camrovecz* &  
*ques* nobilissimus, & belli peritissimus (Equestris familiæ de *Camberg*, quæ  
adhuc nostrâ memoriâ ad *Kuttenbergam* perstantes novi) *Wilhelmus de Ssv-*  
*houv*, & *Henricus Czerninius*. hi duo postremi arcis deditione factâ inter  
captivos numerati sunt; *Camrovecz* cum sua quinquaginta virorum forti-  
simâ cohorte, & quidquid hominum arma gessit, (*Hagek* adultos omnes in-  
terfectos scribit) hoc uno nomine, quod Catholici forent, trucidati perierunt  
*Tachoviense Cœnobium Carmelitani Ordinis* ante omnia cum omnibus Reli-  
giosi



sis Viris properarunt excindere Taboritæ, & cum nondum furorem exfla-  
sent, Ecclesiæ, & Cænobio injecere flammæ, quod satis hodièque penden-  
t rudera testantur. Objiciet de Tachovia quispiam: si armati soli & adul-  
teris interemti sunt, non videri etiam armatos & adultos causâ Religionis  
didisse. Quasi verò ipsa Tyrannis modum & finem aliquem sibi non im-  
ponat! quoties in SS. Martyrum actis legimus, in pari causâ Fidei, hos ad  
mortem damnatos, alijs vitæ gratiam à Tyrannis & Prætoribus factam esse!

## §. CVIII.

Ædes plurimæ Catholicorum in Silesia. Franck-  
steinij post Glacium Nicolaus, Joannes, Andreas,  
ex Ordine Prædicatorum odio Sanctissimæ Re-  
ligionis necati.

**A**nnus 1428. iterum Silesiam, ac Lusatiam maximis affecit cladibus, Ta-  
boritæ, & Orphani facti à Warta initio in Principatum Münsterber-  
genssem irrumpunt, eoque crudelissimè pervastato in Svidnicensem, tum  
Fauroviensem, & Lignicensem, tandem in Wratislaviensem vertuntur.  
Furias emissas Orco crederes, ita in omnes sævierunt, nullum omis-  
sum est barbaræ crudelitatis exemplum. Captæ Civitates, & Oppida: **Reichen-**  
**stein** (Bohemis **Rychba** / vel **Rychleby**) **Francksteina**, **Niems**, (**Niemcy**)  
**Zela** (**Strzelina**) **Briga** (**Břeh**) **Striga**, **Lissa**, **Parchvicium**, **Paczkovia**  
**Dactow**) aliâque minora; Urbes majores suis sese vallis, ac mœnibus æ-  
rimè contexere. Quidquid Religiosorum Virorum in Cœnobijs, aut  
vicinis occurrit, inter manus hostium, ferro non tam perfossum, aut sectum,  
nam certatim laceratum, & laniatum; **Canonici Regulares S. Augustini Ar-**  
**asienses** ad **Sobotkam**, seu **Sottenberg** / an mortem evaserint, non satis con-  
stat; **Sottenberg** Castrum occupatum; eadem strages **Griffoviense**, & ite-  
rum **Camencense**, & **Henrichoviense** involvit, monumentorū defectu nomina  
dere non possumus: **Franckensteinij** quoque invicti ex Ordine **Prædicatorum**  
heroës oblitterati laterent, nisi una in Templo columna loqueretur, hisce pau-  
lis lineolis notata: *Anno Domini Millesimo quadringentesimo vigesimo octa-*  
*vo, ipso (hic est hiatus, substituique potest, sancto Veneris die) in Passione*  
*rematus est Frater Nicolaus Cur (rursus hiatus) Supprior hujus Conventus,*  
*omo Sanctissimæ vitæ in introitu Cæmeterij ab Hussiticis, eò quòd apertè præ-*  
*icasset contra sectam ipsorum. Eodem die occiderunt Fratrem Joannem Bu-*  
*lam eadem de causa concidentes in frustra, & alium Fratrem Andream Canto-*  
*is Diaconum occiderunt per sagittam foris valvam Wratislaviensem. tunc*  
*nim devastarunt multas Civitates, & pro majori parte totam Silesiam. Ha-*

1428.

Civitates  
Silesiæ &  
Lusatiae va-  
statae.

Catholici  
& Religiosi  
occiduntur

Crug. ponit  
Sabbato an-  
te Domini-  
cam Passio-  
nis 20. Mar-  
tij.



Crantz. in  
Vandalia l.  
xi. C. 17.  
Cochl. lib. 6.  
hist. Hussit.  
ad A. 1429.

Francken-  
steinenses  
Martyres.

Ænus Columna Francksteinensis; monstrantur hodièque in eadem Prætorum Ecclesia decenter arculis conclusæ (ut SS. Martyrum solent) eorum Reliquiæ, quas pro eo, ac decuit, cum An. 1654. Francksteinium accessisset, sum veneratus. Porro verisimillimum est hunc Nicolaum eum ipsum esse, cujus mortem (etsi neque loco suo, neque tempore) Crantzius, & ex eo Cochleus describunt, quorum verba, quia cædis causam, & quod inde sequitur, Martyrium satis ostendunt, operæ pretium erit adducere: Hussitæ quæ essent in perniciem hominum nati, rursus eduxerunt Exercitum in Silesiam, in ea quinque non contemnendas Urbes vi ceperunt sine discrimine omnem ætatem, sexum, & ordinem mactantes, Tempia, & Monasteria absque ullo discrimine Religionis respectu subvertentes, nemini parcentes, sanguini, ac prædæ inantes. Qui etiam in sceleratissimis Sacrilegij Ecclesiarum, & mortibus hominum immanissimo risu, & joco ludebant. Nam in maximam Christi Domum, & DEI nostri, omniumque Sanctorum ejus contumeliam, coacervatis undique eorum imaginibus, & in pyram collectis, alligatum quendam Supporem Ordinis Prædicatorum superposuerunt, ac igne supposito illum simul cum universis imaginibus concremaverunt, Tragicum exercentes ludum crudeli cum risu. Idem Ænus Crantzius apud Cochleum. Fælix profectò pyra, & triumphus mors tot inter Christi, & Sanctorum lucentes imagines, ut haberet Martyr, quod imitaretur in morte, ultròque seipsum Christo addiceret victimam, & holocaustum.

## §. CIX.

Novocellense Cisterciensium Cœnobium in Lusatia Regni Bohemiæ Provincia, crudelissimè ab hæreticis cum omnibus Religiosis deletur.

1428.  
9. Febr.

Tot Catholicis Urbibus, & oppidis excisis, tot sacris, & Religiosis Viris trucidatis, tanto facto sanguine, penè jam in Bohemia (paucis Urbibus, & Arcibus exceptis) nihil erat, quod vinceretur; itaque Hussitæ humani sanguinis, præcipuè Sacerdotalis, helluones, prædarum insuper desiderio, in vicinas latè Provincias exiêre. Volumen justum confici possit, si ea, quæ Anno 1428. & sequentibus sacrilegè, & cruentè in Ecclesijs, Cœnobijs, denique locis omnibus perpetrarant, commemorare vellem, neque tamen centesimam sacrilegiorum, & cædium partem complecterer; satis est dicere: Misniam, Saxoniam, Lusatiam, Marchiam, Voigtlandiam, Silesiam, Moraviam, aliquam etiam Bavariam, Austriam, Franconiam partem ab illis latrocinando peragratas, eaque omnia in sacros Viros, & Catholicos, in omnem ætatem, ac sexum exempla crudelitatis edita, quæ paulò antè in Bohemia



petrâsse narravi. Vix credi potest, multoque minùs explicari extrema hæreticorum barbaries; legantur, qui *bella Hussitica* tractârunt *Krantzius*, *Cochlaus*, *Theobaldus*, *Hagek*, *Pessina*, & *Codices* manuscripti; hæc, quia *Bohemia* gesta non sunt, velut aliena ab instituto transilio, *Neocellenses* tamen Martyres, quia in *Lusatia*, quæ inter *Regni Bohemie Provincias* eo tempore censebatur, passi sunt, præterire non possum; ratio temporis in controversia est, alijs Annum cædis 1427. alijs sequentem, aut 1429. ponentibus: *Novocellense* igitur *Cisterciensium Cænobium*, cum velut indagine cinxissent, divinis laudibus canendis occupatos Religiosos nacti, velut in summo scelere deprehensos (ô incredibilem hæresos cæcitatem!) pro se quisque, ut valent ingenio, milites, sibi ad supplicium dari poscebant; varijs mortibus Martyres periëre; plerosque manibus, certisque membris, quæ pudor vel dicere, cum fannis, & risu amaro recisis, inter vitam, & mortem jacentes liquere, dum putredini vulnerum mors optata succederet. *Menologium Cisterciense* cædis hujus meminit hisce verbis: *In Silesia* (*Lusatia* legendum est) *Passio Beatorum Monachorum*, qui in *Cænobio de Novacella Cisterciensi* institutum amplexi, inibi piissimam vitam instituerunt, & tandem laborum premium obtenturi, pretiosâ in conspectu Domini morte agoni præsentis ætæ terminum imposuerunt. Nam ab *Hussitis* hæreticis crudeliter interempti sanguine *Catholica Fidei* veritatem viriliter comprobârunt. Factum id est in 1427. (sequens annus ab alijs nominatur) de his tractat *Paulus Langius* in *Chronico Citizensi*; *Aubertus Miræus* l. 5. *Orig. Monast.* c. 15. Item *Joañes Cochlaus* l. 6. *histor. Hussit.* Consimili crudelitate excisum est eo tempore *Rissenſe Cænobium*, ipsæque *Urbes Misnicæ* non paucae conciderunt, ceterisque Catholicis per extremam barbariem trucidatis: *Cotzbrodæ*, *Streßa*, *Belgræ*, *Veterodresdæ*, *Lomacij*, *Mogellæ*, *Dobellæ*, *Dolæ*, *Oschucij*, in *Polim*, *Grimmitij*, *Werdæ*, *Reichenbachij*, *Auerbachij*, *Olsnicæ*, denique in *Lusatia*, & *Voitlandia* universa, *Aldeburgum* ad *Pleissam* sita Urbs nobilis illud calamitosum insuper habuit, quod in *Cænobijs* tribus, & in *Domo Rhodiensium*, omnibus flagitiorum, & turpitudinum generibus toleratis sanguine utriusque sexûs *Religiosorum*, quos diversis cruciatibus, & mortibus *Taboritæ* sustulerant, inundata, eodem sacro sanguine incendium suum ferè extinxerit; sed ego, quæ extra *Bohemie Provincias* gesta sunt, libenter prætereo, cum domesticis exemplis sic abundem, ut propè succumbam.

*Crantz. l. 11.*  
*Vand. C. 10.*  
*Petr. Langius in Chr.*  
*Citizensi.*  
*Bolland. in*  
*Vitis SS.*  
*Febr. ad 9.*  
*Febr. in præ*  
*termittis.*  
*Novocellæ*  
*crudelitas*  
*in Religio-*  
*ſos.*

*Urbes Mis-*  
*nicæ cum*  
*Catholicis*  
*excisæ.*





## §. CX.

Gubæ Catholicæ Civitatis apud Lusatios miserabile excidium; Aliud simile Plaunæ. Quatuor Coenobia in Moravia delentur. Taucha Misnia Urbs cum omnibus Civibus Catholicis excinditur internecinè. Slavata Vir illustrissimis Natalibus Taboritarum insidijs exceptus Religionis odio necatur.

1429.

Guba deleta.

Crantz. in Vandalia l. II. C. 20.

Cochl. l. 6. hist. Hussit.

Theob. P. 1. C. 69. hist. Hussit.

Fabr. in Or. Saxon. l. 7.

Et Plavva.

1430.

**E**X eadem causâ, quâ impulsî paulò antè *Novocellensis Cœnobij* excidium commemoravimus, etiam *Gubense* adferemus. Est Guba *Lusatia* Civitas non ignobilis, eam summâ celeritate, & furore adorti *Taborita* in pervigilio Sanctorum *Simonis, & Judæ*, in potestatem redigunt. Quis cladem illius noctis, quis funera fando explicet? *Krantzius* paucis explicuit: Oppidum *Gobin* crudelissimè diripiunt hæretici, sævientes in omne genus hominum. Perierunt hominum multa millia in populosissimo oppido, factâque est Urbs illa Civium suorum commune sepulchrum. hætenus verba *Krantzi* apud *Cochlaum*. In eadem Urbe, non paucos Religiosos ab hæreticis interfectos invenio, ut in *Epitome* dixi, & habet *Theobaldus*. *Plavvino*, vltima *Bohemica* in *Bohemicis Annalibus* locum habere debet, quòd propè magis quàm feudum obnoxium *Bohemia Regibus* fuerit, ut aliquando probabimus, & ipsi *Plavenij Advocati* inter *Bohemia* incolas, & Cives nominentur. Hujus Urbis excidium diligentissimi Scriptoris *Georgij Fabricij* verbis describemus. Oppidum *Plava* inter *Elistrum* & *Siram* fluvios Arcem in excelso colle habet huic Præfectus erat *Georgius Radschaverus*, cum quo paciscebantur hostes (hæretici) ut ipse ex Arce discederet, milites arma deponerent, salvi abirent; nisi fecerent, extrema minitantur. Spatio ad deliberandum concesso, Arcem in potestatem *Bohemi* accipiunt, nec pacti memores, dedititios inermes crudeliter interficiunt, inter quos de Nobilitate plures, quàm centum necati, & spoliati sunt. Metu illo sublato in Cives ferrum stringunt, & supra nongentos trucidant; Senatum, & Flamines (Sacerdotes, & sacros Viros) magis quàm in ceteros consuetudine truces. Octo Fratres *Marianos* (Franciscanos intelligo) & quatuor *Domīnicos*, unâ fossâ vivos obruunt. Editâ per oppidum cede universorum Arcem diruunt, & tecta incendunt VIII. Calend. Februarij, quo dicitur Memoria Conversionis *Pauli Apostoli* celebratur. hæc *Fabricius*. Quis or maiorem barbariem excogitare possit? nimirum hæresis, ejus spiritu, qui homicida fuit à principio, impletur, & regitur. Eadem crudelitatis exemplum in *Frankonia Culmbachij, Baraitij, & in Coburgi* vicinia, in Sacerdotes, Religiosos, & moniales edidère.

Ann



An: sequenti 1430. Cum *Procopius Rasus*, seu *Major* in *Moravos* bellum inserreret, atque in eam rem omnes *Taboritarum* suorum vires contulisset, in *Epitome* nostra memoratum est, primus impetus *Furiarum* ab ejus *Duce* *Kromessinio*, & *Kerskio* (quos *Exercitui* præmittebat) in *Cænobia* *Moraviae* quæ occurrebant, ac nondum flammis conciderant, factus est: *Trebnice Cænobium*, quod omni *Arce* munitius stabat, & defendebatur, capere se posse desperabant, proinde in *Cænobij* ditiones furorem verterunt, omnesque devastarunt. *Novoreissij* post *Teltzium* sacrum *Præmonstratensium* *Arthenonem*, tum *Dalefficij* *Cisterciensis* *Instituti* *Virginum*, quibus antea *Neoreissij* semel iterumque eo itinere transiens pepercerat, diripiunt, & succendunt; an in sacrarum *Virginum* innoxia corpora ferro aut igne sævierint heretici, in *Scriptorum* silentio, affirmare non ausim, sed perpetua *Taboritarum* crudelitas dubitare non finit, si quæ deprehendi potuerunt, occisas, aut emersas. Idem de *Sternbergensi* *Canonicorum Regularium S. Augustini* *Cænobio*, quod situm est ad *Arcem*, dicere non audeo: namque id castrum octo *Optimanis* acriter oppugnatum ipsemet *Procopius* deditione & conditionibus cepit; quo scilicet fieri potuit, ut clementius dedititij tractarentur ab hoste.

Anno 1432. *Orphanorum* rabida gens, *Procopio* minore *Duce*, *Ostendiam* (*Australem* *Misniam*) quæ hucusque à damnis, & cædibus utcunque immunis manserat, cæso prius *Saxonum* & *Bavarorum*, qui suppetias *Saxonibus* attulerant, occurrentium *Exercitu*, ingreditur. *Tauchæ* *Oppidum* per quod commissum erat prælium, primò omnium direptioni cessit, quòdque tantulo tempore mireris, eversum est, hodièque nihil nisi rudera, ut habet *Fabricius*, ostentat, via nunc etiam monstratur diligenter strata silicibus, aliud nihil; *Catholici* promiscuè omnes occisione occisi.

Post devictos magno prælio *Taboritas* An. 1434. (vide *Epitomen* nostram) cum *Czapek* suorum proditor ex acie cum *Equitatu* profugisset, *Coliniam* civitatem id temporis munitissimam *Gubernatori Bohemæ Alexio de Wrzesstiovu*, ut se bonâ fide cum *Nobilitate* in gratiam rediisse demonstraret, ultro *Czapek* tradidit. *Alexius* *Generum* suum *Virum*, apprime *Catholicæ* fidei tuendæ & proferendæ cupidum (cujus fidem, & prudentiam priorem perspexerat) *Wankonem*, seu *Wenceslaum Slavatam*, *Lacembok* ab *Arce* sua dictum, *Colino* præfecit. *Slavata* pro ardentissimo studio, quo in *Catholicam* *Religionem* ferebatur, primo accessu *Taboritas* ex *Civitatis* *Templum*, deinde etiam ex *Urbe* (nè quid infidum sibi, aut dubium, aut discors in tanta *Munitione*, cujus summa defensio concordia *Civium* esset, haberet) eiecit; eo contentu irritati, qui eiectis favebant, omnia consilia ad *Præfectum* trucidandum contulerunt. Tandem *Slavatam* à *Drslao* *Wratislav* *Equite* splendidissimo *Komarovicio* redeuntem ex insidijs aggressi obtruncant, unâque omnes, quos circum se habebat; neque uno facinore contenti, præ-

A. 1430.

Pessin Martem Morav.

Trebnice Cænobia: adv: Taboritas defensum.

Neoreissij & Dalefficij Cænobia delentur.

Sternberga deditione capta.

Tauchæ Catholica Civitas excisa.

M. S. Draconicij.

M. S. Chronica: Reginbra: Fabr: in Orig. Sax. l. 7.

Wen: Slavata ob Relig. Catholicam ad Colinum occisus.

Chr: Reginbra, M. S. apud me. Ex eo Pessin Martem Mor. l. 5. c. 5.



fidium omne quod Catholicis constabat, aut occidunt, aut Urbe pellunt. Exulibus omnibus Taboritis in Urbem revocatis. Sensit universa Bohemica Nobilitas pessimum facinus, sed præcipuè Socer Slavata Gubernator Alex. de Ryzmberg & Wrzesstiov, datoque Ducibus suis negotio obselsâ per M. ses duos civitate Colinenfî, deinde etiam occupatâ, omnes cædis & perficere conscios, aut egit in furcam, aut in Albi præterfluente demersit: atque hæc ultima fuit cædes Catholicorum à Taboritis perfecta, & penè ultimus eorum conatus: nam fracti armis Catholicorum atque etiam Utraquistarum (qui Catholicis ope Sigismundi Cæsaris in Concilio Basileensi sese junxerunt) nunquam postea Taboritæ justum ex sese Exercitum formare potuerunt.

## LECTORI BENEVOLO S.

Finis cædis  
Catholico:

Cruentissi-  
Cænobio-  
rum excidia

Cænobia  
Benedicti-  
norum.

Tandem aliquando cruentissima, & internecina bella ab Hussitis, Taboritis, & Orphanis in Catholicos excitata, tum fidelium, Sacerdotum, & Religiosorum cædes, Cænobiorum & DEO consecratorum locorum, & Ecclesiarum incendia & excidia finivi, hostes acie victi, & prostrati Ducibus occisis quieverunt; ac licet postea non semel vitam Catholicorum appetierint, id tamen quasi per insidias, & per populi tumultum, non consilio, vel autoritate publicâ, neque scripto Exercitum factum est, imò, si quid in Catholicos moliti sunt, nunquam hoc illis abivit impunitum. Regibus, qui secuti sunt, etiam ipso Georgio Podiebradio Rege, nè bellum Religionis ardesceret, summâ ope caventibus, & vigilante pro Pace publica Magistratu. Illud unum hoc loco timeo, & timorem meum Lectori aperio: nè quis fortasse me negligentia accuset, & quædam Cænobiorum excidia in superiori narratione querantur omissa, & præterita silentio. Nolui id quidem, neque scio, neque vidi Scriptorem (absit verbo jactantia) qui in hoc argumento diligentius sit versatus, neque ullum, qui, ut ego feci, id sibi propositum habuerit; sed quis omnia in numero habere possit? præsertim, quòd excepto Hagek, Dubravio, & Cochleao, scelera, & sacrilegia hæreticorum ex ipsis eorum Libris, & manuscriptis Codicibus (qui tamen crudelitatem suam ubiubi poterant, ut antè monuimus, occultabant, aut excusabant) colligere sim coactus: nam memoria Cænobiorum omnes vel flammis vel sanguine sunt deletæ, ipsaque Cænobia tam pernicali odio, & tam barbarè, atque atrociter excidia, ut ipsam humum, & solum quod Religiosi homines calcaverant, & presserant, eorum natura tollere voluisse videri potuerint, certè quorundam Cænobiorum vix nè vix quidem vestigium hodie superest, sæpe ac multis in locis, Ecclesiâ, Cænobio, & sacris ædificijs in Arcem, vel Domum aliquam, vel in stabula Equorum, & pecorum, vel in ovilia, & Villici ac famulorum cubilia, & apothecas vini, Cerevisiæ, frumenti, vel in cellas butyri, & caseorum conversis. Ut igitur Lectori piè curioso faciam satis enumerabò Cænobia quædam, præter illa, quæ in contextu & narratione cædium nominavimus; ea excisa & deleta ab hæreticis constat, sed quia annus & dies excidij periri non potuit, in historiam inseri non potuerunt, atque hæc separatim nominantur.

Ordo S. Benedicti præter Cænobia, nuper varijs in locis, nominata, amisit Præsenturas, ut vocant, Braumoviensem, Policensem, Zatecensem, S. Joannis in Augezd Praga, Cænobium Bickovvicensem, S. Michaëlis in Miestecz, Skalensem, seu in Petra S. Joannis itidem S. Joannis in Teslin, & in Weliz Eremos duas, & aliam Eremum sub Arce Przin da seu Fraunberg Cladrubiensi Cænobio attributam. S. Hieronymi Cænobium Slavicum in honorem Caroli IV. & nationis Slavicæ permanet illæsum; aliam etiam causam attulit Hagecius.



*Cisterciensia excisa sunt incerto tempore: Zdiarense, Rzeporegense & Frauntha-* Cisterciensium.  
*se utrumque Virgineum, Bistricense, & in Leskovecensi Camenecio. Skalicense An-*

21. 18 Aprilis deletum est una cum Ecclesia. *Aularegiensis Cænobij* (quod *mira-*  
*um Cænobiorum* appellat *Pius II.*) excidium, cum scriberet Amanuensis meus, tran-  
sproperando: excisum est *Duce Corandæ* An. 1420. 10. Augusti, ut latè comme-  
ravi in *Epitome*, sed latius in *Appendice I.* ad Historiam S. Montis, cum *Podbricensem*  
*strictum* describerem. *Ad Cænobij S. Corona excidium* §. LXXV. adjici potest,  
quod ex Codice antiquo M. S. *Mortuorum S. Corona*, postquam priora scripseram, di-  
xi: XI. Maij (non 14.) excisum illud esse Cænobium, & præter suspensos in tilijs,  
narraveram, duos *Cænobij Sacerdotes* (utrumque *Joannem* appellatum) excitato  
incendio haustos. *Altovadense Cænobium*, cum hæretici *Ulrici Rosensis* arma ti-  
rent, neque auderent accedere, servatum est; de reliquis excisis jam egimus.

*Præmonstratense Cænobium* in Sion, Pragenfes exspoliaverunt quidem, sed ut aliqui *Præmon-*  
dunt, non diruerunt. *Teplense Ssvihovij, & Guttensteinij*, aliq; Proceres Catholici *stratensium*  
ea vicinia sunt tutati. *Milovicense S. Georgij die* (sed quo anno?) *Zelivense, Drkol-*  
*ase, Limovicense, Zbeissoviense, Weselense, Fridlandiense &c.* quando excisa sint,  
non constat.

*Canonicorum Regularium S. Augustini Landscronense, Rzedhostense, sub arce Bez-* Canonico-  
*zy, in Saczka, deleta scimus, dies ignoratur. Glacense, & Trebonense defensa sunt,* rum Regu-  
*rovanensi Cænobio ipsemet Ziska, utpote in fundo Cænobij natus, pepercit. ca-* larium.  
*lorum excidia leguntur suis locis.*

*Eremitarum S. Augustini Submelnicanum S. Laurentij* An. 1421. 28. Martij arsit,  
excisum est! *S. Benigna in Insula, B. Mariæ Roczoviense & alia quædam, quando de-*  
*ta sint, non invenio. aliorum excidia commemorantur in historia.*

*Ordo S. Dominici Cænobium Litomericense S. Michaëlis, S. Anna in Augezd in mi-* Prædicato-  
*ore Praga, S. Laurentij vel S. Anna in Majori Urbe Pragenfi; S. Laurentij Jablone, S.* rum.  
*ementis Reginohradecij, B. Mariæ Laurense, & aliud ante Pardubicium, amisit, diem*  
*noramus. Budvicense & Plnsense defensa sunt.*

*Ordo S. Francisci Minorum diruta ab Hussiticis Cænobia numerat: S. Jacobi Li-* Minorum.  
*mericij, S. Adalberti Gilovij, Reginohradecij, Bidzovij, Rizeberge, Teinecy Virginum,*  
*quædam alia. Brixia, Novadomi, Crumlovij, Pardubicij ob Dominorum potentiam*  
*rvata esse videntur. In historiarum contextu plura, quæ excisa sunt, nominavi.*

*Ordo S. Francisci strictioris Observantia post Hussitica tempora primum advenien-*  
*e B. Capistrano in Bohemia cœpit florere.*

*Parthenones S. Mariæ Magdalene de Pœnitentia ab Hæreticis desolati sunt incer-* De Pœni-  
*o die: Praga in Augezd, ad Cadanam in Strzidka, Launa; de Zarazensi, seu Brixienfi* tentia.  
*ctum est superius.*

*Cælestinis sub Wissehrado, & in Zlichov; Crucigeris Teutonicis ad S. Benedictum* Et aliorum  
*Praga, & Commotovij; Rhodij seu Melitensibus ad Pontem Praga Minoris, & Praga No-* Cænobiorum  
*va ad S. Joannem, & Duba, & Reginohradecij in Suburbio Domicilia seu Commendas*  
*inà cum Ecclesijs hæretici incenderunt, atque ipsos Equites, si deprehendi poterant,*  
*peremerunt: anni & dies consignati non sunt, ideoque in narratione continua rem*  
*omisi.*

*Crucigeri S. Sepulchri in Domicilio suo S. Jacobi ad Trutnovium necati sunt: de*  
*Zderazensi, & Ssvietensi, dictum est suis locis.*

Excisa quoque sunt *Crucigerorum cum Rubea Stella Praga; Carthusia Podiebra-*  
*densis; S. Cyriaci, Praga & in Benatek, & in Orlik; Ambrosianorum sub Wissehrado;*  
(hoc tamen cum nota temporis deletum invēni An. 1419. die S. Michaëlis) *Carmeli-*  
*tanorum ad Nives, & Tachoviense jam nominavi. Omnes Viri DEO consecrati, ut*  
*antè sapius dixi, in his Cænobijs crudelissimè ab Orebitis, & Taboritis sunt necati,*  
exci-



Pragentes  
hæretici hu-  
maniores.

excipio pleraque *Pragensium Cænobia*; *Pragenses* enim mitiores & clementiores se-  
per habiti fuere, & ejecisse Religiosos contenti vitam sæpe donabant. Porro, si  
omnium *Bohemia Cænobiorum* Indicem habere volet, eum in *tractatione de Cænobiis*  
in Decade II. *Miscellaneorum* inveniet.

## §. CXI.

## S. Hieronymus Pragensis, Eremita Ordinis Camaldulensis.

1440.

Hieronymi  
prima ætas.

*Æne. Sil. in*  
*Euro. C. 26.*

Religionē  
Camaldu-  
lensium in-  
greditur.

Litvania a-  
dit ad Chri-  
stum prædi-  
candum.

*Rayn. T. X.*  
*tr. de Gladio*  
*& Pileo.*  
*Epit. hist. l.*  
*4. C. 4.*

Litvanorū  
stultæ per-  
sversiones.

Cū *Bohemia Regnum Hussi*, & *Hieronymi* de Praga hæresibus cor-  
ruptissimū ingenti per universam Europam laboraret infamiā, ecce  
eodem propè tempore ex *Camaldulensi* solitudine alium *Hieronymum*  
itidem *Pragensem* excitavit DEUS, qui damna quæ prior intulerat Ecclesiæ,  
Apostolicis laboribus quodammodo compensaret, suūque *Bohemia*, &  
*Praga* potissimū decus restitueret. *Hieronymus* igitur *Camaldulensis*  
(quem *Pius II.* Virum apprimè eruditum, vitæ munditiā & singulari facundia  
clarum, & iterum: Virum fide dignum, gravitate sermonis, doctrinā, & ri-  
gione spectabilem appellat) *Praga* natus, DEO vocante, *Camaldulensi* Ordine  
sefe addixit, & supra viginti annos in *Apennino Etruriæ* vitam egit asperi-  
mam. Ex ea solitudine egressus ad causam Religionis in Patria sua *Bohemia*  
tuendam, cū corruptis jam eā peste omnibus Regni partibus, & membris,  
nihil se ad rei summam proficere videret, DEO monente ad prædicandum  
*Litvanis* idolorum cultoribus *Evangelium* animum adjecit, ac literis à *Wladis-  
lao Polonia Rege* ad *Vitoldum Regis Fratrem Litvaniæ Ducem* acceptis,  
commendatus in *Litvaniam* penetravit. Quantum in ea gente profecerit,  
quot silvas Deorum prostraverit, quot lucos succiderit, jucundum est in *Silvo*  
legere, cui præsentibus quàm plurimis clarissimis Viris ipsemet *Hieronymus*  
cū ad Concilium Basileense venisset, omnia commemoravit; sed hic *S-  
vij Liber* cum sit obvius, eadēque in *Theophilo Raynaudo* nostro, & in *Ej-  
tome historica* mea legantur, describere supervacaneum esse putavi. Col-  
bant pro Dijs Litviani serpentes, ignem, arbores, lucos & nemora, sed mal-  
um ferreum grandem præcipuè, hac de causa, quod cū Sol à Rege quoda-  
potentissimo olim captus esset, & in carcerem munitissimæ turris conjec-  
*Signa Zodiaci Malleo* turrim illam perfregerint, & captivum Solem, multo  
jam mensibus non visum mortalibus, liberarint; dignum itaque venerationis  
*Malleum* esse, cujus ope Mundus Solem receperit. Magnum *Hieronymus*  
in *Litvania*, Christum prædicando, operæ pretium tulit, ut quodammodo  
*Apostolus* dici possit, maximè quod doctrinæ miracula sociaret: excindebat  
fortè silvam Deorum, novis Christianis adjuvantibus ingenti Ethnicorum  
multitudine circumstante, fortuito casu Christianus quidam tibiam suam  
arbo



boris loco bipenni, gravissimo ut videbatur, vulnere percussit, statimque  
 nianimis corruit; *Hieronymus* Populum commoveri, & percelli videns,  
 sit in *Christi nomine* jacentem surgere, ac prosequi laborem; surrexit pro-  
 us, ejusque tibiam nullâ in parte læsam Populo *Hieronymus* demonstra-  
 . Tantis Evangelij profectibus invidens *Cacodæmon* in populo seditionem  
 ac tumultum concitare aggressus est, ipsûmque *Vitoldum*, Principem  
 eleribus omnibus coopertum ac *Nerone* læviorem (*sanguinarium Carnifi-*  
*um Vitoldum* vocat *Silvius*) inani metu seditionis, & Imperij amittendi per-  
 ruit, qui *Hieronymum* ex medio Evangelij cursu, & sælicissima prædicatio-  
*Litvaniâ* decedere jussit; quod acutè expressit *Silvius*: *maluit*, inquit,  
*Christo deesse Populum, quàm sibi.* Vixit post hæc reversus à *Litvanis* *Hie-*  
*ronymus* in Germaniæ & Italiæ luce, in summa virtutis & doctrinæ authorita-  
 adeò ut *Sancti Titulum* apud plurimos Scriptores sit consecutus. Vide  
*llandum* nostrum alioquin in tribuendo sanctitatis nomine meritò præpar-  
 m, apud quem *Arnoldus de Wion* sic loquitur: *S. Hieronymus Pragensis,*  
*emita, Episcopus & Apostolus Litvanorum & Cap. 25.* apud eundem *Bol-*  
*landum*: *S. Hieronymus Pragensis Juris utriusq; Doctor, & Theologus Ere-*  
*ta, acceptâ facultate concionandi, cum Episcopali Potestate, Litvanos ad fi-*  
*m adduxit.* Obijt *Venetijs A. 1440.* fuit in *Concilio Basileensi*; scripsit mul-  
 Opera (enumerat illa *Wion, & Augustinus Florentinus*) inter quæ est *Sermo*  
 ngissimus de *S. Romualdo*, qui ibidem apud *Bollandum* recitatur. Ego  
*Hieronymo Sancti Titulum*, etsi timidè, eorum solummodo authoritate,  
 ios modò laudavi, adscripsi.

*Hieronymus*  
 in prædicā-  
 do Christo  
 impeditus.

loco cit.

*T. II. Febr.*  
*ad vitā S.*  
*Romual: in*  
*Comment.*  
*previo.*  
*Wion l. 1. Li*  
*gni Vitæ. C.*  
*26.*  
*August. Flo*  
*ren. in Hist.*  
*Camald. l. 2*

Obitus *Hie-*  
*ronymi.*

## §. CXII.

beatus Joannes Capistranus è *S. Francisci Ordine*,  
 familiæ *Cismontanæ*, secundus post *S. Bernardi-*  
 num juxta Decreta *Evgenij Papæ Vicarius*  
 Generalis.

[Llustravit hoc fidus & Germaniam, & Bohemiam, plurimâsque alias Pro-  
 vincias à *Nicolao V. Callisto III.* ablegatus *Joannes Capistranus*, à Patrio  
 solo *Capistrano Aprutij* oppido nuncupatus. Fuit Vir excellenti doctri-  
 a, *Theologiæ, & Juris utriusque Doctor*, nec minùs pietate (quam magi-  
 ro *S. Bernardino* intimis sensibus hausit) insignis. In *Concilio Florentino*  
 elut *Sol* inter Patres effulsit, multa opera edidit, maximèque celebratur *Spe-*  
*culum Clericorum.* Obitâ propè totâ Germaniâ in *Bohemie Regnum* ascen-  
 it *An. 1451.* Ea omnia acta sunt *Egræ, Pilsnæ, Cadanæ, Brixie, Crumlovij,*  
*ostea Wratislaviæ, Olomucij,* pèrque universam *Silesiam, & Moraviam,*

1470. 23 Oct.

Genus & ge-  
 sta Capistr:  
 summatim  
 recitantur.

Aa

quæ



*Mag. Chr.*  
*Belgij.*  
*MM. SS.*  
*Rosenf. duo*

*Maximo*  
*profectu*  
*prædicat ad*  
*Populum.*

*Dubr. l. 29.*  
*hist. Boh.*

*Bonf. Dec.*  
*3. lib. 8.*  
*Silv. in hist.*  
*Boh. C. 65 &*  
*in Eur. C. 8.*  
*Gonz. in hi-*  
*stor. Ord. p.*  
*451.*

*Rader. in.*  
*Bavar. S. f.*  
*138.*

quæ per Imperium ab ea maximâ eloquentiâ, & Divini spiritûs vi gesta est eorum temporum Scriptores commemorant; præsentis anno *Crumlovij* *Bohemia* versatus aliquandiu est, ut in *Epitome* dixi, dein *Olomucium* abivit atque illuc 17. Augusti pervenit. Certavit Epistolâ B. *Joannes* cum *Regina Georgij Regis* (ut ita dicam) *Papâ*, eâque Epistolâ in omnibus *Marchie* scriptorum Codicum apud nos Bibliothecis leguntur. In areis ante Ecclesiâ fias, & in foris dicebat ad populum *Latine* cum Interpretibus, quorum alter *Bohemice*, alter *Germanice*, quæ diceret ipse, reddebant; alæ, chartæ, taxilli, libri Venerem olentes proferebant in medium, & exurebantur. Præterea rimos Viros nobiles argumentorum vi, præsertim Sanctissimis exemplis Ecclesiâ reduxit, quos inter *Wenceslaus à Bozkovicz* magnæ authoritatis Vir apud Moravos, qui vale *Hussitis* dicto, Veritatem Romanæ Sedis cum duobus subditorum millibus est amplexus; cujus filius, nomine *Protasius* postea *Olomucensis Episcopus* fuit. Sed ad *Ungariæ* salutem potissimum *Capistranum* destinavit DEUS, ut *Aeneas Silvius*, *Bonfinius*, *Gonzaga*, & *Leo X. Pont. Max.* derus ostendunt; tandem annis, & magis meritis plenus, septuagenario jor vitâ excessit, multis post mortem miraculis clarus; cui *Leo X. Pont. Max.* in *Diœcesi Capistrana* cœlestes honores habendos decrevit; neque unquam sinè *Beati* titulo nomen ejus vel legi, vel audivi, & omnes, quos in hac tractatione citavi, *Beatum* appellant.

### §. CXIII.

#### Beatus Jacobus de Marchia ex Ordine Fratrum Minorum.

1476.

*Bzo. in An-*  
*nal. Eccl.*  
*ad A. 1476.*

*Ulyss. l. 6. P.*  
*3. hist. Mi-*  
*norit.*

*Bzo. l. c.*

*Miracula.*

**Q**uem *Jacobum Picentem Bzovius*, eundem propè omnes cæteri *Jacobum de Marchia* appellant. Natus est in Italia in territorio *Alatino*; materno adhuc utero clausus, Matre hostes fugiente, citâ voce Matrem admonuit nè timeret, nihil esse periculi; legitimam ætatem cum attigisset felicissimè Juris scientiam perdidicit, & professus est, tum celitus ad religiosum statum amplectendum vocatus, habitum & vitam *Ordinis FF. Minorum* in loco *S. Mariæ de Angelis* assumpsit; exinde omnem doctrinæ prioris gloriam, dotésque naturæ cæteras, vitæ sanctitate, & luce miraculorum extinxit, ut ex miraculis compositus, & ipsemet miraculum omnino videretur. Scripsere ejus gesta permulti, præsertim *F. Venantius Fabricius* ejus Sodalis, & itinerum comes, *Marcus Ulyssiponensis*, *Bzovius*, cæteri. Est in manibus Effigies B. Viri capite radiato, calicem manu gestantis, ex oserpens veneno turgens prospectat, quem scilicet calicem in Religionis nostre confirmationem Cruce signatum bis exhausit: miraculorum, quæ rite probata sunt, summam quandam conficiam brevissimè: centum mortales lie-



vit à peste, à febre lethali ducentos; à demone obsessos, tum cacos, & claudos  
 centis plures sanitati restituit; podagricos plures quàm centum, alios sexa-  
 nta desperatos à Medicis, periculo mortis alios centum & plures exemit, ac si-  
 no Crucis septem mortuos revocavit ad vitam. Eloquentiâ cælesti Jacobus re-  
 nabit in animis: mulierculas omnes Mediolani & Neapoli concionibus ad  
 eliorē vitam traduxit, Domo etiam Pœnitentibus exstructâ. Ob res tantas  
 Summis Pontificibus in varias Evrope Provincias missus, Italiam, Illyricū, Ger-  
 maniam, Bohemiam, Poloniam, Norvegiā, Prussiā peragravit, ter in Ungariā  
 Ragno Reip. Christianæ emolumento penetravit; quæ in Bohemia nostra,  
 nam adiit, B. Jacobo acciderint operæ pretium est cognoscere: Pragæ  
 verba Bzovij annuero) profectus Georgium Podiebradium (Regem) Hus-  
 edis cuius haresi à Rokyczana Pseudo-episcopo infectum reperiens, multis sermonibus  
 Protasul unitatem fidei adducere conatus est. Non ferentes Hæretici magnam effica-  
 mū Cam demonstrationum, venenum illico sorbendum obtulerunt eā sponse, ut si is  
 y, & extra noxam bibisset, illi relictis erroribus Catholica dogmata amplecterentur.  
 nario mi Vir Sanctus signo Crucis impresso, vivā & verā fide nixus venenum gustavit,  
 nt. Ma pro concione quàm plurima altissima de mysterijs Ecclesiæ Catholice disseruit,  
 unquam miraculo multa hæreticorum millia convertit. Tam insignem animarum  
 ac traductum hostis humani generis non sustinens, Podiebradium Regem per Ministros  
 lstitatis, & præcipuè per quendam Necromantem, in Jacobum inflammavit,  
 entidem Rebellionem Populi ostentans, si fidem Catholicam admitteret. Ea-  
 propter Rex eundem fraudis artificem, operam suam in Jacobo convincendo offe-  
 ntentem, contra illum disputare iussit, ceterum Necromantes falsus fuit: statim  
 rum im atque Vir divinus hominem in Ecclesiam introisse per revelationem agno-  
 it, brevi oratione pro concione factâ, loquelâ & auditu eum privatum reddi-  
 it, adeò, ut qui antea non nisi triumphos de Sancto DEI resonabat, postea surdus  
 & mutus evaserit, confusionis que impatiens è cœtu profugerit. Cernens tan-  
 tem Vir DEI, Regem cum sequacibus obduratum, Bohemiā relictâ in Epirum,  
 & Illyricum penetravit &c. hætenus Bzovius, ex quo satis apparet: B. Ja-  
 cobo laborum Campum nostram quoque Bohemiam præbuisse. Reversus  
 in Italiam aliquando, pridem Archiepiscopatu Mediolanensi recusato glorio-  
 is, An. 1476. 28. Novembris Neapoli sanctissimè decessit. Carolus V. Im-  
 perator apud Clementem VIII. pro Jacobo inter Divos reponendo diu institit,  
 sed morte præventus non pertendit. Ejus corpus etiamnum incorruptum  
 perseverat. In Beatorum numerum ab Urbano VIII. An. 1624. 24. Octo-  
 bris ad instantiam Philippi IV. Regis Catholici relatus est.

Eloquentia  
cœlestis,B. Jacobus  
in Bohemiā  
venit.Venenum  
bibit.Multa ho-  
minum mil-  
lia in Boh.  
convertit.

Miraculum

Mors.







## §. CXIV.

Senatores Catholici in Triurbe Pragensi ab hæreticis excitato tumultu, barbarè, & crudeliter trucidantur.

1483. 24. Sc  
premb.

Sub Wladi  
slao Rege vi  
sa redire Pie  
tas & Reli  
gia Catholi  
ca in Bohe  
miam.

Senatus Ca  
tholicus Pra  
gæ.

Hagek ad  
An. 1478.  
& 1487.

Coch. in hist  
Huss. l. II.

Anno Christi 1434. magno prælio inter Brodam, & Kaurzum, hæreticis à Nobilitate Bohemica (cui ob hoc facinus plurimum Catholicorum debet Religio) devictis, tandem cædibus Catholicorum, & Religioforum aliquis impositus est finis, aut prudentius, & occultius saltè sub Wladislao Rege hæreticis patrocinium præstante sævitum; Wladislai tamen opem mi Principis tempora, cæde Catholici Senatûs, Pragensis vulgus sædavit. Jam Religio Pragæ rursus efflorescere, sacri homines redire cœperant; Senatus Catholicus tam in Nova, quàm in Vetere Urbe (quem Rex ipse pro potestate cæderat) vijs omnibus, ut antiqua Pietas, fides, morèsque Catholici tanto per intervallo in Urbem reducerentur, strenuè laborabant. Pulchrum illud Antiquitate An. 1481. repetijt, & statuit Thomas Consul ab aurea stella, toto Senatu consentiente (quod jam Annis facillè sexaginta intermissum erat) quis Consul Senaculum in Curia Veteris Urbis Pragensis intraret, qui Missam in Sacrario Curie priùs audisset; nō faceret, certam pecuniæ summam numeraret. Sacrarium hoc DEI Matris dotatum erat, ut vocant, antiquo, & duo, trèsvē Sacerdotes alebantur, qui eam cælestem operam natui præstarent; ea fundatio à Senatu Catholico revocata est, datumque An. præcedente 12. Novembris initium. Urebat hoc Senatorum facinus Hussitas, & turbulentum vulgus omnia Catholicis omnibus promiscuè minabatur; accedebat, quòd Rex Wladislaus Augusto anni superioris 1487. feditiones quosdam Hussitarum Sacerdotes atque etiam Cives, qui novas moliebantur, captos in Hradek, & Carlstein arces jusserat deportari, quod utriusque Senatûs (Antiquæ, & Novæ Urbis) studio, & diligentia perfectum dubitari non poterat. Anno sequenti nova, & acerbiora excitata sunt Senatores omnium trium Urbium odia, cum videlicet sanxissent de Dedicationibus Templorum, nè eodem die Encœnia, ut vocant, Praga ubique celebrarentur, sed Parochijs singulis, quo die Ecclesiæ ipsæ fuissent dedicatæ, geretur solennitas. Id Catholicum, & prisce moris, Rokycanus, qui Archiepiscopi dignitatem, & auctoritatem nullo jure assumserat, abrogare olim, jusseratque An. 1454. (ut habet Cochleus) Dominicâ proximâ antestum S. Michaëlis in Mense Septembri (quo die festum Dedicationis Ecclesiæ B. MARIE ante Latam Curiam, cui Rokycana præsidebat, celebratur) omnibus Ecclesijs Parochialibus eodem die Dedicationis festum per utramque Civitatem Pragensem solenniter in perpetuum celebrari. Pupugit rursum



*Senatus* decretum vehementer *Hussitas*, & Religionem suam irreligiosam  
 rostitui, & contemni clamantes, primâ post Pascha Dominicâ, cum Me-  
 moria Dedicationis *Ecclesiae S. Aegidij* ageretur, consurgunt, & tumultum  
 excitant; abstinuere tamen invadendis domibus, at quisquis occurrit, quem  
 Catholicum esse suspicarentur, rixâ studiosè quæsitâ, vulnerabant, & necare  
 conabantur; *Monachis* nasos, & auriculas amputabant (aliquos vulneratos  
 periculosè, & prorsus occisos quidam scribunt) *Senatores*, nè seditionem il-  
 lum irritarent magis, prudenti silentio dissimulârunt. Ab hoc initio paulò  
 post atrocior, in ipsum *Senatum omnium Urbium* procella detonuit, neque  
 tum per tumultum res gesta; sed ex composito, & consulto audacissimi nebu-  
 lones, & fæx hominum (incendentibus alijs ex occulto) grandis campanæ in  
*Leinenſi Ecclesia* lugubri sono 24. Septembris horâ quartadecimâ dant fig-  
 num, eidem signo respondent aliæ *Ecclesiarum Urbicarum* campanæ; primi  
*Nova Civitatis* hæretici sub vestibulis loricati *Curiam* suam invadunt: arce-  
 runt illos Senaculi aditu *Urbis Syndicus*, hunc primum adorti occidunt; fit fu-  
 ga Senatorum, sex deprehensi in frustra dissecantur, duo alij ex Communitate  
*Civium Catholicorum* in Curia aderant, crudeliter necantur; quod ex cor-  
 poribus laceris supererat, ex Curiae fenestris in subiectum forum dejicitur.  
 Princeps *Senatus Paral* nomine, Pellio, maximæ ætatis, qui sese in vicini Ci-  
 vis lectulo abdiderat, repertus producit in forum, & ante *Curiam* factò à se-  
 ditiosis spatio, omnibus in eum, velut in metam jaculantibus, conficitur, &  
 confixus unco ad aliorum cadavera trahitur. Quosdam è Senatu in carceres  
 compingunt, jubentque acerrimè torqueri, faterentur, quæ consilia adversus  
*ideles, qui sub utraque specie Eucharistiam sumerent*, habuissent; an non *U-*  
*traquistas* omnes occidere statuissent? hæc omnia per tumultum hæreticis  
 vociferantibus, isti tormentis omnibus excruciat placidè ex ordine respon-  
 debant (præsertim cæteris eloquentior è Senatu *Kabaun* nomine) nunquam  
 eam rem sibi venisse in mentem, innocentes se mori, nec eam rem, cujus ar-  
 guerentur, fieri potuisse; tres igitur eductos carcere, *Consulem*, duosque Se-  
 natores per Carnificem capite minuunt, vociferante Liçtore: *hos nebulones*  
*coactos mori, quòd omnes Utraquistas certâ quadam die de medio tollere decre-*  
*vissent.* Horum cadaveribus abjectis, nondum exsatiata tanto sanguine ra-  
 bies, ut aliquod commodum ex scelere haberent, in *Nova Civitatis* Mona-  
 steria factò impetu *Monachos, Sacerdotes*, sacras Virgines omnibus injurijs  
 vexatos dispergunt, Monasteria ipsa rebus omnibus exspoliant, *Sancti Am-*  
*broſij Cænobium S. Francisci strictioris Observantiae* (in quo tum duo supra vi-  
 cenos DEO serviebant *Monachi*, ex B. Capistrani disciplina) diruunt, auri-  
 bus, naribus detruncant, quendam ex ijs Religiosum Senem ægotantem  
 prorsus occidunt: majorem prædam collecturi videbantur in *Metropolitana*  
*Sancti Viti Ecclesia Pragensi*: illuc hæreticorum fæx totâ Triurbe cursu con-  
 tendunt

Senatores  
 Catholici  
 Pragæ per  
 seditionem  
 occiduntur

M. S.

Lupac. in  
 Calen. hist.

1482.

M. S. Prag.  
 Hagek ad  
 A. 1483.

S. Viti Eccl:  
 ab hæreticis  
 in periculo  
 fuit.



Tumultus  
hæreticorū

Hagekl. c.  
Dubr. l. 31.  
hist. Boh.

tendunt, & *Pralatorum, Canonorum, Vicariorum, & omnium Ministrorum Ecclesie* (qui periculo præsentē territi, quā data viā, effugerant) domos & habitationes expilāunt; ipsam etiam *S. Viti Ecclesiam* destinaverant prædā, nisi prudentiores Cives prohibuissent, & custodiam propere apposuerant. Hæc à *Nova Civitatis* seditiosis hæreticis perpetrata; ad *Antiquam* veniamus: gemina hīc omnia, & eadem laniena fuit: *Cives hæretici* in armis *Senaculum* ingressi, quosdam è Senatu reperiunt, vetant ullum exire; Magistro Civium *Joanni Klobauk* nomine, cū exiret, quidam seditiosus nebulo tribulo ferreo crus confringit, cæteri sublimem è fenestra præcipitant, despoliāntque; itā in sanguine suo natans, & seminudus *Sacerdoti Georgio Catholico* fortē prætereunti peccata confitetur. *Publikum Consulem* è Curia fugientem vulnerant, & in carcerem rapiunt; alios è Senatu (ut habet *Georgius*) hastas objicientibus ijs, qui ante Curiam stabant, è fenestris dejiciunt, alios carceri mancipant; actum primò *Cænobia* expilant, Monachos commulcunt, Urbe ejiciunt, Virgines sacras indignis modis vexant, calices, & alia Templorum ornamenta diripiunt, novosque *Urbi Præfectos* constituunt. Tertio post die ad supplicium in foro adfertur semieneatus *Joannes Klobauk*, tum Consul *Publik, Wenceslaus CheinicZky* Vir disertus ex Senatu, & *Stodolus* adducuntur, quos prius miris tormentis excruciatos, decollari jusserunt. Quid in *Urbe minore Pragensi* eo populi hæretici tumultu gestum sit, in Manuscriptis non invenio; at parem fuisse Catholicorum cædem satis indicat duo: primum, quod seditiosis, & ad spoliandas aedes *Canonorum* ascendentibus, ut antè narravi, necessarium iter per hanc *Urbem* fuerit; alterum, quod in *MM. SS. Codicibus* lego, ibi quoque Consulem ejus temporis *Pipernas* nomine, cum alio quodam Senatore Carnificis manu decollatum fuisse. Atque hæc est illa cruenta *Tragedia*, quam in Catholicorum jugulum edidit hæreticorum *sub utraque* (ut se appellabant) *Communitas*, neque dubium esse potest, *Catholica fidei* odio peremptos, etsi, ut hæreticorum mos est, alii aliāque obtenderint hæretici. Quæ enim vel minima species veritatis, quàm verisimile cuique prudenti apparere potest? *Senatores* pauculos (quos unica causa cædis obtendebatur) potuisse omnes omnino *Utraquistas* ut nocte cum conjugibus, & liberis, in tanta, tamque multiplici *Urbe Pragensi* quæ tam latè patet, nullo Exercitu in Urbem immisso, occidere? quorum auxilio, quæso, ea cædes perfici potuit, cū hæretici *Catholicos* numero vicerent, & amplius superarent? *Satellites urbis* omnes, *Cives* plerique, *Parochi* omnes *Hussiticam* fidem pertinacissimè sequerentur? quæ tantæ paucorum conjurationis vestigia? qui testes, quis modus? itaque optimè *Hagecius* scripsit: *imputata Senatui crimina, quæ adversarij excogitassent.* Et paulo post: *Senatum trucidatum ab ijs, qui testes simul essent, & judices, hæreticos, quæ causam qualemcunque proferre debuisset, ut jure egisse viderentur.* Quod totidem propè verbis affirmat *Dubravins.*





## S. CXV.

sanctus Casimirus Casimiri Poloniæ Regis filius,  
Wladislai Bohemiæ Regis Frater, Litvaniæ  
Princeps.

**T**ot titulis noster est *D. Casimirus Litvaniæ Princeps* juvenis sanctissi-  
mus, ut, si præteriretur, turpissimo negligentia & oscitantia crimi-  
ne existimarem me posse damnari. *Primum* in fraterna & consan-  
guinea nobiscum gente *Polona* editus, *alienus* dici non potest; sed hæc om-  
nibus ex illa fortissima gente *Divis* communia mitto, certè *Regum nostrorum*  
*clytus* sanguis *S. Casimirum* ad nos, vel de cælo deducit. Mater *S. Casi-*  
*iro* fuit *Elisabeth Alberti II. Caesaris & Bohemiæ Regis* filia (*Caroli IV. Nep-*  
*s*) *Ladislai* itidem *Bohemiæ Regis* soror; frater senior *Casimiri Wladislaus*  
*ex*, qui in *Bohemia* nostra annis omnino 45. ingenti omnium ordinum ap-  
probatione, & subditorum amore regnavit. Natus est *Casimirus* An. 1458.  
optimos Magistros pueritiæ suæ nactus (singulari in ætatulam illam *Divi-*  
*o* favore) depulsus à lacte Nutricum, uberibus *Pietatis* admotus est: orare,  
meditari, & admirari divina, *SS. Euchariſtiam* adorare in Templis, patientis  
Christi tormenta secum expendere, & in ijs immorari usquè ad amoris & do-  
loris lacrymas, beatitudinem ducebat pius adolescens, atque ut ad id præ-  
cavimento cubatione vigilias procurabat; intempestæ noctis silentio egres-  
sus, ante fores Templorum humi prostratus, Divinam pro se, & peccatori-  
bus implorabat clementiam. Catholicæ Religioni deditissimus cum esset,  
*Ruthenorum* schismati paulatim abolendo impetravit à *Patre*, ut lege latâ  
Templa ab ijs vetaret extrui, & vetera, sic ut erant collabentia, relinqui. Pau-  
peribus totum se dabat *Casimirus*, neque illi alio titulo, quàm *Patrem* appel-  
labant. *Virginem DEI Matrem* singulari pietate prosequabatur; hinc ille  
cælestis hymnus: *Omni die dic MARIÆ, mea laudes anima*, in ejus sacro  
Tumulo tanto post repertus; quem *S. Juvenis* ipse contexuit, & quotidie  
Divinæ Matri dependit. In his virtutibus ad annum ætatis 23. pervenit *Ca-*  
*simirus*, cœlebs semper, & qui de Conjugij pactis nè audire quidem sustine-  
ret; sed extremus vitæ actus lauream Virginitatis *SS. Juveni* imposuit: im-  
perare mihi non possum, quin hoc loco describam, quæ *Zacharias Ferrerius*  
*Gardensis Episcopus, in Litvania & Polonia Legatus Apostolicus*, Vir maxime  
apud *Sixtum IV. Pontificem* authoritatis, qui *S. Casimirum* viventem probè  
noverat, de ejus morte, cæteris omnibus diligentius commemorat, apud O-  
doricum Raynaldum in *Annalibus Ecclesiasticis Romæ editis: Animo Casimiri*,  
ait, adeò erat desponsata *Virginitas*, ut carnales nuptiæ, sive à parentibus, sive ab

A. 1484.

S. Casimir  
justissimis  
de causis  
ad nos per-  
tinet.Joannes Lō  
ginus Præ-  
ceptor &c.Educatio S.  
Casimiri.Pietas in  
Dei Matrē.Raynald. T.  
XIX. Anna:  
Eccl. 1484.Virginitatis  
amor.

ami-



amicis ei nunquam persuaderi potuerint, nec caro, nec sanguis, nec blanditia, nec titillationes ulla venerea inspicere, aut ab arrepto pudicitiae instituto dimovere aliquid quando valere: virginem enim ad finem usque vixisse, virginemque postremum diem clausisse, omnes & à cubiculo, & à secretis ejus, Viri maximi & optimi quorum adhuc nonnulli supersunt, quibusve intus & in cute agnita illius conversatione fuerat, asseverant & attestantur: quod cum ex pluribus evidentibus argumentis satis, superque liqueat, ex eo potissimum, quod potius mori elegit, quam foedari, manifestissime compertum habemus: cum enim medio florentissima juvenutis in morbum quendam chronicum incidisset, cui medela alia nulla occurrere posse, quam puellari concubitu Medici judicabant, illiusque parentes, necessarii que plurimi, ut Virginem speciosissimam, quam è multis delegerant, unà in lectum cubare, & pro servanda vita in amplexus, & copulam ire permetteret, enixissime suaderent, rogarent, efflagitarent; ille sapientissime (ut semper solebat) respondit, se temporalem hanc, & momentaneam vitam malle amittere, quam eternam, & immarcescibilem in celo carere, objurgabatque eos omnes, quod re sibi suggerere illicitam non erubescerent, cumque adhuc, ut florida juvenutis vita ac saluti consuleret, magis ac magis adhortarentur, & importunis etiam precibus obtestarentur domestici, respondit ille: salutem, vitamque aliam nescire, quam Christum Dominum, cum quo ut esset, cupiebat dissolvi, & ad quem jam se ex ea valetudine brevi profecturum esse prospiciebat: quod & ita factum est. Jam ingravescente morbo, cum naturali robore destitui cepisset, Ecclesiasticis Sacramentis, veluti spiritualibus quibusdam contra aëreas potestates, & tenebrarum harum rectores munitus armis, inter assiduas orationes, & sancta colloquia, adstantibus Sacerdotibus, & viris Religiosis, animam illam candidissimam, & Christo amabilem, ut prädixerat perendie, carnis vinculo solutam Omnipotenti DEO reddidit.

Philip. 1.

Obitus S.  
Casimiri.

Obijt autem apud Velliam, sive Vilnam Litvaniae seu Litalianae primariam Civitatem in Grodno Oppido, Anno à Virgineo & salutifero partu MCCCC. LXXXIV. die IV. Martij, illucescente aurora, annorum ultimo Sixti IV. Pontificis Maximi. Vixit annos viginti tres, menses sex, sepultusque e collacrymantibus cunctis apud Arcem, ubi Sedes Pontificia Vilnensis sita est in I Stanislai Martyris ac Pontificis ade sub sacello almae Genitricis MARIAE, cum & mentem omnem, & pudicissimum corpus addixerat. Erat autem puer adolescens, & famulus DEI Casimirus, mediocris statura, caesariem mustellinam vel subnigri coloris habens, subnigris oculis, & naso aequali, ac temperati ruboris, facie eleganti, formosam, & venerabili, ut qualis intrinsecus esset, ex ipsa effigie existimari posset: aspectu profecto pulcher, sed longè pulchrior Religionis Divinae, utpote moribus ornatus Angelicis, cujus mentem, atque Regium pectus nihil foedi, nihil turpis, nihil obsceni unquam tetigerit, quod post ejus obitum luculenter ostensum est. Nam omnipotens Auctor, ut indicaret, quanta merito



in celsitudine, virtutumque sublimitate apud se Casimirus magnus extiterit, ex ejus sepulchro tot, tantæque signa ac miracula patefacere dignatus est, in-  
 esque magis ostendit, ut hæsitare nemo debeat, quin æterna cum Christo felici-  
 te in cælo fruatur: hi enim, qui sine spe humani auxilij morbis incurabilibus,  
 gravissimisque valetudinibus laborant, surdi, muti, claudi, aridi, cæci, &c. ut  
 imum ejus Mausoleo se devoverint, auditum, loquelam, incessum, visum,  
 istinamque valetudinem recuperant, quodque longè admirabilius, ac penè  
 credibilius est, reviviscunt mortui, aliæque quotidie obstupefenda fiunt mira-  
 cula, &c.

Miraculis  
inclarescit.

Hæc Zacharias Ferrerius in Polonia & Moscovia Legatus Apostolicus,  
 in miracula S. Casimiri inquirere jussus, Ecclesiasticum Officium, quo illi  
 memoria recoleretur, instituit, ac postea Leo X. eum in Sanctorum nume-  
 rum retulit. Quod verò Miechovius S. Casimiri obitum non ad An. 1484.  
 sed ad superiorem 1483. retulerit, id contigit, quia annos ab Incarnatione Ver-  
 bi numerat, quod in Historijs Poloniae diligenter notandum, cum in Chrono-  
 logia non parvas parere difficultates possit; Rectius igitur Raynaldi autori-  
 tate Annum 1484. quo S. Casimirus in cælum evolaverit, statuemus. Ad-  
 monet idem Raynaldus errorem in Notas Martyrologij Romani à Baronio ad-  
 ditas irrepsisse, cum ad 4. Martij obiisse ponitur An. 1489. quod sustineri non  
 potest. Illud, quod in Officio Sacerdotali inter S. Casimiri miracula legitur:  
 Ezechielis exiguu numero ad potentissimi hostis insperatam irruptionem tre-  
 didantibus in aëre apparentem, insignem tribuisse victoriam, illustre est, gra-  
 tiæ apud DEUM à sanctissimo Juvene collectæ, documentum; aliud perfi-  
 citur S. Casimiri Miraculum Anno 1519. patratum, ex eodem Zacharia Fer-  
 rario recitat Odoricus.

Miech. l. 4.  
C. 74. histor.  
Pol.

Miracula.

Raynald. T.  
XX. Annal.  
Ec. A. 1519.

## §. CXVI.

Joannes à Misna Ordinis FF. Minorum S. Francisci  
 Strictioris Observantiæ.

Hunc Virum præstanti famâ sanctimoniam, & miraculis claruisse Me-  
 moriæ Seraphici illius Ordinis ex Cœnobio Olomucensi missæ lo-  
 quuntur: In Misna Urbe Misniæ natus recepto illius sæculi more à  
 Patria cognomen accepit, ut de Misna diceretur; in sacrum Ordinem coo-  
 ptatus, brevè omni genere virtutum, & gubernationis prudentissimæ laude  
 inter suos excelluit; hinc factum, ut cum Ultramontanæ Familiæ Commis-  
 sarius Generalis Ven. P. Petrus de Neapoli à Provincia Bohemiæ ob amplitu-  
 dinem, & Fratrum numerum Poloniam & Austriam separasset, B. Joanni  
 Bohemiam sub Commissarij nomine regendam reliquerit; biennio lauda-  
 tissimè rexit, sed honorum & gubernationis pertæsus in Generali Capitulo

A. 1492. 21.  
Novembr.

Genus.

Bohemica  
Provincia  
FF. Min. o-  
lim extensa  
per Pol. &  
Austriam.

Bb

quod Officia.



Obitus.

Gonzaga.

quod An. 1469. in *Insula Bisentina* celebratum est, perfecit, ut *Bohemia* tamdem *Provincia* titulo & ipsa gauderet, suumque sibi *Provinciale* habere. Absolutus hoc munere B. *Foannes* totum se in posterum divinis rebus agendis & patiendis usque ad summam senectutem addixit; plurima edidit miracula, inter quæ refertur Pueri à morte suscitatio. Tandem An. 1492. *Capitulum Provinciale Olomucium* profectus morbo senectutis obdormivit in Domino. Operæ pretium est, quæ de B. *Foanne* paucis, sed multum significantibus verbis, celeberrimus & Illustrissimus *Franciscanæ* historiæ conditor scripsit audire: In hoc *Capitulo* (*Olomucensi*) omni sanctitate, omni virtute præditus Pater F. *Foannes de Misna* (cujus aliquando meminimus) diebus ceteris Patribus ex munere adesset, diem clausit extremum, atque præfati *Conventu Conceptionis B. Virginis* honorifice tumulatus fuit. hæc ille in *Conventu* quarto prædictæ *Provinciae*. Tantâ autem *Vitæ* perfectione ditatus (verba sunt *Olomucensis M. S.*) ut puerum à morte suscitavit, aliæque quæ plurima ediderit miracula, de quo scribit P. *Arturius* à *Monasterio, Recolatus* in *Martyrologio Franciscano* die 21. Novembris, quæmque velut *Beatum* adducit post alios *Marcus Ulyssiponensis* l. 8. C. 33. sub An. 1508. *Commentarius* scriptus præfati *Conventus* recenset illum Anno 1477. floruisse. Hæc *Olomucio* missa accepi.

## §. CXVII.

Christiani duo Pueri Pragæ, Puella Strakonicij,  
Judæis Nostræ Religionis odio crudeliter necantur.

1305. 1503.

Weles. in.  
Calen. ad 4.  
Januarij.  
Crug. ibid.

Martyr Stra-  
konicensis.

**S**Trakonicium Civitas est in *Bohemia*, quam ditione tenent *Melitenfes* & *Squites S. Joannis Hierosolymitani*, immunitatibus tamen multis ipsa Civitas munita, & ornata; ad eam Civitatem habitabat rustica mulier quæ omnis pietatis oblita, paupertatis tantum, quâ premebatur, memor, *Fudæis* fratribus duobus, eorumque Matri, filiulam suam uno non amplius a reo vendidit. Illi scelere matris læti, Puellam sublimem, Christum Crucifixum imitari jubent, pendentem, & nec quicquam lacrymis innocentibus perorantem, cultris confossam, horribili cruciatu laniatam, sanguine è venis omnibus expresso conficiunt An. 1503. Patefacto divinitus facinore, uterque *Judæorum* fratrum rogo, viventes, & spirantes impositi, quibus duæ matres, altera *Christiana*, quæ vendiderat, altera *Judæa*, quæ emerat, sunt adjunctæ. Jacet etiamnum *Christi Martyr* in *Arcis Strakonicensis Ecclesiæ* ante aram principem marmore contexta literis insculptis sepulchro, quibus factæ cædis à *Judæis*, Annus 1503. exprimitur.

Ge



Geminum duobus ante sæculis edidère facinus Judæi: Anno Christi 1492. 1493. sacra Parasceves die, pervicacissima *Judæorum* natio, atrox in Christianum hominem (*infantem* appellat Crugerius, vetusti Authores de eo velut in adulto, loqui videntur) *Pragæ* edit exemplum: namque in locum abdimper tractum, in cruce nudum suspenderunt, circumstantesque, alius in expuere, alius os verberare, alius virgis cedere, alij denique omnia seriditari, quæ Christo Domino DEOQUE nostro quondam irrogassent supplicia. Melere patefacto *Populus Pragensis* consurrectione factâ, contineri non potuit, *Judæosque* omnes, excogitatis, quæ cuique ira sua suggererat, tormento peremit. Monumentum, imò *Ecclesiam novo Martyri* ex spolijs *Judæi* positam affirmat *Dubravius*; ego, ubi illa sit, aut olim steterit, nec significari possum. *Christi Martyres* hos esse, & *Innocentia, Martyrij* lauream jecisse nemo Catholicorum dubitavit. De postremo veluti *Martyre* scribit *Carolus Stengelius Abbas Anhusanus*.

Judæi Pragæ hominē Christianū crucifigunt

Crug. 24.  
Martyj.  
Spond. in.  
Ann. Eccl.  
ad A. 1305.  
Crantz. in  
Wand. C. 23.  
Dubr. l. 18.  
hist. Boh.  
Dubr. l. 8.  
hist. Boh.  
Car. Steng.  
in stemma-  
togr. Cruci  
fixi germa:  
P. 1. f. 361.

## NOTANDUM:

Strakonicensē illam puellulam, *Weleslavinum*, & *Crugerium* in Calendarijs suis (ad 4. Januarij) Puerulum appellare, sed me Chanowskio, qui in rem præsentem venit, assentiri ratio cogit, qui disertè in lapide Cruce signato in Arcis Strakonicensis Ecclesia scriptum esse affirmat: *Puella annicula Dorothea à Judæis occiditur die Martyj Primâ, 1503.* idem, quos paulò antè citavi, cædis annum 1504. & diem 4. Januarij ponunt. Credibile non est, *Judæos* tam atroci supplicio An. 1503. damnatos, altero mox anno vertente, eodem in loco, facinus perpetrasse; quod si admittitur Puellum & Puellam habemus occisos pro Christo.

## §. CXVIII.

Edmundus Campianus Soc. JESU, Londini in Anglia A. 1581. ob Catholicæ Fidei defensionem interfectus.

Edmundus Campianus inter *Beatos Angliæ Martyres* pridem à Scripto-ribus numeratus, tamen *Noster* est, non nativitate (nam *Anglia* Virum genuit) non loco mortis (*Londini* enim mortem pro Christo pertulit) sed institutione vitæ cœlestis (*Pragæ* quippe & *Brunæ* Tirocinium vitæ Religiosæ posuit, & Societatem votis professus est) & aliquot annorum commo-atione, doctrinâ, & perpetuo in gentem nostram amore. *Noster*, inquam, *Edmundus* est; & cum tantum ingenij, & Sanctimonie lumen mutuatos esse nos ab *Anglia* fateamur libentes, aliquam ejus laudis partem, ut in *Bohemiâ* nostram derivare possimus, facile concedetur ab *Anglis*. Vitam maximi huius viri scripsere plurimi, singulariter *Paulus Bombinus* libris aliquot, cum alijs Martyribus *Philippus Alegambe* in mortibus illustribus, & ex eo *Mathias*

1581.

Campiani  
Patria.



Educatio  
Religiola  
in Provinci:  
Boh.

Hist. Prov:  
Boh. M. S.  
ad A. 1573.

Genus.

Prime Soda  
litati B. V.  
Pragæ Ed-  
mundus  
præficitur.

Tanner (in Societate JESU militante) illustribus ejus exemplis non paucas paginas implevere. Mihi propositum non est, nec unquam fuit, *Vitas Sanctorum* diffusè scribere; facio vulgaris Scriptor (quod vulgum facere dicitur Poëta) compendia quæro, pauca, quæ ad nos pertinent, excerpam, aliqua etiam, nî fallor, ab illis præterita, apponam. Campianus igitur Anglus, cùm Romæ Societatem expetisset, admissus An. 1573. precibus Laurentij Martini Provincialis, pro Austria, & Bohemæ Provincia impetratus, in Tirolum Brunense apud Moravos nostros recipitur. Sed, quid opus est, denotare Bibliothecas, & quæ de Edmundo scripserint alij consulere, cùm pridem in ex Provincia Bohemæ historia, quam confecimus, petere, & describere possumus, quod bonâ Lectoris gratiâ faciemus. Ad An. 1573. Maxima Tironum Pragensis, ac postea Brunensis (notandum est Pragâ Novitiatum eo anno Brunam translatum, atque inter eos, qui transferebantur Novitios, inter primos Edmundo numerari) maxima, inquam, ex Edmundo Campiano gloriatio, qui hoc anno 26. Augusti jam annos quinque supra triginta natus adventit: patria illi Londinum Angliæ, Parentes Catholici fuere ex honesta Civium familia. Pater itidem dictus Edmundo, mercaturam librorum faciebat, Fratres duo, soror una, dum Societatem ingrederetur, vivebant; sexcentennium Philosophiæ, Theologiæ sexennium operam dedit, in eaque facultate Baccalaureus evasit. hæc ipsius S. Martyris manu scripta (quam ex osculato sum) nuper inveni. Ad annum 1574. eadem historia narrat in Septembrem Pragæ Campianum appulisse, Rhetoricæ docendæ adhuc Tironem admittum, cui Oratione peregregiâ quæ extat, præluserit. Anno sequenti 1575. narratur, datum esse Congregationi Marianæ in Contubernio Pragensi initium 16. Januarij, ex decem adolescentibus studiosis conflata, cui Sodalitati M. Edmundo Campianus præfuerit. post pauca: florebat id temporis doctrinæ ac potissimum eloquentiæ gloriâ foris apud omnes Campianus, easque tuas Orationes, & Comædias Pragæ habebat, quæ justum volumen conficerent, at domi vitæ Sanctimoniâ, ac Religiosarum virtutum exemplis, etiam admirabilior habebatur: quantum in sui contemtionem, & abiectionem, quantum in meditandis Christi doloribus, quantum in amore vitæ Religiosæ profecerit, geminæ ipsius Epistolæ, quas Brunam ad contubernales nuper suos dedit, ostendunt; divisæ sunt (satis scio) temporibus, utramque tamen hîc junxi, ut nihil ab annis, & tempore (quod aliquando in vita hominum, pro dolor! accidere solet) S. Martyris virtutem accepisse detrimenti possit intelligi.

Epistola B. M. P. Edmundi Campiani Soc. JESU, data Pragâ ad Novitios Brunenses An. 1575. & 1577.

Quantum vos diligam in visceribus JESU Christi, Fratres charissimi, potestis colligere, quod scilicet per occupationes meas quotidianas, propter quas vix respirare possum, tamen ad vos ut scriberem, tempus mihi

suffi-



ffurandum, & à medijs functionibus, curisque meis eripiendum putavi:  
 id enim facerem aliud, quàm primùm audio nuntium aliquem certum  
 unam petere? quomodo possem non inflammari memoriâ Domûs illius,  
 qua tam ignitæ sunt animæ, ignis in animo, ignis in corpore, ignis in ser-  
 one, ignis, quem venit DEUS mittere in terram, ut semper ardeat? O dul-  
 s parietes, qui me aliquando vobiscum tenuerunt! amabile hypocaustum  
 quo tam sancta miscentur colloquia! speciosa culina! in qua de ollis cha-  
 limi certant *Joannes, & Carolus*, duo *Stephani, Sallitius, & Finnit*, &  
*Georgius, Tobias, & Casparus* in sancta humilitate, & charitate non fictâ!  
 oties mihi repræsentò illum oneratum de prædio, istum de foro, hunc de  
 isquilijs, alium sub alio labore fortiter, & alacriter sudantem! credite mi-  
 Fratres charissimi, pulveres, scopas, & palas, ac onera vestra aspiciunt An-  
 eli gaudentes, iisque plus vobis impetrant apud Deum, quàm si viderent in  
 anibus vestris sceptrâ, gemmas, & aurum in fasciculis. Utinam hoc ne-  
 irem, quod dico, sed tamen quoniam scio, dicam: In opibus, honoribus,  
 elicijs, pompa sæculi, omnia plena sunt spinarum, & sordium. Pauper-  
 Christi minus habet extremæ difficultatis, & fastidij, quàm Palatium Cæ-  
 ris. Jam verò de interiori pabulo, si loquamur, quis dubitet, quin una ho-  
 consuetudinis tam familiaris DEO, bonisque spiritibus, omnes Regum  
 nos, & Principum antecellat? Ego autem circiter annum in Religione fui,  
 igitâ quinque in sæculo; quàm felix esset commutatio, si possem dicere:  
 num annum in sæculo fui, in Religione 35. ! si nullum unquam Patrem,  
 præter Patres Societatis novissem; nullos Fratres, præter vos, & Fratres meos;  
 nullum negotium, præter negotium obedientiæ; nullam scientiam, præter  
 ESUM crucifixum! Utinam saltèm vestram felicitatem attigissem, qui be-  
 emanè intrâstis in vineam Christi! & vobis propemodum invideo *Can-*  
*ensi, & Carolo*, qui tam maturè condicti sunt, ut suam pueritiam cum puero  
 Christo consumant, cum illo pariter adolescant, & crescant demum in per-  
 ectum robur plenitudinis, quæ est in Christo JESU. Quare gaudete Fra-  
 res mei tantis bonis, & magnitudine beneficij, quo vos DEUS honestavit,  
 illius recordatio semper in promptu sit quâ diabolo, quâ mundo, quâ car-  
 ni, quâ difficultatibus, & procellis omnium tentationum resistatur. Dica-  
 nus, & sentiamus ex animo, nisi valde stupidi, & insipidi simus: Non est  
 magnum, quòd servio DEO, sed revera magnum est, quòd me servum De-  
 us habere voluit. Ego omnibus vobis de singulari charitate vestra, quam &  
 præsens, & absens per litteras, & salutationes vestras, & discedens à vobis in  
 itineris procinctu expertus sum, gratias maximas ago, nominatim *Melchiori*,  
 & si quis est alius, quem antea nominavi, charissimo fratri æmulo meo, &  
 compari dierum Societatis, sed meritis longè superiori; gratissimæ mihi  
 fuerunt ipsius & litteræ, & res, quas binis jam litteris egit. Scribam cum R.

De servitijs  
 Culinae lo-  
 quitur.



P. Rectore rationem aliquam, ut ordine totius rei constituto, perscribam illum de omnibus diligenter ante Festum Annunciationis B. Virginis, ut spero. *Stephanus Ungarus* recepit se scripturum, & semper tacuit. *Georgius & Carolus* gratulor ex toto pectore, qui nuper vota emisserunt. Fortia sunt vincula, Fratres mei, quibus vos fortissimè Domino concatenastis. quis eripiet vos de manu illius? num funiculum istum triplicem perumpet diabolus tam ignobilis, & infirmus, ut nè porcos quidem sinè facultate præcipitare potuisset? & quis est iste, qui imaginem DEI vivi præcipitare posset? non poterit facere, nisi nos ipsi obliteremus imaginem, & cum illo in perniciem nostram conspiremus.

Haecenus licuit mihi vobiscum colloqui; nunquid pulsatum est a *scholas primâ vice*? avocor necessariò, & cras est festum, in quo plenius occupatus ero. Itaque non existimo me tempus habiturum plura scribendum scribam autem proximâ commoditate; & Fratri charissimo *Cantensi*, cuius me litteræ plurimùm delectârunt, & gratias ago DEO meo, qui inspiravit illi ætati tam bonam mentem. Accepi ab illo imagines, agnos DEI, & Reliquias S. P. N. Ignatij, magnum thesaurum, pro quibus habeo illi magnam gratiam. Saluto omnes vos ex animo meo intimè in Christo JESU. Postremum erit, ut R. P. Rectorem & *P. Aquensem* humiliter exoretis, ut condonent mihi hoc tam longum silentium, cujus potius culpæ adscribant, quàm oblivioni suorum in me meritorum. Omnium vestrum precibus me commendando. Valete. Pragæ, 26. Februarij An. 1575.

Edmundus Campianus

*Ejusdem ad eosdem II.*

Charissimi in Christo Fratres. Etsi hominum mores multò minùs apud vos ponderis, & momenti habere debent, quàm ille spiritus, qui absque verborum strepitu in auribus vestris loquitur; tamen nè hoc quidem charitatis genus inutile, aut supervacaneum est; erit pietatis vestræ, fraternarum hanc Epistolam testem amoris, & officij mei benignè (quod soletis) accipere non enim quasi vobis incitamenta deessent, qui quocunque pergitis, vehementes aculeos virtutum omnium circumfertis, sed ut mihi potiùs ex hac usura temporis, quàm vos alloquor, quædam calcaria subministrarem, utque vestri memoriâ, s'vavitatèque perfunder, & meam in vos testificer voluntatem, hanc litteras exaravi. Atque utinam, quod ego dico, & vos facitis, illud vos mihi diceretis, & ego facerem! Scio enim, quanta sit libertas in obedientia, quanta jucunditas in labore, quanta in oratione deliciæ, quantum in humilitate Regnum, quanta in conflictione pax, quanta nobilitas in patientia, quanta in infirmitate perfectio. Sed has virtutes in usum, & actionem reducere, hoc opus est, & hoc vestrum est, qui gloriosis curriculum Paradisi quædam spa-



conficitis in terris; ego, ut ille dixit, quâ potero sequar, non passibus æquis. Minimo igitur (charissimi Fratres) vita nobis non sufficit, quâ Christo gratias agamus, qui tanta nobis mysteria patefecit. Quis nostrum credidisset, si ab illo vocatus in hanc Scholam, & institutus fuisset, tot spinas, tot fæces, tot misérias, tot tragœdias in hoc mundo sub falsis nominibus honorum, ac voluptatis delitescere? quis putasset, culinam vestram Palatio Regali antecellere, pulmenta vestra convivij omnibus, molestias vestras aliorum dulcedatui, pugnas vestras illorum triumphis, atque victorijs? Etenim rogo vos si quod isti tantopere cupiunt) omni vitâ spectaculis, & varietate locorum, ac hominum pasceretis oculos, num oculi vestri pingvescerent? si aures rumoribus, essentne pleniores? si mentem cupiditatibus, essentne ditior? si carum dapibus, num fieret immortalis? Hæ tenebræ eorum, qui addicti vanitatibus, nesciunt, quid sit beatè vivere. Putant enim, cum spectant, & excedant grandia, se multum profecisse, neque tamen centesimus quisque, quod somniavit, assequitur. Et si fortè quis assequitur, tamen postquam subduxit rationes, & curarum sarcinam, eventus lubricos, fœdissimam ferocitatem, timores, insidias, cruces, fastidia, rixas, nequitias, numeravit, quæ semper habitant, semperque divexant amatores mundi, sinè dubio inveniet semetipsum turpissimum, atque egentissimum esse mancipium. Itaque vestrum suspirium, quo cælum anhelatis, præstat illorum perpetuis amoribus, quibus hæc lutulenta comparant: una vestra colloqvutio, cui interfunt angeli, superat istorum congressiones, & impura symposia, in quibus pocula propinant dæmones: una vestra diecula, quam DEO consecratis, dignior est illorum ætate universâ, quam profundunt in luxu. O Fratres! currite, quod cœpistis, & Divinam erga vos bonitatem, vestræque conditionis dignitatem recognoscite. Estne ulla Principum, aut Imperatorum purpura, ulla majestas, ulla jucunditas, quæ vestrum decus, atque solatium non dicam exæquare, sed adumbrare possit? illi (de bonis loquor) cum suis impedimentis sub Christo Duce militant; vos omnibus liberati cum Discipulis in consortium Domini familiare vocamini; illi in Regiam admittuntur, vos in cubiculum; illi ad opportuna pabula, vos ad cellaria refertissima; illi ad amicitiam, vos ad osculum; illi ad gazam pretiosam, vos ad thesauros intimos. Cogitate, quantis difficultatibus etiam illi, qui laudabiliter vivunt in hoc depravato seculo, premuntur, & tum facilius statuetis, quantum Divinæ misericordiæ debeatis, quæ vos in Societatem suam ex infinitis periculis vindicavit. Quam ægrè sequuntur Christum properantem, hostesque rebellantem, ij, quibus in sinu sedent fæminæ, in humeris liberi, in dorso prædia, in capite solitudines? quorum pedes catenulis illigantur, spiritus propemodum suffocatur? Estne insignis vestra felicitas, quos Rex adjunxit ad latus suum, quos texit paludamento suo, quos vestibus induit, & honestavit



R. P. Paulus  
Hoffaus Re-  
ctor Pragæ:

vit suis? quid magni est, si meos Amiculos pro illo deserui, cum ille peccator  
Judæ proditoris laverit? quid mirum si meis Patribus obtempero, cum  
ille Pilato morem gesserit? quid grande, si pro ipsius honore quippiam  
portavero, cum ille pro mea salute crucem bajulârit? quid indigni, si per  
cator reprehensiones fero, cum ille innocens maledicta, sputa, flagella  
vulnera, mortem sit perpeffus? Itaque quoties in hoc spectaculum intro  
mur (Fratres) toties manifestè deprehendimus, nil esse oportere neque tam  
dulce, cujus illecebris, neque tam asperum, cujus horrore ab hujus Domus  
complexibus divellamur. Processit mihi, ut videtis, hæc pagella, homi  
satis occupato. quocirca maturum arbitror, ut me reprimam, & vos rem  
tam ad illum Doctorem, qui suâ infusione sacratissimâ hæc multò fortius  
animis vestris insonat. Illum audite, quoniam verba vitæ æternæ habet  
Ego, cum meâ sponte libenter, tum ex mandato R. P. Pauli Rectoris nostri  
qui Brunensem Domum peculiari quodam amore prosequitur, eripui libe  
rissimè tempus hoc è negotijs meis, ut vobiscum verba facerem. Sed & C  
legium Pragensè, quod vos unicè diligit, eodem hoc scripto suam in vos ben  
volentiam indicari, & plurimam singulis vobis adscribi salutem voluit.  
me, quod attinet, non solum vos, sed etiam vestigia vestra Sanctorum  
dum, quæ impressistis, exosculor, quæsoque à vobis, ut eleemosynam  
quam mihi misello & inopi ex vestris fragmentis largiamini. R. P. Rec  
rem officiosissimè saluto, reliquosque PP. & FF. qui vobiscum degunt.  
orsum præterea R. P. Aquensi, & M. Francisco magnam habeo gratiam,  
me totum offero, qui me aliquoties in suis literis humanissimè salutârunt.  
Valete. Pragæ, 10. Calen. Martij 1577. Ex mandato R. P. Rectoris,  
Collegij Pragensis.

Vester in Christo servulus.

Edmundus Campianus.

Gesta Cam-  
piani Pragæ

Hæc erant Edmundi eo tempore vota, hæc desideria, hæc studia, in quibus  
eum Divina Providentia educabat, atque ad gloriosissimam mortem  
hil minùs id temporis cogitantem præparabat, neque dubium mihi est:  
ejusdem Viri consortio reliquos etiam Pragenses Socios inarxisse. Porro præ  
ter Rhetoricam, quam docebat, Latinas Conciones ad eruditissimas aures ha  
bebat, cum interea domi matutinus esset fociorum excitator, & vilissimus  
culina, & mediaſtinorum officijs manus paratissimas comòdaret; idem er  
Sodalitatis Præses, idem Contubernio Juventutis Præfectus, idem Orator e  
temporaneus in Rostris, idem in theatro Poëta, idem omnia, ut socij pro m  
raculo haberent, unum hominem tot, & tam diversos labores sustinere.  
Campianus, cum novus aliquis imponeretur labor, quærere ex Superiorib  
solebat: utrùmne crederent, satis sibi adesse facultatis? quod si annuissent  
nihil



nil ampliùs cunctatus exequabatur omnia, plus de se *Reſtori ſuo* credens, tam ipſemet ſibi: *Rhetoricâ* aliquot annos docendo emenſâ, *Logicam*, quæ etiam *Phyſicam* profeſſus eſt, denique toto *ſexennio*, quo *Pragæ* vixit, ut *Plautinè* dicam, jam ad ſcientias, jam ad virtutem diſcipulorum mos conformavit, tantâ felicitate, ut vitâ, & cohortationibus plurimos vitæ Religioſæ amorem incitaret, dicendo, & docendo omnes in admirationem ſui traduceret; laudavit *Edmundi* facundiam frequens *Regni Nobiſ*, atque ipſemet *Rudolphus Caſar* auditor præconium tribuit; *Archiepiſ*, homi-  
pus *Pragenſis Antonius* (qui *Pragæ Edmundum* Sacerdotio initiârat, & ha-  
os rem-  
bat intimum) jucundè diſtitabat: à *Wikleſſo Anglo* omnia *Bohemiæ* mala  
fortiù  
veniffe (*Huſſi*, & *Hieronymi Pragenſis* ætatem, & hæreſin reſpiciebat)  
næ hæ-  
ELIM de *Anglo* homine providiſſe ruſus (*Edmundo* videlicet) qui illa *Bo-*  
ris noſ-  
niæ vulnera perſanaret. Ecce autem in hac celebritate famæ florentem  
pui lib-  
Campianum A. 1580. Summi Pontificis jufſu *Roma* evocat, inexplicabili *Præ-*  
ed & *Conſium* omnium dolore. Narrant eâ nocte, quæ ab itum *Pragâ Campiani*  
vos be-  
ceſſit, *Jacobum Gallum* Virum pium, & ſimplicitatis antiquæ, clam dor-  
nit. *Campiani* cubiculo inſcripſiſſe: *P. Edmundus Campianus Martyr*:  
orum  
ædictionem, aut quidquid illud divinationis fuit, probavit eventus. Quæ  
ynama-  
inde geſſerit per iter, & in *Anglia ſua Edmundus*, laudati Authores profe-  
P. Reſ-  
untur; captus tandem ab hæreticis, damnatus, raptatus, ſuſpenſus, ſemi-  
nt. *Novus* de furca dejectus, uſitata *Martyribus Angliſ* ſupplicia invictâ mente per-  
lit An. 1581. 1. Decembris. Elucubravit *Pragæ Campianus* inter tot occu-  
iam,  
runt.  
tiones ſuas quædam *Opuscula*, atque audeo dicere, paucis exceptis (inter  
toris,  
quæ ſunt *Proteſtatio ad Reginam*, *Rationes X. oblati Certaminis*, aliâque pau-  
la) reliqua omnia, quæ vel *Turnerus*, vel *Petra ſancta Noſter Campiani* no-  
ine vulgârunt, ſub *Cælo Pragenſi* concepta primùm, & ſcripta fuiſſe. *Cu-*  
culum, quod aliquot annis inhabitârat *Campianus*, quamdiu *vetus Collegi-*  
m *Pragenſe* ſtetit, ejus effigie in *Ara* poſitâ (quod ego ipſe memini) ſemper  
it in honore; *Sereniſſimis Archiducibus Austriæ*, *Legatis Regum*, & *Prin-*  
pum, quoties *Collegium noſtrum Pragenſe* ſubirent, genua ponentibus,  
Campianum in *Cælo* venerantibus. Ego privatim, & mecum nonnulli  
hac *Bohemiæ Provincia* gratulamur, *Nos* ab institutione *Campiani* lineâ re-  
â deſcendere; ſuus etiam eſt ingenijs partus, ſuâque doctrinæ ſucceſſio;  
uod, ut demonſtrem, *Genealogicas Tabellas* imitabor:

*Edmundus Campianus* S. J. Rhetorices *Pragæ* Profeſſor.

*Edmundi* Diſcipulus *Pragæ*: *Jacobus Pontanus* S. J.

*Jacobi Pontani* Diſcipulus in *Bavaria* *Matthæus Raderus* S. J.

*Matthæi Raderi* ibidem Diſcipulus *Jacobus Bidermannus* S. J.

*Jacobi Bidermanni* ibidem *Joannes Lupius* Soc: JESU, qui *Rhetoricam*

*Pragæ* An. 1628. in *Collegio S. Clementis* pluribus conſequenter Annis, &

*Pragæ Cā-*  
*pianus ſex-*  
*ennio vixit.*

*Lucubrationes*  
*Campiani.*

*Genealogia*  
*doctrinæ à*  
*Campiano*  
*deducta.*



*Brune* An. 1633. docuit, ac plurimos è Societate nostra Discipulos numeravit, à quibus & *Ego*, plurimique alij ejusdem doctrinæ (ut ita loquar) filij, te procedimus.

Campiani  
sublimis  
character  
Eloquentiæ

Pag. 123.  
Tom. 1. an-  
tiq. Lect.

Hoc velut additamentum appono: omnia quæ à *Campiano* sunt, quædam prorsus Regium Eloquentiæ characterem habere, & altissimum, patrisque imitabilem Genium spirare. Sume in manus, oro, *X. rationes obli- ti Certaminis*; quæ si in Bibliotheca Tua desiderantur, obvium *Henrici C- nisi Tomum I. Antiquarum Lctionum* inspice, & in eo *Campiani ad Richa- dum Cheneum Episcopum Glocestrensem* Epistolam perlege, quam Epistola *Vir ille Clarissimus* velut pretiosissimam semper in thesauris habuisse testatu- profectò ipse ego, si alienus à *Romana Ecclesia* forem, securitatis æternæ grati- tiâ, ab ea amplectenda continere me, eamque averfari non possem.

## §. CXIX.

*P. Christophorus Spotecus S. J. Stocholmiæ* in *Svecia* cum alijs tribus è Societate nostra, captus tortus Religionis odio, in vinculis moritur.

An. 1601. 14  
Junij.

Spotecus  
Pragæ in  
studijs edu-  
catus.

Spoteci  
mors.

*Alegambe*  
ad A. 1601.  
in Mortib:  
illustribus.

*Christophorum Spotecum* jure quodam postliminij in *Bohemiâ* trah- educatus *Pragæ* in contubernio *S. Wenceslai* (quod non ita pridem *C- tholicorum Procerum*, præcipuè *Lubkovicorum* beneficiâ excit- tum erat) primus omnium Alumnorum ejus Contubernij legitur, meritis- que illa egregia juvenus gloriatur à Martyris nomine *Album* suum inchoat- & in capite Libri sui, scriptum esse *Spotecum*. Natus erat *Zagorovia* in *M- jore Polonia*; *Pragam* ad studia literarum cum venisset jam adultior, usquè à Philosophiam pertendit, & omnium Examinatorum suffragijs *Lauream Philo- sophiæ Pragæ* consecutus, in Patriam revertit & quod se ad Societatem nostram vocari sentiret, ætatis anno circiter 27. admissus est. Sacris jam initiatus *De- patum* in *Livoniam* mittitur, quo An. 1601. Januarij Mensis initio à *Caro Sudermanniæ Duce*, proditione capto, *Spotecus* cum Socijs in potestatem ven- nit, donatusque est *Christophoro Somero* Svecicarum copiarum Duci, infestis- simo Nominis nostri; explicari non potest, quanta ibi ærumnarum seg- obtigerit *Socijs*, quantum colaphorum, verberum & vulnorum, quæ lud- bria, quàm amaros sales (cum quotidie adstarent *Somerij* epulantis mensa- fames devorarint, plerumque cogebantur sclopos, aliquando hastas ol- longas circumferre, equitare stultorum habitu, stultissimè, *Sommerio* (quo- recusabant) jam risum, jam fletum, jam cantum, aliâque indigna imperant- tortos fuisse, pro libitu, ad pudorem nudatos, affirmat *Alegambe*. Ut rer- in pauca conferam, *Rivaliam* semper in vinculis, inde in *Finlandiam*, pò- paul-



ulò *Stockholmiam* translati septem socij, miserijs & ærumnis peste contra-  
 , quatuor & exijs *Spotecus* omnium primus Junij 14. in summa egestate mise-  
 eruciatus decessit: aliorum sociorum mortes commemorare mei instituti  
 on est. agit de his quem dixi, *Alegambe*, & noster *Tannerus*.

*Aleg. l. cit.*  
*Tann. in.*  
*noc. Milit.*

## §. CXX.

damus *Markowsky* Nobilis Polonus, à Glacen-  
 sibus hæreticis ob Catholicam Religionem ne-  
 catus crudeliter.

**A** *Damum Markovsky* Equestris ordinis Virum in Polonia, *Martyrem*  
 (legitimâ autoritate destituti) appellare non possumus, id solum af-  
 firmare, & contestari fide historicâ licet: eum ex odio Catholicæ Re-  
 ligionis occisum. Res sic contigit, quam hæretici Scriptoris *Ælurij* qui tum  
 erat *Glacij* cum cædes facta est, testimonio comprobabo, ut veritas vel ex  
 amicis pateat: Anno 1604. duo Poloni Nobiles, qui pietatis causâ, in  
 obitu *Peregrinorum*, *Compostella S. Jacobi Apostoli Sepulchrum* inviserant,  
 Patriam suam *Poloniam* recto itinere per *Glacium* redibant; nihil illi de hæ-  
 reticis *Glacensibus* inaudierant, sed Urbem Catholicam rati, *Parochialem B.*  
*rginis Ecclesiam*, sic ut erant, cum baculo, cucurbitâ, conchylijs, aliisque  
*Peregrinorum* Insignibus ingrediuntur; eo ipso tempore *Prædicans*, (ut vo-  
 cant) dicebat ad populum; (erat Dominica 20. post festum SS. Trinitatis)  
 vident *Peregrini* in ipso ingressu Ecclesiæ, *Sacellum S. Jacobi*, à *Rhodijs* Equi-  
 bus An. 1503. nondum hæresi *Lutheri* exortâ conditum; ad illud feruntur,  
 nunt genua, precatorias *Coronas* in manus sumunt, orântque; *Populus Gla-*  
*censis hæreticus*, qui observârat ingressos, velut visis manifestæ idololatriæ in-  
 strumentis confurgit, fit populi murmur. An *Prædicans*, qui hæc ex supe-  
 ore loco videbat, vocem aliquam dubiam adversus *Peregrinos* emisit,  
 non habeo dicere, hoc certum est, facile oratione suâ populum officij admo-  
 nere potuisse; nihil minùs factum: murmur populi vociferationes excipi-  
 unt, nequam *Papistas* in concione adesse, ejciendos, & tollendos è medio. Re-  
 deant *Peregrini*, vident se omnium oculis designari & confici; confurgunt  
 protinus, & cursu egressi salutem quærunt in fuga; plebs furiosa se ejcit  
 templo, fugientes sequitur, saxis consecretantur; prior *Peregrinus* (cujus no-  
 men ignoratur) gravissimè saucius, evasit tamen ex Urbe, & inter arbuscula la-  
 tit; alter (quem *Markovsky*, vel *Markusky* appellatum diximus) à ple-  
 be furente deprehensus plurimis vulneribus concisus, & pro mortuo relictus,  
 um in vicinissimum pagum *Halbendorff* nescio quorum hominum miseri-  
 ordiâ deportatus esset, inter *JESU* & *MARIÆ* nomina paulò post expi-  
 avit. Erat grave periculum cæteris quoque in *Urbe Catholicis* concitato fe-

*A. 1604. 2.*  
*Maij.*

*Ælur. in.*  
*Glaciogr. C.*  
*3. sect. 1.*

Seditio po-  
 puli Glacē-  
 sis excitatur  
 in Peregri-  
 nos Catho:

*Markovsky*  
 occiditur.



mel in rabiem populo, & maximè *Collegium Soc. JESU*, quod ante Glacense Caſtrum eo tempore ſtabat, à ſeditioſis monſtrabatur, ſed Conſulis, & Senatûs authoritate ſeditio conquievit. Crudele facinus ad *Cæſarem Rudolphum Pragæ* delatum; conjeſti in Carceres ſeditioſi, cùm nemo qui necem intuliſſet, nominari, in tanto tumultu, poſſet, uſquè ad An. 1611. carceribus detenti, tandem 2. Maij *Brigenſi Duce* apud Cæſarem agente, dimiſſi ad ſuos dierunt. Corpus *Adami Eccleſia Glacenſis* hodiè que ſervat, oſſa ſcilicet perſunt, quæ ego memini pridem oſculo honorâſſe.

## §. CXXI.

Quatuordecim Religioſi Patres, & Fratres ex familia S. Franciſci ſtrictioris obſervantiæ in Cœnobio Pragenſi ab hæreticis occiſi; tres item in Carlovienſi Cœnobio Canonici Ordinis Sancti Auguſtini.

1611.

**A**Nno Chriſti 1611. 17. Februarij, crudelis laniena Praga peragitur *Zacæ* infandi Cyclopiſ, & Taboritarum exemplo poſt duo ſæcula renovato. Extrema ſæx hominum *Urbis Pragenſis* tum hæreticæ, dum *Paſſavienſis Exercitus* (de quo eorum temporum hiſtoria) *Minore Urbe Pragenſi* captâ, *Antiquam* fruſtra oppugnant, collecti, prætextu quæſito, quod ſeſe in Cœnobijs Religioſorum *Paſſavienſes* occultarent, reverâ Religioſorum odio, ut omnibus conſtitit, *Cœnobium Eccleſie B. Virginis ad Nives* adſitum invadunt; Cellæ, Porticus, Turris, præſertimque ipſa Eccleſia, innocentium *Franciſcanorum* ſanguine redundavit. pro telo geritur, quidquid ſuggeſſerit ira, gladijs, haſtis, ſudibus præuſtis, tribulis ferro inteſtis, emiſſis è bombæ diſ globis, quatuordecim crudeliſſimè peremti ſunt, amaro convitio: mirerentur Catholici nebulones, quos ipſe eorum DEUS, quem in Euchariftia latère ſibi ſtultè perſvaderent, defereret; & ferebat tum, ut ſubduceret eum Ciborio (ut in Templis vocant) *Euchariftiam* unus è Sacerdotibus, cui hæretici *Calviniano Spiritu* ebrij, utramque amputârunt manû, *hoſtias ſacras* effuſas (proh nefas!) pedibus conculcantes. Cruentum facinus neque hodie aboleri poteſt, ſanguine in parietibus quaquaverſum etiamnum lucente. Reſerunt, ſepulchro Martyrum poſt quinque annos aperto in *Sacello Sancti Michaelis*, corpora apparuiſſe vivida, recentia, plena ſucci, & ſanguinis, & coſteſtem quendam odorem ex ſeſe ſpirantia. Paulò poſt cædem, cùm vacuum cultoribus Cœnobium ſtaret, videbantur noctu in Eccleſia accenſa lumina, exaudiebantur voces pſallentium (iſiſ etiam hæreticis audientibus) mediâ nocte *Matutinum*, DEO laudes canebantur; auſus curioſior quiſp

*Simeon Euſtach. in hiſtor. Sedlec:*

Cœnobiũ  
B. V. Mariæ  
ad Nives va  
ſtatur.

Cland.

*Crug. ad 17.  
Febr.*

Miracula  
poſt cædẽ.



explorare, quid ageretur, & per rimam, quæ in Ecclesiæ janua hiabat, indicere, vidit eosdem SS. Martyres, quos nuper defacie nôrat, luminaria æferentes, & Divinos hymnos canentes, Ecclesiam solenni ritu obire; incababat forsitan Divinitas, quantum cœlestis illa Religiosorum Virorum almodia numini placeat, quam absentibus Fratribus vel mortui perageant; fors etiam ipsis, qui canebant, testimonium innocentissimæ mortis dabatur; non enim nisi chari DEO spiritus, DEO laudes decantant. Hæc Cænobio ad Nives; exquisitiora & nequiora, licet in pauciores, in Canonicos Regulares S. Augustini in Cænobio Carlovienfi edita sunt crudelitatis exempla: In Ecclesia ipsa Religiosum Clericum, in ambitu Conversum, ut vocant, confecerunt; Abbati, seu Præposito in triclinio deprehenso, ab eadem impuratorum hominum sæce (sæminis hæreticorum, consumpto scilicet omni pudore, adstantibus, & indignis illi sexui convicijs insultantibus) vim excisa virilitas, tum pedes, deinde manus amputatæ, tandem (tormenti sævissimum genus!) cum in coronam Sacerdotali more attonsum ceciderunt viderunt, è vertice pellis tota detracta, quo in tormento spiritum exhaivit; nemo dubitavit unquam hæc omnia supplicia, odio sanctissimæ Religionis irrogata; id convicia, & maledicta, id ipsimet, qui agebant, id denique ipsa tormenti genera satis ostendunt. Parabant in Slovanense Cænobium, in Wissehradenses Canonicos, in Societatis JESU Collegium ad S. Clemen-tem, in Monasterium Conventualium ad S. Jacobum irrumpere, & mortes mortibus augere; primos, & secundos latebræ texerunt; Societatis JESU Collegium turma Equitum è Nobilitate Bohemia collecta, Duce Georgio Wratislavi de Mitrovitz defendit, & equestri procellâ venientes turbavit, à Conventualibus verò vim omnem, tribus lanionum Pragensium strictis securibus armata prohibuit.

In Cænob:  
Carloviensi  
hæreticorū  
rabies.

## §. CXXII.

P. Joannes Ogilbæus Scotus S. J. occisus in Scotia  
Glasgvæ A. 1615. 10. Martij.

Hunc Virum fortissimum, & odio Religionis in Patria cæsum, Bohemiam aut Moravia imputare non possum, nisi quatenus illum Novodomen-  
domense Collegium in Bohemia (ubi Rhetoricam jam socijs adscriptus audivit) aut Olomucense apud Moravos (ubi ad initium Anni 1609. Theologia Morali operam dedit, & Contubernio Majorum Convictorum Magister & Theologus Scholasticus præfuit) educavit in studijs Literarum. Semper virtutes heroicas & quandam animi firmitatem etiam in ea studiorum occupatione præferebat Ogilbæus, sed mors pro Religione fortissimè tolerata, Virum maximè celebrem reddidit & gloriosum. An. 1610. P. Joannes Elfen-


A. 1615. 10.  
Martij.

M. S. Colle-  
gij Novod.  
Archivum  
Provincia  
Boh. S. J.  
Ogilbæus  
in hac soci-  
etatis Pro-  
vincia vixit



stonus Socio Joanne Ogilbeo mense Augusto Olomucio Parisios discessit, postea Sacerdos in Scotiam ad Catholicos confirmandos remissus est. Ja quatuor propè annos in eo obsequio sanctissimè versatus, prodicione capt & Glasce suspendio necatus est. Vitam ejus innocentem, virtutes religio homine dignas, tormenta omnia & mortem læto & invicto animo tolerata Alegambe & ex eo Tannerus latissimè describunt. Ego quiddam adjician quod illos ignorasse scio. Anno 1656. & sequentibus in Collegio Novod mensi studijs Magistrorum nostrorum Rhetoricam repetentium præeram, it bam per eos annos frequenter dimidiati diei itinere Trebonam ad Gubernatorem loci Joannem de Eckersdorff Baronem: fortè evenit, ut super me fam, Angliæ, aut Scotiæ (non enim rectè memini, cum anni sint facilè senis pra vicenos) mentio fieret, hinc Gubernator debere se Scotiæ salutem suam cl rē profiteretur; mirantur dictum convivæ, ego causam sciscitor, respondi propter beatum illum in Scotia Martyrem Ogilbaum, quo homine fortius constantius mori quempiam nè quidem in acie vidi. Pergit: Juvenem inquit me, Parentes hæretici ex Piccardorum schola in alienas terras miserant Generā & Galliā totā peragrata in Angliam navigo, inde in Scotiam: mirabili Dei providentiā accidit, ut Glasguam venirem pridie ejus diei, quo P. C gilbaeus afficiendus erat supplicio; hospes me ad spectaculum diei sequent invitavit; adest tota Civitas, producit Ogilbaeus, præsentique animo scalas ascendens, in eo ascensu orans & Catholicos si qui adestent, confirmans, tandem coronam precatoriam me spectante in populum jecit. Res mira! Corona illa precatoria rectissimè in caput meum incidit, & collo inferitur, omnes certatim (sinè dubio Catholici) coronam sibi poscebant; ego dum turbā premor, velut sacrilegio contactus, propere coronam excutio, meque permolesta concussione, expedio. Ita tum discessimus; at postea per otium cogitanti semper se offerebat illud: cur in me unum corona incidisset quid hoc sibi vellet? Occurrabat simul invictus Ogilbaei pro Religione Catholica morientis animus, aliāque hujusmodi; hærebat, inquam, ille aculeus totā illā peregrinatione & in Patria multis annis, dum tandem à Societate vestra (me appellabat) Patribus probè instructus ad Catholicam Religionem accederem. Adjecit: Utinam nunc illa Corona Beati Patris Ogilbaei quam tunc hæreticus abjeci, venalis foret, profectò nulli pretio parcerem, quæ eam mihi comparate liceret! hæcenus Viri Illustrissimi ætate, autoritate, & prudentiā Magni, & apud Serenissimum Archiducem Leopoldum, Ferdinandum III. Cæsaris fratrem, gratiosi, totiq; ejus Aulæ acceptissimi narratio.

Mira narratio de Corona precatoria Ogilbaei.







## §. CXXIII.

Johannes Ernestus Schofferus Austæ in Urbe Regia  
Primas ob Religionem Catholicam hæretico-  
rum conjuratione crudeliter trucidatus.

*Schofferum* in illo hæreticorum Procerum Regno A. 1618. *Austenses* con-  
jurati, non tam confecere vulneribus, quam odio Religionis inter ma-  
nus lacerarunt. Juerit ad rem perspicendam penitus, *Vita Schofferi*  
iem, quantâ fieri poterit, brevitate complecti, & à capite primisque initijs  
rationem auspicari; præsertim quod hæc quæ referemus, paucissimis ho-  
viventium nota sint, magno conatu hæreticorum abolita, cum tamen do-  
mentis legitimis (quæ mihi sponte venerunt in manum) comprobari om-  
possint. Natus est *Schofferus Frankofurti ad Oderam* priore sæculo Pa-  
Viro inter suos primario, & quod mirere, Catholico; insuper honora-  
m officio in *Electoris Brandenburgici* Aula vixisse tradunt; mors immatura  
rupit omnia; mortuus parvos liberos cum Coniuge, quæ Calvinii placita  
quebatur, omni auxilio destitutos, reliquit. Non licebat per leges illic lo-  
rum hæreditatem paternam, nisi *Lutherum*, aut *Calvinum* profiterentur,  
ire: ad id præstandum etiamnum *Pueruli* adigebantur; vide mihi animi  
mitatem, & fidei quam à Patre didicerant constantiam! exulare & igno-  
s terras sequi maluerunt, quam Religionem mutare! ergo exules mendi-  
li *Glogoviam* majorem petunt; ibi *Christianus* natu minor remansit, *Joan-*  
*Ernestus* major, *Pragam* usquè decurrit. Studia literarum apud Nos ex-  
sus cantando sub fenestris Civium, obsonabat famem, & vitam inter pre-  
s misere trahebat, somnum verò nocturnum in vasis, quæ plurima *Pragæ*,  
nte Domos & braxatorias (ut vocant) officinas jacere solent, renovato *Dio-*  
*nis* exemplo, capiebat. Evénit aliquando bonâ fortunâ, ut *Guilielmus*  
*Slavata* Vir Catholicus (quem postea *Summum Regni Cancellarium Bohemia*  
abuit) præterveheretur, ad *Missam de B. Virgine in Aurora*, quam *Rorate*  
ocamus, in *Templum* properans, hic audito in vase strepitu, jubet, quid il-  
o in vase lateat famulos explorare; extrahitur semisomnus ex vase *Puer*,  
quem cum ipse *Dominus* ad se adductum rogasset, quis esset, quid ageret? &  
x promptissimis & paratissimis responsis *Pueri* ingenium animadvertisset,  
omperto præsertim *studiosulum*, rerum omnium egentissimum (cui hominum  
generi præcipuè, *Slavata* comòdum se & benignum præstare solitus erat) mi-  
ericordiâ suo generi innata animum subiit, jussitque *Puerum* ad se domum  
adduci; ex eo jam tempore *Schofferus* apud *Slavatas* domesticus fuit: victus,  
vestitus, lectus, libri, aliâque necessaria omnia liberaliter *Puero* præbebantur,  
cùmque ingenij & diligentiae merito inter Condiscipulos emereret, amatus à

1618. 20. No-  
vembriis.

Schofferi  
prima ætas

Puer hære-  
ditatem pa-  
ternam a-  
mittit Reli-  
gionis Ca-  
tholicæ cau-  
sâ.

Summa in  
studijs ege-  
stas.

Puer apud  
Guilielmū  
Slavatam  
educatur.

Do-



Confectis  
studijs ad  
Aulam vo-  
catur.

Primas Au-  
striae consti-  
tuitur.

Ob Catho-  
licae religi-  
onis Zelum  
conjunctio  
in Schoffe-  
rum.

Ceremo-  
niae conjura-  
tionis.

Domino, excultus, & bene ornatus procedebat in publicum; denique cum id sibi placere Domino significasset in alias Academias procul missus est. Statuata in viam largissime sumtus suppeditante. Academiarum spatij sunt commendatione ingenij decursis, suo jam cortice natum Schofferus incepit, quae facile fuit homini, qui in utriusque Juris scientia maximos fecisset progressus, & in causis regnaret; diu hoc fuit, sic ut celebris Jurisconsulti nomen obtineret, quo merito *Serenissimus Archidux Leopoldus Rudolphi II.* frater idemque *Passaviensis Episcopus*, ad se Schofferum, stipendio liberali constituto, à *Consilijs* sibi esse voluit, multosque ibi in *Principis Aula* annos honoratissime consumpsit; sed jam tum quietem aliquam respiciebat, & in *Bohemiam* quasi alteram Patriam, aut certe *Nutricem* reversus conjugio sese illigavit ac denique commendatione omnium, qui hominis dotes noverant, *Austriam Urbem Regiam*, id temporis opulentam & splendidam, *Primum Urbis, Slavoniam* praesertim connitente, oblatum accepit, & confedit; nec in eo munere eximia Viri probitas, & doctrina desiderari potuit: *Rudolfo II. Imperatori* primum, deinde *Mathiae ac Ferdinando II.* commendatus, propè in familiaritatem Principum penetravit. Carmina Schofferus non triviali venâ pangebatur, quae Typis mandata plausu Eruditorum excipiebantur, hodieque perennant: *Consilia* ejus *Juridica*, quod semper legibus niterentur, felicissime ibant sub munerum. Contigit ut *Mathias Imperator, & Ferdinandus II. Rex Bohemiae designatus, Dresdam* ad Saxoniae Electorem *Joannem Georgium* descenderent *Austriamque* transirent, Schofferus noster Oratione disertissimam Principes salutavit; quo facto & Aulæ approbationem, & novum in se Principum amorem obtinuit, jamque tum Aulici quosdam honores Viro destinabant, nimirum paulò post exorta haereticorum *Rebellio*, & caedes pro Religione tolerata quam nunc narrare aggredior, scenam illam plenam Dignitatis clausissent. Nihil in Schoffero eminebat magis, quam Catholicæ Religionis tuendæ, & proferendæ studium; uno Schofferus apud *Austenses*, & in ea vicinia sustinebatur Catholica Religio; cavebat ille sollicitè, nequâ sublestæ Fidei *Præcones Austriam* irreperent, unus ille pervicit, nè Ecclesias occuparent, nè dogmata sua populo venderent, nè Civibus placerent; cumque eo ipso tempore imperatam à Rege odiosissimam haeretico populo *Reformationem Civitatis*, & ad *Catholicam Ecclesiam* reditum, paulò fortius, & intempestivius (ut quorundam fuit opinio) urgeret, nimirum velut in scopum, omnium haereticorum odia & tela dirigebantur. Viginti quatuor *Civium Austensium* primores haeretici fide inter se datâ, silentio maximo in Domum quandam conveniunt, ac prius Diris omnibus & execrationibus devoto Schofferi capite, *Scutellum* locant in medio vini plenam, tum sanguine è digitis acubus expresso, per omnia sacra in necem *Catholici Primatis*, verbis conceptis jurant, simulque intinctam in vino & sanguine panis buccellam degustant; hoc cruento Fur-

arum



am sacrificio Schofferum hæretici destinabant ad mortem. Non erat ille  
 an hebes, & rerum incuriosus, ut odia suorum Civium ignoraret; videbat,  
 quantumcunque tegerent, in ipsis vultibus animos ferarum, excidebant illis  
 tunc culenta verba nonnunquam, se signari unum oculis, & configi perspicie-  
 bt. Ergo ad minuenda odia, quæ per absentiam, & sæpe ipso tempore ex-  
 frant, causam suam probaturus, ad *Cancellariam Regiam Pragæ* discessit,  
 dōsque Cognitores, seu *Commissarios* impetravit, qui *Civium* adversus se  
 querelas cognoscerent, facturum se satis omnibus pollicitus: venēre *Austam*  
*Commissarij*, & Cives audiēre. Schofferus prolatis *Regiæ Cancellariæ*, &  
*Cæsaris mandatis*, omnia quæ molesta & odiosa fuissent, imperio Majorum  
 eisse clarissimè demonstravit, idque etiam *per sententiam à Commissarijs* la-  
 tem obtinuit testantibus: Schofferum nunquam quidquam arbitrio suo ges-  
 sisse, præter quod in mandatis habuerit. Neque tamen ea *Pronunciatio*,  
*Conjuratorum* animos flexit, præsertim comperto, quid *Pragæ* actum esset  
*(Lavata & Martinicio* ex Senaculi fenestris in mortem certissimam nuper e-  
 iectis) impunitatem omnem sceleri suo promittebant; decimam septimam  
 Novembris diem cædi designant, quo die tumultu excitato prodirent in pu-  
 blicum. Confurgitur; ante omnia *Urbis portæ* clauduntur, effringuntur  
*Circeres*, *Campana Curia*, ut in summo periculo fieri solet, pulsatur; *Con-*  
*jurati* suā vociferatione ad oppugnandam *Primatis* domum contendunt  
 amati. Videt venientes Schofferus, & brevi consilio cum *Sacerdote Ordinis*  
*Prædicatorum* (qui tum mirabili fortunâ apud *Primate* aderat) capto, *Cate-*  
*nam auream*, quam à *Cæsare* sibi donatam gerebat, in *filiolæ* collum (ex cujus  
 vinctulæ narratione, adhuc superstitis, hæc minutiora accepimus) injectâ,  
 cum eodem *Sacerdote* evadens sub tecto sese occultat. Seditiosi jam aucti  
 numero per fenestras domum inscendunt, & latibulis omnibus pervestigatis,  
 cum reperire hominem non possent, *Vigilias Domui* circumponunt. La-  
 nit eâ die & consequente nocte Schofferus, & quia se evasurum sperare non  
 poterat, *Sacerdoti* illi peccata diligenter confessus ad mortem sese pijs affecti-  
 bus comparabat; nec cum tristis expectatio fefellit: Anus quædam hæreti-  
 ci latentis Schofferi facit indicium: fit confestim totâ *Urbe* clamor, curritur  
 ad *Primatis* domum; primi qui conjuraverant, manus injiciunt, & nihil re-  
 pugnantem de tecto dejiciunt, & per omnes gradus raptant, detrahuntque in  
 forum cum mille maledictis, ut causam cædis quisque conjicere posset, in  
 Catholicos; hunc unum esse petendum, qui *Civitatem* ad *Papisticas* superstiti-  
 nes coëgisset, qui *conscientias* onerasset, qui *bonos Viros*, & *fidei præcones* eje-  
 cisset, &c. invadunt jacentem omnes; primus *Lanio* quidam à Schoffero ab-  
 infantia educatus, & benignè semper habitus, inflixit vulnus, tum secuti cæ-  
 teri tanto furore, ut se quisque carnificem esse gauderet, plurâque illata sunt  
 vulnera, quàm vivens tolerare, & mortuus propè posset excipere. Ducenta

Schofferus  
 à Commissa-  
 rijs in nocens  
 declaratur.

Invaditur  
 Domus à  
 Conjuratis.

Capitur  
 Schofferus.

Occiditur.



*septuaginta aliquot* (miror suffecisse unicum corpus!) numerarunt Pollin-  
res, qui *Schofferum mortuum*, & suo in sanguine submersum, sic deform-  
tum, ut vix posset agnosci, tumularunt.

Causa mor-  
tis.

Hunc finem habuit fœdissima Conjuratio, quam etsi varijs colorib;  
excusare conati sint Hæretici, ut ex *Apologia II. Ordinum Hæreticorum* pate-  
tamen id ipsimet fatentur ultro, unicam & potissimam fuisse causam: quæ  
adversus *litteras Majestatis*, (ut vocant) egisset, quod violentè hæreticos op-  
primeret, quod *Papismum* in libera Civitate propagaret, & omnibus obtr-  
deret, &c. Percussiores *Schofferi* diversis mortibus misere perierunt: *Lan-*  
de quo dicebam antea, exuberante proprio sanguine suffocatus interiit. *Ep-*  
*taphium* quod in Austensi Ecclesia legitur *Perillustri D. Joannes Ernesto*  
*à Wolfsberg Schofferi* ex filia nepos à se descriptum, (quod frater *Christian*  
scripserat, & saxo incidi curaverat) mihi submisit, estq; hujusmodi:

Epitaphiū.

*Joanni Ernesto Schoffero Emulianada ab Embleben Francofordiano,*  
*Utriusque Doctori, ac Comiti Palatino celeberrimo, Sacra Casarea Majest-*  
*tis, Divi Mathie, nec non Serenissimi Archiducis Austria Leopoldi Consiliar-*  
*dignissimo, Regalisque hujus Reipublicæ Primati, à Conjuratis interemto in ip-*  
*etatis umbilico ac dignitatum flore, plusquam Neophalaridæa crudelitate de-*  
*centis septuaginta aliquot ictibus (ô fata!) Anno 1618. 20. Novembris, æta-*  
*44. Quisquis es Christiane Cosmoxene lacrymas lugens sparge, & an-*  
*ma DEO, divinisque fruituræ requiem apprecare æternam; Parcarum cert-*  
*tudine edoctus mortis genus ignorari.*

*Christianus Schofferus ab Embleben,*  
*J. U. Doctor.*

## §. CXXIV.

P. Melchior Grodecius S. J. occisus in Ungaria  
Cassoviæ An. 1619.

1619. 7. Sept.

Tormenta  
ab eo tole-  
rata.

**M**elchior Grodecius seu Grodeczky Tieffinij in Silesia nobili & illust-  
loco natus à Calvinianis cum P. Stephano Pongratz, & Marco Cr-  
sino, Strigoniensi Canonico, Cassoviæ quatuor dies fame, siti, alijsq;  
incommodis, præsertim fidiculis, ac novo suppliciorum genere, filicem in-  
ter & rotam bombardarum interceptis, compressis, & dilaceratis, quibu-  
dam corporis partibus (quas nominare pudor vetat) excruciat, sanctissim-  
Religioni vitam impendit An. 1619. 7. Septembris, ætatis suæ anno tricesim-  
septimo, Religionis sextodecimo. Erat ut significavi, familiâ prænobil-  
& per Poloniam, olim & Silesiam, Moraviâque latè diffusa Grodeczkiorum.  
qui vexilla Templorum gestant in clypeo. Noster Melchior Patrum habu-  
bat Joannem Episcopum Olomucensem; Cognati, seu sacra munia, seu pre-  
fan-

Prima ætas  
Grodecij.



sa spectares, opibus & honoribus affluebant, certamque honorum spem  
 quocunque se verteret, Melchiori præbebant, at ipse rebus & spebus omni-  
 bus contemptis, emenso *Humaniorum Disciplinarum* curriculo circa A. 1604.  
 Societati nomen dedit, & *Brunæ* Tirocinium quod Patruelles sui *Grodecij* fun-  
 dant (quamvis ea fundatio dolo & vi certorum hominum interversa sit, ut  
 in *historia Provinciæ* narravimus) *Brunæ*, inquam ingressus; finito, summa ad  
 virtutem coneritione Tirocinio *Pragam* An. 1608. ad Philosophiam missus  
 est, inde triennium propè in *Grammatica* tradenda *Glacij* exegit; Invenio  
 nam *Grodecio* ad Sacerdotium evehendo properasse Majores; maxima vide-  
 retur tum erat paucitas operarum, præsertim qui *Bohemicam* callerent, deinde id  
 indebat ætas ipsa, *Societatem* enim intravit adultior anno jam vicesimo se-  
 cundo aut tertio expleto; itaque *Grodecio* ipso non invito duobus annis *The-*  
*ologia* de Moribus *Pragæ* auditâ, Sacerdotio initiatus An. 1614. statim adhibe-  
 re gerendis rebus coepit: mittebatur per frequenter pro concione varijs in  
 Templis dicturus, præsertim ad villas, & *Copaninæ* ad *S. Mariam Magdale-*  
*nam* omnibus propè Dominicis & festis conciones habebat. A. 1616. Con-  
 ubernium *S. Wenceslai* educandum & regendum *P. Melchiori* committitur,  
 quod in extrema rerum penuriâ, mirâ, & patientiâ & charitate sustinuit.

An. 1618. ab Augusto ad Decembrem *Tertium Probationis* annum ab-  
 solvit, seque optimè comparavit ad mortem. Abhinc velut aptissimus ad  
 hereticos Ecclesiæ conciliandos, *Cassoviam* in *Ungariam* Majorum imperio,  
 profectus & *P. Stephano Pongratz* socius datus est, ibi illa gesta sunt, quæ latè  
*Alegambe* & *Mathias Tanner* Nostri describunt; denique vitam Sanctissi-  
 mæ actam Martyrio clausit; fame, algoribus & siti propè enectus, laceratus  
 membris ubi acutissimus & doloris & nuditatis est sensus, ab hæreticis confe-  
 ctus, facibus admotis, aliisque tormentis ad *Religionem Catholicam* deserren-  
 dum pertentatus, cum nihil efficeretur, impositis vulneribus plurimis, &  
 conciso capite interemtus in cloacam abjicitur; unde post aliquod tempus,  
 corpus & sociorum sacra corpora extracta, mundatâque, & quindecim ferè post  
 annis *Tirnaviam* deportata sunt.

Hæc suprema ex citatis modò Authoribus, superiora ex *Manuscriptis* Miraculum  
*Provinciæ Libris* excerpti; addit in Paralipomenis *Alegambe*: *Antistitam* post mortem.  
*Virginei Cænobij Tirnaviæ* sanctè testari in earum Virginum Templo (ubi *P.*  
*Melchior* & *Stephanus* conditi sunt) ex eo tempore frequenter Angelicos  
 cantus auditos, idque juratis testibus confirmari posse. Plura ejusmodi  
 mira loco citato leguntur.







## §. CXXV.

Joannes Sarcander Decanus Holessoviensis, ut Secretum Confessionis aperiret, à Calvinistis tortus, excruciat, & necatus Anno 1620. Olomucij.

A. 1620. 17.  
Martij.

Sarcandri  
studia & of-  
ficia.

Arcanum  
Confessio-  
nis revelare  
non vult.

Summāria  
narratio  
mortis A. R.  
D. Sarcandri  
Holesso-  
viani.

**J**oannes Sarcander Skoczovia in Silesia natus, humaniorum studiorum curriculo emenso, in Contubernio S. Wenceslai Praga studiis Philosophicæ operam dedit, & supremam Philosophiæ Lauream indeptus, etiam Theologiam audivit, posthæc Ecclesiasticis oneribus, & honoribus cœptus est amoveri, ab innocentia vitæ, fidei Catholicæ promovendæ zelo, aliisque virtutibus, quæ eum statum condecant, plurimum cōmendatus. Cū verò subinde Heretici Moraviæ status exutâ Regis sui fide, Magistratus sibi novæ statuissent, induciturque in Moraviam Cosacci adversus hæreticos pro Regis partibus pugnarent; credebant Rebelles eam rem consilio, & instinctu Ladislai Popelij à Lobkovicz (qui antè Moraviæ Supremi Capitanei munus gesserat, & quem captivum tenebant) esse perfectam; cūque insuper (falsò, & stultè, utpote rerum nostrarum rudes) crederent omnia hujusmodi consilia Sacerdotibus in Confessione patefieri, Joannem Sarcandrum Holessoviensem Parochum (quo à Confessionibus sacris Lobkovicius Holessovijs Dominus utebatur) captum minis, tum quæstionibus habitis, tormentis adhibitis usque ad mortem ipsam excruciarunt, ut fateretur: utrumne Cosaccorum inductio caput Lobkovicij fuerit, quæ consilia adversus ipsos, & eorum Religionem invenirat, aliæque hujusmodi, ut eo testimonio Lobkovicium reum peragere possent, at à viro fortissimo Sarcandro nihil in tormentis aliud, quàm IESUM, MARIAM, ANNAM, ingeminari audierunt. Cruciatus, & tormenta brevissimè oculatus testis describit in hunc modum:

*Epitome, seu succincta, & vera narratio torturarum, atque carnificina quam gloriosus Martyr R. D. Joannes Sarcander de Skoczovia, Parochus, & Decanus Holessovijs innocentissimè à Calvinistis Rebellibus Sacra Casarea Majestati in Moravia Olomucij pertulit, ac interfectus est Anno 1620. Conscripta Germanicè à teste oculato Magistro Joanne Scintilla, Concive, ac Judicio id temporis Olomucensi, & Illustrissimo Cardinali Francisco à Dietrichsteini oblata.*

Olomucium abreptus, carceribus publicis, torturæque immanissimæ instar Patriæ Proditoris traditur R. D. Joannes Sarcander. Primâ torturæ die 13. Febr. 1620. manus post terga in altum funibus eductas ex vertebra suspendunt: pedes gravi mole deorsum premunt, ut tenso corpore, nudòque dolorosius supplicium inferant. At ex innocente nil exprimentes abierunt.

Di



Die 17. Eebruarij. Iidem *Examinatores* secundam in eo exercuerunt Tortura ejus  
 turam, quæ quanquam acerrima fuit, tamen longè gravior eo nomine,  
 quod per duas integras horas, etiam sæpius, ac vario modo repetita duraverit.

Die 18. Februarij, redeunt deputati *Examinatores*, vino fumantes, ac  
 ones bene poti: *Hartmannus à Puchaim* mandat, ut carnifex Martyrem  
 in candelis, sed facibus urat. Quibus absumtis stomachabundus carnifex  
 rejicit residua frustra. Hinc à *Stiborio Ziernovvsky*, & à *Benedicto Praschma*  
 coctus, ardente pice, resinâ, sulphure, denique plumis oleo tinctis horren-  
 dum in modum præcordia, ventrem, latera, lumbos, costas (quæ ab igne  
 collitæ solo flatu solvebantur) ambussit, adeò, ut viscera, quæ clarè vide-  
 rentur, ægrè intra sinus sese cohiberent. Taceo, quàm execrabiles artes  
 magicas, in *innocente Martyre* debuerit carnifex exercere: siquidem *Calvi-*  
*stis* incredibile, atque impossibile videbatur, solâ patientiæ virtute tanta tor-  
 menta perferre, ac non commoveri, ut ad illorum vota responderet: sed om-  
 nino putarant *Martyrem* eodem mille artium magistro niti, quo illimet erga  
 am affecti erant: durarat hæc tortura amplius quàm ad tres horas. Summa:  
 tam citius, nedum corpus totum amittere paratus erat *Martyr*, quàm In-  
 nocentiæ suæ notam inurere, aut *Sigillum Confessionis* violare, uti avidè tru-  
 denti *Calvinistæ* flagitarant. Quartam Torturam illaturos summa Injusti-  
 tiâ, vel magis Ignominia, & hominum respectus vetuit attentare. Post hæc  
 quatuor septimanis in eisdem carceribus in gravissimis doloribus patientissi-  
 mè supervixerat. Tum 17. Martij obdormivit in Domino, & 24. ejusdem,  
 neq; prius) mandari terræ poterat, prohibente *Lutherano Senatu*, dicenteq;  
*Puchaimio*: *Meliùs perduellis ad patibulum, quàm in tam spectabili loco sepe-*  
*retur.* Tandem post dies septem ab obitu, annuente Capitaneo Provin-  
 ciæ *Lumpenburgio*, sepultus erat in Parochiali Templo Beatissimæ Virginis in  
 sacello *S. Laurentij Martyris*, ante Altare *S. Barbaræ Virginis*, & *Martyris*  
 anno ut supra 1620. die 24. Martij.

*Epitaphium Joannis Sarcandri* in Ecclesia Beatissimæ Virginis Olo-  
 mucij, in Sacello *S. Laurentij* saxo incisum:

REVERENDO DOMINO

JOANNI SARCANDRO DE SKOCZOVIA, PHILOS:  
 MAGISTRO, PAROCHO HOLESSEVIENSI, CHRISTI MAR-  
 TYRI GLORIOSO, FRATRI SUO DULCISSIMO:

Ora pro Fratribus, & tota cognatione Tua B. Martyr!

*Habes in hac sacra Hostia sub hoc saxo recondita, Catholice Lector, Lau-*  
*rentianum spiritum, quem ab Equuleo pendentem, nulla probra, funes, nervo-*  
*rum, venarumque ruptura, ignes, sulphur, pix, adeps, superare potuerunt:*  
*tum ut Thesaurum sacre Confessionis absconditum revelaret; tum ut fidelem*  
*Sacre Cæsareæ Majestatis Moraviæ Capitaneum Baronem Poppelium, per-*  
*juris*

*Epitaph. in*  
*Eccl: B. V.*  
*quod ei Ni-*  
*colaus Sar-*  
*cander fra-*  
*ter Canon:*  
*Olomuc:*  
*confecit.*



juris Rebellibus Tyrannis, Pseudocapitano, & Directoribus, Innocens Innocentem, Patriæ proditorem, falsò de inductione Cosakorum in Moraviam spectum ediceret; hujus corpus quantumlibet totum ad ipsa usque intestina, cum nonnullis costis continuâ flammâ exustum, octo inhumatum diebus, mi odoris nares piorum recreavit fragrantia: facies vivi exhausta, & pallida, defuncto velut rosacea, rubicunda conspiciebatur. Fatebuntur hæc, & plura Testes oculati, Olomucenses Catholici, extrema quæque à dictis hæreticis Rebellionem pro Te FERDINANDE II. Imperator Gloriosissime passi: confundentur sanguisuga hæretici, si tu pie Lector de ijs dubitaveris.

Vox Martyris Torti, Tostique.

Flammeus est animus, flammisq; calentior ipsis;

Et flammis flammis addere vultis adhuc?

Perdere me vultis? non flammis addite, flammis

Tollite, sat perij, si mihi flamma perit.

Hucusque Epitaphium.

## §. CXXVI.

Carolus Spinola Soc: JESU. Pragæ in Bohemiæ natus, in Japonia Nangasacki lento igne cum pluribus alijs ex eadem Societate 10. Sept: A. 1622. pro fide Christi combustus.

An. 1622.

P. Carolus  
Spinola Pra-  
gæ natus.

Testimoni-  
um ea de re  
Marchionis  
Spinolæ.

**N**on auderem Carolum Spinolam fortissimum Christi Athletam inter Bohemiæ Martyres computare, nisi præcessisset exemplum. Quod P. Carolum Genuæ editum & Genuensem appellant, quos inter est Alagambe, familiam Illustrissimam, inter celeberrimas Urbis illius Spinolarum, sine dubio respexerunt; at si Nativitatis Locus spectetur, Pragæ Bohemiæ Urbem Patriam habuit Carolus, ut Tanner affirmat, idque ipsum ex Patris ejus Octavij sepulchrali carmine, quod in S. Viti Ecclesia marmori incisum hodieque legimus, satis datur intelligi. Natus est anno 1564. Patre Octavio Spinola ex progenie Comitum Tassaroliorum, quem Rudolphus II. & Rex, & postea Imperator intimum suis Consilijs semper habuit, & inter Aulæ suæ Procures Titulo Magni stabuli Magistri adlegit. Legatur Epitaphium Pragense in Ecclesia Metropolitana S. Viti. in Porphyretico marmore, in quo ipsius Octavij Effigies Cataphraeti stantis columnæ index spectatur.

Hanc de Caroli Spinolæ Pragensi nativitate sententiam, cum Illustrissimo Marchioni JULIO Spinolæ (qui Cæsaris Aulam sequitur) legendam nuper obtulissem, ac timide Carolum Pragæ natum assererem, statim ille Nobis

lissi.



mus, & humanissimus Vir, quid, inquit, dubitas Pater? *Carolus Spinola* pater & Vester, *Praga*, & *Matre* quidem *Bohemâ* editus in lucem est. id non modo *Familia* nostra traditio confirmat, sed manibus ipsæ literæ tenentur (quod exemplum *Genuâ* ad Te *Pragam* perferri curabo) in quibus literis disertè *Stavius* Pater *Caroli*, susceptum hunc filium à se *Pragæ* confitetur.

*Carolus* pueritiâ egressum Pater *Genuam* ad Amicos misit, ac præcipue *Cardinali Philippo Nolæ* Episcopo commendavit, ubi ille lecto *P. Rudolphi Aquavivæ* apud *Salsetanos* Martyrio tantâ mortis pro Christo obeundæ cœditate exarsit, ut quò consequi eandem gloriam posset, *Societati* nomen dederit. Si vellem, in ejus virtutibus & vita commemoranda diutiùs immorari, paginas implerem, justumque volumen conficerent, quæ de eo *Latine*, *Italicè*, *Hispanicè*, *Lusitanicè* varij Authores consignavere literis, ex quibus *Philippus Alegambe* præcipua quædam in suis *Mortibus illustribus* exscripsit. Verbo: invidendâ sæculis animi firmitate vitam in igne lentissimè de-  
pascente, finivit. In *Japonia Nangasachi* 1622. 10. Septembris.

Leetâ *Rudolphi Aquavivæ* morte ad Societatem accedit

In igne obijt.

## §. CXXVII.

*Vitus Weifman* Laicus Soc: *JESU.* à *Tartaris A.* 1623. 22. Octobris *Czeikovicij* in *Moravia* obtruncatur.

Annus 1623. ingratos hospites in *Moraviam* attulit, *Tartaros* videlicet, qui à *Bethleemo Gabore* hæretico evocati, *Comite Turnio* Constantinopoli procurante, in *Ungariam*, deinde etiam in vicinam *Moraviam* ascenderunt; *Czeikovicium* Collegij *Olomucensis* ditio, quò se peste cum regnante, complures è Collegio receperant, subito à *Tartaris* occupatur; vasere in vicinas vineas plerique Nostrorum hominum, *Vitus*, qui coquinæ ræerat, cum duobus tribusve socijs deprehensus, cum in genua cecidisset, & que *DEO* supplex commendasset, obtruncatus est; *P. Joannem Urbani* procuratorem Collegij multis vulneribus prostratû pro mortuo reliquere, qui amen postea miraculo, ut creditum est, convaluit, & ad undecim annos vitam produxit: quendam Sociorum *Collaris*, quod fartum, & erectum habebat, durities defendit, nè ictum, caput amissurus, reciperet, in hoc rerum articulo *Nobilis* quidam *Ungarus* supervenit, & reliquos Nostros exemit periculo, & suos captivos affirmans, *Tartaros* removit. Hæc à *R. P. Blasio Slavino* postea *Provinciale Bohemiæ* audivi, ita clades universa intra unius mortem constitit. Erat *Vitus Weifman* An. 1591. natus in *Palatinatu superiore*; anno 1621. 31. Martij *Passavij* in Societatem receptus, arte hortulanus, sed coquinam in Societatem jam admissus didicerat, idem cereus in virtutem flecti, dili-

*Tartari* in *Moraviam* irruunt.

Cædes *Weifmani*.

Mortis prælagium.



diligens in munijs, Superiorum dicto semper audiens, orationi cælesti devotissimus. *Olomucio* Majores eum miserant, ut culinam *Czeikovicij* curaret, at ecce die 22. Octob: quo *S. Ursula* ab *Hunnis* cum tot *Virginum* millibus peremptæ, memoria agitur, postquam majore, quàm unquam antè pietatis seu *Sacramento Penitentiae* expiatus, *Sanctissimæque Eucharistiæ* refectus esset à barbara, & *Hunnis* crudelitate nihil cessura, *Ethnicorum* gente interficere odio *Christianæ Religionis* eam illi mortem illatam, qui gentem illam novè facile concedent. Obijt anno ætatis tricesimo quarto, *Religionis* suscipiæ anno tertio.

## §. CXXVIII.

*Camillus de Gram*, *Ordinis Sancti Benedicti* a hæreticis An. 1628. crudeliter in *Kosteletzensi* ditione perimitur.

A. 1628.

**N**Unquam satis bonâ fide mansvescit hæresis; quamvis enim regionem omnes ad Catholicam fidem in *Bohemia* amplectendam post. 1624. impellerentur, major tamen erat inimicus, qui latebat in peccato, videlicet hæresis, quæ odium suum tegere non valens, in apertum erupit & arma corripuit, sed hi ultimi fuere conatus; aliquot millia rusticorum in *Reginohradensi* Provincia circa *Opocznam*, *Novam Civitatem*, & *Smirzicium* primis Anni 1628. Mensibus confurgunt; arma eorum hastæ bidentes, tridentes, tribuli ferrei, & quidquid causam morti dare posset; plurimùm ab his damnorum Ecclesiasticæ, & Catholicorum ditiones accepere.

*Camillus de Gram*  
frater *Caspàri Collegij ad S. Clementis* Præceptoris summi Benefactoris.

Ejus cædes, & sepulchr:

In ditione *Kosteletzensi* prædium est *Lhotka Salmanowa* / dictum quod fratri suo *Camillo* ex ordine *Sancti Benedicti* inhabitandum concesserunt. Absens tum in bello Pomeranico *Casparus Gram* Belga Legionis Cæsareæ prædestris Ductor seu Colonellus, *Kosteletz* ad *Aquilam Dominus*, is qui postea liberalissimâ beneficentiâ Collegij *S. JE SU Pragensis ad S. Clementem* fundationem (nobis nihil scientibus) supremis Tabulis adauxit. In eo prædio deprehensum Patrem *Camillum*, quëm dixi, non unâ morte, sed ut rustica plebs solet, variè, apertis & siccis, ut ita loquar, vulneribus necaverunt. Spectavi ego etiamnum puer, hæc vulnera recentia in mortui *Patris* corpore latè in capite, pectore diducta, & hiantia, cùm ejus cadaver paucis post mortem diebus, *Reginohradecium* advectum, & in *S. Clementis* antiquissima Ecclesia sub turre Civica ad spectaculum ipso illo An. 1628. depositum fuisset. Nemo qui illam turbam noverit, aliam causam mortis adferet, quàm Religionem Catholicam, & odium Catholicorum Sacerdotum, præsertim quod *P. Camillus* Vir mitis, lingvæ etiam nostræ ignarus omnino, religiosam, quicquam



& procul ab omni ambitione vitam duceret suâ se virtute involvens. At  
 stici tumultuantes ( si quis istud scire velit ) à *Kostelesensibus*, & *Czastolo-*  
*ensibus Catholicis*, primùm in pago *Lible* nocte oppressi & cæsi, postmo-  
 à Militibus *Pragâ* propere missis prorsus dissipati sunt.

## §. CXXIX.

**Mathias Burnatius Soc: JESU occisus ab hære-**  
**ticis tumultuantibus prope Rowensko in Bo-**  
**hemia An. 1629. 9. Augusti.**

**M**athias Burnatius *Rosembergensis Silesius* An. 1607. 23. Septembris  
 ætatis anno vicesimo tertio *Brunæ* in Societatem *JESU* adlectus est;  
*Philosophiam Græcij* An. 1609. auspiciatus triennio audivit, toto illo  
 tempore matutinus Sociorum excitator. Scholis habendis admotus quinque  
 annos humanioribus literis, Grammaticæ, Poësi, & Rhetoricæ tradendis im-  
 pandit; callebat *Latinam*, *Polonicam*, *Bohemicam*, *Germanicam* perfectè,  
 cœque instar multorum habebatur, & expetebatur à *Rectoribus*. *Clagen-*  
*ti* An. 1622. in *Coadjutorum Spiritualium numerum* relatus in *Contuber-*  
*is* aliquot cum laude, Adolescentibus, *Crumlovij* & *Gitzinij* præfuit, ac si-  
 mul postremo in loco quinque *Parochias* quinquennio ampliùs, strenuè pro-  
 curavit. *Apostolicos P. Mathiæ Gitzinij* labores, ac virtutes in *historia* ejus  
*Collegij* pridem descripsi, quæ huc transferre operæ pretium non puto, præfer-  
 in cum in *annuis literis Societatis*, tum in *Alegambe* & *Tannero* nostro latif-  
 nè describantur, ego mortem & mortis genus summatim narrabo. Præ-  
 eat *P. Mathias* convertendæ ad fidem Christi viciniæ *Gitzinensi*, pagatim  
 concionando, alloquendo, svadendo, quâ ex re & agendi dexteritate per ali-  
 quot continuos annos aliquot animarum millia ab hæresi *Hussitica* ad *Chri-*  
*Ecclesiam* traduxit. Oppidum *Rowensko* resistebat hæreticâ pertinaciâ,  
 nimùmque obfirmârunt incolæ omnes pro uno homine futuros, neque nisi  
 simul omnes, divisim nullum, accessuros Catholicis. Placuit supremo *Gi-*  
*zinensis* ditionis Præfecto, vulgò *Capitaneum* appellant, militarem terro-  
 rem obstinatis adhibere, ut perterriti *P. Mathiam* audirent faciliùs de *Regno*  
*DEI* & *Ecclesia* differentem. Emanavit de militibus adfuturis fama, &  
 greges, correptis, quæcunque ad manum erant, telis hostem opperieban-  
 tur; ære campano, ut in trepidis rebus fieri solet, personante, & viciniam to-  
 tum ad ferendas suppetias advocante. Milites appulsi, cum se tantæ multi-  
 tudini impares viderent, nè nihil egregium fecisse viderentur, *Turrim* unde  
 arma rustici vocabantur, incendunt, ac protinus ad tutiora sese recipiunt.  
 Pater *Mathias* in vicino pago *Libun* restiterat, unum illud expectans, ut factâ  
 militibus viâ, copia sibi daretur fidem Christi incolis prædicandi. interim

1629.

Gesta P.  
MathiæApostolici  
ejus laboresCædis caus  
sa.

Ec

otium



Occidio.

otium nactus sacrâ DEO hostiâ in Ecclesia loci perlitavit, cum nescio quo aut thore, tumultuanti rusticæ plebi, & dolore campanarum, quas incendium turris corruperat, accensis omnium animis, nunciatur: P. *Burnatium* in proximo pago versari; statim audaciores ex omni numero contendunt in *Libun*; pars templum occupat, pars ædes in quibus diversari *Patrem* compere rant, nè effugere posset, obsident, pars occidendi *Patris* negotium sumunt. Sensit serò tumultum P. *Mathias*, & per posticum domus in aream evadit, ibi eum hæretici consecuti, primus lethale in sincipite vulnus hastâ infligit, alter, dum dextram objicit, duos *Patri* medios in manu digitos amputat. Corruit Pater humi, moxque erectus in genua, blandâ voce, militum facinus (audierat enim vociferantes, campanas quas pro thesauro habuissent, filii perijisse) nihil ad se pertinere testatur; cum inter hæc à tergo bidente furcâ ictus, rursus humi sternitur; cui strato tertius, glande ex majore Sclopo per humerum ipsa præcordia transverberat; hic exitus vitæ *Burnatio* fuit. Sensit ira rustica unâ cæde exsatiari non potuit, efferatior potius evasit, factoque adolescentem immeritum ex Scholis nostris qui cum *Patre* advenerat, & sacrificanti ministrârat impetu, prodeuntem ex stabulo duodecim vulneribus affigunt humi, & mortuum in lacuna, quam fimus jumentorum effecerat, demergunt, ac quasi læto & triumphali facinore edito discedunt.

Humatio.

horruit ad sceleris atrocitatem tota vicinitas, & *Libunenses* pro pietate in *Patrem* suâ, utriusque corpus fimo, tabo, sanguine, sædatum abluere; devoti sunt *Giczinium*, & honorificè, *Pater* ante altare majus in Ecclesia S. *Ignatii* nostra, Adolescens *Patris* comes in Ecclesia S. *Joannis Baptistæ* tumulatus, summa quæ in mortui P. *Mathie* vultu inerat hilaritas plurimos tenuit admiratione defixos; præfagisse etiam mortem suam inde argumentum aliqui petierunt, quod cum ei *Minister Collegij* socium addere vellet, recusârit accipere, ne quid foetio eveniret adversi.

Inventio corporis.

Occisores *Patris* diu post capti, per summos cruciatus rotis confracti, aliisque supplicijs excruciatum cum deturbarentur è vita, prius Catholicam fidem amplexi, hoc unum in tot doloribus dolere se significabant, quod tam bonum *Patrem*, qui nihil aliud, quàm salutem & vitam eorum quæsiisset, vitâ ingratam privassent. Ego inter sælicitates meas, quæ mihi evenere in vita, hanc etiam reponere soleo: quod P. *Mathie Burnatii* corpus omnibus jam qui coram di viderant nostris emortuis, *Giczinii* post annos tricenos quinos invenerim, annotatum erat in chartulis *Archivi*, ante altare majus conditum esse, locus tamen passim ignorabatur; igitur cum Cryptam funeribus Nostrorum murarij effoderent, admonui quo loco conditum quibusdam indicijs suspicabam, lentè & cautè ligonibus & dolabris agendum; pervenere tandem ad tumulum sæliciter, arcam ego aperui, omnia congruebant, locus descriptus, vestis corona, tegumentum capitis quadratum, vultus ipse (quem senes postea vocat



ati agnovère) sanguis, resecti digiti, sed maxime vulnera ipsa, praesertim illud in sincipite, notabantur, ut nemo dubitare amplius posset; ergo osculis omnium sociorum, & Patrum salutatis vulneribus, in novam arcam decenter corpus impositum, separato in loco, posteritatis solatio servatur.

## §. CXXX.

P. Hieremias Fischer Soc: JESU ab hæreticis in odium fidei in Silesia post Glogoviam majorem

A. 1634. 23. Maij occisus.

**H**ieremias Carolus Fischer Crumlovij Urbe Bohemiae An. 1599. pijs, & Senatoriae conditionis parentibus editus est in lucem; in *Brunense* Tirocinium admissus Religionis stipendia facere An. 1615. 9. Septembris coepit; jam ab hoc initio ob svaavitatem, & morum innocentiam propositus à Magistris in virtutis exemplar. Deiparae Virgini amore intimo junctus tam firmam in ea sibi collocaverat spem, ut pestilentia Gracij in studijs A. 1623. ictus, lapillo quem *Foyensem* vocant, pestilenti carbunculo admoto, Divaque suae in auxilium vocata, penè momento confanuisse vulnus ipsemet miraretur. Studijs omnibus Nostris, & quae consequi solent, probationibus, ritè perfunctus, solâ prudentiae, & charitatis commendatione in Collegio *Pragensi* ad S. Clementem Minister constituitur, ab his virtutibus laudatus semper, & amatus, tandem *Glogoviam* in *Silesia* cum potestate Rectoris ablegatur. Inferebat hoc anno 1634. bellum *Ferdinando II. Augustissimo Caesari Saxoniae Dux Elector*, & in limine *Silesiae Glogoviae* constiterat. Longum esset, quae ad hanc rem, quam paro, non pertinent, memorare: dimissis in tutiora socijs, Rector uno comitatus P. Daniele Sanderò (quem saepius hæc narrantem audivi) 23. Maij ex urbe *Eqves* egreditur; assequuntur eos in silva propè pagum *Kunsdorff* prædones hæretici, quorum alter genere nobilis, cum P. Danieli scloperum manualet admovisset, & ictum declinante Patre aberrasset, in Rectorem impetum facit, equo deturbat, veste superiore, aliisque omnibus spoliat, postremò nixum humigenibus, diductâ à pectore tunica morti se offerentem, & Sancta JESU, & MARIAE nomina appellantem globo trajicit, conficitque; at P. Daniel interim prædoni alteri aliquam pecuniae mentionem injecerat, eamque ob spem socio interveniente salvatur. At neque abiisset vivus (nam quod promiserat, præstare non poterat) nisi prædonibus antegressis Equo decidens se in pedes dedisset; P. Hieremiam odio Religionis occisum, claris documentis *Alegambe* demonstrat; qui occidit Vir Nobilis hæreticus post Menses non amplius sex, eodem Anno in duello triviali ab æmulo sauciatus, infelicem animam profundo vulnere emisit; atque ut DEUM vindicantem quisque posset agnoscere, eodem prorsus

1634.

Nativitas.

Ingressus in Societat:

Additissimus B. Vir:

Historia ex dis.

Aleg. in Vi-  
ris illustr.  
Soc.  
Annue lit.  
Coll. Glogov  
S. J.



in loco secundum pectus, quo P. Hieremiam trajecerat, & ipse globo è manu  
ali iridem sclopo emisso tractus.

## §. CXXXI.

Joannes Meagh Sacerdos, Martinus Ignatius, &  
Wenceslaus Trnozka Laici Coadjutores, S. J. in  
Bohemia ad Cuttenbergam A. 1639. 31. Maij ab  
hæreticis in silva occisi.

Svecorum  
in Boh: ir-  
ruptio.

Prædictio  
cædis futu-  
ræ.

H. U.

Cædes fa-  
cta trium  
Nostrorum

**J**oanne Panirio Duce, Anno 1639. *Svecorum Exercitus Bohemiam* ingre-  
sus omnia incendijs, prædationibus, & cædibus infestabat. Rude vul-  
gus hæreticorum pro se, & pro reducendis Exulibus hæreticis hoc bellum  
geri credebatur. Inexpertus videlicet, & ignarus artium politicarum, cum Reli-  
gionis prætextu Regiones quaruntur, & occupantur; itaque passim tum alii  
hæreticis audiebamus: *Kralowstjgedau*. id est, *Regij, seu Friderician*  
*nostri adveniunt*; sed magno ea credulitas stetit: spoliati, eversti fortunæ  
omnibus abeunte *Sveco* præter miseram animam retinere nihil. Jam *Pra-*  
*gam Svecorum Exercitus* multis locis, ubiq; sæliciter rejectus tentaverat, con-  
surrectio fit agrestium, qui cum se domi neque à *Cæsareis*, neque à *Svecis* tueri  
possent, silvas ingressi, viatores spoliabant. Evénit, ut per id tempus *Cut-*  
*tenbergense Collegium Societatis* nostræ vicini hostis metu dissolveretur, & in-  
tutiora dimitterentur Socij: alijs *Iglaviam*, alijs aliò dimissis, quidam *No-*  
*vamdomum*, quos inter *Ven. Pater Nicolaus Lancicius*, aliique, & quos in ti-  
tulo nominavi, destinati fuere. Fama est, & quid famam authorem facio  
cum ipsum *P. Nicolaum Lancicium* id fatentem audierim? sibi eam trium  
Sociorum mortem revelatam à DEO, se tamen, etsi comitem periculi, eva-  
surum, manuscriptis tamen suis omnibus, quæ charissima habebat, & San-  
ctorum Reliquijs amissis, vel dissipatis. Non cessavit *P. Nicolaus Rectorem*  
*Collegij* adhortari, nè Socios dimitteret, extra periculum fore promittens  
mactandos aliquot, qui viâ *Novodomensi* pergerent, & se in periculo quoque  
futurum. Denique nihil à turbato retulit aliud: quàm, ut *Pater* tantæ eta-  
tis, obedientiæ daret exemplum. ergo qui aliàs rariùs *Equo* vehi solebat, *E-*  
*quum* poposcit, *Equo* etiam vehebatur *P. Joannes Meagh*, duo suprà nomi-  
nati curru vehebantur, quidam alij pedes iter carpebant, qui visis prædoni-  
bus fugâ evasere. Jam uno milliari *Cuttenbergâ* processerant, & silvas te-  
nebant, cum ecce *Venator, & Rustici*, qui eos jam expectabant, ut postea di-  
cam, & præcurrerant, sclopos exonerant. Confestim *P. Meagh*, qui titu-  
los *Laureanos* DEI Matris iterabat, in pectore, *Ignatius* itidem, *Wenceslaus*  
secundum tempora glande plumbeâ in curru trajiciuntur. Primus, & ulti-

mus



mus statim confecti, *Ignatius* etsi caput securi ictus, traxit tamen anhelantem animam, repertus adhuc altero die arboris trunco innixus orare, & mortem suam DEO commendare. P. *Nicolaus Lancicius*, qui Eques currum sequebatur, videns morientes ante se socios, Equo protinus relicto, descendit, & solâ *Coronâ B. Virginis*, quam manu tenebat, munitus, retro flexit iter pedentim procedens, nemine tamen (quod admirationem maximam continet) latronum insequente; sed scripta omnia, & sacras Reliquias, quæ in curru deposuerat, amisit. Hæc, ut narravi, idem ipse *Vener. P.* ad me tunc *Glacij* degentem *Iglaviâ*, quo fugâ pervenerat, datis literis perscripsit, ac postea sæpius commemoravit. Corpora occisorum *Perillustris, & Catholicus Vir Bernardus Gersdorff de Malssuvitz* in proxima *SS. Trinitatis Ecclesia Ledecensi* humavit, postea verò *Rector Kuttnerbergensis* elevata, magno honore in *Basilica S. Barbaræ* 3. Junij tumulavit. Porro in odium Religionis tres modò nominatos cæsos esse, multis certis, & clavis indicijs, *Alegambe, & Tannerus* noster evincunt; ego quiddam adjiciam hoc loco, quod mihi notissimum, alios ignorare non sinam. Peractâ cæde, dum Interfectores diu latuissent, tandem quibusdam indicijs proditi, captique sunt. *Venator* erat vicini *Viri Nobilis*, rustici reliqui ex ejusdem Nobilis pago orti, qui confestim *Pragam* vecti, facinus confessi, & torti, *hæreticum Nobilem Dominum* suum *authorem* nominârunt. Damnatilatrones in ipsa morte constanter, *Domino* suo jubente cædem factam affirmârunt, conjectus est in *Turrim Pragensis Arcis Nobilium captivitati* destinatam, quam *Albam* appellant, annis aliquot in carcere, cùm factum pernegaret, fedit: tandem *R. P. Joanne Dakazat* agente, ad aliquot hebdomadas, fide, & nobilitate interpositâ emissus domum, rixâ excitatâ à Viro altero æquè Nobili, dum *Equum* ad duellum conscendit, transossus est. Eum igitur *Nobilem* hæresi corruptissimum, ad quem ex morte *pauperum Religiosorum* nihil erat rediturum, quo alio fine hanc procurâsse, & jussisse cædem, quàm odio Religionis putandum est? hæc velut domestica, & mihi, paucisque nunc viventium perspecta, fide, & conscientiâ meâ confirmo. Jam ad propria singulorum veniamus: P. *Joannes Meagh*, cujus dulci alloquio *Glacij* ab Octobri An. 1638. usque ad veris sequentis initium sæpe recreatum me sensi, *Hiberniam* habuit Patriam, & in ea *Corcam Urbem Provinciae Momoniae*; persecutionis vitandæ causâ cum Patre, *Galliâ, Italiâque* percurâ *Neapoli* confedit, & Patre mortuo in *Hispaniam* navigans, annum à Rege stipendium accepit. Sed jam aulæ eum tædere ceperat, quo in proposito *Vitâ S. Dympnæ* fortuitò lectâ confirmatus, mox ibidem *Neapoli* innocens conjectus in vincula, innocentiamque perspectâ dimissus, tamen velut à Mundo offensus, omnino statuit, res mundanas dimittere; *Romam* venit, & nomen *Societati* An. 1625. dedit; *Neapolim* ad *Tirocinium* missus, eo religiosè expleto, post annos complures, tandem in *Bohemiam*

Quis cædis  
Author.

Nativitas  
& res gestæ  
P. Meagh.



*miam* ablegatur: invenio in Manuscriptis P. *Joannem Meagh* in Collegijs Glacensi præcipuè, Catechismos, Conciones ad studiosos Gymnasiorum habuisse, Confessiones eorundem audisse, domi verò *Conscientiæ casus* pertractasse, idque post An. 1636. Vir fuit P. *Joannes* comendabili, & paratè semper pietate, sacra omnia devotissimè peragebat, nobiscum de rebus Divinis suavissimè loquebatur, atque ut eam sibi cœlestem voluptatem excitarer, impetrârat à Superioribus, ut cum *Junioribus nobis* ad campos spatiar posset; multa ibi ex eo didicimus cœlestia, sed non profana minùs, & doctrinam plurimum *Auctorum* libros, ac præcipuè *Virgilij Æneidem* tenebat memoriter, quod jucundum erat juvenibus nobis, nullum esse carmen in *Virgilio*, quod si inchoaremus, ipse ex memoria non posset prosequi. Sed hæc minima in tanto Viro laus; finitis spiritualibus *Exercitijs* Collegio Glacensi valefaciens, proficisci se ad mortem pro Catholica Religione obeundam dicebat, nos *Hiberniam* cogitabamus, ille brevi post tempore in *Bohemia*, quocumque optârât, invênit.

*Aleg. in Viris Illustr. Tanner in Eccl. Mil.*

*Martinum Ignatium, & Wenceslaum Trnozkam* de facie novi, utriusque commendationem habet *Alegambe, & Tanner*, quos non vacat describere. Prior *Zemeticij* in Silesia An. 1589. natus, *Bruna* 1607. 8. Aprilis, Societatem ingressus est, in domesticum adiutorem votis emissis *Cracovia* 28 Februarij An. 1621. formatus; Promi, Obsonatoris, Coci, Janitoris, Excitatoris, ægrorum curatoris, Refectoriani munia pluribus annis, *Æditi* officium extremâ ætate maximâ cum laude, & sanctitatis opinione sustinuit. Martyrij desiderium nescio unde natum inhæserat seni, cujus promissionem à DEI Matre, quæ in statua sua prodigiosa *Kuttenberga* in Ecclesia *S. Barbara* colitur, acceperat (ex quo tempore, dum vel *SS. Eucharistiam* sumeret, ve ante *DEI paræ Statuam* orans procumberet, dulcissimis lacrymis perfluebat, idque sociorum attestatione constat: nam cum aliquando seriùs ab Ecclesia & illa *DEI Matris statua* vultu renidente, & quodam insolito gaudio elatum domum rediret, occurrente quodam ex socijs, & quid ita lætus incederet, rogante; quid (respondit *Martinus*) annon tibi satis causæ videtur lætari, cum à Domina mea modò didicerim, me pro Christo ejus filio, idque brevi, sanguinem profusurum?

Prædicta illi & promissa à DEI Matre pro Christo mors,

*Wenceslaus Trnozka Dirzovicensis in Moravia* An. 1601. natus, *Brunam* ad *Tivocinium* An. 1622. 3. Novembris advênit: Janitoris partes egit per diu, vitam suam extremam ad Societatis Constitutiones, & Superiorum monita comparans; ei tam invidendam cæteris mortem impetratam à *Ven. P. Nicolao Lancicio*, Majorum nostrorum suspicio probabilis fuit, cujus originem hoc loco prodere, supervacaneum puto.

Dixeram paulò antè: *Martinum Ignatium* nescio unde Martyrij desiderio flagrare cœpisse, jam ex Archivi nostri literis ad originem pervênire nan-



nam ibi narratur: *Martinum*, annis ante mortem plurimis, in *Monte Calvarie ad Cracoviam* in Polonia sito, *Divam Virginem* voto salutata in morbo propitiam & Sospitatricem habuisse, atque insuper ex argentea Virginis statua didicisse, beatam Martyrij sortem se manere. Id si ita se habet, dicere oportebit: *Martinum* in *Calvarie* monte Martyrij promissionem, ex *Cuttenbergensi statua* confirmationem, & tempus mortis accepisse.

## §. CXXXII.

Pater Laurentius Passoke, & P. Mathæus Cramerus ad Lipsiam post prælium, acerbissimo hæreticorum furore 2. Novem. 1642. interfecti.

**P**atrem *Laurentium Passoke* Wratlavia Silesiæ Metropolis An. 1600. edidit natum in medio nationis pravæ Catholicis parentibus; *Pragâ* jam *Philosophiæ Baccalaureus Brunam* missus, in Societatem An. 1624. 22. Septemb. adlectus est. Vir fuit amabilissimæ humanitatis, religiosissimè facetus, à quo, dum Tirocinij Collegij *Brunensis Ministrum* ageret A. 1636. Religiosam Societatis nostræ vestem accepi; accurrebamus ad eum velut ad Matrem, & ob eam in parvulos Tirones charitatem à *Venerabili sene Nicolao Lancicio* (qui sæpe ad nos *Brunam Olomucio* commeabat) diligebatur mirificè; in *Silesiam* deinde abiit *P. Laurentius*, & *Sagani* jam *Rector* à Svecis captus, à *Wittembergio Svecorum Duce* (quem ego ob perpetuam in Societatem benevolentiam, & in omnes Religiosos Catholicos moderationem, obtinuisse à DEO existimo, ut quod è *Polonia* scriptum legi, à Catholico Sacerdote rite ab hæresi absolutus, *Zamoscij* moreretur) à *Wittembergio*, inquam, honorificè dimissus est. Post paulò *P. Laurentius* Missioni Castrensi Majorum imperio adhibitus, in legione *Antonij Webel Vigiliarum Præfecti* Sacra procurabat, plurima molesta, & aspera à *Vice-Tribuno* hæretico (*Webelio* absente) perpeffus, fame etiam, & convitijs onerabatur. Tandem, quam sepe optârat, pro Christo mortem invênit; nihil opus est cladem *Cæsarei* Exercitus ad *Lipsiam* referre: dissipatâ acie, cum gravi vulnere strato *Tribuno* ejus corpori sese applicuisset *Pater*, absolutione datâ subitò ab hostium Equitatu occupatur. Quærit unus aliquis ex hæreticis adequitans: *quis es tu?* *Pater* se & Catholicum, & Sacerdotem esse respondet; visus est non satisfacisse responso: *abnega*, inquit *MARIAM*, *ejura*, *execrare!* *Pater Laurentius*, qui ista vel audire pro sacrilegio ducebat: *DEI Matrem ut abnegem*, inquit? *omni post DEUM & laude, & cultu dignissima est!* tum hæreticus cæstro percitus, gladio Patrem transfodit, ac mox sclopo manuali extracto, glande plumbeâ mortuum humi sternit.

Eodem prorsus die, quo victi sumus, & in eadem causa occubuit *P.*

*Ma-*

Nativitas & res gestæ.

Laus ab humanitate Wittembergij Svecorum Ducis.

Dissipatâ acie ad Lipsiam occiditur Pater cum ejurare DEI Matrem recusaret.



Mathei Cro-  
meri breve  
Elogium.

*Mathæus Cramerus*; cæso exercitu fugiens in tutum evaserat, cum *Tribunus* quidam *Cæsareus* humi jacens, peccata sua petit audiri; *Equo* confestim *Pater* delabatur, & audit; vidit eminus plenum charitate facinus è *Saxoniæ Ducibus*, & viso (ut credebatur) sacrilegio adequitans *Patrem* vitæ gratiam petentem admoto capiti sclopo occidit, id triumphans; quasi hostem obvium, & in se euntem stravisset. id factum 2. Novembris 1642. Natus erat *Mathæus Kramerus*, vel *Kramer* à suis dictus, *Crumlovij in Bohemia* An. 1607. Societatem ingressus 1. Maij An. 1624. Probationibus, & studijs consuetis, audiendo, & docendo percursis statim ob generositatem indolis, & virtutes sibi semper constantes Missionibus Castrensibus coeptus est adhiberi. Anno abhinc altero 1638. in *Collegio Gitzinensi Ministrum* egit, sequenti eodem in *Collegio* tertiam probationem explevit, atque ita comparatus optimè ad militares labores & subeundam quotidie (ut sic loquar) mortem, imperio *Majorum* processit.

### §. CXXXIII.

**Mathias Christianus Puer Cadanæ à Judæo ex odio Religionis nostræ crudeliter peremptus.**

Cadanæ puer  
Christianus  
occisus

Judæus occisus  
ad  
Christum  
convertitur

Anno 1650. XI. Martij. Judæus *Noë* nomine, diu antè crudelissimam voluntatem circumferens, aliquem ex Christianis puerum occidendi, tandem comoditatem nactus, Puerum Christiano *Mathie* nomine, cultum inierit, & occidit. Deprehensum atrox facinus, *Judæus* datus in vincula, non modò non negavit factum, sed etiam magnificè gloriatus est: excarnificatus, ut merebatur, & ad mortem damnatus, hætenus pertinax nebulo, paulò antè mortem ignominia, & doloris plenam, in publico theatro signis, & quâ potuit voce, baptismum Christianum expetiit, etsi nulla spes vitæ amplius superesset; ad stare sibi parvulum, quem occiderat, & imperare baptismum significabat; obtinuit, multisque iterum subiectus tormentis, quæ magnâ patientiâ toleravit, optimè ad mortem comparatus, & *Christum Messiam* invocans, expiravit. 21. Martij eodem Anno. *Judæi* omnes in perpetuum ex *Urbe Cadanensi* proscripti; *Martyr* puerulus pretiosissimis odoribus, & unguentis adversus corruptionem delibutus, *Ecclesiæ Parochialis* illatus est, Epitaphio adscripto, quod ipsemet *Imperator Ferdinandus III.* traditur confecisse. Ornavit eum Puerulum eleganti togulâ, gemmis, & unionibus conspicuâ *Sabina Lucretia Verdugo*, nata *Minquiciana*; monstratur hodièquæ *Mathias* ponè jacente ferali cultro; nos quoque *Martyrem* ante annos aliquot spectavimus, in dextra *Ecclesiæ* parte, in loco ad id præparato locatum.



# §. CXXXIV.

P. Georgius Königius Societatis JESU in prælio  
ad Sanctum Gothardum in Ungaria à Turcis  
occisus.

**G**eorgius Königius Glogoviae, quam Superiorem appellant, in Silesia  
editus, Disciplinas humaniores omnes in Academia Olomucensi  
percepit, tum multis precibus suis, & commendatione Venerabilis  
Patris Nicolai Lancicij ad Societatem receptus, Brunam Anno 1637. appulit.  
Inerat jam juveni quædam maturitas, & constantia virtutis, amor rerum  
cœlestium, orandi jure studium, præsertim Orationis matutinæ explen-  
dæ cura, ut ob eam causam nunquam somnum ultra solitum produxisse  
meminerim; multis enim Annis in eodem Collegio Brunæ, tum Pragæ  
unà viximus. Quæ superiores commendârant, observantissimus, ad un-  
guem ipsos eorum nutus exequabatur, quo merito & in Tyrocinio, & post-  
ea in Logica Brunæ Manuductoris, & Bidelli nomine, & in reliqua Philo-  
sophia, Pragæ Condiscipulis præponebatur. Ad docendas bonas literas  
missus, multum & in Poëticis, & in Rhetoricis excelluit, Theologiâque  
feliciter decursâ, Professorum in Societate gradum accepit. Dum Oppa-  
via Rhetoricam doceret, grave illi certamen cum quodam Ordine Religioso  
fuit pro Immaculata Conceptione DEI Matris tuenda, quam tot rationi-  
bus, & tam invictis publicè asseruit, ut adversario silentium imponeret.  
Gravis, & fœra Viri virtus cum idoneum ad regendum faciebat, ideòque  
ut antè, Theologiæ Discipulum adhuc, Contubernio Alumnorum Sancti Wen-  
ceslai Pragæ Majores præfecerant, ità postea Collegio Olomucensi Ministrum  
imposuere. Ministerio cum laude obito, Bello Turcico ardente in Un-  
garia, in Castra ad procurandos sacris milites Patrem Georgium Königium  
Superiores misere magno operæ pretio, quippe occupaverat Vir ardens mi-  
litum animos, & inescaverat solidâ quâdam erga res Divinas pietate. Sed  
ecce in medio cursu metam ei posuit DEUS! in decretoria ad Sanctum Go-  
thardum cum Turcis pugnâ, cum Exercitu nostro nondum ordinato, Tur-  
ca & pugnandi, & propè etiam vincendi fecissent initium, & qui Turcis  
occurrere primi sternerentur, Pater Georgius rapto Cruci affixi Christi Si-  
mulacro, ad Milites (ut mos est) cohortandos, dum sese prælio infert  
(alij referunt, Nassavio Tribuno Casareo, accæteris prostratis confitenti-  
bus operam dedisse) à Turcis opprimitur; ex quibus unus ei Caput unâ  
cum manibus, quas elevârat, frameâ abscidit; quam narrationem con-  
firmat illud, quod & Caput, & manus Patris Georgij abscissas invenerint

Res gestæ  
P. Georgij.

Milites in  
bello Turci-  
co sacris  
procurat.

Historia cœ-  
dis.



post victoriam milites, & agnoverint. Aliud nihil de morte *Patris Georgij* cæsis omnibus, qui circum Patrem fuerant, audivimus; pro fide velut *Sacrificulum Christi*, cæsum à *Turcis* dubitari non potest. Illud etiam notari convenit: *Patrem Georgium* hanc mortem, & mortis genus præscivisse, idque ei *Venerab. P. Nicolaum Lancicium* tantò antè Divino spiritu prædixisse.

A. M. D.  
 &  
 SANCTORUM, BEATORUMQUE  
 EJUS,  
 HONOREM ET GLORIAM.



INDEX





# I N D E X

HAGIOGRAPHICUS,

SEU

N O M I N A

## SANCTORUM ET BEATORUM REGNI BOHEMIÆ,

Tum etiam Eorum, qui pro Christi Fide tuenda, aut ab Ethnicis, aut Hæreticis sunt perempti: quorum vitæ, & mortes in prima hujus Libri parte brevissimè describuntur. Ordine Alphabetico.

### A.

- B. *Abda* vel *Abdela* [prima] Conversa Ord: Cisterciensis, paginâ 61.  
B. *Abda* vel *Abdela* [secunda] Antistita Ord. Cisterciensis, p. 62.  
S. *Adalbertus* Episcopus Pragensis Apostolus & Martyr, Ord. S. Benedicti, p. 25.  
B. *Adalbertus* Archiepisc. Salisburgensis, Ord: Præmonstrat. p. 50.  
*Adamus* Markowsky Vir Nobilis, p. 197.  
S. *Agnes* Virgo Ord: S. Claræ, p. 64.  
B. *Agnes* Virgo Ord. S. Benedicti, p. 52.  
B.B. *Agnetae* duæ Virgines Ord: Præmonstrat. p. 53.  
*Altomeita* Cives Catholici necati, p. 144.  
B. *Amabilia* Virgo Ord. S. Benedicti, p. 48.  
S. *Angela* Virgo Ord. Carmelit. p. 43.  
B. *Andreas* Episcopus Prag: M. p. 60.  
B. *Anna* Silesiæ Ducissa, p. 63.  
*Anonymus* Eques Boh. Martyr, p. 116.  
B. *Arnestus* I. Archiep: Prag: à p. 79.  
*Aula Regia* V. *Cænobium* *Aulæ* Regiæ.  
*Austa Serymiana* Civitas ad Taborium odio Religionis excisa, p. 122.  
*Austa Civitas* Regia ad Albim ob Religionem deleta, p. 166.

### B.

- B. *Beatrix*, & B. *Bohuslava* Virgines Ord: Præmonstrat. p. 59.  
*Berauna* Civitas Regia ab hæreticis excisa, p. 136.  
B. *Bertholdus* Ord: Minor: p. 73.  
*Biela* excisa p. 164.  
*Bilina* Civitas ab hæreticis deleta, p. 149.  
B. *Borziwojus* Dux Boh. primus Christianus, p. 7.  
*Broda* Archiepiscopalis Civitas ob religionem deleta, p. 138.

S. *Bobuslaus*, & ejus fratres quatuor MM. p. 26.

B. *Bretislaus* Henricus Dux Boh. Episc: Prag: p. 49.

### C.

- Camillus* de Gram Ord. S. Benedicti p. 210.  
*Carolus* Spinola Pragensis S. J. in Japonia pro fide Christi combustus, p. 208.  
*Carthusiani* Pragâ pulsi, dein occisi, p. 118.  
S. *Casimirus* frater Wladislai Regis Boh. p. 185.  
B. *Castulus* Ord. Præmonstrat. p. 66.  
B. *Ceslaus* Ord: Prædic: p. 70.  
*Chlumecij* ad Cidlinam Sacerdos Catholicus trucidatur, p. 158.  
*Christophorus* Spotecus S. J. p. 196.

*Cænobia* ab hæreticis crudelissimè & cruentissimè excisa, enumerantur sine ordine antiquitatis, prout sub acumen styli venerunt.

*Canonicorum Regularium S. Augustini.*

- Carloviense* excisum, p. 122. sub Castro Bezdiezy, p. 144. Aroasienses in monte Zotenberg, p. 171.  
*Landsronense*, p. 144. in Lissa, ib: in Prossik ad Pragam. ib: Raudnicense, p. 140. Rokyczanense, p. 134. in Saczka, p. 144. Jaromirense, p. 145. generatim quæ excisa, 177. quæ sint servata, p. 177.  
*Eremitarum S. Augustini Cænobia*, p. 177. excisa.  
*Bielense*, p. 137. Pivonkanum, 146. Insulanum S. Benignæ, 156. Pragæ ad S. Thomam, p. 122. Neopragæ ad S. Catharinam, p. 124. Sufficense p. 156. Roczovienfe &c. 177.

*Cænobia Ordinis S. Benedicti.*

- Brzevnovienfe* p. 122. combusti fratres, 127. Porta Apostolorum, 125. Opatovicense, 115. Cladrubienfe 134. Præpositura Tausskoviensis, 157. Præpositura Przestticensis, ib: Ambrosianû Pragæ 122. 177. Podlaziense 143. Wilemoviale, 144. 152. Michalovicen-



# INDEX.

vicense ib: S. Georgij Pragæ, p. 147. & p. 129.  
Tepliceñse, p. 148. Infulanum vetus, 157. ejusque  
Præposituræ in Velis, Zaton, Teslin, Spelunca id est  
ut reor, Skalense ad S. Joannem, Vide libr. VI. par. I.  
Kostelec Præpositura Brevnoviensis in Distr. Wl-  
tavienfi. ib. Wrchlab Præpositi: Opatovicenfi, ib. Sa-  
zavienfi ib: Præpositura in Basczin, 144. Sedes Za-  
tecenfi, 157. enumerantur &c. 176. quæ sint ser-  
vata, ib.

*Cænobia Ord. Præmonstratensis excisa.*  
Strahovienfi 122. Chotieffovienfi, 134. Milovicenfi  
123. Launovicenfi, lb. Dobrovienfi, 143. Doxa-  
nenfi, 148. Zelivenfi, 152. Lucenfi in Moravia,  
158. Neoreiffenfi 173. Teplenfi & Cænobia reliq:  
177. quæ sint servata, ib.

*Cænobia Cisterciensis Ordinis excisa.*  
Aularegienfi, p. 127. 177. In Gredis, p. 126. Sedle-  
cenfi 120. Offecenfi 148. Gilemnienfi 156. Plaf-  
senfi Pragæ 122. Plafsenfi in Plshenfi 134. Nepo-  
mucenfi duplex 126. S. Coronæ 131. 177. quod à  
vulgo Auræ vel Spinæ Coronæ dicitur. Svatopo-  
lenfi 177. Welehradenfi in Moravia, 137. Chru-  
dimenfi Præpositura, 139. Skalicenfi 144. Seze-  
micenfi lb. Chotuffienfi ib. In Zleb Præpositura  
Gredicenfi 144. Oslovanenfi 153. Præpositura  
Langenau ad Albipolim 156. Camencenfi in Silef:  
167. Præpositi: Wartensfi ib. Henrichovienfi 168.  
Griffovienfi 171. Novocellenfi 173. Dalefficenfi  
175. &c. enumerantur, 177. quæ sint servata ib.

*Cænobia Predicatorum excisa.*  
Clatovienfi duplex, p. 121. 156. Pisecenfi 121. Au-  
stensenfi ad Taborium, 123. Pragæ S. Clementis ad  
Pontem 122. & in Porzicz in Nova Pragæ 124. Co-  
linenfi 139. Chrudimenfi 139. Nymburgensenfi 141  
Jablonenfi 144. In Pardubiczek 143. Reginohra-  
decenfi duplex 144. Zvolenenfi 144. 146. Pragæ ad  
S. Annam 147. Turnovienfi 156. Launenfi 156.  
Svitavienfi 160. Francksteinenfi 171. Plavenfi  
174. plura alia enumerantur 177. quæ sint servata,  
& non excisa, ib.

*Cænobia Ord. FF. Minorum excisa.*  
Altomeitæ duplex p. 144. Pragæ ad S. Agnetem 122.  
Reginohradecenfi 144. S. Barbaræ Pragæ 122. Be-  
raunenfi 135. Stradovienfi ad Chrudimium 137.  
Czaslaviense 141. Neoboleslaviense 144. Byd-  
zovienfi ib: Tuftenfi 147. Mizense 157. Plavenfi  
174. enumerantur excisa 177. quæ fuerint conser-  
vata, ib: quibus adde S. Jacobi Pragæ.

*Cænobium Ord. FF. Minor: Strict: Obser: excisum Pra-  
gæ p. 183. & ad Nives Pragæ p. 198.*

*Carthusiani excisi.*  
Pragæ post Augezd 119. 142. Podiebradij 120. 142.  
ad Litomisslium, 160.

*Carmelitani* Pragæ ad Nives p. 117. 122. Tachoviz  
157. 170.

*Servi B. V. occisi Pragæ 124.*

*Equites Melitenses, olim Rhodij.*

Pragenfi Comenda ad pedem Pontis excisa, 122. 177  
Pragæ in Nova Civitate 124. Gezborzicij 143. No-  
voboleslavia 144. Dubæ 144. 177. Reginohrade-  
cij ib. Aldenburgi in Misnia 174. Strakonicium ex-  
cisum non est.

*Cælestini excisi.*

Sub Wislehrado 177. Zlichovij ib.

*Crucigerorum cum Rubra stella, 177.*

*Crucigeri Teutonici*, Pragæ ad S. Benedictum & Com-  
motovij 122. 177.

*Ordinis S. Sepulchri.*

Zderafenfi 119. 157. Svietlense 151. 177. ad Tru-  
novium 144. 177.

*Crucigeri Ordinis S. Cyriaci.*

Pragæ 177. in Orlik post Reginohradecium 143. 1  
Benatek 144.

*De Pœnitentia S. Mariae Magdalene.*

Pragenfi p. 122. Launenfi 157. 177. Brixienfi 143.  
Stridcenfi 157.

*Cænobia excisa generatim* 117. 174. 183. 184.

Moniales numero trecentæ quinquaginta Pragæ pulla  
p. 147.

Incerti Ordinis Monasteria excisa, p. 127. 130. 133.  
Byffovienfi 144. Borenfi 134. & aliud 151. E-  
cidia plurium Cænobiorum vide in Epit: nostra,  
Indice, verbo *Monasteria*.

*Commotoviensis* Civitas ab hæreticis funditus deleta,  
135.

B. Conradus Martyr Ord. Prædic. p. 77.

B. Cunegundis Antistita Ord. S. Benedicti p. 76.

B. Culmatius Eremita p. 36.

*Cuttenbergenses* Catholici occisi p. 141.

SS. Cyrillus & Methodius Archiepiscopi & Apostoli  
Slavorum p. 1. & seq.

*Czernin* Eques ab hæreticis minutatim concisus p. 151.

## D.

*Daupovecz* Eques cum cæteris Nobilibus Catholicis  
exultus 136.

*Dux seu Duchozovia* Civitas ob Religionem funditus  
excisa, p. 163.

## E.

*Edmundus* Campianus S. J. p. 189.

B. Elisabeth Virgo Ord. Præmonstrat: p. 49.

S. Elisabeth Vid. Thuringiæ Domina p. 67.

*Equites* Catholici multi occisi p. 163. V. *Slana*, 1-  
rauna, Tachovia. V. *Nobilitas*.

*Evanczicij* Catholici necati p. 154.

B. Euphemia Virgo Ord. Prædicat: p. 77.

S. Euphrasia Virgo & Martyr, p. 43.

## F.

SS. Fratres S. uterini Martyres p. 26.

SS. Fratres S. Adalberti Ordinis S. Benedicti p. 27.



# INDEX.

## G.

- S. Gaudentius* Præful Ord. S. Bened: p. 29.  
*Georgius* Königius S. J. p. 219.  
*B. Gervicus* Eremita Ord. Cisterc. p. 37.  
*B. Gerlacus* Ord. Præmonst. p. 66.  
*S. Guntherus* Ord. S. Benedicti p. 32.  
*Gratij* in Boh: cæsi Catholici p. 163.  
*Guba* in Lusatia Catholici necati p. 174.

## H.

- S. Hedvigis* Ducissa Silesiæ p. 62.  
*S. Hedvigis* Virgo Ord. Præmonst: p. 52.  
*S. Henricus* Imperator Bohemiæ defensor p. 30.  
*Henricus Probus* Silesiæ Dux p. 63.  
*B. Henricus* Zdik Episcop: Ord: Præmonst: p. 46.  
*B. Henricus* Brzetislaus Epif: Prag: Ord: Præmon: 49.  
*B. Henricus* Moravus Ord. Prædicat: p. 72.  
*B. Hermannus* Ord. Prædic: p. 72.  
*Hermannus* Suffraganeus Prag: cum duobus Sacellanis demergitur à Zifka, p. 129.  
*In Herstein* Castro occisi Catholici, p. 146.  
*S. Hyacinthus* Ord: Prædic: p. 69.  
*P. Hieremias* Fischer S. J. p. 213.  
*S. Hieronymus* Pragensis 178. Apostolus Litvanorum, Ord. Camaldulensis 179.  
*Hinek* de Ronov ex Procerum stirpe exurit p. 139.  
*Holoklava & Horzinievsij* occisi Catholici p. 158.  
*Horzovicij* occisi Catholici p. 162.  
*Hoska* ab hæreticis excisa, p. 163.  
*B. Hroznata* Ord: Præmonst: p. 54.  
*Hunnobroda* Civitas Moraviæ deleta p. 158.

## I.

- Iacobus* Rector Universit. Carolinæ cognomento *Scholasticus* exulat ob Religionem p. 127.  
*B. Iacobus* de Marchia Ord. Frat: Minor. p. 180.  
*Iaromirium* Civitas Catholica ab hæreticis excisa, 145.  
*Iaroslans* Miczan ex Procerum familia ab hæreticis cōbustus 136.  
*P. Ioannes* Meagh S. J. p. 214.  
*Ioannes* Ernestus Schoflerus odio Religionis trucidatus, p. 201.  
*S. Ioannes* Nepomucenus Decanus ad OO. SS. Pragæ, & Canonicus Eccl. Metrop. M. à p. 94.  
*B. Ioannes* Schvenckfeldius Ord. Prædicat. p. 78.  
*B. Ioannes* Capistranus Ord: Minor: strict: Obser: 179.  
*B. Ioannes* à Misna Ord. Minor. strict: Obser: p. 187.  
*Ioannes* Sarcander Decanus Holesloviensis ab hæreticis ad mortem usque excruciat, p. 206.  
*Ioannes* Ogilbæus S. J. p. 199.  
*S. Iuanus* Eremita, p. 6.  
*B. Indith* Virgo Ord. Præmon. p. 59.

## K.

- Kobliha* Eques ex turri præcipitatus ab hæret: p. 136.  
*In Kozgedy* 40. Catholici ab hæret: interemti, p. 153

- Kvassicij* Catholici milites exusti, 154.  
*Kvietnicenses* Catholici interfecti p. 152.

## L.

- Laurentius* Pasloke S. J. p. 217.  
*S. Leopoldus* Austriæ Marchio p. 42.  
*SS. Libicenses* MM. V. Fratres *S. Adalberti*. p. 26.  
*Libochovicij* Sacerdotes cremati, p. 157.  
*Lipnicensis* Ecclesia Collegiata excisa, p. 144.  
*Lippæ* Catholici necati p. 164.  
*In Litomericensi* Districtu Catholici promiscuè ab hæreticis mactati, p. 164.  
*Litomislum* Catholica Urbs excisa p. 160.  
*Lubane* in Lusatia Catholici occisi, p. 169.  
*S. Ludmilla* Vidua & Martyr, p. 11.  
*In Lusatia* Catholici plurimi interfecti, p. 168. 173.  
 Urbes excisæ 169. Luba ib: pluresque aliæ Civitat: p. 173. Guba 174. Plaven ib: Taucha 175.

## M.

- B. Margareta* Virgo Ord. Præmonst. p. 75.  
*B. Maria* vel *Milada* Virgo Ord: S. Bened: p. 24.  
*Martinus* Ignatius S. J. p. 214.  
*Martyres* in Boh: plurimi teste Pio II. Papa à p. 116.  
*Martyres* à Judæis necati à pag. 188.  
*Mathæus* Cramerus S. J. p. 217.  
*Mathias* puerulus à Judæo occisus p. 218.  
*Mathias* Burnatius S. J. p. 211.  
*Melchior* Grodecus S. J. p. 204.  
*Monasteria* V. Cænobia.  
*In Moravia* Cathol. interemti 168. V. *Hunnobroda*.  
*Muglicium* Catholica Civitas in Moravia excisa p. 153.  
 Napagedla, Malenovicium, Zlina &c. 168. Quassicij &c. 154.

## N.

- S. Norbertus* Archiep. Patronus Reg. Boh. 39.  
*Novæ Civitatis* Pragæ Senatus occisus p. 117.  
*Nymburgi* duo Catholici Sacerdotes cremati p. 159.  
*Nobiles* Viri ex Bohemis pro Christi fide occisi p. 146.  
*B. Podivinus* p. 17. FF. uterini *S. Adalberti*, p. 46.  
*B. Hroznata* p. 54. Zbinko ab *Hafenburg*, p. 113.  
*Petrus* Lazurus 115. Eques Anonymus ex Pio II. p. 116.  
*Ulricus* Rosenfis p. 123. Servitæ Nobiles 124.  
*Miczan* Baro, *Daupovecz* Eques & alij 136. *Hinek* Baro de Ronov. p. 139. Eques *Sadlo* 157. *Czernin* 155. Slavata propter fidem occisus 175. de *Milen* & de *Raczin* p. 157. *Slanæ* Catholici Nobiles occisi p. 161. *Colman* Eques & *Treczka* itidem exuruntur. p. 182. Equites Catholici patibulis suspensi, p. 163.  
 Eques de *Camberg* occisus p. 170.

## O.

- Oborzistij* pro fide occisi p. 162.  
*S. Otto* Slavorum Pomeranorum Apost: p. 43.  
*Ozelka* Parochus pro Christi fide exustus p. 163.

P.



# INDEX.

## P.

*Petrus Lazurus* Abbas Ord. S. Benedicti p. 115.  
*Pisecenses* Catholici in exilium missi p. 121.  
*Plavenæ* Religiosi & Sacerdotes necati p. 174.  
*B. Podivinus* S. Wenceslai Praefectus p. 17.  
*Prachaticium* Catholica Civitas excinditur p. 130.  
*Pragenses* Christiani ab Ethnicis caesi p. 10.  
*Pragenses* Catholici in exilium acti p. 124.  
*Pragâ* in exilium Catholici pelluntur p. 124.  
*Pragæ* Catholici Senatores in omnibus tribus Urbibus interfecti p. 117. & 182.  
*Pragensia* Cœnobia V. Cœnobia. Moniales trecentæ quinquaginta Urbe ejectæ 147.  
*S. Procopius* Abbas Ord. S. Benedicti p. 33.  
*Prostivoius* Sacerdos Apostolicus p. 29.  
*B. Præibislava* Vidua Soror S. Wenceslai p. 9.  
*Procopius* Trezka Eques ob fidem necatus p. 162.  
*Præibislavia* Catholica Civitas ab hæret: deletur 157.  
*Præsticij* Catholici occisi p. 157.

## R.

*Randnicij* occisi Catholici p. 162.  
*Raczin* pro fide occisus p. 157. (p. 146.  
*In Ryzemberg* Arce XVI. Cath: Equites caesi Relig: odio

## S.

*Sacerdotes* à Judæis necati p. 36.  
*Sacerdotes* 7. Rziczani combusti p. 128. in arce Rabi p. 131. Wodniani p. 137. circa Chrudimium 132 136. Libochovicij 157. Litomyflij 160. Plavenæ 174. in tota Bohemia p. 116. 117. Prostivojus M. 29. Pragenses p. 10. 117. 127. Beraunæ 37. Sacerdotes cremati 136. Brodæ Bohemicæ plurimi 138. & 142. item Bilinæ 149. Aufstæ ad Albim 167. Lubanæ 169. Teutobrodæ 152. Sobeslaviæ 153. Evanczicij 154. Sacerdos Cathol: ex tormento murali ejectus 158. Nymburgi duo 157. plurimi Lito-

mislij 160. Slanæ 161. 157. & alibi p. 162. p. 142.  
*Sadlo* Eques occisus p. 151.  
*Servi* B. V. vulgò *Servitæ* Pragæ combusti, 124. eorū  
*S. Severus* Episc. Prag. p. 34. (nomina ibi  
*S. Sigismundus* M. Patronus Regni p. 21.  
*In Silesia* Urbes Cathol: excisæ p. 176. 169. 171. 172.  
 & Cœnobia p. 167. 168. 171. 172.  
*Slana* Urbs ab hæreticis deleta p. 157.  
*Slavata* pro Christi fide occisus, 175.  
*Sobeslavia* Sacerdotes occisi p. 153.  
*Ssvihovij* occisi Catholici p. 162.

## T

*Tachovia* Catholici trucidati, p. 170.  
*Teplicenses* Catholici occisi p. 165.  
*Tentobroda* Catholica Civitas internecione deleta, 152.

## V.

*Udalricus* Sezyma Rosenfis ob Relig: trucidatus, 122  
*S. Vitus* Martyr Patronus Regni p. 19.  
*Vitus* Weisman S. J. p. 209.  
*Universitatis Carolinae* Rector in exilium mittitur 127.  
 tres Magistri comburuntur p. 136.

## W.

*Wartense* Cœnob. aliæque in Silesia desuntur p. 167.  
*S. Wenceslaus* M. Dux & hæres Bohemiæ p. 13.  
*Wenceslaus* Trnozka S. J. occisus, p. 214.  
*S. Wolfgangus* Episc: Ratisbonensis, Apost: Boh. 22.  
*B. Woyslava* Conversa Ord: Præmonstrat: p. 58.  
*B. Wratislaus* Bohemiæ Dux p. 8.

## Z.

*Zbinko* ab Hasenburg Archiep. Prag. veneno ab hæret: sublatus, p. 113.  
*In Zebrak* occisi Catholici, 161.  
*B. Zdislava* Ord: Prædicat: p. 75.

## ERRATA.

Irrepsere in hanc *Libri* partem quædam *Errata*, sed paucula & minuscule. Pag. 47. lineâ 24. *Eusebius*, fac: *Eugenius*. pag. 48. lin. 26. *Cœnobij*, lege: *Cœnobijs*. pag. 95. l. 10. *Artisodinis*, fac: *Aurifodinis*. pag. 118. l. 23. *gladio*, lege: *gladios*. P. 165. lin. 37. A. 1426. fac: 1421. Pag. 202. lin. 28. *uno Schofferus*, fac: *uno Schoffero*.

Hiscæ pauculis erroribus veniam dabit benevolus *Lector*, & cæteros corriget: alterum erit *scientia*, alterum prudentis *benevolentia*.





PARS SECUNDA.  
LIBRI IV.  
MISCELLANEORUM  
BOHEMIAE  
SANCTÆ;

Continens brevem Summam Vitæ, eorum,

*QUI APUD NOS*

(IN BOHEMIA, MORAVIA, SILESIA, LUSATIA)

Cum publica, & contestata Sanctimonie fama vixerunt, pieque  
& sanctè decesserunt.

TITULUS PRIMUS.

Paulus Keicha primus in Bohemia Sacerdos, S. Wenceslai educator, D. Ludmillæ Martyri à Sacris.



Um omnis Antiquitas obscura  
fit, etiam in Paulo Keicha obscuram se ostendit,  
cùm nè hodie quidem, an unus, idemque fuerit  
Sacerdos Paulus, & Sacerdos Keicha sciamus: ego  
Weleslavini autoritate unum, eundemque po-  
fui; nec obstat ætas, si eundem ad nonagesi-  
mum, aut centesimum (quod novum illis sæ-  
culis non fuit) ætatis Annum, vivendo pervenisse dicamus. Discipulus  
fuit Sanctorum Apostolorum gentis nostræ, Cyrilli, & Methodij; à quibus  
paulò ante Anno Ch. 856. Borzivojo Welehradi in Moravia Christi fidem  
pro-

*Circa A.C.*  
930.

An idem sit  
Paulus &  
Keicha du-  
bium est.



Primum in  
Bohemia  
Templum  
S. Clementis  
Reginohradecij.

Christianus in  
vita S. Wenceslai.

Paulo Sacerdoti  
Bohemica in  
saecris subje-  
cta.

professo comes additus in *Bohemia* venit, primusque (quod sciamus) DEO vero incruentam hostiam in hac nostra tellure immolavit, excitatâ prima Ecclesiâ *S. Clementis* nomine, cuius corpus *Chersonâ* attulerat *Cyrillus*. Id factum *Reginohradecij*, *Hagecius*, & cum eo omnis retro antiquitas, & per manus traditæ memoriæ, tum ipsa *Ecclesia S. Clementis* hodièque perstans (ac quam postea *Cænobium Ordinis Prædicatorum* fundatum fuit) & alia Civitatis ipsius monimenta, tum etiam nomen *Hradecz*, quod *Castrum* significat confirmant, etsi id in dubium revocârit Vir in historia magnus, qui primum in *Bohemia Litomislj Templum* asseruerat conditum; postea verò sententiâ priore suâ quodammodo damnatâ, *Castrum* aliud *Hradecz* sub *Praga* nominavit, in quo *Keicha* primum DEO in *Bohemia* sacrificium obtulerit, citatè etiam in eam sententiam *Codice Christanni*, quem in *Epitome* nostra vulgavimus primi; sed in *Christanno* omnia alia potius leguntur, qui disertè *Hradecz* nominat. Quis autem unquam vel fando, vel legendo audivit, *Litomisljum* *Hradecz* appellari? taceo ignobile illud *Castrum* sub *Praga* ad *Muldavum* ripam, quod (ut ipsemet nuper inspexi) vix habitationi unius familiæ pauperi, nè dicam *Bohemie Duci & Templo S. Clementis* spatium dare potuit; & licet hodie *Hradecz* communi arcibus voce appelletur, à *Libussa* tamen quondam conditum, ab ea nomen accepit, ut *Libiehrad* diceretur. Ut uisit, *Paulus* latis in rebus æquè, ac tristibus *Borzivojum* secutus, cum eo, Regno ejecto, exilium toleravit; *Paulo* huic *Keich*, quem *venerabilis vita Sacerdotem Christannus* appellat, tota Christianæ Religionis oeconomia, & institutio debetur; hic nobis, aut cælo potius, *D. Wenceslaus* ad omnem vitæ sanctimoniam educavit; hic dormiente puerulo *Wenceslao* ad ejus lectulum genibus flexis excubabat, eumque DEO offerens, pro *Puero* vota quonotibus faciebat; hic omnium pro Religione Christiana consiliorum susceptorum caput, & author Principibus fuit. Mortuo *Borzivoio*, adhæsit *S. Ludmillæ*, ejusque vitam cælestem per diu rexit; eâ quoque barbarie foculus sua extinctâ, à *S. Wenceslai* latere nusquam discessit; hunc ad elevandum Aviam *S. Ludmillæ* corpus *Wenceslaus Tetinum* ablegavit; *Paulus Presbyter*, inquit *Christannus*, *Wenceslao*, dum in terris degeret, in amicitijs junctus, semper in omni servitio obsecundatus est &c. Fuisse huic *Paulo* commissam aliquam *Ecclesiæ Bohemicæ* partem, *Christannus* videtur innuere, cum *S. Wenceslaum* penè adhuc puerum, oblatam sibi cœlitus visionem referentem inducit: *Vidi Pauli Presbyteri porticum* (atrium antè vocaverat) *quæ amœnis, & vastum ædium muniebatur ambitibus, totâ ædificiorum sublimitate, ac hominum cultu desolatam.* pergit Sanctus Puer visionem explicare: *Porticus Pauli deserta amplitudo Cleri nostro inclusit utamine, miserabilem à Regno præsingit* (id est, significat) *expulsionem &c.* *Genitrix enim mea diversorum Clericos Ordinum, ope terrenâ privatos, Regno severius ejicere molietur.* hæc *Christannus*: ex quibus verbis de *Porticu Pauli* vastata, & exinde significatâ Clericorum dis-

sipa-



spatione, satis probabilis, ut reor, conjectura nascitur, ut huic Paulo aliquā saltem ratione Cleri gubernationem tribuamus. Sed hæc alijs judicanda relinquo. Quo anno Paulus decesserit, ubi humatus sit, aliāque ad eum spectantia, in Antiquitate non legimus.

## NOTÆ:

Eundem fuisse Paulum & Keicham autoritate Weleslavini adductus putavi, re melius perpensâ, dubitare me cogitatas: nam si An: 856. Sacerdos in Bohemiam primus venit, S. Ludmille à sacris & S. Wenceslaum (qui concessu Scriptorum omnium An. 908. natus est) educavit, quot annis eum Sacerdotem fuisse ponemus? hæret aqua. in illo Scriptorum silentio Lectores sequantur quod volent; perinde mihi erit, si Keicham SS. Cyrilli & Methodij Discipulum à Paulo S. Wenceslai educatore fecernant, si eundem & unum esse statuunt, modò sexaginta & paulò plures Sacerdotij annos explevisse fateantur.

Videtur ali  
us fuisse  
Paulus, ali  
Keicha.

## TIT. II.

## Ditmarus Primus Antistes Pragensis, Vir inclytæ Sanctitatis; Ordinis S. Benedicti.

Observatum à nobis, & alio in loco probatum: primos quosque Ecclesiarum Præsules, tum etiam sacrorum Ordinum Fundatores, sanctimoniâ vitæ claruisse, Divinâ Providentiâ id faventer disponente, ut successores Viros sanctos haberent, quos imitando respicerent, & propriam suo instituto sanctimoniæ, & vitæ viam tenerent. Ditmarus ex S. Benedicti disciplina ex Cænobio Magdeburgensi cum circa Annum 971. ad S. Wenceslai Reliquias venerandas Pragam advenisset, ut S. Nicolao, aliisque SS. Præfultibus contigisse legimus, in eo pietatis officio à Boleslao Pio Principe deprehensus, cognitâ præsertim, & exploratâ colloquijs viri prudentiâ, morum innocentia, doctrinâ, ac cæteris Præfultum virtutibus, primus Pragensium Antistes, concordibus Principis, Cleri, & populi (ut tum erant tempora) votis, electus est, & à Moguntino Præsule Roberto consecratus Anno C. 972. 31. Januarij. Nihil sibi ad summam diligentiam reliqui fecit Ditmarus: circumcursare, Christi fidem prædicare, convincere idola, quàm plurimas dedicare, & consecrare Ecclesias, sicut intra paucos annos (non enim anno tantum, ut alibi probavimus, sed it) aliquot millia subiecti sibi populi adjunxerit Christo. Hoc merito Pius II. Ditmarum opinione Sanctitatis insignem, Cosmas per vetustus Scriptor fidelem servum, qui talentum sibi creditum Christo centuplicatum reportavit, Antiquus, & coævus penè author, auroram virtutum, Luciferum Sacerdotum, antesignanum sequentium Episcoporum, appellant. Obijt Præsul optimus probabiliter An. C. 979. obitus certior dies est, scilicet 2. Januarij. sepultus est in Cathedrali sua Ecclesia S. Viti. Ejus defensionem à

979. 2. Janu.  
In Vita Ern-  
nesti I. Ar-  
chiep. Pra:

Primi Eccle-  
siarum Præ-  
sules Sancti.

Epit. rer.  
Boh. l. 2. C.  
9. & seq.

Ditmar En-  
comia & de-  
fensio.



me adversus *Miechovium*, & *Anonymum* authorem vitæ *S. Adalberti*, habet in vita *Arnesti I. Archiepiscopi Pragensis*, & in *sacris Pulveribus Crugerij S. J. Weles. 2. Iu.* & in *Phosphoro Thomæ Pessina. Ditmari* laudationem ijdem *Scriptores* habent, & *Pontanus* in *Episcopis*.

TIT. III.

Theadagus vel Deodatus tertius Episcopus Pragensis Ord: S. Benedicti.

*A. 1017. 10. Maij. Jun.* **T**headagus (*Bohdal* Bohemis) alijs *Deodatus*, & *Theodatus*, cæsar apud *Prussos S. Adalberto An. 997. Boleslai II. Bohemie Ducis* (quem arte medicinæ paralyti laborantem recrearat) commendatione, & *Res gestæ, & mors.* *Monacho S. Benedicti Novæ Corbeia*, Episcopus evasit. Vir fuit æquè sanctus, ac doctus, olim *Ottoni III. Cæsari à Scrinijs sacris, Cancellarium* vocamus. Credibile est *Hemmam* quoque *Boleslai* Conjugem è Saxonia ortam Civi suo fuisse. Quid secum adferret Episcopalis dignitas probè intelligitur *Pontan. in Episc. Pessina Radio V.* *Theadagus*, & vitæ exemplo, & monitis, & reprehensionibus censorijs, & concionibus sacris (*Slavicam enim linguam* bellè callebat) veri Pastoris munus implevit; & quia hæc finè malorum, ac potentiorum præcipuè (qui moneri non sustinent, & reprehensiones pro dignitatis suæ læsione accipiunt) offensa peragi ægerrimè possunt, semel, atque iterum Ducibus offensis in exilium actus est præceps, seque ad *Eckardum Misnia Marchionem* recepit; imò adeò parum absuit, quin etiam pro veritate à sceleratis necaretur. *Morien An. 1017. 10. Junij*, alijs 11. alijs 13. omnium suarum facultatum *Ecclesiam Pragensem*, & ex æquo pauperes, & mendicos (*disertè egenos opifices* adjecit) scripsit hæredes.

TIT. IV.

Helicardus Quartus Episcopus Pragensis, ex Ord: S. Benedicti.

*1023. 8. Augusti.* **H**elicardus ex eadem *S. Benedicti* familia jam quartus *Bohemia Præsul* Majores suos imitatus, vitam sancto fine conclusit; ejus breve, secundum ad sanctimoniam viri comprobendam, nimis quàm sufficiens *Elogium Cosmas* scriptor vetustissimus concinnavit: *Fuit hic Præsul contra potentes erectus; erga humiles, & mansuetos pius, modestus; facundissimus prædicator; largus eleemosynarum dator; Dominica Familia in mensura tritici fidelis dispensator.* Obijt *Okardus*, seu *Helikardus*, vel *Eckardus* *An. 1023. (alijs 1024.) 8. Augusti.*





TIT: V.

Hizzo Antistes Pragensis, numero quintus.

**H**izzo, vel Izo illustrissimis ortus natalibus Comitum *Strossiorum*, seu *Hazmburgiorum*, sed sanctimoniâ vitæ nobilitatem sui generis superavit; exemplo optimorum, & sanctorum *Ecclesie Antistitum* ipsius misericordiæ præcordia gestare videbatur: quotidie quadraginta pauperes (alij habent quaterdenos, *Dubravius* tantum quatuor, sed & hoc misericordiæ, & constantiæ magnum exemplum) in *Aula Episcopali* pascebat, & cum bonis precationibus, ipsemet voluptatem exinde cælestem captans, manu suâ cibo, & potu porrecto nutrebat; sexto quoque die, id est feriâ sextâ, ut reor, ægrotos, & captivos invisens, ad solatia verborum, solatia ciborum, & stipis adferebat. Ijs virtutibus amabilis omnibus evasit, ut sinè præfatione honoris nunquam *Izzonis* nomen audiretur; *Albus*, & *blandus* *Episcopus Izzo*, ut testatur *Cosmas* appellabatur: *albus* ob canitiem ætatis, *blandus* ob paratam, & obviam omnibus humanitatem. Decessit beato fine An.C. 1030. 30. Januarij, septuagenario major in Cathedrali sua Ecclesia, ingenti pauperum ploratu, & suorum è Clero lacrymis tumulum rigantibus, humatus. Pro omni Elogio valere potest, quod *Cosmas* scripsit: *Hic Episcopus prior fecit, quæ facienda præcepit.* Agunt de eo *Cosmas*, *Cuthenus*, *Pontanus*, *Crugerius*, *Pessina*, *Weleslavinus*.

1030. 30. Ian:

Beneficentia Hizzon:

Cosm. 1030.

Cuth. notis

ad Silvium

Pont. in E-

pisc.

Welesl. 30.

Jan. & 29.

Decemb.

Cruger. 30.

Januar.

Pessina Ra-

dio V.

TIT: VI.

Slawnik, & Strzezislawa, S. Adalberti Episcopi, & Martyris Parentes.

**S**lavnikus, seu (ut scribunt alij) *Slavonicus Bohemus Comes*, *Libicij Dominus*, *Henrici* l. ex sorore nepos, & *Strzezislawa* (quam vetus Scriptor *Pulkavva Sstiestislavam* appellat *Boleslai Sævi* Bohemiæ Ducis *S. Wenceslai* fratris filia) ob summam, & numeris omnibus absolutam vitæ Sanctimoniam, in Antiquitate Bohemiæ celebrantur. *Slavunici* præconium apud *Cosmam* invenies; deprædicat comitatem facilem omnibus, paratam, obviam, lætâque humanitatem, Justitiæ in regenda pro Principe Provincia amorem, susceptam publicè miserabilium hominum defensionem, aliâsque virorum Principum dotes, ut audiendus non sit *Vitæ S. Adalberti* Scriptor, maculosum, & in conjugio exerrantem nobis describens; optimè *Adalbertum* educâsse, & jamjam moriturum, super aram *Libicij* positum *DEI Matri* commendâsse, & sanitatem impetrâsse filio tradunt, qui de *Adalberto* scripserunt. *Strzezislavam*, vel *Sstiestislavvam*, vitam penè omnem

An. 987.

Genus Conjugum.

Cosmas l. 1.

hist. Boh.

Hag. 983.

Vita.



apud Bollā:  
 & in Bibli:  
 Capituli  
 Prag. M.S.

Testimoni  
 um vitæ  
 piæ Paren-  
 tū S. Adal-  
 berti.

Obitus.

Cosmas.  
 Hagek.

orationi, & misericordiæ operibus impendisse, iidem Authores affirmant. Audiamus de utroque coævum, & melioris notæ Scriptorem in Vita S. Adalberti: *Erat Vir Slavonic nomine potens in honore, & divitijs, amore justitiæ, ac operibus Misericordiæ præclarus nimis; Vir magnus inter cunctos ejus terræ habitatores, auro & argento locupletissimus, inter delicias sæculi fidus custos diviniæ legis, ambulans sollicitè juxta præcepta Sacerdotum, charus populo toti, sed propriè amicus Pauperum.* (Jam de Strzezislawva) *Hic accepit Uxorem dignam generis sui, & ipsam honestis moribus plenam, quæ audiendo verba vitæ plus sitivit, eadèmq; operando famem non explevit, nec delectabatur Matronarum pompis, nec auro, lapidibusque pretiosis, omnia pro minimo ducens, quæ stulti maxima putant. Sancta erat moribus, sancta sermonibus, fortis, ut dicunt, in jejuniis, familiaris DEO in Oratione, Mater lugenti pupillo, peregrino & Viduæ gratissima soror. Pro his ergo, & his similibus, quas ambo egerant Virtutibus, honoraverunt eos Nobiles, & Divites & coluerunt, maxime pauperum turba. hæc Scriptor S. Adalberto coævus. Obijt Slavonicus An. C. 981. 18. Martij, ut habet Cosmas (Hagek Annum 983. posuit) Strzezislawva tardius An. C. 987. (diem mortis ignoramus) Libicij in æde Divinæ Matris ad Maritum Slavonicum est addita, uterque cum veneratione sanctitatis; traduntque vetusti Scriptores, in S. Adalberti natali die per plurimos annos, odorem omnibus rosas fragrantiores effundi tumultu solitum, seu Adalberti filij meritis, seu Natalibus ipsis Rosarum, seu ipsis Sanctis Conjugibus hunc honorem cælo deferente.*

## TIT: VII.

Bohumilus Abbas Insulani Coenobij Sancti Benedicti cum XXVII. Sacerdotibus ejusdem Ordinis.

995.  
 Hag. in An-  
 nal. Boh. ad  
 A. 978.

Ecclesiæ  
 Prag. Cleri  
 ci numero  
 27. Ord. S.  
 Bened. am-  
 plectuntur.

**C**OElestem penitus vitam in Insulano Coenobio Bohumilus Abbas & Socij egere, ut præteriri silentio non possint. Flumine Muldava (qui Urbem Regiam Pragam ingreditur) adverso, post duo milliaria, & medium, sursum euntibus, Insula quædam occurrit, **Ostrow** seu Insulam hodièque per antonomasiam vulgus appellat; mira quædam illius Coenobij alio in loco referemus; prima origo Divino monitu è cælis est petita. S. Adalbertus Pragensis Episcopus, cum quodam Anno (Hagek Annum 978. ponit) non parvum Cleri sui numerum solenni ritu Sacerdotio initiasset, ex his septem, & viginti Sacerdotes, DEO intus agente, & vitam singulorum regente, statuerunt DEO in arctiore vita servire, & domesticis SS. Præsulibus exemplis, aut quacunque alia de causa adducti, in S. Benedicti disciplinam se tradere; ergo unà omnes S. Adalbertum adeunt, & quid statuisent, aperi-



unt, simul designari sibi postulant locum, in quo DEO uni famulari, eumque diu nocturne deprecari possent. *Adalbertus* qui nihil nisi prius consulto celesti numine aggredi solitus esset, spatium ad deliberandum, & orandum poposcit; tum *Boleslao Pio* Bohemiæ Duce adito, desiderium Sacerdotum exponit. *Boleslao Pio*, cui ejusmodi visa cælestia læpe offerebantur, post multas preces, Angelorum ministerio locus, & *Insula* ostenditur, ubi novum illum fervorem DEI cœtum degere oporteat. Aptato statim eo loco *Pius Princeps* Ecclesiam in *Insula* Divino honori in *S. Joannis Baptista* nomine construxit, deinde Cœnobium, & mansiones, ut tum loquebantur, Fratribus aptavit, ac deinde ne vitæ necessaria deessent, in perpetuum providit. Altero abhinc anno, vere ineunte, cepere locum, prius à *S. Adalberto* ad omnem virtutem anno integro eruditi viceni ac septeni Sacerdotes, quibus *SS. Praesul Abbatem* imposuit *Bohumilum* nomine, Virum, ut Scriptores vetusti scribunt, opinione ejus ætatis *Sanctum*. Floruit hoc Cœnobium semper inclytis Sanctimoniâ Fratribus, & ex eo ad aliquot *Benedictini* Instituti Cœnobia in Bohemia coloniæ sunt deductæ. Ajunt hodièque frequentissima eò loci, ubi Cœnobium steterat, lumina cælestia apparere, & ne dubites cum cœlo commercium intercedere, aut Cœlum ascendunt, aut Cœlo descendunt. In hoc itidem Cœnobio vixere, *Sancti* quinque *Fratres* prius, quàm in *Poloniam S. Adalbertum* sequerentur, ut legere est in *SS. Martyrum* gestis, & Officio divino *S. Pragensis Ecclesiæ*: Româ enim egressi A. 981. usque ad A. 995. Cœnobium *Insulanum* incoluerunt.

Origo Insu-  
lani Cœno-  
bij.

Hagek in  
Ann. Boh.

## TIT: VIII.

Boleslaus II. cognomento Pius, Bohemiæ Dux,  
S. Wenceslai ex fratre Nepos.

**B**oleslaus II. non *Sævum Patrem*, sed *Patrum S. Wenceslaum* vitâ, & moribus lenissimis, & sanctissimis expressit; fundavit Episcopatum *Pragensem*; viginti amplius Ecclesias construxit, easque insuper dotavit; Cœnobia tria ex *S. Benedicti* instituto, *Virorum Insulanum* solus & de suo; *Brzevnovia* cum *S. Adalberto*, *Virginum* ad *S. Georgium* *Pragæ* cum *so-*rore *Maria* condidit, & maximis opibus instruxit; *Christianam Religionem* primus nostrorum Principum armis asseruit, & mirificè propagavit; *Justitiæ* fervantissimus, pauperum, viduarum, & pupillorum Pater; ejus laudationem habes apud *Cosmam* in *Chronico*; illud omnibus votis quærebat *Boleslaus*, ut *DEUM* sibi, ac populo propitium haberet; securum hac de re Principem aspeçtabilis *S. Wenceslaus* reddidit, quo loco *Boleslaus Ecclesiam S. Wenceslai* in *Prosk* extruxit in colle edito ad *Pragam*. Ædificavit Urbem *Novoboleslaviam* in colle *Hrobka* A. 973. neque armis, quàm pietate inferior

997. 7. Febr.  
*Welesl. in*  
*Geneal. Dux*  
*cum Boh.*  
*Cru. 7. Feb.*  
*Pont. Boh.*  
*Pie. l. 1.*  
*Dubrav:*  
*Hagek.*  
*Epit. Boh.*  
*Pius appel-*  
*latur ob Ec-*  
*lesias & Cœ-*  
*nobia ædi-*  
*ficata.*  
*Cosm. l. 1.*  
*hist. Boh.*  
*Hagek ad*  
*An. 970.*



Vaticinium  
ejus de fu-  
turo Bohe-  
miæ statu.

Hagek 999.

fuit, ut in *Epitome* narravi; *Bohemiæ* annis omnino duobus, ac triginta *Ducis* nomine gubernavit, sanctissimè mortuus, An. 999. 7. Februarij. Monita ejus suprema ad filium, & nepotem, habes apud *Hagecium*, quibus de futuro aliquando *Bohemiæ* statu prædictionem adjecit, dignissimam lectu. Sepultus est in Ecclesia *S. Viti*; ut *Hagecius*, *Lupacius*, *Weleslavinus* & *Crungerius* affirmant. Paucos *Bohemiæ* Duces huic pietate comparandos tulit.

## TIT. IX.

Dambrovka Boleslai Pij Bohemiæ Ducis Soror,  
quæ Poloniam conjugio suo fælicissimo ad  
Christum adduxit.

977.

**I**Nsignis ex Polona gente Poëta *Janicius* Christum DEI Filium alloquens, sic canit:

*Femina te nobis ostendit prima, Bohemo*

*Sanguine, prima Crucem Nos docuitque Tuam!*

Vide Epit.  
rer. Boh. l.  
2. C. 7.

Ea fuit *Dobravka*, vel *Dambrovka* *Mieczislai* Poloniæ Ducis (qui fuit ipsius *Piasti* pronepos) *Meczislai* inquam *Conjux*, quam *Boleslaus I. Bohemiæ Dux* Pater, eâ lege *Meczislao* conjugem dedit, ut Christiana sacra susciperet; promisit, ac sponsa insigni *Procerum Bohemorum* comitatu (à quibus multæ Illustrissimæ in Polonia Familiæ ortum trahunt, ut alibi ostendi) *Gnesnam* deducta *Meczislao* conjuncta est; ex ea genitus est *Boleslaus Chrobry Princeps Polonia*, cum antè *Meczislao* ex septem uxoribus, Ethnicorum more sibi copulatis, nullam prolem suscepisset. Deductionem Sponsæ, Christianæ Religionis in Polonia originem, augmenta, incrementa, gloriam, Ecclesiarum opes, Basilicas, & Episcopatus aliquot, agente *Dobravkâ*, conditos & fundatos, plurimi Authores descripsere; primam *Basilicam Cathedralē, Cracoviæ*, honori Patru sui *S. Wenceslai* excitavit *Dabrovka*, quæ postea illato *S. Stanislai* corpore nomen mutavit. Fuit porro *Dabrovka* Matrona pietate clarissima, magnifica in Sacris (quam magnificentiam hodièque Gens Polona sectatur) fortitudine animi præstans, (ob quam à Scriptoribus *Amazon* appellatur) denique virtutibus omnibus spectatissima; *Coronam ruteam virentem* continenter capite gestavit, quòd Idololatriam superâisset, & ex *Polonia* profligâisset; ejus encomium scripsit proximè Scriptor eruditus in *Polonia Kochovsky*; attingit quoque ejus laudes *P. Ines S. J. in Elogio Meczislai*. Obijt *Dabrovka* An. 977. dies ignoratur. Ex ea omnes *Piastai*, tam in *Polonia*, quàm in *Silesia* Principes descendere.

Polonia per  
Bohemam  
Matronam  
ad Christi  
conversa.

Ecclesia Ca-  
thedral: Cra-  
coviæ S.  
Wenceslai

Crom. in  
hist. Polon.  
Miechov.  
Decius.  
Weleslav. 7.  
Martij.

Dambrov-  
ka usque ad  
mortem Co-  
ronam viri  
tè gestavit.







## TIT: X.

Elisabeth nata Comes de Querfurt, Antistita Virginei Coenobij Pragæ ad S. Georgium Ordinis S. Benedicti.

**C**omites de Querfurt, maximi in Imperio nominis, eadem cum Mansfeldijs origine nati, generi suo illustrissimo Sanctimonie gloriam adiecere; inter Sanctos ejus stirpis S. Bruno Episcopus censetur, qui S. Adalberti exemplo incitatus, Prussiam intravit, & An. 1008. in Christi Evangelio proferendo occupatus, Martyrium consummavit; agitur Sancti Brunonis festus dies 14. Februarij, & extat vita, quam nuper cum Divis cæteris divulgavit Bollandus. Huic Sanctissimo Viro Sancta etiam, & vitæ innocentia germana soror contigit Elisabeth, quæ Pragæ Parthenonem Sacrum (qui tum, ut semper postea, Virginum Christi DEO, devotissimis, & innocentibus, & sanctis animulis florebat) ingressa, post complures annos Virginei coetus Antistita evasit; eam dignitatem tanto antè Elisabethæ (ut Sancto Henrico Imperium, & Brunoni Elisabethæ fratri Episcopatum) prædixit S. Wolfgangus Ratisbonensis Episcopus, ut in ejus vita, & Breviarj Lectionibus habetur. An Elisabeth secunda, an tertia numero post Miladam, seu Mariam Coenobium hoc Pragense rexit, dicere non habeo, cum monimenta Coenobij ea de re nihil suggerant, quæ videlicet incendio anni 1142. perierunt. Vixit Elisabeth circa An. C. 990. filia fuit Brunonis II. Nobilis Domini Querfortensis, ut loquitur Buccellinus.

1008.

Bolland. in  
Febr. ad 14.Vaticinium  
S. Wolf-  
gā-  
gi de Elisa-  
betha.T. II. Germ.  
f. 402.

## TIT: XI.

Asticus, seu Anastasius ex Brzevnioviensi Abbate Ordinis S. Benedicti, Colociensis Episcopus, ejusque discipuli ad Ungarorum salutem coelitus missi.

**A**sticus, seu Astricus in S. Benedicti familia Romæ apud S. Alexium unâ cum SS. Præsule Adalberto educatus, ejusque itinerum comes, cum idem Adalbertus, & Boleslaus Dux Brzevnioviense ad Pragam Coenobium maximis opibus fundâssent (An: 993.) primus impositus est Abbas. Malè eum tertium Abbatem facit vir historiæ patriæ alioqui peritus: nam in ipsis Apostolicis literis Joannis Papæ, eodem anno datis Abbas Anastasius nominatur. Nullo alio, quàm sanctimonie, & vitæ singularis merito omnibus prælatum, cætera Anastasij vita, tum S. Adalberti autoritas, tum eorum tem-

Post A. 1000

G. C.

Primus Ab-  
bas Brzev-  
nioviensis  
Asticus.



*Pap. in  
Diadocho.*

*Boll. ad 14.  
Febr.*

*Bonifacius  
Sanctis ad-  
scriptus.*

*Bonf. Dec.  
2. hist. Ung.  
lib. 1.*

*Asticus Cœ-  
nobium ex-  
struit.*

*Impetrat  
Coronā Re-  
giā Ungaris*

*Bonf. l. cit:  
Revay in Co-  
rona San.  
Ung.  
Baron. ad  
A. 1000.  
Dubr. l. 6.  
hist. Boh.*

*Cetera ejus  
in Ungariæ  
Reg. merita*

temporum incorrupta, & aurea procul omni fucō simplicitas fatīs demon-  
strant; decennio integro præfuisse *Brzevniovienſi Cœnobio* affirmat *Papro-*  
*cius*; ſed iſtud ſuſtineri non poſſe ex *Legatione Aſtici*, de qua paulò poſt, fa-  
cilè ad chronologiam attenti, judicabunt, niſi & *Episcopatum* geſſiſſe, neque  
tamen *Abbatis* nomen dimiſiſſe dicamus. Poſt *S. Adalberti* apud Pruſſos  
cædem, cū multi in Cœnobijs ejusdem laureæ cupiditate incenſi flagrarent  
(ut de *S. Brunone Episcopo* in ejus vita paulò antè apud *Bollandum* legimus)  
*Anaſtaſius* quoque in Ungariam, quam olim cum *S. Adalberto* magno rei  
Chriſtianæ bono peragrarat, aſſumptis aliquot ex Cœnobio ſuo fratribus, *Ab-*  
*batis* dignitate depoſitâ, ad prædicandum Evangelium advolavit. Ex *Socijs*  
*Anaſtaſij Bonifacius* (verba recito Bonfinij) in inferiorem Pannoniam demiffus  
ad prædicandum nomen Domini clarâ morte affectus, inter Divos relatus eſt.  
pergit Bonfinius: *Aſtricum, & Discipulos, Rex (S. Stephanus) honorificè ex-*  
*cepit, & ad radicem montis ferrei collocavit, ubi Divi Benedicti Cœnobium*  
*magnifico ſumtu exædificare permiffit.* poſt pauca: *mox Colocenſem Baſilicam*  
*ſtatuit, ejusque Pontificem Aſticum designavit (Sanctitate, ut ait conſpicuum)*  
*quem moribus, & doctrinâ præſtantiſſimè eſſe noverat, eumque poſt initum Ponti-*  
*ficatum Anaſtaſium appellavit.* Hoc poſtremum verum eſſe non poteſt,  
quòd in literis Apoſtolicis, ut antè dixeram, jam An. 993. *Anaſtaſius* idem *A-*  
*ſticus* appelletur. Narrat deinde idem *Bonfinius* ex Annalibus Ungaro-  
rum, Legationem Romanam *Aſtici*, tantâ felicitàte peractam, ut non exiſti-  
mem ullum ex Ordine ſacro nominari poſſe, cui plus debeat *Ungaria.* *Aſti-*  
*cus* benediſſionem à Pontifice, quod erat imperatum, retulit; *Aſticus Un-*  
*gariam* Chriſto, & ejus in terris Vicario obedientem, & morigeram primus  
repræſentavit; *Strigoniensis Eccleſia*, ut Metropolitana in poſterum eſſet, im-  
petravit; item cæteros erectos nuper in *Ungaria Episcopatus* confirmari obti-  
nuit; ſed duo reliqua in *Ungariam Aſtici* merita longè ſuperant; primum  
Regno, alterum Regi, & Regno datum, quod Coronam Sanctam, & decus Re-  
gium ad Ungaros attulerit, & Crucem Apoſtolicam, quæ Ungariæ Regibus ve-  
lut Apoſtolicâ Legatione fungentibus præfertur, impetrarit. Narrantur  
hæ prærogativæ multis verbis apud *Bonfinium, Baronium, & in ijs Scriptori-*  
*bus, qui de Sancta Corona Ungariæ ſcripſerunt, verbo: Corona Poloniae Re-*  
*gibus, deſtinatione Pontificis Silveſtri II. parata, Divino juffu Aſtico, ſeu Ana-*  
*ſtaſio ceſſit, S. Stephano Regi in Ungariam deferenda, Regesque Ungariæ A-*  
*poſtolicæ appellati, quos procedentes Crucis inſigne præcedat; res eſt digna*  
*memoratu, ſed obvia, & à plurimis Authoribus pertractata.* Quantâ gra-  
tulatione *Aſticus* in Ungariam rediens à SS. Rege *Stephano* exceptus ſit, facilè  
eſt conjicere; Regi ac univerſo Regno chariſſimus poſtea vixit, eamque gra-  
tiam, & charitatem non ad privata ſua commoda, ſed ad DEI gloriam, & e-  
molumenta publiça ſtudiit derivare. Commodum per id tempus, nescio,  
quo



quo casu *Sebastianum Archiepiscopum Strigoniensem* excæcari contigit, cui cum casus ille sacri muneris exercitationem inhibuisset, *Asticus* noster ejus officium permissu Apostolico æquè refarlit, ac si ejus loco suffectus videretur; vices eas triennio obijt *Anastasius*, novósque *Christianos Ungaros* ad omnem Sanctimoniam ipse Sanctissimus sacris allocutionibus perpolivit. Obijt plenius meritis *Anastasius*, gloriâ etiam miraculorum insignis, quem ad usquè mortuorum suscitationem progressum in quibusdam manuscriptis invenio. Agunt de eo *Annales Ungarici*, præcipuè *Bonfinius*, & *Revay*, meminitque *Dubravius*.

Miraculum  
Astici.

locis antè  
citatis.

**TIT: XII.**

**Hemma Boleslai II. Bohemiæ Ducis, cognomento Pij, Conjux.**

**H**emma, seu *Hemmildis* in familia Saxonix Principum nata, Matronalibus omnibus virtutibus, sed præcipuè misericordiâ in pauperes spectatissima, mirificè ab *Hagecio*, & *Fabricio* commendatur; genuit Conjugi suo complures liberos, atque inter filias *Hemmildim* sibi cognominem uxorem postea *Hermanni Marchionis Misnensis*, quæ ab omnibus Scriptoribus nostris omittitur. Septem annis Vidua *Hemma* post Conjugis mortem nihil aliud abdicatis sæculi curis egit, quàm DEUM pro se, ac suis exorare, ac misericordiæ opera in omne hominum genus exercere, itaque meritò ab *Hagecio*, & *Weleslavino* sancta, & devota DEO mulier appellatur. Obijt An. C. 1006. tumulata in Ecclesia Cathedrali *S. Viti*, his versiculis adscriptis:

1006. 4. Feb:

Fabr. l. 3. O  
rig. Sax.  
Hagek 1006

Pietas Hem  
ma.

Hag. l. cit.  
Welesl. in  
Gene. Duc:  
& Reg. Boh.

*Quæ fuit, ut gemma, vilis jacet hic cinis Hemma;*

*Dic precor: huic animæ da veniam Domine!*

Porro *Hemmam* repudiatam esse aliquando à *Boleslao II.* ex *Ditmaro* coævo Scriptore, tradit *Fabricius*; quod, in silentio Scriptorum nostrorum omnium, & quòd *Boleslai II.* pietatem, & Sanctitatem omnes æquè commendant, an fieri potuerit, non parum ambigo; at contra *Ditmari Episcopi Mersburgensis*, qui tum vivebat, authoritati succumbo, & quid potissimùm sequar, ignoro; *Lectores* videant, utrum sit verius. Eandem *Hemmildim*, seu (quod idem est) *Hemmam*, *Ridachi Comitis Mersburgi* filiam facit *Fabricius*; hæc si repudiata est, & repulsam fortiter tulit, novum, idque nobile accedit Sanctitatis argumentum.

Fortitudo  
in adversis.

**TIT: XIII.**

**Spitihnæus II. Bohem. Dux, Justus cognomento.**

**S**pitihnæus ejus nominis II. forma, & idea bonorum Principum, cujus nomen in illo annulo legitur, in quo Reges bonos omnes (ob eorum

1061. 28. Jan.

Hh

pau-



paucitatem) inſculpi poſſe, neſcio quis Veterum diſſimulabat; Brzetislaum Achillem Bohemiae, & Juditham Ottonis Albi Comitis Rheniſſiam parentes habuit; patri in Bohemia Imperio An. 1055. ſucceſſit; nihil illo truculentius, nihil ferius, barbari mores, & mens erat, barbara imperia primitus dividebantur, donec S. Vitus adoleſcens aſpectabilis monuit, malè auſpicata eſſe Regna, quæ non pietate, & juſtitiâ, ſed feritate nituntur. Altè in animum Principis hæc ſalutaria monita deſcendere, citòque alius à ſeipſo evaſit; Coſmas primus Bohemæ hiſtoriæ conditor, tanta, & tam illuſtria pietatis, & Juſtitiæ exempla de Spitiſhneo adducit, ut neſciam, cui noſtrorum Principum in hoc genere Spitiſhneus concedat; neque juſta pietas, & pia Juſtitia, temerè, ſinè lege, ſinè ordine adminiſtrabatur, ſed quotidiano uſu, idem erat Spitiſhneo piè, & juſtè agere, quod vivere; accipe ex Coſma vitam Principis poſt-futuri exemplum: Crepuſculo ſurgebat, ac fronti ſigno crucis impreſſo, ante ipſam protinus Crucem ſternebatur; tum pio oſculo Chriſti pedibus adoratis, agebat gratias, ac nè ſe in gravius aliquod crimen labi eo die ſineret, precabatur; dein ad Miſſam ibatur, cui ſummâ gravitate, & pietate ob ſacræ Religionis Majeſtatem intererat; reliquo ad prandium tempore toto, habebat conſilia, po- tiſſimum de cultu Divino promovendo, de abolenda, quæ tum adhuc vige- bat, ſuperſtitione, de extirpandis publicis ſceleribus &c. Super menſam ſer- mones virorum eruditorum, & piorum audiebat Princeps, differentium de re- gnandi bonis artibus, de ſalute, de Fidei quaſtionibus, & ſacræ ex veteri, & nova lege interrogationes proferebantur in medium, & ſapienter, & ſinè pertinacia, & vociferationibus ſolvebantur. Sublatâ menſâ quadrantem horæ Princeps in Sacratio ſuo domeſtico Cruci affixo DEO intuen- do (qui perpetuus illi mos, & ſumma teneritudo in eo aſpectu deſixum pendere) relaxatio aliqua ſequebatur, & neceſſaria corporis exercitatio; tum advo- cato conſilio habebantur Judicia, & uſquè ad veſperum dicebantur, & audie- bantur, & perrogabantur ſententiæ, pœnæque, ac præmia decernebantur, conſilia ad ſummam Reipublicæ pertinentia examinabantur. Cœna Prin- cipis hoſpitibus carebat, Annales Bohemiae, & geſta priorum Principum lege- bantur cœnanti. A Cœna Sacratio ingreſſus Princeps, ruſus, ut meri- die fecerat, Chriſtum Cruci affixum horæ quadrante ſpectabat, interpoſitis Di- vinis affectibus. Poſthæc Completorium, ut ajunt, orabat; quotidie e- nim Princeps, velut ſi Sacerdos foret, Sacerdotalis officiij penſum percurrerat orando, dein acta totius diei in examen vocabat, ac tandem vitâ ſuâ, & mor- te DEO commendatâ, ad quietem componebatur. Hæc erat æterna lex quotidiana vitæ, quam nullum niſi belli tempus mutabat. Sed memora- bilis eſt ejusdem Coſmæ de Quadrageſimali Spitiſhnei jejunio narratio; quo- tidie de media nocte ad Matutinas preces Eccleſiam ingreſſus proſternebatur humi, atque extenſis brachijs Crucifixi inſtar, multas horas durabat. Pri- mam

S. Vitus M.  
apparens  
corrigit Spi-  
tiſhneum  
Ducem.

In hiſtoria.

Quotidia-  
na Spitiſh-  
vita.

Teneritu-  
do & con-  
ſtans Prin-  
cipis pietas  
erga Chriſtū  
Cruci affi-  
xum.

Coſm. l. cit.

Vita Qua-  
drageſima-  
lis Principis  
Spitiſhnei.



*mam* canentibus *Canonicis*, accedebat pulpitum, eamque officij partem cum alijs persolvebat; in ingressu Ecclesiæ liberalissimâ stipe pauperes recreabat; summâ voluptate suâ Sacerdotalem habitum indutus, præsertim diem *Cinerum*, & ferias hebdomadæ majoris cum *Canonicis* canendo, transigebat, quas deinde vestes Sacellano suo cum alijs Principe dignis donarijs relinquebat. Sed hæc omnia magis ad pietatem, quàm ad justitiam spectare videbuntur: unicum erat præsidium Pupillorum & Viduarum ipse *Princeps*, & pro summo crimine Judicium habebat, si causæ eorum ultra triduum prorogarentur. Accidit aliquando, ut Urbe egredienti mulier occurreret, & judicium postularet; descendit confestim Equo *Princeps*, & in ipsa *Pragensi* porta confidens, integras duas horas causam agitari audivit, & latâ sententiâ absolvit judicium. Obeum justitiæ amorem *Justi* sibi cognomen justissimè comparavit; *Litomericensem Ecclesiam Collegialem* fundavit ditissimè, cumque jam *Cathedralem Ecclesiam S. Viti* basilicè exstruere cœpisset, sic ut uno fornice & *S. Viti*, & *S. Wenceslai*, & *S. Adalberti* sepulchra tegerentur, mors opus abruptit. Obijt sanctissimè, & vitæ conformiter Anno C. 1061. 28. Januarij, postquam sexennio *Bohemiâ* gubernâset, dignus æternis sæculis *Princeps*.

Justitiæ amor in Principe.

## TIT: XIV.

Jaromirus, seu Gebhardus Ordine septimus Episcopus Pragensis, Wratislai I. Bohemorum Regis frater germanus.

**S**i semel aut iterum peccâsse (ut sunt quidam hodièque humanæ vitæ, & Simbecillitatis immemores) illaudatum aliquem in omne tempus efficeret, & si malefacta nullis unquam obtegi possent benefactis, non audem profectò *Jaromirum* nominare, qui petulantia militari principia sui honoris corruerit; at quia sinè vitijs nemo nascitur, & nemo vivit, & gloriæ partem apud rerum humanarum prudentes verti debet, aliquando peccâsse, & receptum ad virtutem habuisse; ex hoc numero *Jaromirus Episcopus Pragensis*, ubi semel virtutis iter ingressus est, tam sanctè reliquum vitæ peregit, ut eum *SS. Præsulibus Bohemiæ* meritò accenseri oporteat. nihil illo religiosius, liberalius, & (quod mirè) mitius postea fuit. Vitam optimi Præsulis ex uno vestigio (velut olim Herculis) æstimare licebit; Verni jejuniij tempus (quod Christi doloribus commemorandis Ecclesia præfixit, juxta illud: Erit vita tua pendens ante te) transigebat in hunc modum: Tempore quadragesimali mos erat suus. semper cilicium habens subtus, desuper veste Episcopali indutus, diebus pascit humanos obtutus, noctibus verò sacco vestitus latenter, Ecclesiam ingressus, & super pavimentum humi prostratus, tam diu perseverat in precibus, quoadusque largo imbrey lacrymarum madida fuit, cui incubuit humus.

1090. 26. Junij.

Jaromirus Episc. quomodo vitam suam correxit.

Cof. Prag. Decanus in Chron. Boh.

Quadragesimalis Pietas Jaromiri Episcopi.



Misericor-  
dia in ege-  
nos.

Cof. in Chr.  
ad A. 1030.

Inde consurgens ad agapen faciendam, & priusquam ruminet Psalmos, quotquo ante Ecclesiam invenit miseros, boni operis per copiam supplet eorum inopiam; finito Psalterio idem facit: post matutinas autem XL. panis quadrantes, & totidem allecia, sive alicujus edulij partes, dividit inter pauperes. Quartâ autem vice, jam appropinquante luce, ad numerum Apostolorum lavans pedes duodecim peregrinorum, dividit his formas bis senas denariorum, quibus ad horam prandij in abdita stuba, vel casa positis, abundè ipse necessaria apponit, & dexterâ suâ cibum, & potum eis benedicit; deinde ad publicam mensam vadit, & secum XL. egenos pavit. Similiter ad sedem suam Pragæ constituit quotidie undecim pauperes pascendos, & bis in anno vestiendos à corrigia calcei usque ad mastigiam pilei. Item nonnullos adventantes hospites, & pauperes Clericos nimis dationibus obligat, ut per totam quadragesimam secum manentes, tam præviviis, quàm defunctis Psalteria legant; ad singula quæque Missarum solennia, quotquot in Capella quâque die fuerint celebrata, trina dari fecit numismata denariorum; omnibus autem diebus Dominicis duodecim nummos, festis vero Apostolicis, & in alijs majoribus solemnitatibus ducentos offert, super pixidem SS. Reliquiarum argenteos. Quàmque fuerit largus, si te delectat ô prudens scire lector, pelliciam Episcopalem nunquam integrum per annum portabat, sed unam hyemalem in Pascha, alteram æstivalem in festo S. Wenceslai suis Capellanis donat. Sic & in cæteris donativis largum fuisse scias. hætenus Cof. mas ejus temporis Scriptor, sic enim canit:

Gemma Sacerdotum cunctorum, laus Bohemorum  
Dogmate præclarus, pius Antistes Geberhardus,  
Vivat ut in Christo mundo migravit ab isto,  
Moribus, & vitâ, de cujus dicere multa  
Fert animus mihi, sed defunt in pectore sensus,  
Pauca tamen fari libet hæc: quæ vidimus ipsi.

tum subjicit, quæ attulimus.

Obitus &  
Epitaphiû.

Obijt pius Antistes An. 1090. 26. Junij Strigonij in Hungaria, apud Ladislaum Regem amicissimum, veneno hostium dolo extinctus.

## TIT. XV.

### Marcus Cathedralis Ecclesiæ Pragensis Præpositus.

1096.  
Marci Præ-  
positi genº.

Hag. in An.  
Boh. 1066.

Inter celeberrimos, nativitate, sapientiâ, & sanctimoniâ Præpositos Pragenses præcipuum habet locum, antiquitatis etiam prærogativâ superat, Marcus ex Comitibus Mielnicensibus in Bohemia ortus, cui An. 1066. ex Præposito ad Episcopatum Pragensem evectus Jaromirus, Ducis Bohemiæ Frater, dignitatem veterem suam Præpositi sponte concessit; aptiorem certè inve-



invenire non potuit: ex illa gente, Hagecius inquit, Marcus prodierat Comitum Bssoviorum, qui olim cum Czecho ex Croatia in hasce oras advenerant; ac postea Hrozata, seu de Hroznetin (quod hodie Lichtenstat in Cubitenfi regione dicitur) tandem Hroznetino Teplensi Cœnobio tradito, ab arce nova abs se ædificata (quæ Gutstein dicta est) Domini Gutta, vel de Guttstein, vel de Guttstein Comites appellari cœperunt. Sed de Marci Comitis doctrinâ, id quoque tradit Hagecius: fuisse literis, & prudentiâ excultissimum, unicum in Bohemia sæculi sui Magistrum, Civilis, & Canonici Juris peritissimum, & quod maximè quærebatur, singulari in divinis literis interpretandis solertiâ, & fælicitate. Ad Sanctimoniam spectant quæ sequuntur: dilexit decorem domûs DEI, & primus Canonicos, & Clericos Pragenses, tum adhuc communiter viventes, ad omnem morum, vitæq; sanctitatem adduxit: antea, quod fatendum est (ait idem Hagecius) Clerici Ecclesiæ Pragensis (quavis Canonici dicerentur) erant ignari rerum omnium, rudes, in profano habitu incedentes, (nolo quæ sequuntur adjicere) pergit: At Marcus Præpositus Instructionem quandam, seu Regulam confecit, eosque verbis, & exemplis disciplina Canonorum assuefecit, certum habitum, eumque Ecclesiasticum præscripsit, Rubricas in usum deduxit, renovavit, correxit. Quatuor supra viginti Canonicos ipse Marcus instituit, eisque de sufficientibus alimentis providit. Denique optimus Præpositus, ut eos pacaret, quibus nihil satis est, ex Decimis suis, & Ecclesiæ proventibus omnibus, quartam solum partem ipse capiebat, tres partes priores Canonicis percipiendas relinquebat &c. Multa alia de Marco commemorat Hagecius. Postquam triginta annis Pragensis Ecclesiæ Præpositus fuisset, magnâ bonorum omnium partâ commendatione, vitâ excessit. Obijt circa Annum Domini 1096. nam, cùm constet ex Hagecio Præpositum electum An. 1066. & triginta annis eam dignitatem gesserit, necesse est ad Annum Domini 1096. vivendo pervenisse.

Merita ejus  
in Ecclesiâ  
Pragensi.

Nota.

Obitus.

## TIT. XVI.

Juditha, & Ludmilla Sorores, filiæ Wratislai I.  
Regis Bohemiæ.

**W**ratisslaus Rex ex secunda conjuge Adleta, Andreae Ungariæ Regis filia, mares duos, totidem puellas suscepit, conjugio magis sancto, quàm in successionem fælici: quippe Borzivojus filiorum alter (ut in Epitome narravi) plurimis jactatus ærumnis, in exilio vitam clausit, alter, Wratislaus scilicet, puer extinctus est; at Juditha Wladislao Hermannio Poloniae Principi nupta, ad miraculum virtutibus claruit; habet ejus miras laudes, qui nuper Hypomnemata Reginarum Poloniae vulgavit, egregius, & prudentissimus Scriptor Polonus Kochovsky; eadem Juditha populum gra-

1109.

Juditha  
pro populo  
relevando  
apud Mari-  
tum interce-  
dit.



Miechov. l.  
3. C. 1.  
Grom. l. 5.

Impetrat  
multa Ec-  
clesijs.

vibus exactiōibus oppressum relevavit suā apud maritum commendatione, optabili, & in mores nostros utili exemplo, si Principes stirpem suam perennare velint, ut alicubi probavit *Theophilus Raynaudus*; decennio *Juditha* sterilis fuit; voto deinde ad *S. Aegidium in Galliam* misso, prolem impetravit *Boleslaum Krzivoustum*; describunt hæc miracula, & *Juditha* pietatem Poloni Scriptores. Obijt 1085. alijs 1082. alijs 1289. 25. Maij. Moriens facultates suas omnes pauperibus, mundum verò muliebrem vivens adhuc (quod ego magnæ in fæmina virtutis documentum esse reor) in cultum Ecclesiarum donavit. Sub mortem à marito impetravit, ut *Croppensem*, si-ve *Pabianecensem* Comitatus (Miechovius *Krobie* vocat) Collegio Sacerdotum *Cracoviensis Basilicæ*, *Lagoviense* territorium *Crusniciensi*, seu *Wladislaviensi* Episcopo, *Nansniensem* ditionem *Tinecensi* Cœnobio sempiterno Jure donaret.

Vid. Epit.  
hist. l. 3. C.  
10. in Notis.

De Ludmil  
la.

Cos. in hist.  
Boh.

Welesl. 22.  
Maij.

Manlius  
in Lusatia.

Dresser. in  
Millenar.

VI. P. 2. in  
Groicensib.

Ejus in sa-  
cris rebus  
liberalitas.

Lupac. ad  
27. Julij.

*Ludmilla* uterina *Judithæ* foror, quibusdam Scriptoribus etiam *Juditha* appellata, nihilo inferior vitæ Sanctimoniâ fuit; In Conjugem data Vi-  
perto *Comiti Groicensi Lusatia Marchioni*. *Ludmillæ* laudes *Dresserus*, & *Fabricius* prædicant. Obijt 1109. 17. Decembris juxta alios 1124. Duo Cœnobicia fundasse dicitur, utrumque Virgineum, *Viceburgense*, & *Bichlingense*. qui alios Fundatores nominant, *Ludmillam* tamen Cœnobiorum redditus, & opes plurimum auxisse fatentur. *Cosmas* illius temporis Scriptor, *Ludmillam* DEO devotam famulam, *Weleslavinus* fæminam sanctam appellant; eadem in honorem *S. Thomæ Apostoli* Capellam in Ecclesia *Pragensi* construxit, & dotavit, sic, ut in ea quotidie Missa pro Defunctis legeretur. *Viper-  
tus* porro Princeps optimus, mortuâ *Ludmillâ* (seu *Judithâ*) ante obitum monasticam vitam *Pegavia* amplexus, paulò post *Ludmillam* secutus est in Cœlum. Ex *Chronico Pegaviensi*, & *Lupacij Calendario* quæ sequuntur exscribo: *Ludmillam* (quam illi *Juditham* appellant) cum *Pegaviensis Cœnobij Templum* in honorem *S. Jacobi* An. 1096. 27. Julij consecraretur, processisse in medium auro textis induvijs regaliter adornatam, & primum Coronam auro gemmisque fulgentem, deinde cycladem instar *Dalmaticæ* auro textam pretiosissimi Operis, quam sub mantello ferebat, super Altare Deo, Sanctoque *Jacobo* deposuisse & donasse, ut quàm ditissimè Divinitas in sua nova Ecclesia coleretur.

## TIT: XVII.

Meinhardus Pragensis Episcopus, Vir invictæ, & heroicæ prorsus patientiæ.

1134.  
Cosmas in  
hist. Boh.

Mortuo *Hermanno* Episcopo *Pragensi* An. 1122. suffectus est ex Præposito *Boleslaviensi* (ut quidam affirmant) *Meinhardus* Præsul in ordine denu, ut *Cosmas* eorum temporum Scriptor cecinit. Hic Episcopus



scopus Anno 1124. reperit ossa B. Podivini (verba Cosma refero) eaque condit  
humi in Capella, quæ est sub terra inter altare S. Nicolai Episcopi, & Tumulum  
Episcopi Jaromiri. Idem Meinhardus An. 1129. amore in S. Præsulem A-  
dalbertum incensus, ejus sibi sacrum Tumulum sumpsit ornandum, auróq;  
& gemmis contexit summâ artis gratiâ, atque in id opus tria millia, & septin-  
gentas (alijs 70.) sexagenas Pragenses (pretium illâ ætate propèter, quàm ho-  
die vulgò sit, majus) expendit; Anno demum sequenti Peregrinus in Ter-  
ram Sanctam concessit. Hujus liberalissimæ pietatis, & virtutis præmium,  
alia virtus, aut virtutis facultas oblata est Meinhardo, quem DEUS Cælum  
ingredi incruento Martyrio coronatum voluerat: infimulatus est conjurati-  
onis initæ adversus Sobieslaum Bohemia Principem tam probabili accusatione  
(quippe à morituris extortâ) ut nihil propius fuerit, quàm ut periret; descri-  
bit has calumnias fortissimè à Meinhardo toleratas, omnium diligentissimè  
Jaroslaus; at quia hic liber in Bibliothecis latet, Dubravius, & Hagecius  
consultantur. Vix emerferat optimus Præsul accusatione & judicio diu mo-  
lestissimè protracto, Episcoporum duorum, & septem Abbatum solennibus cæ-  
rimonijs à tam atroci crimine absolutus, cum nova iterum innocentissimo  
Præsuli calumnia ab ijs, quibus minimè omnium oportuit, irrogatur; apud  
Moguntinum Metropolitanum causâ jactatâ, opinione multorum damnatus,  
innocentiâ probatâ absolvitur, suæque restituitur Sedi; accusatores, & ma-  
ledictos pcenâ talionis deturbâisset alius de gradu; Meinhardus ut primùm  
Pragam attigit, omni injuriâ ex animo deletâ, catenarum, & compedum vi-  
ce, innocentissima brachia in hostium colla extendit, arcêque vero Christi  
amore complexus omnes, osculis calidissimis vultum omnem, & caput sin-  
gulorum opplevit, & rigavit senilibus lacrymis, amicè appellans, & quasi  
nullam unquam accepisset injuriam, beneficia ultro, & dona ingessit, obli-  
vione omni injuriarum secutâ. majorem se Meinhardus in hac animi excelsita-  
te, & fortitudine præstitit, quàm si miracula patraffet: majus enim est mira-  
raculum, injurias tantas concoquere, & Christo donare, quàm oratione ela-  
tum sublimem vel in cælum rapi. Heroicæ huic patientiæ reliquæ virtutes  
congruebant in Præsule Meinhardo, ut vetusti Scriptores eorum temporum  
attestantur.

Fuit Meinhardus Ecclesiarum, ac præsertim suæ Pragensis maximus a-  
mator, præter Tumulum S. Adalberti multis millibus ornatum, & Salvatoris  
ad Hierosolymam sepulchrum (quod, ut dixi, peregrinus adierat) auro obry-  
zo, & gemmis lucente materiâ, ditissimè contectum, fundavit quoque Cano-  
nicorum (ut voce usitatâ utar ad claritatem) Præbendas magnis opibus in Ec-  
clesia Pragensi, ob eamque causam 2. Julij, æternam quotannis memoriam  
in sacris à grata posteritate retulit. Idem Præsul multis, magnisque muneri-  
bus Cænobium Bambergense (Montem Monachorum appellant) profecutus  
est

Meinhardi  
liberalis pie-  
tas in S. A-  
dalbertum.

Adversis ja-  
ctatur.

Jaroslaus  
Præmonst.  
in M. S.

Amor ini-  
micorum  
mirus in  
Meinhardo

Fundator  
aliquot Præ-  
bendarum  
in Ecclesia  
Pragensi.



Obitus.

est, ac ditionem *Künigsfeld* emtam de suo, Cœnobio illi addixit, & donavit quod eum *S. Ottonis*, cui per familiaris erat, amore fecisse suspicor, qui hoc Cœnobium impensè coluit, & post *Meinhardi* mortem An. 1139. in eodem est tumulatus; at *Meinhardus* plenior meritis, quàm ætate, Anno Christi 1134. 3. Julij vitâ decessit, & ad parata invictæ patientiæ suæ, & cæterarum virtutum præmia, evolavit in cœlum.

## TIT. XVIII.

## Sobieslaus I. Bohemiæ Dux.

1140. 14. Febr.

Sobieslai  
caelestis vi-  
ctoria.Weitmülin  
Chron.  
M. S. Jarof:  
Crug. 14.  
Febr.Fundatio-  
nes Sobesl:Corona Wis-  
sehradens:

Obitus.

**S**obieslaus ejus nominis primus, filius *Wratislai Bohemiæ Regis* ex *Suzanna Casimiri* Poloniæ Regis filia genitus, post fratres suos *Borziwoj* *um II.* & *Wladislaum I.* mortuos, An. 1125. *Bohemiæ* imperium auspicatus est, & annis 15. gessit. Nihil in hoc Principe humile quisquam sibi depingat animo, ipsæ virtutes, & sanctitas Regia fuit: aliæ sunt privatorum aliæ Principum virtutes. Quantum cælo placeret Princeps, cœlestes ostenderunt suppetiæ: aspectabilis *S. Wenceslaus* An. 1126. aciem præcessit, quæ victoriâ Regni rivalis *Otho* cecidit, & *Lotharius Imperator* (rarum spectaculum) inter captivos repertus est. Insidijs deinde *Wrszovicensium* appetitus Princeps, conjurationem SS. Apostolis *Petro*, & *Paulo* prodeudentibus, evasit: gratus *Sobieslaus* novo more triumphavit nudis pedibus, nudo capite in sacro, *Ecclesias Pragenses*, auro plurimo in pauperes erogato, orando percurrit. Quot Urbes, quot arces condiderit, in *Hagecio* leges; *Misa* Civitas *Sobieslai* Sancto conditore gloriatur; sed mihi sacra propositum est hoc loco tractare: In *Strit* monte *S. Georgij Ecclesia* *Sobieslai* opus est, deinde *Zielivense*, seu *Siloense Cœnobium*; *Wissehradensis Ecclesia* regicè exornata, & locupletata; addidit hîc porticus Ecclesiæ, pavementum quadrato lapide constravit, picturâ pereleganti parietes renovavit, lateritijs tegulis Ecclesiam, Sacella, Domos omnes Sacerdotum contexit; Coronam tumulo Patris impendentem, auri 12. argenti octoginta pondo, suspendit, ad eandem Ecclesiam Sacerdotia triginta duo adjecit, fundatione liberalissimâ, sic ut die noctûque in *Wissehrad* Divina canerentur. Uno ante mortem anno integro, quotidie pro se, quasi jam demortuo, Sacra ad aras funera fieri jussit, & quasi præmortuus, cum lacrymis orans spectavit, quod post mortem optaret. Itâ comparatum 14. Februarij An. C. 1140. *Arnovia*, mors rapuit; *Pragam* devehctus *Canonicorum Wissehradensium* humeris, velut secundus Fundator illatus in Tumulum, prope Patrem *Wratislaum* humatus est, Princeps bello, sed magis virtutibus Regijs inclytus, & suis omnibus charissimus, Conjugi præcipuè Matronæ pijsimæ *Adletæ Bele II. Ungariæ Regis sorori*; quæ mariti mortem non ferens, octavo mense contabuit, ac in eodem tumulo, ut optarat, est sepulta.

TIT. XIX.





## TIT: XIX.

Gezo primus Abbas in Strahow, seu in monte Sion  
Pragæ, Præmonstratensis Instituti.

**A**Nno 1143. *Wladislaus* inclytus armis Bohemiæ Princeps, incitante *B. Henrico Zdik* Olomucensi Episcopo, qui, ut in ejus vita narratum est, studio virtutis incensus, totum se *Ordini Præmonstratensi* jam Episcopus consecraverat, *Wladislaus*, inquam, Princeps Strahoviense Cœnobium maximis opibus fundavit. Colonia *Pragam* ex celeberrimo *Steinfeldensi* Cœnobio deducta tantum octo capitibus constitit, sed addidère se statim ex *Bohemis* non pauci, atque inter eos *Jaroslaus Ecclesiæ Metropolitanae Canonicus*, ex quo ista describo: hos inter octo priores *Gezo* fuit, Vir autoritatis, & doctrinæ maximæ, quem cum nomino, virtutem ipsam videor nominasse. *Coloniensis Ecclesiæ Canonicus* cum adhuc esset, objecto mirabili somnio, omnes vitæ suæ rationes mutavit: videbatur in stallo ut vocant, & ordine Canonico stare, cum nescio quis horrida, & ingenti specie Vir *Ecclesiæ* ingreditur, virgam manu prætendens, quâ certos quosdam *Canonicos* leniter feriebat; jam ad *Gezonem* quoque Virgator ille veniebat, sed ferire conantem *Gezo* corporis agilitate elusit, virgâque vitavit, simul anhelans, & sudans somno tristiore solutus est. Paulò post eodem ordine, quo prius in somnis contingi viderat, *Canonici Colonienses* auferuntur è vita; *Gezo* Divinum fuisse somnium intelligens, ut sese ad mortem rite compararet, vale honoribus omnibus dicto, circa An. C. 1134. in Cœnobium *Steinfeldense* sanctimoniam famâ celebratissimum, relicto post tergum genere humano, abdidit sese, vitamque cœlestem profiteri cœpit. Plerumque ejusmodi matura, & gravis ætas cum se virtuti adjunxerit, gnaviter, ac cæteris ardentius in propositum incumbit, & quasi studio moram redimere, & compensare vellet, sponte fertur in ardua: itaque nihil *Gezone* studiosius, nihil in cursu ad virtutem incitatus; mitis idem, & tractabilis, totus ad obsequia Religionis, & instituta cœlestia anhelabat, peritissimus erat Religiosæ disciplinæ, quam primum à se, tum ab alijs exigebat. *Jaroslaus*, qui eum sæpe ad fratres dicentem audierat, illud *Elie Prophetæ* à Spiritu sancto datum elogium accommodat *Gezoni*: *Surrexit quasi ignis, & verbum ipsius quasi facula ardebat.* His virtutibus, cum se omnibus honoribus indignum deputaret, velut maximè idoneus, omnium *Pragensium* Fratrum sententijs primus Abbas eligitur. *Gezo* diu sententias fratrum, & *Henrici Episcopi*, & *Wladislai Fundatoris* preces frustratus, tandem, *Ulrici Steinfeldensis Præpositi*, & *Patris* imperium detrectare non potuit. Gessit eum honorem ad Annum usque 1149. quo Calendis Januarij evolavit in Cælum. Ejus & *Godscalci* (qui postea

1149. 1. Jan.

P. 1. pag. 49  
Epit. nostra  
l. 3. C. 10.Gezonis mi-  
rabile som-  
nium.*Jarosl. in*  
*M. S.*Gezo arden-  
tissimus Ex  
hortator.



Laudatio  
brevis Cœ-  
nobij Stra-  
hovienſis.

postea primus *Zielivensis Abbas* fuit) institutione, & sanctissimis legibus ad eam sanctimoniam famam *Cœnobium Strahovienſe* pervenerat, ut certatim Episcopi, Principes, ac Reges (ut alio loco docebimus) depositis Coronis, & omnium honorum insignibus, in hoc Cœnobio degerent, filios ad virtutem educarent, aut etiam ipsimet profiterentur; contestata omnibus historiis res est: centum propè annis non aliundè, quàm ex hoc uno Cœnobio (tanta erat, ut sic dicam, *prescriptio Sanctitatis!*) ad *Olomucensis Ecclesie* infulas vocatos, petitos, & electos; *Gezoni* hæc attribuuntur omnia: nam ferè initijs cætera respondent. Agit de *Gezone Jaroslaus Pramonstratensis* in *Chronico M. S.* & ex eo *Crugerius* noster ad 1. Januarij.

## TIT. XX.

Hedwigis Theobaldi I. Filia, Conjux Friderici I. Brenæ Comitis, & filia ejus Sophia Antistita Parthenonis Quedlinburgensis in Saxonia Ord. Cisterciensis.

1210.

**T**heobaldus I. cognomento *Magnus*, *Wladislai II.* Bohemiarum Regis frater (à quo *Theobaldo Ssvihoviorum* illustrissima stirps rite descendit) inter alias complures nobilissimas proles ex *Sibylla*, vel *Sidonia*

Luf. Manl.  
Fabr. l. 5. O  
vig. Saxon.

*Wittelspachia Hedvigem* genuit, quæ ob formæ, & morum gratiam singularem à *Friderico I. Brenæ Comite*, & *Lusatia Marchione* expetita, venit in manum. Fuit Matrona omnibus, quæ eum sexum, & conditionem decebant virtutibus prædita; pia, in orando, sedula, pauperum Mater, humilis, neque super ullum sese efferens, in primis verò Divini cultus promovendi studiosa; eo fine *Brenæ* in *Lusatia* Virginum Cisterciensium Cœnobium lautissimè fundavit, maritoque author fuit, ut aliud ipse pro viris ejusdem Instituti *Buchæ* in *Osterlandia* fundaret; at cum moriens *Fridericus* An. 1181. 4. Januarij opus imperfectum reliquisset, *Hedvigis* de suo, filijs quoque adjacentibus, Cœnobij foundationem absolvit, ac nè sua tantum dare videretur, seipsam DEO in *Brenensi*, quod fundarat Cœnobio consecravit inter *Conversas*, & ut ita dicam, Cœnobij mediastinas, humilem, & abjectissimam vitam professam; vidua post mariti mortem annis 29. tandem An. 1210. 19. Februarij sanctissimè decessit, tumulo marmoreo altè è terra extante honorata.

Virtutes  
Hedvigis.

De Sophia  
Vestali.

*Hedvigis* plures reliquit liberos, at *Sophia* ejus filia, virgo sanctimoniam nomine à *Saxonicis*, & *Lusaticis* Scriptoribus mirificè commendatur: ingressa, nè quid mundus esset, scire posset, Cisterciense Virginum Cœnobium adolescentula *Quedlinburgi* in *Saxonia*, tantis repente cœpit clarere virtutibus, ut eam velut de cœlo missam reliquæ virgines intuerentur, & ad ejus

exem-



exemplum, quod modestiâ, & charitate præsertim emineret, conformare se-  
se omnes studerent. *Antistita* deinde omnium votis potius, quàm suffra-  
gijs lecta, omnes suas fecit, quod se in ejus animo, & corde habitare scirent;  
obiit magno sui desiderio relicto, multis defleta lacrymis, opinione Sancti-  
moniae diu in memoria fororum remanente! Annum & diem mortis legen-  
do rescire non potui.

## TIT. XXI.

Wladislaus Marchio Moraviae Wladislai II. Bohe-  
miae Regis ex Juditha Thuringica filius.

**W**ladislaum (quem nonnulli perperam *Wradislaum* appellant) Prin-  
cipem religionibus sacris, & Sacerdotibus addictissimum, *Moravia* 1222.  
*Marchionem* habuit; qui in summa regnandi licentia, nihil sibi, ni-  
sì quod per virtutem liceret, permisit. Regis filius, & delictum subditorum  
amantium cum esset, & à Proceribus Bohemiae *Regnum* oblatum haberet,  
jamque etiam quinque mensibus regnasset, raro & admirabili demissionis  
exemplo, nullo cogente metu, nullo nisi virtutis amore, *Fratri Premyslao*  
*Ottogaro I.* Sceptrum dedit in manum, *Moraviâ* retentâ. Propositum &  
votum unicum optimi Principis in regnando fuit, quantum æquitas sineret,  
de omnibus Ordinibus subditorum, quàm optimè posset, mereri, idque non  
aliis artibus, quàm publicâ pace, justitiâ, æquitate, civilitate, & acri in bo-  
num comûne vigilantia se consecuturum sperabat; amatus vicissim à suis li-  
beraliter, sic ut pro Principe, si res posceret, nullum periculum, nè mortis  
quidem, subditi recusarent. Misericordiâ in Orphanos, egenos, Viduas,  
aliòsque opib; indigos tantâ, ut nullum abire diem sineret, quem non memo-  
rabili aliquâ benignitate, & liberalitate signaret; ad hæc pietatis opera acue-  
bat *Principem* quotidianæ, tam in Ecclesijs, quàm in domestico Sacello ora-  
tionis assiduitas. In omnibus, quæ ad Dei cultum spectarent omnes mun-  
ditias, & divitias, omnemque splendorem adhibebat, & certamen illi erat  
magnum cum *Roberto Olomucensi Episcopo* ejusdem Genij & in sacris magni-  
ficentiæ Viro, uter pretiosiora ad *S. Wenceslai Cathedralē Ecclesiam* (quæ  
tum collapsa restituebatur, & surgebat) aliàsque Ecclesias adferret, victum-  
que se non semel à *Roberto Wladislaus* ingenuè fatebatur. Obtulerat *Eccle-*  
*sia Olomucensi Wladislaus Crucem auream* duodecim auri pondo gravem,  
gemis distinctam clarissimis: at *Robertus* nihil primùm sentiente Principe  
*Thecam totam auream*, auri pondere, gemis, artificio longè superiorem sus-  
pendit, in eâque *S. Christini Martyris Corpus* inclusit. At *Wladislaus* ma-  
jori rursus opere *Cenobium Welehradense*, & amplissimam Basilicam vetere  
dirutâ, in honorem *Divæ Matris Cisterciensis* instituti filijs excitavit eo ma-

Virtutes  
Wladislai  
Marchionis

Certamen  
liberalitatis  
in Ecclesijs.

FundatCo  
nobiuWe-  
lehradense.



Dubr. l. 15.  
hist. Boh.

ximè illectus, quòd primam ibi Ecclesiam in Moravia S. Cyrillus Slavorum Apostolus consecrasset. Denique Regijs virtutibus, & apud DEUM, & apud homines spectatissimus Princeps, quem immortalem esse oportuerat (si quid humana vota valerent) mortalis esse desiit An. 1222. Welehradi in Ecclesia sua tumultus, in quam etiam Robertus Episcopus virtutum ejus & pietatis, ut ita dicam, corivalis est illatus, utriusque Tumulum, Sacerdotes, Proceres, Religiosi, divites æquè ac pauperes lacrymis irrigarunt. Andrea Episcopi Pragensis Viri sanctissimi vox fuit (quæ Fratris Regis Ottogari iram accendit) cum Wladislao Marchione unicum Sacerdotum præsidium intercidisse. Memoriae Doxanensis Cœnobij breviter, mortem, & mortis diem (quem alibi non reperias) annotant: 12. Augusti (An. 1222.) obiit beatae memoriae Wladislaus Marchio, filius Regis Bohemiae, qui contulit Cœnobio nostro centum Marcas, & pretiosam Imaginem S. MARIAE pro L. Marcis; fuit omnium Spiritualium, Viduarum, & pupillorum defensor. Vide Epitomen nostram l. 3. C. 13.

## TIT: XXII.

Abrahamus Eremita Strzelnensis, dein Abbas Gradicensis ad Olomucium Ordinis Præmonstratensis.

1232. 4. Apr

Genus Abrahami nobile.

Ordinem sacrum amplectitur.

Eremitum sibi exstruit Abrahamus.

**L** Atuisset finè dubio oblivione temporum sepultus Abrahamus Præmonstratensis, nisi ex vetustissimis, & fidissimis Cœnobij Gradicensis Codicibus ejus memoriam Georgius Crugerius S. J. in lucem protulisset. Apud Moravos nobilissimo genere ortum Abrahamum, tres Fratres, omnes Cathedralis Ecclesiae Olomucensis Canonici ex more eorum temporum (quo doctæ Nobilitati primus in Ecclesijs honor dabatur) satis ostendunt. Abrahamus honoribus, Christi humilitatem prætulit, seque in Cœnobium Gradicense ad Olomucium, virtute suâ involvens inclusit; id factum primo illius sancti Cœnobij sæculo circa An. C. 1200. (postquam scilicet An. 1151. pro Benedictinis Præmonstratenses inducti sunt) non vanè suspicamus. Donaverat Cœnobio Gradicensi Anno 1203. Wladislaus Marchio Moravia, Princeps DEO plenus, & virtutibus quàm imperio notior (ut paulò antè in ejus encomio diximus) Silvam quandam Strzelnam nomine, quam fluvij duo Odera & Morava cingebant. Hanc Silvam cum aliquando subijisset Abrahamus, tanto solitudinis amore, DEO intus impellente inarsit, ut nullum faceret postulandi finem, donec ab Hermanno Abbate facultatem impetraret in horridis illis locis, procul à consortio & conspectu hominum, degendi. Aliquot igitur assumtis socijs totus in eam solitudinem inigravit; adjuvère viri pietatem tres fratres Olomucenses Canonici, & in ea silva Ecclesiam B. Virginis



Agnes, & S. Georgij Martyris honori statuerunt. Vixere in ea solitudine viginti amplius continuis annis divinis laudibus & obsequijs diu nocturne occupati; quibus exactis *Gradicense Cœnobium Abbatem* amisit, miro omnium consensu absens *Abrahamus Abbas* eligitur; missi qui advocarent, & deducerent. Explicari non potest quàm liquidis lacrymis, quantis precibus honorem *Abrahamus* tentaret excutere, neque nisi obedientiæ autoritate potuit superari; unam illam conditionem adjunxit, ut post triennium ad *amatam solitudinem* liceret reverti: consensere Legati è solitudine extraxisse hominem contenti. Rexit Cœnobium admirabili prudentiâ & charitate, sed magis exemplis, cum *Fratres velut Angeli obsequentes* id unum timerent, nè dilectum Patrem amitterent. Triennio expleto inexorabilis *Abrahamus*, protinus *Strzelnae* suæ se reddidit, ut inter eos convenerat, lacrymis totius Cœnobij prosequentibus; sed vix anni dimidium effluxerat, cum jam senior ad capienda immortalia Virtutum præmia evolavit in cœlum An. 1232. 4. Aprilis.

Eligitur in  
Abbatem.

Renunciat  
honoribus  
& moritur.

## TIT. XXIII.

Agnes Wenceslai I. Bohemiæ Regis Soror, cum filiabus Virginibus Adleta, & Hedwige, quæ mundum non noverunt; Ordinis Cisterciensis.

**A**Nno 1268. Agnes Wenceslai I. Soror, Ottogari I. filia, Matrona pietate insignis, *Henrici I.* (Illustris, & liberalis cognomine) Saxoniae Palatini Conjux secunda moritur. Quàm pretiosa ejus mors in conspectu Domini fuerit, satis indicat cœlestis visio: Agnes enim supremo morbo conflictans, vidit cœlestem Genium ad se venientem, poculum aureum porrigere; cum accepisset, gustassetque: quàm amara, inquit, potio! tum Angelus: amara certè, sed dulcedo gratissima eam consequetur: quia amaritiam mitigabit Dominus. Narravit Agnes somnium Marito, brevique post (quod indicabat visio) morte decessit in Cœnobio *Vetero-Cellensi* sepulta. Ex hac Agnete studiosissima virtutum omnium Matrona, non dissimiles duæ filiae sunt genitæ: Adleta, & Hedvigis, utraque (antè quàm quid esset mundus, quid hominum inutilis vita, quid profanæ voluptates, honores, divitiæ, noscere possent) in Cœnobio *Weissenfels* religiosam vitam amplexæ, sanctissimè vixerunt, sanctissimè obierunt.

*Fabricius* Agnetem primam *Henrici* uxorem in *Misnicis* agnovit, at in *Originibus* sibi non constat, aitque secundam fuisse, sed sterilem; at ego *La-  
zium*, & *Genealogiam Thuringicam*, atque in cæteris eisdem, tum *Chroni-  
con Isenacense*, & *Siffridum* vetustum Scriptorem, & *Dresserum* sum secutus.

1268.

*Epit. hist. l.  
5. C. 15.*

Agnetis me-  
morabilis  
visio in sola  
tū mortis.

Ejus filiae.

*Fabr. in Mi-  
snicis l. 2. &  
in Or. Sax.  
l. 2. in Hen-  
rico.*

*Siffr. Pres-  
byr. Misn.  
in Epit.  
Dresser. in  
Marchion.  
Misnia.*



Sépulchrū.

De *Agnete* nihil scire volunt Scriptores nostri, sed, ut sæpe dixi, Genealogia Ducum, Regumque Bohemiæ ad liquidum adducta non est; neque tamen in hac *Agnete* errare possumus, cum tantâ authoritate Scriptorum nitamur, & sepulchrum ipsum *Vetero-Cellis* extet, quod *Agnets* genus, patrem & conjugium hodièque testatur.

## TIT: XXIV.

Wladislaus Passaviensis primùm Episcopus, deinde Archiepiscopus Salisburgensis.

1270. 24. Aprilis.

Genus Wladislai.

Doctrina Wladislai.

Passaviensis Episcopus electus, Salisburgensis Archiepisc. creatur.

Admirabile in Juvene castimonie exemplum.

**A**D Bohemiæ Regnum jure optimo spectat *Wladislaus Archiepiscopus Salisburgensis*, tum quòd in *Silesia* Regni nostri Provincia, tum quòd ex *Regio Bohemiæ* sanguine prognatus. Pater ei fuit *Henricus Probus S. Hedwigis* filius, Mater *Anna Wenceslai Ottogari* inter Reges ordine quarti *Bohemiæ* Regis soror, *Ottogari* Regis filia, virilis animi fæmina, de qua suo loco agemus. *Wladislaus* noster, cum se totum pietati tradidisset, toto etiam pectore in bonas literas incubuit, *Paduæq;* (quæ inter primas authoritate *Universitas studiorum*) emenso legitimo tempore, ornatus literarijs honoribus, domum postliminio revertit. Non potuit Doctrina cum tantis Natalibus, & tantæ virtuti juncta diu latere. Itaque cum *Otto Passaviensis Episcopus* numero sexagesimus quintus diem suum obiisset, summo Canonorum omnium consensu, *Wladislaus* in demortui locum An. 1265. subleatus est. Pauci abierant menses, *Udalricus Salisburgensis Archiepiscopus* abdicat dignitatem; commendatione *Summi Pontificis*, quâ virtuti jam perspectæ omnibus, vix erat opus, concordibus *Collegarum Salisburgensium* votis, ad *Metropolis* gubernationem eligitur. Missâ confestim Legatione ad *Clementem Papam*, *Pallium Romæ* *Wladislao* mittitur, tantumque gratia virtutibus collecta tum apud Pontificem, tum apud Passavienses valuit, ut cum *Petrum* (quo studia moderante in *Paduano* Gymnasio usus fuerat) *Wladislaus* pro se commendasset, & Canonici, & Pontifex ratam commendationem habuerint, eique *Passaviensem* mitram concesserint, *Pontifex* confirmavit. Fuit *Wladislaus Princeps* admirabili morum innocentia, & in omni vitâ gratissimâ omnibus præditus suavitate. Castimonie sæculis rarum exemplum edidit juvenis & adhuc in *Paduanis Scholis* diversans: nam cum ei inops Pater filiam formosam clanculum adduxisset, tantum abfuit, ut ex ea malum gaudium quæreretur, ut etiam præsentem patre, misertus inopiæ, tantum argenti, quantum ad dotem, & honestum conjugium satis esset, confestim numeraret, uno in facto *Josephum* castimoniâ, *Nicolaum* beneficiâ repræsentans. Annus D. 1270. optimo, & numeris omnibus absolutissimo *Antistiti* postremus fuit: nam rebus omnibus in *Bavaria*, *Styria*, & *Carinthia* rite compositis in *Silesiam* profi-



proficiscenti eo animo, ut portionem sibi à Parentibus relictam in Ecclesie suae commodum converteret, *Amici* consilium Praesulis subodorantes venenum porrexerunt, quod cum excutere non posset, citatis itineribus ad Ecclesiam suam Salzburgum reversus, victima Christo cecidit, maximo omnium luctu delatus ad tumulum.

Ut constet omnibus, quanti Wladislaum faceret Pontifex, & quanto in pretio Virtutum & Sanctimoniae merito haberetur, adjiciam hoc loco geminam Clementis IV. Epistolam, quam ex Henrici Steronis Annalibus apud Henricum Canisium exscripsi.

Clemens Episcopus Servus Servorum DEI, dilecto filio Wladislao electo Saltzburgenſi salutem, & Apostolicam Benedictionem.

Clemens IV.

**R**omana Ecclesia, cui divina inscrutabilis altitudo dispositione incommunicabili praecipuum contulit super ceteras Magistratum, pium ad cunctas alias in hujus orbis latitudine constitutas Ecclesias maternam provisionem habens respectum, laudabili studuit hactenus observantiam custodire, ut de illis potissimam curam gerens, eis opportunitatis tempore occurrente congrua subventionis non differret consilia tam libenter, quam liberaliter exhibere. Nos etiam, qui licet insufficientibus meritis in sublimi culminis Apostolici specula sumus, disponente Domino, constituti, praedecessorum nostrorum Romanorum Pontificum in hoc vestigijs inherendo, praedictas Ecclesias tam proximas, quam longe positas paternae considerationis oculis intuentes, injunctum erga ipsas sollicitudinis nostrae ministerium, circumstantijs universis ac varijs personarum, rerum, locorum & temporum emergentibus necessitatibus articulis diligenter inspectis, quantum nobis ex alto permissum fuerit, ita vigilanter intendimus exercere, ut nihil prorsus in spiritualibus, vel temporalibus desit ibi, quod per diligentiae nostrae studium possit aut debeat procurari. Et quamvis ministerij hujusmodi debitum circa singulas Ecclesias exsolvere cupiamus, erga illas tamen, quae viduitatis deplorant incommoda, ut videlicet ipsis de Pastoribus juxta cor nostrum idoneis caeli providentiam utiliter consulatur, curis continuis, eoque anxius attingimur insultibus, quod successivis eo instantius propulsamur, quod ipsa dum vacant, periculis subjacentes majoribus, potiori noscuntur Apostolico Suffragio indigere. Sanè venerabilis frater noster Ulricus quondam Saltzburgenſis Archiepiscopus rectae considerationis meditatione advertens, quod ipse qui jam vergens in senium, multam proprii corporis debilitate gravari dicitur, in commissio sibi plebis gubernaculo, varijs de causis se fructuose gerere, sicut erat expediens, non valebat, ac proprium & subditorum periculum reformidans Zelo charitatis, quo erga Ecclesiam suam vigeat, inductus, ne occasione suae impotentiae gregem suum inimicus insidiator invaderet, vel Ecclesiae Saltzburgenſi utilitatibus per-

1265.

Henrici Steronis in Anna: apud H. Canisium Tomo I. antiqu. lect. f. 291.

Ulricus Archiep. Salzburg. senectute gravatus.



Ulricus Archiep. spon-  
te decedit  
officio.

Pontifex  
Ulrici cessi-  
onē habet  
ratam, sed  
Electionem  
sibi reservat

Salisburgē-  
sis Ecclesie  
damna.

Wladislai  
à Pontifice  
summa lau-  
datio.

Nota.

dispensatoris invaliditudinem forsitan deperiret, ipsius Ecclesie regimine elegit sponte cedere; per literas & nuncium specialiter supplici à nobis deposcens instantiā, ut cessionem ipsius, quam sic offerebat spontaneus, de benignitate Apostolica recipere dignaremur. Nos autem tam ipsius Archiepiscopi quieti & commoditatibus providere, quam ejusdem Ecclesie occurrere periculis opportunā diligentia intendentes, cessionem ipsius duximus admittendam. Per hujusmodi verò cessionem in manibus nostris factam, eadem Saltzburgenſi Ecclesia pastore vacante ordinationem illius nobis specialiter reservantes, inhibuimus expresse Capitulo Saltzburgenſi ne ad electionem, seu postulationem, aut nominationem aliquam procederent de Archiepiscopo illā vice, ac decrevimus nihilominus irritum & inane, si quid contra inhibitionem hujusmodi contingeret attentari. Et demum de salubri provisione ipsius Saltzburgenſis Ecclesie sollicitè cogitantes, post exacta deliberationis examen, decens ac necessarium nihilominus & expediens fore vidimus, ut eadem Ecclesia titulo nobilitatis insignis, quæ currentium dierum faciente malitiā, multis est discriminibus exposita, varijs conquassata molestijs, graviterque in temporalibus diminuta & enormiter in spiritualibus deformata Nobilis decore sponsi, ac utilis ornaretur, cujus potentia & providentiā circumspectā damna resarciantur, ipsius regantur directā, & indirectā in debitam rectitudinis semitam dirigantur, Ecclesiastica defenſetur libertas, Cleri status reddatur tranquillior, & commodis salutis & gaudij plebs latetur. Unde nos laudabiles actus tuos, quibus de virtute in virtutem proficiens in oculis hominum à tuæ juventutis primitijs te gratum reddere studuisti, delectabiliter in animo revolventes, ac de redolentis tuæ fame suavitate, quæ publico prædicatur testimonio, quòd claram serenissimorum tuorum nobilitatem natalium, studijs ac operibus nobilitare satagis virtuosus, odorem acceptabilem sentientes in te generosum, ac benedictionis filium direxerimus oculos mentis nostræ. In quo te ipsi Saltzburgenſi præficiendo Ecclesie noster non indignè spiritus requievit, spem grandem ac fiduciam obtinentes, quòd cum sis multorum Principum consanguinitate, & affinitate subnixus, literā sufficienti dotatus, gratus moribus, conversatione placidus, vitæ honestate conspicuus, alijsque virtutibus multipliciter insignitus, in spiritualibus nihilominus providentiam ac in temporalibus discretionem obtinens, Ecclesia eadem per tuam potentiam & circumſpectionem fructuosam, ab instantibus periculis efficaciter eruetur, à futuris præservabitur salubriter; & non solum in suis bonis juribus, immunitatibus, & libertatibus magnificè defenſabitur, verum etiam optata felicitatis, & prosperitatis augmentum spiritualiter & temporaliter ad pacem & bonum statum subditorum sibi, Cleri & populi, divinā favente clementiā consequetur. His itaque dignā meditatione pensatis, Ecclesie prælibatæ, cujus in hac parte profectum potissimè attendimus speciali volentes diligentia providere, de Fratrum nostrorum consilio, & Apostolica potestatis plenitudine, in nomine Domini, non obstante defe-

tu



*tu, quem in Ordinibus pateris, & aetate, te tunc Præpositum Wissehradensis Ecclesiæ, Capellanium nostrum, prælibatæ Saltzburgenſi Ecclesiæ in Archiepiſcopum præfecimus & Pastorem, curam & Administrationem illius tam circa ſpiritualia, quàm temporalia tibi totaliter committentes. Quapropter discretionem tuam rogamus, monemus attentius, & hortamur per Apostolica scripta, tibi in Virtute obedientiæ diſtictè præcipiendo mandantes, quatenus tibi onus à Domino impositum reverenter ſuſcipiens, ad commiſſam tibi Eccleſiam cum plena noſtræ gratiæ benedictionis accedas, & illius commiſſum tibi regimen ſic prudenter, & utiliter exequaris, quòd ipſa tuo ſalubri miniſterio gubernetur, ſæliciter ac proſpere dirigatur, tūque velut Paſtor ſollicitus gregis Domini tui cuſtodie deputati, vigilem curam gerere comproberis, ex quibus clara tui fama nominis extendatur latiùs, & erga perſonam tuam benevolentia noſtræ ſynceritatis dignè de bono in melius augeatur. Datum Peruſij IV. Idus Novembris, Pontificatus noſtri anno primo.*

Wladislaus  
ante legiti-  
mam æta-  
tem Archi-  
epiſcopus  
cõſtituitur.

Ejuſdem Wladislai laudes pertexuit idem Pontifex in literis ad Petrum Canonicum Wratislaviensem, quem loco Wladislai poſtulati, Eccleſiæ Paſſavienſi præfecit.

**Clemens Episcopus servus servorum DEI, dilecto filio Petro electo Pataviensi salutem & Apostolicam Benedictionem.**

H. Canisius  
T. 1. antiq.  
lectionum  
in Annali-  
bus Steron.

**I**N ſupremæ ſpeculationis vertice, cui nos licet indignos Apoſtolica dignitatis gradus prætulit, conſtituti, de varijs immenſis que negocijs jugiter emergen- tibus ſollicitudinis Apoſtolice ſtudio dirigendis continuâ reddimur attentione, ſolliciti, nè diligentia noſtræ miniſterium videatur deſſe, ubi paſtorale tenemur inſunctum nobis officium exercere. Inter quæ de ſtatu proſpero ac ſalubri Eccleſiarum omnium ubilibet poſitarum cura noſtræ ſpecialiter, ſupernâ diſponente clemenciâ, commiſſarum aſſiduè cogitamus, & profundis vigilijs excitamur, ut aliquid penitus non deſit inibi, quòd ad ipſarum utilitatem per nos valeat procurari. Specialiter autem ad illas, quas viduitatis incommoda deplorare conſpicimus, noſtrum animum convertentes, in hoc præcipuè noſtra ſedulitas officioſa verſatur, ut eadem de perſonis ſecundum cor noſtrum idoneis celeriter ordinentur, ad quòd eò instantius vigilamus, quòd ad id ex ſuſceptæ adminiſtrationis cura ſpecialiùs obligamur; Et quò Eccleſias ipſas per vacationem illarum diutinam majoribus ſpiritualiter, & temporaliter exponi diſcriminibus intuemur. Sane Pataviensis Eccleſia Paſtoris ſolatio deſtituta, dilecti filij Capellani ejusdem Eccleſiæ profuturi electione Pontificis, ut eſt moris, die ad eligendum præfixâ convenientes, in unum Spiritus Sancti gratiâ invocatâ, dilectum filium Wladisla- um, nunc Saltzburgenſem Electum, tunc Capellanium noſtrum, & Eccleſiæ Wiſſehradenſis Præpoſitum, in eorum Episcopum unanimiter, & concorditer

Sede vacan-  
te multa da-  
mna emer-  
gunt Eccle-  
ſijs.

Laudatio  
Wladislai  
jam Electi  
Archiep. Sa-  
lisburgenſis



Laudatio  
Petri ex Ca  
non: Wra  
slaviensi af  
fumpti in Epi  
scopum Pat  
aviensem.

postulârunt, & postulationem huiusmodi præsentantes illam admitti cum instan-  
tia postularunt. Nos quidem postulata personæ, de cuius probitate multa lau-  
de digna relata nobis fuerant, nec non, & de illius meritis certam volentes notiti-  
am obtinere, eundem Electum ad nostram duximus præsentiam evocandum, qui  
velut obedientiæ filius se nostro conspectui præsentavit. Licet autem postmodum  
inspectâ Electi ejusdem laudabilium copiâ meritorum, de quibus tam per commu-  
nis famæ præconium, & multorum fide dignorum laudabile testimonium, quàm  
etiam per experientiam facti nobis evidenter constitit, postulationem prædictâ  
velut de persona sufficienti & idoneâ canonicè celebratam deliberassetus admit-  
tere; interim tamen Venerabili fratre nostro Ulrico quondam Saltzburgenfi E-  
piscopo, pro eo quòd ipse in commissio sibi plebis gubernaculo varijs de causis se in-  
utiliter gerere, sicut erat expediens, non valebat, cessionem suam Archiepiscopa-  
lis regiminis nobis per speciales literas & nuncium offerente, illamq; à nobis ad-  
mitti cum instantia postulante, Nos tum ipsius Archiepiscopi quieti, & com-  
moditatibus providere, quàm Saltzburgenfis Ecclesiæ occurrere periculis, oppor-  
tunâ diligentia intendentes, cessionem ipsius duximus admittendam. Receptâ  
huiusmodi cessione, nos attendentes, quòd nobilis Ecclesia ipsa, quæ currentium  
dierum faciente malitiâ, multis periculis est exposita, virtuosus, ac potentis indi-  
gebat curâ Rectoris, ipsum Electum eidem Saltzburgenfi Ecclesiæ in Archiepi-  
scopum præfecimus & pastorem. Demum verò ne præfata Pataviensis Eccle-  
sia, quæ præpositi Pastoris carebat solatio, prolixioris vacationis detrimenta  
sentiret, studiosè vacavimus ad exquirendum Virum talem, qui ad ipsius Eccle-  
siæ regimen idoneus haberetur, unde nos ad personam tuam, quam nostræ benevo-  
lentiæ plenitudinem affecutam odor famæ nobis reddit acceptam, cum sufficien-  
literarum scientia suffragetur, & habearis vir vitæ laudabilis & conversationi  
honestæ, morum honestate decorus, discretionis maturitate conspicuus, clarus me-  
ritis, & alijs in spiritualibus, & temporalibus circumspèctus, nostræ considera-  
tionis dirigentes intuitum, ac sperantes, quòd virtutibus desursum tibi traditi  
insignitus, ipsam Pataviensem Ecclesiam feliciter dante Domino gubernabis  
ipsaque utilis gubernationis munita præsidio salubriter præservabitur à noxijs  
& optatis prosperitatis affluet incrementis, in nomine Domini Te tunc Ecclesia  
Wratislaviensis Canonicum ipsi Pataviensi Ecclesiæ de fratrum nostrorum con-  
silio, & Apostolica plenitudine potestatis præfecimus in Episcopum & Pasto-  
rem; Ideoque discretionis tuæ per Apostolica scripta in virtute obedientiæ firmi-  
ter præcipiendo mandamus, quatenus impositum tibi onus à Domino suscipien-  
reverenter ad commissam tibi Ecclesiam cum gratia nostræ benedictionis accedas  
illius amplificandis honoribus, & profectibus procurandis de te sic reddendo soli-  
citum, ut laudabilis famæ tuæ titulus apud remotos, & proximos clareat per effe-  
ctum, & in delectationem nobis veniat, te semper & condignâ gratiâ prosequi  
& tuis desiderijs favorem benevolum impertiri. Datum Perusij VIII. Kalen-  
das Decemb. Pontificatus nostri anno primo.





## TIT: XXV.

## Vitus Ecclesiæ Cathedralis Pragæ Decanus.

**M**agnus suo sæculo Sanctimoniâ, & Apostolicis prorsus virtutibus 1271.1. Maij  
 Vir fuit *Vitus*, Collegialis Ecclesiæ ad S. Vitum Decanus; ad eum au-  
 diendum tota, ut sic dicam, ab imo, suis excita sedibus, Praga mi-  
 nimi maximi, Clerus, Proceres, ac Populus convolabant; unicus eâ ætate  
 Cleri Reformator audiebat, qui OEconomiam sacram Ecclesiæ Pragensis opti-  
 mè ordinârit. Enumerat *Canonicus* Pragensis incerti nominis (qui *Juroslai*  
 itidem *Canonici Chronicon* continuavit) *Missalia*, *Gradualia*, *Antiphonaria*  
*Musica*, *Psalteria*, *Hymnaria*, *Collectaria*, *Baptisteria*, *Breviaria*, & sermo-  
 num libros ad Populum, quorum ingentem numerum *Vitus* scribi fecerit  
 (quod eo tempore, nisi grandi pecuniâ, perfici non poterat) atque eo pacto  
 in Officio Divino, ut idem loquitur, *Pragensem illustrârit Ecclesiam*. Jam  
 sacras ædificationes *Viti*, quis enumeret? ampliavit ædificio pereleganti  
*Metropolitanam* (tum tantum Cathedrali) *Ecclesiam*, in eâque *Cathedram*  
 erexit lapideam cum cælo suo, seu fornice varijs prætensionibus lapideis sum-  
 mâ arte formato; *Altare S. Mathiæ in Strahoviensi Basilica*, *Sacellum S. Mi-*  
*chaëlis Archangeli in Pragensi Ecclesia*, fundato utrobique divite Sacerdotio  
 dotavit; *Vicarium perpetuum Decani Pragensis* instituit, eamque in rem cen-  
 sus annuos in villa *Bikof* comparavit; quotidie tres, aut quatuor mendicos  
 mensæ suæ convivas habebat; festis & Dominicis diebus etiam quatuor;  
 complures quotannis pauperes vestiebat; *Bononiæ*, *Parisijs*, aliisque in Uni-  
 versitatibus alebat *Scholasticos*; plurimas *Ecclesias* à fundamento excitavit,  
 alias collapsas erexit, plurimas ornavit altaribus, alias turribus, alias campa-  
 nis, libris, sacris vestibus, & calicibus, & hæc omnia de suo. Author fuit  
*D. Czenkoni de Rosis Judici Regni*, ut *Ecclesiam Omnium Sanctorum in Arce*  
*Pragensi* construeret, in eâque duo Sacerdotia magnificè fundaret An. 1263.  
 præfuit operi ipse *Vitus*. Iterum, in *Ecclesia Cathedrali Bonifantes* duode-  
 cim, adolescentulos, qui sacris ministrarent (de quibus alio in loco dicemus)  
 instituit, auxit etiam *chorum duobus Sacerdotibus*, Divinas laudes ut mos est,  
 cantantibus; *S. Laurentij Ecclesiam* in monte *Petrino* cadentem, ejusdem *S.*  
*Martyris* cœlesti monitu reparavit; *Sluchæ S. Adalberto*, *Kogeticij S. Vito*  
 perelegantes duas construxit *Ecclesias*. Hæc omnia extra *Vitum* ipsum, &  
 vana fuissent, nisi ipse *Vitus* omnium se virtutum exemplar *Canonicis* fratri-  
 bus præbuisset: ipse (ut alia taceam) *primus media de nocte* ad officium Divi-  
 num in Ecclesia canendum surgebat, obibat Cellulas, ministros, & Clericos  
 excitabat. Mira alia de hujus Sancti *Viri* virtutibus, in eo, quem citavi, co-  
 dice invenies; *Franciscus* quoque *Pragensis in Chronico*, *Vitri* laudationem ha-

Vitus Eccl-  
 siæ libros  
 conscribi  
 curat.

M.S. Eccl.  
 Prag.

Cœlestis  
 quædam Vi-  
 ti magnifi-  
 centia.

Foundations:  
 Viti quàm  
 plurimæ.

Mors 1235.



bet plures paginas implentem. Canonorum numero adscriptus est *Vitus* An. 1235. Obijt Vir Sanctus An. 1271. 1. Maij, quem non modò pauperes, sed etiam *Canonici* veris lacrymis luxere, quòd, ut ajebant, *Lucerna Domus DEI* esset extincta.

## TIT. XXVI.

## Wenceslaus VI. Bohemiæ, &amp; Poloniæ Rex Sanctissimus, Fundator Coenobij Aulæ Regiæ.

1305.

Vide Epit.  
nostram.

Genus.

Voto ad  
Dei Matrē  
victor hosti-  
um.Raynald: in  
Annal: Ec-  
clesiast.Reverentif-  
simus Eccle-  
siasticæ di-  
gnitatis.Francis. in  
M. S.  
De seipso  
pœnas exi-  
git R. Wen-  
ceslaus.

**H**ujus gloriosissimi Regis Sanctimoniam Veteres, novique Scriptores ex æquo commendant; *Bonsinius* disertè asserit, eum à Bohemis veteribus pro Sancto cultum, statuat inter Divos Pragæ publicè meruisse; filius fuit *Ottogari* Regis bellicosi, quem fortuna in acie *Rudolfo I.* fundatori Augustæ Domus Austriacæ substravit, *Rudolfus* victor filio (huic *Wenceslao*) filiam suam *Juditham* (alijs dictam *Guttam*) An. 1286. despondit. Principio Regni gravissimis *Wenceslaus* Rex jactatus est turbis, & multis appetitus insidijs, voto An. 1290. edito, Coenobium Cisterciensibus in honorem DEI Matris condendi (quod annis abhinc septem explevit) omnium hostium suorum & domi conjuratorum victor, & ultor evasit, ut in *Historia Bohemia* narratur. Ajunt optionem *Cisterciensibus* dedisse, ubi ubi habitare vellent; optasse illos *Aulam Regiam* locum amœnissimum, & ad Regis, & Aulicorum voluptates, & delicias factum; *Regem* igitur, quamvis Aulici fremerent, & quibusdam subornatis, controversiam de loco Regi moverent, protinus ædificium Regium splendidissimum dirui, & Coenobio solum aptari jussit. Bella hujus Regis, aliæque gesta, nisi quatenus Sanctitatem ostendunt, commemorare nihil attinet; imò adeò nec de Foundationibus ejus, præsertim *Aularegensi* (omnium Coenobiorum miraculo) verbum dicam, siquidem alius ei locus apud me servatur. Reverentissimus Sacerdotalis Ordinis Rex, non modò Romanos Pontifices (cujus rei documenta maxima *Raynaldus* recitat) in honore habuit, sed etiam Præsules Pragenses, ut Patres coluit infimis officijs, adeò, ut *Joanni Episcopo*, Populo universo Pragensi spectante, *Stratoris* obsequium aliquando præstiterit. SS. *Eucharistie* adorationi, & cultui adeò devotum fuisse scribunt, ut sæpe quatuordecim Sacerdotum *Missas* in die, ante se dici juberet, summâ ipse pietate genibus flexis, & supplex constanter DEO, & Divinis inhærens. Justitiam propriam Regibus virtutem, quanti faceret, sequens exemplum *Franciscus* coævus Scriptor recitat: *Miles quidam animo conturbato exposuit coram Rege Wenceslao, quod injustè patiebatur, allegans sibi factam violentiam, postulans querimonijs dari sibi Judicem ad justitiam exequendam; tum Rex proprijs intentus commodis, causam querulantis non advertit, sed à se mœstum jussit abire;*



at brevè in se reversus, seipsum multis redarguens, solus cubiculum ingressus, candelam ardentem cruribus applicuit, acriter sese comburens, & ait: At caro ardeas, nè in futuro perpetuum ardorem sustineas; & in quinque locis quasi cauteria fecit, propter huius peccati pœnitentiam, & correctionem. Hactenus Franciscus. Ex hoc vel uno argumento de multis Wenceslai virtutibus prudentes facere poterunt conjecturam. Religiosorum Ordinum amantissimus (præsertim Cisterciensium, Minorum S. Francisci, & Prædicatorum) aliquot ijs Cœnobia magnificè, & Regijs opibus fundavit. Orationi deditissimus erat, quam affectuum omnium, & sensuum temperantia comitabatur. Franciscus narrat, Regem biennio cilicium super nudam carnem gestasse, & gestaturus erat diutius, nisi Sacerdos, qui à Confessionibus erat, vetuisset. Admirationem omnem superant, quæ de viventis Regis Sanctitate Franciscus adducit. Mors maximè vitam ostendit. Ut primum morbo correptus est, ornatum omnem Regium, vestesque ipsas inter miseros, & egenos distribuit; Tunicam vilissimi coloris, & pretij induit, stratumque eodem panno contegi iussit, asserens, si convalesceret: se valedicturum Regno, & inter Cistercienses suos vitam Religiosam acturum. Vocatis fidissimis ministrorum, debita omnia ante mortem per eos expunxit; Filius Sapientiæ, & sanctitatis plena monita reliquit, atque ut de ijs fervendis Filius super Caput S. Wenceslai juraret, coëgit; Regias vestes Ecclesijs donavit, & plurimos Pauperes quotidie pasci iussit; Missam ante se ægrotum quotidie fieri voluit; in summis morbi cruciatibus, nè verbum quidem impatientius protulit; oleo sacro inungi petijt, & cum obtinuisset, ad suos conversus: Fratres, inquit, (verba ipsa recito) congaudete, & mihi congratulamini, quòd tam diu manum Domini, quæ contigit me, correptus sustinere merui. Ecce resolutionis meæ tempus instat! nunc animæ meæ egredienti orationibus vestris subvenite, & vos Sacerdotes ad Missas legendas vos preparate! Tum Passionem secundum Matthæum legi iussit, quam erectis in cœlum manibus, multo cum sensu Pietatis audivit; ad extremum valedicens omnibus, & in manus Domini Spiritum suum commendans, serenissimo quodam colore post mortem è vultu emicante, vitâ excessit; Miracula quædam Regis mortem consecuta sunt, ex quibus duo lectiora referemus: Joannes Episcopus Brixinensis, cum mortem Wenceslai Regis amicissimi nimium lugeret, & amarissimis lacrymis sæpius prosequeretur, nocte concubiâ Rex ipse visendum se Episcopo præbuit, & quid ita lugeret, quæsit? cui ille: mortem ejus, luctûs sui causam esse respondit. Tum Rex increpare Episcopum aggressus: An, inquit, in sacris Literis nunquam legisti? cum te consumtum putaveris, orieris ut Lucifer, & habebis fiduciam propositâ tibi spe, & defossus securus dormies; requiesces, & non erit, qui te exterreat, & deprecabuntur faciem tuam plurimi. Adjecit: O Te modicæ fidei, qui Sanctorum mortem infelicem, & miseram

exi-

Ad mortē  
præparatio  
Regis Wen-  
ceslai.

Juramentū  
super Ca-  
put S. Wen-  
ceslai.

Optima  
mors Regis  
Wenceslai  
mirâ visio-  
ne compro-  
batur.



*existimas!* simul evanuit. *Episcopus*, etsi *Regis* verba altissimè memoriae commendasset, tamen ubi illa in sacris libris reperiri possent, haecenus ignorabat; aperto igitur sacrarum literarum Codice, invenit *Jobi* Caput undecimum, in quo sententiae illae leguntur, & liquidissimo solatio perfusus, desijt in posterum lugere. Aliud quoque est exemplum, quo *Regis* hujus Sanctitas declaratur: cum Vir quidam nequissimus (*latronem* disertè appellat *Historia Sedlecensis*) Aulae Regiae Ecclesiam ingressus esset, ac Mausoleum Regium videret, quaedam indigna Regi mortuo opprobrire coepit; ecce autem Regis statua super sepulchrum protensa jacens, elatâ manu, grandem homini colaphum infregit, quo verbere etiam oculorum lumen impudentissimi latronis extinxit. Ità videlicet Sanctorum suorum honorem defendit DEUS! Obijt tabe confectus optimus Rex *Wenceslaus* An. 1305. 21. Julij *Praga*, in Aula Regiae Cœnobio, quod fundarat, humatus. Cum id Cœnobium post annos centum, & plures, ab hæreticis subiectis facibus concidisset, nihil ex tot Tabulis sacris, & Imaginibus, quàm *Diva Virginis Effigies*, quam ipse curarat, & altera *Regis* ipsius adstante ponè Patrem filio *Wenceslao*, illas remanserunt. Alit hodièque ad *Beati Regis Tumulum* ardentem lampadem sacra, & grata Cœnobij hujus *Aularegiensis* posteritas.

Honor Regis Divinitus defens.

Tumulus, & effigies.

## TIT: XXVII.

Owida Griffina Hostislai Russiae Regis filia, vitam inter S. Clarae discipulas professâ.

1313. vel 1309  
XI. Junij.

XI. Junij.

Genus Ovidae.

Weles. in Genea. Duc. & Reg. Boh. Crug. in. Jun. Miech. in. hist. Polon. Bonfin. Decad. 2. lib. 8. Per eam pars Poloniae acquiritur Regno Boh.

Owida Griffina ità sese ab humano genere segregavit, ut nisi lapis sepulchralis, & paucula veterum Scripta extarent, ipsum *Ovvida* nomen non haberemus: Lapis sepulchri in Ecclesia Vestalium *S. Agnetis* ante Altare majus hæc loquitur: 3. Idus Julij *Ovvida Griffina Regina Ungariae, & Russiae, Ducissa Cracovia, Mater Wenceslai, Soror Regulae Discalceatarum S. Clarae*. Paucula verba; ex quibus tamen quaestiones intricatissimae nascuntur, & propè de singulis verbis disceptatur; alij *Ovidam* Reginam *Ungariae*, eandem *Ducissam Cracovia*, eandem *Bulgariae Regis filiam*, eandem *Conversam* in clauistro, eandem *Abbatissam*, eandem *Wenceslai Regis Matrem*, eandem *amicam* ejusdem *Regis* faciunt. Ego omnia conciliari posse puto: fuit enim *Ovvida* soror *Cunegunda*, quam *Ottogarys II.* Rex Bohemiae victoriosus *Margarita Austriacâ* repudiata, Anno 1261. accepit in Conjugem; filiae fuerunt *Rosislai*, vel *Hostislai Russiae Regis*, quem eundem *Weleslavinus*, & *Crugerus Bulgaria Regem*, *Bonfinius Regem Moscoviae* appellant; eadem neptes *Bela Ungaria*, quod filiam *Bela Rosislai* in conjugio habuisset, ex qua *Cunegunda*, & *Ovvida* sint genitæ. At cur *Mater Wenceslai* (secundi scilicet, ejus nominis, qui postea etiam Poloniae Rex fuit) appel-

pellatu  
eslaum a  
o morie  
natione  
Miechov  
dente Pr  
Rex occu  
it ipsem  
temtu, &  
ignorant  
stro, id q  
fione fo  
Cracovi  
tum des  
letur? s  
Agnes S.  
possideb  
batissam  
finè dubi  
tunt eni  
tam egu  
Pie in sc  
ginarum  
hil ex pri  
bio qua  
ministra  
ret, ann  
pensasse  
gloriam  
aliquid  
quibus  
tis num

Sanct  
in

O



appellatur? ideo nimirum, quod sororis suæ *Cunegunda* filium, ipsum *Wenceslaum* adoptarit, eidemque *Wenceslao*, cum esset vidua, relictas sibi à marito moriente provincias *Cracoviensem*, *Sandomiriensem* donarit. Hanc donationem *Griffina* (quam nihil in *Poloniam* juris habuisse somniat) irridet *Miechovius*, quem res ipsa refellit: nam id *Wenceslai* jus agnoscente, & cedente *Premyslo* Majoris *Poloniae* Principe, *Cracoviam* *Wenceslaus* *Bohemiae* Rex occupavit, & accedente etiam conjugio *Rixæ*, *Poloniae* Rex est salutatus, ut ipsemet narrat. Addit deinde *Miechovius*: *Griphinam* in summo contemtu, & ludibrio apud *Bohemos* obijisse: id quoque extremam *Miechovi* ignorantiam demonstrat, qui quod ultro *Griphina* privata quæsit in clauetro, id quasi in publica luce gestum, ac si coacta foret, impingit. Hac quæstione solutâ solvitur & illa, quâ ratione *Regina* *Ungariæ*, *Russiarum*, & *Ducissa* *Cracoviæ* *Ovida* dicatur? primum titulum à *Matre*, alterum à *Patre*, tertium desumpsit à *Conjuge*. Est & illud controversum, cur *Discalceata* appellatur? sed & hoc dissolvetur, cum de *Cænobio* illo *Virgineo* agemus, quod *S. Agnes* *S. Clarae* familiaris fundavit, & pauperum *Domicellarum* (quæ nihil possidebant, & solâ piorum liberalitate sustinebantur) voluit appellari. *Abbatissam* fuisse *Griphinam* quidam scripsere, sed *Epitaphio* refelluntur, quod sine dubio omisso simplici sororis nomine, *Abbatissam* nominasset; consentiunt enim omnes memoriæ inter *Conversas* humillimam Christi amore vitam egisse. Et hoc illud est, quod eam *Albo* nostro, & *Bohemiae Sanctæ*, ac *Pie* inscribit: nihil enim sibi arrogasse Principem fæminam, Regum, ac Reginarum neptem, filiam, sororem, amitam, potentissimi Ducis uxorem, nihil ex pristina fortunæ superbia retinuisse, ultimum semper locum in *Cænobio* quæsisse, culinam procurasse, sororibus omnibus, sed ægris præcipuè, ministrasse, reprehensiones etiam juniorum (senex ipsa, & dum vitam finiret, annum octogesimum supergressa) patienter audisse, beneficijs maledicta pensasse; hoc profectò Divinum est! hæc cælites ivère, hæc est ad æternam gloriam via! Scripsere paucula de *Griffina* *Miechovius*, *Hagecius*; plus aliquid *M. S. Vita S. Agnetis*, *Crugerius*, & Codices quidam Manuscripti, ex quibus hæc decerpfi. Obijt An. C. 1309. juxta *Hagecium*; in lapide extritis numeris, videtur Annus obitus ejus poni 1313.

*M. S. Priv.*  
*Reg. à f. 22.*  
*Dress. aliq.*

*Miech. l. 3.*  
*C. 6. & ex*  
*eo Cromer.*  
*l. 10.*

Tituli ejus  
dem.

Humilitas,  
cæteræque  
virtutes.

*Miech. l. c.*  
*Hag. in An.*  
*Crug. II. l. vii.*  
*MS. Crûlo.*

## TIT. XXVIII.

Sanctimonia Vitæ, & quædam miracula Cœlestia  
in Cænobio Aulæ Regiæ uno suprâ Pragæ  
milliario, Ordinis Cisterciensis.

**O**Mnia *Bohemiae* Cænobia Viris Sanctitate præstantibus referta fuisse, pridem in *Epitome* vetustorum Codicum fide asserui, quod etiam  
mira-

*Circa 1320.*  
*Epit. hist. l.*  
*4. c. 1.*



Sanctimo-  
nia Cœno-  
biorum Bo-  
hemia.

miracula, quæ legimus confirmant; at major eorum pars, Cœnobijs ipsis hæreticorum rabie deletis, interiit: quò magis DEO agenda sunt grates, quòd aliquod, licet exile vestigium, superesse, & ad nos ex Aularegiensibus Memorijs pervenire voluerit, unde non modò hujus, sed etiam aliorum Cœnobijs Sanctitatem (nam in eo genere alterum alteri concedebat nihil) velut è pollice, Colossi Rhodij magnitudinem conicere possumus. Agam hoc loco velut ex formula, & judiciorum more non meis, sed alienis, & fide dignissimorum Virorum verbis rem totam conficiam, nè verbulo mutato:

Ex Lib. Se-  
cret. Aule-  
reg. cujus  
fragmentū  
recitatur  
à Frehero  
in Chronica  
Auler. C. 18

An Virtutes  
suas ma-  
festare sit  
contra per-  
fectionem?

Officium  
pro dignita-  
te sumitur  
hoc loco.

In principio Monasterij foundationis Beata Virginis in Aula Regia: Deus ibidem multa ostendere dignatus est miracula, quorum quadam in prima parte Chronica per me superius sunt signata. Plura tamen sunt nobiscum miracula perpetrata, quæ devotio Monachorum obtinet, & supprimit, eò quòd in humilitatis latibulis gradum figit. Ego ipse quibusdam meis familiaribus occultè mihi aliqua sua miracula referentibus, sæpe dixi: ut mihi relata, etiam alijs in publico ad DEI Gloriam revelarent; Qui responderunt: Quòd Gloria DEI, & Gloratio eorum esset testimonium conscientie sue, & timerent, quòd in revelatione talium secretorum illorum, quæ Dei debent esse gloria, eis forsitan fieret ignominia, & ruina. Depradari, inquiunt, desiderat, qui thesaurum publice in via portat. Quantum autem ipsi mei fratres in laude hominum delectentur, patuit mihi ex quorundam relationibus Seniorum. Quadam vice de via, & labore veneram, & in quodam loco quasi solitarius residebam, acceperunt tunc ad me duo ex Senioribus humiliter, & petenti loquendi licentiā sic dixerunt: Bone Pater, dicitur in Conventu, quòd vos, Filios nos, vestros, multum habeatis in audientia aliorum hominum de virtutibus commendatos, & ipsis eam, quam abscondimus, gratiam publicetis; timemus nè fortè nostra apud DEUM propter hoc merces meritoria minuat, quando favor populi ex fama crescit, & temporalis promotio plus accedit; cautè igitur in hoc petimus agite, bone Pater! sic agite, ut & nostra devotio homines lateat, & pateat soli Deo. Hoc audito, ego corde congratulando subrisi, ad horam subitici, delectatus fui cognoscendo devotionis evidens argumentum, & desideravi dilucidè: quòd cor humile verbum bonum, & primum eloquium eructaret, nec audebam hujuscemodi devotionis spem extinguere, sed incepti illud dictum Evangelicum allegare: Luceat, inquam, lux vestra coram hominibus, ut glorificent Patrem vestrum qui in Cælis est. Et adjeci: permittite me, charissimi Fratres, de vobis, sicut & de alijs Religiosis personis loqui ad profectum secularium vera, & edificatoria in publico; vestra tamen intentio semper maneat in occulto, nec ex hoc vestra merces apud Deum minuitur, si per vestra exempla, in alijs hominibus devotio augmentatur. Nec idcirco vos laudo tantum, ut detractiois vitium non incurram, sed ut faciam, sicut estis, DEO, & hominibus vos dilectos; Dilectus quippe à Deo & hominibus est, cujus memoria in benedictione est. Eisdem quoque Fratribus tunc dixi, & adhuc dico cum B. Hieronymo: etiam adjuratus Christi præconia non tacebo. Præstant etiam mihi nostri fratres suæ devotionis, & humilitatis testimonium, quòd in injunctis sibi non libenter stant officijs, & exterioribus invitiſſimè negocijs implicantur, ita quòd apud plures ipsorum officium quasi Martyrium reputatur; habent tamen patientiam propter obedientiam, & conscientiam in labore. Et licet quidam graviter portent officium, nihil tamen ducunt in opere negligendo.

Prolixum esset narrare singula, quæ ab initio foundationis Monasterij in Aula Regia DEUS ibidem fecerit miracula, & opera gratiosa; Plura sunt scripta, plurima sunt omiffa, & à memoria hominum sunt elapsa, quedam tamen per me visa, & efficaciter approbata per alios, quæ prætermittere salvo Conscientiâ non audeo, hinc notabo. Ego enim omnes novi & vidi, hujus Monasterij, à principio foundationis, personas, & cum eis sum ferè à juven-



in juventute conversatus, unam duntaxat personam non vidi, Fratrem videlicet Theodoricum Custodem primum, utique (ut creditur ab omnibus) Virum Sanctum, qui subito post fundationem Aulæ Regiæ primus inter primos Monachos cursum vitæ in pace feliciter consummavit, & memoriam sui in benedictione posteris suis usque hodie dereliquit. Ipse namque (ut asseritur) licet senex decrepitus esset, & in ordine LX. annos haberet, tamen in tantum tunicâ æstatis, quàm hyemis tempore usus fuit; Nemo unquam ipsum impatientem vidit in adversitatibus, vel iratum, sed mitissimus ad omnes extitit, compatimens, & benignus.

Theodoricus Custos.

Post hunc quidam Senior Reverendus nomine Rudolphus de Walderbach, assumptus in ordine vir approbatus, felici fine obijt, qui de quodam Novitio ad Primam intrante Chorum astantibus signavit, & colloquij tempore signata in choro coram omnibus replicans ita dixit: scio, scio, & certus sum, quia iste Novitius hodie Novitiorum cellas ingressus, istius Monasterij Abbas erit. Cujus dicti veritatem postmodum rei exitus comprobavit: ille enim Aulæ Regiæ Abbas fit, quem prædixit.

Rudolphus de Walderbach.

Accidit ante annos aliquot, cùm multi essent Monachi, & Conversi in Infirmatorio Aulæ Regiæ decumbentes, quòd Frater Michaël, nunc Pater Aulæ Regiæ, cum alijs egrotaret, qui velut in sublimibus sub firmamento nubibus, quandam quasi Angelicam vidit speciem, quæ quandam auream virgulam sicut catenulam dispositam deorsum contra languidos aliquos extendebat; Illi autem omnes, super quos extendi illi virgula videbatur, in illo, quo tunc laborabant, mortui sunt, langvore. Istam visionem quasi suis carnalibus pateret oculis, omnibus exponebat, & ipsam jam quilibet langvidus metuebat, eò quòd non fiebat aliter, quàm ipsa virgula ostendebat.

Michaël Pater Aulære:

Eodem tempore Frater Laurentius, hodie Grangiaris, infirmatus ad mortem, omnibus est Sacramentis Ecclesiasticis procuratus: omnes enim, qui eum viderunt, de ipsius vita penitus desperarunt. Qui quum nimio laboraret doloris cruciamine, Gloriosam Genitricem DEI Mariam incæpit suspirijs, & lacrymis invocare: ô Gloriosa, inquit, Domina Virgo Maria tibi meæ castitatis, & juventutis florem obtuli, optans tibi diutius in hoc Monachiali habitu militare; sed ecce juvenis morior spe privatus; Adjuva me, Mater gratiæ! Mater, Misericordiæ, quòd meam valeam vitam ad tuam Gloriam prorogare! Cui tunc per quandam vocem taliter est responsum; Laurenti, non morieris modò, sed valebis; Frater autem Otto isto tempore morietur. Erat autem Frater Otto Diaconus, & Succentor, omnibus Conventualibus juvenis valde gratus. Iste Frater Laurentius, licet debilis, obstupuit, rem auditam Fratri Theodorico Infirmario retulit, & uterque quod auditum fuerat, pro phantasmate reputavit. Nec fit mora, sed ecce horâ diei tertiâ Otto Succentor, qui in Prima sanus in Choro intonuerat, ad Infirmarium infirmus deducitur, die sextâ moritur, & cum luctu Conventus more solito sepelitur; Hujus, sanatus competenter Frater Laurentius interfuit sepultura. Prædictus Frater Otto Diaconus toti cohorti dilectus, humilis, & devotus, ante exitum animæ suæ nobis pluribus presentibus, & audientibus, cæpit Nomen, & auxilium Virginis Gloriæ Mariæ altisonis vocibus, & magnis clamoribus fortissimè, & devotissimè invocare; Nos autem suis clamoribus compatiendo diximus: Bone Frater Otto, parce capiti tuo, nimis clamas, & te lædis! Ipse quasi subridendo nobis respondit: O Fratres, jam video mortem ante me, imminet jam exitus animæ meæ, de illa Gloriosa indigeo Adjutrice; Quid mihi de hoc capite? Caput meum Christus sit, & Maria. Sic igitur inter clamorem, & nominationem continuam Christi, & Mariæ Virginis, nobis astantibus, & orantibus, in Domino feliciter, & leniter obdormivit, qui post mortem suam pluribus nostræ Congregationis Fratribus in forma apparuit gloriosa, & Salvationis suæ præbuit evidentia argumenta.

Laurentius Grangiaris, id est horreus & aionæ Præfectus.

Otto Diaconus.

Circa idem tempus Frater Theodoricus, dictus Ungarus, Sacerdos, & monachus, qui mecum in cella fuerat Novitius, elanguit: & quum jam morti vicinus fuit, viribus corporis totaliter destitutus, loquelâ privatus, manum dexteram emortuam elevavit, & cum

Theodoricus Ungarus.



Hermannus  
Infirmarius

indice super Fratrem Hermannum tunc Infirmarium, stantem ibi inter alios directissime demonstravit. Considerans hoc Frater Hermannus miratur, & timet, locum hinc inde mutat, cupiens se abscondere retro dorso Monachorum astantium; Digitus verò morituri non cessat indicare constantissime super eum. Videns hoc Frater Hermannus, de Camera, in qua infirmus ille jacuit, festinè prosiliit, ad vicinam stabulam, ubi plures affuimus, confugit, nobisque morituri illius demonstrationem tremens retulit, & sic dixit: Forsitan Frater iste Theodoricus vult hoc ostendere, quòd eum sequi debeam in morte, avertat hoc DEUS, & custodiat me DEUS! Sed ecce statim Frater Theodoricus moritur, & sequenti die Frater Hermannus ad doloris lectulum deportatur, qui etiam die sextà moritur, & suum sequitur ostensorem. Quum autem idem Frater Hermannus Sacerdos humilis, utilis & devotus Monachus jam in extremo laboraret agone, accidit, quòd Dominus Conradus tunc Abbas de Praga veniret ad Monasterium, & ego secum. Quum autem suum presentem videret Abbatem, quasi de gravi somno suscitatus, sic Frater Hermannus ait ad ipsum: Bene veniatis Pater mi! ò Pater, inquit, licentiam detis mihi filio vestro! Quid? inquit. Abbas; at ille: ut vadam in viam salutis; Ad quod Abbas: Vade in pace, & Deus pacis tecum sit. Amen, ille infirmus respondit; & exhilaratus in Spiritu, & decorus vultu, de Abbatis licentia confortatus, mox sub vera obedientia nobis presentibus in Domino feliciter obdormivit. Illius (ut spero) consequutus est sortem, qui factus est pro nobis obediens Patri usque ad mortem.

Conradus  
Abbas,

Ubi querē  
dus hic Li-  
ber?

Si plura de ista materia volueris legere, require in volumine secretorum Aula Regia. Hic enim solum illa scribimus, quæ publicè ab hominibus fieri nos videmus.

## TIT. XXIX.

Henricus Abbas Sedlecensis in Bohemia Ordinis Cisterciensis, Vir insignis Sanctimonie, & magnorum in Patriam Bohemiam meritorum.

21. Aug.  
Circa 1321.

Negligen-  
tia Simeonis  
Eustachij.

Hagek post  
A. 1306.

Dubrav. in  
hist. Boh.

Francis. in  
Chron. MS

Consilio  
Henrici Ab-  
batis Bohe-

mie depla-  
ratissimus  
status emē-

datur.

**H**enricus (quem vetustæ memoriæ Heydenricum appellant) miris laudibus à Scriptoribus Ordinis sui tam à vitæ Sanctimonia, quam à singulari, & prudentissima in regendo Cœnobio sylvitate celebratur, ut mirari satis non possim oscitantiam Simeonis Eustachij, qui Origines & historiam Sedlecensis Cœnobij pollicitus, Henricum Abbatem, omnium fortasse, quos Sedleciū habuit, laudatissimum, sterili ut ita dicam, avenâ, & ignavissime quasi aliud agendo nominavit, contentus dicere Virum doctum, prudentem, & circumspectum fuisse. Henricus igitur ejus nominis Abbas II in calamitosa illa Bohemie tempora incidit cum Carinthia Dux Henricus pro Rege Bohemie se gereret, & inductis in Bohemiam novis colonis, Veteres quantum posset, expelleret, & omnia versaret pro libitu. Miserum ejus temporis statum diligenter Hagek, Dubravius, sed diligentissime omnium, qui hæc videbat Franciscus Pragensis Canonicus descripsere; sed in Epitome nostra brevissime licet, Henrici depeculationes, rapinas indignas Principe, Civitatum oppressiones, Nobilitatis excidium, quod designarat animo, aliæque ejus violenta & Tyrannica consilia explicare conati sumus, ut ea hoc loco repetere sit actum agere. His igitur malis omnibus, & rebus Bohemie propere



perditis, Joannis Pragensis Episcopi, & Henrici Abbatis prudentia & sancti-  
monia succurrit; verissimum enim illud, & omni oraculo certius esse sem-  
per existimavi, quod *Siracides* protulit: *Anima Viri Sancti enunciat aliquan-*  
do vera, quam septem circumspectores sedentes in excelsis ad speculandum. Pri-  
mum communicato cum Joanne Episcopo, & Conrado Aularegiensi, & Jo-  
anne Plassensi Abbatibus consilio, ad colloquium Bohemæ Proceres, ac cæte-  
ros Ordines evocant, miserrimum Reipublicæ statum ponunt ob oculos, u-  
nam esse salutis viam Casarem (erat Henricus VII. Imp.) implorare, ejusque  
filio Joanni Regiam Virginem Elisabetham offerre, quæ Regnum ferret pro  
dote; assentiebantur Ordines Bohemæ tam salutaribus consilijs. Sed Carin-  
thiæ Ducis incubatoris Bohemæ timore, Legationem suscipere nemo aude-  
bat; accedebat, quod ad Casarem adducenda erat Elisabeth, quæ omni Satel-  
litio & Aulicis, & omni mundo muliebri carebat à Carintho spoliata, & Cim-  
melijs omnibus exuta. Utrumq; hortatu Abbatis Henrici, Episcopus & Ec-  
clesiasticus Ordo in se recepit; ornata Virgo Regium in modum, & Legatio-  
nis Princeps Henricus Abbas cum Aularegiensi & Plassensi felicissimè nego-  
tium confecerunt. Magnum hoc in Bohemiam Sacri Ordinis Cisterciensis  
meritum haberi debet, neque unquam ex animis Bohemorum delendum,  
quo pereuntem Patriam levarunt ab humo, & ab interitu vindicarunt; præ-  
tereo reliqua de Legatione Henrici ab omnibus Scriptoribus nostris comme-  
morata. Porro Abbatem Henricum duobus ante hanc Legationem Annis  
An. 1308. Sedlecenses amiserant, nisi ipse suorum Sedlecensium relictorum, & mœ-  
rentium filiorum misertus, sponte redisset, recitabo verba Bruschi: Hey-  
denricus Abbas 15. (Waldassij) Vir justus & pius ex Sedlecensi Monasterio Bo-  
hemico, in quo jam antè Canonicè in Abbatem electus diu feliciter præfuerat,  
Waldassium evocatur An. 1308. præfuit duobus Mensibus, & quia inprimis  
charus esset tum populo, tum Cœnobio suo Sedlecensi, cui prudentiâ suâ multum  
profuerat, rogatus ut apud eos maneret, nec alibi domicilium eligeret, missis ad  
Abbatem Volccenrodensem Visitatorem primarium Waldassensem, duobus Ab-  
batibus Ossecensibus, Theodorico qui nuper ibi resignarat, & Gervico tum ad  
clavum Cœnobij sedente, oblatam Abbatiam Waldassensem cum multa grati-  
tudinis significatione reddidit, moxque Sedlecium rediit, ubi XLII. annis sum-  
mâ cum laude & gloria præfuisse legitur. hæc Bruschius. Eadem, sed ma-  
jori autoritate licet brevius, de justitia, prudentia, dexteritate & svavitate in  
regendo, ac præsertim vitæ Henrici Sanctimonia in Hagiologio Sacri Ord. Ci-  
sterciensis leguntur his verbis: xx1. Augusti. In Bohemia Beatus (nota vo-  
cem Beati) Heydenricus Abbas B. Mariæ de Zedelitz (Sedlec) Ord. Cisterc:  
qui ob insignem sanctitatis famam ad Abbatialem dignitatem evectus eam an-  
nis 42. laudatissimè tenuit, & egregijs virtutibus decoravit, &c.

Eccli. C. 37.

Abbatum  
trium Ord.  
Cisterc: me-  
ritum in  
Boh. æter-  
num.Hag. 1310.  
Dubra. in  
hist. Boh.Brusch.  
Cent. 1. Mo-  
naster. in  
Waldassio.Elogium vi-  
tæ Henrici  
Abbatis.





## TIT. XXX.

Elisabeth Regina Bohemiæ, Joannis Regis Con-  
jux, Mater Caroli IV.

1330. 28. Sep:

Fundatio-  
nes Regina  
Elisabethæ.Elogium  
hujus Regi-  
næ.Chron. Au-  
læregiæ C. 25

**F**uit hæc *Regina* non imbellis, ut ita dicam, sed heroicæ prorsus Sancti-  
monia, quæ scilicet innocentiam, fortitudinem, magnanimitatem  
plusquam virilem, invictam tolerantiam, cæterâsque virtutes Regias  
cum summa moderatione, magnificentia in sacris, liberalitate, & misericor-  
diâ in omnes conjunxit. *Cisterciensem* Ordinem præcipuo semper est amo-  
re complexa, maximèque *Aulæregiense*, & *Offecense* Cœnobium; hoc Eccle-  
siasticâ suppellectili ex auro, argento, gemmis, & pretiosissimis pannis phry-  
gio opere, & fæminarum artibus contextâ; illud ædificatione Ecclesiæ, &  
elegantissimis ad latera novem Sacellis conditis (quæ totidem Tempia vide-  
bantur) ornavit. *Sufficij* Urbe Regiâ, ut in *Epitome* narravi, *Eremitis S. Au-*  
*gustini Cœnobium* insigne excitavit; Virgines sacras *Prædicatorij Ordinis* sex  
*Olomucio* advocatas *Pragam*, in domum Fratris in *Augezd* adduxit, sed eam  
fundationem postea mutato consilio *Cisterciensibus Virginibus* sacris in *mino-*  
*re Urbe* transcripsit, quod Cœnobium ego suspicor in *Rzeporam* tandem es-  
se translatum, cum nè vestigium ejus *Praga* aliud supersit, constetque *Parthe-*  
*nonem Rzeporenses* sub *Aulæregiæ* Jurisdictione, & institutione pauculis illis  
nonaginta circiter, quibus stetit annis, vixisse. Jam quantas, & quàm pal-  
mares injurias à quibusdam *Regni Proceribus*, & ab ipso Conjuge (quem ali-  
quando in amoribus exerrasse traditur) & quoties exilium ipsum ad plures  
annos fortissimè tolerarit, & Spartanâ generositate concoxerit, in *Chronico*  
*Aulæregiæ* (quod *Petrus* loci Abbas, qui Reginae à sacris erat Confessionibus  
conscriptus) narratur. Utinam prima ejus *Chronici* pars, ac deinde secun-  
da, & tertia (quæ mutilæ sunt) extarent! absolutiorem *Bohemiæ* historiam,  
& *Elisabethæ* hujus conversationis, & vitæ insignia, ut *Petrus* loquitur, habe-  
remus, quæ in prima, & secunda parte *Chronicæ* legebantur. Epitaphium,  
quod idem *Petrus de Zittavia Abbas Aulæregiensi Reginae* scripsit, multa pau-  
cis comprehendit; inter alia

Non fuit elata, licet alto germine nata,  
Personas humiles, devotas, & quasi viles  
Despectas mundo, dilexit corde jocundo &c.  
Cuncta suæ vitæ direxit tempora rite:  
Aut legit, aut orat, proprijs manibusque laborat,  
Ornatum multum parat ad Domini quoque cultum, &c.

Solebat porrò hæc *Regina* velis Calicum sacrorum, Burfis, Frontalibus, Casu-  
lis (ut in Templis appellantur) initialem sui nominis literam E. vel ex gem-  
mis



mis, vel ex auro, & argento elaboratam affuere, ut Sacerdotes admoniti, eam in memoria haberent. pergamus ad reliqua:

*Officium Martha peragens pietatis in arte  
Contemplando pie, tulit otia saepe Maria;  
Famineos mores, & quæ spectant ad honores  
Legalis vitæ, consuevit habere peritè:  
Ut verum tester, fuit hac par Judith, & Esther  
Pluribus in factis per eandem fortiter actis &c.*

Constat hanc *Reginam* etiã bella pro *Bohemis* suis secundo semper Marte gessisse; addit eam claustralem, & Religiosam vitam sæpius sequi voluisse, & optasse. Obijt in *Wisehrad* omnibus Sacramentis munita, absente in *Carinthia* Rege *Joanne* marito An. 1330. die S. Wenceslai in Domo *Joannis Bolek* Prepositi fratris sui, cujus corpus cum biduo *Proceres* (ut in Regum, Reginarumque funeribus *Bohemis* usitatum fuit) per omnes *Prageneses Ecclesias* circumtulissent, & pro ea Sacerdotes ubique Sacra facerent, Populusque oraret, quarto tandem die in Regum *Mausolæa* in *Aulam Regiam* est illatum. De hac Regina mirabile exemplum recitat Author *speculi Gloriæ Austriacæ*, quo suspicionem à se *Henrici Caesaris* refutari adhuc novemdecim, aut viginti annorum puella, quod me hinc referre non decet; neque confirmo, nec refello, sed propè est, ut perpensâ tantâ *Reginæ* hujus modestiâ, & probitate confictum esse existimem.

Summa Regni Bohem: amatrix.

Mos circumferendi per Pragæ Regum corpora

## TIT: XXXI.

Nankerus Wratislaviensis Episcopus, gente Silesius, in cujus morte Angelici cantus sunt auditi.

**N**ankerum illustri loco in *Oppoliensi Principatu* genitum *Silesia* Civem suum agnoscit; consanguineo verò Majorum, & magno, ut ita dicam, Patruo, omnes illæ generosæ in *Silesia* stirpes gloriari possunt, quæ lignatorum securim gestant in clypeo, quales etiam ab eadem origine censentur in *Polonia* Principes *Ossolinsky*. At *Nankerus* noster natalibus suis non contentus, pretiosissimas gemmas duas apposuit, *Scientiam & Virtutem*; his gradibus ad honores Ecclesiasticos, tandem etiam ad *Episcopatum Cracoviensem* ascendit. Totus erat in imitando sanctissimo antecessore suo *Stanislao*, afflictabat corpus jejunijs, aliisque Sanctorum artibus suam exercebat virtutem; in Ecclesia perdius, & pernox orabat, benignitate incredibili rapiebatur in egenos; Domus DEI decorem diligebat, quàm qui maximè; sed penè eundem cum *Stanislao* sortitus est exitum: nam cum liberâ voce coram Rege *Poloniæ Wladislao* jura Ecclesiæ suæ tueretur, offen-

A. 1341. 10. Apr.

Pap. in speculo Mora: Okolski in Stemmatogr. Orbis Poloni.

Genus Nankeri.



Injuriae illa  
tae Nankero  
à Regibus.

Nankerus  
immunita-  
tis Ecclesi-  
asticae vin-  
dex acerri-  
mus.

Nissae reclu-  
sa Angeli-  
cos cantus  
audit in  
morte Nan-  
keri.

sus irritabilis, & corpore parvus Princeps (ob quam causam à suis Loktek quasi cubitalis appellabatur) indignum Sacerdotij fastigio, & Coronae Episcopali facinus! grandem *Nankero* colaphum infregit, Dirisque ob id devotus est; cumque semel irritato Rege, nulla reconciliatio gratiae speraretur. *Wratislaviensem Episcopatum* petentibus Canonicis pro *Cracoviensi*, approbante Pontifice commutavit; sed hinc quoque alium Principem *Lokteko* violentiam similem *Nankerus* invenit: causatus enim *Joannes Bohemiae Rex* *Miliciam* Episcopali arce ad hostes arcendos sibi opus esse, & inde se bellum gesturum, proditione indignam unius ex *Prælati Ecclesiae*, arcem occupavit, nec unquam ullis Episcopi precibus restituit, quam contumaciam Regis *Nankerus* magnam Ecclesiastici pectoris fortitudine anathemate in Regem contorto vindicavit. Nihil omissum est à Rege odiorum, nihil à *Wratislaviensibus* contumeliarum in Præsulem, ut Regi suo se approbarent; jam *Romam* lite delatam, cum sine dubio *Rex* inferior ab judicio discessurus esset, venenum *Nankero* Ecclesiasticae libertatis vindici porrigitur: *Poloni Scriptores*, Regis id factum jussu tradunt, alij ab ijs, qui Regem id velle interpretabantur, affirmant ut sit, gloria defensionis ad mortem usque Ecclesiae *Nankero* eripi non poterit. *Nissa* in ditione sua veneno depascente contabuit, postquam *Cracoviae* annis quinque cum medio, *Wratislaviae* quindecim Episcopalis muneris annos impleret. In morte *Nankeri* Cantus Angelicos suavissimos auditos *Nissae* Scriptores primae notae commemorant, & Virginem notae Sanctimoniae inter hos cantus animam *Nankeri* in coelos deferri à Coelitibus percepisse. *Wratislavia* ob *Nankeri Antistitis* sui contemptum, paulò post universa conflagravit, viditque mulier devota, & ad *S. Mauritij* inclusa (quod adhuc eadem aetate usitatum erat, ut etiam in *Odorici Raynaldi Annalibus Ecclesiasticis* legimus) Angelum DEI aspectabilem super *Wratislaviam* stantem, irato vultu, ex sinu prunas ardentes in Urbem subjectam profundentem. *Nankerus* ad Ecclesiam suam *S. Joannis Baptista* devectus est ad tumulum; Successori Episcopo *Preczlao*, *Carolus Joannis Regis Filius* pro Patre satisfecit, ut in *Vita Ven. Arnesti Archiepiscopi* memini narrasse.

## TIT: XXXII.

### Joannes IV. ultimus Episcopus Pragensis.

1343. 4. Jan:

Joannis ge-  
nus.

**J**oannes ex illustrissimo sanguine Procerum *Draziciorum* Joannis III. itidem *Pragensis Episcopi* ex Fratre *Gregorio* (*Lupacius Joanne*) nepos, commendatione doctrinae, & interiorum literarum, quas avidissime juvenis combiberat, inter *Canonicos Pragenses* gradum tenuit, & *Scholastici* titulum consecutus est; mortuo demum *Gregorio Episcopo* anno 1301. ad Episcopatum concordiam omnium *Canonicorum* sententiam evectus. Gloriosam

Joan-



Joannis Episcopi Bohemiae Principis consecrationem, cui Rex Wenceslaus Stratoris ministerium praestitit, ut in *Epitome* narravi. Complectabatur animo magna Joannes, & pecuniam, & opes non finem esse putavit, ut mortales multi, sed instrumentum quoddam, & apparatus, quo vera famae magnitudo apud homines, & in Coelo aeterna gloria comparetur. Ejus opus fuit *Pons lapideus* grandis ad *Raudnium* super *Albim*, in cujus trajectu plurimi mergebantur, quem evocatis Romae artificibus exstruxit eam mole, & magnificentia (septennio tantum, quod mirere, in opere consumto) ut parum *Pragensi* concederet. Ad *Montis* finem pauperibus Christi alendis, *Hospitalem Domum*, & census perpetuos, ac stabiles, unde alerentur, adjecit; ejus opus est insignis *Basilica Collegialis Ecclesiae Pragae ad S. Aegidium*, tum altera *Raudnicij* in Episcopali ditione *Canonicis Regularibus S. Augustini* (quos in Bohemiam induxerat, & amabat impendio) magnifice constructae, cum toto Coenobio pro vicenis Canonicis, quod fundarat; ejus opus fuit *S. Adalberti* sepulchrum, lamellis argenteis scutulato opere contextum, quam nobilem inventionem in contegendo *S. Wenceslai* corpore, *Bohemiae Proceres* postea sunt secuti; ejusdem Joannis opus ditiones, & castra *Herstein*, & *Kaiersberg*, seu *Supihora* de suo emta, & patrimonio Episcopali conjuncta; ejus opus, *Domus Episcopalis Pragae* ex lignea, lapidibus sectis aedificata, & elegantissime adornata, ut pridem descripsi; ejus opus *tres*, ut vocant, *Præbendae Canonicales* in Ecclesia *S. Viti* tum *Cathedrali* fundatae; & cum paulo ante mortem intellexisset à Regibus novam *Cathedralem Ecclesiam* ad instar *Coloniensis* descriptam propediem aedificatum iri, Joannes pro duobus sumtuosissimis sacriariis, & Altaribus in Ecclesia futura erigendis, certam pecuniae summam legavit, alterum *S. Marthae* (cujus solenne festum *Authoritate Apostolica* instituit per *Bohemia* celebrari) alterum *S. Silvestri Papae & Martyris*, ante quod postmodum in tumba cypressina *Venetis* allata Joannem ultimae voluntatis Executores tumularunt; ad utrumque Sacrarium pius Praeful Sacerdotium ad perpetuitatem fundavit. Exercitum instructissimum viris, armis, Ducibus, semper in promptu Joannes habebat, cujus ope Joannes Rex Bohemiae Pragam occupavit, & paulo post An. 1311. & 1312. Arces praedonum dejecit apud *Moravos*, & Nobilitatem compescuit, & A. 1315. secundissimo praelio *Ungaricum Bellum* confecit, pluraque alia gessit, quae in *Epitome nostra* leguntur. Haec omnia magnificum Principem, & animum opum contemptorem indicant; quae sequuntur, magis ad vitae sanctimoniam indicandam referuntur. Invaluerat pessima consuetudo per *Bohemia*, ut Domini locorum *Plebanos*, & *Rectores Ecclesiarum* pretio ad tempus conducerent, qui si Patrono Ecclesiae, seu Collatori non placerent, sine alia auctoritate dimitterentur, & alius rursus ad Patroni libitum sufficeretur; unde graviter in *Parochiali munere*, & *Parochorum* statis Censibus peccabatur saepissime.

Magnificen-  
tia in aedifi-  
cando, re-  
busque cae-  
teris.

Joannes Epi-  
scopus Exer-  
citu alebat.

Fortitudo  
adversus  
eos, qui Ec-  
clesias ve-  
xabant.



Francisc. 2.  
parte Chro:  
Prag. l. 1. C.  
16.

Synodum  
celebrat.

eiusdem vir  
tutes.

Welesl. in  
Calend. hi-  
stor. 19. Jun:  
Amor suæ  
Ecclesiæ.

Epit. hist.  
l. 3. C. 18.

Obitus &  
Tumulus.

Pont. in Epi-  
scopis Prag:  
Cruger. 4.  
Januarij.

sime. Rem ingenti animo aggressus *Episcopus*, etsi extrema quæque contra *Proceres* minarentur, ejusmodi *mercenarios Sacerdotes* à Divino suspendit of-  
ficio, eoque rem perduxit, ut *Collatores*, suos *Plebanos* ad *Ecclesias* præsentarent in posterum, neque autoritate profanâ, sed *Ecclesiasticâ*, *Sacramenta* *Populo* ministrarent, neque à *Parœcia* nisi causâ apud *Episcopum* probatâ, ejus unius, potestate demoveri possent. Interfuit *Joannes* Concilio *Vien-*  
*nensi*, summo à *Clemente V.* exceptus honore; domum reversus celebravit *Synodum*, & optimis *Constitutionibus* *Dicœcesin* suam munivit, & sepelit. *Pauperes* alebat, & cibabat, nudos vestiebat, *sex opera misericordiæ*, ait coævus *Scriptor* *Franciscus*, *semper exercens*; quæ *DEI* sunt, reddebat, quæ *Regis*, restituebat. At nunquam sinè æmulo, & obrectatore *Virtutem* inven-  
neris: ab *Henrico de Schomburg Thuringo* *Præposito* *Litomericensi* gravibus calumnijs innocentissimus *Præsul* appetitus, & accusationibus in *Curia* *Papæ* diuturnis lacepsitus, undecim annis Patriâ caruit, tandem An. 1229. à *Roma-*  
*no Pontifice* innocens declaratus, calumniatorem, non modò *Natalibus*, sed etiam *virtute* *Spurium*, superavit. In *Bohemiam* reversus, *Pragam* veniens, rectâ ad *S. Viti* *Ecclesiam* 19. Junij, 1329. contendit, & antelimen *Ecclesiæ* procumbens, & osculis limen salutans votum emisit (imitatione *Præsulum* dignissimum) *nunquam se omisurum quidquam*, quod ad *Ecclesiæ* suæ dignita-  
tem, & commoda augenda quoquomodo pertineret. Hoc *Joannis* *Episcopi* votum Sanctissimum, miror omisum ab ijs, qui ejus *Virilaudationem* nostrâ ætate scripserunt. Obijt *Joannes* *Episcopus* A. C. 1343. 4. Januarij. etsi  
anniversaria funeris dies 5. Januarij in *Pragensi Ecclesia* ageretur; rexit *Pragen-*  
*fem Ecclesiam* annis 42. super tumulum *Præsulis* marmoreum ex orichalco statuam ejus magnitudinis, quâ *Præsul* pollebat, hæredes posuere, (*Franciscus* tamen aperte scribit: hanc *Statuam* ab ipsomet *Joanne*, dum adhuc viveret, esse curatam, ut ante se mortis memoriam pius *Præsul* semper haberet) incendium Anni 1541. decus hoc cum alijs plurimis *Basilicæ Metropoli-*  
*tanæ* ornamentis corruptit. Vitam optimi *Præsulis* habet *Franciscus* *Præpo-*  
*situs* ad *S. Vitum* *Pragæ*, *Pontanus*, *Crugerius*, & nos pridem in *Vita Arnesti*.

### TIT. XXXIII.

Margarita de Zleb, Ordinis S. Claræ in Cœnobio  
Crumloviensi, vidua magnæ Sanctitatis.

A. 1368.

**M**Emoriæ *Cœnobij Crumloviensis*, tum alia certæ fidei Manuscripta, nomen *Margaritæ de Zleb*, suggerunt, eamque admirandæ Sancti-  
tatis fæminam appellant; vixit in ipsis *Cœnobij* initijs, quod *Rosenbergici Proceres* (ut suo loco scripsi) inter An. 1361. & 1368. fundarant. Fuit *Margarita* filia *Hinkonis* (non *Zbinkonis*, ut habent alij) de *Zleb*, proinde



de Illustrissimæ, & vetustissimæ stirpis *Lippæorum*, ut in *Stemmatographia Bohemiæ* probavimus. Nupta adversus animi sui sententiam voluntate Parentum, nobilissimo Viro *Henzlikoni*, seu *Joanni*, vel *Henrico de Trzemesin* (*Hasenburgicæ stirpis*) multis continenter injurijs, & contumelijs onerata, omnia ea adversa æquissimo animo ad usque mariti mortem toleravit; postmodum Ordini *S. Claræ* nomen dedit, totamque se ad studia Sanctitatis convertit, in vita, & morte miraculis clara. Vivebat paulò post An. 1365. agunt de ea *Paprocus*, *Crugerius*, & *Procerum Rosensium Annales* meminerrunt. *Crugerius Margaritam* hanc è *Wartembergico* stemmate prodijisse affirmat; quem secutus sit, nescio, cum neminem citet: constat *Zleby* ditio- nem non ad *Wartembergicos*, sed ad *Lippæos* ab omni memoria pertinuisse, ut habet in *Hussiticis Theobaldus*, ideoque cum *Robacz*, *Zleby* munitissimo castro confidens *Sigismundo* jam in Regnum paternum recepto subdere sese nollet, Patrualem ejus *Ptaczkonem de Ratay Lippæum* Rex ad eum oppugnandum misit usitato magnis Regibus consilio, ut si vellet, receptum haberet ad gratiam, quam cum contemnit, in pœnas incidit proditorum, & laqueo vitam finivit. Vide eundem *Theobaldum*.

Genus Lippæum.

Sanctitas.

Paproc. in Monaster. Bohem.

## TIT: XXXIV.

## Joannes Militius Sanctæ Ecclesiæ Pragensis Archidiaconus.

Inter illustres Sanctimoniâ viros præteriri non potest memoria *Joannis Militij*, quem falsò quidam primâ ex *Nobilitate Procerum Talembergicorum* genitum tradidère; *natalium enim conditione vilis* (ut ejus discipulus loquitur) Sanctitate, & Sapientiâ maximus evasit, vixit *Ernesti I. Archiepiscopi*, & *Caroli IV. Imperatoris* temporibus post An. C. 1360. & ultra; ejus consilio usus *Carolus*, *Venetias* (ita *Veteres lupanaria*, & *Veneris domos* vocabant) An. 1372. dejecit, ac vetuit frequentari, quo in loco *Militio* agente sacrarium conditum est *S. Magdalene*, *S. Afræ*, & *Mariæ Egyptiæ* honori. *Militium* hæreseos suspectum habuère quidam, adeò etiam *Spondanus*, & *Odoricus Raynaldus hæresiarum* appellant, quòd *Bachanalia*, & voluptates svaderet, quo nihil à vita *Militij* alienius fuit, hominis austeri, & in sese durissimi. Ejus defensionem primus ego, quod sciam, suscepi, ac virum optimum (ut alios sanctimoniâ vitæ insignes) calumniam passum ostendi in Epitome rer. Bohemicarum l. 4. C. 1. in Notis. tam irrefragabilibus argumentis, ut vel obiter ijs perperis, qui adversantur, daturi sint manus. Jam non modò hæresin fovisse pectore, sed DEI Spiritu plenum *Ecclesiis Bohemiæ* aetate suâ, velut lucernam ardentem, & lucentem præluxisse, Vita, quam sub- jicio, ab ejus Discipulo conscripta, satis demonstrat; eam ego præfixam *Mi-*

1374. 2. Feb.

Brevis de- fensio Joan- nis Militij.



litij Operibus in Manuscripto Volumine *Bibliotheca Trebonensis in Cænobio Canonorum Regularium S. Augustini* repertam, manu meâ descripsi; hæc vitâ obturatur os *Illyrici hæresiarchæ*, in *Opere de testibus veritatis*, qui *Milicium* (ut librum suum auctiorem faceret, pluresque haberet stultitiæ suæ testes) *Pontificibus oblatrâsse* mentitur.

### De Vita Vener. Presbyteri Milicij, Prælati Ecclesiæ Pragensis.

**S**cripturus vitam Servi tui ad honorem nominis Tui, prout Tu dederis. D. DEUS, per quem Ecclesiam nostrî temporis in antiquum Apostolicæ gratiæ, & virtutis decus voluisti reflorescere, eum invoco adiutorem, quem jam olim habeo incentorem amorem tuum. Quis enim de amore tuo, quantumcunque spiraculum vitæ habens, & videns testimonium gloriæ tuæ tam præclarum, & tam fidelem temporibus nostris mundo insolitum effulsisse, non agat, & satagat, non det operam, quantumcunque poterit, nè lumen à Te incensum tuorum quempiam lateat? sed quantum humano stylo fieri potest, quod melius ipse tamen per virtutem operum facis, manifestum, & exaltatû velit, ut luceat omnibus, qui sunt in domo tua? Cùm ergo Sol Justitiæ erat sub nubilo, & sui luminis claritatem absconderet, & ferè nos opprimeret umbra mortis, tunc oriens ex alto splendor lucis æternæ, qui nescit occasum, sic errorum tenebras effugavit, ut mox umbrâ remotâ, sub qua pugnabant Principes tenebrarum, ab Electis effugerent, & mox dubietatum ambages cœperunt à fidelium cordibus disperire, ut jam Christi milites teneant tam splendidum rutilantis veritatis fulgorem, ut eum nulla falsitatis caligo possit amplius obfuscare; videlicet, ubi abundavit delictum, superabundavit & gratia, & populus, qui ambulavit in tenebris, vidit lucem magnam, habitantibus in regione umbræ mortis, lux orta est eis. Et ecce radius lucidissimus, nullo erroris nubilo præpeditus, Prædicator egregius, scilicet *Milicius Presbyter Olomucensis Diœcesis de Cremsy*, non sublimium parentum existens, sed innocens manibus, & mundo corde, donisque cœlestis gratiæ refertus, cujus initijs prædicatio quasi lux procedens crevit usquè ad perfectum diem, & illuxit his, qui in tenebris, & umbra mortis erant. Hic verò erat noctis imperator, & sic crevit in Virum *Prælaturæ magnæ*, scilicet *Archidiaconatus*. In qua manens statim cœpit studiosè cogitare de salute sibi commissorum, & diligenti curâ Plebanos visitare; nihil verò ab eis exposcebat, nisi salutem, proprios sumptus expensarum, & aliarum necessitatum faciens, & licèt poterat salvâ conscientia expensis *Plebanorum* bene sustentari, tamen propter majorem perfectionem vitæ frequentius propria impendebat. In tali verò dignitate manens, licèt hoc nostris temporibus incognitum est, statim

Nota.

Militius Archidiaconus  
Ecclesiæ  
Pragensis,

Zelus.



tim cœpit in cilicio peragere pœnitentiam, & quando iter alicujus partis arripiebat, tunc duo cilicia cautè, & secretè cognato suo clerico, nomine *Stephano*, quasi pro majori suo thesauro studiosè recommendabat custodienda.

Mortificatio.

Attendens verò servus DEI Evangelicum dictum, ubi sic dicitur: *Nisi quis renunciaverit omnibus, quæ possidet, non potest meus esse discipulus*, nihil amplius sibi volebat reservare, & veniens ad *Capitulum Ecclesiæ Pragensis*, eandem *Prelaturam* spontè, nullo eum cogente, in manus *Prelatorum Pragensis Ecclesiæ* resignavit, & sic pauper manens, *Christum* sequebatur; & licèt post resignationem ipsius per *Prelatos* multùm fuerit rogatus, ut de manibus eorum eandem *Prelaturam* assumeret, quibus grates immensas retulit, sed nullatenus eandem resumere voluit, attendens ad Evangelicum verbum,

Resignat Archidiano.

ubi dicitur: *Nemo tenens manum ad aratrum, & respiciens retro, aptus est Regno DEI*. Quamvis & magnis precibus post resignationem factam per Reverendum Virum Dominum *Arnestum* bonæ memoriæ *Archiepiscopum Pragensis Ecclesiæ* fuerit rogatus his verbis: *Domine Milici, quid melius potestis facere, quàm, ut pauperi Archiepiscopo sibi gregem commissum pascere, juvare velitis?*

Cui humiliter omnino non recusavit, nec etiam pro tempore illo consensit, sed volens priùs videre: utrùm esset idoneus, & habilis ad verbum DEI seminandum, iter citò arripuit, in *Pilznensem Provinciam*, & veniens in quandam *Civitatem Domini Archiepiscopi*, nomine *Tyn*, cœpit ibidem verbum DEI prædicare.

Cùm verò vidisset pulchrum hortum plantatum in *Curia Plebani*, statim diabolus inimicus humanæ salutis, cœpit suggerere, quasi dicens: *Ecce quantis delicijs in toto æstivo tempore hunc hortum visitando in fructibus perfrueris!*

Mortificatio oculorū & affectuū in horto.

Servus verò DEI, non immemor Evæ deceptionis factæ in horto Paradisi firmavit in corde suo: quousque ibi maneret, nunquam eundem hortum intraret, neque illis fructibus vesceretur, quia non propter delectationes corporis illuc venerat, sed salutem requirens animarum.

Cognoscens ergo, quòd ex gratia DEI posset aliquantisper in verbo DEI proficere, medio anno elapso, quo continuavit ibidem prædicando, reversus est in *Civitatem Pragensem*, & cœpit in *Ecclesia S. Nicolai* in minori Civitate sub Castro verbum DEI prædicare.

Ecclesiæ Pragensis in quibus prædicabat Militius.

Considerans verò servus DEI populum studiosius verbo DEI adhærere, & sic requirens fructum majorem animarum, cœpit in *Ecclesia S. Ægidij* in majori Civitate rete Verbi DEI laxare, & quamvis in principio suæ prædicationis paucum populum habere videretur, & licèt etiam ab aliquibus propter incongruentiam vulgaris sermonis derideretur, & propter oblivionem in Festis indicendis, quorum adhuc usum non habebat, tamen in bono proposito, in quo perseverare proposuerat, nullatenus discedebat. Multi verò, etiam amici ejus sibi svadebant, ut à sua prædicatione cessaret, dicentes: *Quid tuo sermone tali proficere poteris? Ecce quanti Viri nostris temporibus fuerunt Religiosi scientifici, & illi non multùm*



Argumen-  
tum Conci-  
onũ Militij.

Fructus Cõ-  
cionũ ejus.

Quàm sæ-  
pe in die  
prædicavit  
Militius.

Neglectus  
cibi.

*profecerunt.* Ipse verò considerans *Christi* derisionem, & ejus prædicationem, quòd non solum multitudini prædicavit tantum, sed & uni mulieri, videlicet *Chananaea*; sic ipse non prætendebat confusionem pro veritate pati, nec multitudinem populi curabat, sed solummodo prætendens salutem animarum, & quòd non solum in multitudine est salus, coepit in verbo DEI esse continuus, detestans *superbiam, luxuriam, avaritiam*, quia ex his, quasi ex radice alia mala proveniunt, & sic per ejus assiduam Prædicationem, & austeritatem correctionum primò aperiebantur aures surdorum, qui prius inviti audiebant verbum DEI, postmodum verò suorum Prædicatorum immemores frequenter adhærebant ipsius prædicationi, & post coepit populus affluere, & admirabantur turbæ laudantes nomen Domini, & dicentes: *quia fecit nobiscum misericordiam suam.* Crescente itaque prædicatione ejus, incœperunt mulieres superbæ pepla alta, & gemmis circumdata caputia, & vestimenta auro, & argento ornata deponere; alij verò peccatores publici, & occulti peccata sua deshebant, usurarij usuras reddebant, artifices verò talia artificia scientes, quæ sinè peccato vix vel unquam fieri possunt, talia dimittentes, alia ex novo discebant. Alij verò quàm plures omnia pro Christo dimittebant, & ad Eremum properabant, ut ibidem solitariam vitam ducentes, & ærumnosam, de peccatis pœniterent. Ex tali verò devotione fidelium, *Servus DEI* accensus, binâ vice in die quasi frequenter prædicabat, ternâ verò sæpissime, multoties etiam quater per diem suam prædicationem faciebat; & semel contigit, quasi in uno die quinq; sermones perfecit. & hoc in talibus locis: mane ad *S. Ægidium*, finito verò sermone illo statim transivit, & ad *Beatam Virginem in lata Curia* secundum sermonem prædicavit, tertium verò post prandium iterum ad *S. Ægidium*, quartum *mulieribus pœnitentibus in Domo*, quam inhabitabant, quintum verò in *Ecclesia S. Georgij Castro Pragensi* Monialibus consummavit jam post horam vespèrarum, & ibidem primò prandium suum fecit. Et nunquam integrum diem super aliquo sermone studebat, sed in duabus horis, vel tribus magnum sermonem, & sæpissime in una hora comprehendit. Hoc verò admirans quidam *Magister Sacrae Theologiae nomine Adalbertus*, Vir nimiae literaturæ, quasi sub juramento dicebat: Omne, quicquid ego pro sermone faciendo Viris literatis, & illuminatis vix in uno mense comprehendere possum, *Militius* verò tantum unâ horâ suo studio comprehendit. Rarissimè autem ad unam horam prædicabat, sed quasi semper duabus, & aliquando horis tribus. In *Parasceve* verò, hoc est, magnâ *sextâ feriâ* statim post matutinas incipiens ad *quintam horam* prædicabat; post prandium verò horis tribus in prædicatione populum retinebat, & rarò pransus, antequam omnes sermones, quos intendebat prædicare, perfecisset. Quando verò prandebat, & post hoc facere sermonem debebat, tunc quicquid prædicare intendebat, infra prandium



um sibi illud legi fecit, & sæpissimemet legebat, vel scribebat, & comede-  
bat, sed multò avidius incendebatur de Scriptura sacra, quàm de cibo corpo-  
rali. Et licèt materias, quas prædicare deberet illas, quia valde bonæ me-  
moriæ erat, bene retinebat, tamen de se nihil præsumebat, sed devotis suis  
orationibus ad sermonem se præparabat. Quando verò finito sermone  
multitudo eum sequeretur, & pro consilijs eum petebant, licèt nimium jam  
fatigatus erat, tum benignè cuilibet spiritualiter confedit, & quidquid pro sa-  
lute animæ erat, hoc consulebat. Non enim erat acceptor personarum,  
quia nunquam aliquem, sive divitem, sive pauperem spernebat, sed ad se ve-  
nientem quemlibet benignissimè assurgens, suscepit, & penes se locavit, &  
affabiliter pertractavit. Recedentem verò quemlibet de Commodo suo  
conduxit, & sæpissime de domo, in qua manebat. Quandocunque verò  
*Mulier* aliqua ad eum pro aliquo consilio venit, rarissimè ad Commodum  
suum, licèt multis secum manentibus, tamen invitus, intromisit, & publicè  
in domo, in qua manebat, & non in occulto loco, neque prope ei confedit,  
& de salute, in quantum melius valuit, informavit, & si aliqua *mulier* sibi lo-  
quens corpori suo appropinquavit, & hoc propter suam simplicitatem, sta-  
tim rigidè dixit: *Carissima, nescis remotius stare!* & sicut moris est à se homi-  
nibus recedentibus, quòd manus sibi invicem porrigunt, nunquam alicui *mu-*  
*liebri manum* porrexit; & quandocunque *mulieri* alicui loquebatur, semper  
oculos defixos in terram tenuit, & valde seriosè loquebatur, & quandocun-  
que habebat de suo Commodo ad aliquam *mulierem* exire, licèt tunicâ simpli-  
citer fartâ, & latâ erat indutus, tamen raro sinè pallio voluit alicui mulieri ad-  
stare, vel ei confidere, & invitus cum eis longos sermones pertractabat; & si  
aliqua diffusi sermonis erat, ipse verò instruebat eam, ut brevibus verbis ma-  
teriam, de qua locutura erat, explanaret. Et quandocunque per Civitatem  
propter arduam necessitatem transibat, nunquam manum de pallio extende-  
bat, neque transiens loquebatur alicui, nisi in magna necessitate, neque ride-  
bat, sed miti modo, non vertens oculos hinc inde, gressus suos disponebat;  
& quandocunque *Clericus* suus, vel aliquis in via loquebatur, ipsum statim  
corrigebat. Et ità erat sollicitus de salute populi, quòd licèt nunquam in ju-  
ventute *Teutonicum* profecerat, volens ergo majorem populum Domino suo  
acquirere, cœpit jam in senectute studiosè *idioma Teutonicale* inquirere à suo  
Scholari, & ab alijs, quibus notum erat, & multoties totum sermonem, quem  
prædicare debebat, in *Teutonico* conscripsit, & sic incepit in Teutonico præ-  
dicare, & per hoc magis per Divinam Gratiam in verbo DEI accensus, etiam  
studentibus, & alijs viris litteratis latinè, qui miro affectu, & devotione ad  
ipsius sermones confluebant, in *Ecclesia S. Nicolai in Majori Civitate Pragensi*  
prædicabat, & eandem prædicationem omnibus diebus festivis faciendo, ul-  
trà quàm duobus annis continuavit, & postmodum eosdem sermones omni-

Humanitas  
& humilitas  
Militij.

Cautelæ in  
colloquio  
cũ fæminis.

Modestia  
Militij.

Discit lin-  
guam Ger-  
manicam.

Scribuntur  
ejus Conci-  
ones.



Testimoni-  
um de Mili-  
tij Concio-  
nibus.

Fuga otij.

Gravitas  
Militij.

Paupertas  
ejus.

bus studentibus, & alijs scribere volentibus dedit ad ingrossandum, qui sunt de Tempore, & de Sanctis in uno volumine comprehensi, & sic in hodiernū diem Militij sermones nuncupantur. Et cum D. Archiepiscopus eosdem sermones cuidam Magistro sacre Theologiae Viro illuminato, nomine Adalberto præsentari fecisset, & D. Wilhelmo Decano Wißegradensi Viro illuminato, idem verò Magister eosdem sermones conspiciens, ita respondit: *Non est verò meū illa corrigere, quæ per gratiam Spiritus Sancti sunt compilata.* Et ex hac ipsius studiosa, & assidua prædicatione, multi ex Studentibus, & alijs simplicibus Presbyteris videntes in simplici homine tale donum Spiritus Sancti enitescere, in magnos etiam prædicatores creverunt. Gratulanter ergo cum Salvatore, & Domino nostro JESU Christo est dicendum: *Confiteor tibi Pater Cæli, & terra, quia abscondisti hæc à Sapientibus, & prudentibus, & revelasti ea parvulis! & quare hoc? quoniam Pater sic placitum fuit ante te.* Quando verò finito ipsius Latino sermone ipsum Presbyteri ad Commodum suum de Ecclesia sequebantur, eos ad lineam ejusdem viæ, quâ transibat, nè eum sequerentur, trahebat, nolens sibi obsequium ab eis parari, quia à vana gloria multum se custodiebat. Mos autem ejus conversationis talis erat, quoniam aut legebat, aut aliquid dictando scribebat, aut simplices instruebat. Exercebatur igitur in justificationibus DEI semper. Detractorum verò, & susurronum, & eorum, quorum DEUS venter est, confortia penitus declinabat. post mensam verò prandij, sive cœnæ suo corpori requiem nullam dabat: nec mirum, quia & infra mensam à lectura, sive scriptura, rarò, vel nunquam vacabat. Nunquam verò propter aliquam corporalem recreationem visus est spatari, neque etiam aliquod solatium carnale à principio suæ prædicationis sibi exhibuit; neque verbum aliquod sæculare, quod ad risum eum, vel alium provocaret, aliquando protulit, & si aliquis clericorum, sive Presbyterorum sibi commanentium verbum aliquod tale dixit, statim de talibus quemlibet corripiebat, nè talibus levitatibus, quæ ad risum spectant, uteretur, sciens Vir DEO devotus, quòd levitates corporales levem animum esse ostendunt. De salute verò omnium, sicut de sua propria nimium sollicitabatur, maxime tamen illorum, quibus ipse conversabatur. Sicut semel contigit in suo quodam Scriptore, qui pro pretio sibi Thomam de Aquino super Lucam scribebat; talis verò rostra in calceis, & torquem in pallio, qui vulgariter dicitur **Oboogel** deferebat, quem nimium rogabat, & pretium XLII. grossorum, vel paulò plus sibi dedit, ut talia deponere deberet. Ità etiam erat dispositus, & in omnibus circumspectus, ut ex moribus hominis exterioris, qui videbatur, honesta, & sancta æstimeretur compositio animi, qui non videbatur. Singulis erat compassione proximus, & præ cunctis contemplatione suspensus. Cumque DEO dilectus, & hominibus Milicius, prædicationi, & alijs pijs operibus sic insudaret, nihil possidebat, nihil habebat, sciens, quòd *difficile est divi-*



*divitem in Regnum Cælorum intrare*, sed solummodo ubi à devotis hominibus comodum sibi aliquod dabatur, ibidem manebat, & quidquid causâ Dei pro ipsius corporis refectioe sibi dabatur, hoc *Clericus* suus sibi ad comedendum parabat, & etiam aliquæ devotæ Virgines, & viduæ, & aliæ bonæ matronæ in eorum hospitij ipsius fercula decoquebant, & parata sibi dabant, & licet pauca solum pro sua necessitate habebat, illa tamen misericorditer, piè, & hilariter cum pauperibus dividebat. Papyrus verò emebat, & pauperibus Scholaribus ad libros scribendos dabat, & si aliquando pauperibus dandum nihil haberet, tunc piè rogabat, ut alio tempore redirent, & quid Dominus administraret, eis tribuendum promittebat. Et cum semel in *Pragensi Civitate* transiret cum cognato suo *Clerico* nomine *Stephano*, & videns quandam Mulierem satis denudatam, reversus ad cognatum suum piè rogabat, ut pellicum, quo erat indutus, mulieri tribueret, quod & fecit, quia ipsemet non habebat aliud, nisi solam tunicam, quâ indutus erat. Et nisi motu proprio pietatis aliqui devoti sibi vestem tribuissent, nunquam solus aliquem pro indumento aliquo rogasset, & quasi citò novum indumentum haberet, statim illud, quo indutus erat, alteri indigenti tribuit, adimplens Evangelicum dictum, ubi dicitur: *qui habet duas tunicas, det unam non habenti*. Et sic rarò duabus tunicis utebatur, sed solum unâ in æstate, hieme tunicâ cum pelliceo fruebatur. Hi sunt mores, hoc studium, hæc erat vita vivendi; bene vixit, bene docuit, ab eo, quod ore dixit, opere non recessit. Cumque jam quinque, vel sex annis in *Civitate Pragensi*, & in alijs Civitatibus, & etiam in *Diœcesi Olomucensi* prædicasset, & adhuc usum communem in comestione carnis, & bibitione vini tenebat, quibus sub magno modamine utebatur, sciens per verba Evangelica esse licitum talibus cum modamine uti, ubi dicitur: *edentes, & bibentes, quæ apud illos sunt*; tamen ad majorem vitæ perfectionem anhelans, ab esu carnum, & piscium, & à potu vini, quæ licita sunt, cœpit abstinere, ut ubi aliquando illicita aliqui perpetrabant, jam pœnitendo à licitis abstractus, & sic faciendo tempus dierum malorum redimeret. Inter hæc verò indignum se judicans, Verbum DEI populo DEI seminare, cogitare cœpit, quod perfectius esset, mundum totaliter relinquendo *Religionem* aliquam debere intrare, & Crucem suam tollere, & carnem crucifigere, & relinquere, & abnegare se ipsum, & ibi temporibus vitæ suæ DEO serviendo pœnitere, sed prohibitus fuit omnibus sibi consulentibus, nè *Religionem* intraret, ut nec fugere deberet prædicationem, à qua tamen prædicatione omnibus consiliarijs reclamantibus, abstinuit per multum tempus, juxta doctrinam *B. Gregorij super Ezechielem*, qui docet, ut tacendo prædicator proficiat ad altiora prædicanda. Interea incidit in mentem ejus, ut ad *Urbem* transiret *Romanam*, & ibidem Verbum DEI prædicaret, & cum pervenisset in *Civitatem Romanam*, plusquam per unum Mensem à prædicatione

Eleemosi-  
næ studiū.

Vino, carni-  
bus, piscib;  
abstinet.

Delibera-  
tio de Ord:  
Religioso.

Romam  
proficisci-  
tur Militius



Romæ ab  
Inquisitore  
captus in-  
carceratur.

Visio Ange-  
lica Militij.

tionem abstinuit, volens per orationem devotam, & abstinentiam magnam melius in animo progredi. Et tunc cœpit jejunare jejunium *Danielis panem desiderabilem non comedendo*, in oratione instanter Sacrificium Christo frequenter offerre, & pœnitentiam agere in cinere, & cilicio. Et cum jam desperasset de adventu *D. Urbani V.* Papæ in *Urbem Romanam*, tunc præparavit se, volens iter arripere versùs *Avenion*. Et in tantum venit sibi talis cogitatio in mentem: *Vade, intima publicè per chartam, quam affiges ostijs Ecclesiæ S. Petri, sicut solitus fuisti intimare in Praga, quando eras predicaturus, quòd videlicet predicares. Exhortaberis Clerum, & Populum, ut orent pro D. nostro Papa, & pro D. Nostro Imperatore, ut ita ordinent Ecclesiam Sanctam in Spiritualibus, & in temporibus, ut securi fideles deserviant Creatori.* Et quàm citò annexa fuerat litera ostij *S. Petri* statim quærebant, ubi esset? ipse verò non aufugit, qui paratus erat pro veritate & mori, sed devotè in eadem *Ecclesia* orabat, & quàm citò fuit inventus, statim fuit per *Inquisitorem de Ordine Prædicatorum* arrestatus. Valde enim *Ordines mendicantium* sibi inimicabantur ex prædicatione, quam contra *Simoniacam* susceptionem *Ordinis*, & proprietatem *Spiritualium Virorum*, & *feminarum* faciebat, & unà cum Domino *Theoderico* Eremita Presbytero bonæ memoriæ, cum quo illuc pervenerat, vinculis gravibus mancipatus. Et cum jam ad captivitatem ducebantur, *D. Theodericus* ex fragilitate humana, considerans injuriam, aliquantulum secum murmurabat, quòd considerans *D. Milicius*, benignissime ipsum hortabatur, dicens: *Frater dilecte, memor sis Passionis JESU Christi, qui quasi ovis ad occisionem ducebatur, non aperiens os suum. Cum eum crudelissime tractaverunt, non nisi benignè, & dulciter, quæ necessaria erat, responderebat, sic quòd omnes Spirituales Viri, & Gallici mirarentur ejus patientiam.* Ipse verò fuit carceribus mancipatus per *Fratres minores* in eorum Monasterio in *Latran* ubi dicitur ad *Aram Cæli*, Dominus verò *Theodricus* per *Fratres Prædicatores in Roma*. Ipse verò *D. Milicius* magnas abstinentias sibi faciebat in cibo, & potu, à quibus in toto etiam abstinuit à quinta feria, quæ erat ante festum *Sancti Spiritus*, usquè diem *Spiritus Sancti*, & primò finitis vespere cibum recepit. Post talem verò Corporis macerationem in carcere, & in genibus orando, eo neque totaliter dormiente, neque vigilante, immensâ claritate *S. Angelus* apparuit, & ipsum consolatus est, & statim à vinculis, quibus durè, & acriter tenebatur, scilicet cippo, compedibus fuit solutus, & calamare cum incausto, & papyrus, quæ longè ab eo in carcere erant posita, sibi sunt allata. Quædam verò Vidua devota, nomine *Anka Behemit* sibi fercula & *D. Theodrico* ejus socio parabat: quàm studiosè per suum Scholarem rogabat, ut *D. Theodrico* non viliora, sed similia fercula daret; quæ tum suæ debilitati compatiens quodam die jejuno *D. Milicio* uva passa, sive uva vini decocta misit, & *D. Milicio* inscio, neque per interpositam



tam personam D. Theoderico pultes conditas eodem die, & non uva vini ad carcerem misit. Cum verò suus Clericus cum cibarijs prædictis ad eum venisset, nec sibi aliquid de ferculis D. Theoderici dixisset, statim cœpit dolere, quòd D. Theodricus vilioribus ferculis uteretur, & suo Clerico dicebat, ut rogaret eandem mulierem, nè talia ulterius faceret. Fratres verò, qui sub testimonio eum in custodia habebant, portabant sibi ad carcerem panem, vinum, & alia cibaria, & accersito ejus Scholari ponebant coram eo, dicentes: *Vides tu, Frater, siste homo morietur propter nimias abstinentias, quas corpori suo infert, immunes volumus coram DEO, & hominibus apparere; & cum fuisset interrogatus, quid prædicare voluisset, respondit eis dicens: Eja si scire vultis, tunc papyrus detis mihi cum alijs attinentijs, quæ ad scribendum spectant unà cum Biblia mea, quam recepistis me carceribus tradendo.* Cum verò hæc sibi oblata fuissent, tunc cœpit sermonem colligere vinculis existens mancipatus. Cum verò tempore deputato Prælati Ecclesiæ S. Petri fuissent insimul congregati, & alij multi Viri scientifici, tunc idem Militius, & D. Theodricus de carceribus in medium eorum ducti fuerunt, & ibidem Militius sermonem Latinum coram eis prædicavit, omnibus admirantibus super tali sermone; finito verò illo sermone è converso ducti fuerunt, sed non tam rigidè, & strictè ampliùs tenebantur. Superveniente verò Romam bonæ memoriæ Beato Urbano Papa, statim per Venerabilem Patrem Dominum Cardinalem Albanensem ambo de manibus inimicorum fuerunt erepti, & per eundem Venerabilem Patrem in Domo sua gratiosè retenti, & in omni necessitate eorum competenter procurati; adversarij verò eorum statim fuerunt beneficijs privati, & venientes ad eos, & veniam petentes, culpam suam cognoscebant, dicentes: *Meritò hoc patimur, quia peccavimus in Dominum, & contra vos.* Cum verò Pragam pervenissent, quasi nova lux omnibus Christi fidelibus orta fuisset, ità gaudebant, quia per Viros Religiosos mendicantes sæpe in eorum prædicationibus audiebant, ubi dicebatur: *Charissimi, ecce jam Militius cremabitur.* Sed quia Dominus misericors semper eruit sustinentes se. Et tunc verò cœpit fortiter Verbum DEI prædicare, nunc ad S. Ægidium in vulgari sermone, nunc ad B. Virginem in Lata Curia in Teutonico, nunc verò ad S. Nicolaum Viris literatis & ubicunque in tota Civitate Pragensi ad sermonem faciendum petebatur, nulli recusabat, sed celeriter, & hilariter facto uno sermone, ad alium properabat faciendum, & ita non parvum populum Domino acquirebat. Omnia verò facta sua cum nimia alacritate, & vultûs hilaritate, remoto à se omni tepore acediæ explebat. O quam magno gaudio anima ejus replebatur, quando alios Presbyteros in verbo DEI affici considerabat! hæc ejus erat dulcedo super mel, & favum. O quam studiosè pro omnibus fidelibus prædicatoribus quotidie orabat! non enim alicui in prædicatione invidebat, quia sæpissimè istud dicebat: *utinam*

Militius Romanæ prædicat.

Urbanus Papa Militium carcere educi jubet; Adversarij puniuntur.

Militius Pragam redit.

Charitas Militij & facilitas erga alios Prædicatores.



omnis populus prophetizet! O quantum in verbo DEI in corpore, & anima  
 sudabat, quia omnibus volentibus prædicare ipsemet sermones scribebat,  
 proprios libros mutuabat, & etiam quomodo prædicare debebant, instrue-  
 bat, populo omni recommendabat, ut eò studiosius circa eorum prædicatio-  
 nem Populus afficeretur, & pro libris comparandis pecunias ad annos ac-  
 commodando eos juvabat. Et quodcumque aliquem in modico utilem  
 in verbo DEI considerabat, ultra se populo eum præferebat. Sic talem de ip-  
 so recommendationem Populo faciebat, dicens: *Charissimi, primum talis, &*  
*talis ex novo vobis predicabit, qui est multum valens in verbo DEI, & quem*  
*adjutorio DEI multo carius, quam me audietis.* Et ad amicos suos spirituales  
 veniens, de eo multa bona referebat, dicens: *Ecce gratulamini mihi, quia*  
*DEUS talem valentem Prædicatorem populo suo ordinavit; &* alios devotos  
 homines rogabat, ut studiosè Dominum pro eo orarent, & in sermonibus  
 suis eadem faciebat, ut oratione populi gratia Verbi DEI magis in eo, ac ma-  
 gis accenderetur. Et quidquid verò utile in Scriptura sacra inveniebat, sta-  
 tim in margine libri scribebat *Nota*, valde & cum magno gaudio alios ad illa  
 convocat. Sic ipse non pro sua prædicatione id reservabat, sed charius vi-  
 debat, ut alter eo utiliora prædicaret. Ipsi autem virtus talis erat abstinentiæ:  
 à tempore illo, quo *Romam* cum *D. Theoderico* transiverat, carnes neque pi-  
 sces comedit, nec etiam vinum bibit, sed solum quidquid leguminum erat,  
 illis utebatur, & de illis verò quatuor fercula in prandio, & tria in cœna, &  
 hoc cum magna modestia non plus sumebat, & in tali abstinentia cibi, & po-  
 tûs ultra quàm sex Annis perseveravit. In lectulo verò solummodo pulvinar  
 & cussinum habebat, & illud in plana tabula, sive assere sinè straminibus po-  
 nebat, & illud occultè satis servabat, nè ab aliquo ex illo laudaretur. *Tuni-*  
*cam* verò volens dormire nunquam deducebat, sed in eadem & ambulabat, &  
 dormiebat. Quanta verò incommoda ex immunditia sui habitûs patiebatur,  
 quod vix aliquando ejus ab eo tunica extorquebatur, ut mundanda in balneo  
 penderetur. Antequam verò se posuit, tam diu ante lectum suum flexis ge-  
 nibus DEUM orabat, quamdiu à somno totaliter non vincebatur. Mul-  
 toties verò nimium fatigatus, & laboribus multis fessus, in orationibus suis  
 dormitabat, & à Scholare, qui cum eo horas dicebat, excitabatur, ut oratio-  
 nes inceptas perficeret. Lotione verò balneorum nunquam utebatur. Et  
 licet talibus multis, ut carnem suam domaret, utebatur, tamen adhuc ista sibi  
 non sufficiebant, sed & corpus suum etiam sæpe virgis affligebat, sed illa valde  
 occultè faciebat. In ipso namque tenui victu tenuis somnus comitatur; in  
 neutro autem ullam indulgit corpori satietatem. Porro ad comedendum  
 vix aliquando voluptate trahitur, sed solo timore defectus. Mos verò oran-  
 di ejus iste erat: de nocte ad orationem frequenter surgebat, perfectis verò  
 orationibus Scholarem suum ad horas sequi dicendas excitabat, & easdem  
 devo-

Afflictio  
 sui.

Orandi fru-  
 dium.



devotè, & cum genuflexione à principio usquè in finem perficiebat. Cùm verò ad illam Orationem *Sanctissima, Gloriosissima*, quam in *Prima* solemus dicere perveniret, illam cum repetitione verborum illorum sæpissima, & magno suspirio, totus in DEO suspensus explebat, ità quòd ex nimio devotionis affectu viscera in eo rugiebant; perfectis verò horis nocturnis, ac diurnis, ad prædicandum se præparabat. Expleto verò sermone quotidianà confessione, & iterum orationibus devotis ad offerendum DEO jure Sacerdotium se disponebat, & id Sanctissimum Officium cum magna devotione, & sinè festinatione perficiebat. Expleto verò Sacrificio, indumento deposito, statim super genua sua cadebat, nec se parieti, sive fedi alicui appodiabat, sed erectus corpore, & mente in cælum sæpissime usque horam meridiei orabat, multoties verò usque horam vespèrarum in iisdem perseveravit. Quocunque verò die propter aliquod impedimentum Divina non peragebat, eo die nimium turbabatur, & nimium anxius dicebat: *Quandocunque isto pane Sanctissimo non reficior, illo die anima mea nullo consolationis refrigerio potitur; sed quandocunque hoc cibo Sanctissimo anima mea pascitur, illo verò die omnes majores adversitates, quasi in favillam mihi rediguntur.* Quæcunque verò pro communi bono, & salute fidelium disponere debebat, tunc primò completis illis omnibus, recepto secum *Scholari* ad Curiam *Domini Archiepiscopi*, sive etiam *Imperatoris* currebat: post verò illorum omnium dispositionem primò veniens prandium suum faciebat. Orationem verò *Magnus es Domine*, S. Augustini, illam quotidie dicebat, accersito *Scholare*, qui libellum tenens, in quo eadem Oratio continebatur, respiciebat, nè in aliquo verbo ejusdem Orationis cespitaret. O quanto fervore, quantà devotione illam orationem perficiebat, in qua totus Divino amore absorbebatur. Solius quippe donantis, & accipientis est nòsse, quantum in eadem Oratione præveniret eum Dominus in benedictionibus dulcedinis suæ, quantà repleverit gratià, quomodo ab ubertate Domûs suæ inebriaverit. Et quocunque transibat, & si *Ecclesia* in transitu ejusdem aliqua reperiebatur, nullam præteribat, in qua non oraret. Et omnes orationes ejus magis in *Psalmis* fiebant. Et quandoque studium, & assiduum in orationibus inveniebat, præ omnibus alijs virtutibus eandem virtutem in eo diligebat. Cùm autem post hoc aliquanto tempore evoluto, iterum *limina S. Petri* visitasset, sed ibidem non longum manendi tempus protraxit. Inde verò veniens post obitum bonæ memoriæ *Domini Conradi Flebani Beatæ Virginis gloriose in Leta Curia*, eximij, & egregij prædicatoris, qui in *Civitate Pragensi* primus errores destruxit, evulsit, & virtutes plantavit. Cœpit ergo de quotidiana prædicatione studiosè cogitare, ut sicut corpus quotidiano alimento nè pereat, nutritur, ità verò & anima ex quotidianis viridissimis *Verbi DEI* pascuis pingvesceret. Adveniente verò tempore, quod dicitur *Adventus Domini*, cœpit in *Ecclesia B. Virginis*

In Margine  
M. S. Cod:  
hæc adscri-  
pta legebā-  
tur: de hæc  
verò Orati-  
one, quomo-  
do miracu-  
losè ad eam  
pervenerit,  
D. Nicolaũ  
de Olau so-  
cium nostr:  
qui nunc  
est ibi, re-  
quiratis.

Quotidie  
Missam le-  
git Militius

Oratio Mi-  
litij.

Quotidia-  
na prædica-  
tio in Tein,  
& ad S. Ægi-  
dium.



Zelus ani-  
marum.

Fructus Co-  
cionum Mi-  
litij mirabi-  
lis.

ginis in *Lata Curia* in *Teutonico* quotidie prædicare; alius verò in *Bohemico* ad *S. Ægidium* eadem prædicabat. De sermone verò primo, quem ad populum faciebat, cœpit orationes in *Teutonico*, & alias ejusdem materiæ in *Bohemico* conscribere, & eosdem factò sermone populo pronunciare, quæ quidem in utroque idiomate conscriptæ habentur, & etiam ab aliquibus prædicatoribus post sermonem in hodiernum diem pronunciantur. Talis verò quotidiana prædicatio plus, quàm tribus annis in *Ecclesia B. Virginis*, & ad *S. Ægidium* plusquam duobus vigeat; ex qua quidem prædicatione per *DEI* gratiam spirituales, & sæculares emendabantur, & frequens confessio peccatorum, & sæpissima *Communio S. Eucharistiæ* cœpit invalescere. Quando verò aliqua notabilia, & utilia in Scripturis sacris inveniebat, in nocte pro eodem *Presbytero*, qui in *Ecclesia S. Ægidij* prædicabat, sæpissimè mittebat, & eadem notabilia sibi indicabat, & quomodo eadem Populo prædicare deberet, instruebat. Quantum verò in *Scripturis* valebat, palam omnibus est, qui vel loquentem eum audire, vel aliqua, quæ scripsit, legere potuerunt. Similis ei sollicitudo de salute multorum erat, qui à primo die prædicationis suæ usquè ad obitum tam singulariter illius præclarum pectus noscitur possidere, ut erga omnes animas maternum gerere videretur affectum. Erat enim vehemens in præcordijs ejus desiderij, & perfectæ humilitatis conflictus: modò enim seipsum dejiciens fatebatur indignum, per quem fructus aliquis proveniret; modò verò oblitus sui estuabat flagrantissimo amore, ut nullam nisi ex multorum salute consolationem posse admittere videretur. Sanè fiduciam charitas pariebat, sed eandem castigabat humilitas. Infra verò in tempore quotidiano prædicationis cœpit *super Evangelia de tempore*, & *de Sanctis*, dicta *Sanctorum Doctorum* colligere, & sic cœpit ea studentibus ad ingrossandum, & alijs scribentibus pronunciare. Et licet ità magnum onus sibi imposuerat, tamen propter hoc nec prædicationem, nec orationem, nec alia pia opera dimittebat, sed ad hæc quotidie confessiones hominum peccantium studiosè in *Ecclesia B. Virginis* audiebat, & eis saluberrima consilia, quomodo *DEO* servirent, dabat. Cùmque verò tot, & tanta per virtutem gratiæ Divinæ prædicando faciebat, ut etiam in multis quasi de impossibilibus possibilia faciendo, quasi montes transferendo in oculis hominum mirabilis, & venerabilis appareret; maximè verò in tantum in eo enitescere cœpit virtus prædicationis, ut dura etiam cordis auditorum sæpe ad conversionem emolliret, vix aliquando domum vacuus rediret; postmodum verò sæliciter proficiente & usu sermonis, & exemplo bonæ, & perfectæ conversationis, rete *Verbi DEI* in manu piscatoris *DEI* tam copiosas piscium rationabilium multitudines cœpit concludere, ut de singulis ejus capturis navicula ejus impleri videretur. Inde factum est, ut majori miraculo præ omnibus, quæ Divinâ Gratiâ cooperante prædicando gessit miraculis, etiam publicæ meretricis



ces de prostibulis per ejus prædicationem ad pœnitentiam converterentur; & quæ vacuæ fuerunt, & steriles ab omni bono cœperunt abundare frumento, & de rore cœli, & benedictione DEI in tantum pingvescere omnia deserta earum, & sic multiplicatâ gente magnificare lætitiâ, ut impletum in ea videatur, quod olim dictum est per Prophetam ad Civitatem Jerusalem: *adhuc dicent, inquit, in auribus tuis, filij sterilitatis tuæ; angustus est locus, fac majorem, ubi habitemus, & dices in corde tuo: quis genuit istos mihi? Ego sterilis, & non parturiens, & istos quis enutrivit?* Et sic verè factum est; quia in principio conversionis earum, cùm adhuc paucae erant, tunc in angusto loco, videlicet in parva domo cum quadam Virgine de Moravia nomine *Catharina* habitabant in opposito *S. Aegidij Ecclesie Domo*, quæ *Pochonis* intitulatur; cùm verò numerus earum aliquando viginti tantum, aliquando octoginta, aliquando magis, vel minùs, & in hoc causa erat, quia quotidie per *probas Matronas Civitatis Pragensis* ad servitia recipiebantur, aliæ verò in Matrimonium proborum tradebantur; multæ verò à parentibus resumebantur. Et omnium earundem ipse majorem curam gerebat in victu, in amictu, & omnium aliarum necessitatum. Ex licentia verò *D. Archiepiscopi* in altari viatico in domo eadem *Missæ* pro eis legebatur, & prædicatione omni die pro eis in *Teutonico*, & in *vulgari* fiebat: multas verò, nē diutiùs permanerent in peccato, pecunijs, in quibus obligabantur, hospitium earum exsolvebat. Numerus verò earum omnium *conversarum* erat bene trecentarum, & plurium personarum. Hæc verò conversio earundem mulierum facta est sub Anno D. 1372. Et ita impletum est Evangelicum dictum: *quia publicani, & meretrices præcedens vos in Regnum Cælorum.* Jam enim de locis angustioribus non sinē divina dispositione translatae in locum planiorem, & spatiosum, ubi *prostibulum* erat priùs **Benatty** hoc nomine nuncupatum, ut ubi priùs peccaverant, ibi honestè existentes pœniterent. Quem verò locum dilectus *Militius* à *D. Imperatore* impetravit, & 27. areas pecuniâ exemit, & duas areas priùs habebat, quas quædam hospita illarum mulierum nomine *Hofarta* in agone *D. Milicio* legaverat. In eodem verò loco de consensu *D. Archiepiscopi* in medio *Capellam* in honorem *S. Mariæ Magdalene* satis in altum construxit, & *Jerusalem* loco illi nomen imposuit: ita enim in Apocalypsi scribitur: *Cecidit Babylon, & statim sequitur: Vidi Civitatem Sanctam Jerusalem.* qui locus eodem nomine in hodiernum diem ita nuncupatur. Domum etiam pulchram, & amplam pro se, & aliorum Presbyterorum secum habitantium usq̃ ædificavit. Illa verò omnia: scilicet loci munitionem, totius *Capellæ* fundamentum valde profundum, & illam *Domum Presbyterorum* longitudine 40. ulnarum perfecit, & alia edificiâ multa in domo pœnitentium mulierum, & aliarum domorum; & aliam domū fecit, illam verò satis parvam à *Festo Mathæi Evangelistæ usque Festum Purifi-*

Domū Pœnitentiæ erigit Militius.

Venetia prostibulorum locus destruitur à Militio.



Sensus ob-  
fcurus, & ali  
quid deesse  
videtur.

Vita Con-  
versarum  
mulierum.

in margine  
Codici ad  
scriptū erat  
centum.

cationis B. Maria. Postmodum in tempore longiori prædictæ mulieres, & alij pœnitentes magnificatæ ibi, & amplificatæ sunt. Et adhuc multitudini habitantium ipse locus angustus erat, ubi per eundem locum cum bestiarum filiarum, homines fiunt, & cum hominibus assuetæ conversari, & ubi prius tantillæ luxuriosè, & venenosè animas mortificantes cantabant, ibi discunt cantare Domino canticum novum à studentibus ferè omni die festivo post Latinum sermonem: *hæc est dies anni*. hominibus pœnitentibus omni die in domo earum *Salve Regina*. O quantæ verò devotæ orationes diurnales, & nocturnales quotidie fiebant! O quantæ lacrymæ sinè cessatione fundebantur! O quanta flagella omni nocte! nunc sonant pectora tusionibus crebris, nunc sudant corpora nimij genuflexionibus fessa, nunc verò manibus expansis, & oculis in cœlum erectis. quodcumque illo tempore *Capellam* intrasset hæc audiens, & si faxeum pectus habuisset, in lacrymas resolutus fuisset. O quàm assidua *Confessio* ibidem erat pœnitentium, quia quotidie *tres Presbyteri* in confessionibus audiendis sufficere non poterant. Quidquid verò talium piorum in sua pœnitentia faciebant, *non sub aliqua Regula* alicujus Ordinis, nec sub aliqua obedientia Ordinis novi, sed sponte ad pœnitendum se offerebant, neque habitus erat spiritualis pro eis deputatus, sed quidquid Dominus administrabat illis simpliciter, tanquam verè pœnitentes sinè aliqua palliatione utebantur. Et talis corporalis afflictio, & dura pœnitentia earundem pœnitentium vera esse apparet, & non simulata, nec inanis, & hoc per quandam mulierem, nomine *Ankam*, quæ prima conversa fuit, & ab hac conversione abinde veraciter dolens de peccatis frequenter plorabat, & in confessione suorum facinorum propter nimium fletum longo tempore verba exprimere non valebat. In tantum verò virgis corpus suum affligebat, quod jam mortificatâ carne, & induratâ ex afflictatione nimia verberum, dolorem non sentiebat, & tunc primò lacrymosis orationibus misericordiam DEI implorabat, ut priorum vulnere dolore possit sentire, credens à se sensibilitatem plagarum per Divinam operationem amoveri. O quantum dilectus DEO famulus Militius ex hujus pœnitentia mulieris consolabatur, & sæpius dicebat: *Quodcumque majores persecutiones patior, solum cogitans ita studiosam hujus mulieris pœnitentiam, omnia licet amara, mihi inde sua via, & dulcia sunt, quia non sunt condignæ meæ persecutiones ad pœnitentiam solum hujus mulieris*. Quapropter piscator DEI præcipiente Domino, non cessat laxare retia in capturam. Cooperante siquidem gratiâ Sancti Spiritus, quocumque in prædicatione, sive ibi in *Jerusalem*, sive in alijs Ecclesijs divertit, plenus redit, & sua eum plenitudo ubique comitatur. Et mirum in modum is, qui tantam in contemplatione rerum spiritualium, ac Divinarum accepit gratiam circa talem curam familiæ, & laboris, non solum occupari patiebatur, sed & plurimum delectabatur, quia multoties 83. personis utriusque



que sexus de omni necessitate providebat, & nullius census possessor existens, quantum verò pro labore *Capellæ*, & domorum, omni die oportebat eum providere! Et si aliquando objiciebatur sibi ab aliquibus, unde velit tanta conquirere, ipse exhortatus est, commonens eos, de misericordia DEI nunquam debere desperare. Cùmque jam istæ poenitentes prius dispersæ per diversa loca vicorum per DEI gratiam essent congregatæ, cœpit & *Presbyteros*, & *Scholares* DEO servientes congregare, & eis de necessitate etiam providere, cum quibus simul in domo, quam ex novo construxerat, cœpit habitare, non in aliquibus observantijs obedientiæ Regularis, nec spiritualis habitus pro eis deputatus, sed sicut unicuique Dominus administrabat, imò nec duo in æquali habitu inveniebantur, nec etiam aliquod nomen speciale eorum Congregationi fuit impositum. Exultans itaque devotus servus regeneratorum in Christo fidelium, & manum Domini intelligens secum operantem, cœpit ex hoc palàm servitium DEI in eadem *Capella* augmentare, ita quòd ferè prædicatio quotidie ex licentia D. *Archiepiscopi* vigeat, multoties verò diebus festivis quinque vicibus in eodem loco prædicabatur, in teutonico, latino, & vulgari sermone. Duæ verò *Missæ*, una manè de *B. Virgine*, & alia de die in cantu, omni die perficiebantur, aliæ verò lectæ sex, aliquando 8. & aliquando 16. & sic ferè omni die *Divinum Officium* usque ad horam meridiei fiebat. Istis verò horis, scilicet vespertinis, & matutinis frequenter ipsemet intererat. Satagens etiam *Famulus DEI* bonis operibus abundare, non solum domesticorum suorum curam habebat, sed omnium indigentium indifferenter ad eum venientium inopiam, quantum magis valuit, supplebat. Omni die catervatim ante domum pauperes stabant, exitum ejus præstolantes. Et quodcumque jam stantes pauperes conspiciebat, quidquid habere poterat, inter eos dividebat. Sin autem ipsemet carebat, tunc currebat inter *Presbyteros*, & alios familiares pecuniam accommodando, & quemlibet singulariter interrogando, quis quid haberet, & quidquid congregare poterat, hilariter descendens, prout unicuique magis poterat, tribuebat: quando verò nec solus habuit, nec alij sibi ad accomodandum aliquid habere poterant, tunc tristis ad eos descendit, & exspectare pro tempore, vel aliâ horâ venire jussit: quando verò DEUS aliquam summam pecuniæ sibi administrabat, licet eandem pecuniam pro expensis, pro labore, & alijs debitoribus dare debebat, tamen principaliter de pauperibus cogitabat, in hæc verba gaudenter prorumpens: *ubi modò sunt nunc pauperes?* quibus venientibus, & alijs jam expectantibus misericorditer subveniebat, multoties verò à procuratore coquinæ, quæ jam pro expensis familiæ dederat, iterum resumebat, & cum pauperibus dividebat. Ità verò pius erat, quòd in minutissima, quæ erant sibi pro refocillatione capitis parata, cujus dolorem sæpissime patiebatur, illa cum omnibus dividebat, semper arbitrans, quia alter illis plus

Nova Domus pro Scholaribus à Militio excitata.

Consuetudines piæ domus Clericalis.

Eleemosynæ Militij.



eo indigeret. Cum verò tempus hiemis instare cœpit, oblitus fui de alijs principalem curam gerebat, & hoc in multis ejus factis, & spiritualiter in isto apparet esse manifestum: cum semel satis grande jam hiemis frigus instaret, & ipse solam tunicam in se haberet, tunc quidam nobilis & devotus Vir, nomine *Thomas*, cujus viri notitia à multis non parva habetur, misericordiâ motus vocavit quendam *Presbyterum*, nomine *Woyslaum* sibi familiarem, dicens ad eum: *Considero D. Milicium nil pro se velle reservare, sed si vellet pro sua persona reservare, bonum vulpinum pelliceum sibi darem; quam rem idem Presbyter D. Militio retulit; cui ipse respondit, dicens: hanc rem nullo modo faciam, ut tantummodo pro me servaturum promitterem; & charius frigus sustinuit, antequam tali conditione pelliceum susciperet.* Videbat ista omnia peccator, & irascebatur, dentibus suis fremebat, & tabescebat; justus autem confidens in Domino gloriosè de sæculo triumphavit. Itaque eo publicè prædicante, & opera pia exercente amici amicos à via avertebant, quia voci ejus *Spiritus Sanctus* tantæ dabat vocem virtutis, ut vix aliquis aliquem teneret iniquitatis affectum. Crescente siquidem numero eorum, qui in hanc conversionis unitatem consenserant, sicut de primitivis Ecclesiæ filiis legitur: *Multitudinis eorum erat cor unum, & anima una in Domino, & habitabant unanimiter simul.* Erat enim eis una domus, præterea & communis omnium, ubi cohabitabant. Si verò quis illuc intrabat videns & audiens, quæ ibi gerebantur, ac dicebantur, sicut de Christianis Corinthijs Paulus dicit omnibus quodammodo prophetantibus convincebatur, & adorans Dominum, & confitens, quòd verè DEUS esset in eis, aut ipse unitati adhærebat, aut recedens flebat seipsum, illos autem beatificabat. Sed cum malignus spiritus nimia detrimenta per Virum DEO dilectum sibi imminere cerneret, *Pralatos, Plebanos, Religiosos* ad furorem in eum suscitavit, ita, ut prædicationem sibi sapius prohiberent, & *hereticum* eum appellarent: Sed plane eum boni omnes, & mirantur, & diligunt, nam qui *hereticum* eum appellant, insaniunt. Vir verò DEO dilectus, futurorum bonorum præsciis, cum malediceretur, non maledicebat, sed patienter omnia tolerabat. Tot sunt ergo, & tantæ, quas in hunc modum de eo audivimus, & vidimus virtutes, & circa diversas hominum necessitates diversæ opitulationes, ut si omnes velim vel verbo, vel scripto pronunciare, timeam, nè fastidiosis incredulitatem, vel incredulis fastidium inveniar generare: aliquanta siquidem eorum narrare volenti, plura se offerunt; in omnibus autem operibus suis quàm purus ejus sit oculus intentionis, manifestè denunciat corpus lucidæ ejus operationis: patientiam verò ejus maximè quidem flagellis Dominicis excitatam invenimus, & probatam; quæ nimirum ab ipso suæ prædicationis initio usque ad diem beatæ dispositionis tanta sustinuit, ut vita ejus his, qui noverant, nonnisi quædam mortis protelatio videretur. Et quia hoc genus patientiæ

Diabolus  
adversus Mi-  
litium con-  
furgit.

folet di-  
corporis  
poris la-  
mancip  
familia  
sustineb  
bertate  
num re  
fis, de q  
Injurias  
bo enat  
um Ple  
lebant,  
verò in  
falsis eu  
cætera  
sed semp  
contum  
in secul  
& Sode  
Sit nom  
apparet  
præsen  
quia in  
de ostic  
conviv  
verò Pr  
piter in  
pellare  
probric  
tūm co  
verò al  
confor  
enim ta  
runt in  
xerunt  
mine K  
mino Pa  
gratus  
talis in  
folet



solet dici tripartitum, videlicet ad verborum injurias, ad damna rerum, & ad corporis lesionem, de singulis in processu videamus. Quomodo verò vel corporis lesionem non pateretur, qui duras, & opacas carceris, & vinculorum mancipationes gratè & dulciter sustinuit, & quando sibi dicebatur ab aliquo familiari, tristantium ejus illa dura vincula, quomodo gravia in carceribus sustinebat, ipse verò respondebat: *melius credo ibi tunc erat, quàm nunc in libertate*, quia plura pro veritate sustinere desiderabat. Et quomodo *damnum rerum* cum hilaritate non sustinisset? qui *Prælaturam Ecclesiæ Pragensis*, de qua suprâ dictum est, & omnia, quæ habere poterat, sponte resignavit? *Injurias verò verborum* quantas sustinuit, & quis ista poterit scripto, vel verbo enarrare? sicut bene patet in quodam Concilio contra eum factò omnium Plebanorum, exceptis paucis aliquibus pauperibus, qui eis adhærere nolabant, quibus à *Domino Dytlebo* dicebatur: *Vos Militiani recedatis!* tum verò in *Curia Archiepiscopi*, paupere *Militio* coram eis comparente in multis falsis eum accusabant, & ei verbis multis, ac probrosis conviciabantur, inter cætera verò dicebant: *à principio predicationis tuæ nunquam pace fruimur, sed semper disturbia multa patimur*; quibus humiliter respondit, non verbis contumeliosis, sed Divinis; *Sicut erat in principio, & nunc, & semper, & in sæcula sæculorum, Amen.* Quem sæpius & *Beghardum*, & *Hypocritam*, & *Sodomitam* eum appellabant, qui tunc omnia patienter toleravit, dicens: *Sit nomen Domini benedictum.* Et hoc Fratres est gloria DEI. Et hoc bene apparet in quadam correctione cujusdam magni Prælati, de cujus nomine ad præsens volo subticere, quam fecit ad eum litteratoriè de ejus fornicatione, quia in detrimentum animæ suæ, & multorum in scandalum perpetrabat, & de ostiolo quodam, quod in domo sua fecit pro eis nequam ducendis, & de convivij, quæ alijs Prælatis faciebat, ejusdem malitiæ sibi similibus. Idem verò Prælatus auditâ litterâ, sed non ex toto, & per eum distractâ, cœpit turpiter increpare, & modò *latronem*, & *Militium* pauperem, *Sodomitam* appellare, & sibi adhærentes. Cùm verò fuissent sibi verba ista multum opprobriosa ab eodem revelata, qui litteram eidem *Prælato* in faciem legit, multum cœpit de illo gaudere, quòd talia pati pro veritate deberet. Quando verò aliqui sibi commanentes injurijs nimij verborum afficiebantur, ipse confortans eos, dicebat: *ut quid de talibus turbati estis, quæ minima sunt? vos enim talia, quasi prunella sumere deberetis.* Postremo verò in tantum fuerunt in furem concitati, quòd & 12. articulos falsos, & mendaces construxerunt, & eos *Curiam Romanam* ad quendam Magistrum S. Scripturæ, nomine *Klonkoth* miserunt. Hos verò articulos idem *Magister Domino Papæ* porrexit, & sic nimium fuit in *Curia Romana* super carbones denigratus. Cùm jam verò *D. Papa* litteras suas *D. Archiepiscopo* misisset, quia talis in tantum est delatus, ut si ita esset, ut quid *D. Archiepiscopus* talia in sua

Persecutiones Militij, & in ijs patientia.

Dietlebus adversatur Militio.

hiatus, quæ legere non potui. Rursus Militius Romæ accusatur.



Orationes  
Militij ad-  
versitatis  
tempore.

Appellatio  
Militij ad  
Sedem Apost.

Romam  
profectio.

Dicecisi fieri permetteret? quibus omnibus istis auditis, omnia patienter pro Christi nomine ferens D. Archiepiscopus hilariter aggreditur, dicens: O Patet venerande! nolite ex hoc turbari, licet sim in multis in Curia Romana accusatus, tamen tota spes mea in DEO est; quia veritas ultra claritatem Solis nulla eam valente caligine falsitatis obfuscare elucebit. O quam multos persecutores, & quam multos detractores perpeffus est! sicut ex his verbis bene jam apparet, tamen in furorem carnalem ex hoc non est concitatus, nec ex eo magis turbabatur, sed semper hilari vultu, & lato animo apparebat, & quanto plures persecutiones inimicorum patiebatur, tanto plus pro eis orabat, & alias personas, quas devotas esse sciebat, studiosè rogabat, ut pro inimicis suis ferventer orarent. Talem verò modum orandi pro eis dabat, ut ad modum Crucis prostrati, misericordiam DEI provocantes, dicerent: Deus propitius esto mihi peccatori, quia peccavi super Sodomam, & Gomorram. Alia verò verba ista erant: DEUS propitius esto mihi peccatori, quia non sum dignus videre altitudinem Caeli præ multitudinem iniquitatis meæ; & ista erant: Misere mei, fili David! Cum verò magis, ac magis in eum furerent, & exquisitos modos persequendi eum excogitabant, & citationibus sæpissimis virum Deo dilectum fatigabant, videntes verò, quòd in nullo horum profecissent, quia justus non habebat, unde convinceretur. Postmodo omne judicium totius causæ istius Inquisitioni delegarunt, & cum jam per Inquisitorem fuisset citatus; quod ille videns, tantæ eorum vesanix locum dedit, & factâ appellatione sub publica manu coram Generali Vicario D. Archiepiscopi, & coram Officiali, & D. Inquisitore, & publicè in Ecclesia S. Aegidij, & in Ecclesia S. Galli majori populo ad sermonem conveniente ad Sedem Apostolicam confugit, cui datum est probare Spiritus, & Scripturas. Tanto fervore charitatis, erga salutem, & erga pauperum inopiam proximorum erat accensus, ut etiam in eadem via, ubi locum habere poterat, salubria monita per prædicationem populo exhiberet. Quidquid verò à devotis, & amicis pro expensis hujus viæ sibi offerebatur, quamvis quatuor personas secum equestres perducebat, tamen largas eleemosynas pauperibus ubique erogabat. Et non expectabat, ut precum instantiâ ab eo eleemosyna extorqueretur, sed ubicunque circa viam aliquos transeuntes conspiciebat, qui sibi pauperes videbantur, Scholarem suum nomine Jacobum mittebat, ut si eleemosynam velint accipere, inquireret. In Curia verò Romana existens, copiosas eleemosynas faciebat, & quod pro se, & sua familia habebat, præbebat de illo; si plus non poterat habere, mediam saltè partem pauperibus erogabat. Quamdiu pecuniam habere poterat, quibusdam socijs, & pauperibus secum habitantibus de Moravia, semper in octo diebus unum florenum dabat, quem pauperes, ubi transibant, catervatim sequebantur. Quendam verò Lombardum Virum Furis peritum secum in via habebat; cum verò ad partes suas idem Lombardus



das recedere deberet, omnem pecuniam, quam habebat in quinque partes dividens, quia *quinque* personæ erant, unam partem, & equum, cui infederat, misericorditer tribuens, amicabiliter valedixit. Quamvis verò labor viæ ejus in *Quadragesima* erat, in quo tempore horis Canonicis longioribus, quàm in toto anni circulo utimur, tamen servus DEI fidelis *Milicius* omnia, & *septem Psalmos*, & XV. gradus, & *Vigilias* in via devotissimè explebat. Divinum verò Sanctissimæ *Missæ* Officium, excepto uno solo die per totam viam ardentissimè perfecit, anhelans ad mensam illam cœlestis Curia citius pervenire, de qua in Evangelio Lucæ dicitur: *præcinget se, & faciet illos discumbere, & transiens ministrabit illis.* Talem verò virtutem, & gratiam DEUS contulerat sibi, quod & inimici videntes ejus personam sibi pacificè loquebantur, in nullo eum accusabant, & istud manifestè apparet in adventu ejus in *Curiam Romanam*, licet prius nimium criminose accusatus fuisset, postmodum eo veniente omnes sibi benefavebant, & ejus major adversarius, *Magister* videlicet *Klonkoth* cujus mentio superius facta est, cum fuisset per *D. Cardinalem Albanensem* vocatus, & quid de *Militio* sentiret, interrogatus, dicebat: *Ego nihil mali invenio in homine isto, sed solum id est: cum fuisset litteratoriè per quendam Plebanum Pragensensem monitus, & rogatus de articulis talibus, eosdem D. Apostolico porrexì.* Et hoc fiebat ex gratia illa, quam nimiam ad inimicos suos habebat. Tanta verò prædicationis gratia fuit sibi à Domino collata, ut à prædicatione meretricum iverit ad prædicationem Cardinalium, & à mensa Publicanorum ad mensam Cardinalium, & Episcoporum: & talis reverentia fuit sibi exhibita non desideranti post prædicationem, quam fecerat coram *D. Cardinali Albanensi* in die *S. Spiritus*, ut eodem die idem *Cardinalis* in tabula eum tertium à latere suo collocarit. Et nunquam tantum vigilanter, & tantum orabat pro seipso, sicut pro inimicis suis, ita ut rugitus viscerum ipsius à devotis, & fide dignis in hac oratione audiretur; sicut & manifestum est in infirmitate adversarij: cum enim de infirmitate majoris ejus adversarij sibi dictum fuisset, nimium cœpit turbari, & suos familiares rogare, ut quivis eorum prostratus ad modum crucis pro eo ferventer orarent, ipsemet verò in suo Commodo prostratus, devotè cœpit misericordiam DEI implorare, ut Dominus daret sibi pro eo mori, vel hîc, vel in purgatorio pati; & id manifestè continetur in literis, quas post mortem ejus adversarij *D. Archiepiscopo*, & *D. Imperatori* scripserat, & tenor in eisdem literis est talis: *Serenitati vestræ significo, quia unus ex illis, qui scenam omnis virtutis, & pulchritudinis formam Regni Bohemæ infamando in me obtenebrare volebant, ab hac luce migravit, videlicet Magister Johannes Klonkoth, cujus DEUS animam habeat! non autem ad gaudium hoc intimo, quia mortuus est, nam DEUM oravi, ut DEUS faceret me mori pro ipso, vel pati in hoc mundo, vel in purgatorio, & sicut bene convenit cuilibet fidei prædicato-*

Iter Militij  
Roman.

Milicius Ro-  
mæ reveren-  
tissimè sus-  
ceptus.

Amor in-  
gens inimi-  
corum in  
Militio.

Literæ Mi-  
litij ad Imp.  
Carolū IV.

Klonkoth  
adversarius  
Militij mo-  
ritur.



ri, ut aliquando bona opera sua tempore exigente Christi fidelibus manifestet, sicut declarat B. Gregorius super Ezechielem homil. 9. in initio sic dicens: hinc est enim, quod justī, atque sapientes aliquando virtutes suas prædicant, bona, quæ divinitus acceperunt, narrant, non ut ipsi apud homines suâ ostensione proficiant, sed ut eos, quibus prædicant, exemplo suo ad vitam trahant. Unde Paulus Apostolus, quoties fustibus casus, quoties lapidatus, quoties naufragium pertulit, quanta pro veritate sustinuit, quod ad tertium cælum raptus, quod in Paradisum ductus sic Corinthiis narrat, ut eorum sensum à falsis prædicationibus avertat, ut dum se innotesceret, qualis esset, illi eis vilescerent, quos ab eis cognoverat iniquè venerari. Quod perfecti cum faciunt, id est, cum virtutes proprias loquuntur, in hoc quodammodo Omnipotentis DEI imitatores sunt, qui laudes suas hominibus loquitur, ut ab hominibus cognoscatur. Nam, cum per Scripturam præcipiat, dicens: laudet te os alienum, & non os tuum, quomodo facit ipse, quod prohibet? Sed si virtutes suas Omnipotens DEUS staceret, eum nullus agnosceret, si eum nullus agnosceret, nullus amaret, si nullus amaret, nullus ad vitam rediret; unde per Psalmistam dicitur: virtutem operum suorum annuntiabit populo suo, ut det illis hereditatem gratiarum. Virtutes ergo suas annuntiat, non ut laudibus suis proficiat, sed ut hi, qui hunc ex sua laude cognoverunt, ad perpetuam hereditatem perveniant. Justi itaque perfecti non solum tantum cum vituperationis suæ verba reprehendunt, sed etiam cum virtutes suas, quas habent, infimis loquuntur, reprehensibiles non sunt, quia per suam vitam, quæ referunt, aliorum animas ad vitam querunt: de quibus tamen sciendum est: quia nunquam bona sua detegunt, nisi eos, ut dixi, aut proximorum utilitas, vel certè nimia necessitas cogat. Unde Paulus Apostolus, cum virtutes suas Corinthiis narrat, subjunxit: factus sum insipiens, vos me coëgistis. Hæc ille.

Militius ad  
mortem se  
comparat.

Cum verò post tantos labores, ac sudores Dominus dilecto suo Militio Presbytero diu desideranti pretiosæ mortis somnum dare disponderet, fidelem suum introducere in requiem suam, cœpit magis, ac magis in ipsum promptus proficere spiritus, caro infirma deficere. Cognoscens enim Vir DEI propè esse jam bravium, solito currebat alacrius, & terrestris habitationis suæ dissolutionem sentiens imminere votis uberius aspirabat ad habitationem non manufactam æternam in cœlis. Corpus in lectulo decubans varijs exercebatur incommodis, animus tamen nihilominus liber, & potens, quæ DEI erant, exercebat invictus, non cessans quoque in medijs doloribus meditari in aliquo, aut dictare; quia solum duobus diebus, aut paulò plus ante mortem duas Epistolas pulcerrimas suo ore Scriptori pronunciavit; unam videlicet Dominis de Rosenberg ferventissimè ex Scripturis sacris, ipsos ad opera pietatis incitando, & quod nihil omne præfens sit, mentibus eorum inculcando. Epistola autem eadem est in hæc verba: Deest Epistola.

Aliam



Aliam verò Venerabilissimo Viro D. Cardinali dulcissimo Albanensi, quam idem Cardinalis cum magna reverentia recepit, & devotione, ipsam cum lacrymis perlegendo, & alijs eandem demonstrando, *Beatum* ipsum multis rationibus asseverando, dicens: *Licet frater meus Dominus Urbanus Papa clarescat miraculis, hic tamen Militius ante fratrem meum, ut arbitror, deberet canonizari.* Hoc verò Exemplar Epistolarum, & cætera ejus verba declarant, quæ Pater DEO dilectus jam morte imminente dictavit. Ex cuius nimirum tenore possit diligens Lector beatum illius vel ex parte aliqua perceptus agnoscere, quanta illi in ipsa sui ruina corporis tranquillitas mentis, serenitas animi, suavitas spiritus in oblatione hostiæ salutaris (quam usque ad excessum ultimum vix aliquando intermisit) artus sibi vigore spiritus sustentabat semetipsum pariter offerens acceptabilem hostiam DEO in odorem suavitatis. In ipsa verò infirmitate à pijs operibus non cessabat, quia quandoque ab aliquibus devotis sibi aliquid dabatur, pauperibus impertiri jubebat.

Testimoni-  
Cardinalis  
Albanensis  
de Militio.

Hic est viarum tuarum Pater dulcissime finis beatus, & hic labor ultimus in hoc opere vitæ tuæ. Labores tuos gloriosè complevit, qui magnificè semper honestavit te in laboribus tuis, te in suo nomine, & nomen suum in te glorificans Rex gloriæ D. DEUS tuus. Anno igitur Dominicæ Incarnationis 1374. in die S. Petri Apostoli de mundi hujus naufragio migravit ad Dominum, de servitio ad Regnum, de labore ad requiem, de morte ad vitam sempiternam, parante D. N. JESU Christo, qui cum DEO Patre, & Spiritu Sancto vivit, & regnat per omnia sæcula sæculorum, Amen.

Obitus Mi-  
litij.

Post mortem verò tanti Patris, quis erat apud nos tumultus cogitationū! quot naufragia animorum, cum thesaurus tam amabilis raperetur à nobis & præsentibus cernentibus, nec spes esset retinendi, nec facultas aliqua commendi. Pater erat, sed qualis Pater! qui videbatur abire nobis quodammodo proprius, tamen toti mundo communis. Erat enim omnium bonorum gloriatio, & malignantium metus, ut de eo non incongruè videretur esse psallendum: *videbunt recti, & letabuntur, & omnis iniquitas oppilabit os suum.* quo præsentis omnis multitudo fidelium jucundabatur, duritia compungebatur, & tunc clamandum: *Pater mi, pater mi! Currus Israël, & auriga ejus!* auriga agitat, & currus portat. Currus erat, qui tot mala tolerando sustinuit; auriga, quia populum bonis monitionibus exercebat. Tu fluctuantium portus, clypeus oppressorum, ut de seipso B. Job loquitur: *Caco fuisti oculus, & pes claudus.* Tu perfectionis Exemplar, virtutis forma. Tu gloria Israël, tu letitia Jerusalem, oliva fructifera, vitis abundans, palma florida, Cedrus multiplicata, platanus exaltata, vas electionis, vas honoris in Domo DEI. Tu Ecclesiæ Sanctæ fortissima, splendidissima columna, tu vehemens tuba DEI, tu dulcissimum Spiritus Sancti organum, pios oblectans, desides

Dolor de  
morte Mi-  
litij.



excitans, debiles portans, cujus medicinalis lingua morbos curabat, cujus erat simplex habitus, supplex vultus, dulcis facies, generosus aspectus, cujus denique vita fructuosa, mors pretiosa, quia tibi vivere Christus fuit, & mori lucrum. Quod si nobis alterum fortasse utilius, sed alterum multò melius tibi. Et quod tibi jam commodum, nobis si piè sapiamus, non potest non esse jucundum. Cæterum etsi pium est gaudere te *Pater bone*, quia qui in gaudium Domini fæliciter introisti, non tamen impium super nos ipsos flere, quos nimirum abeunte te solito gravius horror geminus circumscripsit, dum nobis est vita tædio, mors timori. Et si pium est, gaudere te, quod beato transitu mortis ad torrentem voluptatis, quam ardentè sitieras accessisti, nostram tamen vicem dolere non impium, quibus & vivendi omnis pariter sublata est svavitas, moriendi nondum oblata facultas. Et si pia tibi impenditur congratulatio, fælix anima, quæ in plenitudine lucis exultas, non tamen impia super nos assumitur lamentatio, qui relictī sumus videntes afflictionem populi, & desolationem Civitatis sanctæ Jerusalem.

Haftenus Codex M. S. Bibliothecæ Trebonensis.

Quædam  
scripta Joan  
nis Militij  
recensentur

*Militius* multa scripsit, omnia sermone Latino; legebantur ejus libri quondam velut prophetici, & quia (fortasse nimium audacter) *Cleri*, & maximè *Mendicantium* (quod eâ ætate *Clerus* adversus istorum *Privilegia* confurrexisset) vitia reprehendebat, *Hussuæ* (ut hæreticorum mos est) eum velut sectæ suæ amicum laudabant, & ejus testimonijs prolatis sua confirmare sunt soliti, ob eamque causam *Sbigneus Hasemburgius Archiepiscopus* (qui ob id etiam ignorantia accusatur) *Militij opera* cum cæteris hæreticorum scriptis publicè rogo excitato cremavit. Hæc sunt, quæ invenire licuit à *Militio* scripta:

*Quadragesimale*. Conciones scilicet. inveniuntur in Bibliotheca Societatis JESU ad S. Clementem Pragæ N. 206. & 216.

*Prothemata de B. Virgine*. Liberegregius. In eadem Biblioth: N. 301.

*Postilla* ejusdem in Evangelia. Ibid. N. 404. Tomus I. sunt quædam Opuscula *Militij* in eadem Bibliotheca O. 216. Tomus II. hujus *Postillæ* habetur in Bibliotheca Trebonensis Cœnobij lit. M. & *Postillæ* I. pars lit. F. 2.

*Sermones* ejusdem in Bibliotheca Trebonensi lit. O.

TIT: XXXV.

Carolus IV. Imperator, & Bohemiæ Rex, Pater Patriæ.

A. 1378. 29.  
Nov.

**C**arolus Joannis Regis Bohemiæ Luxemburgici, & Elisabethæ Wenceslai II. Bohemiæ Regis filia primogenitus, editus est Pragæ An: C.

1316.



1316. 14. Maij; post sexdecim dies 30. Maij in Pentecoste in Ecclesia Pragensi (quod ipsemet Carolus in pluribus Diplomatis huic sanctæ Ecclesiæ datis, gratus agnoscit) sacris aquis ablutus, Wenceslai nomen accepit. Septennem puerum Joannes Rex parens die S. Ambrosij An. 1323. in Galliam ad Amitinum Regem (qui scilicet Mariam Joannis Regis Sororem in conjugio habebat) ablegavit, ut educaretur; educatus est jussu Regis (qui etiam Wenceslao in confirmatione solenni Caroli nomen jussit imponi) liberalissimè, & bonarum artium studijs innutritus ab Joanne de Cara, eam pietatem erga DEI Matrem inibibit, ut quotidie quantumvis adolescentulus, incitante ipso Rege Carolo, Horas B. V. MARIÆ gloriøsæ recitaret, conjungens literas, & pietatem cum optimis aulæ illius exemplis: Rex enim prædictus (verba sunt Caroli IV.) non erat avarus pecuniæ, & utebatur bono consilio, & Curia ejus resplendebat bonorum Principum tam spiritualium, quàm secularium congregatione. In illa celebri Galliæ Regis Aula, intimâ amicitia complecti cœpit Petrum Abbatem Fuscanensem Virum ætate suâ disertissimum, quem cùm etiam adolescens audiret, inflammari se incredibiliter ad DEI amorem sentiebat; hic Carolum pro filio susceptum, sacrarum Literarum veteris, & Novi Testamenti Quæstionibus totum occupabat, & difficillimis locis explicatis, admiratione, & stupore defixum, interioribus illis, & Divinis arcanis tam procul admovit, ut etiam in ætate virili, & senectâ Carolus totum se in ea abderet, in his elaboraret, & commentaretur plurima. extant in Manuscriptis Codicibus Bibliothecarum Caroli Commentarij in Evangelia; ex quibus quosdam Tractatus Evangelicos in vita Caroli IV. legimus editos à Frehero; at in MM. SS. ut dixi, plura, & lectiora habemus. Ad Petrum redeamus; de quo illud singulare Carolus in vita sua refert, quòd cùm adolevisset, & nihil præter Marchionis Moraviæ titulum haberet, idem Petrus jam Archiepiscopus, & Cardinalis existens in domo sua (verba ipsa annúmero) dixerit: Tu eris adhuc Rex Romanorum. cui respondi: Tu eris antè Papa! quod utrumq; secutum est: Petrus enim Pontifex electus, & Clemens IV. est dictus, qui Gentis Bohemæ (ut alibi narravimus) summus fuit amator. Revocatus deinde Carolus à Patre domum in Bohemiam, Papiæ gravissimum adiit vitæ discrimen, ac nisi eo die ob susceptionem Ven. Eucharistiæ jejunâssent, perierat: nam omnes Aulici, quicunque jentârant, veneno ollis in Culina injecto, sunt sublati; Carolum SS. Eucharistiæ suscipiendæ reverentia servavit in vita; quod ipsum latè in Vita commemorat. Alio cœlesti miraculo Carolum suum ex Venerabili Hostia Divinitas servavit: nam cùm in Carolum, cui antè fidelitatem promiserant, bella pro Patre in Italia gerentem Gubernatores Civitatum Parmæ, Regij, & Mutinæ occultè conspirâssent, & Sacerdote Misfam legente super corpore Christi juramento præstito, fidem sibi mutuam alteri alteris jurare pararent, repentè tam foeda coorta tempestas est, consecutis

Carolus Imper.  
per. in vita  
sua.  
Pont. l. 7.  
Boh. Pie.

Pueritia Caroli.

Educatio  
Caroli ad  
Scientias &  
pietatem.

Prudentes  
prædictiones  
duæ.

In Vita Ernesti I.  
Elogia S.  
Wenc. præf.  
ad Clemens.  
IX. Papam.

Servatur miraculose in  
vita sapius.

tam



Visio Caro-  
li de luxuri-  
oso Delphi-  
no.

In vita Er-  
nesti I.  
Sil. in hist.  
Boh.

Carolus IV.  
in vita sua.

Virtutes Re-  
gie Car-  
oli IV.

Justitiæ  
amor.

Ryjtje Pan-  
ces.

tam densis tenebris, ut nemo oculis uti posset. Ubi tempestas posuit, rediit-  
que lux, Sacerdos *Venerabilem Hostiam* amissam sibi videt, quæ diu quæsitæ,  
ante pedes *Marsilij de Rubeis* conjuratorum Principis inventa est. Terruit  
ea res conjuratos, simulque unâ omnes exclamârunt: *quod facere decrevi-  
mus, DEO non placet*, adeoque unâ omnes sententiâ ad *Carolum* redierunt,  
quos ille receptos (etsi quid gestum esset, non ignoraret) dissimulans, consi-  
lijs suis adhibuit, fidissimosque omnium, quos unquam habuit, in posterum  
fensit. Alia cælestis visio *Carolo* adhuc juveni in *Villa Terentij* oblata est de  
*Delphino Viennensi Gvidone*, quem ob luxuriam ab *Angelo* è cœlis lapso, in  
media militum acie, virilitate excisâ, cadentem, & morientem per quietem  
videbat; collatis temporibus cognitum est posterius, eodem die *Gvidonem*,  
sagittâ è ballista emissâ, ex castro, secundum eas partes, quas dixi, lethaliter  
ictum, perijsse. Addebat *Carolo Angelus*: *nunc ergo cavete, & Patri ve-  
stro potestis dicere, ut sibi caveat de luxuria peccatis, vel pejora accident vobis.*  
Quibus verbis vehementer se ad emendationem vitæ permotum satis indicat  
ipse *Carolus*, cum jam perversi homines, ut frueretur ætatis ludo svaderent,  
& secum in libidinis laqueos (ut ipse loquitur) *seducerent, & dulcia, in quibus  
felle latet, offerrent.* Visionem illam in paucis memorabilem in *Vita Ernesti I.*  
descripsimus, legiturque in *Ænea Silvio*. Admotus est posthæc *Carolus*  
Gubernationi Provinciarum, & Regnorum, cujus Regias virtutes maximas  
in eadem *Arnesti* vita (cujus institutione, & ministerio potissimum tam egre-  
gius Princeps evasit) descripsimus, hoc loco paucissima, & parva, ex quibus  
tamen argumenta maximarum rerum sumi possint, narrabimus: Totus in-  
primis in eo erat *Carolus*, ut subjectis populis amabilem se præstaret: omni-  
um subjectorum linguas callebat perfectissimè: *Bohemicam, Teutonicam,  
Latinam, Lombardicam, seu Italicam, & Gallicam.* Amabatur ab omni-  
bus *Bohemis Carolus*, ut Pater, ob defensionem pauperum præcipuè: *quo-  
niam* (verba sunt Caroli) *Barones Regni pro majori parte effecti erant Tyran-  
ni, nec timebant Regem, prout decebat &c.* Judicium exercebat *Carolus*,  
postquam regnare cœpit, quotiescunque posceretur, excitato temere in *Por-  
ta Regiæ Arcis*, vel ante *Curiam Tribunali*, & quoniam Jurisconsultos doctis-  
simos, nominatim *Lucernam Juris Bartolum* semper lateri suo adhærentes  
habebat, finiebat lites ex tempore, quæ largitione alterius partis in annos plu-  
rimos trahebantur. In latrones publicos extremo ferebatur odio, & ad pur-  
gandas latronibus vias, & arces, biennio, & ampliùs cum Exercitu *Bohemiam*  
totam lustravit; captos omnes agebat in furcam, constat, eò usque amore  
Justitiæ progressum *Carolum*, ut cum prædonum *Ducem*, cui nuper adeò ob-  
res fortiter in acie gestas, aureum torquem injecerat, & Equitem aureatum  
creârat, ante se duci videret, & milites inserto laqueo Equitem sublimem ra-  
perent, ipse *Carolus* augustâ manu hominem tolli adjuverit, donec laqueus  
arbo-



arbori illigaretur, ut pendêret. Par in hæreticos Caroli odium, quos *Diplomate* edito, sanxit flammis exurendos. Sanctissimæ, & universalis *Sedis Romanæ* defensor summus Carolus, Tyrannos in Italia excidit (exempla in eadem *Ernesti vita* attulimus, & in *Annalibus Ecclesiasticis* ostendit Odoricus Raynaldus) Quàm magnificam, & splendidam Religionem esse optaret, foundationes Collegiarum Ecclesiarum complures, *Archiepiscopatus Pragensis*, *Episcopatus Litomislensis*, *Cænobia* facilè vicena ditissimè fundata, *Ecclesie* longè plures altissimo, & Regio opere exstructæ, Arces, Urbes, & oppida de novo condita hodièque loquuntur. nè longum faciam, en Indicem ex *Ernesti Vita*, ubi singuli tituli suis approbantur exemplis: Carolus maximus adificator; ejus adificationes, ejus foundationes sacræ. Caroli misericordia in pauperes. Carolus ut bene sit subditis pervigilat, & ob id saepe dormire non potest, cogitans de commodis Provinciarum suarum. Amat subjectos populos, & amatur (hic illustre adfertur exemplum Civis cujusdam *Fragensis*, qui centum millia aureorum Carolo apud se prandenti donavit) Carolus humanissimus. liberalissimus. religiosissimus. totâ Europâ colligit Sanctorum Corporum Reliquias, aurôque, & argento, & gemmis exornat. Fundat Mansionarios in Ecclesia *Pragensi*. offert aureum infantem *B. Virgini Aquisgranensi* pondere filij sui *Wenceslai*. *S. Agnes* de monte *Politano* Carolum, cum venerationis causâ sepulchrum *Virginis* sibi aperiri jussisset, apertis subito oculis blandissimè intuita, Imperatorem quasi salutaret, arrisit. Idem Carolus à *Viris Sanctis* testimonium de se audit: sua opera DEO placere. *S. Catharina* assestabilis, cum eum *Pisis Gambacurta* conjurati invaderent, pallio suo Carolum protegit, paucos *Bohemos*, & *Moravos* adjuvit, ut vincerent; Carolus coronam auream *S. Wenceslao* imponit in tumulo; ejusdem sacrum corpus arcâ ex puro auro claudit. Tria Sacella gemmea exstruit Carolus. Universitatem *Carolinam* fundat, amat scientias. Bulla aurea Imperij firmamentum. Aula Proceres nobilissimi. colit maximè *S. Wenceslaum*, *S. Nicolaum*, *S. Catharinam*; ante omnes *DEI Matrem*. laboriosissimus Imperator. plurima agebat per seipsum. Orationis sacræ studiosus. Quotannis in solitudinem se recipit per multos dies. mirabile edit specimen demissionis. curatur in morbo divinitus. omnibus Sacramentis munitus, & DEUM in morte invocans *Praga An. 1378. 29. Novembris* ætatis anno 62. & 6. mensibus, & diebus 13. excessit è vita, Imperij *Romani* 31. M. 1. D. 20. ut habet *Ricciolius*. *Bohemici Regni* ab occasu *Joannis Patris* 32. M. 3. D. 26. ut habet *Crugerius*. Corpus ejus initio hujus sæculi incorruptum prorsus, & vividum repertum est, cum corpora Regum in novum *Mausolæum*, quod *Cæsar Rudolphus* elegantissimo opere excitaverat, conderentur.

Ecclesie Romanæ suscepta defesio

Foundationes Caroli.

Amator Reliquiarum SS.

Tituli laudationis.

Videat Lector, quàm pauca multis complexus sim! nimirum vitam *Caroli IV.* Libris aliquot adornatam expectamus, ad eam Lectores meos re-



mitto. — Ac nè tamen se desertos querantur, appono sermonem quem in funere tanti Cæsaris habuit *Joannes Archiepiscopus Pragensis*, Vir scientiâ, & opinione Sanctitatis illustris; unde nihil optabilius, vel ex cœlo, laudatissimo Principi esse potuisset, quàm virtutum suarum laudatissimum habere Præconem.

1378. 29. No  
vembri.

Sermo post Mortem Imperatoris Caroli IV. Regis Bohemiæ factus per Dominum Joannem ejus nominis primum Archi-Episcopum Pragensem, Apostolicæ Sedis Legatum secundū, postea S. Rom. Eccl. Cardinalem.

Planctus ex  
citatur ob  
Caroli Imp.  
obitum.

**I**ustorum animæ in manu DEI sunt. Scribuntur verba hæc Sapient: 3. Dico: *Iustorum animæ*, ubi ut supra. (*Illustrissimi Principes seculares, Reverendissimi Patres Spirituales, ac universi Domini venerandi*) Non enim extat dubius vobis occasus *Sereniss: Principis Caroli IV.* quondam Romanorum Imperatoris semper Augusti, ac Bohemiæ Regis Illustrissimi ac invictissimi, Domini nostri. Et ideo materiam gemitus nunc duco in publicum. Quapropter *Jeremias* nos invitans ad lacrymas Thren. 2. cap. sic inquit: *Deduc quasi torrentem per diem & noctem, non des tibi requiem, neque taceat pupilla oculi tui.* Et ideo verba mea plena sunt dolore, exitus aquarum deducant oculi mei, & torrentes affluant Lachrymarum, & plorabo! utinam in fletum totus effluam, & pascatur Lachrymarum solatio dolor meus. Deducant oculi mei lachrymas, deficiat in dolore vita mea: quia vox Lamentationis audita est de Sion, decidit corona capitis mei, & in Luctum versus est chorus noster. Quia quod adversus Israël & regnum ejus multis seculorum curriculis Prophetæ comminando prædixerant, dies una & Lugubris, & infelix, dies caliginosa, & omni nocte tenebrosior complevit. Et quid Threnos Jeremiæ revolve? totus Jeremias non sufficeret faciem miseriæ præsentis depromere. O bone *JESU Christe*, ô benigne, ô amabilis, ô desiderabilis, ô suaviss, ô dulcis, ô amor DEUS, ubi sunt misericordiæ tuæ antiquæ, quomodo oblitus es miserationum tuarum antiquarum, quomodo versus es nobis in crudelem! jam non Sanctificator aut Redemptor, sed mortificator, atque peremptor effectus es! Hæc *Petrus Blesensis* in quadam Epistola planctus de morte Christianorum. Unde meditando mortem *Serenissimi Principis* supra dicti, *Laboravi in gemitu meo per singulas noctes, &c.* Psal. 6. Unde & plangent eum universæ generationes orbis terrarum: de quo quidem planctu plenius Zachariæ 12. cap. sic dicitur: *In die illa magnus erit planctus in Jerusalem, sicut planctus Adremmon, in campo Mageddon. Et plangent eum*



eum familiae, & familiae seorsum, familiae domus Nathan seorsum, & mulieres eorum seorsum, familiae domus Levi seorsum, & mulieres eorum seorsum. Omnes familiae reliquae, familiae & familiae seorsum, & mulieres eorum seorsum. Quod ad omnes nationes applicari potest, quae eum merito plangere debent. Ad quas quidem Lachrymas, Eusebius in quadam Epistola invitans Ecclesiam ad Lachrymas, sic inquit: *Inclyti Christianae plebis flete, quoniam longè factus est ab ea auxiliator ejus, jam ad suam non respicit defensionem, jam tribulatio proxima est, & non est, qui adjuvet, jam in sepulchro jacet protector solitus! heu vaticinabuntur pseudoprophetae, & prophetabunt visiones mendaces, & fraudulentas divinationes & seductiones sui cordis in nobis, & certè non est qui resistat in eis.* Siccatus est enim fons vitae, & vena disparuit aquarum viventium: sicut jam verisimilius apparet in schismate noviter exorto, qualiter mors sua universali Ecclesiae fuit valdè nociva. Hæc ille. Et idcirco clama in cilicio & planctu, pia Mater! induere, induere vestimentis viduitatis, tanto viduata filio, & subsequenter. Plora igitur, deducant oculi tui lachrymas per diem & noctem, quoniam defecit anchora tuæ spei. Et dicat subsequenter per ratiocinationem talem colorem, tanquam cum DEO arguendo: Cur bone Jesu tam velociter à tua sponsa, quam in cruce moriens desponsasti, tantum abstulisti filium protectorem, & contra hujus hostes belligerum? fortè voluisti eum tecum; certè Domine non eo egebas, ut ipsa. bene ei quidem subvenisti, sed nos orphanos reliquisti. Non conqueror aliud, quàm quòd justum & æquum feceris, & certè ipse merebatur finem imponere hujus mundi laboribus, & tecum esse; Sed doleo, quod tantum incurrit damnum eo abeunte Ecclesia; utinam eum redderes, ut tuum regeret stabulum, & defenderet Ecclesiam, velut priùs. Idem Eusebius: Et tu Natura quid fecisti? quare Principem nostrum abstulisti? utinam spiritum vitalem in corpus redderes! Quapropter Architrenius Lib. 8. in oratione ad Naturam sic inquit:

*Hoc nihil, imò minùs nostros DE A respice fletus,  
Fonticulos, stagna Lachrymæ, mæroris abyssos  
Extenuas, & plena malis vinaria sices.  
Torqueor, & planctus animi tormenta fatetur  
Garrulus, & morbi latebras suspiria clamant.  
Nec Lachrymâ fraudor, veris à nubibus imber  
Solvitur, & nimbos oculi pluit intima nubes.  
Ducitur ex animo luctus, certissima flenti  
Causa subest, & vera movent adversa querelas.  
Nam tot inexhaustis, animâ langvente procellis  
Concutior, totûsque dolor circumfluus omni  
Veste, &c.*

Et ideo cibasti nos pane lacrymarum, & potum dabis nobis in lachrymis in

Joannes  
Hantvillen  
sis. Vide Bi  
bliothecam  
Simleri.



Consolatio  
nis argumē  
ta.

Mors Bono  
rum.

Testimo-  
nia de Vita  
& Virtutib;  
Imp. Caro:

Virtutes  
Theologi-  
cæ.

Octo Beati-  
tudines.

mensura. Sed est aliquid, in quo mens amarata, & oculi fatigati, alicujus consolationis foverentur aliquando adjutorio: nam præter duos homines, videlicet *Enoch & Helias*, omnes homines necessario oportet mori. Et ideo mors vitari non potest: unde Sapient. 8. cap. sic scribitur: *Unus ergo introitus est omnibus ad vitam, & similis exitus.* Seneca de remedijs Fortunatorum cap. 2. contra pavorem mortis sic dicit: *mories nec primus, nec ultimus, multi te antecesserunt, omnes te sequentur.* Est & aliud, quo spiritus noster alicujus recreationis antidoto respirat. Non enim *Serenissimus Princeps* noster decessit, sed recessit, abiit, non obiit. Mors enim per quam mirificavit Dominus Sanctum suum, non est dormitio, portus mortis, & porta vitæ, introitus in delicias cœlestes pariter, prout ait Petrus Blesensis in quadam Epistola. Unde Canticorum 6. dicitur Ecclesiæ: *Quò abiit dilectus tuus, o pulchra mulierum, quò dilectus declinavit, & quærimus eum?* Vox Ecclesiæ: *Dilectus meus candidus, speciosus, electus ex millibus, in quo nulla est macula, passcitur inter lilia, in vinea Domini Zebaoth.* Ecce flos campi, & rosa nimio fragrans odore, de horto nuper Ecclesiæ in viridarium Domini est transplantatus, ecce cypressus in cœli altitudine se extulit, ad insulas enim longè divulgatur nomen suum, ut sit in æternum nomen suum in benedictione. Certè non est mortuus, ut æstiment sui hostes, sed certè regnat Victor in terra viventium. Et Sapient. 4. cap. sic de eo dicitur; *Placens DEO factus dilectus, & vivens inter peccatores, translatus est; raptus est, nè malitia mutaret intellectum illius, aut nè fictio deciperet animum ipsius. Consummatus in brevi, explevit tempora multa: placita enim erat DEO anima illius, vocatus est in Cælum, quo mundus non erat dignus, nec ob hoc extincta est Lucerna ejus.* Et cur ista tam audacter loquar, attendite, & videte opera quæ fecit, de quibus longum esset perstringere, pauca tamen dicere convenit. Testis est totus mundus, qualem vitam duxerit ab ævo juvenili usquè decrepitem senectutis suæ & mortis (scripta enim sunt per plurimos codices) adhuc Principum & Baronum est copia testantium, quæ DEO præbuit beneficia, & ideo explanatione verborum non indigent opera ejus. Ideo merito Threnorum 4. c. de eo dicitur: *Propterea mæsum est cor nostrum, ideo conturbati sunt oculi nostri propter montem Sion quia disparuit.* In veritate enim mons Sion dicitur, quia perfectissimè tres *Theologicas species* in se habebat quæ monti Sion applicatur. Unde Psal. 144. sic dicitur: *Qui confidunt in Domino, sicut mons Sion, non commovebitur in æternum.* Ipse fidem firmissimè tenebat, & sciebat; Hæreticos sapissimè confutabat, verus defensor fidei & Ecclesiæ existens. Et quia *Trinitatis fidem* confessus est, idè ad beatissimam gratiam pervenit: scivit enim, quia *justus ex fide vivit.* Abacuc 2. Capite. Quia *Sancti per fidem vicerunt Regna, operati sunt justitiam, &c.* ad Hebreor. 11. cap. Unde octo *Beatitudines* in se habuit, quæ scribuntur Matthæi 5. cap. ut *fidelis di-*  
*cere-*



ceretur. Primò enim erat *pauper spiritu*, quamvis fuerit Imperator. Nam in vestibus, in Lectisternijs, in cibis & potibus, semper formam pauperum, quantum in eo erat, exprimebat, & ideo omnem arrogantiam per hoc repellebat, & compatiabatur pauperibus. Quia *beatus, qui intelligit super egenum & pauperem*, Psal. 40. Ipse fuit *mitis*, ideo *possidet terram* in tranquillitate: unde multas adversitates passus, & injurias, & damna, miti modo transibat. Unde: *Beati mites, quia ipsi possidebunt terram*. Tertiò, ipse etiam fuit *Lingens*. Nam mortem alicujus sui lugebat, & etiam excidia Christianorum multoties ex devotione; quod utique ipse debet esse consolatus: quia *qui seminant in lachrymis, in exultatione metent*, Psal. 135. Quartò ipse etiam *esurivit, & sitivit justitiam*. Nam tanta justitia erat vitæ suæ tempore in mundo, quòd totus mundus in æquitate & pace vigeat, & ideo jam in cœlis saturatus eâ existit. Quintò etiam ipse erat *misericors*, quia oppressis compatiabatur, & ubi potuit, semper misericordiam faciebat. Unde bene dicere potuit: *Misericordiam & judicium cantabo tibi Domine*, Psalmo 100. Et ideo nunc misericordiam in cœlis consecutus est. Sextò, etiam fuit ipse *mundo corde*. Nam non poterat audire mala, quæ homines faciebant, semper confitebatur, communicabat, justitiam exhibebat, vel sacris Lætionibus insistebat, & ideo in Cœlis DEUM nunc videre meruit. Septimò, ipse etiam *persecutionem magnam passus est propter justitiam*. Nam Reges & Principes invidebant sibi, & ideo est ejus *Regnum Cœlorum*. Et ideo de eo dicitur, ut suprâ Matthæi 5. cap. *Gaudete & exultate, ecce enim merces vestra copiosa est in Cœlis*. Et quia fidem firmiter tenuit, & fidelis creatori suo fuit, ideo sibi dicitur Matth. 5. cap. *Euge serve bone & fidelis, &c.* Octavò, ipse etiam habuit firmam spem, habens illud in mente: *Quis speravit in Domino, & derelictus est?* Eccl. 2. cap. Unde spes sibi tanta erat de DEO, quòd per firmam spem inimicos devincebat, & aliqua desperata negocia, & quasi impossibilia ad finem bonum deducebat. Ideò *speravit in Domino, eripiet eum, salvum faciet eum, quoniam vult eum*. Psal. 21. Et ideo quæcunque petebat DEUM, spem semper habebat, quòd eum DEUS exaudiret, habens illud dictum Evangelij: *Quæcunque petieritis in nomine meo, credite quia accipietis, & fient vobis*. Johan. 16. cap. Unde in spem vitæ æternæ *septem opera misericordiae* in se habebat. Primò. *nudos operiebat*, tenens illud dictum *Cum videris nudum, operie eum*. Esa. 58. Secundò. potum tribuebat pauperibus. Unde audi vi à quibusdam Baronibus, qui adhuc vivunt, quòd semel in quodam horto cœnabat, & ex casu leprosi ad mensam venerunt, quos fecit collocari in alia mensa prope se, & cibavit eos, & de cuppa sua, de qua bibebat, dedit eis bibere, & iterum residuum ab eis epotat, quamvis ab omnibus prohibitus extitisset, commemorans Evangelium: *qui dederit uni ex minimis meis calicem aquæ frigida, aptus est Regno Cœlorum*. Marci 9. cap. Tertiò.

L

II.

III.

IV.

V.

VI.

VII.

VIII.

Septem O-  
pera Mife-  
ricordiae.

I.

II.

Exemplum  
misericor-  
diae erga  
Pauperes.



- IV. pascebat esurientes, tenens illud dictum: *Frangere esurienti panem tuum.* Esaiæ 58. Quartò. *collegit eos hospitio, unde hospitalia multa fecit, ad pauperes hospitandos, tenens illud: Hospes eram, & collegistis me.* Matth: 25.
- V. Quintò. infirmos libentissimè *visitabat*, & eis compatiebatur, dicens: *Dominus opem ferat illi super lectum doloris ejus.* Sextò. *incarceratos & invinculatos, vel morti deputatos, sæpius liberabat*, tenens illud dictum Sapientis: *Eripe eum, qui ducitur ad mortem.* Proverb. 12. cap. Septimò. *Sepeliebat mortuos*, unde non permittebat eos diu jacere ubi sciebat, sed sepelire mandabat, velut fidelis Tobias. Sic enim faciebat in omnibus operibus, pauperibus dicens sicut Tobias: *Noli avertere faciem tuam ab ullo paupere, sic enim fiet, ut nec avertatur facies Domini à te.* Tobie 4. Etiam ipse in se habuit *charitatem*. Nam omnia quæ faciebat, in vera charitate faciebat, cavens se ab illo dicto Evangelij: *Etiam si montes transferam, charitatem autem non habeam, nihil fecisse videor.* 1. Cor. 13. cap. Et quia *septem dona Spiritus Sancti* charitati attribuuntur; id est *Spiritui Sancto*, meritò ergo habuit in se *septem* dona Spiritus Sancti. Primò ipse habuit *spiritum Sapientiæ*: ipse enim fuit sapientior Salomone, quod probari potest indicij & argumentis multis. Primò illud quod scivit Salomon, hoc perfectissimè scivit *Serenissimus Princeps noster*, videlicet Libros suos. Salomon autem ignoravit, quæ iste scivit: ergo probatur, quod ille plus scivit quam Salomon. Ille fuit Rex: iste Imperator: Ille præfuit *populo Israëlito*, iste præfuit Universo hujus mundi, nec solum Ecclesiæ Israël, verum etiam gentium & universorum, & confinia mundi distinguebat. Ille Sapientiâ bellabat: iste sapientiâ sine bellis pacem firmabat. Ille templum ædificabat, iste templum DE lauro, fulvo, gemmisque & lapidibus pretiosis pretiosis perornabat. Ille in fine à Domino recessit; Iste semper cum Domino in fine resudavit, meditans quod ille, *qui perseveraverit in finem, hic salvus erit*, Matth: 10. cap. Nec sapiens ideo dicitur fuisse Salomon, quia in fine inspiens & damnationi æternæ se tribuit, prout opinio major tenet, sed *inspiens* ideo meritò nominatur, ita quòd in veritate *Serenissimus Princeps* noster Sapientiam immediatè præ participibus suis à Domino habuit: nam *magnum eum fecit in Israël, & victoriam illi dedit Dominus Omnipotens.* Immortalis est enim memoria illius, quia apud DEUM nota est & apud homines. Sap. 4. cap. Secundò. ipse habuit in se *Spiritum intellectus*. Unde ipse intellexit ferè omnia idiomata totius Christianitatis. Optimè istas Lingvas scivit, videlicet *Bohemicam*, quæ est naturalis, *Teutonicam*, *Latinam*, *Francigenam*, *Lombardicam*, *Thuscanicam*, & quàm plures particulares lingvas, & ab his descendentes perfectè scivit ac intellexit. Unde verus fuit *Christi Apostolus*, quia in omnem terram exivit sonus ejus, & talis debuit universo orbi præesse, qui dispartitis lingvis loqueretur sapientiam, & cuilibet responderet in Lingvâ suâ, in qua natus est. Acto: 2. cap. Tertiò. ipse ha-

Septē dona  
Spiritus S.

I.

Carolus IV.  
omnes Lib:  
Salomonis  
perfectissi-  
mè scivit.

Compara-  
tio Car. IV.  
cū Salomn:

II.

Car. IV. lin-  
gvarum to-  
tius Europe  
peritus.  
Qui multis  
lingvis lo-  
quitur, est  
quodamō-  
do Aposto-  
lus.

buit Spi-  
tebatu-  
rivè po-  
habuit  
sitatibu-  
Cui de-  
mea De-  
Spiritu  
Magist-  
rimè ex-  
militar-  
ferebat  
Collegi-  
splendor  
Nam ip-  
omnib  
Princip-  
ptimò,  
lis DE  
atum;  
sua qua  
Epistol-  
faciem,  
stitia, il-  
comme-  
stitia,  
& vias  
Miseric-  
Ubi aut-  
vit, hal-  
scriban-  
terroga-  
dit: ill-  
mo: 3  
tatem,  
egeno op-  
minus n-  
tatem,  
dimon-  
omnia



huit *Spiritum consilij*. Nam quamvis sapientissimus esset, tamen consilio utebatur, habens illud dictum: *Nè innitaris prudentia tua*, quod transsumrivè ponitur 3. cap. *Nè innitaris*; de Constitutionibus. Quartò, ipse habuit *Spiritum fortitudinis*. Nam Spiritus Sanctus in omnibus ipsius adversitatibus confortabat eum, dicens: *Confortare, & esto robustus*, Dev. 31. c. Cui idem *Serenissimus Dominus noster* respondebat, *Fortitudo mea, & laus mea Dominus, & factus est mihi in salutem*. Psal. 117. Quintò, ipse habuit *Spiritum scientia*. Nam ut bene notum est, ita doctus fuit, quòd sciens & *Magister in Theologia* putaretur. Nam Psalterium in aliquibus locis pulcherrimè exposuit, similiter, & *Evangelia* & *Orationes*, & alia Magistralia. Similiter componebat sapius, cum Magistris, Doctoribus & alijs scientificis conferebat disputando. Quapropter *Studium Pragense* fecit, & quàm plura Collegia. Unde de eo dictum est: *Qui autem docti fuerint, fulgebunt quasi splendor Firmamenti*, Daniel. 12. cap. Sextò, ipse habuit *Spiritum pietatis*. Nam ipse *compatiebatur pauperibus*, infirmis & mortuis, pupillis & viduis, & omnibus oppressis, humilis, mansuetus, & pius præ omnibus hujus mundi Principibus: scivit enim, quòd *qui se humiliat exaltabitur*. Luc. 18. c. Septimò, & ultimo, repletus etiam erat *Spiritu timoris Domini*. Nam præ oculis DEUM habuit, ut nihil ageret, quàm sibi placitum, reputans illud dictum: *Principium Sapientia, timor Domini*. Sapient. 1. Præterea in facie sua quatuor virtutes cardinales refulgebant. Unde Seneca Lib. 31. in quadam Epistola sic ait: *Si animum nobis boni viri liceret inspicere, o quàm pulchram faciem, quàm Sanctam ex magnifico, placidòque fulgentem videremus, hinc iustitià, illinc fortitudine, hinc temperantià, prudentiaque lucentibus!* Et ideo commendandus ex istis quatuor virtutibus Cardinalibus. Primò, de *Iustitia*, Nam ita iustissimus apparuit, quòd ipse *viduam & advenam suscepit, & vias peccatorum disperdidit*. Psal. 136. Habuit etiam simul *Iustitiam & Misericordiam*: quia, quibus misericordia fieri debebat, semper faciebat. Ubi autem raptores & fures, vel malefactores invénit, eos à facie terræ delet, habens illud Psalmistæ: *Deleantur de libro viventium, & cum iustis non scribantur*. Psal. 86. Et illud dictum Senecæ, in quadam Epistola sua sic interrogantis & respondentis similiter: *Quid ergo occidit hominem? quia occidit: ille meruit, ut hoc pateretur*. Unde Anselmus in Lib. Cur DEUS Homo: *Iustitia est animi libertas, tribuens unicuique secundum propriam dignitatem, reverentiam, pari concordiam, DEO obedientiam, sibi Sanctimoniam, egeno operosam misericordiam, inimico patientiam*. Hæc omnia præfatus Dominus noster faciebat: reddidit enim unicuique secundum propriam dignitatem, majori reverentiam, pari concordiam, DEO obedientiam, sibi Sanctimoniam, egeno operosam misericordiam, inimico patientiam. Hæc omnia præfatus Dominus noster faciebat: reddidit enim unicuique secundum opera

IV.

V.

Theologica Caro: IV scientia.

al: communicabat. Freh. commetabatur.

VI.

VII.

Quatuor Virtutes Cardinales

I. Iustitia.

Vide exempla in Vita Caroli.



II.  
Fortitudo,

opera sua. Secundò, in eo refulsit *fortitudo*. Inclytus enim fuit & invincibilis, unde *fortitudo* & *decor indumentum* ejus fuit, Proverb 31. Unde Hieronymus super Joannem sic ait: *Fortitudo est immobilis inter adversa gloriosa animi claritudo, res arduas pulchre administrans, quæ nec adversis infestando frangitur, nec prosperis blandiendo elevatur.* Sciebat enim quòd fortitudo simplicis, via Domini, & *pavor his qui operantur malum*. Sapient. 10. cap. A

III.  
Temperan  
tia.

nullis enim hostibus vinci poterat, sed fortis in animo perseverabat. Tertiò, ipse fulgebat temperantiâ: temperabat enim justitiam misericordiâ, & è contra. Et in omnibus plenum obtinuit moderamen: erat enim statera & Libra justitiæ, in cujus conspectu non erat acceptio personarum. Unde Gregorius super Ezechieleni extrema parte super illud: *Scio abundare & penuriam pati*, sic ait: *Qui enim secundis rebus non extollitur, quæ eas ad usum vana gloria non extorquet, qui solus non possidet, quod accipit, sed hoc indigentibus misericorditer elargitur aliisque dividit, scit abundare: qui acceptis alimentis non ad gurgitationem ventris utitur, sed ad reparationem virtutis, nec plus carni tribuit, quàm necessitas petit, scit satiari: qui alimentorum inopiam sine murmuratione tolerat, scit esuriem.* Quem ergo nec in abundantia superbia elevat, nec in necessitate cupiditas irritat, novit abundare, novit penuriam pati. Hæc ille. *Serenissimus enim Dominus noster* per omnia taliter fuit temperatus.

IV.  
Prudentia.

Quartò, in eo refulsit *Prudentia*: ipse enim fuit prudens, quòd circa futura pericula ita providebat cautè, nè mala evenirent, sicut *servus prudens, quem constituit Dominus super familiam suam, ut det illis in tempore tritici mensuram*, Lucæ 12. cap. Unde faciebat secundum dictum Seneca de quatuor virtutibus Cardinalibus: *Si prudens esse cupis, in futura prospectum intende, & quæ possunt contingere, animo tuo cuncta præpone.* Nihil tibi subitum sit, sed totum antè prospicias: nam qui prudens est non dicit: *Non putavi hoc peri; quia non dubitat, sed expectat; non suspicatur, sed cavet.* Idem faciebat *Serenissimus Princeps noster*. Nam à juvenili ætate deliberabat, quid in senectute faceret, sicut ibidem consequenter ait Seneca: *Si prudens est animus tuus, tribus temporibus dispensetur; præsentia ordina: futura prævide: præterita recordare.* Nam qui nil de præteritis cogitat, vitam perdit, qui nil de futuro præmeditatur, in omnia incautus incidit. Unde, sicut pauca perstrinximus, quantas virtutes habuit? quanta magnalia fecit in Israël? Et *victoriam dedit illi Dominus DEUS Omnipotens*, Luc. 10. Nam propter ejus bona opera, *immortalis est memoria illius, quoniam & apud DEUM nota est, & apud homines*, Sap. 4. Unde Simonides Philosophus cum interrogaretur, quid apud homines celerrimè consenesceret? respondit, *Beneficium*. Nam *cujus donum vel munus frequentius aspicitur, hujus memoria strictius retinetur*, ut in Clementina una, de reliquijs & veneratione Sanctorum. Tanta enim operatus est in hoc sæculo beneficia, quòd memoria ejus permanet in sæculum



lum seculi. Et ideo in memoriam ejus tale Epitaphium tumulo ejus inscribitur. Anno Mill: Trecent: LXX. VIII. tertiâ Kal. Decembris.

*Quartus ego Carolus magni quondam tremor orbis,  
Cæsar & invictus, modo victus morte, sub ista  
Fossa tegor, DEUS alme precor, mens astra subintret!  
Spiritus ô cuncti, pro me pia solvite vota,  
Quos moriens liqui, quos vivens opere fovi.*

*Et sic anima ejus requiescat in sancta pace.*

Et non miremini Reverendissimi Patres, quod *Beatum & Sanctum* eum nominaverim, cum in veritate *Beatus* vel *Sanctus* reputari debeat, quod probatur septem rationibus. Primò enim unctus fuit *Oleo Sancto* ad modum Regum. Unde Psalm. 102. *Inveni David servum meum, oleo sancto unxi eum.* Oleo enim Sancto, nisi Sancta inungi debent. Secundò. propter ejus sublimitatem dignitatis. Nam Præfatus fuit *Sacro Romano Imperio*, cui nullus præfici debeat, nisi sacris virtutibus & magnitudine pollens, sicut hic. Nam *quis illum Sanctum dubitet, quem apex tantæ dignitatis extollit?* 40. Dist. c. Non vos. Tertiò. ipse fuit in omnibus *Sanctus* negotijs: ubi enim cunque sciebat Sanctuaria & corpora Sanctorum, acquirebat, & auro fulvo, gemmisque pretiosis obducebat, & toto corde diligebat, sicut alter *Constantinus*. Nam etiam sicut alter *Constantinus*, *Papam* per Romam duxit, videlicet *Papam Urbanum V.* Et *Patrimonium Ecclesie Romanae* confirmavit. Quartò. propter multa miracula, quæ mediante DEO habuit in somnijs & vigilijs in juvenili ætate & senili, futura prædicendo, visiones plurimas videndo, dæmonia effugando, quæ nullus faceret, nisi *Sanctitate* polleret, prout testimonio plurimorum patet, & in Libro suo de gestis conscripto. *Fecit enim mirabilia in vita sua*, Ecclesiast. 31. Quintò. fortissimè plorabat, cum Corpus Dominicum sumebat, alta ex devotione adducens, quia: *Beati qui lugent, quoniam ipsi consolabuntur.* Sextò. quia tantis virtutibus abundabat, quas nec aliquis valeret enarrare: nam *horas suas Canonicas*, sicut unus Sacerdos, dicebat: Divinum Officium libenter audiebat, & etiam augmentabat. Septimò & ultimò breviter transeundo, ipse habuit in se *septem Sacramenta Ecclesie*. Primò *Ordinem*: ipse enim fuit ordinatus *Acoluthus*, & etiam *Rex & Imperator inunctus*. Secundò, *Conjugium* ita purè tenebat, & firmiter, quod nemo eum convincere poterat. Tertiò. *baptizatus* etiam fuit per Episcopum ut quisq; fidelis. Quartò. fuit *confirmatus* in fide Catholica. Quintò *Eucharistiam sacram* multoties in animo sumsit. Sextò. *Extremam Unctionem* bene quater sumserat. Septimò & ultimò, *confitebatur* semper, cum se aliquo peccato credebatur gravatum. Ideò enim *septem Sacramenta* dicuntur, quæ solum fidelibus & Sanctis tribuuntur, ut Regno cœlesti participes efficiantur. Unde *Sancta Mater Ecclesia* quæ Christum Dominum perdidit

Numerus  
& versus vi  
tio librarij  
sibi non cõ-  
stat. vide vi  
tam Caroli.

Beati & S.  
dici posse  
Caroli IV.  
probat.

VII. modi,  
cur S. sit Ca  
rolus.

I. II.

III.  
Amor Reli  
quiarum SS.  
in Car: IV.  
admirabilis  
Car: IV. al  
ter Constā  
tinus.

IV.  
Futurorum  
præcius.  
Dæmones  
fugat.

V.

VI.

VII.

Septem Sa  
cramenta.



Probat Ca-  
rolo IV. A-  
potheofin  
deberi.

Wenceslas  
Rex filius  
& successor

Votum Op-  
timi Præfu-  
lis Joannis.

de hoc seculo, quid retribuet sibi pro tantis beneficijs, quæ ei in hoc mundo ostendit? Non restat aliud, quàm quod *beatum faciat eum in terra*, id est, utique in hoc mundo eum *canonizare* deberet, quia utique in Cælo *Sanctus* existit. Nam *Sancta Mater Ecclesia*, & *Rector ejus Sanctæ Matris Ecclesiæ* si portenta cupis seu miracula, hæc fecit. Si vitam & virtutes rimabere, ecce certissimè in eo invenies devotionis magna insignia. Si jure procedas, & capitulum *dilecti, de testibus*, ejusque materiam videris per lucidè, apparebit testimonium prædecessorum nostrorum Cardinalium, Episcoporum, Prælatorum, Regum, Principum, & Magnatum vivens testimonium, quæ signa & portenta, quanta vita & sanctitas, qualésque virtutes in eo illuxerunt: ut *Furis* tramite procedendo, utique & meritò beatum faciat eum in terra, ut mercedem laborum suorum accipiat: quia dignus est mercenarius mercede sua. Pro defensione quoque *Sanctæ Matris Ecclesiæ* alius veniat, qui Ecclesiam DEI similibus donis & virtutibus, DEI adjutorio, foveat. Quod & factum est, quia licet Pater mortuus sit illius, *Serenissimus Princeps noster Carolus, DEI gratia Romanorum Imperator semper Augustus, & Bohemia Rex illustris*, attamen est quasi non esset mortuus: similem enim reliquit post se, quem in vita sua vidit, & lætatus est in illo, in obitu suo non est contristatus, nec confusus coram inimicis. Reliquit enim defensorem domus contra inimicos, & *amicis reddentem gratiam*. Eccl. 3. hæc habentur. Unde *respiciat Dominus in faciem testamenti sui*, & non det in confusionem vineam suam, quam plantavit dextera ejus, Ecclesiam, quam acquisivit in sanguine suo. Suscitet Spiritum Moyfi, erigat cornu illius unicornis nostri, *Wenceslai Regis Romanorum & Bohemiæ Serenissimi*, unicè summi, singulariter generalis, quatenus arripiant judicium manus ejus, & cornu suo ventilet Syriam, intonet contra Edom, fulminet contra vitulos Bethel, contra Idola Ægypti, contra pingves Samariæ, contra Sacerdotes Baal, contra pastores pascentes seipfos, contra judices, qui condunt iniquas leges, contra canes mutos non valentes latrare, contra amphoram *Zachariæ*, contra vasa pastoris stulti, contra ambitionem *Simonis Magi*, contra tyrannidem sæculi, & abusionem claustrum, contra prævaricantes, contra arrogantes, contra oppressores pauperum, contra turbatores Ecclesiasticæ pacis, & fidei subversores. Hæc Petrus Blemenensis in quadam Epistola sua. Et tu *DEUS judicium tuum regi da, & justitiam filio Regis*, id est filio Serenissimo quondam *Caroli, Romanorum Regi*, auge sibi virtutes. Nam cum Elias Reg. 4. cap. dixit ad Elisæum: *Postula quid vis, ut faciam tibi, antequam tollar à te*, id est, Serenissimus quondam Dominus noster, Imperator, dixit ad filium suum: Dixitque Elisæus, id est Serenissimus Romanorum Rex filius suus: *Obsecro, ut fiat duplex Spiritus in me. Qui respondit, rem difficilem postulasti, attamen si me videris, quando tollar à te*, id est, si feceris opera mea, & bene feceris, subsequenter erit, quod

peti-



petisti. Si autem non videris me, id est, non feceris secundum opera mea, non erit. Cumque pergerent, & sermocinarentur incedentes, ecce currus igneus & equi ignei diviserunt utrumque, & ascendit Elias per turbinem in Caelum, id est, Pater ejus, Serenissimus Dominus noster Imperator, sapius nominatus Elisæus, id est, serenissimus Dominus noster Rex Wenceslaus videbat & clamabat: Pater mi, pater mi! currus igneus & auriga ejus, & non vidit eum amplius, id est, quia mortuus fuit: apprehenditque vestimenta sua, & scidit ea in duas partes. Reversusque stetit super ripam Jordanis, & pallio Eliae, quod ceciderat ei, percussit aquas, & non sunt divisa, & dixit, ubi est DEUS Eliae, quasi diceret: tamen eundem DEUM credo ut Elias, & tamen aquæ non dividuntur. Nunc percussit aquas, & diviserunt se huc atque illuc, & transit Elisæus: videlicet per bona opera, prout Pater suus antè transierat. Unde omnipotens adjiciat sibi virtutes, & augmentet, ut in locum illius beati aurigæ susceptus, verus Elisæus, duplicato beato spiritu, pallio virtutis & bonæ operationis accepto, universum orbem in Virga ferrea constringat, Librâque justitiæ Reges & Principes, universâque climata orbis feliciter dirigat. Nam sibi dictum est: Ecce constitui te super gentes, & Regna, ut evellas & dissipas, adifices & plantes. Jeremiæ 1. cap. & transumptivè 3. cap. solita. De major. & obed. Unde de se ipso dicere potest: Furvenis & acutus inveniar in judicio, & in conspectu potentium amabilis ero, & facies Principum mirabuntur me, tacentem me sustinebunt, & loquentem me respicient, & sermocinante me plura, manus ori suo imponent, disponam populos, & nationes mihi erunt subjectæ. Sapient: 8. cap. Quia Dominus judicabit Orbem terræ, & dabit Imperium Regi suo, & sublimabit cornu Christi sui, ut per vitam & operationes bonas in fine talentum Domino duplicatum reponat. Luc. 12. Ut Paternis vestigijs insecutus, valeat in fine ad Regnum provehi sempiternum, quod solum justis ab initio præparatum est, ut sint in virtute & potentia manus Domini, quia *Iustorum animæ in manu DEI sunt.* Quæ verba fuerunt vestræ pietati proposita, in quibus verbis tria breviter colligi possunt. Primò, exordij electorum narratio, cum dicitur: *Iustorum animæ.* Secundò, divinæ potestatis retentio, cum dicitur *in manu.* Tertiò, in DEO æterna consummatio, cum dicitur *DEI sunt.* Dico primum probantur beatarum animarum in DEO virtuosa opera, cum dicitur: *Iustorum animæ.* Secundò divinæ Majestatis grata earum apprehensio, cum dicitur: *In manu.* Tertiò semper in gaudijs cum DEO sine fine mansio, cum dicitur: *DEI sunt.* Ad Primum cum dicitur: beatarum animarum in DEO virtuosa operatio, videlicet cum dicitur: *Iustorum animæ,* inde sciendum est primò, quia *homo est* compositus ex corpore & anima, *de summa Trinitate & fide Catholica.* cap. 1. nam eadem viâ quâ conjunguntur, eadem & in fine disjunguntur. Cum conjunguntur, tunc anima infundendo creatur & crean-

Hæc ad successorē Caroli Wenceslaum spectant.

Redit ad  
Thema cō-  
cionis pro-  
positum.



Animæ Ju-  
storum di-  
versæ.

Manus Do-  
mini diver-  
simodè tan-  
gens.

do infunditur, prout dicit *Aristoteles Libro de Anima*. Cum dissolvuntur, tunc unumquodque ad naturam suam primam revertitur, corpus terræ tribuitur, de qua sumptum est. Unde Gen. 3. cap: dicitur: *Donec revertaris in terram, de qua sumptus es*. Anima etiam redit ad suum principale, quia *Spiritus redijt ad Dominum, qui fecit illum*. Eccl. ult. cap. Utrumque in fine resurrectionis simul jungetur. Unde Job 19. cap. *Et in novissimo die de terra surrecturus sum, & rursum circumdabor pelle mea, & in carne mea videbo DEUM Salvatorem meum*. Unde Magister Sentent. lib. 2. cap. 6. Quare homo sit ita institutus, ut anima sit unita corpori, sic dicit: *Sic ergo Deus condidit rationales spiritus variâ sorte, pro arbitrio voluntatis suæ disponere illis, quos in sua puritate reliquerat, sursum in cælo mansionem*. Illis verò, quos corporibus terrenis sociaverat, deorsum in terrâ habitationem constituit; utrisque gloriam proponens obedientiæ, quatenus & illi ab eo, ubi erant, non caderent, & isti ab eo ubi erant, ad id, ubi non erant, ascenderent. Et hoc de animabus justorum. Unde sciendum, quod multis modis animæ justorum appellantur: aliqui *Virginali pudicitia* insigniti, ut Chorus Virginum: Alij *Martyrio* diversimode cruciati, ut Martyrum patet passio: Alij *Confessores* Domino famulando, ut quàm plures Episcopi, Monachi: Alij in *viduitate* & alias continentes: Alij in conjugio castè viventes: Alij in *eremo* pro Christo divagantes, multiplâque vitâ in hoc mundo ferventes, Domino servientes, meruerunt habere præmia sempiterna: quia *justi in perpetuum vivent, & apud DEUM est merces eorum*. Sap. 5. Quod si locus & tempus esset, de quolibet aliquid præfatus Dominus noster habuisset, & quia in vita sua multa passus est, & ideo non sufficiens his, etiam æterna videre voluit, inquires: *Quoniam videbo cælos tuos, opera digitorum tuorum, Lunam & stellas, quæ tu fundasti*. Dixi secundò, divinæ Majestatis grata earum apprehensio, cum dicitur: *in manu Domini*. Quare sciendum, quod *manus Domini* multipliciter agit. Nam justus & injustus manu Domini tanguntur, & tamen diversimodè tanguntur. Injusti autem manu Domini tanguntur, ut moriantur. Unde Psal: *Manus tua Domine, percussit inimicum*: Et alibi: *Evaginabo gladium meum, & interficiet eos manus mea*. Quare injusti dejiciuntur, interficiuntur, percutiuntur manu Domini. Secundò, Justus etiam multipliciter tangitur. Primò, *ad correctionem & ad probationem*. Secundò, *per gratiæ DEI largitionem*. Tertiò, *ad coronæ æternæ sumtionem, & beatitudinis largitionem*. Primò, tangit ad *correctionem & probationem*. Ad correctionem, ut *Mariam, sororem Moysi*, Num. 12. cap. quam demum sanavit, & Paulum, vas Electionis. Ad probationem, ut de Job fideli factum est, de quo dictum est Job 2. cap: *Mitte manum tuam, & tange os ejus & carnem, nisi in faciem benedixerit tibi*. Secundò, *per gratiæ DEI largitionem*, prout Jerem. 1. cap. *Misit Dominus manum suam, & tetigit os meum, &* dixit



*dixit mihi: Ecce dedi verba mea in ore tuo, &c.* Quia enim tetigit, ecce gratia, cum quo loqui eum didicit per miraculi ostensionem. Unde tetigit mortuos, ut Lazarum & infirmos, & sanati sunt. Tetigit leprosos & mundati sunt. Unde *Leprosus veniens adorabat eum, dicens: Domine, si vis, potes me mundare.* Et extendens manum *JESUS dixit: Volo, mundare, & confestim mundatus est à Lepra ejus.* Tertiò. ad coronæ aternæ sumtionem, & miraculi ostensionem, cum dicitur: *Trabe me post te, curremus in odorem unguentorum tuorum.* Cant. 1. Manibus etiam quis trahitur, ut coronæ aternæ particeps efficiatur. De beatitudinis largitione dicitur: *Aperis tu manum tuam, & implebis omne animal benedictione.* Unde quos manus Domini tetigit, non nisi ad coronationis gratiam, & ad vitæ aternæ præmium habendum tetigit. Quapropter *Serenissimus Dominus noster* quondam Imperator, manu Domini tactus est, ut justus ad correctionem & probationem. Secundò. per gratiæ DEI largitionem & miraculi ostensionem. Tertiò, & in fine ad coronæ aternæ sumtionem & beatitudinis largitionem. Quare de se ipso dicit: *Manus tua, Domine, fecerunt me, & plasmarunt me totum.* Job 15. Et jam manus tua, Domine, tetigit me, videlicet ad mortem carnalem, ut eodem capitulo: quia ad te vado. Ideo in manus tuas Domine, commendo spiritum meum, & hoc dicens exspiravit. Lucæ 23. Dixi ad tertium, ubi dicitur, sempiterni gaudij cum DEO sine fine mansio, cum dicitur: *DEI sunt.* Unde dupliciter hoc fieri potest. Primò, ut sint *justi.* Secundò, ut ubi Deus inhabitat, ibi & inhabitent. Ad primum ut sint *justi:* Unde notandum, quòd multipliciter *justi* nominantur. Unde *justi* aliquando nominantur *servi.* Unde Esa: 41. *Servus meus es tu, quoniam ego elegite.* Aliquando vocat eos *Patrem, matrem, sororem, fratrem.* Unde: *quicumque fecerit voluntatem Patris mei, ille meus Pater, mater, & soror, & frater est.* Matth. 12. Aliquando eos vocat *amicos.* Unde: *jam non dicam vos servos, sed amicos meos.* Joan: 15. Aliquando eos vocat *parvulos.* Unde: *nisi efficiamini sicut parvulus iste.* Matth. 18. Aliquando eos vocat *filios.* Unde ad Hebr. 1. *Ego ero illi in patrem, & ipse erit mihi in filium.* Secundò, ut ubi DEUS inhabitat, & illi inhabitent. Unde *habitaculum* illud multipliciter dicitur, uno modo dicitur *cælum.* Unde: *Cælum sedes mea.* Esa: 46. aliter *tabernaculum.* Unde Apocal. ult. c. *Ecce tabernaculum DEI cum hominibus.* Item dicitur *Ferusalem.* unde ad Gal. 4. *Quæ sursum est Ferusalem libera est, quæ est Mater nostra.* Aliquando dicitur *mons Sion.* unde mons Sion, in quo habitat, in eo aliquando simpliciter *mons* vel *civitas* dicitur. unde Apoc. 21. *Sustulit me in montem magnum & altum, & ostendit mihi Civitatem sanctam Ferusalem.* Alibi dicitur *templum.* unde Apoc. 4. *Qui vicerit, faciam eum columnam in templo DEI.* Aliquando dicitur *domus.* unde Gen. 28. *O quam terribilis est locus iste, verè non est hic aliud, nisi domus DEI, &c.* Aliquando dicitur

Ad Thema  
redit.

Justi, servi,  
fratres.

Amici.

Parvuli.

Filij.

Habitaculū  
DEI.



tur Paradisus. unde Apoc. 2. *Vincenti dabo edere de ligno vitæ, quod est in Paradiso DEI nostri.* Quia illuc ascenderunt tribus, tribus Domini, ad confitendum nomini Domini. Et quidem *Serenissimus Princeps & Dominus* noster ad prædicta loca translatus est, cui dicitur cum alijs iustis: *Venite benedicti Patris mei, percipite Regnum.* Matth. 25. Quod nobis præstare dignetur, cuius Regnum & Imperium sine fine permanet in sæcula sæculorum, Amen.

Finitus est sermo, factus per Dominum Joannem, Archiepiscopum Pragensem, Apostolicæ sedis Legatum secundum, post mortem Imperatoris Caroli IV. feria IV. post Epiphaniam.

### TIT. XXXVI.

Joannes I. tum II. ac præcipuè III. Episc: Pragenses, virtutibus clari.

In Ep. hist.

De Joanne  
I. Episc. Pra.

1139.

M. S.

M. S. Iarof:

fortè: S. V.

ti.

**J**am pridem observatum à me fuit: Antistites Pragenses quicunq; *Joannis* nomen gessere, doctos eosdem & pios, magnificos, gloriosos, universim Diocesi suæ quàm utilissimos extitisse. *Joannem I.* ejus nominis ex *Wissehradensi Præposito An. 1135.* *Pragensem Antistitem* creatum, Virum naturæ & gratiæ dotibus inclytum, *Suavissimum Senem* Veteres appellant Memoriam. Hic *S. Gothardi Episcopi Sacrarium* (ut habet *Jaroslau* ex Canonico Pragensi Præmonstratensis) perforato pariete Ecclesiæ *S. Wenceslai* ad Aquilonem construi fecit. plurima in splendorē Ecclesiæ suæ parantem senectutis morbus abripuit. Illud de senio memoratu dignissimum existimo: *Decanum & Præpositum Wissehradensem* Annis 40. fuisse; *Sacerdotem, & Canonicum* annis 55. tandem propè nonagenarium senem An. 1139. obiisse, quinto Episcopatus anno ineunte.

De Joanne

II. Ep. Pra:

1236.

*Joannes II. Episcopus Pragensis* ex *Scholastico* ejusdem Ecclesiæ electus, multum repugnans more *Sanctorum*, & renitens An. 1227. ordinatus, *Bohemiam* omnem sanctimoniam exemplis illustravit. Eo ad clavum sedente, nihil propè aliud quàm *Sanctitatem* spirabat *Bohemia!* tanti est prudentem, fortem, & virtutibus clarum *Ducem* habere! qui incitet, cursum vitæ regat, virtutes cuique statui accommodatas commendet, & Viros divinæ gloriæ studiosos ad manum habeat, qui operam quandam vicariam *Antistiti* præstent, in Regno Christi amplissimè dilatando; talem habebat Episcopus *Vitum Decanum* (de quo paulò antè dixi) qui regnabat in animis hominum, qui hortante & adjuvante Episcopo *Joanne*, nunquam maxima agendo fatigabatur. Hujus Episcopi tempore *S. Agnes Regis filia*, centum ex Procerum ferè stirpibus nobilissimas *Bohemas Virgines* in *S. Salvatoris Canobium* (quod *Pauperum Domicellarum* appellabatur) Christo Sponso Virginum attraxit. Sub

hoc



hoc Antistite Joanne, nihil novum erat in Bohemia, plurimos ex Proceribus Regni honoribus & Munijis valedicere, & claustris ac tenebris tectos, Christi amore oblectare sese; alios in terram Sanctam proficisci pedibus, & omnia Christi vestigia, ac præsertim Sepulchrum Domini mille osculis adorare, & lacrymis perfundere; alios Valetudinarijs & Pauperum Domibus erectis, & dotatis, quotidie ægris & pauperibus ministrare, peregrinos pascere, cibum in os ingerere, lavare pedes, osculari, aliâque pietatis opera præstare; quæ omnia Sancto huic Antistiti, ejusque ardentissimis cohortationibus, & exemplis imputant Scriptores Antiqui. Obijt Antistes optimus An. C. 1236. XVI. Calend. Septemb.

Joannes III. in Draziciorum Illustrissima familia natus, nuper Ecclesie Pragensis Scholasticus, An. 1258. 1. Februarij omnium Canoniconum votis electus est: explicari satis non potest, quantum Sponsam suam Ecclesiam Pragensem dilexerit! enumerant & accumulunt exempla vetusti Scriptores; inter alia: Basilicam S. Viti totam miro opere tegulis lapideis contexisse foris, intus duas fenestras prægrandes, aperuisse latitudinis & longitudinis ingentis, ut gratissima, lætissimâque lux in Ecclesiam infunderetur; easdem fenestras Vitro perspicuo prætendisse, (quæ res id temporis summi erat pretij) neque id modò, sed vitra encaustico artificio, Imaginibus & Exemplis, Sanctorum, antiquæ & Veteris Legis Virorum coloravisse; Turrim quoque S. Viti, ventis An. 1264. dejectam, secto lapide ab imo usquè ad summum eduxisse. Hæc omnia Joannes Episcopus de suo. Interfuit etiam Generali Concilio Lugdunensi An. 1270. magnamque illic sapientiæ & virtutis famam collegit; rexit Ecclesiam Pragensem annis viginti & duobus. Optimi Præfulis virtutes brevissimâ laudatione complexus est Coævus Scriptor Canonicus Ecclesie Pragensis, ex quo illud etiam intelligimus Joanni ut alijs Sanctis Viris, oblocutores non defuisse. Joannes Episcopus ait, An. 1278. 12. Kalend. Novembris. Erat formâ spectabilis; incognitis formidabilis; domesticis affabilis; veritatis amator, Justitiæ sectator; indefessus in judicio, providus in consilio, in universa morum honestate præclarus, & qualitate incomparabilis; merentium pius consolator; hospitum & Peregrinorum benignus susceptor & visitator; facundissimus in eloquentia utriusque idiomatis bohemicæ, & latini; lucerna lucens in mundo & ardens, non sub modio, sed super candelabrum posita, illuminabat corda hominum verbo veritatis, factis & exemplis. De cujus & alijs claris actibus, licet plura digna relatu eniteant, tamen ea intacta reliquimus: quia quidam ipsi nihil boni operantes, aliorum benefactis invidere non desistunt. Usus sibi maximus erat, querere & amplecti consortia peritorum, per quorum eloquentiam lætificabat animam suam, & hauriebat colores sententiarum dulcius nectare liquido. hæc ille. Scriptores alij affirmant, Joannem, cum videret Exercitum hostilem in Bohemia dominari, Ecclesias incendi, Cænobia spolia-

De Joanne  
III. Ep: Pra;

M. S. Anonymi Canonici in hist. suor. temp.

Nota.

Joannes III.  
ex zelo Religionis contabescit.



ri, & everti, Sacerdotes indignis modis tractari post Ottogari Regis cadem (que tempora Bohemia calamitosissima in Epitome historica descripsimus) commiseratione Patriæ pereuntis, & conculcatae Religionis & sacrorum, mœrore nimio contabuisse, adeoque non tantum vitam Sancti Præfulis, sed etiam mortem, Martyrio similem, pretiosam in conspectu Domini fuisse.

Porro, ut ad Caput redeam, & quod de Præfulibus Joannis nomine insignitis dixeram, Joannis IV. Episcopi, Tit. XXXII. tum cæterorum Archiepiscoporum Pragensium Joannis nomina ferentium laudationem, in sequentibus, ordine temporum adducemus.

## TIT: XXXVII.

### Joannes Oczko de Wlassim Ordine II. Archiepisc: Pragensis.

1380.1. Janu.

Genus Joannis.

Ædificationes & Fundationes.

Benef. in Chronico.

Offert se ei aspectabilis Dei Mater. Vita Arnesti. l. 2. C. 14.

Post Ernestum, primum sibi jure successionis, & virtutis vindicat locum natus in Procerum familia Joannes Wlassimius, Canonicus primum Pragensis, deinde primus omnino Præpositus Capellæ Regiæ Omnium Sanctorum, postea Episcopus Olomucensis, demum Archiepiscopus Pragensis An. 1365. tandem Primus Apostolicæ Sedis Legatus, ac denique Cardinalis Basilicæ XII. Apostolorum: ad Archiepiscopalem dignitatem anathemate Urbani Papæ V. adactus. Fuit à prima ætate in Aula Caroli IV. omnium ejus itinerum comes, eidem à secretis, & intimus ejus consilij. Joannis hujus liberalissimas Fundationes vetera MM. SS. recensent: ad Omnes Sanctos Missam quotidie cantandam de B. Virgine ante Primam fundavit; Ecclesiam eandem de novo suis sumtibus construxit; Hospitale sub Wissehrado in honorem S. Mariæ de humilitate pro utriusque sexus personis ex divite fortuna ad inopiam devolutis condidit, & dotavit; Aliud Hospitale in Hradczano in honorem S. Antonij pro Sacerdotibus Pragensis Dioceseos emeritis, vel senibus ægrotis; cum S. Wenceslao deditissimus esset, in Diocesi Wratislaviensi (ubi erat Canonicus) & in Collegio Budissinensi ejus festum solenniter coli procuravit, emtis certis redditibus. Capellaniam in Ecclesia Pragensi instituit; Sacella duo Regiâ magnificentiam exstruxit Pragæ in Domo Archiepiscopali ad Pontem, titulo Passionis Christi, alterum in Arce Raudnicensi, Patronis Regni Bohemiæ sacrum; ditiones mensæ Archiepiscopali multas adjecit, ædificationes plurimæ enumerantur ex Beneficio. Præcipuum illud caput est, & ad viri Sanctimoniam maximè declarandam (quod in Vita Ernesti pridem narraui) apparuisse Joanni Beatissimam DEI Matrem MARIAM in Sacello Arcis Raudnicensis oranti, & amabilissimo, & renidenti vultu dixisse: placere sibi, & filio suo, quæ hætenus egisset, pergeret proinde, parari grande præmium in cœlis. Obijt Sanctissimus Præsul An. 1380. die 14. Januarij



nuarij (malè alij i. Januarij ponunt) omnibus Sacramentis comparatus ad mortem, anno ætatis suæ 77. Archiepiscopatus anno sextodecimo. Sepul-  
 tus in *Ecclesia Pragensi* in Tumulo marmoreo alabastrinâ ejus effigie supernè incumbente in Sacrario *S. Gerhardi, & Ottilie*, quod ipsemet erexerat, & do-  
 tarat. Extat nobilis ingenij unicum (quod sciamus) monimentum, *funeris laudatio Caroli IV.* Romanorum Imperatoris, quam habuit in *Ecclesia Pra-*  
*gensi* edita à *Marquardo Frehero*, & à nobis.

Multa de *Ioanne* habet *Benefsus* in *Chronico*, *Hagek* in *Annalibus Bo-*  
*hemie*. *Pontanus* in *Archiepiscopis Pragensibus*. *Crugerius*, & *Pessina* antè  
 laudati.

## TIT: XXXVIII.

Joannes (vulgò Doctor Joannecius) Suffraganeus  
 Archiepiscopi Pragensis, & Vicarius, Wenceslai  
 Cæsaris imperio præcipitatus in flumen.

**A**Nno 1393. 10. Aprilis (Manuscripti quidam Codices Ecclesiæ Pragen-  
 sis viceſimam diem ponunt) *Wenceslaus Cæsar, & Bohemie Rex* *Vica-*  
*rium Archiepiscopi*, nullâ satis probabili causâ, id unum obtendens:  
 quod *Albertum Cladrubiensem Abbatem* legitimè, & sinè controversia à Fra-  
 tribus electum confirmâſſet, in *Muldavam* abijci, & mergi jussit; *Fabricius* id  
 facinus sacrilegum, Puchnici instinctu perpetratum à Rege cõmemorat, cùm  
*Ioannes* Rege increpito adjecisset: *indignum esse Regis nomine, qui nesciret im-*  
*perare*. Doctissimum hunc Virum *Ioannem* fuisse, & ævi sui in *Bohemia* O-  
 raculum, veteres adſtruunt libri, Sanctimoniam verò, & innocentiam, mi-  
 racula (quibus ejus mortem illustravit Deus) tum *Canonicorum* ad Regem te-  
 stimonium apertè declarat. Tanta certè (quoad insepultus in flumine deli-  
 tuit) siccitas, & ardor elementorum per *Bohemia* fuit, ut *Muldavam* *Pragæ*  
 sinè ponte, vado transirent viatores; *Aqua* deinde ipsa non alium, quàm vi-  
 rentis herbæ colorem, & quoddam quasi virus præferret. De sanctitatis te-  
 stimonio, mirabile est, quod narrat *Hagecius*: cùm enim Archiepiscopus  
 Pragensis *Ioannes de Genstein* duos è *Canonicis Pragensibus* ad Regem de læsis  
 Ecclesiæ juribus expostulatuſſet, atque illi admissi ad Regem quære-  
 rent: quid ita Regi placuiſſet Præsulem *Sanctum* morte afficere? Respon-  
 disse *Regem*: cùm vos mortuum *Sanctum* appelletis, non invidēbo vobis ego  
 quoque hanc gloriam, *Sancti* post mortem appellabimini; simul utrumque  
 coniecit in carcerem, atque ægre, multis Procerum precibus, flecti potuit, ut  
 dimitteret. Sequenti die, ad terrorem, ante carcerem *Carnificem* collocavit  
 cum omni tormentorum, & mortis apparatu, nihilque magis, quàm mor-  
 tem vicinam cogitantes, & propè sentientes, è conspectu suo facessere jussit,

Mors & Tu-  
mulus.

1393.

Epit. l. 4. C. 1.  
Fabr. in M.  
ſuic. l. 2.  
Welesl. 19.  
Apr.Libera vox  
Joannis.Dubr. l. 23.  
hist. Boh.Quædam  
miracula.



& incolumes abire: Ibi *Faroslaus* Canonorum alter, ex Illustrissima, & Bercis agnata stirpe *Clinsteinia*, Vir à Sanctimonia vitæ multum laudatus, præmissâ honoris significatione, sic Regem alloquitur: *Augustissime Imperator! nos tui Sacerdotes, & Capellani, à te, innocentes, in carcerem coniecti, gratias de hoc beneficio agimus! quia verò duo nos violati sumus, Tu te bis captivum fore memineris! & quia nos quadragenis horis in carcere tenuisti, Tu quoque in carceribus hebdomadis quadraginta misere delitesces.* Rex cachinno sublato, *Vade*, inquit, *Faroslæ, & DEO gratias age, quòd flumen non gustâris!* *Faroslai* vaticinium dies ostendit. Igitur & miracula, & sensum ejus ætatis hominum pro innocentia *Joannicij* habemus.

## TIT. XXXIX.

## Joannes III. Archiepiscopus Pragensis.

1400. 26.  
Apr.

Genns.

Pietas.

Fundatio-  
nes.Fabric. l. 2.  
Missa An.Visio Cœ-  
lestis.

**J**oannes de *Genstein*, seu *Genczenstein*, *Pauli de Genstein* filius, *Joannis II.* Ocelli Baronis de *Wlassim*, & *Genstein* Archi-Episcopi *Pragensis* ex Fratre nepos, Vir fuit vitæ Sanctimoniæ & eruditione conspicuus, & verè dicam, sui sæculi decus; ex *Misnensi* Episcopo (mortuo Ocello) An. 1380. in Archiepiscopum electus; rexit Ecclesiam summa cum laude sanctitatis; Religiosissimum, ac precationibus intentissimum Virum appellat *Stransky*; *Fabricius* virum munificum, & magna gravitatis; *Crugerius* ait sacris meditationibus, & familiaritate cum DEO inmergi quodammodo solitum, tenerrimâ in DEUM, Beatissimam Virginem, ac Cœlites pietate. Fundavit in *Misnensi* Ecclesia Sacerdotium *S. Wenceslai* honori; alterum *Sedlecij* ad Sepulchrum Domini, ut quothebdomadis ter Missa perageretur, in honorem Resurrectionis Christi, SS. *Eucharistiae*, & *Passionis* ejusdem. Idem Præsul An. 1379. *Chemnicen-* sibus subsidia maxima misit, cum ea Urbs 7. Augusti conflagrasset. A. 1396. ipso die Paschæ cessit Archiepiscopatu, eumq; cum Capituli consensu *Wolf-* ramo Sororio suo dedit in manus; Viso quodam terrifico in Domo sua ad pontem *Pragensem* oranti oblato, ad abjectionem ejus honoris impulsus Scriptores significant; videbatur sibi videre: illinc vulgus profanum, hinc Clerum, & DEO sacratos homines; deinde subito facto impetu videbat cruento spectaculo dissipari clerum, fugari, occidi, rapi è manibus Prælatorum claves Ecclesiarum, ardere Tempia, Cœnobia, denique Religionis universæ Sanctitatem, & Ecclesiæ fundamenta convelli, idque brevè futurum. Ergo, ut dixi, *Pragensi* Archiepiscopatu relicto, *Romam* profectus est, A. 1396. privatam vitam acturus, sed *Bonifacius IX.* Papa, rursus Virum sanctum admovit honoribus, & An. 1397. Patriarcham *Alexandrinum* creavit. Obijt pius Pater Pauperum, ait M. S. Codex: Clericorum, Orphanorum, Viduarum, *Romæ* An. 1400. 17. Junij in Monasterio *S. Prædix*, quò sese receperat.



rat. Quidam eum cucullum *S. Benedicti* induisse scripserunt, sed eos *Patriarchatus* ipse, ejusque titulus, quem usque ad obitum tulit, ut mox dicam, factis refellit; deinde vel ex eo fabula se prodit, quod constat: *Wolframum Romanum* illi suppeditare sumtus, & mensæ necessaria submittere debuisse, quod sibi dum *Archiepiscopatu* cederet, reliquerat unum (ut affirmant Scriptores) quod sine dubio *Monacho* in *Cœnobio* vitam professus, opus non fuisset. Scripsit non pauca *Joannes III.* ut *Tractatum de Laude Nominis JESU*, dulcissimâ pietate, eumque *Româ* misit successori, inscriptio est: *Joannes DEI Gratiâ Patriarcha Alexandrinus, olim Archiepiscopus Pragensis, Apostolicæ Sedis Legatus, Reverendissimo in Christo Patri Domino Wolfframo eadem gratiâ Archiepiscopo Pragensi.* Extant passim in Bibliothecis Manuscriptæ *Constitutiones Joannis III. Archiepiscopi*, prudentissimæ, tum in *Libris Erectionum Decreta Sanctissima*, de non abalienandis *Ecclesiasticis ditionibus*, pœna in violatores *Cleri &c.* quibus malis futuris prophetico Spiritu plenus *Antistes* obviam ire conabatur: quæ sola si servata fuissent, nullum in *Bohemiâ* aditum hæresis habuisset. Huic *Joanni* dedicatus est *Tractatus* incerti, sed *Theologiæ*, & *Juris* peritissimi *Authoris*: *An Samuel potuerit Saulem, quem ipse elegerat, aspernari, &c.* videtur hæc res spectare ad controversiam *Urbani* *Papæ VI.* cum *Cardinales*, qui eundem elegerant, à *Pontifice* recessissent, quos hic *Author*, & merito fugillat. Scripsit etiam *Joannes*, ut alius codex Manuscriptus loquitur, *Historiam devotam de festo Visitationis B. Mariæ*, & hoc festum celebrari primus instituit in *Bohemia* (qua in re ei sese opposuere quidam in *Capitulo Ecclesiæ Pragensis*, ac nominatim *Adalbertus Raconis de Ericino Scholasticus*, & *Canonicus Prabendatus Ecclesiæ Pragensis*, *Sacra Theologiæ*, & *Liberalium Artium Professor studij Parisiensis*, cujus ea de re extat *Liber*) at *Joannes* (pergit Codex) procuravit per totum mundum hoc Festum celebrari, & omnia beneficia sua dicebat sibi dari intercessione *Beatissimæ Mariæ Virginis Visitantis*; iste mortuus est in *Curia Romana*, & dicitur esse *Beatus*. Hactenus Manuscriptus Codex. Quæ etiam de causa *Wolfframo*, *Visitationis DEI Matris* sacram diem in tractatu illo laudato comendat, atque *DEI Matris* ope *Wolfframum* ad eam dignitatem evectum. De *Joannis* beneficentia in *Urbem Misnam*, quæ incendio conciderat, dixi in *Epitome Historica*. Laudes hujus *Beati Præfulis* habes apud *Pessinam*, *Pontanum*, *Crugerium*.

M. S. Bibl.  
ad S. Clem.  
N. 357.

Lucubrati-  
ones Joann.  
Archiep.

M. S. Bibl.  
Clemen. N.  
45. & 352.


M. S. Bibl.  
Clemen. N.  
164.

Tricæ de fe-  
sto Visitat:  
B. V.

M. S. Bibl.  
Clemen. N.  
222.

M. S. Bibl.  
Clemen. N.  
352.

Mors Joann.  
Pess. in Phos-  
ph. Rad. V.  
Pont. in Epi-  
sc. & Arch.  
Prag.  
Cruger. in  
Julio.







## TIT. XL.

## Joannes Papaussek Litomericensis Ecclesiæ Collegialis Præpositus.

1455. 2. Febr.

In hist. Boh.  
C. 52.In viris do-  
ctis Bohem.Gesta Joan-  
nis hujus.

Vaticinia.

**U**T inter Viros, *Sanctimoniâ* apud nos illustres, *Joannes Papaussek* numeretur, vita ejus, & prophetiæ donum, ac denique *Æneæ Silvij*, seu *Pij II.* laudatio facit, qui eum *virum bonum, & Sanctum* vidisse se *Novadomi*, & exilium pro Christo tolerasse testatur. In *Carolina Universitate*, dum ea floreret, post Academicos honores aditos, *Mathesin*, *Philosophiam*, & *Theologiam* publicè docendo percurrit (de ejusdem lucubrationibus diximus alio in loco) animum deinde ad *Sacerdotium* adjecit, totumque se ad *Catholicæ Religionis* defensionem transtulit, quo merito, cum *Rokyczanus* Antesignanus hæreticorum *Pragâ Philiberto Administratore Pragensis Archiepiscopatûs* agente pelleretur, Cæsaris autoritate ad *Teinensem Ecclesiam B. V. Veteris Pragæ* regendam *Papaussek* admotus est, eamque provinciam annis omnino undecim, egregiâ cum laude obivit, donec eum *Podebradius An. C. 1448.* rerum potitus, in exilium misit; tandem *Ladislavus Rex* adolescens, *Pragam* adveniens, Catholicorum Procerum, qui virtutem Viri noverant, commendatione, *Joannem Præpositi* titulo, & honoribus opimis *Litomericij* ad *S. Stephanum* honoravit. Vixit in eo munere ad *An. 1455. 2. Februarij* extinctus, pietate, morum gravitate, prædicationibus, rerumque futurarum prænotionibus conspicuus, quibus eventus varij, ut prædixerat, responderunt; una ejus vaticinatio, à *Cutheno* literis tradita, circumfertur: *Cum ossa S. Agnetis Virginis, quæ in Ecclesia Salvatoris, seu S. Francisci olim condita, & nunc ex oculis amissa sunt, feliciter reperirentur, finem bellorum fore & optatissimam Bohemiæ pacem redditum iri.* Humatus est in Ecclesia sua *Sancti Stephani*, cujus, si quod erat, monumentum memoriæ, ignes aboleverunt. Agit de eo *Cochlæus*, & quicumque *Historiam Hussitarum* attigerunt, fortitudinem animi in eo commendant; *pissimum* appellat *Cochlæus*.

## TIT. XLI.

## Ladislavus Rex Bohemiæ &amp; Ungariæ, Alberti II. Cæsaris &amp; Bohemiæ Regis filius, Caroli IV. Pronepos.

1457.

Luctuosa  
Mors Ladi-  
slai Regis.

**E**Xplicari non potest, quanto luctu, & lamenti sanior Evropæ pars Mortem inopinatam luxerit *Ladislai*; consulantur eorum temporum Scriptores; auxit dolorem mortis indignitas, quod (ut plurimorum opinio fuit) veneno sit sublatu, juvenis innocentissimus, in ipso ætatis flore, in



in apparatu nuptiarum, tot regnorum coronis caput cingentibus. Hæc atrox suspicio Georgium Podiebradium, & Joannam de Rozmital ejus conjugem præcipuè asperlit; quæ pomum aureum divisisse cultello ferebatur, quem secū domo attulerat, cujus cultelli acies, seu latus alterum, intoxicatum & veneno illitum, alterum innoxium esset, hoc sibi retinuisse, alterum Regi juveni porrexisse; omnia hæc incerta, & fortè odijs composita, quidam Scriptores existimant, nam illud de Amasia (quod habet Schikfusius) innocentissima Regis vita satis refellit. Natus est Ladislaus post mortem Patris Alberti II. Cæsaris, Bohemia, Ungariæq; Regis Comorini in Ungaria An. 1440. 22. Februarij, coronatus quadrimestris infans in tutelam Friderico Cæsari datur; piè ac Christianè educatum fuisse Ladislaum Scriptores ejus ævi testantur; liberalitatis futuræ maximam significationem dedisse adhuc sexennem puerulum Ladislaum narrat Æneas Silvius. Illustris valde locus est, quem facere non possum, quin exscribam: Venère, inquit Pius II. plurimi ex Bohemis ad Fridericum visendi Regis gratiâ, inter quos Georgius nomine Giskra, armorum gloriâ clarus, qui partes Ladislai unus ferme defenderat in Ungaria cum Rex Poloniæ Regnum invasisset, pradones sæpe acie fuderat, Joannem Hunniadem bis castris exerat, rebellantes Ungaros magnis cladibus affecerat. Is ubi ad conspectum Regis intromissus est apud Novam Civitatem, quo in loco tum aderamus, astantibus plurimis illacrymans, Ladislai manum exosculatus, in hunc modum verba fecit: Video te tandem, teneoque mi Rex, si scires, quæ pericula propter te adi-vi, quibus me laboribus implicui, quot adverso corpore vulnera accepi! Enci-catrices testimonio sunt! Patri ego Tuo, Tibique vitam devovi. Nulla vis est, nulla fortuna, quæ alienare animum à Te meum possit; officia mea sola tibi auferet mors. Sed tu hæc per ætatem non intelligis, & subridens: quod, inquit, premium fidei ac laboris erit? & quod das militi tuo stipendium? sextum tum agebat annum Ladislaus, qui postquam Giskra finem dicendi fecit, oculos huc atque illuc circumvolvens, loculos Joannis Magistri Camerae suspiciens ex phylacteria pendentes, quâ ille nummos more Teutonico pauperibus erogandos as-servabat, hanc tacitus arripit, arâque sex tantum, neque plura invenit illinc de-prompta, Giskra dono dedit. Admirari omnes Pueri factum, & providum, & liberalem futurum judicavere. Giskra innexos postmodum auro nummos è collo suspendit, Regiæ gratitudinis monimentum. hæc æneus Silvius, qui se cum res gereretur, interfuisse scribit. Mansit Ladislaus apud consanguineum Im-peratorem Fridericum propè ad annos pubertatis, Bohemiam in Ladislai fide eloquentissima Silvij (quam ipsemet recitat) oratio retinuit; duxit deinde Romam Ladislaum ad coronationem suam Fridericus Imperator, ubi adole-scentulus ad Pontificem cum singulari ingenij & memoriæ commendatione peroravit, redditus tandem à Cæsare Austriacis, Ungaris, & Bohemis. Quæ inter hæc contigerint, cum ab alieno arbitrio Rex juvenis penderet, ex historijs

Schikfus.  
in An. Siles.

Prima Re-  
gts ætas.

Silvi: hist.  
Boh. C. 58.

Giskra Bo-  
hem Ducis  
fides in La-  
dislai pue-  
rum.

Æneas Sil-  
ad fuit, cum  
hæc fierent.

Ladislaus  
Romæ per-  
orat.



Hag. in An.  
Boh.

Theobal. in  
Hussit.

Dubrav. in  
hist. Boh.

Bonfin. in  
hist. Ung.

Schikf. in  
hist. Siles.

Welesl. in  
Cal. hist.

Ladislaus  
osor hæreti-  
corum ma-  
ximus.

Extrema La-  
dislai Ora-  
tio.

Narratio  
de morte  
Ladislai.

eorum temporum intelligere licet. An. 1453. 24. Octobris Pragæ Ladislaus accessit 28. ejusdem Mensis ab Olomucensi Præsule coronatus: Pragæ tum Ladislaus mirum in tenera ætate Christianæ fortitudinis edidit documentum: nunquam ullum ex Rokyczanigrege Popam, ullo honore dignatus est, etsi prope universum Regnum Rokyczanum respiceret, & sequiores politici Ultraquistis, ut dicebantur, concedendum aliquid esse, vel regnandi gratiâ svaderent; penetraverat in ædem S. Viti Sacerdos Rokyczanæ gregalis Missam audituro Rege, jamque ascendebat ad arā, cum Rex conspicatus satellitum suorum Præfectum ire jubet, & nunciare: e vestigio ab altari tacefferet, nō deturbari ex arce in præceps velit. Quod sequitur, prudentiæ plenum est: Rege ex fenestris prospectante, solennis, die SS. Corporis Christi, supplicatio ducebatur Rokyczanā ipso Eucharistiæ ferculum circumferente; Rex prospiciens subter cunctes, Eucharistiam nullo honore, aut capitis annutu, nè pileo quidem moto salutavit; admonuere Proceres Venerabile Sacramentum portari, quod adorare decens esset; respondit Adolefcens Regius supra ætatem: scire se DEUM omni veneratione mortali dignum nunquam à nobis pro eo acmeretur coli posse; at si id nunc faceret, rudem populum (qui centum oculis actiones Principum servat) fortassis existimaturum Sacrilegi illius sectam abs se probari. Idem annis abhinc quatuor (1457.) Ladislaus ostendit, cum Pragæ adveniens Rokyczanam obviam venientem cum suis torvum intuitus, paulò post Prælati Ecclesiæ Pragensis occurrentibus Equo propere descendens, salutatis amico vultu omnibus, Lignum S. Crucis quod ab ijs ferebatur, exosculatus est. Sed mors præpropera, quantus ille Rex fuerit, ac futurus esset ostendit: Novissima verba Aeneæ Silvij, qui hæc omnia optimè callebat, fide, referemus: omisâ igitur ægritudine & oratione quam ad Podiebradium habuit: tum Rex, ait, apprehensâ Podiebradij manu; age inquit, promitte quod cupio (postulârat, ut pupillis, viduis, & egenis in regnando faventissimus esset) nam me mori certum est. Si feceris quæ jubeo, DEUM propitium tibi reddam! neque enim ita vixi, ut cælum mihi negari putem, pro cælestibus terram relinquo, tu cave postulatis adversari. non potuit tenere lacrymas Podiebradius, deditque fidem facturum, quod Rex imperasset. Finito sermone, intromissis Sacerdotibus de curatione animæ actum Christiano more Sacramenta exhibita, Rex ornamenta sua (vestes, Aulea &c.) Pragensi Ecclesiæ legavit, jussitque Crines in auri modum fulgentes, nequa superesset vanitas amputari, id ministri causas moræ ne tentes neglexere; ubi anima agra amplius demorari non potuit, sacram candelam petijt, eamque manu prehendit, & intuens Salvatoris imaginem Crucifixi orationem Dominicam dicere orsus ad finem usquè perduxit, pronuntiatisque ultimis verbis: sed libera nos à malo, nihil amplius locutus, non extrema pati, sed quietem arripere visus, mortalis vitæ lumen reliquit. Sequitur humanæ vitæ apud Silvium deploratio, quod commune Scriptoribus

om-



omnibus argumentum lubens prætereo. Manuscripta quædam ejus ævi asserunt *Ladislaum* Cæsariem suam ante signum *Crucifixi Domini* jussisse suspendi; *Theobaldus* longam ex Scriptoribus disputationem adducit, & in utramque partem disputat, utrumne *Georgio Podiebradio*, & *Rokyczana*, an verò *Pestilentia*, quæ tum *Praga* regnabat, mors *Ladislai Regis* verisimiliter imputeretur; depingit idem *Ladislai* effigiem & affirmat 17. ætatis (non decimo octavo ut scripserunt alij) obiisse An. 1457. die S. Clementis, 23. Novembris. Quàm pretiosa in conspectu Domini Innocentis Juvenis Mors fuerit, incorruptione corporis Regij Cælum ostendit: certè *Bertholdus Pontanus Ecclesie Metropolitanae Pragensis Decanus*, postea *Præpositus*, cum Regum corpora in Novum Mausolæum *Rudolfus II. Imperator* transferri jussisset, eique translationi, *Pontanum* exacto prius jure jurando de non commiscendis, & reverenter collocandis corporibus præfecisset, testatur: *Ladislaum* hunc nostrum, & *Carolus IV.* incorruptos, & nihil à situ tot annorum passos seprehendisse, idque etiam *Weleslavinus* Scriptor egregius à se visum in Calendario suo affirmat.

*Theob. in Hussiticis.*

*Pont. in Bohem. Pia.*

*Ladisl. Rex incorruptus.*

## TIT. XLII.

## Benedictus de Waldstein, Episcopus Caminensis in Pomerania.

**D**Octa, & erudita *Benedicti Waldsteinij* virtus, nè silentio nomen Viri tanti transeam, cogit: Ex Illustrissima Procerum *Waldsteiniorum* stirpe (quam equestrem aliquando fuisse, tanta est generis antiquitas! ex nulla *Bohemiae* historia probare possis, utpote à *Dominis de Ralsko* descendentem, ut alibi probamus) ex ea, inquam, vetustissima stirpe editus *Benedictus*, totum se literis, ut sic dicam, involvit: *Philosophiam* in Universitate *Carolina* percepit, unde in Actis lego: An. 1458. *Benedictus de Waldstein Baro, Magister* creatur, & *Cathedram Magistralem* conscendit, sub *M. Nicolao Barone de Ledecz*; aderant Regis *Georgij Filij*, & *Bavariæ Duces*. *Theologiam Cracoviae* in Universitate Catholica cum Insignibus *Baccalaurei* defendit, cum testimonio, neminem *Benedicto* parem ex Condiscipulis extitisse. Honores doctissimum, & (quod in rem meam facit) innocentissimum Juvenem secuti sunt, ac *Litomericensis Præpositus*, *Olomucensis Canonicus*, ac post triennium etiam *Præpositus* evasit; destinabatur ad *Pragenses Insulas*, si ditiones Archiepiscopales restitui ab iniquis possessoribus potuissent; interea *Pontificum Romanorum* favore *Caminensis* creatus *Episcopus*, bonâ eorundem gratiâ, cum in *Bohemia* nullus esset Antistes, Antistitis vices obibat; constat altaria plurima, campanas, *Ecclesias* consecrâsse; præcipuâ in miseros pietate, ut nemo facillè pauperum indonatus discederet; undecim annos minimum

*A. 1505. 78. Martij.*

*Genus Benedicti.*

*Acta Philo-  
Facult. in  
Carolina  
niver. MS.*

*Doctrina.*

*Honores.*



Obitus.

mum *Ecclesie Caminensi* præfuit, sollicitè cavens, nè qua ex ovibus suæ curæ commissis periret. Amavit *Canonicos Regulares S. Augustini Trebonæ*, cujus rei plurima in eo Cœnobio ante videnos pluresque annos supererant documenta. Vidi *Sacerdotale Officium* Divinum elegantissimâ manu descriptum, aureis literis initio *Psalmorum & Capitum* fulgentibus, quod se donare illi *Canonicorum Collegio Trebonensi Illustrissimus Præsul* manu suâ testatur. Obijt in *Moravia* in paterna ditione *Žabčehy*, cum eò ex *Pomerania* excurrisset An. C. 1505. 18. Martij, annis, & ætate confectus; hæretici ditionis illius Domini, Sepulchrum marmoreum in *Arcis Ecclesia* altè eductum ejece- runt, cujus marmor hodièque superesse dicunt.

## TIT. XLIII.

Jodocus & Fælicianus Laici, tum Barnabas Sacerdos Ordinis Minorum S. Francisci Strict. Observant: in Conventu Conceptionis B. Virginis Olomucij.

1506.

**L**Egi nuper Excerpta quædam ex Manuscriptis Commentarijs, *Olomucensis Cœnobij ad S. Bernardinum*, in quibus manu Superioris loci, quæ *Guardianum* appellant, annotabantur sequentia: An. C. 1506. *Fr. Jodocum Laicum* eximiâ vitæ Sanctitate conspicuum in eo Conventu vixisse, cujus cælestes virtutes, cælesti etiam testimonio divinitas comprobârit: quippe quod *Sanctis* in cælo, hoc *F. Jodoco* sanctè viventi divinitus in terris collatum, ut cœlesti luce circumfusus, amictus lumine sicut vestimento, die, noctuque appareret; unde ab Olomucensibus nominabatur *Das Englische Licht / welches erleicht unsere Wohnung mit der Gnaden Gottes*. Id est: *Angelica lux, quæ gratiâ DEI domos nostras illustrat*. aliud de hoc Sancto Viro nihil additur, quàm in Ecclesia Cœnobij fuisse sepultum.

Jodoc. cœlesti luce circumfusus.

1505. Vita Sancti Feliciani

Alium *F. Laicum Felicianum* nomine, patriâ Olomucensem idem Cœnobium suppeditat, *Sanctissime vitæ Felicianum* appellans, qui post mortem claruerit miraculis; sepultum esse sub Altari *Xl. millium Virginum*, ejusque sacrum Tumulum hodièque honorari.

1550.

Adjicitur ibidem ad An. 1550. obiisse in eodem Cœnobio *Barnabam* ejusdem Ordinis Sacerdotem, qui & in vita & post mortem laudabile virtutis testimonium ab omnibus sit consecutus; sepultum esse extra Chorum sub lampade prope gradum; doleo profectò plura non esse addita sanctitatis argumenta! hæc tamen, nè meritò negligentia alicujus argui possem, omittenda non esse existimavi. Floruerunt in hoc Cœnobio Olomucensi (subjicit idem Scriptor) plurimi Beati Fratres tam vitæ Sanctitate, quàm miraculis; quorum

Sanctimonia Cœnobij Olomucensis FF. Minorum



rum aliqui in Ecclesia sepulturam nacti sunt, de quibus Annales Ordinis mentionem faciunt, & Martyrologium Franciscanum: hæc ibi.

## TIT: XLIV.

Benefis seu Benedictus de Bliziva, Natalibus illustris, solitudinis amator, vitæ innocentiam conspicuus.

**N**on possum, præter paucula quædam, de illustri hoc viro commemorare. Natus est in Equestri familia de *Bliziva*, ex qua ætate nostrâ prodijt, & quam, quod sciamus, tumulo intulit, stirpis suæ ultimus Eques de *Bliziva Wenceslaus Heraclius de Kumburg* in DEO ditissimus, qui propè omnium suarum facultatum Ecclesiam scripsit hæredem. Foundatione adauctâ *Plsnæ* ante DEI Matris effigiem Puerorum innocentium cantandis Litanijs, & sacris; Collegio *Clatoviensi* ferè ex tertiâ parte fundato; Nobilibus in *Contubernio S. Wenceslai Pragæ* alendis in studijs literarum perpetuo censu constituto; in morte denique tam liberalis, ut nulla *Pragæ Ecclesia* nominari potuerit, quam aliquo legato moriens non asperferit, huic denis, alijs vicenis, tricenis, & pluribus florenis apud *Testamenti Executores* assignatis. Sed hæc alibi. *Benedictus* noster, cùm statuisset rebus humanis nuncium remittere, nullâ hæreditatis parte aditâ, procul in *Bastinenses* altissimas silvas uno *Brzeznicio* milliari sub arce vetusta, & pridem deserta *Trzemsin* stationem fixit, tugurióque excitato ponè etiam hortulum paravit, instruxitque, ex quo æstate, & hieme alebatur, & in cujus cultura necessariâ haberet avocationem, cùm alioqui perdius, & pernox in precibus ad DEUM fundendis, & rebus Divinis meditandis duraret, præsertim postquam etiam eodem in loco *Sacellum* extruxit. Quadraginta sex annis in illa beata solitudine vixit *Benedictus*, DEO uni, & soli honorando, & amando intentus; ad extremum vitam sanctissimo fine conclusit, sepultusque est in *Hvozdián* in Ecclesia *S. Procopij*, ubi illi propter summam Sanctimonie famam *Epitaphium* cum effigie, qualis erat vivens, & inscriptione, quæ talem, tantumque virum deceret, & Sanctitudinem declararet, Incolæ posuerunt, quam Sancti Viri memoriam supervacaneo munditiæ studio, cùm templum An. 1637. in albatur, calce inductâ blenni, & bruti opifices deleverunt. Quæ facta novorum hominum sæpe alibi, ac præsertim in *Boleslaviensium Templorum* historia damnavi; quasi verò calx melius, quàm aut *S. Wenceslai* cruor, aut Sancti alicujus Viri effigies, & vitæ Elogium parietem exornaret! hinc etiam factum, ut nec vitæ, & mortis annum destituti memorijs omnibus habeamus. Conjecturatum tamen est, *Benefis* ad initium prioris sæculi vixisse: nam, cùm *Vener. Pater Albertus Chanovvsky*, ex cujus chartulis hæc describo, dicat superesse

Circa 1540

Liberalitas  
in Sacra Do-  
mini de Kū-  
burg.Benefis in  
Eremo.In eos, qui  
veteres Me-  
morias ab-  
oleut.In Vest. Boh  
Pie C. 5.



circa An. C. 1640. qui ista de *Beneficio* à Majoribus suis audierint, satisque innuat, illà ætate cum *Beneficio* Majores illos vixisse, non potest *Beneficii* ætas annis centum (quod immemorabile tempus esse dicitur) antiquior censeari. Sed hæc omnia infirma, neque satis certa; sceleratior ille *Brzeznicensium bonorum Præfectus*, homo hæreticus, qui circa An. 1620. *Sacellum*, & *tugurium Beneficii*, nè qua vetustæ Pietatis superesset memoria, ut prætato Domino extenderet, solo æquavit.

Innocentia  
Beneficii.

Hoc poenè præterieram, quod de *Beneficio* P. *Albertus* adjecit, fuisse virum tantæ innocentiae, ut ad eum animalia, præsertim lepusculi vocati concurrerent; ij, si quando fame superante victi in senis hortulo caules, aliæque hujusmodi oluscula, quibus libenter vescuntur, depasti essent; vocabat reos *Beneficius*, & sinu exceptos virgis accipiebat pro merito, tum dimittebat plorantes cum monitis, nè quid in posterum tale aliquid attentarent.

## TIT: XLV.

### Adalbertus S. Ecclesiæ Metropolitanæ Pragensis Scholasticus, & Prælatus.

1550.

Antiquita-  
tis negligen-  
tia.

**N**on facile ego *Antiquitatem* negligentiae accusare soleo, qui sciam, quàm diligenter pleraque omnia *Majores* annotarint, sic ut nostra omnis diligentia collata cum illis, negligentia dici possit: fanè ità censeo, justam de temporibus nostris querelam apud posteros aliquando futuram; nam *Majores* nostros calamitates bellorum, & incendia excusant; at nos, ut excusemur, obsecro, quid adferemus? unum hoc *Antiquitati* nostre vitio dare possumus, quod in nominibus explicandis negligentissimè vertetur: multi ubique (etiam in historijs Collegiorum nostrorum) sunt *Petri*, multi *Henrici*, multi *Georgij*: P. *Michaël* An. 1586. *primarium* è *Proceribus Bohemis* *Dominum Kolovrat* cum tota familia *Bustiehradi* ad *Catholicam fidem* convertit: hinc nomen, ibi cognomen deest. Vix tandem innumeris chartis sursum deorsum pervolutatis cognitum est, P. *Michaëlem Tolmeiner Slavum* natione, hunc verò D. *Joachimum Bustiehradsky* de *Kolovrat* fuisse. Eadem, eoque etiam major in *Adalberto* negligentia admissa est, cum nec in Epitaphio quidem, quod adferemus postea, cognomen legatur, nec aliud omni diligentia investigare potuerim, quàm *Canonicum Prælatum*, & *Scholasticum Adalbertum* appellatum. Ven: P. *Albertus Chanovsky* in *Vestigio Bohemiae Piae*: Est, inquit, tenuis quaedam adhuc memoria cujuspiam *Sanctæ Vitæ Canonici Ecclesiæ Pragensis Metropolitanæ*: qui *Monialium Beneficinarum* ad S. *Georgium* in *Arce Pragensi* in rebus *spiritualibus* *Director*, magnâ eis dicitur *Sanctitate* præluxisse, apud quas etiam sepeliri voluit, cum prius ante mortem *Epistolam spiritu plenam* ad eas conscripsisset, quæ epistola nuper ad-

In Aut. ad  
Vestig. Boh.  
Pia C. 5.

modum



modum adhuc extabat. Ad sepulchrum ejus dicuntur etiam quædam cælitus accidisse. hætenus Ven. P. Albertus. Omnia hæc apertius Sacra ipsæ Virgines in Memorijs Parthenonis sui, quas mecum benignissimè tertia abhinc Abbatissa & Princeps communicavit, leguntur; narrationem ex Bohemico, in Latinum idioma transferam: In Ambitu Cœnobij nostri prope januam ad Ecclesiam ducentem, conditum est Corpus Sancti Adalberti Canonici Metropolitanæ Pragensis Ecclesiæ, qui vivens bene longam, & pulcram ad Virgines nostras dedit Epistolam, quæ singulari solatio, & profectu spirituali sæpius in Conventu prælegitur. Petiit Adalbertus apud nos tumulari; ad cujus tumulum, antequam cratibus ferreis muniretur, accidit, ut subditi nostri vasa in cellarium demitterent, alterque alterum admoneret, nè sepulchrum pede calcaret, conditum ibi esse Sanctum Virum; ibi cum risu monitum excepit alter, & si, inquit, Sanctus est, talis maneat, ego per ejus tumulum nihilo-feciùs ambulabo. Non multum abierat temporis, cùm Divino judicio, infami admissio scelere carnifici traditur, & cùm duceretur ad mortem, socium illum monitorem videt, & ad se vocat: en, ait, quò deveni miser! tum alter: atqui ego monueram, nè Sancti Viri Tumulum calcares. Pergit narratio Antistitis Principissæ: Cùm quodam alio tempore Familia Cœnobij nocte in Cellario necessarium haberet laborem, lumen illud extinctum est; illi trepidi, cùm nescirent, unde lumen peterent, emerferunt, & ecce super eum tumulum lumina vident ardentia; accensis luminibus protinus redeunt ad laborem, & respicientes vident omnia, quæ super tumulum antè lucebant lumina evanuisse. Hucusque Virginum M. S. Memoria. Placet ad extremum ipsam sepulchri Inscriptionem recitare: *Hic jacet Reverendissimus D. D. Adalbertus ad S. Viti Prælatus infulatus, & Scholasticus, quondam Confessarius in hoc Monasterio Sacrarum Virginum. Qui circa An. 1550. vixit, & pie in Domino obiit, ac ad petitionem suam Zelopietatis hic sepultus, & ob præclara Sanctitatis visa hic signa ab omnibus hætenus in magna veneratione cultus fuit. cujus sepulchrum renovatum est A. 1675.*

Miri eventus  
ad Tumulum  
Adalberti  
Canonici.

Locus Sepulchri.

## TIT: XLVI.

Venerabilis Pater Adalbertus Bausek Pragensis, è  
Societate JESU Sacerdos.

**I**Nter Viros illustres Societatis sive doctrinam, sive Sanctimoniam spectes Adalbertus Bausek meritò censetur, cujus mira encomia in Historia Ordinis nostri leguntur. Vocatus est ad Societatem Pragæ miraculo apparentis in Hostia Sacra Cælestis Pueri, extremo Anni 1556. in Ecclesia Sancti Clementis, & obstupefactus viso, quid à se Puer JESUS postularet, quæsi-

1575. alij 1571  
3. Maj.

In Eucharistia Christum infantem videt.



Hist. Prov.  
Boh. ad A.  
1556.

Interest Syn-  
odo in Mo-  
ravia:

Hist. S. J.  
P. 3. Lib. 7.  
N. 58. & 59.

Testimo-  
nia de Vir-  
tutibus Adal-  
berti.

vit? volo, respondit Puer, ut ibi sis, ubi es. vide quæ latius narravi pridem in *Historia Provinciæ Bohemæ Societatis JESU*. His vitæ Sanctæ initijs reliqua *Adalberti* in Religione vita respondit. Sed literæ quoque interiores celebrem *Adalbertum* reddiderunt: *Philosophiam* & *Theologiam* audiebat Discipulus, tamen *Magister à Condiscipulis* audiebat, admotusque est paulò post divinis illis Scientijs docendis; qua ex re (in *Theologia* præcipuè) tantum Nomen obtinuit, ut authoritate doctrinæ inter omnes Socios emineret. Anno 1568. cum *Episcopus Olomucensis* Synodum Diocesanam haberet 49. annis intermissam, *Adalbertus Bausek* ad eam vocatus nominatim cum *Laurentio Magio Provinciali*, & *Henrico Blyssmio*, ducentis Sacerdotibus, qui Synodo interfuere, Concionibus, Cœlesti Spiritu plenis, & colloquijs in Conventu habitis, egregiam operam navavit. *Viennam* deinde revocatus primus post tot annorum intervallum in illa celebri *Academia Theologia* studium revocavit, & *Facultatis Decanus* creatus est, quem esse omis- sum in *Universitatis Viennensis Gloria*, qui editus liber legitur, mirari fatis non possum.

Ibidem *Viennæ* obiit An. C. 1571. 3. Maij. Maximum virtutis ejus testimonium est, quod habent *Annales Ordinis* nostri: *Adalbertus Bausekius* Vir mitis, innocens, candidissimâ animâ, humilitatis amabiliissimæ, paratissimæ ad omnia obedientiæ, &c. cujus in ore ac vultu innocentiam animi, charitatēque erga DEUM, & quoscunque hominum legeres. Quibus virtutibus, ita domesticorum amores Civiumque rapuerat, ut agro nullum omis- sum sit, certatim omnibus omnia conferentibus, divinum, humanumque remediū, & fuerint, qui vota facerent, atque enixè DEUM Dominum precarentur, vicarios se offerentes, ut detractos sibi, illi annos adjiceret, nè munimentum id Religioni alienissimo tempore demeretur. Quæ spes ubi fefellit, quod reliquum erat frequentia, dolore, lacrymis, ac lamentatione insigni iusta funebria persolverunt. De eo *Laurentius Magius*, (tum *Provincialis*, qui postea & *Assistens*, & *Visitor*) hæc *Romam* ita nunciavit: *Migravit ad Dominum Sanctulus ille, ac Benedictus Pater Adalbertus, dimidium animæ meæ, propter multas ejus virtutes: cujus mors, ut communi bono perincommoda accidit, & Academia, & Collegio nostro, & Theologorum nostro Seminario; cum esset ille vas omnium bonorum, & ad labores infractus, ita vulnus cordi meo tale inflixit, ut etiamnum perdoleam.* Hæc postrema ex *Historia Societatis* nostræ descripta recitavi.







## TIT: XLVII.

R. D. Martinus Strakoniczky Strassiniensis in Prachenfi Districtu Parochus, Vir Apostolicus.

**E**Xplicari non potest satis, quantam de hoc Viro Sanctimoniae opinio-  
nem habuerit Vir ipse Sanctimoniae famâ inclytus *Albertus Chanovsky*  
*Soc. JESU*, qui *Martinum* familiariter nôrat à puero. Arabum esse  
proverbium dicunt, quod à Clarissimo Medico *Marco Marci* didici: indo-  
*ctus non novit doctum, quia nunquam fuit doctus; doctus novit indoctum, quia*  
*fuit olim indoctus;* hîc valere potest parœmia, cùm Viri Sancti, & expertæ,  
ac perspectæ virtutis ab æqualibus virtute laudantur. Sed ad *Martinum* ve-  
niamus, cujus omnis vita in obscuro jaceret, nisi noster *Chanovskius* prodi-  
disset. Fuit Martinus in eo Prachenfi Bohemiae regione notissimus, neq; alio  
magis, quàm *Propheta* & *Sancti* nomine clarus apud omnes; *Strassini* ad Ec-  
clesiam celebrem Divine Matris in quadam cellula habitabat solus, Parochia-  
les eedes elocabat Inquilino unâ illâ conditione, ut semel in die cibum adferret  
oranti; semel in die panem, & vilissimum aliquod obsonium degustabat;  
cubabat dura in humo, & si malè esset corpori, aut fatigatio posceret, in nuda  
tabula molliter se quiescere existimabat, saxum tamen semper cervicalis vi-  
cem implebat, quod hodièque *Strassini* ad venerationem monstratur. Vita  
denique *Martini* alia non fuit, quàm orare diu, noctûque, omnes vitæ com-  
moditates averfari, jejunare, cœlestibus colloquijs ad timorem, & amorem  
DEI omnes incitare, ac denique ex corporibus obsessorum Dæmones malos  
Tyrannos expellere. Ad extremum eò processit, ut *Parœciâ Strassiniensi*  
*Sacerdoti Catholico* commendatâ, ipse DEI amore, omnium rerum incertus,  
villas, & pagos obiret, & cùm *Hussi* hæresis occuparet omnia, *Catholicos*,  
qui supererant, pauculos confirmaret, novôsque quâ posset ope, acquireret.  
Pedes, & sinè commeatu omni procedebat, & si postularet necessitas, albo  
Equello vehebatur, Divina per iter meditans, aut Psalmos recitans, nemine,  
cùm Sacrosanctus omnibus esset, interpellante, ipso etiam Equo per interval-  
la sese Sancti Viri desiderijs, ac precibus accomodante. Quamcunque do-  
mum ex itinere accesserat, quidquid erat Catholicum, confitebantur peccata,  
tanto in domibus silentio (verba recito Vener: P. Alberti) acsi DEUS ipse ac-  
cessisset. Spectavi non semel (pergit Albertus) ubi in Convivia publica Nobi-  
lium intervenerat, neminem eo præsentem loqui præsumsisse, nisi eodem jubente,  
& hortante. Neque aliud nomen tota vicinia imponebat, aut sciebat, quàm  
*Prophetam* venire, *Prophetam* adesse. Tumultus Bohemicos, & maximam  
inde Pauperis vulgi vexationem secuturam audientibus multis diu antè prædi-  
xit, & de ijs malis quædam vaticinando scripsit; Joanni Chanovsky (Patris

Circa 1600.

Perelegaus  
Arabum

Proverbiũ.

Aspera Mar-  
tini Vita.Apostolicâ  
Vitam in-  
choat.Vaticinatio  
nes ejusdẽ.



Vivendi ratio.

Alberti Patri) identidem repetens hæc verba: O quàm enormia imminent bella! ô quanta erit hominum afflictio! filij nostri quærent latebras in silvis, & montibus, & antris. Cùm Dominus quæreretur: utrùmne superstitēs ea mala essent visuri? respondebat: nos neutiquam, sed hi filij nostri hæc experientur. Pergit P. Albertus: me præsentē, & pluribus alijs, quorum quidam adhuc vivunt, Dozicij pro Concione famem post triennium futuram, & mortem suam prædixit, quæ omnia evenerunt. Plura cùm semel cœperim ex Vener: P. Alberti vita describam: Moris ei erat, ut casus rusticorum ingressus, mox sese in quopiam angulo abijceret in genua DEO collocuturus, dum Rustici sua interim agerent, cœnarent, domum componerent, atque è vicinis etiam domibus plures convenirent, quæ omnia venerabundi illi, & sacro pleni horrore summo peragebant in silentio, finem precum illius expectantes, nonnullis à cœna sua reliquijs ei in obsonium reservatis, quas ille, cùm ab oratione surrexisset, verbâque de DEO, ac rebus æternis Spiritu Sancto plenissima aliquamdiu fecisset, parçè & sanctè sumebat.

Mors.

Cùm aliquando visitasset oppidum Katovvitz, ibique Matres familias felicem ei more suo gratularentur adventum, & ova, ac placentas offerrent in munus, simulque cum lacrymis quærentur, adauctos se à Toparcha suo Petro Baubynsky ad sectam Hussiticam, desertâ Catholicâ fide amplectendam; benignè eas primùm corripuit, ac reprehendit; tum dolenter adjecit multa his similia per summum nefas eo tempore perpetrari; sed tempus brevè affore, quo Catholici, jam verè in Bohemia pusillus grex, victoriam de inimicis omnibus essent reportaturi. Ex cujus vaticinij fama ortum est, ut nonnulli circa Katovicium patres familias, præsertim in pago Chlupin, ab eo tempore neutri Religioni adherere, nec unquam Sacræ Confessionis Sacramentum apud Catholicos, neque alia sacra apud hæreticos obire voluerint, Prophetiæ illius eventum expectantes, illi videlicet Fidei, tanquam veræ, & sinceræ adheraturi, quæ alteram debellasset. Cùmque deinde victoriæ in Albo monte à Catholicis obtentæ, ac Pragæ captæ famâ accepissent, Catholicis accesserunt sinè mora, & sua crimina ritu Catholico per sacra Exomologeseos lavacrum primò omnium apud P. Albertum Chanovvsky abluerunt. Multa DEUS per hunc Virum fecit miracula, quorum (verba sunt P. Chanovvsky) quia non rectè memini, lubens ea prætereo. Fuit autem pius habitu, & cultu corporis, uti quidam Religiosus Societ: JESU. Sepultus est pius, DEOq; plenus Sacerdos in Parochiali Ecclesia Blizivvensi; cujus etiam Tumulum vidisse me quondam in parte aliqua felicitatis repono. Obijt ad initium hujus sæculi, aut circa finem superioris.





TIT: XLVIII.

Venerabilis Pater Laurentius à Brundusio, Sancti  
Francisci Seraphici Ordinis Capucinorum  
Generalis.

**M**ulta, & mira de hoc Sancto Viro audisse memini, sed famam authorem facere nolui. Ijs ergo tantum contentus sum oportet paucis, quæ mihi quærenti ante annos amplius triginta, Amici ex illo Sacro Ordine, & Religiosi Viri retulere, quæque ego in *Divæ Turzanensi* Cap. 23. narravi. *R. P. Laurentius à Brundusio Generalis Commissarius ex Provincia Veneta*, primis statim annis, quibus sacra Familia *RR. PP. Capucinorum Prægam* advēnit, ad initia hujus sæculi appulsus est. Virum hunc Sanctimonie famam inclytum fuisse, senes *Patres nostros* sæpius audiebam narrantes; eundem Societati Nostræ peramicum, & perbenevolum, *Rektorum diaria* ostendunt, in quibus sæpissime lego: *R. P. Laurentius Capucinus apud nos fuit. R. P. Laurentius prandit nobiscum. R. P. Laurentius interfuit Consultationi nostræ de literis Majestatis, quas hæretici Ordines petunt à Casare, aliæque hujusmodi. R. P. Laurentius nos monuit de offensa Domini N.* Non possum hoc loco præterire observationem mirabilem, quam in Spirituali, & cælesti quodam Opusculo suo de *præstantia Instituti Societatis*, item in altero, cui titulus: *Gloria S. Ignatii*, utroque Antverpiæ Typis edito adducit *Vener. Pater Nicolaus Lancicius S. J.* videlicet: omnes omnium Ordinum Viros Sanctimoniâ illustres, qui conditâ jam Societate vixerunt, potissimum eos, qui in *Album Divorum*, Ecclesiæ autoritate publicâ relati sunt, eosdem *Ordini Societatis JESU* perbenevolos semper, & commodos, nostrique honoris augendi studiosissimos se præbuisse, idque *S. Neri, S. Tereſiæ, S. Magdalene de Pazzi, S. Petri de Alcantara, S. Thomæ de Villanova*, præcipue *S. Caroli Borromæi*, aliisque innumeris ostendit exemplis, sed hæc nè odiosa sint, mittamus: igitur *Vener. P. Laurentius* ad Divæ Virginis effigiem non tantum illam *Lauretanam*, sed quæ in ipsa *RR. PP. Capucinorum Ecclesia* veneratio- ni proſtat, quæque *Rotenburgi ad Neccarum* ab hæreticis in flammis injecta per spatium 12. horarum in flammis illæsa perſtitit, ut olim narravi, & quam ijs Patribus *D. Joannes Barvitijs* donavit; ad hanc, inquam, effigiem totus liqueſcebat in lacrymas, præſertim cum *Missam* ante ejus aram diceret, extra se rapi videbatur; & revera *Patrem Laurentium* in Ecſtaſi, ut dicimus, raptum coram eadem imagine, reperit, viditque *R. D. Ernestus Ordinis Præmonſtratenſis*, cum aliquando *Capucinorum Cœnobium* inviferet; ex eadem imagine *Puer JESUS* blandè *Laurentium* allocutus eſſe traditur; cumque aliàs *Sanctus ille Pater* pro Hebræorum conversione ardentè oraret, *Hebræi-*

Laurentij  
munia.

RR. PP. Ca  
pucini Pra  
gam intra  
runt 1600.  
22. Maij.

Vir Societa  
ti peramicus

Imago mi-  
raculoſa a-  
pud RR. Ca  
puc: Pragæ.

Laurentius  
raptus in  
Ecſtaſi.



ca lingua peritiam momentò accepisse, parato, & prompto ad pertinacissimæ gentis conversionem auxilio. P. Mathæus Raderus in sua Bavaria Pia testatur Vener. Patrē Laurentium Pragæ magnâ Catholicorum procerum, qui Italicam linguam callebant, utilitate concionantem auditum; adeoque Vir iste Sanctus, Bohemiam nostram non indignam ope suâ cœlesti putavit. Tantum est, quod de hoc Viro Sancto rescire licuit.

Vita Ven. P.  
Laurentij  
tandē com-  
municata.

Ecce autem geminata, è cœlo, ut gratus agnosco, fœlicitas me respexit: nam dum superiora Typographus excuderet, advolat repentē ad Collegium R. P. primus ex ordine illo sanctissimo Capucinorum, cum quo ego pridem multis precibus egeram, ut Vitam mihi Vener. Patris Laurentij ad aliquot dies pauculos legendam communicaret; sed bonum Patrem, Capitulum Provinciale, tum occupationes domesticæ, nè quod petebatur, effectum daret, impedivēre; at hoc ipso die Iglaviam ad Conciones habendas proficiscens, mihiq̃ amicè valedicens, Vitam V. P. Laurentij à se compendio descriptam dedit in manus. Hanc primam fœlicitatem, mox secuta est altera: hærebam anceps, utrumne sine damno expectantis Typographi Vita Sancti istius Viri in his temporum angustijs breviter scribi & Typographo citò porrigi posset, spe bonâ plenus ad R. P. Guardianum Capucinorum mitto, qui statim quod ab alio impetrare nunquam poteram, Annalium sui Ordinis mihi copiam fecit, in quibus P. 3. ad An. 1619. latissimè, ac diffusissimè res gestæ Vener. P. Laurentij narratæ leguntur.

Propositū  
Authori  
non fuit Vi-  
tas Sancto-  
rii hominū  
ad verbum  
describere.

Vita Lau-  
rentij ante  
Religionis  
ingressum.

Propositum mihi non est in hoc quodammodo subventaneo opere, omnes per longum, ut vocant, Vitas Sanctimoniarū præstantium Virorum adducere (ut sæpius Lectores monui) id alicui, qui majore otio & tempore affluat faciendum relinquo; poterit ex hoc unico libro meo, faciliè justa duo volumina vestigijs meis, & solo firmo inhærendo, me faciem præferente, implere, sed præcipua tantum summam recensere; quod consilium in hac Vener. P. Laurentij vita sequar, & capita quædam referam, quæ in prædicta historia clari, & indubitatæ exemplis probantur, & ex processu Canonizatio- nis instructo leguntur. Natus est P. Laurentius Brundusij in Italia pijs honestisque parentibus, qui ablatum Infantem habitum S. Francisci Conventualium induerunt. Sexennis adhuc puer in Cathedrali Ecclesia Patriæ suæ conscendit suggestum, & prævio campanæ sonitu totâ ad miraculum confluyente civitate, in peccata gravissimis invecivis detonabat. Adolescentiam ingressus vino & carnibus in perpetuum sibi interdixit, cilicio asperrimo præcinctus, omnibus festis diebus Eucharistiâ refici solitus, in oratione assiduus, in qua & sudore, & lacrymis dulcissimis perpluebat, nihil nisi DEUM, & divina Condiscipulis ingerens, idemque humilis, & sui contemtor, apud omnes Sancti Adolescentis nomen est consecutus: Capucinorum deinde institutum amplexus, omnes virtutes priores suas ad perfectionem adduxit, studiis-

que



que Philosophicis, ac Theologicis cælesti potiùs auxilio, quàm humanâ diligentiâ perceptis, *concionandi munus* exorsus est; linguarum donum divinitus acceperat, & cùm latinam, hispanicam, germanicam linguam usu didicisset, postea sinè omni Magistro *Græcam, Hebræam, & Chaldeam* peritè admodum loquebatur, adeò ut à *Clemente VIII. Romam* evocatus triennio *Judaïs Evangelium* prædicarit, plurimòsque lucrificerit Christo: Expetitus ab urbibus *Italia, Venetijs, Neapoli, Genuæ, Mantuæ, Papiæ,* & apud nos in *Bohemia Rudolfo II. imperante,* tum *Viennæ & in Ungaria, Bavaria,* cæterâque *Germania* concionando ex cœno peccatorum extraxit plurimos, & hæreticos ad Ecclesiæ gremium revocavit. Tantâ autoritate florentem *Laurentium* suæ Religionis *Præfecturæ* exceperunt: *Provincialis Minister,* tum *Coloniæ & Bohemiæ Visitator Generalis,* tandem in Comitijs Generalibus *Generalis Minister* quantumcunque reniteretur, creatus est. Toto illo triennio omnes suæ curæ Provincias pedibus emensus, quanta itinerum incommoda, & quàm invicto animo superârit, Annalibus traditur; magno tamen hæc illi via stetit: nam & *podagra,* & frigus artubus, & nervis inimicum omnem postea corporis compagem labefecit. In regendo summus ejus amor in subjectos, invicta fortitudo, disciplinæ religiosæ observantia, sed prudentiæ conjuncta apparuit; augebatur *Vir sanctus* honoribus, & Procerum in se studia lacrymis diluebat. Quàm prudenter, & fortiter DEI spiritu agente negotia sibi commissa tractârit, legationes *Laurentio* impositæ, à *Clemente VIII. à Paulo V. ab Imperatore Rudolfo, à Philippo III. Hispaniarum Rege,* aliæque momenti maximi, satis ostendunt. *Pragæ* in Conventu *Electorum Polycarpum Leiserium Prædicantem,* quem velut sectæ suæ Antistitem maximum, *Serenissimus Elector Saxo Pragæ* secum adduxerat, ad disputationis singulare certamen provocavit; præstitutâ die *Polycarpus* non comparuit, brevique post ingloriâ fugâ evasit ad suos; eo facto irritati hæretici, præsertim *Saxonica Legionis Præfectus,* necem P. *Laurentio* machinatus est, & conficisset negotium, nisi ipsemet sese obtulisset, & mirâ humanitate verborum sceleratam Præfecti mentem composuisset. A *Rudolfo Imperatore* ad auxilia à Principibus adversus *Turcam* impetranda missus, re ex sententia gestâ cum *Mathia Rudolphi* fratre Exercitus Christiani Duce in *Ungariam* descendit, & ante prælium ardenti cohortatione ad Milites præmissâ; Equo insidens, & Crucem præferens ante Acies conspicuus stetit, & victoriam precando adjuvit, certè & *Mathias,* & alij Duces, Victoriâ hanc insignem *Laurentio* non dubitarunt adscribere. *Charitatis* divinæ æstus, ejusque exempla tanta, & tam rara *Laurentij* vita suppeditat, ut si ea vel describere vellem, dies deficeret, *summa sequar vestigia rerum:* teneritudine divini amoris cruciatum calculi, & *podagræ* superante, non nunquam *duodecim horas sacrificans,* & Christo dulcissimè perfruens transigebat; elevatum in aëra *Laurentium* sæpius

Conciones  
Laurentij  
quàm utiles

Ubi locorū  
concionat⁹  
sit.

Munia ejus  
in Religione

Morbi ejus

Regendi su  
os dotes,

Legationes  
Laurentio  
impositæ.

Pragæ pro-  
vocat hære-  
ticū & pellit

Periculum  
se offeren-  
do vitat.

In Ungariâ  
profectus  
Victoriâ  
adjuvat.

Mirus DEI  
amor in  
Laurentio.  
Pietas sacri-  
ficantis.  
Elevatur in  
aëra.



Veneratio  
Dei Matr̃s

Donū pro-  
phetandi.

Conventū  
superbiū &  
dificatū im-  
precando  
protinus in  
terrā dejicit

Mors San-  
cta Ven. P.  
Laurentij.

Miracula  
post mortē

ante *Canonem Missæ*, in eoque situ plures horas pendere vidit *Bavari Ducis Præfectus*; tum & lacrymæ profluebant ubertim, & sudor toto erumpebat corpore, & sacrum caput in *modum Camini* cujuspian fumabat. Ecstases, ut Spirituales Magistri appellant, erant frequentes; *DEI Matricolendæ* deditissimus, obtentâ a summo Pontifice facultate, *quotidie de B. Virgine Missam*, præcipuis per Annum festis diebus exceptis, legebat; *Christi de Cruce* pendentis cœlestis signum appensum collo gestabat assidue, *Castimonia, Paupertatis, obedientiæ, austeritatis, & patientiæ* innumera ab eo edita documenta referuntur; *Pragâ* ab hæreticis velut perduellis ejectus, compertâ innocentia, summo bonorum omnium gaudio revocatus est. *Spiritu Prophetico* claruisse virum multa demonstrant: *Victoriam* adversus *Turcas Mathiæ Archiduci*, *Philippo III.* Hispaniæ Regi mortem, *Annæ Imperatrici Mathiæ Conjugi* prolem, quam editura erat, mortuam fore; *Vincentio Mantuæ Duci* pœnam cœlestem (quæ non abfuit) locum suæ mortis *Ulyssipone* tanto antè prædixit. *Sanationes* ritè testimonijs firmatæ & nominibus locorum, & hominum consignatæ magno numero recitantur. Memoratu dignissimum est quod sequitur: dum *Generalis Magister Provincias* suæ Religionis visitaret, accessit ad *Conventum* quendam, cujus Cœnobium amplissimum, & contra morem Religionis illius sanctæ, sublimi structurâ elevabatur, *Laurentius* disciplinæ studio accensus, quærit: quis ædificij hujus architectus fuisset? & cognito fratrem illum jam suo fato defunctum, *Conventui* illi (ut *Scriptor* loquitur) *dirâ maledictione imprecatus est.* res mira! *Conventus* ille quamvis ad annos æternos exstructus videretur, firmissimâ compage, hac maledictione velut ariete cœlesti percussus, ac penitus concussus protinus corruit, ipso *DEO* latam à *Laurentio* sententiam in *Lapides* exequente: sed jam tandem aliquando ad *Viri DEI mortem*, quam proculâ nobis in *Lusitania* oppetijt, veniamus: *Neapolitani Regni Proceres* à Prorege suo miseris affecti modis, *Cardinalis Capucinorum Protectoris* imperio accedente, Legationem illi ad *Regem Philippum III.* imposuerant; coactus *Laurentius*, vitæ mirabiliter in itinere Proregis insidijs, ad *Regem*, qui tum *Ulyssipone* morabatur, pervenit; confecto sæliciter negotio, venerabilis Pater senio confectus, dysenteria periculosè laborans, cum se ad exitum vitæ properare sciret, *Missâ* *quotidie* quinque primis morbi diebus devotissimè lætâ, Fratribus suis qui unâ venerant, mandata sua ad diversos exponens, cœlesti viatico communitus, & infirmorum oleo inunctus, in *Crucifixi DEI* amore, quem satis nutibus declarabat, placidissimè vitam absolvit Anno 1619. die *S. Mariæ Magdalene* circa Solis occasum. corpus in oppidum *Villæ Franchæ* ad *S. Claræ* parthenonem devectum; Miracula plurima consecuta sunt mortem, præsertim in *Italia*, quibus adductus summus Pontifex *Urbanus VIII.* in hujus Sancti Viri virtutes, & res gestas, cum potestate jussit inquire; quæ omnia summa-



matim annotata in *Historiam Ordinis* inserta, & ex ea adhuc contractiore stylo à me descripta fuere in laudem & gloriam DEI & servorum ejus, qui in *Vienna Domini Sabaoth in Regno Bohemiae* faeliciter laborarunt.

## TIT: XLIX.

## Wenceslaus Ssvihowsky è Societate JESU.

**N**atus est Illustrissimo Procerum Bohemorum sanguine, quos à *Regibus Przemyslais* descendere, omnes omnino Scriptores nostri veteres, novique consentiunt. Pater ei fuit *Ferdinandus Brzetislaus Ssvihovsky Dominus in Dobrzyß*; mater *Anna Novohradska de Kolovrat*. Anno ætatis suæ vicesimo secundo *Societatem* ingressus, totum se virtuti, totum studiis literarum tantâ contentione addixit, ut in utroque par maximis Provinciae viris haberetur; ejus rei argumento & *Vienna*, & *Praga* altiores scientias tradidit, & legitimo tempore quatuor solennia vota professus studiis Nostrorum primùm *Praga* præsuit, deinde etiam munus *Universitatis Ferdinandae Cancellarij*, magnâ cum dignitate sustinuit. Sed virtuti, & Sanctimoniae plus datum à *Wenceslao*, quantò nimirum veriora sunt bona, quæ nos DEO gratos efficiunt, quàm ea, quæ vel suis hostibus sæpe DEUS concedit. Mitissimi Patris nomen apud Socios *Wenceslaus* obtinuit, idem cupiditatum omnium victor, nihil desiderabat magis, quàm contemni, id, si contingeret, gaudebat, id triumphabat; nunquam auditus est de Natalibus suis gloriari, aut Illustrissimos Parentes nominare, nec eam laudationem ab alijs profectam, nisi impatienter, audiebat; morbos, qui cum pluribus extremis annis exercebant, patientiâ, & silentio superabat, patientiam verò frequenti oratione ad DEUM roborabat; quoties procedebat in publicum, id magnâ cum modestia, & gravitate faciebat; sed præcipua viro autoritas in ardenti ad populum dictione fuit, quâ plurimas hominum centurias Christo, & ejus Ecclesiae conciliavit; nec minùs colloquijs profectum, quibus illustres fæminas plurimas (qui sexus cum ob mobilitatem animi vim argumentorum percipere non possit, obstinator in erroribus tuendis esse solet) ad Ecclesiae partes traduxit; immortalia odia plurimorum, maximè cognatorum extinxit. Ob eam maximè causam, cum *Horazdiovicium* Majorum suorum ditionem *Pragâ* excurrisset, in morbum gravem incidit, quo superatus, anno ætatis suæ 42. Societatis 20. Domini anno 1610. 8. Januarij evolavit in Cœlum *Viri Apostolici* nomine ab ejus ævi senibus honoratus, præcipuè à Ven: Patre *Alberto Chanovsky*, illius *Bohemiae* partis Apostolo, qui si optio sepulchri daretur, sæpe dicebat, optare se ad pedes Patris *Wenceslai* ossa deponere. Sepultus est *Horazdovicij* in Ecclesia Civitatis ante Aram summam, marmore altè à solo elato, ut absentibus nostris, Amici jusserunt.

1610. 8.  
Januarij.

Natales.

Munia &  
Officia.

Virtutes.

Fælicitas in  
Conversio-  
ne hæretic:Mors & Tu-  
mulus.



In hist. Pro  
vin. Boh.

In Institut.  
Orat.

Porro ab hoc initio egregiæ Nobilitatis Juvenes Societati nomen consequen-  
tibus annis dederunt in *Bohemia, Moravia, Silesia*, sed in *Bohemia* præcipue,  
ut mihi, qui eorum nomina alibi percensui, duas paginas impleverint;  
præcipui fuere: *Kolovratæi Libsteinskij duo; Wratislavij, Wrtbæi, &  
Wrbnæi duo; Spinolæ, Dietrichsteinij, Breüneri, Berca, Waldsteinij, Ssva-  
benskij, Grodecij, Preckvicij*, pluresque alij superstites, qui (ut in re simili di-  
xit *Quintilianus*) olim nominabuntur, nunc intelliguntur. Quæ de *P. Wen-  
ceslao* attulimus, ex *Theophili Cristecci Collegij Pragensis Rectoris* memorijs  
ad An. 1610. sunt excerpta.

## TIT. L.

Sabina Wratislaviana tredecim annorum Puella.  
Wenceslaus Sternberg sexennis, miræ in tenera  
hac ætatula pietatis puer. Ursula de Lobko-  
wicz Matrona Christo Crucifixo devo-  
tissima.

1597.  
De Sabina.

**A** Periam simul hoc loco scenam, quod ajunt, manu alterâ, simulque  
alterâ claudam: *Sabina*, quam primo loco nominavi, incorrupta hodi-  
que, ac viventi similior in *Gerziez* in *Provincia Reginohradensis*  
spectatur; innocentiam, pietatem, ipsius misericordiæ præcordia, cæterasque  
virtutes jam libro tertio C. 18. §. 1. habes à nobis commemoratas; hîc satis  
est innuisse, nè eadem otiosè repetendo fastidium pariamus legentibus.

1615:  
De Wenc. à  
Sternberg.

Ex eadem caussa præmitto *Wenceslaum de Sternberg Adami Bur-  
gravij Pragensis* filiolum, de quo mira traduntur; *manus boni pueri* (itâ ap-  
pellant) hodiæque incorrupta perseverat. Vide, quæ jam de eo scripsimus  
Lib. *Miscellaneorum* III. C. 18. §. 2. quæ repetere supervacaneum est.

In Aust. Ve  
stigiij Boh.  
Pie ad C. 8.

Ursule Lob  
kovicianæ  
pietas in  
Crucifixu  
Dominum.

Jam quæ sequuntur fide, & verbis *Joannis Tanneri* nostri ex *Vestigio  
Bohemia Pie*, ejusque Auctario describo: *Ursula* ex *Illustriissimo Lobkovici-  
orum stemmate*, Parentum nostrorum memoriâ, magnæ virtutis, & Sanctitatis  
femina, nupta cuidam *Domino Plesky Baroni* in *Moravia* solita se quotidie in  
certum quodpiam Christi Domini vulnus commendare, multa à Demone passa  
fuit adversa. Quadam nocte cum ei mortem minaretur, illa verò minas ejus  
flocci faceret, negaretque eum ejus rei habere facultatem adversus eam, quæ se  
DEO eâ die in vulnus manus dextræ Christi Domini commendasset, arrepto  
Daemon cervicali, eam suffocare conabatur. Cùmque illa nihilominus spem su-  
am totam in DEUM collocaret, victus Daemon aufugit, itâ tamen, ut prius pe-  
stilenti aliquo halitu faciem ejus afflaret, ex quo vultus ejus postea graviter in-  
tumuit. Eo autem ipso, quo eam Daemon deseruit, momento, cùm illa levasset  
oculos



oculos, magnâ vidit luce splendidam super se dexteram protegentis instar extensam. Aliàs cum in prædio suo deambulare, contigit, ut locum accederet, in quo effusum quidpiam humoris fuisse advertebatur, quam effusionem quotquot gallinæ transibant, aut anseres, mox in vestigio exstinguebantur; monita igitur illa ab ancillis, ut locum caveret, cum nihilominus facto signo sanctæ Crucis transivisset, mox, non quidem exanimis, corruit tamen, atque in lectum est relata, membris, nervisque omnibus contractis, atque hoc in morbo tribus annis, ac mensibus sex ad obitum usque mirâ patientiâ decubuit, mamillâ dextrâ sanie, ac tabo ita corrosa, ut interiora pectoris apparerent. Cumque ei per magica quadam valetudinem promitterent, adduci non potuit, ut nefaria ejusmodi medicamenta admitteret. Extrahebantur autem ex illo vulnere varij capilli, & pili, ac carbones, cortices, aliæque ejusmodi quisquilie, ut faciliè appareret, morbum illum magicis incantationibus ei fuisse procuratum. Sed quod in hac re fuit admirabile: lignea, quam Domina illa habebat, Crucifixi effigies, quasi doloribus ejus condoleret, quoties ipsa acerbius cruciaretur, agebat & ipsa in vulnere lateris pus, & saniem ostendebat, atque ex sacratissimo illo vulnere, etiam similia capillamenta, aliàsque quisquilias emittebat. Sacrum Missæ Sacrificium coram ea moribunda celebravit P. Andreas Neubaur Societatis JESU Praga ad S. Clementem Germanicus Concionator, Vir ab opinione Sanctitatis celebris, ubi illa, postquam Sacratissimam Hostiam elevari aspexisset, mox exclamavit: Jam D. DEUM meum vidi, nec amplius quidquam video. Et sic ceca eadem die obiit. Crucifixum illum eidem Patri donavit, qui nunc asservatur apud Illustrissimam Comitissam Mariam Eleonoram de Nostitz, natam de Lobkovicz, cui eum ad vitam commodavit Virginum Monasterium Regium Vienna Austria, in quod Monasterium illatus est à dictâ Domine privigna Domini Plesky ex priore Conjuge Filia, dum Monasterium illud, & Religionem est ingressa.

Magice procurata ægritudo.

Obitus ejus.

## TIT. LI.

### Venerabilis Pater Petrus Torrentinus Societatis JESU.

**V**ixit in Provincia Bohemiæ Societatis JESU annis plurimis, anno ætatis suæ septuagesimo, sæculi 1613. 5. Januarij extinctus Petrus Torrentinus natione Brabantus, de quo mira, & à senibus nostris audiui, & in Annalibus & scriptis memorijs annotata invenio. Vir erat, nunquam in suo sensu abundans, & quamvis & Collegia Rector, & Juvenum contubernia, & Tirones rexisset, & alia quæ prima nobis sunt, munia gessisset, magnam esse partem prudentiæ existimabat, imperia sua subditorum ingenijs accommodare, ut semper & omnia volentibus, & promptè jussu recipientibus imperaret. Hanc prudentissimam animi, morumque, & imperiorum mo-

1613. 3. Januarij.

Mira ejus in regendo suavitas.



Perpetua  
DEI præse-  
tia.

Incorrup-  
tio corporis

Vaticinia.

destiam comitabatur jugis DEI, ac cœlestium rerum memoria; *Divæ Vir-  
ginis Rosarium*, ut vocamus, manu tenens, velut Marianæ pietatis insigne,  
aut illud, aut tale aliquid cœleste revolvebat animo, tantâ plerumque dulce-  
dine pietatis, ut *JESUM*, & *MARIAM*, velut præsentés ante se allo-  
quens, & responsa eorum quodammodo audiens, cum neminem adesse cre-  
deret, in svavissimum, & cœlestem quendam risum solveretur. Sæviebat  
in se miseris modis, (quod sanctis, & innocentissimis hominibus usitatum  
fuisse gesta eorum ostendunt) virtutem hominis ad nostra usquē tempora in-  
corruptione corporis divinitas approbavit. Vidi hisce oculis in *Tumulo  
Brunæ*, ubi decesserat, præter quod nigredinem situ contraheret, cætera in-  
corruptum; quotannis abstergere lurorem illum madidis linteolis, & cum  
circa eum omnia computrescerent, illasæ semper carne & cute, novis vesti-  
bus *Torrentinum* induere *Socij Brunenses* solebant, cujus ego laboris A. 1637.  
adjutorem me fuisse gaudeo: venter boni *Patris* tum adhuc integer, tume-  
bat, in dextro pede vulnuscule, quâ viventi pedum stillabat humor, ut *Se-  
nibus* contingit, hiabat adhuc; sui corporis cruciatus *P. Petrus* Animabus è  
*Purgatorio* ad se turmatim, idque, ut constat, sæpenumero venientibus, &  
poscentibus opem, donabat. Divinitus *P. Petrum* multa prædixisse constat,  
celebris est prædictio de *P. Wenceslao Pillar*, quam in hujus encomio attuli.  
Narravit mihi annis abhinc tribus, & quadraginta Vir Apostolicus è Societa-  
te nostra *P. Joannes Drachovius*, Patri *Petro* coævus, quàm plurima miracu-  
lo proxima, inter quæ illud, cum in pistrino *Brunensis* nostræ *Domus* exortus  
ignis magnum malum daturus esset, accurrentibus alijs post alios properè *Ti-  
ronibus* ad *Magistrum*, & *Rectorem*, qui tum alio labore districtus, orabat,  
aut nescio quid legebat in cubiculo, & ardere clamantibus, *Torrentinum* se ni-  
hil movisse, sed ridenti vultu respondisse: *Si ardet, extingvite!* tandem fi-  
nito labore, quasi per otium surrexisse, & gradu nihil concitato in rem præ-  
sentem ad incendium venisse, & sublati in cœlum oculis, manu *Crucis* signo  
formato, imperasse flammis, & momentò flammam omnem extinxisse. Plura  
ejusmodi Senes narrabant. Vide *Annales Brunenses* ad An. 1613.

## TIT: LII.

### Joannes Lohelius Archiepiscopus Pragensis ex Ordine Præmonstratensi.

1622.

LohelijPa-  
tria & edu-  
catio Teple

**J**oannem Lohelium Archiepiscopum Pragensem nondum quidem Ecclesiæ  
authoritate, bonorum tamen & doctorum Virorum pietate, & comuni  
omnium sensu, Beatum, & Sanctum nominari sapius audimus & legi-  
mus. Natus erat superiore sæculo in *Regia Urbe Egreſsi* honestis parenti-  
bus, primis studiorum puerilium *Elementis* avidè perceptis, altiorum disci-  
plina-



plinarum excitata in Juvene sitis est, adeoque *Teplam*, ubi latinitas docebatur, nobile illic viciniae *Premonstratensium Cœnobium* se contulit; cereus erat ad omnem pietatem animus *Lohelio*, flammæus, & acer in literis, itaque legitimam affecutus ætatem admitti inter Religiosos petijt, impetravitque. Abbas loci *Murregius* vocabatur, qui ingenij acrimoniâ & fœlicitate in Juvene satis exploratâ *Pragam* ad Academicos & *Contubernium Convictorum* ad reliquas scientias percipiendas *Joannem* ablegavit; frequentabant *Scholas Societatis* tam altiores, quàm etiam Humaniores, ex diversis Ordinibus Religioforum quàm plurimi Juvenes egregij (qui mos usquè ad nostra tempora nondum excitato ad altiores Scientias Archiepiscopali Seminario, pervenit) tamen nullus erat in quo *Magistri* acquiescerent magis (quorum est nosse, & tractare ingenia) quàm in *Lohelio*. *Edmundum Campianum* in Rhetoricis, deinde in Philosophicis quoque *Magistrum* audivit, tum alios Viros doctissimos; Theologiâ perceptâ domum revocatus, paulò post *Prioris* apud suos munus delatum invitatus & renitens accepit. prudentia, doctrina, morum sylvitas, ac præcipuè vitæ Sanctimoniam breve ad honores iter *Lohelio* fecere: à *Strahoviensibus* primùm *Pragam* ad *Insulas Abbatiales* postulatus ascendit, statimque disciplinæ Religiosæ ad leges ordinis conformandæ totus incubuit, cum id fœlicissimè processisset, supremi totius Ordinis Generalis autoritate, ad visitanda *Bohemia*, *Moravia*, *Silesia*, *Polonia*, *Ungaria* Cœnobia cum potestate missus est, eoque munere defunctus in *Bohemiâ* redijt fœlicissimo ubique ad votum omnium negotiorum successu. Mirabatur jam tum Viri Sanctimoniam captus indefessos *Lohelij* labores Augustissimus Imperator *Rudolfus*, honoribusque Virum augere constituerat: itaque cum *Sbignaus* laudatissimus Præsul Clero *Bohemia* reformando intentus Synodi celebratione distineretur, *Lohelium* ei pro *Suffraganeo Episcopo* commendavit: gratum id *Sbignao*, nec mora *Sebastensis Episcopus* nominatus est, præcipuamque *Sbignao* egregio Præsuli in omnibus Ecclesiarum curis operam navavit. A. 1605. *Sbignao* Præsule è vivis sublato, & *Carolo Lambergio* successore nominato, & à *Paulo V.* confirmato, prioris Archiepiscopi *Joannes* pressit vestigia, & quia *Lambergius* morbo domi detinebatur assidue, unus omnia Archiepiscopalia munia sustinebat, quæ, ut cum majori dignitate obiret, Divis ac hominibus volentibus, *Rudolfo Cesare* potissimùm, *Coadjutoris* oblatum titulum coactus admisit, brevique (Anno videlicet 1612. *Lambergio* in *Offecensi Cœnobio* extincto) rursus Pontifici commendatus, confirmatus, denique *Archiepiscopus Pragensis* consecratur. Omnes tum illorum temporum calamitates sub *Matthia*, & *Ferdinando II.* postea *Friderico Palatino* Regnum turbante, in se contortas fortissimè tulit; exilium trienniò pertulit, postmodum à *Ferdinando II.* Hæreticis in Albomonte prostratis, summo honore *Pragam* ad gregem suum Pastor optimus revolavit. ætas decrepita segnem Archiepiscopum

Scholas Societatis: frequentat, Philosophiâ & Theologiam.

Fit Prior Teplæ.

Abbas Strahov: deinde Visitator Ordinis cõstituitur.

Nominatur Suffraganeus Episcopus.

Virtutes Lohelij maximæ.



Quædam  
miraculis si-  
millima.

pum fecerat, nisi divinæ gloriæ inflammatus ardor, & curæ Ecclesiarum, & tempus agendi stimulos addidissent. ante omnia toto *Bohemiæ Regno Mystas hæreticos* pelli procuravit, tum ad Regni Comitia advocari Ecclesiasticum statum, & primam in sententijs, & sessionibus dignitatem, ducentis propè annis post, quàm hæretici eos depulerant loco, obtinuit; aliquam partem ditionum Ecclesiæ suæ recuperavit, neque dubium erat, si longius vivere contigisset, effecturum fuisse, ut (cùm in manu Cæsaris Victoris essent omnia) & Archiepiscopales, & Ecclesiarum, & Cœnobiorum pleræque ditiones (quod erat facillimum) sine imminutione ad veteres Dominos reditura fuissent. Obijt Sanctissimus Præsul in his studijs, & in Juribus Ecclesiarum repetendis An. C. 1622. 2. Novembris. Fuit Vir Orationis, & abstinentiæ maximæ, divini honoris, & religionis proferendæ studiosissimus, legum Ecclesiasticarum, Jurium, & Imunitatum defensor acerrimus, moribus inter hæc suavissimis, lenis semper ac placidus, Sanctorum Præsulum sumus imitator, adeoque *Pater Pauperum* vulgò dictus, denique ad sanctimoniam leges totus factus & factus. Nec miracula, ac miraculis simillima eventa (quibus Servi sui merita comprobabat DEUS) defuisse narrant testes omni exceptione Majores: cœlestem Musicam audivisse orantem; pecuniam quam egenis daret, divinitus suppeditatam; aviculam, quam ægrotus optaverat, alieno tempore in conclave involasse; cùm *Pragâ* ab hæreticis proscriptus *Vien-næ* in exilio degeret, ac *Pragæ* interim in Metropolitana Ecclesia nocte apparerent lumina, & cantus Sanctorum audirentur (ut post alios in *Phosphoro* suo commemorat *Pessina*) & curiosi quidam è Catholicis per Januarum rimas observarent, visos esse SS. Patronos *Bohemiæ* ab Altari summo procedere, interq; eos agnitum *Joannem Lohelium*, qui *Te DEUM laudamus* intonaret. plura ejusmodi miracula, aut miraculo vicina in M. S. Elogio, quod *Abbati* suo *Præmonstratenses* scripserunt invenio; quædam in Oratione funebri leguntur; citatur etiam *Calendarium Germanicum B. V. in Bavaria* impressum, & Bibliotheca *Præmonstratensium*, quæ postrema non vidi. Sed *Lohelij Epitaphium*, quod ad ejus *sacrum Tumulum* legitur, dignissimum est exscriptu, idque sic habet:

D. O. M.

M E M O R I Æ

ILLUSTRIS: & REVERENDISS: SACRORUM PRINCIPIS  
D. JOANNIS LOHELII.

Epitaphiū  
Lohelij Ar-  
chiep: Prag:

Quem Egra Civem, Ordo Præmonstratensis Teplæ Professum, hoc Cœnobium Præsulem & Restauratorem, Disciplina Assertorem, Monasteria hujus Regni & Pannonici & Sarmatici titulo Vicarij Generalis Inspicem, Sebaſte Armeniorum Episcopum, Praga deniq; è Suffraganeo & Coadjutore habuit Archiepiscopum, quem ob mores & pietatem etiam per duelles Hæretici admirari debuerant & co-  
lere



lere, Virum antiquæ fidei, meri Candoris, ardentis Zeli, effusa Charitatis, Sanctæ modestiæ, curæ pervigilis, laboris in vinea Domini inexhausti. Qui grassante impiâ factione triennium ob Christum exul, sedi cum gloria redditus, ab invictissimo Cesare Ferdinando II. Luporum ab ovili suo expulsionem, Ecclesiarum omnium in manum Archiepiscopi restitutionem impetravit, & effecit ut bona quæ dudum hæretico tenebantur invasore, Archiepiscopum Dominum suum resalutarent. Tandem dierum, operumque plenus, sensuum adhuc ut animi integer, JESUM ingeminans, JESU meritis ipso animarum die Anno Christi MD. C. XXII. suo LXXIII. Cathedræ X. in paratam sibi requiem translatus est, magno sui desiderio, & eximia sanctitatis opinione apud omnes relictâ.

Hic sepultus.

Successor in Abbatia Casparus à Questemberg, & Religiosi Conventus Strahoviensis Filij Domino Archiepiscopo Patri suo, nunc Intercessori dignissimo.

P. P.

An. M. DC. XXVI.

### TIT. LIII.

Wenceslaus Pillar è Præposito Cathedralis Ecclesiæ Olomucensis Societatis JESU Tiro, deinde magni nominis Concionator Pragæ ad Salvatorem.

**E** Questris apud Moravos ortus loco Wenceslaus Societati JESU juvenis nomen dedit, in qua studijs omnibus egregiè excultus, & Sacerdotio initiatus, accedente naturâ, ad summam dicendi gloriam brevè pervenit; sed ea res in perniciem vertit: nam cum Proceres Moravos haberet in potestate, & ad summos honores æterni sibi, & muniri viam videret, cupiditati succubuit, & ex Societate, quamvis ab ea benignissimè haberetur, varijs inventis coloribus, missionem bonam extorsit. Nec eum sua post discesum spes fefellit: certatim in eum omnes congerebantur honores: *Canonicus* primùm Ecclesiæ Olomucensis, tum *ditionum Capitularium Præfectus*, quo in munere integritatem suam omnibus probavit, OEconomie singulari peritiâ, duabus *Canonicorum Residentijs* exstructis; neque ita terrenis se rebus immergit Wenceslaus, ut doctrinæ, & virtutis curam omitteret: certè *Franciscus à Dietrichstein* Cardinalis, & *Episcopus Olomucensis*, maximus ingeniorum, & vitæ explorator, *Vicarium* pro se in *Spiritualibus* *Generalem*, ac totius *Episcopatus* *Officiale* constituit, cum paulò antè *Præpositi Cathedralis* dignitatem omnium votis, & plaussibus adiisset. Nihil huic Viro aliud propositum esse videbatur, quàm Religionis splendor, & dignitas, Justitiæ defensio, &

1629. 5.  
Januarij.

Genus.

Ingressus in  
Societatem  
& exitus.

Zelus & Ju  
stitiæ rigor.



Foundation:

S. Greg. l. 3.  
Dial. C. 31.Reditus ad  
Societatem

bene de omnibus merendi voluntas; certatim ultimis voluntatibus, ut subscriptor, & defensor adhibebatur, quo nomine *fundationem pro Sacerdotibus Moravis in Convictu Olomucensi Martini à Greifenthal* periclitantem sustinuit, erexitque. *Societati JESU* deditissimus in Collegij inopia complures sumas mutui nomine dedit per partes, postea donavit omnino, quæ sumæ aliquot florenorum millia confecerunt. In *Ecclesia Collegij Olomucensis* pretiosum *Altare S. Ignatio* statuit cum imagine venustissimæ artis. Eidem *Ecclesiæ* sex majora ex argento *Candelabra*, tum *Imaginem DEI Matris* ex ære, pretiosis exuvijs *Indulij Virginiei* impositis venerandam donavit. In *Cathedrali Ecclesia S. Ignatij Lojole* festum diem solenniter quotannis celebrandum instituit, grandiorum campanarum sonitu, Sacro cantato, portionibus Canonis præsentibus liberaliter distribuendis. Frequentissimè, etiam *Præpositus* dicebat ad populum, tantâ contentione, & vi argumentorum, ut in nullo sophismate hæretici possent consistere; quæ res odium maximum Viro concivit, fuitque inter primos, quem hæretici An. 1619. *Olomucij* adorti, in custodiam darent, & verbis compositis, in partes *Friderici Zephyrij Regis* trahere conarentur; quæ *Præpositi* constantia (brevi secutâ in *Albo monte* clarissimâ victoriâ) plurimum contulisse dicitur, ut gratissimus *Cæsar* glorioso, & perennaturo titulo *Capitulum Olomucense Fidele* jufferit appellari. At *Wenceslaus* noster veterum suorum votorum in Religione non immemor, monitore interno nunquam quiescente, quacunque ope posset, ad *Societatem JESU* reverti constituit, tantoque (ut de *S. Hermenegildo Martyre magnus Gregorius* loquitur) *sublimius gloriam transeuntis mundi cæpit despicere, quanto & religatus* (excubijs nuper, & custodijs vallatus) *agnoverat nihil fuisse, quod potuerit auferri.* Diu, multisque annis continuatis precibus, tandem interventu maximorum *Ecclesiæ* capitum receptus, *Brunam*, ac deinde *Leobium* (quo *Brunâ* Tironum deducta primùm Colonia fuit) ire jussus, tantum ibi certamen cum teneris illis, & vel ob ætatem innocentibus animulis Vir tantus suscepit, ut in animi modestia, ac submissione, in studio amoris proprii edomandi, in obediendi, & parendi facilitate, in vilissimis, & mediastinorum proprijs in culina laboribus, præsertim ollis nigerrimis æreis gravissimis ferè quotidie fricandis, lavandis, tergendis, omnes omnino superaret, & peritissimus, & ejus operis princeps, judicio *Cocorum* haberetur. Biennio *Tyrocinij* expleto, votis solennibus DEO, & Religioni adstrictus, *Pragam* ad *Conciones Bohemicas in Ecclesia Salvatoris* habendas mittitur. Nutabat tum *Praga*, & paulò antè *Prædicantibus*, ut vocant, Urbe ejectis, multi Civium aut sequi suos parabant, aut hæresin fovere in pectore nunquam deponendam apud se statuerant; utrisque saluti fuit disertissimi hominis oratio, & qui fortunarum omnium exulando, & animæ insuper naufragium fecissent, utrumque servârunt navigantes in portu; quorum ingens numerus fuisse dicitur.

Me-



Memini narrantes Senes, cum *jejunia Ecclesiastica Populo* svaderet, protenso aqualiculo rogasse ventrem: quibus olim *Canonicus*, ac *Præpositus* cupedijs pasci, & nutrir solitus esset? cumque quotidianas delicias eloquentissime descripsisset, tum quæsisse, quid jam secum fieret? coepisse deinde ventrem suum solari, explicare, quæ præmia eum manerent, quàm angusta ad cælum via foret, aliæque ex interioribus, ac Divinis literis petita; tum auditores ad imitationem sui invitare. omnium sensus fuit, plus illâ dictione ad jejunium & abstinentiam à carnibus profectum, quàm omnibus *Consulum* minis, & pœnis profici potuisset. In eo concionandi munere cum occupatur *P. Wenceslaus*, ad componendas nescio quas lites, quæ ejus præsentiam poscebant, *Olomucium* (cui *Collegio* tum egentissimo summam aliquot millium Societatem reperens assignarat) ad aliquot tempus *Pragâ* missus, contracto ibi gravissimo morbo, Sacramentis omnibus summâ suâ voluptate communitus, vitâ excessit An. 1629. 5. Januarij, ætatis 60. postquam ultimos octo annos, ut priores non memorem, Sanctissimis exemplis traduxisset. Hæc ex *Annis Olomucensis Collegij* descripsi. Narravit mihi Senex è nostris, quidquid à labore parandi Conciones vacuum haberet *P. Wenceslaus*, orationi, & colendo diligenter horto Collegij impendisse; eoque *Olomucij* mortuo, *Pragæ* unam, quàm maximè diligebat arborem, intempestivè effloruisse. Vidi A. 1635. in Collegij *Olomucensis* funerali crypta *Senis optimi corpus*, capillis, & barbâ ex rufo jam canescentibus, plenâ, & rotundâ facie, quod integrum esse existimabam, cum nescio quo, (qui mecum aderat) fati leniter spirante, propè totum corpus in albos cineres mutatum, & momentò difflatum avolavit in auras, ossibus solis remanentibus.

Jejunium  
quomodo  
Auditorib.  
svaserit.

Obitus.

## TIT. LIV.

Ven. Pater Dominicus Ruzola, Ordinis Carmelit-  
tanorum, quos Discalceatos appellant.

**B**ilbilis Urbs Hispaniæ Patria *Dominico* fuit, Viro, hac ætate sanctimo-  
niâ & rebus gestis clarissimo; quem quisquis ignorat, ignorat *Victo-*  
*riam Pragensem* in *Albo Monte* de hæreticis partam, quæ una *Bohemi-*  
*am*, *Moraviam*, *Silesiam*, *Austriam*, *Ungariam*, cæterâsque omnes Provin-  
cias, DEO, Religioni, ac legitimo Regi *Ferdinando II.* restituit. Utar com-  
pendio, atque ut hætenus feci *summa sequar fastigia rerum*: nam mihi in hoc  
opere propositum non fuit vitas & gesta omnia *Divorum* Nostrorum perte-  
xere ac percernere; erunt qui majore otio, & tempore abundantes hæc sibi  
facienda sument, mihi restat adhuc *magnum maris æquor arandum*; multa  
sciens omitto: *ut si quis eadem forte conari velit,*  
*Habere possit aliquid operis residui*

1630. 16.  
Febr.

Phædrus  
Angu. Cæs.  
libertus. in  
fabulis.



Natales Do  
minici.

Visiones  
gravida  
Matris.

Cum Ange  
lo familiari  
tas.  
Ingressus in  
Religionē.

Fit Genera  
lis sui Ord:

Mittitur Le  
gatus in  
Germaniā.

Imago B.  
Mariæ de  
Victoria.

ut canit Poëta; jam ad rem: Natus igitur *Dominicus* est, ut modo dicebam, in Hispania, *Bilbili* apud *Celtiberos*; duo Matri cum uterum ferret, *Dominico* gravida, visa cœlestia sunt oblata; prius: videbat habere se *Puerum* ardentem faculam ore ferentem, mox toto orbe retia expandentem; alterum, non dormienti sed vigilantī sapius contigit, cœlestem Musicam audire personantem, & suavissimos ultra humanum modum odores persentiscere. Nullā interpretatione res eget, si vitam *Dominici* inspicias; nec illud miraculo vacat: sine ullo Matris dolore editum in lucem esse; hæc materna sunt. At *Dominicus infans* Sabbathinis diebus semel tantum in die Lac maternum sugibat; *Puer Angelum Magistrum* habuit, qui orare *Dominicum* docuit, à quo etiam postea toto vitæ cursu excitabatur è somno. Decimo quarto ætatis anno *adolescens Carmelitanum* ingressus est *Ordinem*, in quo duodeviginti annos exegit sanctissimè, tum primùm arctioris vitæ desiderio ad *Discalceatos Carmelitas* transivit; his initijs & vitæ arduæ progressionibus reliquæ omnes Viri hujus sancti actiones usquè ad senectam ultimam responderunt. Posthæc (ut virtus seipsam semper auget & perficit) cupidō incescit *Dominicum* subeundæ pro Christo mortis: impetrarat à Majoribus ad *Barbaras Gentes* profectiōem, ac prius *Romam* adire, & à *Summo Pontifice* facultates ad hoc Apostolicum munus necessarias obtinere statuerat; res tota *Roma* cōmutata est: nam cum per id tempus Comitria de *Summo Ordinis Magistratu* seu *Generali* haberentur, omnium concordibus Votis electus est *Dominicus*, quod onus, & si conaretur excutere, victus omnium precibus tandem accepit, & laudatissimè gessit. Inter hæc acerrimum hæreticorum adversus *Religionem Catholicam* in *Bohemia* bellum exarsit; *Dominicus* protinus in *Germaniam* à *Gregorio XV. Pontifice* missus, ad *Maximilianum Bavariæ Ducem* accurrit, cui Sanctimonia vitæ & cœlesti Sapientiā conciliatus, divinā providentiā suaviter omnia disponente, in *Bohemia* adversus hæreticos Exercitum ducenti, *Comitem* se addidit. *Strakonicj Bohemiæ Civitate*, Christi & Matris *DEI* imaginem nactus (in qua Christo & Matri oculos hæretici Milites eruerant) eo spectaculo intimè cōmotus, jam tum spiritu divino intus agente ad cladem, & mortem hæreticos damnabat; hanc *Imaginem* in omnibus bellorum periculis sociam adsciscibat sibi, hanc sublimem velut cœlestē *Palladium* Catholicis ostentabat, simul efflagitans, ut *DEI Mater*, cujus Majestatem in imagine læsissent hostes, debitas pœnas repeteret, & injuriam vindicaret; hæc illa est sacra Effigies, *Maria de Victoria Albomontana*, in qua *DEI Matrē Dux Bavariæ* primùm, deinde etiam *Roma* honoravit, festoque ac celebri quotannis in *Ecclesiis RR. PP. Carmelitanum* cultu quotannis consecrat, recolitque. In decretorio illo ad *Pragam* prælio, quo omnes hæreticorum vires fractæ conciderunt, *Dominicus Catholicorum aciem* obequitans, alterâ *Cruci affixi Domini signum*, alterâ hanc *Divæ Matris effigiem*, quæ scintillare



tillare & cœlestes quosdam radios effundere videbatur manu præferens, alternis modò *filium*, modò *Matrem* pro Catholicis precabatur, modò ipsos Milites alloquens, ut res poscebat, ut fortiter pro *DEO*, & *Religione* pugnarent, verbis flammis, & ut ita loquar, amentatis hortabatur; quæ res Catholicis incredibiles animos addebat, hæreticos mirum in modum percellebat, sic, ut optimi Scriptores, ac nominatim *Brachelius* existiment: hanc piam Beati Viri *Dominici* audaciam maximum ad *Victoriam* attulisse momentum; suntque ob rem prospere gestam ab *Electore*, cæterisque *Ducibus* actæ *Dominico* gratiæ. At *Cæsar Ferdinandus II. Viennam* venientem summo excepit honore, & in intimam amicitiam admissum, coluit ut Patrem; sed jam tum *Dominicus* sanctam suam quietem respectabat, rediitque ad suos in *Hispaniam Turriasone* totius Urbis occursum salutatus; neque tamen diu cœlesti illo otio frui licuit. quippe *Ferdinandus Imperator* accuratis precibus ab *Urbano VIII.* impetravit *Dominicum*, cujus imperio *Viennam* reversus ex *Hispania* A. 1629. Aulam universam sanctimoniam suam prius famam, postea etiam veris virtutibus implevit, sed ætas ingravescens paulatim humana illi omnia subtrahere cœpit; præsertim cum *Dominicum* post tot labores ad capienda præmia ad se divinitas evocaret; paulò post adfuit Morbus, in quo sese ad mortem solitis Sacramentis, aliisque Sanctorum modis *Dominicus* comparavit: dum *Sacrum Viaticum* sumeret *Imperator* flexis genibus linteum, ut mos est, suppositum tenuit, præsentibus Aulæ Proceribus (nam in ipsa Viennensi Aula Senex moriebatur) post ecstases, & cœlestes raptus duos (quorum alter biduum, alter octiduum tenuit, in quo à *DEI Matre* aspectabili visitatus & recreatus est) post prænunciatum Mortis diem, postquam *Imperatorem* præsentem ut pacem Italiae daret, exorasset, An. 1630. 16. Februarij Mensis, evolavit in cœlum, vultu post obitum miram venustate, & gratiam renidente. Plura de Gestis & Virtutibus Viri Sancti adferri potuissent, si integrum volumen, quod de *Dominici vita* *Caramuel de Lobkovvicz* scripsit, habuissem ad manum, quæ verò attuli, magnam partem ex *Paradiso Carmeliticæ Decoris* Authore M. Antonio Alegre descripsi.

In acie gestatur à Dominico.

*Brach. in hist. eor. temp.*

*Ferdinādo II. gratissimus fit Dominicus.*

Morbus & mors Dominici.

## TIT: LV.

## R. P. Jacobus Geranus Societ: JESU.

**D**ici non potest, quam Sanctimoniam opinionem ex veris, & non adumbratis virtutibus, hujus sæculi initio apud *Pragenses*, præsertim Proceres, & Nobilitatem Bohemam collegerit *P. Jacobus Geranus* Soc. JESU. Natus erat in Silesia (quidam in *Bohemia* natum affirmant) A. 1558. in Julio, Societatem An. 1575. 2. Julij ingressus, in qua pleraque honorata munia *Pragæ* in publica Regni luce gessit, Regens Convictus Nobilium

1630.

Patria.



propè quinquennio, *Vicerektor*, *Concionator*, *Præfæctus Spiritûs Collegio-*  
*rum*, ac denique septemdecim ampliùs annos *Rector*, eodem semper vitæ  
*vita juvenis* sanctæ tenore, nisi quòd aliæ quædam sunt, quibus diversæ hominum ætates  
 comendari solent virtutes; in *Juvenili* vita *Jacobus* modestiâ, puritate  
 prorsus Angelicâ, parendi studio, & dulci pietate inter condiscipulos emine-  
 bat; *virilem ætatem* fortia quæque agendo, & patiando, & omnia ad DEI  
 gloriam consilia, & conatus referendo traduxit; *senex*, contra ejus ætatis  
 morem, minimè rigidus censor, semper cum summa comitate hilaris, nihil  
 sibi unquam indulgens, & singularia omnia, quæ Magistri vitæ cælestis ca-  
 venda præcipiunt, procul à senectâ sua removens, quamvis bene dictum sit à  
*Virtutes.* Poëta: *Multa senem circumveniunt incommoda*. Mirè ejus sſavitas, & in  
 gubernando charitas comendabatur, quibus virtutibus fretus à subiectis nihil  
 non impetrabat. Idem in negotijs gerendis fortis, & imperterritus, si quan-  
 do præsentiam res posceret, arrepto pileo, baculo, Breviario, Rosario B. V.  
 (quod continenter domi & foris sinistrâ gestabat orando) iter etiam longum  
 pedes suscipiebat, DEOque negotij exitum commendabat; quod si ut opta-  
 rat, non procederet, de animi tranquillitate amittebat nihil, perinde, ac si  
 nunquam quidquam ea de re cogitâset. *Lobkovicjs Proceribus* universim  
 (quorum autoritate, & potentiâ, imò etiam opibus, velut columnis *Eccle-*  
*sia Catholica in Bohemia* eo tempore sustinebatur) deditissimus fuit *P. Gera-*  
*nus*, ideòque parum abfuit, quin ijsdem turbis, quibus *Georgius de Lobkovicz*  
*Persecutio.* oppressus est, involveretur, *Rudolfo Casara* à malevolis concitato. Itaque  
 judicialiter ab *Archiepiscopo Lambergio* examinatus, & miris quæstionibus  
 fatigatus (quas memini me legisse) penè everſus est, nec *Casaris* decreto licuit  
 ei *Pragâ* pedem efferre, etsi tum ex *Officio Rectoris* Congregationi Provincia-  
 li, quæ in *Moravia* habebatur, interesse oporteret. Totam hanc procellam,  
 & atrocissimam de se *Casaris* suspicionem patientissimo animo tulit *P. Jaco-*  
*bus*; nec unquam auditus est queri, donec tandem dies ipsa innocentiam Pa-  
 tris aperuit, præsertim jam vitâ functo *Casare*, cum *Eva Georgij Lobkovicj* fi-  
 lia, Matrona literis omnibus, etiam latinis excultissima, publicè professâ esset,  
*Apologiam pro Parentis sui Georgij defensione* abs se esse scriptam, adjuvante  
 nemine, ob quam tamen complures alij, quasi ejus authores, morte puniti  
 sunt, & *P. Geranus* falsò in suspicionem venerat; quâ re satis compertâ, cum  
 maxima Societatis, & sui etiam nominis, & patientiæ commendatione calu-  
 mnam profligavit. Vixit post hæc tempora *P. Jacobus* annis propè viginti  
*Nunquam* in extremo senio orando, & laborando, aliud præterea nihil; munuscula,  
 quæ *catechetica* vocamus, *Rosariola*, *Agnos cereos*, *imagunculas* exornans, &  
 concinnans, semperque tale aliquid quotidie facitans. 29. Julij An. 1630.  
 cum *Missam* in domestico *Collegij Sacello* devotissimè, & singulari pietate fa-  
 ceret, jamque penè pertendisset ad finem, calicem sacrum tergendò, sidera-  
 tione



tionem (quam *Apoplexiam* Græcâ voce dicimus) tactus, auferri debuit, & ritè absolutus, atque etiam Sacramento Unctionis munitus, intra horas quindecim mortalem vitam cum æterna fælicitate mutavit, ætatis anno 72. initæ Societatis 55.

Mors.

## TIT: LVI.

Catharina Comes de Montfort, Adami de Novadomo Conjux, Vidua annis triginta & octo.

**M**ontfortiorum Illustrissimæ Stirpis decora tot sunt, ut fatigare scribentium manus possint; mihi unica *Montfortina* heroina utramque paginam faceret, nisi proposita brevitatis vetaret. In Conjugio vixit *Adami de Novadomo supremi in Regno Bohemia Burgravij*, semper cum opinione maximæ Sanctimonix, & virtutis, genuitque ei *Filium Joachimum & Luciam*, per quam *Wilhelmus Slavata* gentem suam Illustrissimam in *Rosensem Arborem* jam fatiscentem, ut ita dicam, inoculavit. At ubi Conjux elatus est, tum sibi Catharina ad summam vitæ perfectionem nihil reliqui fecit; commemorabo, quæ mihi *Catharina Schuveriana*, Civis postea *Novodomensis*, quæ multo tempore in obsequio *Montfortiæ Camerariæ Virgo* fuit, jam anus narravit, quorum aliqua à me perscripta R. P. *Crugerius S. J.* in *Calendarium* suum pridem inseruit: Misericordia in pauperes, & Pietas erga DEUM, præcipuæ *Catharinæ* virtutes fuere; etsi moderatissima esset in omnibus, neque unquam quidquam nimium vellet, aut nollet, tamen si *pauperes* adesse sentiret, rapiebatur extra se, & in quandam cœlestem rabiem, ut ita loquar, agebatur *Catharina*, sic ut nimia in hoc genere pluribus videretur. Accidebat aliquando, ut prandente, vel cœnante *Catharinâ* sub fenestris canerent *pauperes*, & stipem orarent; exiliebat continuò *Montfortia*, & quidquid in manus veniebat, capones, aves, carnesque cæteras ex mensa per fenestram jactabat, sæpe ipsas etiam lances, dum properat, ejecisse compertum est. Mirabile est quod sequitur (ex quo hujus sanctæ, charitatis originem profundissimam humilitatem fuisse satis apparet) nam cum aliquando eo pacto (velut bona fortuna apud *Senecam* describitur) impatientiâ charitatis in subjectam pauperum turbam missilia ciborum jactaret, & una quædam ex Virginibus pedisequis Dominam moneret, quid ageret? *Catharina*, ut sensum animi sui panderet, altissimâ & contentissimâ voce: *Me*, inquit, *peccatricem*, *me*, oporteret esse inferiùs, hos autem *pauperes* loco meo sedere superiùs! Si curru eunti *pauperes* obviam venissent, expallescere continuò ipsa, inquietissimè huc atque illuc jactari, quasi vestes ipsa suas laceratura, nec posse conquiescere, donec *pauperes* stipe acceptâ gratias agentes audiret. Ex hac misericordia ortum habuit *Contubernij Novodomensis* fundatio, quâ tri-

1631. 31.

Martij.

Conjugiū.

ad ult. Mar.

Virtutes,  
præcipuè in  
egenos mi-  
sericordia.

ginta



Orationis  
studium.

ginta pauperioribus juvenibus alendis liberaliter æterno beneficio providit. Oratione autem sic tenebatur, ut, quod monstri est simile, septem & pluribus horis aliquando immota, & nullo innixa fulcro genibus flexis duraret, aut extento in formam Crucis corpore, toto vultu terræ affixo jaceret, neque ullo strepitu turbari se pateretur; aulicis Virginibus omnibus post Dominam flectentibus ad desperationem adductis, & curiositate muliebri imitari quantumcunque vellent, non valentibus; illa interim tota imadescens lacrymis, quasi de pluvia veniret, surgebat. Hanc orandi domesticam comoditatem ei præbebat Ecclesia S. Catharina RR. PP. Minorum Strict. Observantia, Domui suæ viduali vicina, ad quam, cum prius Ecclesiam illam ob cognominem suam Divam Catharinam magnificè ornasset, & auxisset, viam sibi suspensam fornicibus lateritijs extruxit, ut ad orandum diu, nocturne nemine conscio adiret, & në in Templo quidem, conspici ab ullo posset, qui secretum ejus arbitraretur, semperque laudibus Divinis, diurnis, & nocturnis, quoties liberet, interesset; Eucharistiam bis, aut sæpius in hebdomade sumebat. Ex illo orandi studio nascebatur in Catharina sumus ardor vincendi sui, & corporis castigandi studium, sic ut frenis, non calcaribus egeret, cilicia, & flagella idcirco frequentissimo erant in usu, & hæc omnia Conscientiæ arbiter vel sinebat, vel vetabat R. P. Joannes Rotarius Collegij Novodomi Rector, aliique è Societate nostra, qui ei à confessionibus sacris fuere. Collegium S. J. Novodomense, quod cum marito Adamo fundarat, eò mortuò, ipsa de suo ultimis vitæ annis ædificando absolvit. Tandem triginta octo annis in viduitate exactis, relictis pulcerrimis omnium virtutum exemplis, An. 1631. ultimâ Martij ætatis septuagesimo sexto, Sanctam animam DEO reddidit, in Ecclesia B. Virginis ad sita illi Collegio, penes Conjugem, & Joachimum Filium sepulta. Mirabile & illud omnibus semper visum, quod, cum Catharina, & decrepitâ esset ætate, & corpori jucunda omnia pro arbitrio negaret, subtraheret etiam jejunando, castigando, tamen cœlesti gratiâ in corpus redeunte, formâ usque ad mortem integrâ, comparata filiæ, & socru puellis, omnibus illis junior, & pulchrior videretur, DEO scilicet corpori tam obsequenti gratiam conciliante.

Obitus.

## TIT: LVII.

### Ferdinandus II. Imperator Augustus, & Bohemiæ Rex.

1637. 25.  
Febr.

Nemo à me in hac brevitate, & Sanctorum, ac piorum Virorum Indiculis, devictas gentes, captivam hæresim, fractos rebelles, prælia, victorias, trophæa, triumphos expectet; hæc omnia alteri servantur loco, jam pridem tam pedestri, quàm equestri, ut ita dicam; oratione à pul-

cerri-



cerimis ingenijs, & disertissimis Oratoribus, augustè, & magnificè sunt decantata; ego virtutum argumenta, idque ipsum brevissimè, in *Ferdinando* tractabo, cætera omnium Regum imitatione dignissima ad *Lamormainium* nostrum remittam. Ab infantia Timorem Domini à Matre Sanctissima famina didicit cum Divinæ gloriæ, & Religionis Catholicæ proferendæ ardentissimo studio conjunctum: *Sæpe dicere auditus est (si id è re divina foret) paratum se Regnis omnibus, & Coronis exutum cum Coniuge Augusta, & Cæsareis liberis per cibali onustum, baculo armatum ostiatim panem precibus emere.* Tantum aberat à cupiditate regnandi! regnabat ergo *Ferdinandus*, ut Religio, fides, justitiæque regnarent; adeoque velut *Vicarium* Regni sui vel miraculis tuebatur Divinitas, cum jam auxilia humana, & spes decollarent; potuitque de *Ferdinando* vetus illud occini: *Christus imperat, Christus pugnat, Christus triumphat!* Tantâ in hostes juratos utebatur clementiâ, ut non modo vitam, & opes redderet, sed multos ex ijs Titulis, & honoribus augeret, illudque *Joabi ad Davidem* (quamvis inmerito) usurparent veteres Aulici: *diligentes te odisti, & diligis odientes.* In quos ille, quæso (si *Bohemos hæreticos* excipias, quibus tamen pepercerat, nisi omnium in consilio sententijs victus fuisset) in quos, inquam, supplicium decerni, & stringi secures jussit? è *Moravia Directoribus* unus de *Bitovva* caput amisit; ex alijs nè quidem *Andreas Tonradl*, qui in Oratione, quam pro hæreticis suis habebat, ad *Ferdinandum* (ut fide dignissimi, & in *Aula Cæsaris* cum fide versati Scriptores tradunt) in Cæsaris pectore manibus ludebat, nodosque in thorace *Ferdinandi* intorquebat, nè ipse quidem *Andreas* hanc Majestatis, & Principis apud se nati irreverentiam poenâ luit. Vide, quæ recitat in *Actis publicis Landorpius*; Nul-  
lus ex tot conjuratis Provincijs (quas nominare nihil attinet) punitus est, nisi qui se ipsum exilio, aut ultroneo ad hostes accessu, miseratione fecit indignum. Pietas adversus *DEUM, DEI Matrem*, ac cæteros Cœlites innata, cum *Ferdinando* videbatur crevisse, non poterat dulcedine illâ pietatis expleri; ab hac vires lumbat in hostes, plenusque cœlesti fiduciâ, in summis Regnorum periculis, quietus, & imperturbatus durabat, meruitque à Christo Crucifixo loquente è signo suo solatium percipere, & victoriam pollicentem audire. Adjuvit & Mater *DEI Ferdinandum*, cum pro eo sollicita *Sviscardum Moguntinum Antistitem* suffragium ad dignitatem Imperij *Ferdinando* dare jussit, læta omnia Imperio, & tuta promittens. Quot ei hostes hæresis, quot invidia, & livor, quot suspicio, & infidelitas, quot odium *Stirpis Austriacæ*, & æmulatio excivit? omnes aut victi, aut conciliati sunt. Lege *Acta publica*, & quæ in vita ejus antè laudatus Author prosequitur. Ego (quod sine præjudicio ullius dictum velim) ita sentio: plurimo tempore pietate, & Christianis virtutibus *Ferdinando* parem *Cæsarem* alterum ægre nominari

Religionis  
zelus.

Clementia.

*Slavata Cæ  
cell. in Apol.  
adv. C. Tur  
nium.  
Khevenhil.  
in Annal:  
Ferdinand:*

Pietas Fer-  
dinandi.



minari posse, eumque Phœnicum, ut ita dicam, de genere ortum, quam Regiam volucrem semel ætate unâ nasci, aut si malumus, sæculis raram esse credebat Antiquitas.

# TIT: LVIII.

## Venerabilis Pater Albertus Chanowsky è Societate JESU.

1643. 16.  
Maij.

Natales.

Humilitas.

Mira quædam de eo.

**N**atus est *Albertus* in vetere, & semper Catholica *Kotancziorum* apud *Bohemos* familia, cujus Majores jam tum clari Equites ad *Mediolanum* à *Friderico Ahenobarbo* Cæsare circa An: 1160. Equites aurati in historijs nostris creati leguntur. Adolescens *Societati JESU* nomen dedit, ei que *quatuor solennibus votis* illigatus honoratissima munia gessit, sed DEUS illi animas (quarum multa millia in *Plsnensi*, & *Prachensi* Provincia ab hæresi ad veram fidem, & aliquos ad vitæ Sanctimoniam adduxit) dare constituit. Egit in hac Regni luce *Vitam* verè *Apostolicam*, & qualem in media *India* exigere potuisset, pagatim, villatim pedes perreptans, opportunè, importunè (quamvis istud ob viri cœlestem prudentiam, & svavissimos mores vix unquam accideret) Regnum DEI prædicabat; panis, & caseus cibum, aqua potum præbebat, lacernâ, & pileo in vultum pendente tegebatur. Non possum in hac proposita brevitate Virtutum Apostolicarum exempla percensere; extant res ejus gestæ, editæ ab *Joanne Tannero* nostro, estque liber in manibus. Vidi amabilissimâ canitie senem paulò ante mortem An. 1641. cum ad nos *Pragam* venisset. Mirum illud & humilitatis suæ, & amoris in *Societatem* sui edidit per eos annos *P. Albertus documentum*: nam auditâ *Collegij Pragensis* fame, (quam bellum & in *Bohemia* sedes belli constituta fecerat) coëmptis, partim etiam dono piorum comparatis aliquot *anserum* (quorum in *Prachensi*, & *Plsnensi* regione proventus est maximus) centurijs, non dubitavit id ætatis, conditionis, invaletudinis senex, omnes eos anseres in unum gregem coactos, *Pragam* pro nutriendis *Collegij Socijs* appellere; sequebatur gregem virgâ per iter, & voce monendo, plerumque ipse aut *Divini Officij Psalmos*, aut *Rosarium*, ut vocant, *Virgineum* precando decurrens, & in loco pascens, donec *Pragam* per *mediam Urbem*, quò destinârat, cum anseribus perveniret; qua in re *Carolomanni*, & veterum illorum *Cœnobarum* renovavit Exemplum, gregem Monasterij pascantium; nulla erat *Alberto* honoris humani cura, se & majores, & cognatos prorsus oblitus, unam DEI gloriam per animarum salutem quærebat, maximè pauperibus, & rusticis DEO lucrandis intentus. DEO placuisse *Apostolicos* hosce labores Cœlum sæpe miris eventis ostendit: fuere, qui cum cœlesti lumine circumfusus, & qui igneos quosdam globos super ejus cubiculum effulgere non semel



mel spectarint; fuere, qui collatis temporibus, in duobus simul locis, maxime cum morientibus adesset, eosque ad mortem compararet, clarè perspexerint; ipsius *P. Alberti* confessione constat, non semel nocte intempesta ad se venisse adolescentulos cum facibus, & ad ignotos agros, & jamjam morituros deduxisse, ut Sacramenta perciperent; qui peracto pietatis officio, & *Patre* reducto, subito videri desinerent, quos ob id, & ob illam formæ gratiam humanâ majorem, & modestiam prorsus cœlestem *P. Albertus*, & cum eo *Nos* quoque Cœlestes genios fuisse suspicamur. Celeritas quædam mirabilis, cum opus esset viro addebatur Divinitus: *Auriga*, qui eum ad ægrotum herum vehebant, paulò antecedentem *Patrem*, omni conatu ut currum conscenderet, properabant consequi toto itinere ægerrimum pedibus, & tardum senem, non poterant, cumque ad terminum viæ pervenissent, jam multò antè *P. Albertum* eò advenisse comperiebant, videbantque apud ægrotum stare, & ad mortem disponere, neque unquam peritissimi viarum, quâ id ratione contingere potuerit, scire se stupentes fatebantur; plura admiranda, & in virtutibus, & in gestis, habet *Liber laudatus*, ut supervacaneum sit, notissima omnibus commemorare. Obijt Anno 1643. 16. Maij Apostolicus Senex *Clatovvia*, velut quondam *SS. Patriarchæ Noster Ignatius* nullo honore mortis, in Cellula sua DEO soli vacans, nec nisi jam expirantem Socij invenire; sepultus in extemporali Sacello Collegij Clatovienfis, estque ejus memoria apud Senes omnes in benedictione, corpus diu incorruptum in tumulo perstitit, ut ab illis, qui viderant, accepi.

Obitus.

## TIT: LIX.

## Venerabilis Pater Fridericus Hunecken è Societate JESU.

**O**rtus est *P. Fridericus* in *Marchia Brandenburgica* nobilibus parentibus, constatque *Königsmarchium* magnum apud *Suecos Ducem* sanguine propè contigisse, quo nomine *Sveci* aliquam aliquando rationem *P. Friderici*, dum in vicinia *Commotoviensi* cætera diriperent, habuere. *Societati JESU* in *Provincia Bohemia* nomen dedit, statimque sese animabus adjuvandis addixit; in illo hæreticorum Regno An. 1618. cum Socijs ejectus, non ut alij in *Austriam*, sed cum *P. Daniele Stigelio* *Commotoviensis* Collegij Rectore, in *Saxoniâ*, & *Patriam* suam exulatum abivit, magno Divinæ gloriæ pretio, ut in *Provincia Annalibus* ejus temporis latè, & latè commemoratur; Religiosorum, ac præcipuè Religiosarum Virginum Cœnobia (in Diœcesi Halberstadiensi, & Magdeburgensi, tum Hamburgi & Lubece) obibant hi duo, ad animas regendas nati viri, omnesque qui adhuc supererant, *Catholicos* in vetere Religione firmabant. Extat apud me de his

1640. 28.  
Maij.

Genus.



Apostolicis laboribus, & nominatim de expulsiōe Dæmonis Magdeburgi manu R. P. Danielis Stigelij scripta narratio.

Vita Apo-  
stolica.

Obitus.

In M. S.

Postquam victricibus *Ferdinandi II.* armis reditus *Nostri Patribus in Bohemiam* impetratus est, *P. Fridericus Commotovij* confedit, totamque illam viciniam ab hæresi purgavit tantâ rationum vi, tot virtutum exemplis, ut nunquam postea ullis *Saxonum*, ac *Svecorum* armis, aut è vicina *Saxonia*, & *Misnia* subrepentium *Ministellorum* calliditatibus à cognita semel veritate abduci potuerint. *Catherberga* oppidum est velut nidus montibus ijs, qui *Bohemiam* à *Misnia* dispescunt affixus, hunc sibi potissimum locum excolendum sumsit, & viginti amplius annis excoluit; adibat illos montes sacris, & festis diebus pedes, etiam in extrema senectute, ac primis quidem annis cum vitæ periculo: vivebant adhuc non ante multos annos, qui se olim consilium interficiendi *Patris* demandatum à cæteris in se suscepisse ultrò fatebantur, ut ex ipsismet audivi. at nihil postea illis hominibus mitius, postquam videlicet *Patris* operâ fidem nostram amplexi fuissent, hodièque in ea constantissimè perseverant. At *P. Fridericus* (quo ego *Magistro Spiritus* ulum me indignum glorior) *Commotovij* An. 1648. plenus dierum, 28. Maij decessit in Domino, aliquot hominum millibus Ecclesiæ adjunctis, *Apostolum* tota vocabat vicinia; mitissimi Vir ingenij fuit in alios, rigidissimus in sese exactor; vino plerumque abstinebat, cibi parcissimus, in vigilijs, & oratione multus, mortificationis, (ut appellamus) studiosissimus, vestibus cilicinis, & flagellis in se animadvertibat summo rigore; vidi eum non semel (piâ fraude, quasi unicæ essent illæ *Saxonum*, & *Marchiacorum* deliciæ) *halece crudâ*, pro carne vescentem: *exhortationes*, quas ab eo in cœtu Sociorum dictas audivi, tanto spiritu, tantâque doctrinâ plenæ erant, ut paucos meminerim solidius, & fortius, quod proposuerint, probantes; multas ei prerogativas divinitus concessas aliqui narrant, estque ejus vita compendio, *vita Ven. P. Alberti Charnovsky* subnexa à *P. Joanne Tannero* nostro, qui aliquot ejus *Epistolas Spiritu Divino* plenas Typis vulgavit. Fuisse *P. Friderico* fratrem *Germanum Nicolaum* nomine *Stigelius* affirmat, virtute simillimum, qui illis *Exilij* annis (An. 1618.) *Collegium Hildesense Rectoris* nomine gubernavit.

## TIT: LX.

### Venerabilis P. Martinus Stredonius è Societate JESU.

1649. 26.  
Augusti.

Prima ætas  
P. Martini.

**H**unc Virum famâ Sanctitatis, & cœlestibus gratijs præstantem *Glivicium* Silesiæ Civitas genuit Anno prioris sæculi 1589. non ut quidam scripsere 1587. nam quæ nos de ætate Nostrorum Patrum adferimus, ipsis singulorum autographis Brunensibus & Libris *Examinum*, ut vocamus, nitun-



aituntur. Juvenis vixit annis aliquot in *Contubernio S. Wenceslai Praga*, & Humaniora, quæ vocamus studia decurrit, dein *Pragâ* ad Societatem accessit Anno 1608. 25. Septembris: jam tum lingvas callens, præter *Latinam*, *Bohemiam*, *Polonicam*, *Germanicam*; Scholas propè omnes docuit in Societate, *Grammaticam* à Rudimentis inchoando, *Poësim*, *Rhetoricam* Annis duobus, *Philosophiam*, & *Theologiam* explicuit; Hinc regendis nostris admotus *Brunense* bis, bis *Pragenſe Sancti Clementis Collegium* rexit, semel *Præpositi* nomine *Domum Professam Pragenſem*, bis *Provinciam Bohemiam* universam gubernavit; Denique vitâ summâ virtutis laude peractâ *Brunæ* obiit 26. Augusti, 1649. Erat *P. Martinus* Vir maximæ Orationis, ex ipso ejus vultu res divinas eum cogitare semper, apparebat, neque ullus eum contrâ intueri poterat, quin continuò animadverteret cœlestibus ejus mentem negotijs occupari. Annis compluribus in varijs Provinciæ munijs *P. Martinum* videbam, vultum nunquam mutasse, multoque minùs animi prudentissimam quandam constantiam & gravitatem amisisse. Preces ad DEUM genibus flexis peragebat omnes, nisi per morbos (nam plurimis conflictabatur) non posset, tum enim in Oratorij sui gradu compositis manibus sedebat, aut leggebat; in quo situ sæpius illum deprehendi, cum mihi in Tirocinio meo *Janiſſoris* officium & Provincia demandata fuisset, atque is ad januam Collegij vocaretur. Abſtinentiâ ciborum fuit prorsus mirabili, & artificiosa: ita enim orandebat, & cœnabat nobiscum, ut omnium oculos falleret, semper occupatus in cibo, cultris, fuscinulis, cochleari, cum ad extremum nihil tamen gustasset, nisi fortè intritum in cerevisiam, quam in scutellam infundebat, panem; quo cibi genere libentissimè vesceretur. Miris, & multis eventis viri Sanctimoniam illustravit DEUS: constat eum, cum *Missam* legeret, & ardore divino raperetur, sublimem evectum, & elatum à terra sic stetisse; sæpiùs flammæ cœlestis lux circa Patrem visa; in obsidione *Brunensi Svecorum*, visus est aliquibus sublimis super ipsius Ecclesiæ nostræ tectum flexis genibus divinam misericordiam implorare pro populo; mirumque illud fuit excussum è machina murali *globum ferreum* cum innoxie ante *P. Martini* pedes cecidisset, hunc ultimum fuisse, quem *Sveci* in Urbem emiserint; exinde inclinari res *Svecorum* cœpère, & denique soluta obsidio est, quasi vires amississent machinæ, & periculo tanti viri offensi SS. Angeli, Urbis Præstitites, & Tutelares, hostiles conatus, & consilia subnervassent. Neque modò homines, sed etiam animæ ex flammis piacularibus auxilia Patris petière & lætissimè impetravere. Erat *P. Martino* charissimus & in Tyrocinio *Societatis* quondam contubernalis *P. Georgius Sigismundi Litomyſſensis Bohemus*, Vir in magnis rebus, & munijs versatus; is cum obiisset, sollicitumque ejus obitus *P. Martinum* haberet, utrumne adhuc teneretur in pœnis, an jam Cœlo receptus DEO frueretur? apparuit veteri Amico *Georgius* in Cœlum profici-

Munia &  
res gestæ.

Exempla  
Virtutum.

Visio ei ob-  
lata.



R. P. Ludo  
vicus Cras

Testimoni  
um de ejus  
Virtutibus.

cilcens, atque illum Psalmi versiculum dixit: *Dextera Domini exaltavit me* & cum dicto ex oculis amissus est. Plura ejusmodi lectu dignissima continet *vita venerabilis hujus Patris*, quæ hîc otiosè repetere supervacaneum reor. Facere tamen non possum, quin de præcipuis quibusdam in Gubernatione virtutibus testimoniû adferam viri cujusdam è Societate Eximij, qui P. Martino familiarissimè usus, hæc suâ manu consignata in Provinciæ nostræ Archivum reliquit:

Fuit R. P. Martinus Vir verè Spiritus, alienissimus ab omni humano & mundano affectu, Spiritu Christi principali à DEO confirmatus, & virtutum ac vitæ ejus magnus admirator simul, & imitator; Hinc quidquid mundus insipiens imprudenter amat, & sollicitè querit, id ille semper contempsit, & modestè declinavit; nec rarò dixit Socio suo, se omnem humanum honorem, & pompam, ac plausum inanem ferre non posse, & quidquid aliquam affectatam elegantiam redoleret, odisse; idque non minùs factis ostendit, quàm verbis expressit. Non facilè etiam externos visitabat, nisi graviora momenta, aut privata cujusque Collegij commoda, bonumve aliquod Spirituale eum ad id faciendum compellerent. In Confessionibus ordinariè locum postremum, licet Superior esset, affectabat. Pallium, cum non haberet proprium, illud à Janitore, & coquo non rarò mutuum accepit, eoque, licet brevior, indutus in publicum prodijt, sui contemptûs gratiâ. Cum defunctus Rectoratu Brunensi Pragam vocaretur, non erubuit per aliquot milliaria vehi curru rusticano, quem traherant duo bosculi, eo usurus usque Pragam, nisi ejusmodi posta boaria, ut ipse loquebatur, nimis lenta fuisset. Nota etiam est ejus in victu parcitas, in vestitu simplicitas, in usu rerum ordinariorum moderatio. Potus ejus potissimum ceresivia fuit; & vini modicum; tempore mensæ ita se occupabat, & in scindendis, & vertendis dapibus, ac si plurimum comederet, cum interim parcissimè vesceretur, & pane magis, quàm carnibus, eoque solo diebus Veneris ut plurimum, nemine ferè advertente. Vestes ejus interiores fuere simplices, & longo usu attritæ; Libri precatorii tales erant, quibus nemo alius uti voluisset. In ceteris omnibus semper deteriora, & viliora quarebat. Nihil elegans habuit ad suum usum, nihil pretiosum, nihil superfluum; & non semel quibusdam rebus ad usum oblatis, vel ad confortandam valetudinem præscriptis uti noluit, quia nimis pretiosas existimabat pro paupere Religioso.

Denique sibi parcus, in alios erat Religiosè liberalis. Quam profunde humilis esset, vel ex eo cognosci potest, quod cum eximijs tum à natura, tum à gratia divina dotibus esset ornatus, nunquam tamen auditus sit de se, aut rebus suis magnificè loqui, aut per jactantiam dicere, seu facere, ad sui commendationem. Vixit inter nos semper quasi minimus ex nobis, nihil eximium præse-rens; in ministerijs culinæ non infrequens. Cum vitam privatam ageret, nemo illo continentior, nemo humilior erat; Regularum, si quis, observantissimus,



enbiculi, & solitudinis cultor penè assiduus, nulli molestus. Extraordinarias verò gratias, quibus à DEO præditum fuisse suspicamur, ità studiosè semper occultavit, ut non nisi quasi per rimulas earum radiolos permitteret, non volens foras erumpere, quæ nobis suspicionem moverent, latere amplius aliquid in arcano pectoris ejus, quàm foris appareret. Inter alias ejus virtutes maximi semper fecimus admirandam ejus in tolerandis, & excusandis aliorum defectibus prudentiam, & longanimitatem, & in corrigendis subditorum erratis solertiam; Quidquid coram illo minùs discretè, aut non satis moderatè fieret, aut diceretur, id ille, suaviter erubescens, tacitus dissimulabat. Si quis absentem incusaret, argueretve de dictis, aut factis imprudentibus, ipse mirà dexteritate eum excusabat, & quandoque operosè etiam defendebat; neminem certè passus est unquam opprimi, aut gravius aliquid pati per calumniam. Subditorum errata per tres, quatuorve dies sape dissimulabat, nec facile negligebat, si momenti alicujus essent, sed tempora magis opportuna observabat, quibus non tam pœnam ut Judex delinquentibus infligebat, quàm ut Medicus medelam adhibebat. Neminem turbatum, nec unquam turbatus ipse corripuit; Sed cùm pacato essent animo, & correctionis capaces, delinquentes monebat suaviter, & salubriter corrigebat.

Prudentia  
P. Martini  
mirabilis.

Fuit in eo etiam à nobis notata tam singularis in agendo moderatio, ut nunquam sit visus aliquid agere precipitanter, nihil non quasi præmeditatè loqui, nihil alicujus momenti decernere, nisi consulto priùs per preces divino oraculo; præveniebat etiam plerumque, quæ mirà sagacitate prævidebat, negotia, sibi proponenda; hinc, qui illa proponebant, semper parata responsa, & prudentissima Consilia accipiebant. Ità etiam ordinatè processit in omnibus, ut suas singulis actionibus præscriptas haberet horas, quas ità ad amussim observabat, ut non nisi ob gravia momenta præscriptum ordinem interrumperet, aut transpouteret. In familiaribus colloquijs cum domesticis ità noverat miscere utile dulci, ut omnes caperet humanissimà quadam gravitate, & non minus prodesset, quàm declararet. Erat illi etiam familiare, de proposito quopiam, ex re nata, argumento, aliorum sensa exquirere, & Religiosam recreationem jucundâ simul, & eruditâ colloctione temperare. In negotijs fuit serius, & indefessus; nullum aggrediebatur, quod non haberet funditus perspectum; Rationes verò, quas dictabat ad negotij alicujus expeditionem, certæ erant, & solidæ, ac benè ponderatæ; quibus etiam per preces à DEO impetrabat robur, & firmamentum. Hinc magnâ pollebat in rebus agendis energiâ, & nihil penè inchoabat, quod non ad optatum finem perduceret.

Moderatio  
& cunctatio.

Charitatem ejus erga Subditos commendabant plurima; maxime verò erga infirmos tam corpore, quàm Spiritu paterna quadam cura, & sollicitudo; Hos frequenter visebat, & solabatur; & ut erat medicamentorum non ignarus, sape suâ ipse manu remedia parabat, & porrigebat. Scio illum longanimi

suâ



suâ patientiâ, & suavis modis aliquot contra vocationem tentatos sanasse, & in Societate conservasse, quos alius præcipitando, aut minùs discretè agendo perdidisset. Et memini ab eo mihi dictum de quodam, cujus dimissionem urgebant nonnulli: quam, inquiebat, accepturus essem à DEO remunerationem in die judicij, si illum præcipitanter dimitterem? nunquid mihi exprobraret meam præcipitantiam? nunquid damnationem suam mihi adscriberet? absit ut perdam, quem sanare, quem servare, & salvare possim!

Orationis  
studium.

Devotio ejus erga DEUM quotidianis experimentis probata satis ostendit, illum plus cum DEO, ut plurimum, quàm cum hominibus egisse, & orationi plus temporis impendisse, quàm negotijs. In omnibus Divinis Officijs ipse semper primus, & præsens aderat, in Litanij, Vesperis, sacris cantatis, precibus publicis. In periculis verò, suisque difficultatibus, & morbis uni, & soli DEO fidebat magis, quàm omnibus humanis præsidij; Hinc cum esset Superior frequenter suos adorandum excitabat, & statas precum horas in privato Sacello eis præscribebat. Pragæ cum esset, in Festo Sanctissimi Corporis Christi, magnam curam & sollicitudinem habuit, ut Processio in Collegio Sancti Clementis intra octavam haberi solita, cum aliquo splendore, & pompa eo anno perageretur, propter alienos à fide milites Svecicos, qui tum adhuc Pragæ morabantur, dicebátque eam futuram ultimam occasionem, quam habiturus esset, Sanctissimo huic Mysterio, & Christo suo obsequium, aliquale exhibendi. Et verò ipsemet modum Processionis, & ordinem suâmet manu conscripsit, habuitque illa non minorem plausum, quàm splendorem.

Turbatissimo Patriæ statu cum iter faceret per loca ab hostibus, & pradonibus infestissima, solus ipse plerumque cum Socio, & Auriga, absque militari præsidio, solius DEI fretus assistentiâ, proficiscebatur, & via ducem sæpe non admittebat. Constat autem non semel in evidentia pericula incurrisse, eaq; mirabiliter evasisse.

In ultimis annis Exercitijs, quæ fecit Glacij, enixè petijt à Socio, ut defensus à se commissos, sive ab illo, sive ab alijs observatos, sibi indicaret, & id ut faceret, multis argumentis tandem persuasit, nec minus promptè exinde correxit quidpiam, quod audiverat alijs quibusdam displicere, et si adiaphorum esset, & ab eo fieret optimo fine. Ad hæc in dandis consilijs satis prodebat, quantam haberet nostri Instituti notitiam, & experientiam in rebus agendis. In judicijs, & decretis suis erat consideratus, & fortis, non pertinax; In secretis taciturnus, ponderabátque omnia juxta rationes æternas. Non erat personarum acceptor, sed omnes aequaliter amabat. Quos autem advertebat plus habere solidæ virtutis, & majoribus ad res tractandas pollere præsidij, eos præ cæteris aestimabat, & sæpius adhibebat ad negotia expedienda. Aliorum etiam consilia audiebat, libentérque sequebatur, si judicabat esse accommodata. Et hæc de ipso breviter, ac paucis dicta, coronet fama communis tam Nostrorum privata, quàm



quàm publica Externorum, qui illum tanquam virum Sanctum semper suspexerunt, & prædicarunt, serium in omnibus, in spiritu solidum, prudentem in Consilijs, in negotijs expertum, moderatum in agendo, in regendo sedulum, & longanimum, in amore, & honore proprio mortificatum. Qui noverunt illum à viginti, triginta, & quadraginta annis, affirmativè laudant omnes ejus in studio virtutum inconcussam constantiam, dicuntque illum sibi semper similem, & unum, eundemque fuisse, & ab inita via perfectionis nec latum unguem deflexisse, ac semper fuisse gravem, & serium, ab humanis abstractum, cum DEO conjunctum, mortificatum.

Denique quocunque nos vertimus, sive consideramus dies, & annos, quibus in Societate vixit, sive functiones, & munia, quæ in ea obivit, sive exempla, & documenta virtutum, quæ nobis dedit, sive ea omnia, quæ & fortiter egit, & patienter toleravit, ubique quasi importunè occurrit pulcherrimum illud Sanctæ Matris Ecclesiæ de SS. Confessoribus Elogium: Ecce homo finè querela, verus DEI cultor, abstinens se ab omni opere malo, & permanens in Innocentia sua!

Haftenus testimonium de virtute VEN: hujus Patris, quod qui virtutem norunt, & in quo vita Spiritualis, & Religiosa consistat, sciunt, finè dubio pluri æstimabunt, quàm si de eo miracula nescio quæ prædicari audirent.

Adjiciam novissimè novem solatia, quæ paulò ante obitum suum Amico dictarat P. Stredonius, quorum meditatione lætus moreretur:

- I. Quòd centuplam Superiorum erga se infirmum charitatem experiretur.
- II. Quòd si unquam, tum voluntatem haberet cum Deo conjunctam.
- III. Quòd suorum Superiorum voluntatem fecisset omni tempore.
- IV. Quòd nullum mortalium ex proposito offendisset.
- V. Quòd fideliter administrasset, quæ spectant ad cultum Divinum.
- VI. Quòd ipsum DEUS morbis exercuisset.
- VII. Quòd ab ipsa Infantia à Beatissima Virgine mirabiliter fuisset educatus.
- VIII. Quòd florem virginitatis speraret se illaturum sepulchro illibatum.
- IX. Quòd moreretur Filius Sanctæ Rom: Ecclesiæ, & S. Matris Societatis.

Solatia morientis.

## TIT. LXI.

R. P. Andreas Metsch Societatis JESU, Vir Apostolicus.

**F**uit hic Vir maximis ad dicendum pro Concione sacra præfidijs à DEO instructus: audivi sæpe dicentem ad populum, cùm velut Pericles permisceret omnia; ridebat cum eo, & flebat populus, & quidquid is inceptaret; Brunæ An. 1636. festo Nativitatis, dum JESUM recens natum, & ex eo nato Cœli & terræ, Angelorum, Cœlitum, Patrum, & totius generis humani lætitiā describit, insanire videbatur affectu, sed dulce est, ait ille, de-

Eloquentia ejus.



Nativitas.

Vita Apostolica.

Felicis ejus labores.

*ſipere in loco.* Cantillabat & ipſe verſiculos Chriſto nato, & populus, quod antè non audierat, ſequēbatur cantando, quiſque modulabatur, ut poterat, poſtque paululum dante illo ſignum, conticeſcebant univerſi, tum iterum ciebat ille lacrymas, & gemitus eliciebat ex cordibus; nihil ſimile in vita vidi, aut audivi: riſus, fletus, cantus, gemitus, genua ponere, ſurgere, ruſus flectere, abjicere ſeſe, repetere clarà voce, quod repetendum Pater monebat, idem erat populo; imperabat in animis, ſed imperium moderatè, & prudenter exercebat, nihilque imperabat, niſi quod ab Auditoribus impetrare ſe poſſe ſciebat; ſed ad hiftoriam vitæ veniamus, quam brevi indiculo pro tantis rebus geſtis complectemur; Natus eſt P. *Andreas Metsch Ridlingæ in Svezia* An. C. 1586. 12. Menſis Julij. in *Sileſiam* venit admodum puer, vocatus cum parentibus ab *Avunculo Ferino*, qui poſtea ſæculi hujus initio *Wratiſlavienſem Episcopatum* adeptus eſt. Ut primùm *Andreas* ex Ephebis exceſſit, ſtatim ad *Societatem* animum adjecit, ob id ſæpiſſime à Parentibus (qui in eo ſpem collocarant ſuam) tum ab Avunculo verbis, colaphis, & verberibus vapulans, denique conſtantiâ evicit, ut An. 1603. *Bruna* bonâ omnium gratiâ in Societatem reciperetur. Tranſilio ſtudiorum annos omnes; mox ut adhiberi ad Conciones cœpit, placuit, eamque provinciam concionandi per annos continuos 40. in varijs *Auſtriæ, Moraviæ, Sileſiæq;* Collegijs ſemper cum dignitate & præſenti fructu ſuſtinuit; diligentiffimè præparabat ſeſe, neque unquam ſatis aut ingenio, aut memoriæ ſuæ, imò neque judicio fidebat, quin ex alijs quæreret, quid aptum eſſet, quid minus; ſæpe etiam jam ſenior non dedignabatur Juvenes noſtros conſulere, ſumâ demiffione animi, & comitate verborum ſciſcitans, quid in hanc, vel illam Evangelij ſententiam legiſſent. Sed jam ad *Apoſtolica*, quæ DEUS per eum operatus eſt, merita veniamus; reliquit enim P. *Andreas* poſt obitum *Indiculos*, tum ad exemplum, & imitationem ſociorum, tum ad gratias DE O agendas, & ſeſe erigendum, ſi quando fortè, ut Sanctis Viris evenit, contraheretur animo, tum alijs pijs de cauſſis; reliquit, inquam, *Indiculos*, in quibus perpetuatâ in omnes vitæ annos diligentia de nomine annotarat, quos ad Religionem Catholicam Divinæ Gratiæ beneficio (id enim ſemper addebat) adduxiſſet, quos in peccatis malè hærentes ad pœnitentiam, quos ad vitam ſandam excitâſſet, quos DE O ſervâſſet; ex illo igitur Indiculo quæ ſequentur deſcribo: *Hæreticos* ſanctis, & doctis colloquijs *decem millia, & duodevices* præter calculationes quasdam notis arcanis conſcriptas, quas intelligere non licuit. *Ministros ſeminiverbios*, ut ità dicam, *Prædicantes* paſſim vocant, *novem* de nomine recitabat, qui Fidei noſtræ lumen agnoverint, publicè révocatîs erroribus; *Apoſtatas* reduxit ad religionem *novem ſupra centenos*: addit duas inſuper de grege altero inventas oves, quæ perierunt *Domus Iſraël* (Judæos intelligi puto) Qui poſt Conciones de gravitate peccati, de

Confef-



Confessionis integritate habitas, intus monente DEO Tribunal sacrum ac-  
 cesserint, vitam omnem cum dolore intimo retexentes, numerat *trecentos*  
*octoginta quinque*; fuere ex Auditoribus quodam in loco *viginti unus*, qui  
 mox à Concione peccata omnia aperuerint. *Cænobia quinque* tam Viro-  
 rum, quàm Virginum in quibus collapsa penitus erat Religiosa disciplina,  
 primævo flori restituit. Virgines, & Viduas, quæ sese voto Castimonie  
 edito, licet velatæ non essent, DEO consecrârunt, diversis in locis, ac tem-  
 poribus in via spirituali direxit, numero *triginta novem*. Sodalitates Maria-  
 nas Româ impetratis literis instituit, ac Romanæ Sodalitati, ut mos est, con-  
 junxit, primusque promulgatis legibus, statutis, consuetudinibus easdem re-  
 xit, *octonas* numero. Peregrinationibus Populorum ad *Beatissimæ Virginis* Cura Pau-  
*Templa* præfuit, duxitque agmina propè sinè numero, gloriarique in Domi-  
 no solebat, primam se ad recens exstructum Divæ Virginis Sacellum ad *Bru-*  
*nam in Lesch* supplicationem adduxisse, & primum sub dio ad populum de  
*Laudibus Virginis* sermonem habuisse. Habebat etiam in numero Consec-  
 deratorum sibi nomina amplius *quadraginta*, pro quibus quotidie nomina-  
 tim supplicabat DEO, sperans vicissim eorum sanctis Orationibus adjuvari.  
 Jam verò pretia, quæ in pias causas, & pauperes ab opulentioribus totâ vitæ  
 religiosæ ætate emendicaverat sumam conficiunt *novem millium*, & *171*. flo-  
 renorum. Pauperes, quos ex statu meliore dejectos, pudor mendicare non  
 patitur, ipse licet mendicus, *quatuordecim* adjuvit ex integro, & alia *quatuor-*  
*decim paria Conjugum* ad incitas fortunæ iniquitate redactorum; viduas de-  
 solatas stipe procuratâ solatus *sex* supra *quingenta*, præter pupillos, aliós-  
 que egentes, quorum numerus iniri non potuit. Hæc ex illo, quem laudavi  
 libello. in quo etiam Festa sua, quæ per annum celebrabat in cubiculo, &  
 Ephemerides quædam cælestium beneficiorum, in quibus mensem, & diem  
 annotarat, quid quaque mensis die gratus recoleret, ut *Natalem suum*, *pri-*  
*mam SS. Eucharistiæ sumtionem*, *vocationis beneficium*, *ingressum in Religio-*  
*nem*, *Votorum diem*, *Primitias Sacerdotales*, aliæque plurima. Nemo P. An-  
 dream unquam vidit cubiculo exeuntem, quin manu *Rosarium* teneret, &  
 Virginem salutaret; multas ejusmodi coronas Divinæ Matri quotidie per-  
 solvebat; nihil inchoabat, quod non prius sacris *JESU*, & *MARIÆ* no-  
 minibus initiaret. Ob has Apostolici Viri virtutes maxima in veneratione  
 omnibus, præsertim Ecclesiæ Antistitibus fuit: *Franciscus Cardinalis à Die-*  
*trichstein Patri Andree* per familiaris dictitabat: *hunc esse fidum sibi in propa-*  
*ganda fide Catholica adiutorem*, *verum Israëlitam*, in quo dolus non esset. Idem  
 Cardinalis non semel cum P. Andreas teneram ætatem Christianæ Fidei ele-  
 mentis institueret, inferebat sese puerorum turmis, & velut collega adjuva-  
 bat, & præmia se digna inter diligentiores, quos Pater comendasset, manu  
 suâ dividebat. Serenissimus *Carolus Archidux Austria*, *Wratislaviensis*

De eo Testi-  
 monium  
 Card. Die-  
 trichsteinij.



Obitus.

Episcopus P. *Andream* (in conversione suorum Nissenium) *manum suam dextram* appellabat. P. *Guilielmus Lamormeini* Ferdinando II. Cæsari à sacris Confessionibus Virum verè *Apostolicum* nominabat. R. P. Gregorius Rumer *Concionatorem exercitatissimum*; Ecclesiastes ex Ordine Capuccinorum S. Francisci *Bruna*, Virum esse dicebat *incomparabilis charitatis*. Tandem, cum vitæ annum 65. compleisset, & An: 1651. 21. Februarij ad populum in 40. horarum precibus, vegetus adhuc manè dixisset, feriâ sequente, apoplexiâ nemine conscio, contactus, cum in prandio non compareret quaesitus, semianimis in cubiculo repertus est; sed mox recreatus, & deinde omnibus Sacramentis piè munitus, alterâ die ad beatitudinem æternam excessit.

## TIT: LXII.

## R. P. Bernardus Oppel Societatis JESU.

1651.

Genus.

Zelus animarum.

**P**ater Bernardus Oppel Olomucij Moravorum illustri loco natus, cum ob egregias animi, ac corporis dotes, in *Canonicorum Collegium* ibidem fuisset adscitus, avunculi sui *Wenceslai Pillar* Viri nobilissimi, qui Præposituræ dignitate depositâ, *Societatem* amplexus erat, exemplo provocatus, & ipse *Societatem* nostram adamavit, in quam receptus viginti novem annos universim, à quatuor verò votorum Professione tredecim, & suo, & aliorum emolumento laudatissimè transegit. Erat in eo præter eximium humilitatis, pietatis, obedientiæ, & charitatis religiosæ studium, animarum zelus plusquam singularis. Adhuc studijs *Philosophicis* intentus, illud à Superiore obnixè petijt, & impetravit, ut (quod antehac *Pragæ* erat insolitum) liceret sibi sacro linteo (quod superpelliceum vulgò dicimus) induto, per vias, & compita pueros, ac rudes ad doctrinæ Christianæ rudimenta capiendâ, in unum cogere, atque ad Templum aliquod deductos, de rebus ad salutem necessarijs edocere. Quod tanto fervore, ac fructu executus fuit, ut *Archiepiscopus Ernestus Cardinalis* dignum censuerit, in cujus gratiam aliquot millia libellorum, Catholicam doctrinam brevi compendio complectentium, suis impensis, publicis Typis curaret evulgari, & inter rudem plebeculam ipsius operâ distribui. Ad Sacerdotium evehctus, reliquam omnem vitam animarum saluti procurandæ addixit, atque in primis novemdecim propè continuos annos in præcipuis Exedris pro Concione ad populum dixit, eâ contentione, & animarum Christo lucrandarum ardore, ut morbum, quo imaturè, ut videbatur, extinctus est, nimio concionantis ardori *Medici* judicaverint adscribendum. Quod à concionibus temporis liberum nanciscabatur, id totum visitandis ægris, solandis afflictis, & incarceratis, procurandis in pauperes (sed præcipuè eos, quos Nobilitatis ratio mendicare prohibebat) eleemosynis, reis ad extrema supplicia æquo animo ferenda animandis



dis, hæreticis convertendis impendebat. Quo in labore ita fortunatus extitit, ut multas nobiles personas, præcipuè verò faminei sexûs, exilium, & fortunarum omnium jacturam, tuendæ hæresi posthabentes, magno Illustrium Familiarum solatio, ad orthodoxam Fidem reduxerit; in eorum salute procuranda ita pertinax, ut nec intentato scoparum plagiario sese ab inculcanda cuidam *Nobili Matronæ* Orthodoxæ Fidei doctrina permiserit absterreri. Nec minora illi in domesticos, quàm externos viscera charitatis: *Cum Rectorem Collegij Neo-Pragensis* in magna rerum domesticarum penuria ageret, non semel vestimenta corpori suo detrahens, indigentibus accommodabat; cumque eadem tempestate contagioso morbo domus infecta laboraret, nec ipsis *Templi calicibus* parcendum censuit, cum aliter infirmorum, aut periclitantium Fratrum necessitatibus subvenire non posset. Eam in omnes charitatem videtur etiam quandoque DEUS eventibus prodigio non absimilibus voluisse remunerari. ut enim insperatas prorsus eleemosynas, & opportuna paupertatis remedia supra expectationem obvenientia taceam, cum aliquando decem nummos argenteos, quos unos reliquos domestica paupertas habebat, externo cuidam valde egenti, heroicâ charitate subministrasset, ad scriniolum reversus, totidem nummos aureos ejusdem formæ, & figuræ, eodem loco, unde argenteos exemerat, reperit, authore præter DEUM frustra quæsito, nec invento. Quæ porro ad cultum Divinum pertinere visa sunt, eo studio procurabat, ut multorum Templorum (præcipuè *S. Salvatoris Pragæ*) ornatus, ejus industriæ, labori, ac sollicitudini meritò debeat majori ex parte imputari; denique ad mortem usquè sibi similis, necdum plenè octimestri in *Receptoratu Collegij Brzeznicensis* exactio, hydrope pectorali obrutus, migravit è vita, 29. Decembris, Anno 1651. in *Collegio Pragensi ad S. Clementem*, in quo dum valetudini curandæ intentus *Medicorum* consulendorum gratiâ hospitatur, mortis inhospitalis ictu occubuit, multasque secum surgentis Collegij spes incidit. Hæc ex *vita* ejus *Elogio*, & *Annalibus Provinciæ Societatis JESU in Bohemia* descripsi.

Charitas  
ejus.

Obitus.

## TIT: LXIII.

## Maria Maximiliana ab Hohenzollern.

**N**ihil de Illustrissima, & *Electoribus Brandenburgicis* agnata Comitum *Hohenzollerianorû* familia (ex qua *Maria Maximiliana* prodijt) à me commemorari potest hoc loco; sed neque virtutem & sanctimoniam ejus prædicare, & amplificare dicendo, in subventaneo hoc, & compendioso opere necessarium esse duxi, cum & *Vitam Mariæ* locupletissimam ab eo, qui à sacris fuit, conscriptam, & dubio procul aliquando Typis edendam, & *Orationem* funebrem cum summa totius *Coronæ* approbatione dictam

post 1650.

Genus.



Conjugiū,

habeamus in manibus; compendio igitur, ut fecimus haecenus, utemur. *Maria Maximiliana Hohenzollariana*, cum ad maturitatem ætatis pervenisset, à pluribus Dynastis præpotentibus ob formæ elegantiam (ob quam ferebatur in primis) sed magis ob vitæ innocentiam, morésque suavissimos experita, tandem *Joachimo de Nova Domo*, *Adami de Novadomo Supremi Regni Burggravij* filio venit in manum; sterile id conjugium fuit: *Joachimo* elato, *Mariam* sibi in Conjugem optavit *Adamus de Sternberg*, Vir inter Catholicos Boëmiae Proceres primæ autoritatis, qui ex ea complures liberos, interque eos *Mathiam Franciscum* trium illorum, quos nostra ætas florentes videt (*Wenceslai*, *Norberti*, *Ignatij*) patrem suscepit. Post secundi hujus Mariti, qui summum Regni Magistratum diu gessit, obitum, annis continuis 25. in viduitate permansit: neque tum primò studia pietatis & virtutum assumpsit, sed cum jam inde à pueritia omnem vitam ad rationes æternas retulisset, nacta vidualem solitudinem, omnia proposita perduxit ad summum; quidquid suppetebat temporis, in DEO, & in Divinis consumebat; *soliloquia & Meditationes D. Augustini* assidue versabat manibus, & propè jam tenebat memoriâ; *SS. Eucharistiam* festis diebus omnibus sumebat pietate ardentissimâ, ad idque se toto priori die, & multâ noctis parte mille aspirationibus comparabat & votis, gratijs verò agendis flexis semper genibus ultra meridiem occupabatur in Templo.

Præparatio  
ad S. Com-  
munionemFundatio-  
nes.

Ostiduum illud, quo *Festum SS. Corporis Christi* supplicationibus celebrat Ecclesia, totum in lacrymis doloris & amoris traducebat; nihil erat domi aureum, nihil argenteum, aut gemmeum, nihil pretio, elegantia, vel arte præstans, quod non libens ad ornatum dierum illorum conferret. Imaginibus pijs, sed maximè *S. Veronica* tabulis mirè afficiebatur, iisque plurimum, ut dolori suo pabulum daret, tenebatur; cubiculi partes omnes, imò & ipse, quo vehebatur, currus sacris Imaginibus collucebat; sed major in *Divorum lipsanis* honorandis pietas, quæ sæpe singulari & invidendâ felicitate comparatas, cultui publico proponebat. Templo nonnisi Sacris omnibus peractis recedebat; qui currum redeuntis videbant, omnia jam finita esse habebant pro certissimo. *Sodalitati* pro defunctis in *Domo Professæ Societatis* (quæ postea *Illustrissima Matrona Kolovvratiana Lucia* legato divite maxima sumsit incrementa) primum *Maximiliana* nostra dedit initium, omnem illius pietatis OEconomiam, quæ cum approbatione summa omnium Ordinum peragitur, ordinavit, confirmationem ejus Sodalitij cum diplomate, & Imunitatibus multis à *Romano Pontifice* impetravit, fundamenta prima sacelli illius sanè augusti posuit, plastico opere fornicem incrustari, picturis & tabulis artificum parietes exornari iussit, eaque omnia, nè à quoquam opus impediri posset, mirabili celeritate perfecit, plerisque quid ageretur, ignorantibus, & denique nè pro authore haberetur, in rationum libris nomen suum vetuit

appo-



apponi, quasi ex occulto subministrarentur pecuniæ. Eâdem arte, & bono dolo fiebat, ut nemo ferè pauperum ab ea indonatus abiret, à quo tamen stips illa veniret, in vulgus ignoraretur. Abſtinentiâ in edendo admirabili cum eſſet, eſcæq; pauciſſimæ, neque altilibus unquam, aliisve gulæ cupedijs veſceretur, jubebat tamen opiparè menſas exſtrui, ut alijs edenda ſuppeterent quàm plurima, erâtque multum moleſta convivis, ſi ante cibos otioſi ſederent; at ſi bene prânſos videret, gaudebat, & plena ſolatio honoratam ſe vero & læto vultu teſtabatur. Familiariùs etiam cum grege pauperum anicularum agebat, ſuis ipſa manibus in ollas pauperum, cibos etiam pretioſiſſimos indens, vel infundens, per jocum dictitans: *ollas & ſcutellas diligenter delingerent, ut ſplenderent, ità fieri, ut nebula diſſiparentur, & ſerenus aër fieret*; quod in proverbium apud pauperes vertit, cum dicerent: ſead *Illuſtriſſimam HohenZollerianam* pergere, ad cœlum ſerenandum; at illa joco illo ſignificabat, cœlo placere, ſi pauperes paſcerentur. Demiſſione animi, nulli præferebat ſeſe, animoque inſculptum habebat, ſe mortalium omnium deterrimam. Ut olim in conjugio, imperio *Catharinæ de Montfort* (Conjugis ſui Matris) regebatur in cultu, & formam monilibus, gēmis, aliisq; muliebribus divitijs augere & accendere ſolita fuit, ſic poſtea in viduitate, *Catharinâ* mortuâ, abjecit omnia, palliolo lacero, capite linteato procedens in publicum, factumque eſt ridiculè, ut humi ſedenti in Templo ex tribu Sellulariorum quiſpiam, qui eam mendicabulum eſſe putaverat, teruncium daret in manum; accepit *Maria* cum gratijs, at filia *Illuſtriſſima* ex ſubſellijs factum conſpicata, clamorem ſuſtulit: *Domina Mater*, inquit, *mea hæc eſt*, proinde *abiſurcifer! injuriam generi noſtro facis!* Continuò Mater pro imperio ſilire filiam juſſit, cum addito: *utinam digna forem inter Chriſti pauperes numerari!*

Miſericordia in egenos.

Abjeſtio ſui.

A nemine, præter pauperes, Natalem ſuum celebrari patiebatur *Maria*: offerebant pro die Natali pauperes aſſa poma, cruſtula butiro perlita, ſiccata pruna, vel pyra, placentulas carioſas & corruptas, & quæ moroſi divites non dignarentur aſpicere; at *Illuſtriſſima heroina*, quæ ſe infra omnes ponebat, hæc menſæ ſuæ jubebat inferri, deguſtabat per delicias, & quodammodo liguriebat; at pauperes læti, & majoribus pretijs redonati *pulchrè ſcenerato beneficio*, ut ait Comicus, diſcedebant. Sed quid opus minutias hæſce perſequi, cum *Illuſtriſſima* hæc *Matrona*, quidquid habuit, in pauperes Chriſti diviſerit? Contubernium Adoleſcentum pauperum, qui literis darent operam, atque unâ in *Eccleſia* ſymphoniacè canerent, cum glorie ſua *Lucia*, & *Catharina Montfortia* Conjugis ſui Matre Novædomi An. 1608. fundavit liberaliſſimè; at *Collegium in Nova Civitate Fragenſi* ſola, & ex dote ſua itidem cum Seminario piorum adoleſcentum. Tantâ verò & tam magnanimâ liberalitate Cœnobia & ſacros Parthenones hîc, & in alijs procul terris pro-



prosecuta est, ut ab ijs pro altera Fundatrice haberetur, quibus per intervalla 100. 200. 400. atque etiam 600. pluresque aureos, ut earum poscebat paupertas, trans mittebat.

Educatio  
liberorum.

In educatione liberorum difficile dictu est, quam se heroicam, & quam diligentem ostenderet; primas voces liberorum *JESUM*, & *MARIAM* esse cogebat, duplices ad sidera palmulas attollere, crucem in fronte formare, antè quam loqui possent, docebat. Cum minimus natus filiolus animam ageret, imperio Matris *Crucem* effingere connisus, in eo conatu expiravit; placuisse istud *DEO* eventus miraculo similis ostendit: quippe post tot lustris, toto reliquo corpore (præter ossa) in cineres abeunte, manus illa, quæ *boni Pueri* dicitur, in hodiernum usque diem incorrupta, & carne obducta monstratur. Filij, ut Præceptoribus dicto audientes essent, severè jubebat. fuit, cum ex ijs aliquis sat inclementer virgis, ut merebatur, à Præceptore acceptus, vibicibus coloratis, & adhuc ferventibus coopertus, ad *Matrem* cum querelis, & lacrymis accurreret, statim *Mater* è conspectu filium jussit facefere, atque iteratò à Præceptore castigari.

Obitus.

At nè narratio hæc mea nimium excrescat, finem imponam; ex minimis rerum maximarum à prudentibus argumenta petuntur: in morbo supremo quanta pietatis, quanta patientiæ, demissionis, & obedientiæ edidit documenta? quam dolores omnes contempsit, quantum dissolvi, & esse cum *Christo* desideravit? omnia peracta ex legibus perfectæ, consummataque virtutis. Confessione peccatorum expiata, Viatico cœlesti refecta, oleo ægrotantium delibuta, vale omnibus, præsertim familiæ, dicto, cum nihil postea, nisi divinum & cœleste audire sustineret, inter summas animi voluptates, *Christi Cruci affixi* signum complexa, beatam animam reddidit Creatori ætatis anno 69. exeunte.

## TIT. LXIV.

Wilhelmus Comes Slawata Cancellarius Supremus Regni Bohemiæ Annis vicens & quinis.

1652. 19.  
Jan:

Natales.

**N**Olo hoc loco, nè quis erret, honores, dignitates, & prærogativas, quas in se, suamque Excellentissimam stirpem (quam fervet Divinitas!) *Wilhelmus* pro merito transtulit, & cum dignitate gessit, percensere; qui legere ista cupit, consulat apud nostrum *Crugerium* 19. Mensis Januarij diem. nos hæc latius postea, cum de *Nobilitate Bohemæ* agemus, pertractabimus; Virtutes tantum Viri præclarissimas, & gesta pulcherrima, quatenus imitationi Procerum subesse, & proponi etiam possunt, summatim adducemus. *Wilhelmus Slavata* *Adami Slavata* ex *Kurtzpachiana* nobilissimæ stirpis matrona genitus, primùm *Piccarditicam* hæresin luxit cum lacte, neque



neque vulgari sorte contentus, ipsam medullam hæreseos combibit *Pecynovskyorum* sectæ, qui alio nomine *Fratres flentes* (ut in hæresibus dicemus) appellabantur: ipse hæc de se in *Apologia* adversus *Mathiam Comitem de Turn* commemorat, recitatque etiam duas, trèsve Conciones oppidò ridiculas in exemplum. Juvenis, & penè adolefcens præcipuas *Europæ Provincias* peragravit, ob ingenij præstantiam, & svavissimam, & paratam omnibus humanitatem charus æquè Proceribus Catholicis, ac hæreticis, magnasque tum adhuc juvenis de se spes in Patria concitavit, adeò, ut juvenem *Wilhelmum* toti *Nobilitati Bohemicæ* ad imitationem proponere ausus sit *Christophorus Harant* Ulysses Bohemicus præfatione ad *Itinerarium* suum. Hærebat *Novadomi* præcipuè, quod *Avus Dionysius Slavata Elisabetham de Novadomo Joachimi de Novadomo Aurei Velleris Equitis, & Supremi Cancellarij Sorem* in conjugio habuerit, & Parens *Adamus Slavata* (ut tum erant tempora) *Adamo de Novadomo Supremo Cancellario*, & postea *Burgravio Pragensi* in omnibus ditionibus *Aureæ Rosæ Procerum* regendis operam navaret suam; ibi in familiaritatem *Societatis nostræ Patrum* ingressus, ab *Joanne Rotario, Collegij Soc. JESU Rectore*, aliisque Patribus, *Piccarditicos* dedoctus errores, *Catholicam* amplexus est fidem, paulòque post, agente potissimum eodem *Rotario*, qui conscientiam *Luciæ Novodomensis Adami filię* regebat, dejectis corrivalibus maximis *Petro Rosensi, Joachimo Ssvvambergio &c.* nuptias cum eadem *Lucia* celebravit. Admoveri statim maximis honoribus coeptus est, quos referre non vacat; in summa: exceptâ *Appellationum Præsidis, & Burgravij* dignitate, omnes Regni honores transcendit; Religionem Catholicam, & fidem in regnantes, præcipuo semper studio promoveri, & tueri, cura ingens *Wilhelmo*, atque inde paratum odium; quod, cum hæretici, ac rebelles ordines, nisi cæde *Wilhelmi*, explere non possent, An. 1618. cum *Jaroslae de Martinicz*, ex altissimi senaculi fenestris in mortem certissimam (nisi DEUS, & ejus Mater invocata, miraculo avertisset periculum) jecerunt, rati, columnis hisce duabus subtractis, Religionem Catholicam ruituram. Biennio deinde privatus, & in exilio *Passavij*, pro fide in Regem suum, & pro Religione constantissimè, & patientissimè omnia toleravit. Partâ de hæreticis cælesti victoriâ, ad *Aulam* vocatus, totum se Patriæ cadenti, & brevè ad incitas redigendæ, quâ posset ope adjuvandæ libenter impendit; non ille vindictam, Christiano homine, & Viro forti, & heroico indignam cogitare, non insultare victis, non impellere in casum, quos odisse poterat, non alienis bonis crescere quæsivit, adeò (quod ante annos propè vices nos in *Melissis* scripseram) nec terræ pugillus nominari in ditionibus Slavatinis potest, quem aliena calamitas, & proscripcio signaverit. Quot ille familias nobilissimas in Regno servavit! quot comendatione ad Regem, & Cæsarem *Ferdinandum* suâ, in exilium deportandos detinuit, qui postea de

Religionē  
Cath: am-  
plectitur.

Ejicitur ex  
Senaculo  
ab hæreticis

*Meliss. Exa-  
men. præf.  
ad C. Ferd.  
Slavatam.  
Multos in  
Patria deti-  
net.*



Amor Pa-  
triae.

Obit quot-  
annis Exer-  
citia Spirit.

In sacris li-  
beralitas,

Munera re-  
culat ex Vo-  
to.

Religione melius informati, accessere Catholicis, & ditionibus aut ex toto, aut ex parte receptis, propagavere familiam, hodieque eorum *Illustrissimi Poster* censentur in Regno. Innumeros ejusmodi nobilissimos Viros, si odium non timerem, enumerare possem. Patriam commendare Regi suo nunquam desistebat *Wilhelmus*, & cum aliquando ab Oratore in Collegio *Novodomen*si Pater Patrie appellatus esset, gratanter accepit, responditque: unum hunc titulum se ambitiosè expetere, licet ab ipsis Patriotis, ut aiebat, impediretur, qui ob sua privata comoda, & commendationem ad Principem, nescirent, aut scire nollent: *Patriam longè Patribus, & Matribus cariorem esse nobis oportere.* *Wilhelmi* opus est (quanquam in hoc opere *Sternbergicos, Waldsteinios, Talenbergicos, Kolovratas, Lobkovvicios praeipue, & Berkas, Rziczanos, Wratislavios, Czerninios*, aliosque plures socios, & adjutores habuerit) ipsius, inquam, opus fuit impetrata, & à *Ferdinando II.* data publico diplomate toti Regno *Bohemiae, & Ordinibus* omnibus venia, oblivio rerum praeteritarum, priorum Privilegiorum nova instauratio, & confirmatio, quae postea etiam in *Novellas* est inserta. Habui in manu grandem literarum *Wilhelmi* codicem, quos ad diversos Proceres dictavit (*Maculatori* titulus fuit) in quibus de felicitate Regni recuperanda, de minuendis oneribus, de Nobilitate locupletanda, aliaque hujusmodi inculcat, estque hoc velut unicum earum literarum argumentum. *Societatis nostrae* operâ praesertim utebatur in sacris, habebatque in Aula duos, quorum consilia in conscientiae arcanis sequeretur: quothebdomadis *SS. Eucharistiam* sumebat, tenerimâ usque ad lacrymas pietate; *Exercitia spiritualia S. P. N. Ignatii* quotannis octiduo, procul amandatis curis omnibus, solo, qui ei erat à sacris, teste, peragebat, fructusque omnes meditationum suâ manu in Libris ad id paratis, annotabat, quos Libros vidisse me, & legisse gaudeo. In Ecclesijs sumam semper adhibebat magnificentiam; vel augustum *S. Mariae Magdalene* Sacrarium id loquitur, in quod fabricandum duodecim millia expendisse traditur: *O Etinge Veteris ante Divam*, quatuor *Missas* in hebdomade peragendas fundavit non parvis sumtibus (ut alia taceam) Religiosis pluribus ad perpetuitatem de aëona providit; animabus fidelium, quas piaculares flammæ detinent, eleemosynis, & sacris fere quotidianis opitulari solebat. Unum omnium maximæ, & confirmatae, atq; heroicae prorsus virtutis opus pro coronide appono: cum *Cancellarij Supremi* dignitatem adisset (meipsum, & verba, quae ante vicenos annos scripseram, hîc describo) *Voto sese jurato obligavit: nunquam se ullum munus à partibus litigantibus, vel eorum amicis, & cognatis, nullo unquam seu donationis, seu gratitudinis, seu quovis alio pretextu accepturum, nullâ, quae excogitari possit, arte, idque sanctè DEO promittere. voluit ei voto solennitatem addere Wilhelmus: nam P. Wrotæus Sacrum faciens rogatu Wilhelmi cum Vener: Hostia sese ad Wilhelmum converter-*



vertit, tum iste votum ex formula legit, eoque lecto SS. *Eucharistiam* in confirmationem percepit. Iplum hoc votum *Wilhelmi* manu scriptum olim vidi, quod me tum non descripsisse non parum nunc doleo. Denique, ut finem semel faciam, *Wilhelmus* jam ad octogesimum ætatis annum descendens, aulæ vale dicto, omnibus Sacramentis munitus, An. 1652. 19. Januarij vitâ excessit, quodque supremâ voluntate statuerat, totiesque repetierat moriens, *veste Societatis nostræ indutus*, in eo ipso, quod à fundamentis excitârat *S. Magdalene Sacratio Novædomi* humatus est, magnum, & rarum in Viro Principe pietatis, & virtutis exemplum.

Obitus.

Adjiciam hoc loco *fructus quosdam Spiritualium Exercitiorum Anno 1644. collectos*, quos manu sua *Wilhelmus* in Libro suo Arcano, quem in manibus habui, annotârat; ex hisce pauculis (velut olim nescio quis Sapiens ex *vestigio magnitudinem Herculis* probavit) *Lectores*, Viri virtutem, & quantâ cautelâ homo id ætatis in Aulis Principum vixerit, intelligent.

**Proposita quædam Spiritualia Excellentissimi Domini Comitis Senioris Slavatæ Guilelmi A. 1644. In Exercitijs Spiritualibus S. P. N. Ignatij, ex Archivo Collegij Novodomenfi Societatis JESU.**

**P**ropono I. *Singulis diebus Dominicis, & Festivis à meridie adire illa Templâ, in quibus per aliquot horas exponitur Sanctissimum SACRAMENTUM, & ad minimum unam horam ibi orare.*

Proposita  
Guilelmi  
Slavatæ in  
Exercitijs  
Spiritualib.

II. *Si aliquando instituentur Orationes quadraginta horarum, me velle, in illo templo, ubi celebrabuntur, quolibet die unam horam orationi vacare.*

III. *Singulis hebdomadis die Lunæ apud Sanctum AUGUSTINUM in Sacello mortuorum, & die Veneris in domo Professa in Sacello Congregationis horis consuetis devotioni adesse.*

IV. *Singulis diebus à meridie velle (præter consuetas meas Orationes pomeridianas) meditationibus pijs mediam horam, & diebus festivis integram horam consumere, & ad meditandum velle sumere illas sententias, quas hoc itinere ex libello Thomæ de Kempis annotavi, & describere curavi.*

V. *Cum singulis hebdomadibus, tribus diebus, die Mercurij, die Veneris, & die Sabbathi (præter Vigiliis quando aliqua occurrunt) soleam solùm collationem sumere; velle tunc temporis curare alicui ex meis famulis aliquem Spiritualem librum mihi legere.*

VI. *Convivia solennia velle vitare, & invitatus me excusare, nec etiam me velle domi meæ convivia solennia instituere.*



VII. *Avanis, & otiosis colloquijs, & præcipuè verò ab obloquijs, & detractionibus, tam in Aula, quàm extra Aulam, & eum utroque Sexu velle abstinere.*

VIII. *Soliloquia cum sexu fæmineo velle vitare.*

IX. *Alusu chartarum velle abstinere.*

X. *Nunquam me velle otiosum esse, & me velle in scribendo Historiam, jam ab aliquibus Annis à me inceptam (in qua materia jam septem Libri Lingvâ Bohemica, & Germanicâ satis prolixi, scripti, & perfecti sunt) continuare.*

*Et in reliquo cum auxilio DEI, & Beatissimæ Virginis meæ singularissimæ Protectricis, & Advocatæ, conabor vitam instituere, ut cum mors venerit paratum me inveniat.*

### TIT: LXV.

## Venerabilis Pater Nicolaus Lancicius è Societate JESU.

1652. 16.  
Martij.

Munia ejus

Res gestæ.

**R**everendum Patrem Nicolaum Lancicium Bohemia quidem non genuit, sed longâ habitatione, & miro in hanc Provinciam amore, suum fecit, & numerat inter suos. natione fuit *Ruthenus, Vir Sapientia, & virtute clarus* (verba sunt Philippi Alegambe in Bibliotheca Scriptorum Soc: JESU) docuit sacram Linguam, Controversias, Theologiam Moralem, & Scholasticam, & Divinas literas interpretatus est. Rector fuit Collegij Cracoviensis, & Præpositus Provincialis in Litvania, inde ad Provinciam Bohemicam translatus, formandis in tertia Probatione Patribus utilem operam exhibet. Hæc Alegambe viventi adhuc Elogium scribens. Fuit Nicolaus Lancicius Instituti Societatis amantissimus, & peritissimus, peritiam acquisivit longâ Romæ comoratione, ubi & Tyrocinium vitæ Religiosæ posuit, & facile vicenis quinis annis moratus est, nullam curiositatem supervacaneam esse existimans, quæ pernoscendo penitus Ordini Societatis impenderetur; Archiva omnia nostra Romana sursum deorsum pervolutavit, cum Nicolao Orlandino, & Francisco Sachino pro scribenda historia Societatis materiam ex Archivis colligeret, ac suppeditaret; triginta quatuor Familiares S. P. N. Ignatii socios, familiarissimè novisse se gloriabatur, & ex ijs duos è primis Patribus Salmeronem, & Bobadillam de facie nôrat, & hos & illos multis fatigans (præcipuè Ribadeneiram) quæstionibus, ut initia Societatis omnia haberet perspecta; legantur ejus Opuscula duobus Thomis comprehensa (quæ Provincia Bohemiæ dedicavit) tam enim reconditæ, & abstrusæ in ijs antiquitates Societatis reperiuntur, ut neminem unum in eo genere parem sit invenire. Sanctissimos quosque in Italia Viros amicitia coluit, & ab omnibus doceri paratus,



ratus, mira didicit, quæ postea senex nobis certatim accurrentibus jucundè commemorare solebat: *S. Philippum Nerium* nôrat, & paulò ante mortem invisit, à *S. Magdalena de Pazzis* sæpe per Epistolam & amicos salutatus, & donis ejus honoratus; *Cænobio Turris speculorum Romæ* à sacris confessionibus diu fuit, atque ibi *Mariam Bonaventuram Romanam Virginem*, Exercitiorum ope *S. P. N. Ignatij* ad vitæ eximiam Sanctitatem perduxit, cujus etiam vitam scripsit; *Julius Mancinellus* Vir magnæ Sanctitatis sua illi spiritualia lumina, & illustrationes à se scriptas donavit, *P. Bernardus Colnagus* Vir Sanctimoniâ inclytus, vitam eidem suam omnem petenti narravit, *Generalis Franciscani Ordinis S. Johanna granum* donavit, quod ille alijs granis allinens (ut Pontifices permiserant) per eadem grana & ipse & alij mira (quæ in *Annalibus Provinciæ* leguntur) patravêre. Tricenis plura *Divorum Martyrum corpora* è *Cæmeterio Callisti* à Pontifice cum authenticis suis impetrata, in *Bohemiæ Provinciâ* invexit, & multis Urbium supplicationibus priùs honorata per Collegia divisit, multis miraculis eorum invocationem secutis; tota hæc pietas optimi senis diligentia, & in Sanctis honorandis ardentissimo studio debetur. Sed & ipsimet domi aderant, quæ domestici mirarentur exempla, imò & miracula, aut quocunque alio nomine appelles: nôvi, qui eum altè è terra sublatum vidisse se testatur, cùm *S. P. N. Ignatij* (cujus ultra omnes alios Societatis *Divos* maximus erat amator, & heroicæ Sanctitatis æstimator) orationem ardentissimam uni ex *Socijs Pragæ* laudaret; canebat præ dulcedine affectûs in *Missâ*, & verbis Italicis modulabatur, neque tamen plenâ *Ecclesiâ* cantus ille audiebatur, nisi à paucissimis; nôvi, qui sacrificante illo *Rosas* ad *Eucharistiâ* venientes, foliâque sua ultro expandentes, quasi viverent, viderat, quas *Rosas* senex manu mulcebat, & reponebat in locum. Mihi quoque præter alia admiranda, (quæ alio scripto complexus sum, utpote ejus unius operâ ad poenitentiam, & *Brunam* eo comitante ad *Religionem S. J.* adductus, & plurimis ejus colloquijs, & commercio literarum frequentissimo dignatus) mihi quoque mira cum eo contigêre; unum pro multis dabo: amiserat omnia sua *Adversaria* rapta à prædonibus An. 1640. & tantum non occisus (tribus Socijs ante se peremtis) evaserat (quam rem longum percensere foret) & tamen libellos spirituales plurimos elucubrabat, & evulgabat; accessi aliquando senem, & quæsi: *quomodo tot sententijs SS. Patrum in libris uteretur, ut ei utramque paginam SS. PP. facerent, cùm adversarijs suis careret?* respondit senex: *id esse obedientiæ præmium: cùm, inquit, è Collegio Cutenbergensi fugeremus, prædixi Rectori, tres è Socijs occidendos in via, me autem evasurum, sed scripta, quæ mihi vitâ ipsâ chariora essent, perditurum, proinde ut aliud iter imperaret; noluit Rector; ego sciens & volens, intellectu captivato in obsequium obedientiæ, discessi; sed mitissimus DEUS mihi abundè restituit, quæ amisi: nam quemcunque ex SS. Patribus librum aperio,*

Adfert Româ plura SS. Martyrum Corpora.

Quædam mira de eo narrantur.



sententiam in rem meam semper invenio, & aptiorem, quàm ego omni humanâ industriâ, & multâ lectione possem invenire. Fac, inquit, Balbine periculum; habebat ante se Lancicius Græcos Patres (quorum studio maximè tenebatur) ac nominatim Damascenus, nisi fallor, & Basilus stabant in conspectu; petit senex, de quo argumento vellem sententiam habere ex Damasceno? dixi (quod est rarissimum) me de S. Angelo Custode aliquid legere velle; nihil ille argumenti raritatem caussatus, sublatis in Cœlum oculis, librum aperit, & mox digitum in lineam intendens: En, ait, de S. Angelo Custode sententia! erat, memini, locus pulcherrimus. Cùm admiratio cresceret, arripit Basilium, rursusque temerè aperto libro, aliam de SS. Angelis Custodibus Basilij sententiam digito cōmonstrat; tum ego, facilè, inquam, Rev. Vestra libros conscribit: Balbine, crede mihi, subjicit senex, Bibliotheca est huic vicinæ; ex ea unum refero Codicem, alterum adfero, rursusque tertium, quartum &c. atque ita mihi omnia sponte incurrunt, ut quidquid cupio, id Sanctorum dictis statim possim approbare. Hoc certè, quod modò narravi, magnum ego semper miraculum, & fortè alijs miris nihilo inferius esse putavi. Legi aliquot mihi ab eo familiariter concessos libellos, quos ad pusillanimitatem suam pellendam procul omni fūco conscripserat, plenos gratijs, & beneficijs cœlestibus, miraculis, visionibus, atque inter alia unam, alteramque rationem Conscientiæ Superioribus more nostro datam, in quibus ejusmodi plurima continebantur. Voto sese obligarat, S. Tereſiæ imitatione perfectiora semper eligendi, venialia peccata deliberato animo nunquam cōmittendi &c. Exercitia spiritualia S. P. N. Ignatij tradebat dexterimè, multosque eâ ratione ad miram Sanctitatem adduxit. Charitatis ipsius habebat præcordia, mirus erat consolationum artifex; si quid triste cuiquam accidisset, & pateretur, tam tenerè solabatur, ut in cor suum dolores alienos transferre videretur. Prophetiæ dono illustris multa multis prædixit. Patri Laurentio Teicher S. J. conquerenti se non pingvescere: atqui, ait, olim ita pingvesces, ut vix per hanc januam transire possis; res aliorum accepta tum est; at annis vertentibus P. Teicher in hydropem incidit, & vaticinio fidem fecit; scio hominem, & vivit adhuc, à quo id jam Societatis Provinciale audiavi, sibi eam dignitatem triginta facilè, quàm delata ei esset, annis, à R. P. Lancicio esse prædictam; mihi quoque in juventute tenero, & imbecilli longiorem vitam, & senectutem promisit. Illustrissimo Baroni Ottoni ab Oppersdorff hærede masculo carenti, certas in speciem herbas (ad miraculum obtegendum) præscripsit, & duas viriles proles (quod factum est) habiturum prædixit. Imitatione S. Philippi Nerij, quantum per Societatis leges licebat, virtutem factis aliquibus, quæ improvidi damnarent, obtegere solitus, tum maximè, si quid miraculosum accidisset, ut opinionem Sanctimonix apud alios vitaret, & quodammodo corrumperet; quod, hujus consilij sui ignari, ac prompti alienorum

Libelli arca  
norum.

Vaticinia.



norum Censores, in argumentum alicujus vitij trahebant; at *Senex* deceptis illis gaudebat, semper ambulans in Divino conspectu, & *neque manum*, ut mihi confessus est, *sine DEI memoria attollens*. Novum alium, qui cum sibi herniā crescere confidenter seni aperuisset, subito invisibili manu senserit sibi eam corporis partem arctè premi, & ex eo tempore nunquam illius rupturæ molestias pertulisse, ac procidentiam illam viscerum non ultra progressam, quin omnia vitæ officia comode, & sine ullo impedimento peragere potuisse. Eadem horā *Bruna*, & *Olomucij*, locis procul distantibus visum esse *R. P. Lancicium*, collatis temporibus, plures affirmant; arcana cordium sæpe illi Divinitus patuisse exemplis plurimis probari potest; in *Confessionum Tribunali*, si quis quid per oblivionem omitteret, monebat hoc vel illud omissum; obitus amicorum in Provinciis remotissimis sæpius amicis indicavit; eodem die (quod testari ipse jurejurando possum) *R. P. Danielis Kirchneri mortem Brunæ* obitam, & ejus ante mortem terrores, cum ante morbum e curru caderet, mihi ab eo narratam *Pragæ* memini, cum nè quidem cursor id nuncium omni celeritate, vel si volaret, adferre potuisset. Ex purgantibus flammis animas mortuorum sæpe ad se venire, & opem precum poscere vidit; sunt, qui audivere poscentes, & omnia lamentis implentes, alios, & alias cum eo spatiantes, & colloquentes. Plura hujusmodi mira commemorari possent; at exorietur aliquis forsitan, qui gesta tanti Viri, Virtutes, & miracula describenda sibi sumet, quod omnes, qui Virum novimus, adhuc non fieri, impatienter, & dolenter ferimus. Dicebat se admissum in conspectum Divinitatis post mortem, petiturum, ut nullos haberet honores, & sperare se plures sibi adversaturos mortuo, quam nunc viventi, idque sat diu duraturum; Adversarios suos amabat tenerrimè, mihi que ipsi aliquando schedulam donavit, quam antè *ad pedes Crucifixi Salvatoris* suspenderat, in qua quidam graviter sibi adversanti bona omnia à DEO precabatur, mori pro eo, & ejus commodis eligens, aliàque sinceri amoris vota, & veniam omnium injuriarum faciens, ut nihil tenerius esse posset. Obijt plenus dierum *Cana in Litvania* 16. Martij An. 1652. quò prius ex *Bohemia* tum hostibus Svecis plena, multis Urbibus captis, redierat.

Miraculis  
simillima.Amor ini-  
micorum.

P. A.

Obitus.

## TIT: LXVI.

Venerabilis Pater Joannes Nerovius Societatis  
JESU.

**F**uit hic Pater amabilis prorsus, & innocuæ simplicitatis, & Sanctitatis probatissimæ; natus est in Silesia *Trechovij* An: 1589. 21. Septembris, missus ad studia latinitatis *Olomucium*, & *Pragam*; Hinc rursus *Olomucium* iter intendit, & inter Condiscipulos ingenij & diligentiae palmā ob-

1656. 25.  
Augusti.Genus &  
& prima  
etas.



Studia.

Vita Apo-  
stolica.Mirum  
quiddam.Pietas in S.  
Dorothea.

Obitus.

centâ, Anno 1607. 25. Octobris inter *Societatis* nostræ *Tyrones* cooptatus est: jam tum cum divina Majestas sibi delegerat, quem dulcissimâ semper, & affluente cum lacrymis pietate, sibi nexus amoris perpetuo implicaret; sed is cum pietate scientiam quoque conjunxit, & Græcis literis maximè imminens, primùm *Grammaticam*, deinde *Poësin* (in qua felix est habitus) *Ethicam*, *Philosophiam* perdocuit, & *Pragæ* in *Carolina Universitate* cum Ven. P. Martino *Stredonio Theologiae Doctor* est creatus; diu tale par, sive Doctrinam, sive Sanctimoniam spectes, *Universitas* ista non habuit. Sed *Nerovium* nostrum à Scholis publica *Bohemiae* necessitas ad *Apostolicas Missiones* transtulit, in quibus diu versatus plurimis in *Districtibus Bohemiae*, sed præcipuè ad *Gitzinium* non parvum Oppidanorum, & agricolarum numerum *Christo*, & ejus *Sponsæ Ecclesiæ* adjunxit. Ibi illud accidit memorabile: Matrona moriens P. *Joannem* ad *Confessionem* advocarat; properavit Pater, sed illa petitioni suæ immortua est. Qua de re loci *Dominus* venientem Patrem admonuit; Pater nihilominus duci se ad mortuam jubet, remotisque omnibus preces fundit; *Loci Dominus* curiosè quid agatur per januam observat, vidit *Cadaver* erigi, & aures confitenti præbere *Nerovium*; rebus omnibus expletis, aperitur Janua, cadaver suo loco jacet; ita tum discessum est, Domino stupente, & quoad vixit miraculum prædicante. Missionibus felicissimè terminatis Pater *Nerovius* in plurimis *Bohemiae Collegijs Præfecturam Spiritûs*, ut vocamus, gessit. Frequens ejus aspiratio, quam semper habebat in ore (*Beatissime DEUS!*) divini amoris dulcedinem, quâ difflebat, satis ostendit; *Missionem* ferè semper legebat cum lacrymis; quotidie cilicio accinctus acriter flagris sæviebat in corpus, idque per annos quadraginta nunquam omisit; omni feriâ sextâ in Dominicæ Passionis honorem in cubiculo non nisi humi sedebat, velut sub *Cruce Domini cum Magdalena* mœreret; sæpe eum sub *Cruce* in hoc situ, cum ad eum ventitarem, deprehendi. Post *DEI Matrem* nullam è cœlitibus præ *Santa Dorothea* Virgine colebat magis: divinitus intellexit ejus auxilium ad *Castimoniam* plurimum valere; hæc ipsa virgo Sanctissima ultro *Nerovium* in amorem impulit, & se se obtulit spectandam miranti; Unde cum lacrymis dicere auditus est *Nerovius* non semel: *à me non quæsitæ ecce ultro apparuit!* Magni scilicet æstimans amorem, in quo esset ab illa præventus. Rector Collegij *Neo-Fragæ* cum esset, & ære alieno gravaretur, eadem *SS. Virgo* tantam pecuniæ summam aspectabilis obtulit, quantâ debitum posset expungi. Animas mortuorum ad se venientes sæpissime vidit precum auxilia postulantes; & colloquebantur familiariter; audiebant domestici, sed loquentes velut peregrino sermone, intelligere non poterant. Denique meritis, & virtutibus plenus, cum Collegij *Clementini Pragæ* Rector esset, migravit ad Dominum pijsimè comparatus Anno 1656.

25. Augusti. ætatis 67.

TIT: LXVII.



## TIT: LXVII.

Venerabilis Pater Adamus Krawarsky Societatis  
JESU, Vir Apostolicus & maximæ robustæque  
virtutis; Qui in reducendis ad Ecclesiam hæ-  
reticis felicissimè in Bohemia laboravit.

**V**itam Viri hujus Apostolici à me ante complures annos conscriptam  
*Archivum Provinciae Bohemiae Societatis nostræ* servat, ex qua non-  
nulla, quæ ad Viri Virtutes, & veram in animabus ad Ecclesiæ sinum  
adducendis fælicitatem pernoscendam faciunt, exscribam. Natus est P.  
*Adamus Bavorovij in Silesia* Oppido Dicecesis Wratislaviensis ad *Ratiboriam*  
Anno superioris sæculi 85. Societati nostræ nomen dedit An. 1607. Cum  
adhuc domi apud Parentes Catholicos versaretur, *Bavorovij* Sacerdos qui-  
dam ab innocentia vitæ multum commendatus, nocte quæ *Nativitatem Do-*  
*mini* præcedit, vidit per quietem *Adamum* adolescentem sibi sacrificanti mini-  
strare, ejusque capiti *Coronam* cœlestibus illuminatam gemmis imminere;  
ex eo tempore non cessavit bonus ille Sacerdos *Matrem Adami* perurgere, fi-  
lium ad *Societatis* scholas mitteret, palam affirmans ad magna quædam desti-  
nari filium, quem jam expectarent *Coronæ*. Hæc *Matri* causâ fuit, ut reli-  
ctis domi tribus alijs *Adami* fratribus, hunc unum currui impositum ipsa, ma-  
terno studio, *Olomucium* ad scholas nostras deveheret. Nihil de ejus stu-  
dijs *Olomucensibus* quod commemorare ultra possim, invenio. *Commoto-*  
*vij Rhetoricâ* absolutâ cœperat *Adamo* mundus placere, occurrit in tempore  
titubanti *Divina Bonitas* & ad se se convertit: temere aperto *Evangeliorum*  
libro, incidi (inquit) in *parabolam de quadruplici semine*. Inhaesit cordi meo  
*vehementer explicatio illius seminis, quod cecidit inter spinas, inde nulla quies ni-*  
*sî mundo & parentibus renunciarem*. Admitti igitur in *Societatem Nostram*  
postulat, admittitur *Commotovij*, & vix interjecto Mense unâ cum *Matthia*  
*Burnatio*, qui deindè pro fide ab hæreticis (ut *P. Alegambe* refert) occisus est,  
ad *Tyrocinium Societatis JESU Brunense* proficiscitur.

1660. 30.

Aug:

Natales.

De eo præ-  
dictio.

MS. P. A-  
dami manu  
propria.

Admissio  
ad Societatem.  
Aleg. in Vi-  
ris Illustrib:  
Soc. in Bur-  
natio.

Missiones  
P. Adami &  
vita Apost:

A. 1620.

Tyrocinio expleto, & confecto studiorum curriculo Sacerdotio initia-  
tus *P. Adamus*, totum se ad Lucra animarum convertit. Hæreticis magnâ  
pugnâ victis, & ex *Albo monte*, totoque Regno depulsis, statim *P. Adamus*  
*Majorum Imperio Prachaticium, Wodnianum & Pisekam*, Urbes hæreticas,  
quæ penè ad internecionem Civium suorum in *Catholicorum Exercitum* antè  
pugnârant, mittebatur; sed revocatus est brevî: immatura enim res visa,  
Hæreticos à sanguine recentes & vulneribus fluentes concionibus irritare.  
Primus in *Bohemia* labor, prima oblata *P. Adamo* messis est *Kosumberg*, ditio  
*Slavatarum*; ibi strenuè laboratum, paucis que mensibus quingenti hæresim



Křivokla-  
dum.Loca & di-  
tiones quas  
peragravit.Trebona.  
Carlsteina.

Tetinum.

ejurârunt, volentesque ac lubentes peccata confessi *Eucharistiam* Catholicè sumserunt. Inde Cæsaris imperio *Rakonicensis districtus* in eadem *Bohemia* hæresi corruptus, ut nihil suprâ, totus erudiendus Patri traditur: *Litteris à Cæsare*, Archiepiscopo & Regni Ordinibus acceptis, eò se *P. Adamus* propere contulit: continebat se ut plurimum munitissimis locis Pater, & præcipuè *Křivokladensi* arce (nam arma Rustici corripuerant) tamen divinâ gratiâ aspirante, cum armati ad Patrem identidem convenirent, ejus capti svavitate & colloquijs ad fidem veram optimè instructi, alijs quoque exemplo fuerunt, Catholicæ Religionis amplectendæ; factò semel ab honoratioribus initio prospere omnia satis ibant sub manum, totòque illo *districtu* per annum peragrato ea una in *Bohemia* parte decem animarum millia Christo conciliata, singulari cum Cæsaris, ad quem ea quoque fama pervenerat, voluptate, numerata. Absolutus ibi erat labor cum animadversa Patris felicitate *R. P. Gregorius Rumer* Provincialis *Trebonam* ablegat: Numerantur in ditione illa tres Civitates egregiæ, oppida tria, pagi supra quadraginta duos; omnes diversis hæresibus, ac præcipuè *Boleslaviensi* seu *Pickarditicâ* sectâ (cui Scholam illustrem *Sobieslavia* *Petrus Wok de Rosis* non ita pridem erexerat) infames. Instructus decretis, magnâ autoritate se ferebat *P. Adamus*, tantumque in ea gente perfecit, ut anno vertente quinque hominum millia *Trebonæ*, *Sobieslaviæ*, *Lomnicij*, *Weselij*, vicinisque pagis ad Ecclesiam reducerit. Ea res *Civitatum*, *Parochorum*, & *Communitatum* sigillis publicè firmata, & *Viennam* ad *Ferdinandum III.* (cui *Ferdinandus II.* Augustus Pater, *Trebonam* donaverat) perlata, ita Regem exhilaravit, ut per *R. P. Henricum Philippi* gratias *P. Adamo* agere ipse Rex non omiserit. *Trebonensem Missionem* sælici exitu terminatam, excepit alia non minus sælix *Carlsteinensis*. Illuc petente *Illustrissimo Barone Joanne Kavvka de Ržiczan* *P. Adamus* mittitur; multum ibi laboris, multum periculi fuit: fera & sylvestria ingenia, si quod de Religione verbum faceret, lædi se primùm putabant; audiebant Concionantem Patrem bombardis ferè omnes instructi, & si quid ardentius suspectiusque diceret, media è Concione domum refugiebant fæminæ, Viri extrema omnia atrociter minitantes, temploque egressi relicto Patre in familiares sylvas condebantur. Ab extremo periculo haud multum videbatur abesse, tum maximè die quodam, cum in *Tetin* (locus est *S. Ludmillæ* sepulchro nobilis) Catechismum rudibus explicaret, irruunt in templum securibus armati, duo valentissimi homines, designasse facinus vultus, ut ità loqui liceat, *Damone plenus*, arguebat; mox clamore sublato cum Patre expostulant: quid venisset, rogabant, quid novi doceret? apparebat eos rixam quærere; diffugientibus quâ datâ portâ audientibus, Pater satis habuit in præsentia mollibus verbis respondere, & iratos placare; cessit consilium exsententia, ut ipsi postea *Latrones* se mutatos mirarentur, & abirent innoxij. Post plurimos exhaustos labores,



bores, & continuatam pluribus mensibus quotidie *Catechesim* felicissimum initium datum, numeravitque ibi *P. Adamus* quingenta ab hæresi converforū capita, plures sinè dubio numeraturus, nisi eum ad *novam Civitatem Pragensem* imperia Majorum vocassent. Obfirmator omnibus alijs per *Bohemiā* Urbibus, *Nova Urbs Pragensis* habebatur, & tumultibus, ut historiarum fide constat excitandis, ab hæresi semel occupata, eadem tum aptissima; sed tantam *P. Adamo* addiderat gratiam *DEUS*, ut brevī universa ab unius ore penderet; Conciliatā Concionibus autoritate, adibat præcipuorum Civium domos, eximebat inutiles curas, & prioris superstitionis omnem memoriam ostensā Religionis nostræ antiquitate & gloriā, delebat ex animis, laude etiam provocabat cessantes; sic primarijs familijs ad fidem paulatim adductis, plebs universa ditiorum exemplis victa se dedit, ut eo ipso anno (quod *P. Adamus* in acta retulit) supra quatuor hominum millia, ea in *Urbe*, divinæ fidei lucem aspexerint. Talia exempla id temporis *Pragæ Pater Adamus* edebat, cū Superiorum voluntate ad constituendum *Reginohradecij Collegium* ablegatur. Ea res *Reginohradecij* cū in longum traheretur, viciniam totam *Pater* ab hæresi perpurgavit: *Ziampachium, Czastolovicium, Tinisti-um, Rokytanicium, Kyspergam, Nachodium* cum Oppidis & pagis omnibus, ac *Richnovium; Ziambergenses* montes præcipuè, quò penetrarat *Pater*, admirationem rerum peritis moverunt: quippe ibi *Fratrum* seu *Pikarditarum* plena omnia, & flos quidam improbiſſimæ illius sectæ, qui se *Kunvaldenses* (à pago *Kunvald* latè per eos montes diffuso) nominabant; eam lutulentam hæresim totā ditione illā profligavit; nihil jam hominibus illis quietius, nihil Catholicum magis; sumā & pietate & constantiā Religionis nostræ arcana mirantur & amant, multò illis meliores, qui degunt in Urbibus, cujus rei, ipse qui scribo testis sum, cū post multos à *P. Adamo* annos, in ea loca venissem. Post tot animarum lucra & nobiles palmas de hæresi reportatas in *Collegijs* ferè & *Domo Professorum Pragæ* vixit *P. Adamus*, nisi quòd octo antè obitum annis omnes superiores de hæresi victorias pulcherrimo & immortalis labore concluderet. Placet verba ipsa *P. Adami* ex chartula recitare: *Missus fui, inquit, ad Dominium Opocznenſe Illuſtriſſimi Comitſ Rudolphi Coloredo, & missus cum quinque Patribus Noſtris, eo nomine, quòd Comitſ illo anno habita concluderint, ut ſinguli Domini collaborent, ut intra certum temporis ſpatium ſubditi vel convertantur ad fidem, vel è Regno diſcedant. Hoc eſt Dominium illud rebelle, quòd poſt Converſa totius Regni Dominia, viginti ſeptem annis in denſis errorum tenebris ad annum uſque 1652. deliteſcebat. Dum enim An. 1624. Et ſequentibus, totius Regni diſtriſtus & Dominia per certos Commiſſarios, & Patres noſtros in fide Catholica ſuſcipienda erudirentur, & hoc animarum negotium in omnibus regni diſtriſtibus & Dominijs paſificè perageretur, ſolum Opocznenſe Dominium Trczka ſubjectum arma ſumſit, & veſtigijs*

Nova Civi-  
tas Prag:Reginohra-  
decium.

Kunvald.

1652.

Opoczna.



Ziſſca inſiſtens dum pro Calice bella gerit, ad prædas converſum, primò ærarium proprij Domini Centum millium Neoftadij diripuit. Deinde ad vicina Domina ſpolianda progreſſum rapinas exercere cœpit. Sed milite Pragâ ad compescenda impiorum conſilia ſubmiſſo, multi ex illis capti, ſuſpenſi, in rotas acti, & varijs affecti ſupplicijs. Anno tandem 1652. recurrente: Miſſus ad illud convertendum cum quinque Patribus diviſis inter nos per totum Dominium laboribus, præmiſſis Concionibus, Catechiſmis, in Templis, Curijs & Domibus, eam animorum mutationem, quinto poſt hoſce labores menſe advertimus, ut turmatim centeni & centeni Opocznam concurrentes, ſuavi jugo Chriſti ſe ſubmitterent. Excrevit numerus illorum, qui confeſſi, & Sacro-ſanctâ Euchariſtiâ reſecti, ad ſex millia & quadraginta hominum capita. Hæc ex P. Adam manu propriâ ſcripto, quod ipſe Majorum Imperio conficere coactus eſt, quodque apud me reperitur. Quis hoc loco non invidet, aut non miretur? pro miraculo multis viſum, quod armati efficere non poterant, inermes præſtiſſe. Pragam triumphanti ſimilis ab Illuſtriſſimo Comite Colorado ad ſtationem ſuam in profeſſa Domo P. Adamus revectus eſt. Sed mox veterem curam recepit: Virgines Religioſas Benedictini Ordinis ad S. Georgium; tredecim ipſos annos, in permoleſto illo labore cum ingenti Sacrarum Virginum ac prorſus Cœleſti utilitate conſumſit, Exhortationibus faciendis, Confeſſionibus audiendis, conſolandis omnibus, & ad DEO præſtandum obſequium excitandis, cum ferè quotidie, id ætatis ſenex, altiſſimum Pragenſis Arcis montem conſcendere illarum cauſſâ cogeretur. Referam ad hujus capitis finem Indiculum à P. Adamo ab hæreſi ad fidem noſtram Converſorum, quem ſuâ ipſe ſenili & tremulâ manu Superiorum jufſu ante mortem confecit, qui ſumâ fide deſcriptus ſic habet:

Numerus Converſorum in varijs locis diverſorum Diſtrictuum ab Anno 1622.

IndexCon- verſorū ad fidem à P. Adamo.	In Dominio Koſſumberg converſi	-	-	500.
	In Dominio Czastolovicenſi	-	-	400.
	In Zampach	-	-	400.
	In Dominio Krzivoklad, ſeu Pirglicz	-	-	4000.
	In varijs locis diſtrictūs Rakonicenſis	-	-	6000.
	In Dominio Trebonenſi	-	-	5000.
	In Karlsſtein Dominio	-	-	500.
	In Civitate Neo-Pragenſi	-	-	4000.
	In Dominio Rokitnicz	-	-	600.
	In Dominio Kiſſperg	-	-	700.
	In Dominio Zambergenſi	-	-	2000.
	In Dominio Biſtry	-	-	2000.
	In Dominio Opocznenſi	-	-	6040.
	Sum-			



Summa est: triginta tria millia centum & quadraginta, quos *Christo*, & *Ecclesiae*, invidenda felicitate restituit P. *Adamus* & ab hæresi ad Catholicam fidem reduxit. Nunc quibus id factum præsidij sit, à multis sentio expectari. Sanè ita animam & corpus P. *Adami* in salutem proximorum aptaverat DEUS, ut ad animas, rudium præsertim hominum, nihil esset accommodatius. Magnanimitas quædam & *Leonina* species inerat Viro; ad hæc corporis vastitas egregia, & lati humeri, os magna sonaturum, vultus omnis ad quandam granditatem compositus; regia oculorum libertas addebat verbis authoritatem & gratiam; consiliorum maxima erat promptitudo, longo item usu collecta tractandorum animorum peritia; venerationem in accessu faciebat torvitas, at in recessu nihil illo amabilius habebatur. Cum ad hæreticos accederet, antè omnia authoritatem sibi parare studebat; in eam rem *Cæsaris* circumferebat decreta, *Archiepiscopi* item, & *Procerum* ad se literas; hæc examinari in *Senatu* primùm jubebat, mox ijs probatis comitante *Senatu*, ad *Populum in Templo* aliquo collectum referebat summa gravitate, expandebat Literas, legebat, interpretabatur; plerumque *Archiepiscopus* in ijs literis *Parochis* mandabat, ut *Patri* adescent, hos evocatos cum suo quemque populo publicè admonebat officij. Incumbebat populis tanta Viri authoritas, ut non loqui, sed imperare videretur; hinc tanta P. *Adami* æstimatio, ut *Jesuitarum Doctissimus*, *Maximúsque* diceretur, passimque credebant homines, quidquid ad ejus gloriam error alicujus finxisset. Cum locum superiorem ascendisset Pater, flexo genu DEUM & cœlites omnes contestabatur, ea se dicturum, quæ saluti audientium necessaria forent, sanguinem animarum istarum in se recipere velle, & omnem culpam præstare, *si sciens falleret*; insuper responsurum se pro ijs ad divinum Tribunal, & inferorum pœnas subiturum, aliâque vibrantia & ardentia dicta addebat; sequebatur flammea ad populum oratio, & quod probandum erat, ex *Bibliorum* aperto codice legebatur, tum si quid græcè, aut latinè ex sacris Literis & SS. Patribus interpretandum, faciebat promptissimè, ut eum SS. *Scriptura Doctorem* plerique & cõmuniter appellarent. Ex hujusmodi Concionibus, vanis in speciem, & quas ex populari jactatione natas dicerent rigidi nostrorum temporum Censores, maxima redibat utilitas animarum, ut non aliâ ferè ratione, quàm Concionibus, populorum animos P. *Adamus* occupârit, & ad authoritatem *Ecclesiae* agnoscendam adduxerit.

P. Adami  
apritudo  
admissiones

Modus in  
Conversio-  
ne adhibitus

Authoritas  
ejus & æsti-  
matio apud  
vulgum.

## Virtutes quædam R. P. Adami Krawarsky, & felicissima mors.

**T**Antam felicitatem & gratiam in animabus hominum, DEO, ac Religionis nostræ conciliandis, non solam & nudam esse voluit Divini-



tas, multis magnisque virtutibus munivit, ac sepsit. Utinam inspicere intimas ejus actiones licuisset, sed omnia Sancto quodam Silentio, & dissimulatione tegebat, ut nihil nisi commune omnibus appareret; quædam tamen subji-  
cio, quæ latere non potuerunt.

Orationis  
donum.

*Oratio* in primis ad DEUM familiarissima illi fuit; quocunque incedentem vidisses, audisses etiam gementem, aut *rosarij* globulos (quotidianum Beatissimæ Virgini tributum) orando percurrentem; Omnia quæ videbat, referebat ad DEUM. Stata orandi, & examinandæ conscientia tempora, etiam si in valetudine tentaretur, flexis genibus peragebat humi, nullo alio corporis situ; nunquam eo tempore cubiculo abesse sustinebat. *Officium Sacerdotalium precum* in cubuli medio, nudo in pavimento, persolvebat de genu, & terè, nisi aliorum vicinitatem timeret, altâ voce, ad attentionem conciliandam, legebat. Observatus est sæpenumero noctes totas insomnes traducere per cubiculum inambulando, paucissimis (quod altissimæ orationis genus est) vocibus repetendis contentus: *Ab JESU mi! ah Sanctissime! dulcissime JESU mi!* & iterum: *ô JESU! ô Maria! ô Maria! ô JESU!* quæ verba continenter repetendo plures horas, & noctem aliquando totam, cum summa corporis animique voluptate transigebat. Narrat itineris cujusdam Comes, deceptum Patrem, cum se audiri putaret à nemine, ad orandum DEUM conversum, tam familiariter locutum, ut sacer quidam ac insolens horror audientem invaderet: *JESU Mac Cæli Reginam* alloquebatur, quasi aspectabili formâ præsentem & respondentem haberet: in favissimum identidem risum solutus, delicias sibi ex illis facere videbatur, tum quasi audisset rogantes, respondebat, atque iterum ipse rogabat. Sæpe in itineribus, cum ante *Comites* surrexisset, egressus hospitio, nè somnum aliorum perturbaret, sub dio horas multas orasse inventus est, sua de more suspiria Sanctissimis Nominibus JESU MARIE consecrans & consignans. In itinere quodam Ungarico observatus est, super altas nives per horam solidam, rigidè sinè ullo motu, flexis genibus orando perseverasse. *Venerabile Sacramentum Pragæ in Professorum Domo* per diem sæpius adibat, etiam si extremâ ætate Scipione uti cogeretur, accidebat persæpe, ut in via defectus ætate senex, corrueret, tamen adibat. Per *Octavam* verò *Corporis Christi in Templo* propemodum habitabat, ibi noctes insomnes ducere solitus, cum neminem conscium esse putaret, altâ voce, velut si ad Regem admissus esset, ad *Venerabilem Eucharistiam* perorabat. Deinde, cum se unum esse crederet (ut observarunt Socij) in Templo flagris inhumaniter in corpus sæviebat. *Sacrum* legebat quotidie, vel in senectute extrema, tantâ modestiâ, tantâ, tamque inflammata pietate, ut mirarentur adstantes, ac dicerent: *ô quàm Sanctè Missam legit Sanctus hic Sacerdos!* Præmittebat suo Sacro P. *Adamus* in præparationis vicem, duo, & in gratiarum actionem alia duo Sacra audienda, post

SS. Eucharistia cultus.



ponebat aperto semper senili capite, nullo aut hyemis aut æstatis discrimine. Non igitur mirum est virum ab Authoritate magnum, quid de P. Adamo sentiret, interrogatum, id unum pro omni testimonio dixisse: *P. Adamus Vir fuit indefessæ Orationis*. Arx quædam tertio ab Urbe Praga milliario abest (*Karlstein* dicta) quam olim *Carolus IV. Maximus Imperator* suæ pietatis arcem esse voluit; ibi ille abditus ab Aulæ strepitu & curis Imperij latebat, & uno *Ernesto Archiepiscopo Pragensi*, qui à Confessionibus erat, conscio, è Cælo contrà Imperij hostes petebat auxilia; hanc pietatem sibi aliquando imitandam esse *P. Adamus* putavit, claususque in multos dies, nunc in hoc, nunc in alio conclavi in rerum divinarum meditatione persistebat. Orationis studium ingens, quædam *demissio animi*, tum in omnes casus parata *Magnanimitas*, ac denique par in affectus & sensus omnes imperium sequebantur. Quinquaginta tres in *Societate* nostra vixit annos, nec in cubiculo tamen, nec in mensa, alibi ve admittebat quidquam, quod non omnibus, etiam Novitij expositum & obvium foret. Verberationes usitatas in Refectorio mittebat nunquam, in ætate senecta cubilis sui pavementum verrere, lectulum componere, frigidam usui apportare; extremo etiam morbo ferre ægrius, si quid obsequij à Socijs impendi videret. Idem vivendi tenor in Procerum Aulis, si quando ad eas accedere contingeret, nullus qui exueret famulus, nullus qui surgentem adjuvaret, aliàque præstaret obsequia tolerabatur. Deliciarum nihil admittebatur in mensa, rudi & parabili cibo contentus, si quæ porrigebantur lectiora, ea magna cum comitate accepta, morâ aliquâ interjectâ, dum qui porrexerant, observare desinerent, famulis integra furtim reddebat. Cum pauperibus agebat libentissimè, & blandiùs alloquebatur, suo illos more *dilectos filios* appellans. Simulationis nihil, nec vultus præferrebat, nec gestus; quin eâ erat vultûs & animi concordia, ut ad fingendum aliquid ineptus esse videretur. erat aurea quædam simplicitas, & animi claritas ex primo illo sæculo; exprimebatur quod ille dixit: *quippe anima benedicta omnis simplex*.

Humilitas  
& magnanimitas.

Simplicitas  
& animus  
sine dolo.

Neymilega  
ssy Synu!

Sacch. in  
histor Soc.

Quanto & quàm flagranti studio salutem animarum desideraret, fatiè antè dictum est, & ex tot, tantòque tempore perpetuatis laboribus, datur intelligi. In itinere (etiam in Procerum comitatu) si quem præterveheretur pagum, Oppidumque, quod *Sacerdote* careret, subsistebat tantisper, & ex oppidanorum aliquo quærebat, rectène essent omnia? num ægrotaret aliquis? tum strenuè casas subibat, & omne Viri Apostolici munus exequebatur. Domi verò *Confessionale* ut vocant, Cubiculum ejus diurnum esse videbatur: ibi estate ac hyeme affixus sedebat: affluebant homines quàm plurimi, eoque affluxu *senex* lætabatur. Ultimis vitæ annis, cum multi Nostrorum censerent abstinendum ei *Confessionibus* audiendis esse (Senio enim furdiores habebat aures) eamque sententiam Majores sequi vellent, consternatus

Zelus.



natus hoc nuncio Senex, familiari Patri conquerens, gemitu magno sublato: quid hoc inquit, *DEUS bone! vitam mihi tollit, qui mihi tollit animas!*

Testimo-  
nia Virorū  
magnorum  
de eo.

M. C.

Quoties in messem animarum mittebatur P. Adamus, redibat cum exultatione portans manipulos suos, etiam confirmatā & robustiori valetudine, ut sanitas corpori videretur accessisse. Opportunè accidit, ut An. 1652. ad ditiones hæreticas *Excellentissimi Comitis Rudolphi Coloredo Casarea Militie per Bohemiam Ducis* ablegaretur, misso enim *Viennam*, ad *Casarem & Romam ad Frapositum Societatis Generalem*, atque ad *S. Congregationem de propaganda fide* converforum ad fidem numero (sex millia erant & quadraginta) hoc foelici P. Adami labore magnā calumniā absolutā *Societas* est, cum id temporis *Romæ* ex certa Religioforum hominum familiā unus aliquis didis & scriptis *Provinciam Bohemiam Societatis* accusasset ignaviæ, nullūque operæ pretium à nostris hominibus in *Bohemia* factum asseruisset; quod impudens (non audeo reliquum dicere) *districtus per Bohemiam* omnes, Urbes, Oppida, Pagi, amantissimi Nominis nostri facile possunt refellere.

Miraculo  
sæpius ser-  
vatus in vi-  
ta.  
M. S. P. A.  
dami.

Zampachij

Certè (si id nunc ageretur) *tricenis* plures nostros nominare *Patres* possem, quorum singuli plurima hominum millia à se ad Religionem Catholicam traductorum numerarunt, unus inter eos, qui ad sexdecim millia pervenerit. Ad P. Adamum revertor, quem totā ferè Bohemiā notum fuisse sciunt omnes; frequenter (scribit sociorum quispiam, Vir notæ Majoribus nostris autoritatis) *transivi Civitates, oppida & pagos, inter Pragam & Clatoviam & Breznicium, item Pragam inter & Reginohradecium & Kosteleticum, iterūque versus Crumlovium, & ferè semper interrogatus fui de valetudine & commoratione Patris Kravarsky, ex grata recordatione, quam habebant de Viro, quod ab illo essent ad Catholicam fidem conversi.* Excellentissimus Comes *Faroslaus à Martinitz Regni Burgravius*, si quando P. Adamum nominaret, etiam in Procerum corona, addere solitus est *verum Bohemie Apostolum.* Reverendus Pater *Lamormayni Casari Ferdinando II. à sacris Confessionibus, Virum pro Bohemia convertenda singulariter electum à DEO* P. Adamum esse dicebat. DEO ipsi vita ejus pretiosa fuisse videtur, quam toties in manifestis periculis penè cum miraculo servavit. Dum *Olomucij* litteris operam daret mergebatur in flumine; *pereuntem projecta temerè peritica* nescio quis liberavit, quod ipse DEI in se beneficium gratus annotavit. Ex ijs chartulis, cum semel cœperim, plura recitabo: *Hoste in Bohemiam appropinquante inter tumultus bellicos Zampachij vivendum erat; multa pericula casus adversos & spoliationes sustinuimus.* Accidit aliquando, dum miles igne & ferro pradium nostrum vastaret, *seris omnibus effractis pro libitu omnia raperet, ut ego portam quandam claudere vellem, globo plumbeo laxatā bombardæ rotā tactus sensi ignitum globum, viscera penetrantem, sedensque ut sanguinem (ut mihi videbatur) profluentem è sinu effunderem, tangens locum cor-*

poris



poris tectum, nullum tamen foramen in corpore reperi, sed signum globi multis diebus etiam alijs ostendi. Alio in loco hæc scribit: Rosarium, & ejus orandi consuetudo, liberavit me à præsentissimo mortis periculo. Latrone bombardam in me collimante substiti uno passu, Rosarium ex sacco prensans, & ecce globus ante me, in quem certò incurrissem si Rosarium non prensassem; respiciens vidi Latronem cadentem in dumetum, sensique me quasi monitum, ut properem ad pagum. Quod sequitur, mirabile: Rediens ex templo in tenebris incidi in foramen, in quo foramine amplo pes meus tantisper in aëre sustentatus est, quoad altero pede me à casu liberarem. Anno 1647. Equis ex terrore concitatis cecidi ex curru, rotâ dorsum meum transeunte; Eâ nocte vix me movere potui, manè tamen baculo nixus in Domum Lauretanam veniens, & per Sacrum Missæ officium, DEI & gloriosæ Virginis Mariæ auxilium implorans, convalui, nec ex hoc casu decubui. En quantis me DEUS insidijs Budissinâ redeuntem eripuit! præcesserant aliquot ex Civitate insidiantes mihi; priusquam in illos inciderem, occurrit tabellarius cum Casareis Litteris ad Capitaneum Lusatia; his acceptis redij in Civitatem, sic effugi manus illorum. In Civitate jam de me conclamatum fuit; redeunti Reverendissimus D. Decanus obviam processit, nec me dimisit, quoad ipse cum suis famulis ad fines usquè Bohemiæ deduceret. Hactenus optimi senis narratio, cujus patientiam multis gravibusque periculis objectis exercuit DEUS, sed paternè semper, ut solet, in gloriam & felicitatem ejus omnia vertit. An: 1611. cum prælio in ipso Minoris Urbis Pragensis foro commissio Passaviensis exercitus caderet, & caderetur, odio Religionis incitante ultima populi fæx in Nova Civitate in Religiosos consurrexit, occisis S. Francisci Religiosis ad Nives, in nos quoque rabiem transtulerat; in æde Convictus nostri effringebant portas. Occurrere plebi (ut erat magnanimus) P. Adamus volebat; finè dubio perpetratum scelus in omnes nostros fuisset, nisi Georgius Baro Wratislavi, & Wehinskij duo fratres Wenceslaus, & Wilhelmus Barones Nobilissimi, inmissis Equitibus turbam dissipassent. Anno 1631. (verba sunt P. Adami) eram filius mortis. brevibus, multa complexus est, res ita se habet: Captâ eo anno à Saxonibus hæreticis Pragâ, in diversa Religiosis plerisque fugientibus, cum pauculis P. Adamus Praga relictus est: obibat ille quotidie deserta Religiosorum Cænobia, & nè quid detrimenti per absentiam paterentur (præcipuè in Monasterio Strahoviensi) providebat, tantâ id quidem fiducia, ut neque vestem nostram mutârit; unde mille convitiatorum plaustra, & maledictorum atque etiam verberum pro Christo ferendorum, maximus proventus: Fortè ita accidit, ut domum ex PP. Cappucinorum Cænobio Hradczanensi ad Collegium redeunti cum famulo, Turma Equitum Aulicorum ad Ducem Saxonie pergentium, in Ponte occurreret; jam ad Crucem Christi quæ ibi fixa est ingens, pervenerant, maledictis in primis, tum per sumam licentiam Turmæ illius Nobilis Ductor, tam grandi ictu ba-

In silva.

Budissinâ  
in Lusatia.Pericula  
mortis evi-  
tata.

Pragæ.

Patientia.



Adamus  
Zeman S.I.

1631.

Mutato ha-  
bitu confo-  
latur Catho-  
licos.

culo militari, *Patris* caput verberare coepit, ut animo propè defectus in mar-  
gine *Pontis* ad ipsum lapidem (quem tum cæcus quidam infidebat **Procházka**  
nomine, qui deinde visu, ope *Beatissimæ Virginis* recepto, *S. Monti* cele-  
britatem dedit) ad eum, inquam, lapidem deponere læsum caput cogeretur;  
nihil ille aliud sibi redditus, ad *Equitem*, sed gemitu omni compresso, ad *Cru-*  
*cifixi JESU* statuam conversus: *habemus*, inquit, *bonum testem!* hoc ut ge-  
stum est, ab eo accepi, qui tum *Exterinus Patrem* comitabatur, deinde in *Socie-*  
*tatem* admissus est, qui ipse *Virgæ Equestri* in facie percussus, cruentam line-  
am diu circumtulit. Cum tumido capite domum redeunti Patri *R. P. Mar-*  
*tinus Stredonius Collegij Rector* suâ manu *medicinam* facere aggressus est, &  
cultri chalybe tumorem deprimere tentavit, cumque alij ex *P. Adamo* quæ-  
rerent, quid factum esset, respondit Pater: *Quidam Eques in ponte*, inquit,  
*fecit mihi negotium, ut cras pro ejus salute cogar Sacrum celebrare.* Ita tum læ-  
to & pacato animo erat, ut etiam inter doloremolari posset. Non multi  
abierant dies, cum *Nostri* omnes per sententiam, ante Solis occasum, *Pragâ*  
exire jubentur; eo die cum custodia militari ad *Forum minoris Pragæ* curru  
devecti, maledictis omnibus expositi, quidquid *Militaris* dicacitas fingere po-  
tuit, audierunt: nihil *P. Adamus* sibi molestius fuisse deinde fatebatur, quàm  
adolefcentulorum quorundam, qui in *Scholis nostris* nuper educabantur, pe-  
tulantiam; ij in *P. Adamum* multos & amaros sales, *Judaorum* in morem  
*Christo spinis coronato* illudentium, jaciebant; Abeuntibus cæteris *Patri-*  
*bz*, redibant identidem ad consolandos *Catholicos P. Adamus & P. Szwaba-*  
*bensky* præcipuè (Vir & nobilitate generis, & autoritate, & Sacrà eloquentiâ  
magnus) ad *Urbem*, & *Carbonarij* habitu assumpto, currum carbone plenum ad  
eas domos in quibus *Catholicos* esse sciebant, devehebant, *Cives* consola-  
bantur, & brevì mutationem rerum in melius prædicebant. *Raphaël Mnif-*  
*sovsky Regni* postea *Subcamerarius* carbones plurimos emebat à *Patribz*, ad  
eum boves præ se agentes veniebant, mox puero ad currum relicto ascende-  
bant in conclave Sacelli instar ornatum, & loto vultu, ac manibus, convo-  
catis *Domesticis Missam* legebant; mox iterum deformatâ facie redibant in  
publicum, risu simul & dolore *Catholicorum* (ut mala sæpe jucundis permi-  
sta sunt) prosequente. Paulò post cum *Exercitu Dux Waldsteinus* adfuit,  
obsessisque *Saxonibus* cum oppugnaret *Urbem*, *P. Adamus* naviculâ, nescio  
ubi inventâ, summo mane, eo ipso die, quo *Civitas* capta est, necdum ingres-  
sis per ruinas murorum *Cæsareis* flumen *Muldavam* solus transmisit, primus-  
que ad *Collegium nostrum* pervenit; mox eos qui *Collegij* supellectilem, vina,  
aliâque à *Saxonibus* emerant, *Judaos*, jam fugam spectantes, per amicos *Ci-*  
*ves*, in *Urbe* retinuit, à quibus *Collegium* deinde res quasdam ablatas recupe-  
ravit. Sed annus 1648. longè *P. Adamo*, quippe jam seniori, & fracto æta-  
te difficilior fuit & tristior: *Urbe Pragâ minore* à *Svecis Duce Königsmarckio*  
per



per prodicionem captâ, nullum aliud *Templum* (ut hostes facilè possis agnoscere) prædæ patuit; *Nostrum*, Miles aggreditur & spoliât; ibi occurrit *Pater*, sed ut in Urbe armis capta, furentibus similes *Sveci* ruebant: Ergo obvium Senem, & se pro omnibus *Nostris* offerentem aggressi verberavêre, plagis contudêre, ita ut miserum esset, insuper cum R. P. Martino Santino Domus Præposito in forum eductos & captivos pronunciatos, si tum abissent, secum in *Sveciam* cogitabant abducere. Multis diebus optimus *Senex* dolore, tumore, unâque præsentem vulnerum memoriâ debilitatus incessit. Ubique spes in DEO fixa, & paratus ad omne periculum aderat animus *Viro*, quem DEUS ad multorum salutem vividum semper ac valentem usquè ad ultimam penè senectam conservavit. Annis tamen pauculis ante obitum sentiebat ætatem, ac multò magis, ut existimo, labores gravabant, quos olim in animarum salute procuranda pertulerat multos, sed eorum fastidium nondum illum cœpisse videbatur. Ergo nullo ferè alio, quàm senectutis morbo, cum se ipso quotidie imbecillior redderetur dejectus in Lectulum, nihil nisi DEUM spirans, ac loquens, munitus omnibus Sacramentis, quæ tempus illud exposcit, in Corona nostrorum die Augusti mensis tricesimâ, felicissimâ & optanda omnibus morte, anno ætatis septuagesimo quinto in *Pragensi* Professorum Domo vitam clausit. Celebrârunt & prosecuti sunt funus *Regni* Proceres, Illustrissimæ Matronæ magno numero, Cives minimi, maximique, sed pauperes præcipuè communem Patrem flebant, ut tota illa quæ à Domo nostra ad forum usquè pertinet platea, lugentibus, & multitudine Civium, quod ante hac nemo factum meminerat, compleretur.

Captivus à  
Svecis di-  
mittitur.

Mors & fu-  
nus frequen-  
tiâ maximâ  
celebratum

# TIT: LXVIII.

Esther Bossani, Vidua, Illustrissimis orta Natalibus, quæ cum singulari Sanctimonix fama vixit, & pie in Domino Brumovij in Moravia An. 1660. 8. Octobris decessit.

**I**Maginem quandam expressam Vidualium virtutum (quas in Diva Elisabetha miramur) in hac illustri Matrona legentibus offeremus, idque eo faciemus libentiùs, quod & ista ex *Ungariæ Regno* oriunda, proximè ad illam velut gentilis accessisse videatur. Recitabuntur omnia Viri Religiosi, & senis autoritate, qui intimus ejus pietati multis ante mortem annis fuit, quæ manu suâ conscripta, & Sacerdotali fide munita mihi ante proximos quindecim annos submisit.

1660.

R. P. Adal:  
Martinides

Illustrissima Domina Domina Comitissa Esthera Forgacziana, ex celeberrima Bossaniorum familia, post Illustrissimum Dominum gloriolæ memo-

Status Est-  
heræ.



riæ Nicolaum Forgacz quondam Generalem Cassoviensem relicta Vidua, nonnum supra sexagesimum ætatis, viduitatis verò vigesimum quintum agens annum, cum anno plus quàm integro, gravi, molesto, atque periculoso morbo conficeretur, & quodammodo consumeretur, quàm piè per id tempus erga DEUM sese habuerit, & quàm sedulò ad feliciter obeundam mortem sese præpararit, abundè vel hinc colligi potest, quòd in hoc extremo vitæ suæ morbo sexies supra decies, per sacram Exomologesin suam conscientiam rite expiaverit, & simul Pane Angelico animam refecerit. Igitur An. 1660. ad occasum declinante, cum indies magis, ac magis senio premeretur, atque viribus ità jam deficeret, ut nè quidem tripes incedere valeret, tandem ipso festo S. Michaëlis (qui constitutus est Princeps super omnes animas suscipiendas) horis matutinis singulari cum devotione Confessione peractâ, & sacrâ Comuniõne peractâ sub tempus *Vesperarum*, quasi dato jam ad emigrandum signo, tantis penè opprimi cœpit doloribus, ut illa ipsa sponte *Unctionem extremam* petierit, urserit, atque impetraverit. Hæc piè receptâ cum ab illa quæsitum fuisset, quidnam cogitationum animo volveret, reposuit illa: *quid aliud volverem, nisi meum JESUM, meum unicum solatium?* incepit post hæc melleos quosdam melliflui Doctoris versiculos, quos olim memoriæ tradiderat, & crebrò repetierat de SS. Nomine *JESU* cum tenerrimo devotionis affectu ubertim lacrymans, ore singultiente recitare. Quamvis alijs quoque temporibus crucifixum suum, quem semper ante oculos appensum parieti habebat, ultro ipsa sæpius postulabat, suavissimè basiabat, cordi apprimebat, votaque varia, atque pia sua desideria illi exponebat. Summo mane postquâ sanctas quasdam protestationes absolvisset, tanto fervore, atque desiderio *Sanctissimam Eucharistiam* percepit, ut & caput, & manus, & totum corpus cum quadam pia violentia sursum levaret, quasi ereptura è manibus Sacerdotis *Sponsum suum Christum*, cui semper, & singulariter in hoc *Sanctissimo Sacramento* afficiebatur; ideòque etiam tunc temporis valde querebatur, & dolebat, quòd ultimis jam vicibus surgere nequiverit, ut illum flexis genibus pro suo usitato more sumere posset. Sumto demum illo eâ reverentiâ, quâ aliàs semper solebat, post absolutam debitam gratiarum actionem, seipsam quasi gratulabunda alloquebatur: *Tandem etiam, inquit, hunc habeo!* quasi dicere vellet, consummata esse omnia. Jam, quod quæsi, habeo, quod concupivi, teneo! Sicnamque etiam unam ex suis filiabus, quæ ipsi cõmunicanti non aderat, quodammodo exultabunda affari cœpit: *Ecce, inquit, quia tardius venisti, tu procul dubio ignoras, quòd ego meum sponsum charissimum hospitio cordis exceperim! quapropter hinc jam volo migrare, ut videam, & conveniam charissimum conjugem meum, & unicum, dilectissimumque filium Franciscum!*

Mors fan-  
tè obita.

Reliquam ergo diei partem, quasi convivio peracto, hilari mente, atq;  
amoc-



amceno, & amabili vultu, nil mortem metuens, sed toto corde desiderans, singulari DEI beneficio usque ad ultimam horam semper sibi præsens, pijs colloquijs vacando, & affectibus ferventioribus indulgendo, & animam suam DEO commendando consumebat. Et quia finem suum præscivisse videbatur, ideò conversis ad circumstantes oculis, in primis quidem suis filiabus, deinde Sacerdoti sibi assistenti, benigno, hilarique vultu manum porrigebat, quasi ultimum vale singulis dictura. Dúmque loqui nihil posset amplius, atque nomina SS. JESU, & MARIÆ in aures ipsi inspirarentur, illa solis manibus, manus aliorum fortiter comprimebat, quasi significans, quòd non aliud corde, atque mente voveret, & retineret, nisi uti antea dixerat solum suum JESUM, in cujus manus, uti piè sperare licet, animam suam toties ipsi antea commendatam, & eo quidem die, quo & ipse suam æterno suo Patri commendabat, tradidit, ad Regnum illud transferendam, quod nobis omnibus ab ipso mundi exordio paratum esse ipse Christus olim asseruit. Sed jam aliquid de Virtutibus viventis dicamus.

Ab amore DEI initium sumatur. Cùm Illustrissima Matrona animadvertisset, & ab ipso usu, atq; longâ experienciâ didicisset, nihil prorsus in mundo esse, quod hominis animum implere, ejusque desideria sistere, ac famem satiare possit, præter solum, & unicum DEUM, connubij vinculis absoluta, eò suas cogitationes, eò curas, & studia convertit, ut sibi Divinam Majestatem, quibuscunque modis, & medijs posset, devinciret; hinc fiebat, ut colloquijs de DEO mirificè delectaretur, & dum alij arces, prædia, atque palatia meditentur, illa monasteria, aut sacras ædes cultui Divino promovendo struere desiderabat. Quia verò id sibi per inopiam non licebat, saltèm ab alijs fieri animitus exoptabat. Unde si quando alicubi locorum pro incremento gloriæ DEI factum quidpiam fuisse intellexit, tunc singularem vultu lætitiâ præse ferebat, & mirum in modum in animo suo delectari videbatur. Quia verò etiam semper Socium comitem DEI timorem præ oculis habebat, ideo talem ipsa vitam inter homines agebat, ut nemo de illa quidquam mali profari auderet, sed omnes conversationem vitæ ejus integerrimè suspicerent, laudarent, ac venerarentur: quocunque enim se vertebat, non nisi bonum Christianæ virtutis odorem spargebat.

Et imprimis, quia noverat optimè, quòd quælibet Vidua nemini securiùs loquatur, quàm DEO, qui Pater & Protector est Viduarum, ideo tempus reliquum, quod filis ducendis, alijsque domesticis occupationibus supererat, partim affectuosis quibusdam oratiunculis, quas olim memoriæ mandaverat, implebat, partim globulos precatoriosvolvendo, quos velut arma sua semper ad manum in promptu habebat, consumebat, & ità certum quasi censum precatorium Divino Numini propitiando, certis horis, & diebus singulis persolvebat. Si verò nonnunquam alicui itineri sese comittebat, non

Feriâ VI. in  
ter 3. & 4.  
pomeridia:  
1660. 8. Octo  
br:

Virtutes  
quædam Il  
lustrissimæ  
hujus Ma  
tronæ.

Amor DEI

Studium O  
rationis.



alijs quoque armis, quàm globulis precatorijs manus obarmabat, & insuper icunculâ Virginis Sanctissimæ ante se præfixâ, quasi clypeo utebatur. Sed lecto jam constanter affixa hæc verba iterabat, *Credo, spero, amo, doleo.*

Conforma-  
tio volunta-  
tis cum Di-  
vina.

Nutui Divino maximè sub finem vitæ ita se subjecerat, ut obvijs quasi ulnis eum amplecteretur. Quam ob rem, si mœstus quispiam casus accidisset, aut si vehementioribus doloribus oppressa fuisset, & si tunc quispiam Divinæ voluntatis mentionem fecisset, mox illa acquiescere, ac repetere: *Fiat ergo, sicuti DEO placet! si vis Domine, potes! Tua sum, ô Domine! Tibi vivo, tibi moriar!* Et nè singula ejusmodi exempla commemorare necesse sit, ex hoc uno, quod sequitur, plura facillè colligere licebit: Non multos ante annos effundebant sese ex Transylvaniæ finibus prædarum avidissimi hostiles exercitus, qui dum Ungariam, Moraviâque Panico implerent metu, atque obvia omnia sinè ullo discrimine diriperent, & vel maximè bonis Orthodoxorum inhiarent, illa & bonis proprijs cedere, & Patriam charissimam deferere, & in ipsa Croatia exulare cogebatur. Dum autem amicorum nonnulli miseræ, & afflictæ exuli non tantùm compati, sed etiam solatio esse studerent, illa Divinæ non immemor Providentiæ hoc solum sese consolantibus, magno animo reponebat: si ita arrideret Divinæ Majestati, etiam in sua senectute, dum fodere non valeret, ostiatim mendicare.

Fiducia in  
DEUM.

Hæc etiam procul dubio de causâ tantam erga *Divinam Bonitatem* præferebat fiduciam, ut cum subinde terrificos aliquos rumores, sive jam de hostili potentia, atque ferocia, sive de alijs quibuspiam imminentibus periculis referri audiret, ipsa hoc uno dicto aliorum omnia facillè refutabat: *Et ubi, inquit, est DEUS?* quasi dicere voluisset: si DEUS pro nobis, quis contra nos? cum autem etiam subinde aliquid de horrore extremi Judicij, aut de tormentis inferni recenseret audiret, quasi horum timor non ad se spectaret, aliud quidpiam, quod vel ad amorem DEI in se accendendum, vel ad augmentum servire posset virtutum, sibi narrari postulabat. Unde & mortem, quam alioquin naturaliter omnes timere consueverunt, illa non tantùm non abhorrebat, verùm etiam adproperare exoptabat, inquiens: *Eccui bono amplius hæc vita mea? ut quid in hoc mundo locum occupo diutius? siquidem onerisum alijs duntaxat, neque amplius quidquam boni facere possum; mori, mori votum est meum, mei namque in Cælo præstolantur me cum desiderio, abibo hinc potiùs, migrabo quantocyus, ut illos videam, illisque congaudeam: nihil namque timeo, quia bonum Dominum habemus, qui plus amore mei fecit, & tulit quàm necesse fuit.*

Contemptus  
mundi.

Rebus porrò terrenis, & sæculi vanitatibus, quòd jam mortua fuerit, dum adhuc viveret, ex multis indicijs deprehendi potest. Ob hanc causam per omnes annos suæ viduitatis semper modestissimo vestitu utebatur, unicâ dun-



duntaxat, eaque sat attritâ tunicâ per annos plurimos contenta, eo solo splendore delectari videbatur, qui solos Divinos oculos recreare posset.

Hinc si aliquando illam contigisset in tempus nundinarum incidere, dum alij ad ornatum corporis exquisita serica, pretiosa monilia, & clendia, aliâque mundi crepundia, atque oblectamenta mercarentur, illa (utî dicere in more habebat) *Sponsosuo Christo* pro sacro Altari ornando, aut ab arte singulari gratiosè confictos flores, aut calicibus operiendis artificiosas ac depictas syndones, aut ad ornatum Sacerdotalem materias pervenustas conquerere, & coemere non omittebat. Sileo icones argenteas, aliâque permagni pretij supellectilem sacris usibus ab ipsa DEO honorando non semel, sed sepius oblatam.

Zelus erga cultum Divinum.

Et valde quidem illa gaudebat, & in corde suo delectabatur, dum ad ornatum Ecclesiæ quidpiam conferre poterat, sed tunc multò magis dum ipsam verbo Divino, quod animæ, salutique suæ plurimùm prodesse noverat, aures præbere contingebat: plurimi namque hoc in ipsa notârunt, quòd sacris Concionibus cum tanto gustu, atque intentione interesse solita fuerit, ut eas audiendo quasi in extasin subinde rapi videretur. Ideoque quæ tunc ipsi sapiebant, datâ occasione, presentibus alijs illa repetere non erubescibat, imò selectiora quælibet documenta in corde suo conservabat, in usum deducendo, dum tempus, & occasio postulabat; cùm autem extremis vitæ diebus ob exhaustas corporis vires, concionibus interesse non valuit, præ nimio dolore inconsolabiliter flere, atque lacrymari incœpit; quam ob rem in posterum Sacerdos ad ipsam vocari, & Concionem lecto jam affixæ repetere debuit; sed neque solis concionibus illa contentari sustinuit: Ecclesiasticos enim subinde humanissimis verbis invitabat, & quodammodo rogabat, ut singulis diebus saltèm aliquid vel per horulam expio aliquo codice sibi prælegerent. quia verò *aureum Thomæ Kempensis libellum* in magna æstimatione habebat, sub finem ordinariæ lectionis, illa ipsa proprijs manibus illum aperire gaudebat, & in quod caput fortuitò incidebat, illud sibi pro complemento, atq; solatio prælegi rogabat, cujus voti quotiescunque fiebat compos, singularem in animo lætitiâ præseferbat cum magna grati animi significatione.

Amor verbi Divini.

Quamvis autem piè defuncta innatam quandam cum hominibus agendi affabilitatem, & gratiam haberet, conversationi tamen Personarum Ecclesiasticarum mirum quantum afficiebatur. Et quemadmodum omnes Sacerdotes singulariter reverebatur, ita ægerrimè ferebat, si quando ab aliquo vel læderentur, vel despicerentur, siquidem ipsum *Numen Divinum* in personis ejusmodi venerandum esse censebat, quos etiam ea de causâ honoris gratiâ, *Dominos Patres* appellare consueverat. Unde si quispiam horum visitandi gratiâ illam convenisset, tunc singulari quâdam consolatione, atque lætitiâ perfundi, & in animo recreari videbatur. Ut autem fructum aliquem

Reverentia Sacerdotû.

ex



ex ipsorum præsentia decerperet, ultrò modestâ cum gravitate, atque reverentiâ de rebus Divinis tractandi, materiam subministrabat, varias subinde questiones animæ salutem concernentes proponendo, & discutiendo. Dum verò etiam aliquem illorum suæ mensæ assidere contingebat, illa ipsa cibos præscindere, illa propriâ manu porrigere, illa parata pro sua persona fercula cum illis dividere, illis dividere, illis suum haurtum communicare, & omni quolibet modo gratulari adnitebatur. Cùmque ante annos aliquot intellexisset plurimos ex Transilvania expullos fuisse Sacerdotes, optabat, ut omnes ad se diverterent, ajebatque, se paratissimam fuisse omnes hospitio excipere, ideòque tunc suis dicebat: *liberi mei estote parati ad transmigrandum ad angustius cubile, in hoc enim angustiore, vicarios Christi inquilinos meos facere constitui*; hinc dum quidam illorum gravissimo morbo oppressus ad locum certum, in quo extremam vitæ clausulam confecturus erat, devcheretur, nacta occasionem suo desiderio satisfaciendi, multis precibus institit, ut apud se relinqueretur. Quod, cùm ipsi constanter urgenti concessum fuisset, illa infirmum non solum varijs, atque exquisitis medicamentis confortavit, sed etiam DEO auxiliante pristinae sanitati restituit.

Affectus erga sacrum Missæ Officium.

Quemadmodum autem omni honore Sacerdotium prosequabatur, ita etiam *Sacrosanctum Missæ Sacrificium* tantopere estimabat, ut per annos complures ideo potissimum binos Sacerdotes aluerit, ut singulis diebus ubicunque locorum eam morari contingeret, sacro Missæ officio interesse, & consuetæ suæ devotioni vacare posset. Cui piæ consuetudini ita sese assueverat, ut quasi perinde apud ipsam fuerit, sacrum quotidie non audivisse, atque diem perdidisse.

Devotio erga SS. Sacramentum.

Quia verò *sacro Missæ officio* tam frequenter interesse consueverat, ideo vix explicari potest, quanto fervore, atque devotione erga *Sanctissimum Eucharistiae Sacramentum* ferretur; ita enim vel ipso ejus aspectu delectabatur, ut extremis diebus, dum per ægritudinem sacris Mysterijs interesse non posset, non solum suspiria frequentare, sed etiam querelas, & lamenta iterare non cessaret. Et licet in tam provecta ætate exsuccos pedes vix movere potuerit, pati tamen nullo modo voluit, ut ad se indignam (ut ipsa agebat) DEUS, & Creator suus veniret: quapropter ipsa ab Oratorio surgere, ipsa ad sacrum Altare procedere, & si non potuit, perducere se rogare, ipsa in genua procumbere, cum magna circumstantium ædificatione in more habebat. Tum verò vel maximè, cùm *S. Hostia* à Sacerdote elevabatur, fervere illa singulariter videbatur, neque solum in genua reverenter procunibebat, & piâ manu pectus suum concutiebat, verum etiam *Christum* ipsum quasi *Sponsum*, verbis amore plenis, varia intermiscendo pietatis suspiria interpellabat.

Fervor Pietatis.

Sed neque illud est omittendum, quod non solum admiratione, verum etiam imitatione dignum esse videtur, quod nimirum dum sese sacro Tribunali



nali rationes cum DEO compositura sistere debebat, non illa perfunctoriè, aut per modum consuetudinis ad hoc sacrum negotium peragendum sese preparabat, sed pridie ejus diei *consideravit sedulò semitas domûs suæ*, & cum illa muliere Evangelica latebras conscientiae everrebat, & in memoriam diligenter sibi revocabat, quidquid per naturæ fragilitatem contra leges Divinas à se factum fuisset, uti insequente die suæ conscientiae arbitro omnia fideliter recensere posset. Inter ipsam delictorum enumerationem tam ferventes doloris actus elicere adnitebatur, ut sæpe diceret, quòd si id licitum esset, quòd seipsam scindere parata esset, ut magis dolere de commissis valeret. imò neque id se verbis exprimere posse asseribat, quantâ tunc poenitentiam cor suum commoveretur, dum delicta recensuisset. & his ejus dictis adstruit fidem consequens eventus: cum enim à natura ita constituta fuerit, ut difficillimè ad lacrymandum sese resolvere potuerit, visa tamen fuit subinde à sacro Tribunali abscedens in tantum singultire, atque lacrymari, ut se frustra consolantes penè ad impatientiam commoveret, cum à plorando cessare renueret.

Quia verò etiam, quodnam sit *Refugium peccatorum*, non nesciebat, Amor Beati-  
ideo ex frequenti Angelicæ Salutationis repetitione tam singularem amorem, tiff: Virginis  
atque affectum erga *Virginem Matrem* conceperat, ut quemadmodum absq;  
icone ipsius nunquam foras prodiret, ita etiam titulo honorificentissi-  
mo *Matris admirabilis* sæpius honoraret, neque ullam eidem honorandæ  
sacram diem decretam celebraret, quin per *sacram Exomologesin*, conscien-  
tiam expiasset, & sacrâ synaxi sese refecisset. Illud porro etiam, quia singu-  
lare, nequaquam omittendum esse videtur, quòd nimirum cum vice quâ-  
dam voti persolvendi gratiâ ad locum illum, quem olim prope *Tergestum sa-  
cra ædes Lauretana* fecerat celeberrimum, pervenisset, tanto erga *Magnæ  
Matris* honorem, amorémque zelo accensa fuerat, ut omnibus obstupefcenti-  
bus ad instar plebejorum, non in pedes erecta, pro sui statûs reputatione,  
sed utroque curvato poplite circum totam ædis illius venerandam fabricam,  
non sinè singulari pietatis affectu genibus suis, veluti trahis quibusdam sese  
circumverterit. Quantum autem hic honor, atque devotio DEI paræ San-  
ctissimæ arriserit, vel exinde colligere licet, quòd illam in magna quadam  
animi afflictione quasi immerfam, atque aliò commigrantem, effigies quæ-  
dam cuprea, in tabella gratiofo penicillo expressa ejusdem *Virginis Sanctissi-  
mæ*, retortis post illam abeuntem oculis suo aspectu amabili dignata fuisse pu-  
tetur. Unde cor suum alioquin ingenti mœrore tunc temporis afflictum,  
insolito quodam solatio, atque inopinato gaudio repleti sensit, & animad-  
vertit; uti illa ipsa coram suæ conscientiae arbitro non semel, sed sæpius pro  
suo in *Divam Virginem* affectu recensuit.

Sed quam pro suo modulo venerari didicerat, hanc etiam, utpote an- Humilitas,  
cilla Christi in humilitate potissimum imitari studebat. Quamvis enim ad

Ccc

magnum



magnum humanâ opinione honoris fastigium per divinam gratiam evecta fuerit, necnon amplissimis possessionibus aucta, nihilominus tamen plus æquo nunquam de se vel minimùm præsumebat, nec super alios inaniter sese extollebat. Imo cùm ab *Illustrissimis Personis* (utpote *Generalis Coniux*) honoris gratiâ sæpius visitaretur, & singulari venerationis, amorisque studio passim exciperetur, illa humiliter de se sentire, humilibus verbis alios prævenire, ad humilia sese obsequia demittere non erubescibat, sed tunc vel maximè, cùm aliquem malæ affectæ valetudinis esse resciebat, huic namque illa ancillari, huic pro suo modulo inservire, manibus proprijs medicinas parare, & subministrare satagebat. Et sic illa quidem quoad externum agendi modum sese gerebat, quantum autem in corde ipsius submissionis latuerit, id facile colligi potest ex verbis illis Davidicis, quæ sæpius repetere in more habebat, dum insolens aliquid, aut adversum sibi obveniebat, dicendo, *Bonum est mihi Domine, quia humiliasti me.*

## Humanitas

Ab hac eadem peramabili submissione animi nascebatur in illa quædam pergrata humanitas, atq; mansuetudini juncta affabilitas cum omnibus uti loquendi, ita & agendi, nullo personarum habito delectu. Non enim illa homines pauperes, aut abjectos vilipendebat, aut cum despectu à se repellebat, sed quemvis licet simplicem, ad colloquium admittebat, quemlibet suas necessitates exponere sinebat. Et si etiam quandoq; offendebar, mox facillimè uno, vel altero verbo placabatur, semper veniam postulanti remittere prompta. Et quia blando semper, & amabili vultu cum quadam singulari sermonis gratiâ omnes affabatur, ideo per hoc gratissimum benevolentiae studium ita sibi omnium affectus devinciebat, ut illam omnes non solum in vita, sed etiam post mortem, non solum amore prosequi, verum etiam laudibus extollere quodammodo cogerentur, & nunc etiam defunctæ, illam qui olim noverant, omnes bene precentur.

## Prudentia.

Præter hoc, illud etiam in ipsa probè notatum fuit, quod inter alias doctes, quibus DEI beneficio exornata fuit, & eam omnibus gratam, atq; amabilem reddebant, erat singularis quædam prudentia, cum virili quasi gravitate, atq; peramabili suavitate conjuncta, quam in illa ipsi etiam *inlyti Ungariae Regni Proceres Illustrissimi*, non solum admirabundi suspiciebant, verum etiam ipsam subinde consilij capiendi gratiâ Personæ nobilissimæ ita libenter conveniebant, ut semper magis, ac magis in sua opinione æstimarent, atq; singularem quandam ex conversatione ipsius per jucunda oblectationem animi perciperent. Quantum autem ipsa suo consilio polleret, vel ex inde advertere licet, quod cum suo (ut ipsa agebat) *pretioso Coniuge* spoliata fuisset, & ipse *Palatinus* eam visitandi, atq; consolandi gratiâ convenisset, exordium suæ orationis inde sumserit: *Eccur, inquit, o Domina consilio tibi nunc ipsi succurrere nescis, siquidem omnibus antehac te convenientibus, optimis, & salu-*



*luberrimis consilijs subvenire sciebas, atque solebas?* quod testimonium à tam magno Magnate prolatum, nemo, credo exigui esse momenti asserere audebit.

Et quia prudens meritò nemo esse diceretur, qui alicui injustus esse probaretur, quanto illa zelo erga *leges justitiæ* ferebatur, experti sunt ij, qui eam sapius loquentem audierunt, quòd pati potius ab alijs, quàm alicui inferre injuriam, optaverit. Hinc si quando intellexisset, aut stipendio promerito familiam defraudari, aut solutionem illi ultra tempus debitam prorogari, id nullo modo tolerare poterat, sed continuò quà precibus, quà minis perurgebat, ut quod *Justitia* postulabat, id quàm primum executioni daretur. Cùmque vice quadam non nemo ex famulis ipsius morte subitanè, infausto casu, delapsus ex equo extinctus fuisset, illa metuens, nè vel in minimo *Justitiam* læderet, mox protestari cœpit, quòd ex rebus ipsius nè terentiū quidem pro suo usu retinere velit. Ideoque mandavit, ut omnia, quæcunque ad ipsum jure spectarent, pro salute animæ ejusdem in pias causas expenderentur.

Zelus Justitiæ.

Sed non solis *Justitiæ* legibus, verùm etiam *temperantiæ* tam studiosè sese adstringebat, ut nihil unquam contra illam neque victu, neque potu peccasse notata fuerit. Et quod plus est, etiam extra tempus ordinarium aliquid sumere, quasi indecorum, & inutile apud illam videbatur, nisi fortè infirmitas nonnunquam aliud syderet. Nullas illa cupedias, nullos exquisitos cibos ambiebat, aut exoptabat maximè ultimis vitæ temporibus, quibus solis ferme vulgaribus, & agrestibus ferculis, atque leguminibus victitabat. Aliorum autem nimiam potandi licentiam sæpenumero verbis gravioribus insecrabatur. Et quamvis ipsa per amplam ab *Ecclesia* potestatem, atque licentiam habuerit, cibis vetitis pro libitu utendi, atque vescendi, illa tamen non nisi certis *quadragesimæ diebus* hoc privilegio utebatur. Nullo autem pacto illi persvaderi potuit, ut vel *feriâ sextâ*, vel aliquo festo *sanctissimæ Virginis*, seu *Sancti* alicujus præcedente *pervigilio* eâ licentiâ gauderet.

Temperantia.

Et hæc quidem omnes, uti nemo dubitat, ex Divinæ fecunditate charitatis, quasi ex quodam largissimo fonte profluxere virtutes, nihilominus tamen inter omnes emicare videtur, singularis ille, & magni meriti, & animi valde generosi actus, quo sibi vel maximè DEUM ter Opt: Max: demeruisse videtur, quòd semel viduata suo primo, & ultimo Coniuge charissimo, tam firmum propositum nullum alium *Sponsum* posthac quærendi, & amandi fecerit, præter *solum Christum*, ut quantumvis non nemo Magnatum potens, ac dives opum ex celeberrima *Principum familia* oriundus, in *Matrimonium* illam denuo expetierit, illa tamen in amore viduitatis *S. Pauli* consilium secuta, ità constans permanfit, ut nunquam posthac in secundas nuptias consentire voluerit, sed potius per reliquū vitæ tempus, *mulierem illam fortem* in

Amor Viduitatis.



se exprimere conata fuit, cujus *precium procul & de ultimis finibus* sapientissimus *Salomon* esse asseruit.

Amor puri  
tatis.

In hoc porrò tam laudabili statu, quantum erga omnem honestatem, atque mentis puritatem affectum animo præferret, id sæpè sæpius non tantum inter agendum, sed etiam inter loquendum prodidit: si enim quispiam (ut inter minùs pia hilaria fieri solet) aliquid in medium protulisset, quod aut bonis moribus aliquomodo adversum esse videbatur, aut aures honestas dedecebat, mox illa vultu ad gravitatem composito, verbis indignationem redolentibus, temeritatem ejusmodi, & impertinentem loquendi libertatem increpare, reprehendere, atque castigare non desisteat, donec auctores ruborem induissent.

Gratia fecunditatis.

Ut autem mereretur videri *in lateribus domus sue sicut vitis abundans*, quaternis super decem liberis, quasi olivarum novellis illam beaverat misericors DEUS: ita tamen, ut qui omnes dedit, iterum plus quàm dimidiam partem ex ipso fermè innocentia statu ad suam in Coelo augendam gloriam abstulerit: tribus enim filijs, & insuper quinque filiabus orbata, tot quasi gladijs doloris fauciata, non semel ingemiscere didicit, atque in valle lacrymarum, materno impellente affectu sæpius illacrymari. Præmissis igitur, & per conformationem suæ voluntatis cum Divina, oblatis quodammodo cœlo octonis prolibus, quasi victimis, & primitijs (primas enim quinq; mors imatura abstulerat) reliquas superstites non tantum orthodoxè vivere edocuit, sed etiam in pietate ita firmavit, atque ad omnem virtutem instrui curavit, ut *præcipui Dynaste, Inclyti potissimum Ungariae, atque Poloniae Regni*, quodammodo inter sese concertare viderentur, ut aliquam ex filiabus ipsius sibi matrimonio conjungere possent. Hoc tamen ad notam accipiendum esse videtur, quòd una ex numero illarum meritò sit excipienda, quæ planè *Virgo singularis* esse voluit, dum pio quodam fastu abrepta, despectis sæcularibus nuptijs, nec non omnibus mundi vanitatibus, ut solius Sponsi Divini oculis placeret, sese Sacrarum Virginum cœtui associavit, & *septis Monasterij* inclusit.

Charitas erga liberos.

Hanc ergo, utpote sæculo mortuam, cum piè defuncta nostra, cum gaudio atque singulari suo solatio, DEO obtulisset, quàm solido deinceps, sincero, atque benigno affectu erga reliquam Illustrissimam prolem suam ferretur, id quidem non semel patuit, maximè tamen in hac tam longa bellorum tempestate; siue enim arma *Svecorum* metuenda appropinquarent, siue *pestifera lues* aliquando suis horrorem incuterent, illa non tam sibi, quàm proli charissimæ metuens, prolem ad tutiora ablegare, prolem ab imminenti- bus quibuscunque periculis conservare in more habebat, & omni studio fovere, ac tutari adnitebatur. Et cum vice quâdam *Ungaricum* iter agens, in summo versaretur periculo, nè in *Turcarum*, viciniam depopulantium manus incideret, conspecto jam non procul abinde capitali hoste, inclamat protinus

famu-



famulitium, & quasi oblita sui, disjungi equos, atque dissolvi imperat, & suam prolem ocyus superimponi, ad tutiora quàm citissimè deportari, atque fugâ velocissimâ tam manifesto periculo eripi, subjungendo: personam, vitamque suam, utpote senio jam confectam, se non multum æstimare, atque curare, si hostis illam sibi eriperet, dummodo sua charissima proles salva, & incolumis servari possit. Cum autem super hæc, & auream suam suppellectilem, & quidquid tandem pretio æstimabile habebat, id totum multis ante obitum annis inter suas charissimas proles diviserit, & distribuerit, & seipsam quasi exinaniverit; nescio, quid amplius *gallina pullis* suis præstare valeat, cui tamen *Christus* ipse ad explicandam suam eximiam erga nos charitatem assimulare seipsum non dubitavit.

Siquidem ergo tam tenero affectu erga progeniem suam *Illustrissimam* Patientia. ferebatur, sanè nemo mirari debet, quòd cum tanta doloris vehementiâ, & dilectissimum *Consortem suum*, sibi à morte inexpectata ereptum, & *unicum Franciscum suum* crudelibus armis per insidias sublatum per menses plures, nè dicam per annos, sæpè sæpius, iterum, atque iterum deploraverit. Durum erat procul dubio in dolore liberos parere, sed multò durius erat, spectare, atque tolerare, dum primos *quinque* vix in lucem editos mors imatura abripiebat, & Matris cordi, quasi *quinque* vulnera infligebat, hoc solo levamine, atque solatio relicto, quòd hæc tentatio fuerit non sinè magno proventu: siquidem his *quinque* plagis inducta fuit, ut fidem Orthodoxam amplecteretur, quam *S. Augustinus* omnibus mundi divitijs, honoribus, & quibuscunq; bonis præferendam esse arbitratur.

Hæc ergo in fide dum pientissimè vixit, tandem morti habenas imposuit, quæ posthac fortasse ideo, editas in lucem à se proles attingere quodammodo verebatur. Sed ecce, dum jam mors quasi trepida liberis parcit, majus tormentum *Matri* intulit, dum *ipsum Patrem* invasit, sibi que charissimū *Conjugem* ex vivorum numero sat imaturè sustulit. Sed quid amplius non tentavit? non sat erat optimo, sibi que charissimo *Conjuge* privari, debuit namque etiam unico suo ad exoptatam jam Maturitatem provecto, quasi suæ senectutis baculo, prò dolor! spoliari, & quidem modo tam crudeli, atque nefando, à quo fortasse vel ipsi barbari abhorre debuisse. Dicendum hîc esset, quot difficultates exhaurire debuerit in coërcendis per complures annos rebellibus subditis, quot incommoditates pertulerit huc & illuc fugiendo, & hostiles metus evitando, quibus denique afflictionibus, etiam à suis subinde dissidentibus exacerbata fuerit, quos ad pacem, & concordiam servandam omnibus modis inducere adnitebatur. Sed ista insinuasse sat est.

Calamitates à DEO imissæ magni boni causa.

Per hos igitur tam tristes, & varios exercitata casus, Divinâ sic disponente Providentiâ, tam egregios in *Patientia* virtute progressus fecerat, ut læto tandem affixa, morborum ingruentium, dolorumque impetus pacatissi-



mo animo, vultu semper blando, atque amabili, semper ad modestiam composito, perferre didicerit. Quam ob rem nullus ab illa morbis oppressa inconditus clamor, nulla molestiam creans querela audiebatur. Et si quandoque vocem altius attollebat, tunc solum DEUM adiutorium, & suum *JESUM* pro suo more inclamabat. Id verò jucundissimum circumstantibus esse videbatur, quando sapius illa Regij Prophetæ verba sibi ipsi occinebat: *Bonum est mihi Domine, quia humiliasti me! Virga tua, & baculus tuus, ipsa me consolata sunt.* Doleat hic, inquit, doleat hoc miserabile corpus, modo mea anima postea sit eò melius. Præter has DEO, & Angelis gratas cantilenas, etiam in ea id rarum fuit, quod in paucis infirmis videre solemus, quia nimirum omnis generis medicamenta, sive illa amara fuerint, sive dulcia, ad cuiuslibet instantiam, prompto, & alacri animo, maximè verò ultimis vitæ diebus sumere non detrectabat, imò quasi suum providendo finem subinde dicebat: *fundite, infundite, quidquid tandem velitis, erunt tamen omnia gratis.*

Labor inde  
fessus.

Et licet per annos plurimos plurima perferre didicerit, otium tamen, quod omnibus mortalibus noverat esse perniciosissimum, tolerare non potuit. Et hanc ob causam non solum Familiam suam semper aliquo labore occupatam esse voluit, sed ipsamet etiam, quasi continuo manuum suarum consilio, *linum operabatur*, & sub colo sedens, atque *fusum apprehendens*, aut fila ducebat, aut in globum convolvebat, si illam orationis tempus ab ejusmodi opere non avocabat. Huic autem labori, & occupationi usque adeò dedita fuit, atque intenta, ut nè quidem lecto jam affixa ab eodem desistere voluerit. Ideoque *colum lino resectam* in summitate lecti, dum jam sibi pedes servitium negarent, alligari curavit, ut ita tempus, quod ægrotans orationi non impendit, filis trahendis concederet. Et mirum id quidem multis videbatur, quod talis, ac tanta Domina huic quasi servili labori sese impendere non dedignaretur. Magis tamen id mirandum est, quod non solum domi, verum etiam ipsis in Urbibus, & arcibus, quocunque illam venire contingeret, hoc ipsum *pensum* sponte sibi injunctum persolvere, adstantibus, & admirantibus clarissimis personis non erubesceret. Unde *Vienna Austria*, cum vice quâdam in hoc suo consveto opere deprehensa fuisset ab ignota quadam persona, hæc admirabunda talem in modum loqui coepit: *Estne credibile, quod senicula ista sit ex Comitissarum ordine? hæcine est illa Comitissa Forgacziana, cujus gloriosa fama in tot Provinciis predicatur?* siquidem autem tam inimica fuit otio, videamus nunc, quæ præterea fuerit in hac vita ipsius negotiatio, ut impleteret verbum illius, qui dicebat: *Negotiamini, dum venio.* Lucæ 19.

Liberalitas  
in pauperes

Ultima igitur causa tam felicitis, atque beatæ mortis creditur esse ea virtus, quam totâ vitâ prætulit, & quæ cum ipsa uti cum Jobo ab ipsa infantia crevisse videtur, jucunda videlicet miseratio, atque ultimo die à DEO Judice præ



præ cæteris virtutibus prædicanda, erga egenos misericordia. De hoc namque potissimum ultimis ante mortem diebus conquerebatur, quod ad eam paupertatem devenisset, ut non habuerit, quod in pauperes distribuere posset. Et cum intellexisset aliquot adhuc florenos in loco quodam depositos superesse, per DEI amorem, & per vulnera Christi enixè rogavit, ut vel hi inter egenos pro salute animæ suæ expenderebantur. Et quamvis impofterum sensim sine sensu vires corporis deperderentur, & decrescerent, necdum tamen decrescebat miseria: inquirebat enim ulterius, an vel aliquid de tela superesset, quæ *pauperibus studiosis* submitti posset; sed cum ad manus in promptu nihil esset, & nonnisi per vetustæ *duæ cortinæ* conspectui sese obtulissent, subintulit ipsa: *saltem ergo*, inquit, *has illis submittite*. Sed non solum dum infirma, & lecto affixa esset, verum etiam dum adhuc percomodâ valetudine uteretur, semper misereri miseris ab ipsa sua natura quodammodo monebatur. Nam quotiescunque alicui itineri sese accingebat, semper id præ cæteris negotijs urgebat, ut capsulæ suæ nummorum aliquid subministraretur, quos ipsa proprijs manibus in obvios pauperes expendere, & dispergere posset. Nec hoc ipsi satis erat, nam etiam singulis ferme annis in die Parasceves si aliud aliquid præsto non adfuit, telam per partes inter pauperes mendicos distribuere consueverat, eâ fortassis intentione, ut denudatum quondam eo die sponsum suum Christum pro suo modulo contegeret, quem etiam post *Communionem sacram* ordinariè aliquâ singulari eleemosynâ pauperibus submissâ honorabat, licet alioquin singulis diebus Dominicis eisdem ex Hospitali vocatos prandio excipere solita fuerit. Et hæc quidem ordinaria ipsius liberalitas multis optimè nota magnæ ædificationi fuit, præcipuè tamen tunc enituit, dum exulantes à Litvania *Sacri Ordinis Carmelitani* plures ferme, quam *20. moniales* unâ cum binis *Sacerdotibus*, atque familia earundem hospitio excepit, & per triennium integrum, certo illis assignato proventu, majori ex parte ipsamet aluit, idque cum tanto benevolentia studio, atque affectu, ut vehementer doluerit, quod iterum in *Poloniam* revocatæ fuerint, quas si licuisset, etiam usque ad mortem (ut ipsa agebat) alere, & sustentare non detrectasset. Sed neque illud prætereundum est, quod cum aliquando sat magnam tritici copiam pessumdatâ fuisse percepisset, quod *Officiales* quali quali pretio distrahendum esse quantocyus svadebant; illa instinctu misericordie mox imperavit, ut inter egenos subditos divideretur, sperans futurum, quod forte usui ipsorum inservire posset. Dictum factum; concurrunt turmatim famelici subditi, atque in domos suas donatum triticum asportant. Sed ecce, cum admiratione omnium, *tritici corruptum* pristinam suam bonitatem in *manibus Pauperum* recuperasse visum fuit, & beneficiatis mox persuasit, ut pro tam larga, atque in illo tempore gratissimâ eleemosyna debitas gratias referre contenderent. Et fecit illa quidem suis pauperibus subditis sæpius

Frumentum  
corruptum  
pauperibus  
datum, opti-  
mum eva-  
dit.



Quædam  
visa de ejus  
morte felici

sæpius gratiam ejusmodi, maximè tamen, & singulari cum affectu paulò antè suam mortem, dum quasi potestatem non habens, & humiliter quodammodo, & instantè à suis petijt, ut certus frumenti modiorum numerus denuo inter egentes subditos erogaretur. Et sic quidem obiit, & abiit hæc pia *Tabitha* nostra. Quemadmodum autem nocturnis visis semper credere videtur esse superstitiosum, ità & omnibus semper discredere, cum non omnia omnino soleant esse vana, nemo procul dubio negabit esse temerarium, siquidem ab ipso rerum eventu plurimi didicerunt subinde non vana somniasse. Erat igitur in oppido *Arci Brumoviensi* subiecto, ex devoto fæmineo sexu non omnino postrema, quæ ipsa nocte immediatè obitum nostræ piæ defunctæ præcedente, mox quàm primùm ex primo somno fuerat expergefacta, suo conjugì admirabunda narravit, se quasi cuidam magnificæ *Processioni*, uti in festo *Corporis Christi* assolet, interfuisse, quam etiam suâ præsentia condecorasse videbatur unà cum prole sua Illustrissima nostra magnifica piè defuncta. Quæ cum ab alijs non procul separata submissis genibus, ante quandam *Sanctissimæ Virginis Iconem* flectens sacrosancta mysteria veneraretur, in momento visebantur scalæ lucidissimæ propè illam de cœlo demissæ, per quas cœlites gratiosissimi, atque aspectu jucundissimi, quales fortè olim *S. Patriarcha Jacob* lætabundus aspiciebat, desuper descendere videbantur. Id cum somnians stuperet, & quidnam portentum hoc sibi vellet, rescindi avida, virum quendā proximè adstantem, quasi suspenso pede accessisse videt, ab eo admirabunda sciscitabatur, quidnam in terris Divini illi aligeri negotiorum tractare decrevissent, id ad suam quæstionem solum responsi accepit, spiritus istos administratorios ideo ad terras descendere, ut *Magnificam Dominam Brumoviensem* secum abducant. Hæc cum somniantis maritus adhuc in strato decumbens vix enarrata, mente attentissimâ percepisset, mox subintulit, inquires: *Signum id esse manifestum, quòd Magnifica Domina nostra ultimum diem sit clausura.* Et certè ità factum est; die enim hanc ipsam noctem ab hoc somnio illustrem subsequente, post tertiam pomeridianam vivere desijt in terris, ut *vitam beatam* (ut omnino sperare licet) auspicaretur in cœlis. Et quidem pro bono spei incremento huic qualiquali argumento non exiguam adstruit fidem, eximiæ pietatis, atque ex *Illustrissimis* oriunda *natalibus Virgo* quædam, quæ non post multos ab obitu defunctæ dies gaudio quodam singulari perfusa quasi exultabunda narravit, se etiam in somnijs piè defunctam conspexisse, quæ sublati cœlum versùs oculis, svavissimam quandam, atque pienssimam de *Virgine Sanctissima Cantilenam*, tam jucundâ, atque admirabili voce decantabat, ut ab ore Angelico vix dulcius, atque jucundius jubilum expectari posse videretur. Sileo etiam huic piæ Virgini personam genere minimè inferiorem, quæ dum nocturnis in tenebris per avia, & devia hyberno tempore in summa tempestate hinc inde aberraret, & quasi despera-



bunda opem *Magnificæ* piè defunctæ si fortè in statu felici viveret, ex quodam magno confidentiæ, & bonæ spei affectu imploraret, mox non sinè stupore, atque solatio singulari ad terminum, quem sibi præfixerat, pervenit. Atq; hæc erant, quæ de *Illustrissima D. Esthera Bossani* rogatus (utpote rerum conscius) adduxi. DEUS faciat, ut quicunque hæc legerint, ad capeffendas in cælo coronas, ac posteri præcipuè ac hæredes sanguinis, ad sanctam hanc virtutum hæreditatem adeundam animitus excitentur!

Ego quod adjiciam de meo nihil invenio, nisi quòd *Illustrissima Esther*, ex Societatis nostræ institutione talis evaserit; usa enim est viris illuminatissimis, & rerum spiritualium apprimè peritis; primi erant, qui eam ab hæresi ad *Catholicam fidem* adduxerunt Venerabiles Patres (quorum in præsentì volumine quædam gesta leguntur) *Adamus Kravvarsky*, & *Albertus Chanovsky*. His succelsère propiùs ad nostra tempora RR. PP. *Valentinus Joannides*, *Wenceslaus Cannabius*, *Joannes Jaranovsky*, *Petrus Bankovsky*, *Wenceslaus Przibramsky*, & quidam alij, omnes mihi noti, sed jam pridem fato suo functi; postremus, qui morienti adfuit *P. Adalbertus Martinides* omnes alios priores diuturnitate temporis, qui conscientiam *Illustrissimæ Matronæ* rexerant, superavit, anno superiore 1681. vitâ defunctus.

Patres ejus  
Directores  
in spiritu.

## TIT: LXIX.

## Francisca Slavatina, nata Comitissa de Meggau.

**F**rancisca ex illustrissima stirpe de Meggau (quæ in utraque Republica præstantes Viros, Episcopos, Cardinales, tum egregios bello Duces protulit) genita, Patrem habuit *Leonardum Helfridum de Meggau Matthiæ Caesaris Supremum Camerarium*, postea *Ferdinandi II. Caesaris supremum Aulae Præfectum*, Virum militarem. Matrem verò æquè illustrem *Annam*, stirpe *Khuenianam de Belasy*, quæ filias sanctissimè educatas, atque in primis *Franciscam* priùs sanctimonix, & pietatis, quàm Conjugij legibus illigavit. Duodevigesimo ætatis anno *Francisca* in Conjugem accepit *Joachimum Udalricum Comitem Slavatam* inclytæ Familix *Procerum Bohemorum*, cui septem proles attulit, Filios quatuor, & leatissimas filias tres summorum Virorum conjugijs implexas; Filij ad omnia summa nati, satis ostendunt DEUM Matri optimæ benedixisse de Cælo. *Ferdinandus*, & *Joachimus Comites*, Regni gubernaculis admoti, primas Regni dignitates obierunt, & obeunt, miro temperamento æquè regnantibus ac Populo chari. Duo reliqui Fratres *Carolus* in Sanctissimo *Carmelitanorum* ordine honoratissimus, suum nuper *Magistratum* inter suos (*Generalatum* vocant) adivit. *Leopoldus* Canonici Ecclesiæ *Passaviensis* accensus est. Conjugem *Joachimum* incom-

1676. 22.  
Sept.

Genus &  
Nobilitas.

Ddd

mo-



modissimo suis rebus tempore amisit *Francisca* Muriponti in Styria, cum hostis Svecus in *Bohemiâ* penetrans omnia velut in hostico, foedè vastaret, unde coacta cum septem parvis Prolibus *Passaviâ* concedere, velut in exilio conducta in domo angustissimè vixit. Optimè dictum est ab aurei oris Doctore: *Sanctorum vitam ex adversis ac prosperis mirâ varietate contexi.*

*Chrysoſt.* *Matronæ* hujus *Illustrissimæ* virtutum, præsertim in educandis liberis prudentissimæ Moderationis, & felicitatis famâ vulgatâ, *Augustissimus* *Cæsar Ferdinandus III.* permotus, cum filio *Leopoldo* (quem nobis servet DEUS!) educatricem quæreret, *Franciscam* evocavit, & *Supremam* *Aulæ Præfectam* esse jussit: præstitit id sumâ totius *Aulæ*, & ante omnes, *Cæsaris Patris* commendatione, cujus educationis locupletissimus testis est ipse *Cæsar Leopoldus*, qui cum de *Francisca* morte nuncium accepisset, ingemuit, & ad Astantes: *en inquit, obiit Educatrix nostra, quæ nos Materno prorsus amore dilexit.* Eo tempore dum in *Aula* versaretur, & ab *Gynæceo* haberetur pro *Matre*, conscientiae Arbitrum nata est clarissimum Societatis *JESU* fidus, *Everhardum Nithardum*, quem postea purpuratis Ecclesiæ Patribus accensum vidimus. Cujus, & prius Reverendi Patris *Joannis Weier* institutione, omnes vitæ suæ rationes ad altissimas Sanctimoniae leges cœpit conformare. Exeunte ex Ephebis *Augustissimo* *Cæsare*, reversa ad liberos suos *Francisca*, curis jam omnibus humanis vacua, DEO unise, ejusque servitio mancipavit, præcipuè *Telczensi Societatis JESU Domicilio* imminens. Quadriennium tenuit *tertiæ hujus Probationis* ædificatio, & liberalissima dotatio, quibus curis perfundam repente *Cæsar Leopoldus* rursus ad *Aulæ* tumultus *Viennam* revocavit. *Supremæ Præfectæ* munus apud *Imperatricem Claudiam Felicitatem* laudatissimè gessit; nec nisi *Reginæ* morte manumissionem potuit impetrare. quâ obtentâ *Telczium suum*, & *Novam domum* Anno 1676. 19. Junij. cupidissimè revolavit. Non licuit tamen diu sancto illo, & dulci pietatis otio frui; sed DEO ad *Aulam Cœlestem* vocante, brevè post, *Dominam*, & *Imperatricem suam* secuta, contracto tenui morbo, quem senectus exasperabat Anno 1676. ætatis 64. expleto, Sacramentis omnibus, quæ tempus illud poscit cōmunita, illud *Simeonis* senis canticum repetens: *Nunc dimittis servum tuum Domine.* placidissimè & felicissimè 22. Septembris mediâ sextâ matutinâ exspiravit. Corpus *Telczium* devedum, vilissimâ *Laicorum Societatis* veste (quod vivens statuerat, & scripto jusserat) indutum, juxta *Conjugis* sui corpus, cum luctu pauperum, in quos maximam eleemosynarum vim effuderat, est conditum. Hactenus vitam *Illustrissimæ* hujus *Matronæ* & vitæ negotia brevi compendio sumus complexi; nunc de virtutibus & Sanctimonia *Franciscæ* paucissima quædam adferemus.

*Virtutes*  
*Franciscæ.*

*Francisca* igitur cum se totam Deo consecrare in *Exercitijs Spiritualibus Sancti Patris Nostri Ignatii* statuisset (ut erat sagacissima) non id solâ oratione,



tionem, & longis precationibus (quanquam etiam in his plurimum praesidij re-  
ponebat) sed in assidua virtutum exercitatione, & maxime earum, quae heroi-  
cae appellantur, collocavit. In adversis & prosperis idem vultus; altissima  
humilitas; summa in DEI voluntate pax animi, & quies; omnium rerum  
humanarum contemptio; perpetuus & constans per annos plurimos vitae te-  
nor; praeparatio animi continua in omnes casus; inimicorum amor; in-  
explebilis perfectionis, & rerum Caelestium sitis, desiderium ardens mortis,  
& beatitudinis aeternae; contestata apud omnes, Ecclesiastici, & Religiosi  
statu, etiam adversus Principes viros defensio; pauperum patrocini-  
um; liberalitas in suppeditandis ad pauperes sumptibus; nullus ad ea, quae mundus  
miratur, & suspicit respectus; odium sui; omnium veneratio; nulla nisi  
precaria dominatio, aliaeque virtutes (quas ob varietatem suis indigitare no-  
minibus difficile est) spectabilem caelo Franciscam faciebant. *Cardinalis*  
*Nithardus* (quantus vir?) qui Franciscam intus optimè nôrat, utpote à sacris  
Confessionibus, cum huius sanctae matronae mortem audisset; non dubita-  
vit scribere, si in Urbe, aut Hispania obisset, *Processum de vita illius futurum*  
*fuisse.* Sanctitatem Francisca non habebat improvidam, nec subventane-  
am; sed providentem, & stabilem. Non enim casui sese subiciebat, sed  
praevidebat omnia, & quid in anima sua ageretur, quotidie annotabat; *Li-*  
*belli propositorum*, & ut ita dicam *praevisionum* sunt in manibus, quibus illa se  
longè ante obarmabat, & animo præcipiebat, quae ad DEI Gloriam à se ge-  
renda in meditatione matutina statuisset: ordo quotidianus vitae hic erat,  
quem verbis ipsismet Franciscæ ex Ephemeridibus, ad imitationem illustri-  
s fortunae Matronarum, exscribo. *Dum me strato proripio* (surgebat hora 4.  
matutinâ) *Sanctâ Cruce frontem munio*, rogans DEUM Patrem, ut dirigat  
omnes meas cogitationes, DEUM Filium, ut regat verba mea, Spiritum San-  
ctum, ut gubernet opera. Tum genuflexione SS. Eucharistiae factâ, obtestor  
misericordiae Matrem, ut me hac die à peccato custodiat, novem osculis terrae im-  
pressis, de genibus precationem S. Francisci Xaverij magni Indiarum Apostoli  
persolvo, cordi nomina sanctissima JESUS, MARIA, JOSEPH, di-  
gito inscribens, recito Psalmos Miserere. Laudate Dominum, & hymnum Te  
DEUM laudamus. veste assumptâ persolvo coronam B. Virginis cum meis pedi-  
sequis, Psalmum 96. precationes ad Angelum meum Custodem, divosque Patronos,  
specialiter huius diei, certisque aspirationibus omnes cogitationes, verba & ope-  
ra DEO offero, meque totam cum potentijs animæ, sensibusque meis Christi vul-  
neribus includo, & illa sacra vulnera, quibus Pater & Ave de genu persolutis  
exosculor. Tum Meditationem aggredior, quam aut domi, aut in templo per-  
ficio. Hâc finitâ quidpiam ex libello Thomae à Kempis lectito, demum B. Vir-  
ginis horas recito. Unum Sacrum audio in honorem quinque vulnerum Christi  
Crucifixi, in illis vulneribus, durante Missâ peregrinantis instar circumeo;

Quotidia-  
na ejus vita



commendans in singulas plagas varios, continentiam meam vidualem, finem vitæ meæ, Religiosorum Ordinem, quem amo, cuius spiritum peto, cupioque ut in me voluntas DEI perficiatur, atque ita Missæ Sacrificium in varias intentiones divido. Si plura Sacra audiendi sit copia, oro sub iisdem Nocturnum unum ex defunctorum officio, horas de sancto Spiritu, de Sancta Cruce, Psalmos pœnitentiales, Litanias de Sancto Ignatio, Sancto Josepho, officium de Sancto Xaverio cum oratiunculis aliquot; rursus coram B. Virginis ordinariam coronam Christi, & coronam de amore DEI. Observandum est hoc loco piam hanc Matronam, totum Matutinum tempus in oratione transigere solitam. Dein frugali mensa refectâ, de rebus cœlestibus, & virtutibus sermones miscbat. Tum manuali aliquo labore, aut sacris munusculis pro puerorum Catechismo concinnandis, sphærule precatorijs in fila inducendis, icunculis aptandis, aut lineis aliquibus telis in pauperum usus præparandis, & consuendis distinebatur. Ab hora 6. pomeridiana cum pedisequis Virginibus, coronam Domine nostræ recitabat. Post cœnam (si cœna vocari mereatur, cum ferè jejunaret, & non nisi in prandio carnibus vesceretur, in cœna ipsa defraudans genium, & affidentes fallens) post cœnam inquam, pius aliquis liber coram ea legebatur; lectionem hanc Conscientiæ Examen sequebatur, tum Meditationis in diem crastinum argumenta, & puncta ipsa sibi Francisca relegerat, ac tandem iisdem precibus, quas mane adhibebat peractis, cubitum concedebat. Hæc erat vitæ quotidianæ ratio, nisi peculiaria Ecclesiæ festa, ut quadragesima, octiduum Corporis Christi, aliæque huiusmodi requirerent, tum enim flagella, cilicia, aliæque corporis vexationes frequentabantur, Orationum tempora augebantur, & in majus crescebant omnia, quæ infinitum foret enumerare. Ter in hebdomada Sanctissimâ Eucharistiâ animum pascebat. Ad quam Cœlestem mensam cœlestibus affectibus animam comparabat, præcipuè Libello Patris Caesaris Francisci, tum alijs, qui cor divino amore inflamant, ut soliloquijs, & meditationibus S. Augustini, quorum lectione, ut etiam Thomæ à Kempis mirificè tenebatur. Vigilans quasi continenter Divinis actibus æstuabat: O! DEUS amor meus! tibi me dono! tibi gratias ago, amo & laudo Creatorem, & omnem Creaturam ad te amandum, & laudandum provoco, amore tui DEUS meus! Lumina quæ ex meditatione, & contemplatione rerum Divinarum hauserat, tum etiam quæ facienda proposuerat, diligenter per annos plurimos annotarat. quæ relegens, & regustans animo insculpebat profundius. Sacrorum Patronorum nomina quot mensibus piâ sortitione inter domesticos dividebat. Domine exempla ut fieri solet, quantum licuit omnis familia sequebatur. Spiritualibus Sancti Patris Nostri Ignatii commentationibus quotannis exercebatur usque ad ultimam ætatem præsentem semper utilitate, animæque solatio. In expectatione Virginei MARIÆ partûs (quæ Novena dicitur) quid proposuerit, egeritque, libellus arcano-

Quædam  
certæ devo-  
tiones.



canorum manu *Franciscæ* conscriptus ostendit his verbis: *Per ferias Natalis Domini revolvam quanto desiderio MARIA & Joseph Sacratissimum Partum expectârint: Colloquia de mysterio Incarnationis instituam; curabo novem Missas legi pro illis animabus, quæ in vita mysterium DE Inati affectu speciali coluerunt. Diebus singulis novem grossos pauperibus elargiar; novem diebus mihi carnibus interdiciam: novem oscula terra infigam; flagris novies, & cilicijs per novem dies corpus affligam; novem victorias de lingua reporta- bo; novem Indusijs & totidem præcinctorijs egenas mulieres amiciam; in Xenodochio, adscitis mendicabulis, novies recitabo Coronam. hæc in eo libello.*

Humilitas.

Jam tam multa de *Franciscæ* virtutibus dicta sunt, tamen adhuc ob multitudi- nem rerum in narrationis principijs stare me puto. Abjectissimè sentiebat de se, neque cogitatione solâ & speculatione mentis, sed re ipsâ, & factis om- nium se vilissimam reputabat: reperta est aliquando in oratione singultiens, totâque lacrymis innatans à *Sacerdote* quo utebatur in sacris. tum illa: O! *Pater inquit: impetra mihi sanguineas lacrymas, ut plangam peccata! indigna sum quam terra sustineat! conspui & calcari pedibus hominum unicum animi mei est votum.* Ex hac demissione, & vili de se, rebûsque suis sensu ortum habuit, quam in moribus, & actibus omnibus adhibebat cautela, ut jam extra omne periculum posita, & tam robustæ virtutis, tamen cùm continen- tiam *DEI* donum esse audisset, quotidie viduitatis votum renovaret, demis- sissimè & ardentè gratiam ejus implendi efflagitans. Eligebat anni prin- cipio *Sanctos* in dies colendos, & quot diebus eorum nomina domi suæ per- legi jubebat in vitæ spiritualis auxilium. *Pauperes* tantum abest averfabatur, ut etiam sæpe ante *DEUM* optaret, sive per injuriam hominum, sive fortunæ casum, rebus omnibus, quas haberet spoliari, ut stipem mendicare cogeretur. quod cùm non fieret, victu, & amictu, totâque vivendi ratione vitam pauperum exprimebat. Hoc paupertatis desiderium utcunque pro- didit *Francisca* in Testamento abs se scripto, ubi hæc verba leguntur: *Ideo Testamentum hoc factum volo, & vi illius fortunas meas omnes post mortem alijs possidendas relinquo, ut ab hoc momento temporis sim è numero pauperum spiri- tu, quibus promissum est Regnum Cælorum. Mendicorum amatrix summa fuit; neque ego in Nobilitate nostra vidisse memini, quæ plura pauperibus daret, aut quæ magis pauperum, & miserorum obsequijs immineret. Vienna in No- socomio leproforum, & incurabilium, visa est cum Illustrissimis filiabus mini- strare, cibosque porrigere. Novæ domi Puerulum Parentibus orbatum, sca- bie ad crustam usquè capitis obsitum, ipsamet curandum suscepit, tam diu- que linteolis madidis suspensâ manu perfricuit, donec purulentum corticem detraheret; tum alteri oblato pretio percurandum comisit. TelcZij clam omnes pauperum Casas obibat, ubique beneficentiæ suæ vestigia relinquens. Medicamenta quàm plurima adversus morbos manu suâ confecta semper*

Paupertatis  
& Pauperû  
amor.



Ejus in Sa-  
cris Funda-  
tiones, & li-  
beralitate.

habebat in promptu, quæ in ægrotos pauperes liberalissimè dispensabat. Preter eleemolynas quotidianas, & ut ità dicam extemporales, statas quasdam habebat, quas in dies, hebdomadas, menses, & annos diviserat. *Singulis mensibus quinque Rhenenses* Sacerdoti nostro, qui domos pauperum obit, numerari jubebat, ut ijs succurreret, qui mendicare ob priorem fortunam erubescunt. Mendicos vestiebat plurimos, & in pauperum usus subuculas manu propriâ consuebat; acciditque non semel, ut cum subucula ad manum non esset, exueret protinus suam, & donaret argentibus. Filius familias ob crimina atrocia damnatus, scelus capite luit: eo ipso die *Francisca* ad *Matrem* domi mœrore tabescentem properavit; solatijs opportunis recreavit miseram; & oblatâ sumâ pecuniæ mitigavit dolorem, insigni Christianæ charitatis exemplo. In his virtutum curistota consumebatur dies; nullus qui Dominæ delicias faceret apparebat *catellus*, nulla *avium* audiebatur Musica, nullæ evagationes ad *hortos* suscipiebantur, aut *domi* suæ, aut in *casis pauperum*, aut in *templis* inveniebatur. Non potest satis explicari magnificentia ejus in *Sacris*, & donarijs, quibus *Ecclesias*, & sacra loca exornare solebat. *Sancti Jacobi Ecclesiam Parochialem Telczensem*, quâ *Domicilium Societatis* utitur, tum alteram Societatis, quam à fundamentis excitârat, tum tertiam *Oporzani Sancti Xaverij* nomine insignem, quantis muneribus, quantis rerum sacrarum pretijs exornârit, tum alias quoque *Ecclesias Novodomenses* quantum auxerit, profectò vix ullus credat, qui in rem præsentem non venerit. Ego sanè qui hæc scribo, quique sacra plurimarum Ecclesiarum suppellectilem curiosè in his vicinis regionibus lustrasse gloriari soleo, nihil vidi magis; præsertim si quis cogitet intra tricenos annos, & à Matronæ unius liberalitate omnia hæc esse profecta. Quod illa *Templum B. Virginis*, quod miraculis, vel Cælestibus gratijs celebrari videbat, indonatum reliquit? *Mons Sanctus*, tum alia per *Bohemiâ*, *Bavariâ*, *Moraviâ*, loca sacra loquantur. *Christi Domini* cruciatibus mirificè tenebatur, præcipuè sangvinem in horto, mortis expectatione & horrore profusum, meditando, liquefcere videbatur: huic rei in aliquot Ecclesijs *devotionem Agonia*, ut vocant, cui Symphoniaci pueri accinerent Feriâ V. & VI. per annum, perpetuis censibus stabilivit. *Telczj* dimidio milliari à civitate, exstructo eleganti Sacello, ad id viam columnatam deduxit, Columnis singulos Christi dolores referentibus, edito etiam libello, piisque precibus, & cantibus, qui à columna ad columnam recitarentur, ac terminarentur, & varietate populo *Telczensi* placerent. Id Christi doloribus recolendis svavissimè quiescebat, cum quodam, ut sic loquar cruciatu voluptatis, *DEI Matris Mariæ*, ac *Sancti Francisci Xaverij Indiarum Apostoli* amore, & veneratione quodammodo æstuabat. hujus effigiem quocunque iret, aut veheretur, devehebat, ejusq; ope invocatâ plurimis est erepta periculis; de *Matre DEI* quàm tenera sunt illa,



illa, quæ in testamento leguntur: *Prolibus meis dilectissimis lego amorem, & timorem DEI, veram pietatem, & fiduciam in Reginam Cæli, ut omnes illas in tremendo judicio DEO meo Creatori ipsarum representare possim, quod unicuique materni mei cordis desiderium semper fuit.* Jam si *Foundationum Sacrarum* titulos percensere velim, quem tandem narratio mea finem inveniet? *Telczensis Domus* fundatio, & à fundamentis exstructio, tantâ hilaritate, ut ita dicam, virtutis confecta est, ut se hujus facti memoriâ usque ad ipsam mortem solaretur. In traditione hujus Domûs coram *Eminentissimo Archiepiscopo Pragensi*, Excellentissimis, Illustrissimis, & Reverendissimis stans in limine generosâ facundiâ protestata est: à nemine persuasam, aut inductam se esse, *DEI* unius instinctu, motuque proprio libere hoc fundationis opus cœpisse, & absolvisse. Summo id sibi solatio, ac pro certo prædestinationis Divinæ signo ducere, nihilque se aliud in hoc opere, quàm puram *DEI* Gloriam, & animarum salutem quasisse. Tum altiori voce, protestor inquit, coram Cælo & terra, nihil à me in fundationem hanc impensum ex injustè partis! Nihil ex obligatione restitutionis cujuspiam, sed ex meo legitimo patrimonio, tum alijs proventibus, quæ omnia absque ullius injuria servis Christi donavi, ut me communis Dominus in partem hereditatis suæ cælestis admittat. Conjiciant Lectores ex his pauculis sententijs Matronæ hujus cautissimam prudentiam, cum heroica magnanimitate conjunctam. Silentio præteriri non potest *Contubernium Juvenum* ab ea fundatum, quibus ædes proprias attribuit, & summam *quindecim millium florenorum* liberaliter assignavit, ut in templi choro laudes Divinas suis temporibus decantarent. ut *Sanctissima Eucharistia* decenter ad ægrotantes deferretur statuit, ut Sacerdos baldachino, ut vocant, seu tholo mobili integatur, ephebis quatuor linteatis faces ferentibus, & hymnum: *Pange lingua.* per intervalla canentibus, ministris quibusdam Ecclesiæ comitantibus, & campanâ sonante; & hæc omnia centibus perpetuis stabilita *Novadomi* & *Telczij* sumâ populi pietate peraguntur. De *Agonia Christi* fundatione jam antè dixi. Pro *Puellis pauperibus* dotandis memorabilis est fundatio: singulis annis *quinque eliguntur puellæ*, quæ cùm annos Connubiales attigerint, centum florenos in dotem accipiunt, interea dum adolescant, singulis census, ex centum florenis quotannis numeratur. Eleemosynæ perpetuæ fundatio sumam habet duorum millium, ex quibus census annuus pauperibus erogatur. Moriens *Francisca Sodalitates* quas semper ornaverant, *quaternas Novadomi, binas Telczij*, singulas 100. Imperialibus pio legato honoravit, quæ omnes defunctæ Dominæ jussu funebria gratanter persolverunt. In quo etiam funere illud statuerat ultimâ voluntate, ut pauperibus, quotquot aessent funebribus (quorum fuit vis ingens) quarta floreni pars daretur in manum. Atque hic ego narrationi finem impono, plura quæ scribi possent admiranda, sapientius filebuntur. Fuit *Francisca*

statu-



Constitu-  
tio Corpo-  
ris.

staturâ, ut in foeminis, mediocri, oculis ob continuam DEI memoriam ferè semper demissis; summâ gravitate, sinè affectatione tamen procedens, viduali habitu, capitis cultum maximè negligens; vultu, in tristi aliàs ætate renidente, & quandâ affabilitatem spirante, ut paratam ad benefaciendum esse facilè appareret; manus, aut coronâ B. Virginis, aut libello sustinendo occupabantur; denique ipse exterior habitus corporis, & maxima lingvæ paritas, Majestatem quandam interioris gratiæ præferebat.

# TIT. LXX.

## R. D. Joannes Hoffman Vicarius ad Ecclesiam Metropolitanam Pragensem.

1678.

A. 1682.

**J**Am præsens Liber, ut cum Poëta loquar, ad *umbilicum* à Typotheta perductus erat, cum interiore quodam instinctu, *Illustrissimus & Reverendissimus DD. Joannes Dlauhovvesky Episcopus Milevitanus, Ecclesiæ Metropolitanae Pragensis Præpositus*, datis ad me literis ex S. Monte (ad quem Peregrinos Pragenses, ipse Peregrinus deduxerat) admonet, nè dum claros & spectatos sanctimoniâ Viros in opere præsentem numero, *Joannem Hoffman* præteream, *Vicarium in Metropolitana Ecclesiâ* toti Urbi notissimum, qui Annis octo & triginta, & quatuor Mensibus insuper, per dius & pernox in *Ecclesiæ illius Sanctæ* obsequijs steterit, nullo unquam, ut ita dicam, absentia admissio hiatu; fuisse in hoc Venerabili Sene multas antiquorum & Piorum hominum virtutes; reliquisse exempla, quæ Posteris non modò imitari possint, sed etiam admirari. Itaque ut morem gererem justa & pia monenti, statim arreptâ pennâ scriptoriâ, quasi uno ejus volatu, rem omnem confeci. Videbam R. D. *Joannem Hoffman* ab annis permultis, quoties illi opus esset, *Urbem Pragæ* obire, eâ modestiâ & verecundiâ oculorum, sed grillatorio, & nonnihil concitato gradu properantem, ut cum DEO & coram illo ambulare, & invitum in publico versari facilè intelligerem. Manicâtâ & talari simplici & rectâ tunicâ cum Cingulo, pallio superinjecto, quod tenuem Clericum deceret, procedebat; nihil erat in vestibus variatum, pulchra omnia; pileus pendebat in faciem; pallio brachia cohibebantur; Caput Viri ætate extremâ (observavi) recalvum, sed vultus nunquam in diversa mutatus, nonnihil tamen erat horridior, & ad quandam duritiem asperatus; idem intrepidus, sed quem facilè placari posse sperares; denique DEO suo propitio inhærens, vultu satis monstrabat, meliora esse, quæ latèrent in pectore.

1598.

Natus erat *Joannes Hoffman* in *Bohemia Neüdorfj Lobkovicio- rum* ditioe, Anno superioris sæculi 98. Catholici Parentes & timentes DEUM, ad omnem Virtutem, & Pietatem monitis & exemplis *Filium* instruxere, ut in ea jam ætatula *Joannes* in orando DEO summam voluptatem repone-

ret,



ret, atque bene, & ex virtutis Legibus agere, primum, pulcerrimum, & dignissimum esse putaret. Tam lætas & certas pietatis significationes cum *Illustriissima Lobkoviciana*, cujus glebæ, ut dixeram, adscripti erant *Foannis Parentes*, in puero sagaciter notasset, author Parentibus magnopere fuit, ut ad literarum studia *Pragam* mitteretur; eadem Matrona non parcè subsidia subministrabat, quibus ille continuos aliquot annos in scholis exegit; commendatione dein *Magistorum*, in *Contubernium S. Bartholomæi Pragæ* receptus, diu & *Philosophos*, & *Theologos* audivit eâ fælicitate, ut *Philosophiæ Magister* primum, postmodum etiam *Theologiæ Baccalaureus* (rarum adhuc eâ tempestate doctrinæ honestamentum) publico Universitatis præconio crearetur. negant istud postremum de honoribus *Theologicis* nonnulli; ut ut sit, *Foannes* primum *Ecclesiasticæ vitæ Tirocinium* in *Sacellani* munere posuit, mox *Parochiam* in loco dicto *Henrichsgrün* in *Cubitenſi Provincia* laudatissimè administravit; ibi eum versantem, & jam antè in studijs notum, nunc etiam famâ innocentis vitæ commendatum, *Pragam* evocant *Simon Brosius* (postea *Suffraganeus Episcopus*, & *Archiepiscopus Trapezuntinus*) & *Gasper Arsenius Metropolitana Ecclesiæ Decanus* (duo *Pragensis Diocesis lumina*) & *Vicarium* sibi constituunt; quo in Munere constantiâ Christianæ humilitatis, & quotidianæ circa *Sepulchra Sanctorum Bohemiæ Patronorum*, & *Indigetum* pietatis consuetudine, tantopere inescari se passus est *Foannes*, ut nunquam, nè *Attaliciſ* quidem ut ajunt, *conditionibus propositis*, *Officium*, aut locum mutare, aut altiore gradum, quem obsequio tam diuturno merebatur, expetere dignaretur. ipse velut *Romæ Sanctus Servulus*, per annos amplius 38. in *Officio Vicarij* exequendis, quæ sui muneris essent, penè ad pertinaciam quandam Virtutis intentus, sumâ religione obibat omnia, eratque unus instar multorum. Accidit, ut *Foanni nostro* quidam *Canonicatus* licèt non pingvissimus, talis tamen, qualem alij cupidè ambirent, offerretur: hic ille quantum honores & titulos averfaretur, ostendit: nam repentè convasatis rebus omnibus suis, & in peram coniectis, arreptoque scipione profugit, neque rediturus erat ad *Vicarij munus*, nisi accepisset promissum, nunquam quenquam amplius sibi in ea dignitate obtrudenda molestum fore; ita jam securus ad obsequium Ecclesiæ revertit. Scilicet inhonorari se honore credebatur *Vir optimus*, & quem adversa non poterant, *Tituli honorum* è statione depulissent. Adversorum mentio revocat in memoriam temporum calamitates, injurias, oblocutiones, aliâque hujusmodi fortissimè tolerata; copiosam patiendi materiam præbuere bella, quæ tot annis *Bohemiâ* lacerbabant; ab æqualibus quoque suis (præsertim ante senectam, nondum acquisitâ autoritate Virtutis) exagitatus & irrisus frequenter, Spartano silentio concoquebat durissima, & contrâ reponebat nihil. Inerat *Viro*, ut innue-  
ram antea, & in vultu, & in verbis, & in moribus agrestis quædam (DEO,  
Ecc quam



quàm hominibus gravior) simplicitas, ut nihil, vel parum doctrinæ, parum etiam humanæ prudentiæ, parum Civilitatis primo aspectu & affatu (licet in recessu, & congressu longiore, sùavis, & jucundus) præferret; ex eo fiebat, ut opportunior injuriæ foret, & ex ejus tristi supercilio irrisores alienarum actionum (quorum hodie facilis est annona) vexando meliorem se, risum capterent. Congruet huic simplicitati, *vestis plerumque detrita*, neque semper bene aptata corpori, ut persæpe ignoti, præsertim puerilis ætas in Plateis, *Judaum* esse suspicarentur, & vociferarentur: ergo petulantes pueri non semel poma putrida, pyra, olera, lutum in transeuntem certatim jactare, ignominiosè vocibus semifractis, balbis, & blæsis appellare, per pallium more *Caniculorum* trahere. non aliud tum erat *Foanni perfugium*, quàm ad locum, ubi poma, & fructus vendebantur, confugere; ibi pueris illis insolentibus, crustula, & fructus emebat, dividebátque sùaviter renidens, & se non *Judaum*, sed *Sacerdotem* pacatè & leniter affirmans, petulantiam in venerationem, & manuum oscula comutabat. Narrabo in hanc rem aliud nobile *Exemplum*, quod ab *Illustrissimo, & sacro Viro* accepi, in quo quid magis, an patientiam, an humilitatem, ac facilitatem in dimittendis injurijs admirer? non possum statuere: Invitatus erat ad prandium à Viro Amico Cive Pragensi *Foannes*; descendit ab Arce senex præfinito tempore, sed *Domini* detentus negotijs nondum domum redierat; *Foannes* domum ingreditur hospitem opperiens; mulier ancilla *Judaum* ingressum esse rata clamorem tollit, *Judaum ad furandum venisse*, adfunt famuli, *Foannem* aggrediuntur, multis verborum, & concussionum injurijs vexatum domo exturbant. Sedit ante domum *Foannes* quasi nihil passus summo silentio, dum *Civis* qui invitârat, adveniret, qui hospitem suum cum significatione honoris inductum, mensâ instructâ primo in loco adhibuit. Ibi tum Familiæ primùm error patuit: re signis quibusdam proditâ *Foanne* silente, timentibus iracundiam Domini famulis, *Foannes* factum excusavit, & veniam exoravit. Hanc simplicitatem *Ioannis* (de qua modò) comitabatur, vera & iusta verborum libertas: quod gestabat cor, lingua, cùm loquendum esset, efferebat in publicum: sine discrimine, si quid ante se fieret, reprehendebat, ipsos etiam Magnates in Ecclesia admonebat officij. Hujus seriae & sanctæ synceritatis laudatores etiam hæreticos fuisse meminimus: *Arce Pragensi* A. 1649. captâ hostes *Sveci* (præsertim Militares Præfecti) colloquijs ejus & simplici agendi ratione capti complectebantur hominem, & ad mensam, illo non recusante, vocabant. Fortè contigit, ut apud *Militiæ Svecicæ supremum Ducem Königsmarkium* *Ioannes* pranderet; accumbebat unâ, quem vocant, *Superintendens* hæreticorum; is Cœlibatum Catholicorum Sacerdotum multis irridens, tam doctè & aptè ab *Ioanne* nostro retusus est, tot exemplis & tam clavis *Sacrarum literarum* sententijs obrutus, ut obmutescere

coge-



cogeretur, plaudente ipso *Duce Königsmarckio*, cæterisque Convivis (ut sunt hominum ingenia victos plerumque irridentium) in cachinnos maximos in re tam inexpectata resolutis. Ad conciliandos DEO & Ecclesiæ hæreticos, & peccatores ad pœnitentiam revocandos, mirâ pollebat vi, bonûmque eorum numerum fuisse testantur plurimi. Res quam nunc memorabo, antiqui moris est, quæ si vel primis Christianorum sæculis facta foret, laudationem mereretur: Fur in *Cubiculum Ioannis* clam ingressus, rebus circumlustratis, tandem in aliquem pecuniæ numerum incidit, quam in saccum suum injicere cœperat; supervenit *Joannes*, & *hominem* in calido flagitio deprehendit: negare non poterat furtum, qui alienam pecuniam manu teneret; sed sumâ rerum inopiâ eò se consilij adductum esse causabatur, & veniam poscebat. Tum *Joannes* (nè quid alienum moribus suis faceret) graviter prius verbis castigato, alterum tantum pecuniæ quantum jam furto sublegerat, donavit, & abire jussit. Liberalissimus erat in egentes, sed clam omnes hoc misericordiæ genus peragebatur: dividebat æquâ portione cum *Pauperibus* quæ sacris in Ecclesia laboribus emerebatur stipendia; ex prandio & demenso suo studiosos literarum pauperes alebat, & complures his auxilijs ad Sacros Ordines ascenderunt. Diei magnam partem ut munus ferebat, in Ecclesia transigebat: horâ tertiâ matutinâ surgebat ante alios, & cœlestibus ac æternis meditandis, profundâ animi & corporis reverentiâ, & contentione affectuum vacabat; singulas actiones suas quotidie in separatis chartulis annotabat, ut vel minùs rectè facta die crastini corrigeret, vel non satis ad ungvem virtutis expolita ad perfectum adduceret. Chartæ ejusmodi *Ratio- num Cœlestium*, sæpius ab *Joanne* amissæ & ab alijs inventę multum ad exemplum aliorum valuerunt, licet quidam vitâ dissimiles ridere magis, quàm imitari voluerint. Cùm in *Vicarij Munere* antiquissimus esset omnium, & ex merito in ædibus *Vicariorum* jus eligendæ habitationis, quam vellet, haberet, incommodissimum semper, & altissimum eligebat cubiculum, in quo sub ipso tecto hieme semper algeret, æstate propemodum torreretur. Causam rogatus, respondit: *corpus nostrum nunquam molliter in hac misera vita, sed more Sanctorum duriter esse tractandum.* Ultimis vitæ Annis Prophetiæ donum contulisse *Viro* videbatur DELIS: mira, & quæ tum fieri non posse judicabantur, pluribus prædixit, quæ tamen evenerunt: uni diem ipsam quâ moriturus esset, nominavit; Alteri *tribus annis prius, cùm nihil ejusmodi nè per somnium quidem appareret, disertè asseruit: Ecclesiæ quandam dignitatem consecuturum.* Inter hæc paulatim vitæ vigor, & calor destituebat, simulque ætatis annus octogesimus appetebat; igitur in senectutis morbo, cùm ob asperrimam hiemem ad Amicum hominem sub Arcis Regiæ scalis jam ægrotus recepisset sese, paucis diebus confectus, optimè ad mortem comparatus Anno 1678. in festo *Conceptionis B.V. Mariæ* vitâ excessit.



# INDEX.

Observatum est à plurimis ipso illo temporis momento, quo mori contigit, *Cameram* ejus sub tecto, in qua tum neminem habitare constabat, tanto lumine circumfusam apparuisse, ut miraculo spectantibus esset. Vox una omnium, Procerum, Cleri, Nobilitatis ac Populi fuit: *Sacerdotem Sanctum*, qualent vix sæculis Ecclesia Metropolitana inter Ministros habuerit, obiisse. Utinam Viro huic optimo aut natura apertior, aut humilitas audacior contigisset, aut Amici curiosius vitam ejus introspexisissent, non parum multa profectò mira, & rara in præconium scribi potuissent. Hæc tamen, quæ etiam sic allata sunt, maximâ authoritate nituntur: quippe, ut jam prædixi, datis ad me literis An. 1682. 29. Aprilis ex Sancto Monte *Illustrissimus & Reverendissimus DD. Episcopus Milevitanus, Suffraganeus Pragensis, & Metropolitana Ecclesia Præpositus* narrationem suam hisce verbis, & manu suâ firmavit: *hæc quæ habui de hoc Viro (Joanne Hoffman) in fide Sacerdotali communico.*



# INDEX

## ALPHABETICUS.

Virorum opinione sanctitatis apud nos illustrium;  
quorum hac II. Parte vita & gesta sumariè referuntur.

### A.

*Abrahamus* Abbas Gradicensis Ord. Præmonst. Tit. XXII.

*Adalbertus* Baufek S. J. Tit. XLVI.

*Adalbertus* Scholasticus Eccl. Prag. Tit. XLV.

*Adamus* Kravarsky S. J. Tit. LXVII.

*Adleta* Ord. Cisterc. Tit. XXIII.

*Agnes* filia Regis. Tit. XXIII.

*Albertus* Chanovsky S. J. Tit. LVIII.

*Andreas* Metfeh S. J. Tit. LXI.

*Asticus* seu *Anastafius* Abbas Ord. S. Benedicti. ejusque Fratres. Tit. XI.

*Auleregienses* Ord. Cisterc. Tit. XXVIII.

### B.

*Barnabas* Ord. Min. strict. Obser. Tit. XLIII.

*Benedictus* de Waldstein Epif. Caminensis. Tit. XLII.

*Beness* de Bliziva Eremita, Tit. XLIV.

*Bernardus* Oppel S. J. Tit. LXII.

*Bohumilus* Abbas Ord. S. Benedicti cum 27.

Sacerdotibus sui Ordinis, Tit. VII.

*Boleslaus* II. Bohemæ Dux Tit. VIII.

### C.

*Carolus* IV. Imp. & Boh. Rex. Tit. XXXV.

*Catharina* Comitissa de Montfort. Tit. LVI.

### D.

*Dambrovka* Ducissa Boh. & Polon. Tit. IX.

*Ditmarus* Epif. Prag. Ord. S. Benedicti Tit. II.

*Dominicus* Ruzola Carmelita disc. Tit. LIV.

### E.

*Elisabeth* Abbatissa Ord. S. Benedicti Tit. X.

*Elisabeth* Regina Mater Caroli IV. Tit. XXX.

*Esther* Boffani Vidua, Tit. LXVIII.

### F.

*Felicianus* Laicus Ord. Min. strict. Obser. Tit. XLIII. Fer-



# I N D E X.

*Ferdinandus* II. Imp. Boh. Rex. Tit. LVII.  
*Francisca* Slavatina de Meggau Vid. Tit. LXIX.  
*Fridericus* Huñecken S. J. T. LIX.

## G.

*Gezo* I. Abbas Strahoviensis Ord. Præmonstrat.  
 Tit. XIX.

## H.

*Hedvigis* Ssvihovia Regiæ stirpis. Tit. XX.  
*Hedvigis* Ord. Cisterc. Tit. XXII.  
*Helicardus* Epif. Prag. Ord. S. Bened. Tit. IV.  
*Hemma* vel *Hemildis* Ducissa Boh. Tit. XII.  
*Henricus* Abbas Ord. Cisterc. Tit. XXIX.  
*Hirzo* Epif. Prag. Ord. S. Bened. Tit. V.

## I.

*Jacobus* Geranus S. J. Tit. LV.  
*Jaromirius* seu *Gebhardus* Epif. Prag. Tit. XIV.  
*Joannes* I. II. III. Epif. Prag. Tit. XXXVI.  
*Joannes* IV. Episc. Prag. Tit. XXXII.  
*Joannes* II. Archiep. Prag. Tit. XXXVII.  
*Joannes* III. Archiep. Prag. Tit. XXXIX.  
*Joannes* IV. Archiep. Prag. Tit. LII.  
*Joannes* Hoffman Vicar. Eccl. Prag. Tit. LXX.  
*Joannes* Militius Archidi. Prag. Tit. XXXIV.  
*Joannes* Nerovius S. J. Tit. LXVI.  
*Joannes* Papauslek Litom. Præposit. Tit. XL.  
*Joannetus* Suffr. Archiep. Prag. Tit. XXXVIII.  
*Jodocus* Laic. Ord. Min. stri& Obf. Tit. XLIII.  
*Judith* Filia Regis. Tit. XIV.

## L.

*Ladislavus* Boh. & Ungar. Rex. Tit. XLI.  
*Laurentius* à Brundusio Capuc. Tit. XLVIII.  
*Ludmilla* filia Regis Boh. Tit. XVI.

## M.

*Marcus* Præposit. Prag. Tit. XV.  
*Margarita* Monialis S. Claræ Tit. XXXIII.  
*Maria* Maximil. ab Hohenzollern. Tit. LXIII.  
*Martinus* Strakoniczky Paroch. Tit. XLVII.  
*Martinus* Stredonius S. J. Tit. LX.  
*Meinhardus* Episc. Prag. Tit. XVII.

## N.

*Nankerus* Wratislav. Epif. Tit. XXXI.  
*Nicolaus* Lancicius S. J. Tit. LXV.

## O.

*Ovida* Regina Ord. S. Claræ Tit. XXVII.

## P.

*Paulus* Keicha primus in Boh. Sacerd. Tit. I.  
*Petrus* Torrentinus S. J. Tit. LI.

## R.

*Robertus* Ep. Olomuc. ex Ord. Cister. T. XXI.

## S.

*Sabina* Virgo ex illustrissima stirpe Wratislavia-  
 na. Tit. L.  
*Slavnik & Strzezlava* S. Adalberti Parentes  
 Tit. VI.  
*Sobieslaus* I. Bohemiæ Dux. Tit. XVIII.  
*Sophia* Abbatisa Ord. Cisterc. Tit. XX.  
*Spitihneus* Bohemiæ Dux. Tit. XIII.

## T.


*Theadagus* Epif. Prag. Ord. S. Bened. Tit. III.

## V.

*Vitus* Decanus Prag. Tit. XXV.  
*Ursula* de Lobkovicz. Tit. L.

## W.

*Wenceslaus* VI. Bohemiæ Rex Tit. XXVI.  
*Wenceslaus* Pillar S. J. Tit. LIII.  
*Wenceslaus* Ssvihovsky S. J. Tit. XLIX.  
*Wenceslaus* Sternberg. Tit. L.  
*Wilhelmus* Slavata Comes, Tit. LXIV.  
*Wladislavus* Marchio Moraviæ. Tit. XXXI.  
*Wladislavus* Archiep. Salisburg. Tit. XXIV.



## E R R A T A.

Fol. 30. lin. 20. Regem. corrige: Rex.  
 Fol. 75. lin. 36. in animo. cor: in anno.  
 F. 76. lin. 33. Blemenfis. cor. Blesensis.  
 F. 80. lin. 29. Bohemiæ. cor. Bohemia.  
 F. 87. lin. 18. exerat. cor. exuerat.  
 F. 93. lin. 12. in eo. cor. in ea.  
 F. 98. lin. 9. premus. cor. Primus.  
 F. 107. lin. 21. Equestris. cor. Equestri:  
 F. 134. lin. 2. & eum. cor. & cum.  
 F. 169. lin. 36. iustu. cor: iusta.

Cætera errata si magna fuerint, suâ se magni-  
 tudine prodent; si parva, faciliè condonabuntur;  
 sed nulla erunt (neque magna, neque parva) si  
 benignus Lector agnoverit & ignoverit.







*Duorum Nomina de quibus controversitur.*

**B. Georgius Moraviæ Comes, & Famianus  
Marzan Eremita.**

**S**unt nonnulli, atque eos inter historiæ patriæ scientissimus ætate nostrâ, qui *B. Georgium Moraviæ Comitem, Marchionem* appellant, eumque in *Moravia Bohemiæ Provincia* natum, in ejus gentis honorem affirmant; quid ego sentiam, brevissimè indicabo, cum priùs historiâ brevissimè adduxero. *Stengelius Abbas Anhusanus* in Augustana sua historia, narrat: *B. Georgium Moraviæ Comitem* vale omnibus honoribus dicto, fugisse, & tectum habitu Monastico in ordine *S. Benedicti* latentem, sanctissimè vixisse; *Margaritam Ducem Bavariæ* ejus *Georgij* operâ ad sacras Confelsiones usam, cui ille uni conditionem natalium suorum (secreto nulli proferendo) prodiderit; post *Georgij* mortem An. C. 1303. *Margaretam* ejus genus aperuisse. *Scriptor* antè citatus eadem omnia habet, sed Annum mortis ponit 1457. & sinè omni controversia *Moraviæ* nostræ *Marchionem* fuisse contendit. *Theophilus Raynaudus* laudatissimus *Scriptor*, *Georgio* quidem *Beati* titulum apponit, at non *Marchionem*, sed *Comitem Moraviæ* dicit, qui spreto Principatu in *Montem Cassinum* convolârit; ibi cum se ignotum putaret, famâ vulgante deprehensum, literis filiorum ad Principatum administrandum revocatum, non acquievisse, sed literas, ut erant clausæ, abjecisse in *Caminum*, & constantissimè se, qui erat, negasse; demum quòd videret se in pretio haberi *Cassini*, clam fugientem *Augustam Vindelicorum* petijisse. Ex his narrationibus collatis credibile est: *B. Georgium ad Moraviam nostrâ* nihil omnino pertinere; quomodo enim rem tantâ Historiæ siluissent? & amissum saltèm *Marchionem* indicassent, à filiis quæsitum? deinde vitas, & nomina, & mortes *Marchionum* omnium tam in historia, quàm in *Genealogijs* narratas habemus, *Georgium* neminem usquam reperimus. Annus ipse confirmat, quod dicimus. Suspectus mihi etiam semper fuit, quem *Raynaudus* ulurpat vox *Comitis*; ex quibus probatissimum existimo: hunc *B. Georgium* ex *Moravia Scotia Comitatu*, non ex *Moraviæ Marchionatu* prodijisse; nihilo tamen minus totam hanc disputationem meam *Lectoris* sagaci judicio arbitrandam relinquo. His scriptis in quasdam chartulas *Crugery* incidi, ubi quod antè asseruerat, retractat, aitque *Georgium non Moraviæ* universæ *Marchionem* fuisse, sed *Oppaviensis Ducis* filium, quod, quàm facilè asseritur, tam promptè negatur, cum *Genealogia Oppaviæ Ducum* versentur in manibus, ac nusquam *Georgium* legamus, aut alium ex Ducibus, cui superiora convenient.

*Th. Raynaudus T. VIII. in S. Georg:*

De





## De Faviano, vel Famiano Marzan.

**V**ir in paucis historiae peritus ætate nostrâ in Syllabo quodam Divorum à se scripto, *Favianum Marzan* collocavit, qui *Novodomi Bohemiae* Urbe in Ecclesia *S. Joannis* tumultus sit è regione Cathedrae Concionalis, ideo tumulo insculptum Virum, *Eremitæ habitu* hodièque apparere in saxo; habitasse in silvis ad *S. Margaritam*, duobus ab ea Urbe miliaribus, cujus vestigia impressa saxi supersint; mortuum in illa silva *Favianum*, omnium Templorum campanas sponte motas deploravisse. Ego Traditionem vetustam oppugnare nolum, sed Lectori sanctè affirmo: nulli me pepercisse diligentia, ut fundum veritatis, certumque aliquid attingerem, & exploratum haberem: præter illas paucorum hominum narratiunculas, inveni nihil. illud autem de saxo, & tumulo prorsus fabulosum esse comperio: purgato omni diligentia tumulo apparuit quidem *Eremitæ* persona saxo incisa, cum galea, & tænijs, ut in Clypeis militaribus pingi solet, sed literæ in saxo statim, quis ille fuerit, prodiderunt: *Anno Domini 144* (deest unus numerus reliquus, qui extritus antiquitate legi non potest) *Feria - post festum S. Ambrosij obiit famosus Vir Uroch de Zosieczan hic sepultus, orate pro eo.* Notandum I. illud de *Zosieczan*, hætenus ob characterum ignorantiam alios ante me legisse: de *Marzan*; sed certissimum est, ut dixi, *Zosieczan* scriptum esse. II. pro indubitato habere oportet, *Equitum de Oseczan, seu Zosieczan* Familiam, tulisse in clypeo Militari *Eremitam* baculo suo armatum, cum cæteris insignibus Eremitarum, adeoque ex *Eremita* illo nihil confici posse; expressit hunc *Eremitæ* Clypeum *Papocius* agens de familia *Hoddiegoviorû*, & nè quis dubitare possit, extant in *Archivo Collegij Novodomensis Soc. IESU* literæ *D. Henrici de Novadomo* lupremi Camerarij Regni *Bohemiæ* A. 1486. die Lunæ in festo *S. Augustini* datæ, quibus velut testis subscribit *Joannes de Oseczan*, in cujus sigillo idem ille *Eremita* clarissimè expressus est; adeoque ex sepulchro adducta cadit autoritas. Alioquin de *Famiano* (an hoc, an alio? non disputo) *Iani Nicij* hæc narratio est: apud *Galesinos* privatim, & publicè mira est Religio *Divi Famiani Eremitæ*, quem ajunt ex *Polonia* usque profectum venisse *Galesium*, ibique diem obijisse supremum; sed multa statim prodigia ejusdem in cælo recepti felicitatem declarasse. hæc *Nicius*. Vide nomen, & quædam alia gemina. Ego rem totam in medio relinquo.

P. Cr.

Paproc. in  
Stemmato-  
gr. Bohem.

Janus Nici  
us in Exem.  
Virtut. Ex:  
139.







# LECTORI MEO

## S A L V E R E.



Non sum tam cæcus rerum mearum æstimator, ut existimem, Lucubrationes meas numeris omnibus absolutas esse; **BONUS DORMITAT HOMERUS.** *Homo sum,* & quod apud Terentium sequitur. *Duo igitur Lectores* meos rogo: *Primum,* ut si qua in re minùs ijs ad quos attinet, feci satis, aut lapsus sum, fidenter admoneant: corrigetur, omittetur, addetur. *Alterum,* mirabitur quispiam, paucos Viros pios & Sanctimoniâ claros, ex tam varijs Religiosorû Ordinibus in hac *secunda Libri IV. Parte* adduci. Sciant igitur me propè omnes Religiosos Ordines adijsse, orâsse, supplicâsse, ut si quem habuissent ejusmodi Virum, apud eos vitæ & morum Sanctimoniâ illustrem indicarent; præter quos hîc posui, nullum impetrare potuisse; suo igitur silentio omissionē meam imputent. Quod superest humillimè rogo (idque iteratò) suggerant in posterum, quos habent; neglectum nihil est: erit ijs quos omisimus, in alia *Tractatione de Cænobijs* suis (octavo abhinc libro, si **DEUS** vitam prorogârit) isq; opportunissimus locus.

A. M. D. G. B. V. M A R I Æ  
E T  
SS. OO. HONOREM.





# CORONIS,

Continens Indiculū eorum è Societate JESU Patrum, & Fratrum, qui in Bohemia, Moravia, Silesia sese victimas charitatis DEO, & Patriæ præbuerunt; atque ut proximos peste contactos Sacramentis Coelestibus procurarent, vitam suam exposuerunt, huic charitati imōrientes.

## CAPUT I.

Septem primæ charitatis victimæ in Provincia Bohemiæ Societ: JESU.

**N**olim hoc loco disputare, an qui contagionis tempore ex charitate proximi, vitam morti obijciunt suam, eoque in periculo *animam ponunt pro fratribus*, premium *Martyrii* mereantur; consulantur ij, qui de *Martyrio* per pestem scripserunt; apud me magnam auctoritatem *Martyrologium Romanum* continet, quod etsi unius potissimum *Cesaris Cardinalis Baronij* operâ correctum, & auctum prodierit, ac proinde ex privati hominis sensu conscriptū videatur, tamen postea à Pontificibus approbatum, *Romæ* excusum, toto orbe vulgatum, & receptum, in Ecclesijs penè omnibus inter *Sacra Officia* legi solitum, meritò jam tantam auctoritatem ex consensu omnium acquisivit, ut tutò satis ex eo conficiatur, aut similem *Martyrio* hanc *charitatem* proximi censendam esse, aut proximè ad *Martyriū* accedere. In eo igitur *Romano Martyrologio* ad ultimam Februarij hæc leguntur: *Alexandria commemoratio Sanctorum Presbyterorum, Diaconorum, & aliorum plurimorum, qui tempore Valeriani Imperatoris, cum Pestis sevißsima grassaretur, morbo laborantibus ministrantes, libentissimè mortem oppetière, quos VELUT MARTYRES religiosa Piorum fides venerari consuevit.*

Servire Pestiferis & ex eo obsequi: mori propè ad Martyrium accedit.

In Notis ad hunc locum *Baronius* adducit *S. Dionysii Episcopi Alexandrini* Epistolæ fragmentum ad *Hieracem*, sed apud *Eusebium* histor: lib. 7. C. 16. & 17. plura leguntur: *quàm plurimi* (verba *S. Dionysij* recito) *è fratribus nostris adeò immenso quodam charitatis, & fraternæ benevolentiae ardore erant inflammati, ut minimè suæ parcentes vitæ, sed ipsi inter se sibi firmè adherentes, eos qui morbo opprimebantur, nullâ sui curâ, aut cautione adhibitâ, sedulò inviserent,*

fff

serent,



serent, illis inservirent assidue, pro viribus ob amorem Christi curarent, unà cum illis decederent è vita lubentissimè contagione aliorum infecti. Verbum illud, quod vulgò semper dicitur, nimirum ut singuli pro amicis abeant de vita, seque eorum causâ (ut ità dicam) rejectamentum efficiant, re ipsâ expleverunt. Ex Fratribus igitur qui erant virtute præstantissimi in hunc modum mortem oppetiverunt, quorum nonnulli erant Presbyteri, alij Diaconi, quidam è Populo virtutis ergò multum laudati, adeò ut istud mortis genus, quod propter incredibilem pietatem, & robustam fidem suscipiebatur, nihil à Martyrij splendore abesse videretur. Hactenus verba S. Dionysij; quam sententiam plurimis Sanctorum Ecclesie Patrum testimonijs illustrat Reynaudus noster, & propè invictis argumentis propugnat. Utut sit, tantum tamen tam heroica virtus mereatur, ut viris famæ Sanctimoniâ illustribus tractatione jungi possit à nobis, quod quidem brevissimè, & per Indicem faciemus, nè nostra, nimium odiosè fortasse, legentibus obtrudamus.

1. Primi in hac Societatis Provincia Bruna in obsequio pestiferorum An.  
P. Leonar: 1584. extincti sunt: P. Leonardus Corcelius Collegij Minister, vir opinione  
Corcelius. Sanctitatis apud Collegas suos celebratus, flagrantissimâ in DEUM, & pro-  
1584. ximum charitate (qui jam ante duos menses de hac morte nuncium cœlitus  
Annue Bru datum acceperat) confessione noxarum omnium peractâ, intentis in cœlum  
menses S.I. oculis orando extinctus. Hunc secutus est P. Ambrosius (cognomen nus-  
P. Ambros: quam invenio) gente Bohemus, utrâque lingvâ Bohemicâ, & Germanicâ, ut  
res poscebat, concionem habere Bruna solitus, geminæ cum Leonardo virtu-  
tis. Tertius Ernestus Prockvitz Silesius nobilissimi generis, cujus scilicet  
3. Ernestus Pater Legationem ad Imperatorem Turcarum olim obierat: ipsemet Erne-  
Prockvitz. stus inter Rudolphi Cesaris honorarios pueros nuper census, majori Imperatori,  
& Regum Regi DEO in Societate servire præoptavit; hic adhuc recens ad-  
moveri Concionibus cœptus, lucra vel in hac ætate animarum querebat, ubi  
mortem optatissimam invenit. Alios undecim nominare possumus Bruna  
hâc eadem contagione interemtis, sed nimirum tres isti soli, dum operam,  
& obsequia peste afflatis, & morientibus impendunt, morti, & quæ mortem  
vincit, charitati in victimas cesserunt.

4. Anno 1599. P. Stanislaus Wocescovius gente Polonus ad diem VIII. Se-  
Stanislaus ptembris Praga dum ministerio peste laborantium charitate cœlesti occupa-  
Wocescovius. tus indefessâ constantiâ insudat, & ipse concidit; ejus virtutes, uti & focij ejus  
1599. Luca Roll Laici, patriâ Almantani, Collegij nostri Praga Fanitoris 6. Octobr:  
5. eadem contagione à Patre Stanislao, cui servierat, contractâ, extincti, annue  
ejus Collegij literæ deprædicant.

Duos hoc loco subijciam, qui non pro salute gentilium suorum, sed a-  
pud alienos (quamquam Christi charitas, quæ complectitur omnes, nullum  
alienum existimat) dum Pestilentia correptis Vienna deserviunt, in obsequio  
pesti-



*Victima Charitatis in Prov. Boh. S. J. C. II.*

pestiferorum perierunt, uterque tamen noster est: *Novem*, inquit (verba an-  
numero *Philippi Alegambe*) fuere socij, quos exitialis suâ contagione teterrima  
*Vienna pestis funestavit. Sed duo gloriosâ morte, dum se proximis laboranti-*  
*bus impendunt, defuncti sunt. prior ad diem quartumdecimum Septembris.* vi  
delicet *P. Paulus Christinus*, patriâ *Olomucensis*, annos natus duodequingua-  
ginta, emeritis in varijs laboribus, muniisque Societatis uno, & tricenis sti-  
pendijs, abinde viginti annis in Spiritualium Adjutorum ordinem descriptus.  
Vir ob innatum animi candorem, & simplicitatem ingenij nulli non accep-  
tus. Submissione, suique contentu insignis, & de quo verè posset illud A-  
postoli prædicari, *mundum*, atque ipsum Sibi fuisse *invicem crucifixos.* Di-  
vinæ proferendæ gloriæ studiosissimus, & in ea causâ quorumcunque labo-  
rum patientiâ admirabili. In proximos flagrantia charitatis eximia; quo-  
rum etiam studio vitam profudit. Nam recrudescente sub finem Julij pe-  
ste, à Sociorum comunione sejunctus, eorum, quos pestis afflârat (id quod  
anno quoque superiore jam fecerat) curam suscepit; quam dum sollicitè ur-  
get agitare, eadem & ipse illigatus, è vita discessit. Morti jam proximus, in  
Christi JESU de Cruce pendentis Imagine contemplanda totus hærebat. Ex-  
terni, qui adfuere morienti, aiebant attoniti, nunquam se quenquam morta-  
lium adeò piè, religiosèque de vitæ statione demigrantem vidisse. Succes-  
sit illi primùm in opere, tum Calendis Octobribus etiam in mercede

*Aleg: in Vi-*  
*ctimis Cha-*  
*rit. ad 1606.*

6.  
1606.  
P. Paulus  
Christinus.

*P. Stephanus Kelbelius*, gente *Bohemus*, oriundus *Budvicio*, annos na-  
tus tres & triginta, exactis in Societate quindenis, quem pernicialis morbus  
ab ægris collectus triduo transcripsit immortalitati. Cùm ad extrema venis-  
set, usuram vitæ sibi tam brevem dari, neque re ullâ præclare dum gestâ jam  
rude donari dolere visus est. Naturæ jamjam concessurus: *Hem*, inquie-  
bat, *juveni tibi, vix dum labores aliquos in hac militia experto abundum est!*  
Sic ille nimirum de se submisit, deque suis laboribus sentiebat, qui tamen ne-  
que adeò exigui, neque tralatitij fuere. Nam præter alia, quæ gessit munia,  
*Mathematicam* eo in Collegio Scholam aliquot annos explicuit, *duasque B.*  
*Virginis Sodalitates* summa cum laude virtutis instituit, & jam confessionum  
excipiendarum munus impositum tanto animi ardore susceperat, ut se totum  
illi probè, officiosèq; obeundo, & Divino propagando honori impenderet.

7.  
P. Stephan:  
Kelbelius.

CAPUT II.

Novæ Victimæ Charitatis in Provincia Bohemiæ  
Societ: JESU.

**P**ater *Marcus Antonius Soldanus Italus Pragæ in Bohemia*, animandis,  
curandis omni ope, ac ultro, citroque visendis ægrotis pestiferis ino-  
pibus eò usquè defudavit, dum & ipse pestilenti iactu stelo, denique

8.  
P. M. Ant.  
Soldanus.  
1613.



meritorum plenus occumberet. Labores continui, senilis ætas, vigiliæ nocturnæ maturum jam percipiendis cælestibus præmijs operarium Societatis strenuum præmisere, ut speramus ad immortalia gaudia. Ætatis annum egit 60. in *Societate* vixit 39. multæ vir eximixque charitatis, cibi adeo immemor, ut non raro excitandus ad esum ab affidente fuerit. Verè *Pater pauperum* citra invidiam dictus, in quos sublimi quâdam excelluit misericordiâ, nî legibus Religionis fuisset coercitus, sua etiam dedisset egenis indumenta omnia, & denique quidquid apud se reperisset, quod ad ipsorum juvandam faceret inopiam. Omnis denique generis pauperes ad illum, tanquam ad parentem eorum, & supremum habuere refugium. Auctor fuit *Nosocomij*, quod *Italicum* appellatur, augendi & dilatandi coemtis ædibus, & spatio ampliore. Summâ adhibitâ curâ, & studio in conquirendis eam in rem elemosynis, ut quàm plures commodè ibi infirmi, & inopes alerentur, quod etiam jam magno & ædificationis, & charitatis, ac misericordiæ fructu fieri cum tota *Pragâ* videmus, & gratulamur. Multis annis concionando præfuit *Italarum Sodalitati*, *Sacellum*, quod *Italicum* dicunt, eleganter olim instructum, ut indies elegantius, ornatiùsque fieret, enitebatur. magnum certè toti *Congregationi*, cæterisque omnibus reliquit sui desiderium. Et quoniam quatuor callebat lingvas, *Italicam*, *Bohemicam*, *Germanicam*, *Latinam*, plures jam ante annos destinatus fuerat à Moderatoribus adjuvandis ægrotis peste laborantibus. Tres jam ex intervallo omnino superaverat contagiones intactus, hancce propius quartam evasisset, nî occultiore ipsum vi fefellisset lues incautum, dum eam remittere multum arbitraretur. Curaverat Poenitentia Sacramento jam penè innumeros, & sacrâ simul Synaxi refecerat, plures etiam oleo sacro inunxerat, sed secutus tandem & ipse eos, quos tantâ charitate sibi quasi prodromos præmiserat, obiit felicem mortem omnibus communis Sacramentis, 9. Calend. Decemb. qui dies Collegij Patrono fuit sacer *Divo Clementi*. *Clementem* eâ luce haud dubiè sibi habuit *Dominum*, qui sese in pauperes, dum viveret, ostendit clementem. Perjucundâ, augustâque servum suum DEUS paulò ante obitum visione recreavit; vidit delapsus ille cœlitus ad se *B. P. Ignatium*, & *B. P. Franciscum Xaverium*, plurimosque è nostris alios Divinâ luce præfulgentes. Tum pectus mirâ saliens lætitiâ, primò inclamat: deinde assistentem *Fratrem*, ut intendat oculos, monet: postremò ait: *Non vides conclave hoc refertum Sanctis Nostris Patribus? Divas circumstantes? mihique propitios cœlites non animadvertis?* Hæc ille jam eorum contubernium prælibans quorum eternâ mox erat Societate fruiturus.

9.  
1615.  
P. Dominicus  
Valesius.

*P. Dominicus Valesius Italus Foroiuliensis*, annos natus 34. è quibus 16. Societati dederat, postquam *Nissa Silesiorum* excellenti charitate, admirabili fortitudine, & Xaveriano prorsus zelo, tam spiritualibus, quàm corporalibus neces-



necessitatibus lue pestiferâ infectorum subvenisset, & ferme totum illum miserabilium hominum numerum è luto hæreticæ fæcis simul extraxisset, exactâ demum ea missione, morbo correptus, & viribus sensim deficientibus egregiè ad mortem comparatus, Sacramentisque omnibus Ecclesiæ munitus, præsentibus & pium ejus exitum non modico virtutum ejus sensu spectantibus Socijs, virtutum meritis, & animarum lucris divitem animam suam Deo Conditori suo in manus reddidit *Crumlovij in Bohemia* Anno partæ salutis 1615. Feriâ tertiâ Pentecostes sub horam octavam vespertinam. Quàm primùm de morte illius rumor in Collegia delatus est, religioni sibi duxerunt *Nostri*, qui eum noverant, mortuale Sacrificium pro ejus anima peragere, aut precibus piatorijs ipsi suffragari, quem Viri Societatis nostræ gravissimi, ac Religiosissimi constanter *Hominem Sanctum* appellârunt. Extant Virtutum ejus exempla candidè conscripta per 37. omnino Capita, quæ, ubi DEO Sanctum suum glorificare placuerit, publicam lucem visura speramus. Hæc ex *Annuis Provincia Bohemiæ* descripsi; at olim ipsa, quæ hîc laudatur, de virtutibus ejus narratio bene longa, mihi venit in manum, offerente ipso ejus Authore *R. P. Daniele Kirchner*, ex quo *P. Philippus Alegambe in Victimis Charitatis* profecit, eamque pauculis additis, vel mutatis, descripsit; admiranda omnino sunt, quæ de *P. Dominico* adferuntur, dignaque essent hoc loco recitari, nisi semel statuta brevitatis prohiberet: mihi illud mirum semper est visum: quòd, cum plerumque ijs, quos *DEUS* ad summam in Religioso statu virtutum absolutionem elevaturus est, jam inde ab initio ætatis Religiosæ amorem Sanctimonix injiciat, *Dominicus* noster ipso octennio nihil ultra communem sortem eximium præferens, tepidèque nonnihil, ac remissè vivens, tum primùm tanto pòst intervallo inardescere cœperit, cum lectione super mensam de Sanctorum exemplis incitatus, duplici deinde viso Divino, *B. Aloysij cum D. Catharina Senensi*, tum *DEI Matris cum Pueri JESU* omnes moras, & remoras Sanctitatis abruperit, totùmque se Divinis rebus, & heroicis prorsus virtutibus sectandis toto pectore consecrârit; res est lectu dignissima apud *Alegambe* nostrum, quem obvium Scriptorem Lector inspicat.

Ad Annum 1619. Viennæ 16. Novembris *P. Andreas Wunder Silesius Freivvaldensis* sublatu est lue pestiferâ, quam ab ijs, quorum saluti serviebat, contraxit; Virum impigræ, & alacris charitatis fuisse, Manuscripta Archivi nostri testantur; quem etsi extra Provincias nostras defunctum, quia tamen ortu noster fuit, hîc nominavi.

10.  
P. Andreas  
Wunder Si-  
les: Viennæ  
Annu. Coll.  
Vien. S. J.

Annus 1623. complura vidit in *Bohemia* funera charitatis: *Olomutij* duo, Sacerdos, & Laicus, qui se proximorum saluti devoverant, succubuere:

1623.

*P. Joannes Kaplerus Novoforensis ex Silesia* Anno 1572. 1. Novembris natus, auditâ extra Societatem Philosophiâ (cujus *Magisterium* adeptus est)

11.  
P. Joannes  
Kaplerus.



& Theologiâ, jam *Parochus Tirolinum Brunense* Anno 1607. 18. Aprilis ingressus est, plurima Societatis ministeria semper laudatissimè percurrere, peste *Olomucij* sæviente (quæ inito numero septem hominum millia absumsit) primus obsequium hoc difficile, & arduum à Majoribus petijt, impetravitq; eo maximè argumento adversus *Competitores* usus, quòd jam olim *Parochus Urbicis* Sacerdos sese huic objicere discrimini vellet: Vir erat *Kaplerus* ingenij facillimi, ad omnia Superiorum imperia mobilis, idem comis, & benignus, multumque ob has virtutes à Socijs amatus ad 16. Augusti generali institutâ Confessione, alijsq; Sacramentis comparatus decessit ætatis An. 50. sextodecimo Societatis.

12.  
Adamus  
Grotzman.

Patrem *Joannem* ad diem 3. Augusti præcesserat, qui Patri Comes ad ægrotos peste correptos ibat, *Adamus Grotzman Bohemus Pragensis* natus 1569. Societatem inijt 1590. 12. Junij, pistor opificio, omnia officia *Adjutorum* tractare doctus, cum laude obivit; quatuor in eo Laicorum nostrorum Virtutes in Annalibus commendantur: *obedientia promptissima, benignitas in omnes cum serviendi studio, silentij Religiosi observantia, denique otij fuga*: semper ille, cum imposita peregrisset munia, orabat; domum fortè præteriens, suum esse putabat, mundare *Collegium*, sarmenta colligere, ligna secare, aliâque mediastinorum officia perficere; munitus à P. *Kaplero* Sacramentis extremis omnibus, pestilentiaâ ictus occubuit.

13.  
Joannes  
Höltzelius.

Eodem Anno, & in eodem charitatis ministerio *Brunæ* vitam posuit *Joannes Höltzelius Austriacus Medlingensis*, Vir eximie in ægrotos, & carcere detentos charitatis, decem diebus cum peste prima, tandem & alterâ, & tertia luctatus, ab ultima superatus, in cœlum, ut bene speramus, migrationem fecit.

14.  
P. Nicolaus  
Muzik.

Idem Annus P. *Nicolaum Muzik Silesium Czochoviensem* in missione *Crumloviensi* apud *Moravos* versantem, seque in pestiferorum obsequio morti offerentem abstulit; callebat non modo *Bohemicam maternam*, sed etiam *Germanicam Linguam* utcunque, adeò ut duorum Sacerdotum labores unus ipse sustinere posset. Vir fuit magno spiritu, animarumque zelo præditus; non rarò animæ unius lucrandaâ causâ ad vesperam usquè jejunos, iter bene longum pedes conficiebat. *Fratribus Novitijs* in missione ad mensam serviebat, lecto, alijsque comoditatibus, ut illis comòdè esset, seipsum privans; humi libro, loco cervicalis supposito, somnum capiebat. Pauperum egregius Patronus semper fuit, nullâ eorum necessitates sublevandi occasione prætermisâ: puritatis verò illius Angelicæ, quam S. P. N. exigit, singularis amator, vel hoc solo argumento, quòd in manifesta etiam necessitate, & ægritudine, nec minimam corporis partem nudam vel videri, vel tangi permittere voluerit, & si casu factum, erubuit valde, rogato socio, nè

id



id ampliùs accideret. Patientiæ quàm præclara documenta, æger præsertim dederit, quis explicet? vim morbi, & dolores nunc cantillando piè, nunc orando, nunc Martyrium *B. Martyris* nostri *Joannis Ogilbai*, patientiæ discendæ gratiâ sibi legi curando, levare solitus. Ad *Martyrium* ipse pro Christo tolerandum, ingenti desiderio anhelans, de nulla re magis dolebat, quàm quòd ægritudine impeditus, hominum salutem promovere non posset. Hæc porrò, & his similia Religiosæ disciplinæ exempla optimus quoque vitæ finis excepit. Nam ad ultimam luctam jam properans identidem repetebat: *O bone JESU! sic sic fiat, quod tu vis!* & quamvis triduò ante obitum in peregrinatione *Weinisliziensi* ad *D. Virginem* sacrâ Exomologesi animum expiâset, cujus rei causâ potissimùm peregrinationem eam suscepit, ejus tamen copiam sibi inextremo illo puncto assistenti, fieri magnopere cupiebat, quam cum habere non posset, nec intra Collegij septa in nostrorum corona emori, à *Novitijs Bruna* habitantibus salutationem Angelicam semel pro se recitari, & à DEO, nè in lecto se mori permetteret, obnixè petijt, simulque quanto potuit impetu lecto exiliens flexis humi genibus, oculisque in *B. V. Matris Imaginem* fortissimè defixis, in manibus nostri Novitij, animam DEO reddidit, Anno ætatis 41. Societatis 15. corpus verò à vicinis Parochis in *Templo Parochiali Crumlovij Moravorum* ante sumam Aram honorificè terræ mandatum est.

Lues pestilens, quæ *Moraviam* anno superiore gravissimè afflixit, ad annum sequentem 1624. usque producta, impigrum Societatis operarium *P. Joannem Scutellanium* in *Moravia Ostravia* ortum, exturbavit è vita. *Hra-nicium* ad hæreticorum nidum ab *Episcopo Olomucensi Cardinale Francisco à Dietrichstein* loci Domino missus erat, ubi postquam biennio toto strenuè defudâset, plurimòsque ad Ecclesiam exjunxisset, illatâ in eam urbem populari lue, Parochi munia moribundis adhibenda ultro suscepit, neque sui recordans periculi, dum nulli operæ parcit, ægros in lectulis ut comòdè jacerent, elevat, cibos porrigit, miscet pocula, nimirum virus hausit, triduòque confectus est, priusquam è proximo aut *Sacerdos*, aut *Medicus* posset acciri, sed sua illi charitas pro omni mortis apparatu fuit. Humatus est in eo Templo, unde nuper *Ministellum* exegerat, ibique ante aram maximam solenni novorum Catholicorum supplicatione depositus. Receptus erat in Societatem An. 1601. *Latine, Polonice, Bohemice, Germanice* cum res posceret, dicebat ad populum, *Gracè* etiam loquebatur; multa ab eo, si vixisset, omnes qui nôrant hominem, sperabant.

1624.

15.

P. Joannes  
Scutellanus





CAPUT III.

Anni 1625. mortes obsequio charitatis impensæ usque ad Annum 1634.

1625.  
16.  
P. Joannes  
Faber.  
Ex An. Coll.  
Prag.

**P**ater Joannes Faber Eisfeldiacus, annorum 43. in Societate 19. Formatus Coadjutor Spiritualis ab annis tribus; in Scholis Grammatices diu versatus, & Ministri officio aliàs perfunctus, subregentem agebat Praga in Alumnorum convictu, cum lues Domum occupavit: è quo periculo cum se eximere voluntate Superiorum potuisset, maluit solatio, auxiliòq; esse Patri Regenti in illa consternatione, quem etiam prævertit moriendo 21. Julij An: 1625. vitam Religiosam insigni charitatis officio obsignans.

17.  
Ex An. Coll.  
Coll. Prag.  
Christoph.  
Neumer.

Mense evoluto 29. Augusti itidem Praga, pestiferâ ætate, Christophorus Neumer Bavarus adjutor temporalis, dum se proximis ægris impendit, lue correptus, & aliquantisper luctatus, tandem prosternitur ætatis anno 59. Religionis 34. Assiduus erat Comes Patribus, qui carceres, qui nosocomia bono animarum lucro invisunt, Crucem in reorum supplicijs præferre solitus. Quo tempore seditiosa hæresis Societatem è Bohemia proscripserat, Christophorus Romam delatus integritate morum, & sanctâ simplicitate omnibus admirationi fuit.

18.  
P. Joannes  
Janus.

Tertium hujus anni funus in eodem Pestiferorum obsequio elatum est Crumlovij in Bohemia P. Joannis Jani Lusati Copusienensis, qui cum præter Latinam, Vendicam, Germanicam, & Bohemicam linguam calleret, facile à Majoribus impetravit, ut ejus ante alios ratio haberetur, eique ardua hæc demandaretur provincia. Primis statim noctibus posteaquam à Sociorum consuetudine in illud obsequium segregatus est, visus est multâ nocte in area Collegij inambulare brachijs modò protensis, modò in Crucem expansis, vel pectori admotis, ductis ex imo corde suspirijs, vultu in Cælum erecto, DEO sese viventem hostiam devovere, factumque est, quod Vir fortis optârat. Mortuum jussu Rectoris noctis silentio sepeliri; Senatus Urbis rem subodoratus accurrit universus, & vespillonibus amotis, supposituere humeros, alij funeralibus præluxere, Clero comitante, symphoniâ adhibitâ, quasi parenti publico, parentârunt. Magnum hunc Virum fuisse, munia quæ cum laude gessit, ostendunt, Minister Collegij, Missionarius, Monitor Rectoris annis pluribus, Confessarius nostrorum, Magistri Novitiorum Socius annis quinque, Ecclesiastes diu fuisse scribitur, ut vel ob hæc merita ad tam beatam sortem à DEO lectus videatur.

A. 1630.  
19.  
Bernardus  
Rott.

Annus 1630. fonticus, & lethalis ipsi Brunensi Societatis Domui fuit: nescio quo sidere afflati Tirones nostri linguebant dulces animas ardentissimis febribus, quas perezziales appellant, correpti; plurimi extincti, quorum nomi-



*Victima Charitatis in Prov. Boh. S. J. Cap. III.*

nomina referre nihil ad titulum facit; at eum, qui ingenti in omnes charitate ægrotos procurabat Laicus *Bernardus Rott Bavarus Monacensis*, & in eo obsequio pestilentia afflatus, obiit, crediderim commune cum prioribus, quorum adhuc recito nomina, præmium meruisse, licet extra domum in Civibus ejus sese charitas non extenderit, sed in *Fratres*: Jam semel è morbo surrexerat, sed iterum valens iisdem *Fratrum* obsequijs ut addiceretur, precibus infimis impetravit, ac denuo malo ictus, succubuit.

Annum 1633. in *Bohemia Provincia* plurima funera nobilitarunt eorum, qui sese in obsequio peste morientium consecraverant: *Glacium, Nissa, Glogovia* aræ quædam certaminis, & spectaculi fuere: *Glacii* quinque in obsequio illo, de quo loquimur, extincti, Sacerdotes tres, socij Patrum duo: 1633.

*P. Martinus Döring Prutenus Gutstadiensis*, in Societatem ab annis undeviginti receptus acerrimus adversus hæreticos disputator; priusquam in aranam descenderet, Exercitijs *S. P. N. Ignatii*, ac deinde peregrinatione ad *Diam Wartensem* præmissâ, confirmavit animum. succubuit malo 25. Augusti; antecessit Patrem morte, quem habuerat socium *Martinus Vogt Silesius Grotkoviensis* altero anno, & vicesimo ætatis, tertio Societatis Anno. 20. P. Martinus Döring. 21. Martinus Vogt.

His demortuis statim suffecti duo *P. Melchior Preiner Olomucensis Moravus* ætatis anno quinquagesimo quarto, Societatis tricesimo quarto, in eaque anno 1620. quatuor vota professus. Socius *Erhardus Zirk Alsata* annorum undetriginta; ille quartâ Septembris, iste septimâ ejusdem Mensis sublati. 22. P. Melchior Preiner. 23. Erhardus Zirk.

Successit *P. Andreas Eberle Budvicensis Bohemus*, annos natus 25. duodeviginti in Societate versatus, 14. Septembris consumtus. ac finè dubio novæ victimæ ex *Collogio Glacensi* succedaneæ prodijissent, nisi Divino beneficio pestilentia abijisset. 24. P. Andreas Eberle.

Hoc eodem Anno in Urbe *Glogovia Majore P. Davidem Seiffert Leowallensem Silesium*, cum peste afflatis operam impendit, immortuum charitati invenio. triginta novem vitæ annos, Religionis decimum nonum expleverat. 25. 1633. P. David Seiffert.

Sed *Nissæ Episcopali Urbe* frequentissimâ Peste regnante, clariora quædam edita sunt virtutum exempla, trium illustrium virorum mortibus consignata:

Primus *P. Stephanus Fodor Pragensis Bohemus*; reliqua ex Annuis illius Collegij excribam: Fuit is pro infectorum Confessionibus excipiendis (ipse met officium hoc sibi deferri à Superioribus enixissimè expetijt) expositus; quod sanè munus tantâ diligentia, sedulitate, & charitate exegit, ut non immeritò maximum sui à morte desiderium continuis laudum encomijs honoratum apud *Nissenses* reliquerit. Non satis fuit Viro optimo ad ægros

26. P. Stephanus Fodor.



vocatum venire, nisi & amore salutis eorundem, ab alijs desertos suâ sponte foris in campis decumbentes inquireret, & officia charitatis non spiritualia tantum, sed etiam corporalia, eos, qui ipsorum curam haberent, conquirendo, & cibum, potumque subministrando impenderet. Neque correptus jam peste, & decumbens, ab his officijs charitatis liber esse voluit, sed in ipsa ægritudine ægros alios ad se, confessionis causâ venientes, admisit, absolutosque spirituali consolatione resectos à se dimisit. Et hæc quidem ipsi amorem magnum apud *Nissenses* conciliârunt, sed alia cum majore laude etiam majorem: Intellexerat in quibusdam domibus infectos tam graviter decumbere, ut superesset nemo, qui domûs sibi januam aperire posset; vetus ergo *P. Dominici Valesij* (cujus memoria hîc in benedictione est, & qui ante 19. circiter annos *Nissæ*, antequam adhuc *Societas* sedem fixam haberet, peste laborantibus inservijt) exemplum imitatus, scalis ad fenestram admotis, domos est ingressus, & decumbentes in viam æternitatis Sacramentali expiatione, ut procederent securi, ritè direxit, illo solo discrimine, quòd *P. Dominicus hæreticum* decumbentem, & obstinatè domum, nè *Jesuita* intraret, obferantem, per fenestram ad sanitatem mentis inducere voluerit; *Stephanus* verò volentibus, & non volentibus *Medicum Spiritualem* admittete per fenestram pluribus cœli portam aperuerit. Illud porrò *P. Stephani* est singulare: excipiebat sapius ex una parte fluminis, infecti cujuspiam *Confessionem*, dum ipsi nunciaretur, alios ex alia parte absque expiatione agere animam, expedito ergo priore, ut adhuc adesset tempori, & nè interea moribundi, dum per pontem circumiret, expirarent, vestem longam modestè succinctus, fluvium sapius transvadavit, hominésque medicamento salutis, ut æternum fani essent, adjuvit. Plura haud dubiè ejusmodi zeli adhibuit exempla, sed quòd socij omnes ipsius ministerij, mortui, hæc ipsa cum ipsidem sepulta, in vitæ libro conscripta patebunt sempiternum, sicut & illa, quæ in *Ungaricis Missionibus*, in quibus annis aliquot laudabiliter laboravit; siquidem dum semel isthic graviter ægrotaret, publica pro ipso supplicatio fuit indicta. Mortuus est 28. Septemb: anni 1633. cum ante visitationem ægrotorum generali Exomologesi pro expectato beatitudinis itinere se ipsum optimè disposuisset.

27.  
P. Daniel  
Menichius.

Alter itidem *Nissæ* rebus humanis exemptus *P. Daniel Menichius Nissensis Silesius*, annorum duodequadraginta, ex quibus tredecim in *Societate* laudatissimè peregerat. Hic cum se è Collegio conferret ad *Domum*, in qua ad obsequium pestilentium erat cõmoraturus, tetro conspectu jacentium in compitis ægrorum, quos pestilentia deformârat, averfante naturâ sic cohortuit, ut quamvis sese quantâcunque ipse virtute comprimeret, statim virus combiberit, quo paucis diebus est extinctus (30. Octobris) haud expers ejus gloriæ, quam ultro contemtis omnibus periculis, quæsivit.

Ter-



Tertius obiit *P. Gedeon Judex Saxo Burgensis* diligentissimus in curandis ejusmodi ægrotis; devotissimus *Immaculatæ Conceptioni* asserendæ, ut in eam rem quàm plurimā se moliturum *DEI Parenti* promiserit, quod ejus *votum* in eo libello legitur, in quo suarum meditationum pia desideria annotabat.

28.  
P. Gedeon  
Judex.

#### CAPUT IV.

### Annus 1634. tum sequentes aliquot anni Victimis Charitatis insignes.

**G**Ravi, & frequenti pestilentia per hos continuos annos laborabat Germania, nec Bohemia sua funera defuerunt. *Praga An. 1634. P. Joannes Antaly Ungarus Gajariensis*, ætatis suæ anno quinquagesimo primo ineunte 25. Novembris in obsequio peste infectorum decessit. Singularem animi demissionem & verbis semper declaravit, & factis; salutis animarum cupidissimus fuit, eaque in re fælix habebatur; quâ de causa majorem vitæ in *Societate* actæ partem (in qua septem, & viginti explevit annos) in *Missionibus Apostolicis* traduxit. Quo tempore *Pragam Pestilentia* invasit, precibus primùm sæpius iteratis, deinde etiam provolutus in genua à Superiore impetravit, sibi ut eam Provinciam ægros sacris procurandi imponeret, impositam strenuè gessit, dum denique dejiceretur; Sacramentis communitus, quod sibi non defore *patrocinio DEI Matris, & S. Barbara*, quarum amore tenebatur maximè, pridem obventurum prædixerat, neque suâ spe frustratus est.

1634.  
29.  
P. Joannes  
Antali.

Hoc itidem anno, sed *Commotovij* elatus est *Thomas Heim* *Bavarus Straubingensis*, annos natus 26. ex quibus quinque in *Societate* domestica munia procurando exegit. Hic ille est *Thomas*, qui tertio abhinc anno 1631. cum socio fratre ad tutelam *Collegij Commotoviensis* relictus, captâ urbe *Pragensi* ab hæreticis comprehensus, ter per ludibrium totâ Urbe circumductus, tridui inediâ cruciatus, contumelijs, & convitijs, insuper & verberibus concisus, stetit lætus, & alacer; tandem abire quò vellet, jussus, in exilium alienissimo tempore pedes summo cum periculo per hostes medios discessit. Post paulò redux, subducere sese hostibus coactus est. Anno superiore rursus nostris *Collegio* digressis *Thomas* ultimus *Collegio* excessit, primus revertit, omnesque hostium in *Collegium* insultus quantum licuit moratus, quæsitus sæpius, mutatis latebris, nunc infernè, nunc supernè oberrans, quæsitores fefellit, DEO tutante servatus indemnis. Hoc demum anno, dum *P. Jacobo Hack* peste morienti sedulò inservit, contracto eodem malo, decimo quarto ab obitu *Patris* die, sacris munitus, piè placidèque vitâ excessit.

30.  
Thomas  
Heimb.  
Annus Col:  
Commotov:



Ad Annum 1638. veniamus, quinque victimis charitatis, idque Praga in Regni luce cadentibus, consignatum; placet ordinem temporum sequi:

1638.  
31.  
Melchior  
Hoffman.

Primus *Melchior Hoffman Silesius* Coadjutor, trigesimo ætatis, decimo Societatis anno in *Professorum Domo Praga* extinctus. Patri *Georgio Aquitano* (qui se obsequio pestiferorum addixerat) jam ægotanti serviebat *Melchior*, sed brevi venenum hausit, & intra horas non plures, quàm quadraginta malo victus occubuit Sacramentis rite comparatus ad mortem, 14. Septembris. Fuit Vir ad omnem probitatem, & morum Religiosorum elegantiam formatus; somni parcissimus, otij maximus osor, orationis, & laboris studiosissimus, veras alias viri virtutes *Annales* nostri commemorant.

32.  
Mathæus  
Schmid.

Hunc secutus est *Mathæus Schmid* in *Marchia Brandenburgica* natus, *Melchiori* ætate, & in *Societate* annorum numero suppar; comitabatur *P. Aquitanum* ad ægros, post verò cum & *Pater*, & *Melchior* jam pestilentia iæti jacerent, utrique obsequium diligenter impendit, sed eadem lue correptus, Sacramentis Ecclesiæ expiatus, 22. Octobris ad charitatis præmia evolavit, vir, & animo, & naturæ facilitate paratus ad omnia.

33.  
P. Jacobus  
Drabetius.

Duos deinde Sacerdotes abstulit una dies, & funere merfit acerbo; *P. Jacobus Drabetius* Patriâ *Novodomensis in Bohemia* in eadem *Professorum Domo Praga* 2. Novembris vivere desijt; ætatis quadragenos, septenos denos in *Societate* versatus, ex quibus plerosque dicendo ad populum transegit. Erat præstanti eloquentiâ, meminique eum, & à Nostis, & ab Externis *Bohemiae Tullium* consensu appellatum. Ob eam causam cum à Nostis tumulto clam corpus illatum esset, Auditores ejus in æde *Parochiali S. Wenceslai*, contempto mortis metu, irruere, eumque publicis Exequijs, & mœstâ comploratione luxerunt. Magno vir animo jam ante annos tredecim pestiferis fervierat, sed tum periculum evaserat. Nuper, cum hostes hæretici *Gitzinium*, ubi *P. Drabetius* pro *Curione* sacra curabat, occupassent, aliique fugâ salutem altâ nocte quassissent, *Pater* cum socio latebris tectus, remansit; at sequenti die, cum hostium furor, & prima rabies nonnihil remisisset, inventus, eductusque est, & *Equum* jussus conscendere, quo duram ad servitutem veheretur. Tum *Pater* præsentianimo: *Equidem reor, à vobis me minimè abductum iri, quando baptizandis infantibus ego Parochi partes hîc ago.* Ea causa hæreticis justa, & legitima visa est. sic ille tum quidem relictus est. Cæterum ab illustri Viro, cui dabat operam, malum contraxit, quod ubi sensit, generali se exomologesi, aliisque Ecclesiæ præsidijs instruxit, & inter pios cantus, ac cœlitum hymnos, extremum spiritum triumphabundus edidit.

34.  
P. Wolfgangus  
Silvanus.

Eodem die, eademque in domo abiit à vita *P. Wolfgangus Silvanus Bohemus Tinhorssoviensis*: ex quinquaginta quatuor annis vitæ, dedicarat *Societati* annos 36. omnibus panè ministerijs exercitatus: nam præter septem annos



annos *Missionibus* fructuosè impensos, in quibus plurima animarum millia Ecclesiæ restituit, *Rectorem* egerat, & *Ministram*, & *Concionatorem*, & jam universis *Provinciae* negotijs procurandis præerat impigrè, & strenuè, erat enim tractandarum rerum admodum peritus, cujus solertiæ fama fecit, ut ei nuper *Ferdinandus III.* Cæsar, controversam causam cõmitteret inter *suam Majestatem*, & *Religionis cujusdam Prælatum* componendam. Neque verò segnem morbus, neque timidum mors deprehendit. Obibat tum munus *Ministri Domûs*, quæ ei occasio fuit tum domesticis omnibus, tum maximè ægris, charitatis officia exhibendi, quod dum gnaviter sanè facit, ægrimoniam ipse quoque ab ægris hausit, pronuntiataque in se mortis sententiâ, arrepto *Crucifixo*, hoc, inquit, *munitus clypeo, cum animæ meæ hostibus dimicabo*; atque inde uno, alterove die superstes, non minùs fortiter quàm dixerat, vivere desijt.

Tertium funus eadem Professorum Domus extulit ad 2. Decembris P. *Georgium Aquitanum Silesium Cozensem*, vixit annos quadraginta octo, in *Societate* undetriginta, Vir Xaverianæ virtutis, atque ardoris æmulator; omnia Societatis munia secundâ approbatione obivit: dederat ille jam pridem *Glogoviae pestiferis* operâ, sed in hæc tempora servatus, ut ab ægris lue contrahatâ, simul calculi, colicisq; doloribus magis probaretur coronis plurib<sup>9</sup> dignus. *hæreticos*, & *Judeos* maximè sibi propositos habebat, illos ut protraheret in lucem, & Ecclesiæ redderet; *Judeos*, ut ab eorum fraudibus, & artibus Christianos vindicaret, usus utrobique *Magistratum* autoritate, apud quos, uti & apud *Regni Proceres* valebat plurimum, qui ei certatim in pauperes distribuendam pecuniam offerebant. Per *Silesiam*, & *Moraviam* multas Evangelicas expeditiones olim susceperat sæliciter, etsi ab hæreticis, qui tunc prævalebant, ejus capiti multiplices struerentur insidiæ. Et quanquam erat ille nonnihil durioris ingenij, charitas tamen ità naturæ impetus cohibebat, ut ab his etiam robur acciperet. Sed paucis hisce ante mortem annis ità naturam horridiorem correxerat, ut nihil illo blandius esset, nihil benignius. In morte rogatus à *Præposito Domûs*, utrùmne lubens vitam suam DEO donaret? *Quid*, inquit, *vitam unam? si milliones millionum suppeterent, universas, velut hanc unam pro DEO, & proximo profunderem.* Obijt Sacramentis rite expiatus, confirmatusque; funus Viri bene de se meriti, veris lacrymis decorarunt *Carceres*, *Nosocomia*, & *pauperum turmæ*, quos sustentare alimentis, aut ære oblato, consueverat.

35.

P. Georgius  
Aquitanus.





CAPUT V.

Funera Charitatis An. 1639. 1640. primo, secundo, tertio, & quinto.

36.  
P. Philiber-  
tus Prez.

**N**ovamdomum An. 1639. non perfunctoriè pestis aggressa, P. Philiber-  
tum Prez, gente Bavarum, domo Herbachensem Collegio rapuit; ob-  
ortâ pestilentia, dum se fidentiùs, familiariùsque seu charitatis, seu  
corporis viribus fretus, ægris permiscet (quòd ad se, velut ad *Concionatorem*  
hoc charitatis opus pertinere fortassis existimaret) ictus est lethaliter, ac pri-  
mùm dissimulare malum conatus est, cùm aperuit, jam serum erat mederi,  
atque ità 6. Octobris nocte piè decessit in Domino.

1639.  
37.  
P. Henricus  
Müllerus.

Pragam redeamus, ubi duo nos funera *Patrum*, qui se obsequijs pesti-  
ferorum addixerunt, expectant: Prior ad ultimam Septembris occubuit P.  
*Henricus Müller Wratislaviensis Silesius* in Professorum Domo An. 1639. vi-  
xit annis 49. in Societate 30. cui solennibus quatuor votis illigabatur. Do-  
cuerat cum laude *Scholas humaniores omnes*, postea Cathedris Templorum  
admotus, in primarijs Provinciæ Urbibus cum insigni fructu dixerat ad po-  
pulum, *Sodalitates Civicas* rexerat diu, sed prima P. Henrico cura Domus  
DEI decor, quem miris inventis augere solebat. Sed mortis causa charitas  
fuit: erant ante Urbem Pragam *Stativa Casareorum militum*, quos dira illu-  
vies, famésque, omnisque generis morbi, ac denique nata inde apud aliquos  
*pestilentia ulcera* misere divexabant. Eorum ipse tabernacula dum opitu-  
landi, & ad mortem preparandi studio perreptat, quosdam invenit ità suis  
natantes in sordibus, ità suâ ipsorum proluvie obsitos, ut jam à cadaveribus  
nihil distare viderentur: ex hoc igitur tetro aspectu, pestilentique afflatu hor-  
ror primùm, deinde febris pestilens, tandem mors secuta, sed in coelo trium-  
phus, præmium charitatis.

Annua Do-  
mus Profes-  
se Prag.

38.  
P. Joannes  
Seelbach.

In iisdem stativis *Militum ad Pragam*, non ut hospes, sed velut dome-  
sticus & *Missionarius Castrensis* versabatur P. *Joannes Seelbach* itidem *Wra-  
tislaviensis*, annos 32. natus, non ampliùs; sed cùm Pragam ex suburbano  
*Pestis* intrâisset, intravit & Pater, multisque precibus à Majoribus obsequium  
exhibendum pestiferis impetravit, separatùsque à cæteris in *Nosocomio Itali-  
co* diu noctùque aderat ægrotis; sed hoc non diu. Duodecimo quàm in-  
gressus erat die, peste corripitur, quam cùm medicamentis opportunis pro-  
fligâisset, neque tamen consistere pedibus posset, inemor sui, omnes ad se  
ægrotos promiscuè admittens, & ex lectulo confitentes audiens, instruens, le-  
thali rursus anhelitu afflatus, ad celerem suæ charitatis mercedem vocatus est  
10. Octobris, postquam se ad æternitatis iter Divinis Ecclesiæ Sacramentis  
optimè munivisset.

An-



*Victima Charitatis in Prov. Boh. S. I. Cap. V.*

Annum 1640. qui *Societati JESU* secularis fuit, una tantum charitatis  
victima, sed triumphalis, & ut ita dicam, coronata, nobilitavit. *P. Fran-*  
*ciscus Oellerus Bohemus domo Budovicensis* exacto Societatis 49. ætatis 67. an-  
no, pari semper inter varia officia famam probitatis, memorando planè exitu,  
supràque ætatis illius morem, & vires, insigni facinore vitæ finem imposuit.  
Nam cum ferè senes nulla lucis hujus capiat satietas, quantumque vita, tan-  
tum in eis vitæ cupiditas semper crescat, & mortis omnes vias, causasque pro-  
cul habeant, ipse tamen adeò illas non declinavit, ut potius sit aucupatus.  
Gravè fortè tempus & pestilens annus *Crumlovij* contagia vulgabat, perque  
obscura, & ignota capita latè vagata non modicam lues edebat stragem. Hic  
*Pater Oellerus*, capto à virtute sua, non à viribus, aut ætate, consilio, accura-  
tè prius per causam *Jubilæi* expiatis totius vitæ noxis, animo pulcherrimè  
comparatus ex voluntate moderatorum 4. Octobris, quæ dies *Seraphico Fran-*  
*cisco* clara est (ut nè deesset omen hæc à nostro *Francisco* letis auspicijs geri) sese  
infirmorum addicit obsequijs. Tum ergo juvenili studio, & infracto robo-  
re per se moliri omnia, adesse singulis, miseros solari, aures dare moribundis.  
Sed mox lue afflatus intra 22. diem extingvitur, magno sui Civibus relicto de-  
siderio, non minori virtutum, zeli præsertim animarum, obedientiæque  
odore. Ea mors accidit ad 16. Octobr. Narrabo rem miram, quam ego  
quidem à nullo hætenus literis traditam inveni, sed fando à fide dignissimo,  
& Religiosissimo Viro è Societate Nostra accepi, pauculis post *Patris Oelleri*  
obitum annis, vivente adhuc *P. Casparo Tausß*, cui illud visum oblatum est:  
Obierat, ut dixi, *Crumlovij P. Oellerus*, cum ecce subito pulsato leniter ostio  
cubiculum ad *P. Casparum* notæ Sanctimonie Virum ingreditur, brevi pallio  
succinctus, cum pileo, & baculo, quasi ex itinere veniret, aut iter pararet. *P.*  
*Casparus* viventem amicum ratus: *P. Francisce*, inquit, unde & quò pedes?  
hæc horâ, respondit *P. Oellerus*; ex hac vita decessi, & quia me totum DEO, &  
obsequio pestiferorum donavi, magnâque id muneris obivi charitate, pœnas mi-  
hi omnes Purgatorij condonavit DEUS, adeoque in Cælum propero; hoc gau-  
dium tecum communicare volui, ut cum vetere amico. Vale, & DEUM lau-  
da in præmijs fidelem; simulque sese oculis momentò subduxit, *Casparo* in-  
genti lætitiâ perfuso.

Annus primus post sæcularem duas victimas charitatis in cœlum misit  
*Glogoviâ* urbe Inferioris Silesiæ. *P. Georgius Braverus Erfurdensis Thuring-*  
*us*, cum vixisset annos 38. in Societate decem, & novem, ægrisque ac mori-  
bundis pestilenti febre frequens adstaret, hausto eodem veneno 26. Martij,  
ad meliorem cœli auram transmissus est. Vir animi magni, qui nihil sibi ad  
DEI gloriam cœlesti passu vadenti obstare crederet, ideoque *Castris Casareis*,  
& militibus ad procuranda sacra quondam admotus, Tirocinium quoddam  
posuit

39.

1540.

*Ann. Collæ  
Crumlov.  
P. Franciscus  
Oellerus.*

P. G. S.

1641.

40.

*P. Georgius  
Braverus.*



41.  
Joannes  
Hancke.

posuit magnanimitatis, quæ, cum alij contagionis periculum *Glogovia* defu-  
gerent, *Braverum* ad mortem subeundam magis exacuit.

Ibidem *Glogovia* 6. Decemb. extinctus est *Joannes Hancke Lignicensis Silesius Laicus*. Hic Patriam hæreticam, Parentes & Principes hæreticos fu-  
giens, orthodoxis primùm, deinde & *Societati* sese adjunxit. In hoc statu  
singulari animi demissione, obtemperandi, & orandi, & laborandi studio,  
& adversorum forti tolerantia, præluxit cæteris omnibus; *Glogovia* Patrum  
in adeundis ægrotorum tugurijs indefessus comes, dum pro conditione sua  
rerum æternarum morientes admoneret, ex ea frequenti itione, & colloquijs  
pestem recepit.

42.  
1642.  
26. Decēb.  
P. Christo-  
pho: Frisch.

*Iglavia* ad *Moravos* anno vertente *P. Christophorus Frisch Silesius* è su-  
prema *Glogovia* in eodem obsequio nobis periit, sibi immortalem gloriam com-  
paravit quartodecimo *Societatis* anno. Votorum ejus summa fuit, catechesi  
teneram informare ætatem, & rudem plebem, & servitia, quæ publicè pro  
concione, quæ privatim domesticos inter parietes, pijs erudire documentis.  
Contigit *Austriacum Militem* dysenterico malo in vicinia laborare, alijs, &  
*proprio Parocho* recusantibus, impiger accessit *Noster*, & Confessione expia-  
vit, & Eucharistiâ refecit; ab hoc initio cœpit omnibus promiscuè ægrotis  
operam ferre, donec & ipse attracto toxico concideret, ubi mente adhuc inte-  
grâ, Sacramentis munitus periit à moderatore è lectuli sponda in humum ab-  
jici, & pedibus omnium conculcari. Posthæc mente excruciatâ doloribus,  
nihil aliud, quàm *Catechismi doctrinam* semimortuis vocibus explicabat, in-  
terim voce *Rectoris* in omnibus regebatur. A morte tantò majus desideri-  
um sui reliquit apud omnes, quantò ardentius univerforum comodis servie-  
bat in vita.

43.  
1643.  
P. Jacobus  
Weis.

Anno 1643. ternum ex charitate obeuntium funus in *Bohemia Pro-*  
*vinciacelebravimus*: *P. Jacobus Weis Novodomensis Bohemus* 24. Februarij  
die, tricesimo quarto ætatis, *Societatis* decimo, cum se ingenti fortitudine,  
impetratâ à Majoribus gratiâ conjecisset in pestem *Cremisij* (nondum *Hra-*  
*distium* translato Collegio) halitu ægrorum mortifero afflatus, Sacramentis  
ultimis instructus, inter ardentissima ad Cœlum suspiria, Religiosam ani-  
mamegit.

44.  
P. Petrus  
Major.

*Bruna* in *Moravia* *P. Petrus Major domo Pragensis* ætatis anno 34. in  
*Societatem* cœlestem, ut piè speramus, ex charitatis obsequio evolavit; non  
erat hoc primū (quod ultimum memoravimus) opus charitatis, cui se totum  
*septemdecim annis* in *Societate* consecrarat: ipse (et si *Conciones ad Illustres Per-*  
*sonas* iam septennio haberet) rudes, & pauperes instruere, Parthenios cœtus  
excolere, adesse, maximè pauperum morbis, & mortibus, levare egenorum  
inopiam, ut *Pater Pauperum* vulgò diceretur. Tot inter charitatis negotia  
à milite pestifero, quem morientem expiaverat, contagio transfiliit in Pa-  
trem



trem, & celerem mortem attulit, cilicia, verberationes, & varia pœnarum genera ad expianda peccata poscenti, *DEUM*que ac *DEI*parentem usquè ad ultimum ingeminanti; multum ejus funeri 25. Julij à *Civibus Brunensibus* impensum esse lacrymarum *Annales Brunenses* testantur.

Idem annus alium quoque *Weis* (*P. Valentinum* nomine) *Glatij* ex humanis sustulit *Zvitavia* in *Moravia* natum: nihil hic vir spirabat aliud, quàm altissimam in humilitate charitatem, totus erat in tenella ætate formanda, ad idque sese voto obligarat, *pueros in scholis Rudimentorum Latinitatem, & in Templis, alibi que catechesim Christianam omni vitâ docendi.* Exercuit illum labor in Opere grandiore vulgari lingvâ conscribendo de *Christiana Juventutis institutione*, alijsq; consimilis argumenti libellis. E Nosocomio, quod frequens adibat, morbum sibi accersivit, & mortem, cui incensis in *DEUM* affectibus, singulari adstantium solatio satisfacit.

A. 1643.

45.

P. Valentinus Weis.

Transilio annum unum sterilem, quem alterius anni 1645. fecunditas funerum in obsequio pestiferorum egregiè compensavit. Primas in hoc obsequio, de quo loquimur, & tempore, & (quod audacter dici, & scribi potest) opinione Sanctimonix tenere videbatur *P. Melchior Kaukal, Bohemus natione, patriâ Policensis*, vitæ annos habuit 40. & ex his 21. in Societate transegit, quatuor votorum Professus, Aristotelis Philosophiam triennio explicavit, & quinque annis Philosophiam cœlestem *Novitijs* tradidit, ac tandem per tres annos *Patris spiritualis* in Collegio *Olomucensi* munus obivit. Vir fuit magnis talentorum, & virtutum ornamentis conspicuus, & qui post eximia præclarorum exemplorum specimina, majorum excitabat expectationem. *DEO* ita familiaris erat, ut dum solus esse videretur, semper cum *DEO* conversaretur, adeò intento animo, ut frequentissimè, quid circa se ageretur, non animadverteret. Secundùm *DEUM*, Matrem ejus singulari cultu observabat, ejusque coronam precatoriam, Rosarium, cum extra cubiculum ageret, nunquam non terebat: ejusdem honori *Sabbata* incoenatus transigebat, festa verò ejusdem inediâ vespertinâ præveniebat. Cum perfectionis esset sitientissimus, omnem etiam conatû adhibebat, ut *Societatis* membra eadè siti arderent. Quare quidquid vel ad *Regularû observationem*, vel ad *Societatis* intaminatam gloriâ conservandam prodesse judicaret, nihil omnino laboris, & industriæ passus est in se desiderari: ita tamen, ut nihil ab alijs requireret, cujus ipse experimentum priùs non fecisset. Nihil illi non amplum, & pretiosum fuit, cui *Superiorum* voluntas, aut nutus pretium dedisset, unde non tantùm multa, & diversa ipse unus, sed etiam vilia, & aspera tam hilari vultu accipiebat, ut etiam in *Superiorem* non parùm jucunditatis transfundere videretur; maximè cum primus omnium ad humillima quæque se offerret, atque ad ea singulare desiderium declarando, in alijs idem excitaret. Hæc ratione cum *Spiritualis Patris* munere fungeretur, non semel in officium *Socij Procuratoris* est devolutus, in quo tam diligenter, tantòque cum gaudio

1645.

46.

P. Melchior Kaukal.



verfabatur, ut quodammodo sui oblitum, *aurigam, pecorūque custodem* dicere posses. Cæterum, quantò magis *Superiorum* nutus observabat, tanto etiam majori honore ipsos prosequabatur, autoritatēque, ubi res ferebat, tuebatur, & si quæ perperam facta esse viderentur, magnā cum gratia excusabat. Cōfoti animi signum in ipso notatum nunquam fuit, nisi cū *vocationem ad Societatem* minoris, quā par erat, estimari cognosceret. Talentis suis in omni occasione præclare, & cum fructu utebatur, nec tamen unquam sibi visus est placere, quasi aliquid fecisset, cū ipse aliorum facta magni soleret estimare. In rebus ad usum datis nihil elegantiae requirebat, nec lacernam, quam sub veste talari ad corpus operiendum adhibebat, meliori veste mutari cupiebat. Socios omnes equali honore, ac charitate prosequabatur, rarāque arte pijs colloquijs recreabat. Erga proximos talem se exhibuit, ut nihil intermitteret eorum, quæ viderentur saluti ipsorum profutura: præterquam enim, quòd sine mora se proriperet ad auxilium præstandum vocatus, etiam frequentissimè alteri *Sacerdoti* ad infirmos vocato *Socium* se offerebat. Atque hanc charitatem ijs maximè præstare nitebatur, quos aut rerum, aut doctrinæ Christianæ inopia fecerat egentiores, ajebātque, nunquam plus solatij se habere, quā cū rusticos pietate Christianā imbueret, aut eorum Confessionibus excipiendis operam daret. Cui etiam hominum generi totam vitam suam impendere cupiebat. Nec defuit Divina Bonitas huic tam pio desiderio; nam cū *Procuratori Collegij Socius* adjunctus, in obsequia animarum ruri degentium sese effunderet, luēque pestiferā infectos à peste animarum liberaret, hausto ab ijs veneno intra octo dies consumptus, eos quos ad extremam luctam Sacramentis instruxerat, secutus est 22. Octobris. Solatium in acutissimis morbi doloribus aliud non erat, quā omnium rerum indigentia, & quædam adumbratio *paupertatis Christi*, quam nascens in hunc mundum inferiorem intulit, & exemplo præmonstravit. Nam ubi decumberet, non habebat, nisi modicum fœni, & vestes, quibus pro ratione illius temporis utebatur: nec qui necessaria præberet servus, nec quæ præberentur, erant; non medicina, non cibus, non habitatio, nisi quam *Sve-cus miles* malè fœdam, & ventis perviam post se reliquit. In his tamen rerum angustijs, quoties eum *noſter* inviseret, & in ipsa morte gaudia sua verbis suavissimis, & hilaritate risui modico admixta testabatur. Obijt 22. Octobris. Permirum illud (quod ego idoneis testibus probare possum) *Vener. Patrem Nicolaum Lancicium P. Melchiori* vaticinatum tanto antè tempore: compararet se ad mortem post aliquot annos, sinè omni à *Noſtrorum hominum* præsentia solatio, *in horreo, non in Collegio* obeundam &c. cujus vaticinij sum ipse testis.

Alias duas victimas *Reginohradecium* (nota in Bohemia Civitas) cœlo transcripsit; primus ad 16. Septembris concidit, qui se ad serviendum pesti-

feris



feris obtulerat *P. Fabianus Daudlebsky Budvicensis Bohemus*, annis decem, ac septem in *Societate* feliciter transactis; alter in eodem obsequio mox secutus *P. Joannes Widra Hulczinensis Silesius* ætatis anno 64. Societatis 34. uterque ad proximorum salutem factus, fectusque, nisi quod ille humilitate scholas literarias Abecedariorum confectando, hic pauperum, & miserorum tuguria quærendo, animas Christi sanguine redemptas studiosè venarentur.

47.  
P. Fab: Daudlebsky.

48.  
P. Joannes Widra.

Eodem anno *Brunense Collegium* inhumavit duos peste in obsequio (de quo loquimur) vitâ functos. *P. Tobias Jan Novodomensis Bohemus*, 38. ætatis suæ, Societatis vicesimo primo, 23. Octobris prior excessit, de cujus virtute luculentum testimonium, verbis simplicibus, & apertis *Brunenses annuæ* dicunt: *P. Tobias Jan*, quatuor votorum Professus, Concionator, Catechista Scholarum, & Seminarij Præfectus, Operarius indefessus, simplicitate, & sinceritate, quam è Tyrocinio extulit, per totum vitæ tempus comendabilis, aliàs in suis occupationibus sedulus, & laboriosus, multaque sinè strepitu, & externis apparentijs perficiebat. Ob Conciones, quibus auditorum conscientias vellicabat, & pro eorum captu ad emendationem referebat, præ alijs apud Confessarios gratiam inivit. Omnium inclinationi mirè se accommodabat, tum morum svavitate, & affabilitate, tum etiam benevolentie testificatione singulari, nec ea in re ullum respectum habebat, aut nationis, aut morum inæqualitatis. Superiores suos, tanquam Christi Vicarios & reverebatur multum, & existimationi eorum operosè consulebat, tum eos laudando, tum defectus prudenti dexteritate excusando: quod quidem, ut erat charitatis conservandæ studiosissimus, etiam erga alios præstitit: nec ferebat alium, se causam, aut occasionem dante animo turbari, quin prius, quam in necessarium declinaret lumina somnum, favorem pristinum redintegraret. Ità pauperes amabat, ut eorum Pater vocari mereretur, maximè Scholarium, quos raris industrijs, & ordine miro per corrogatas eleemosynas sustentabat: inter quæ raritatem habet, quod post priorem *Brunæ* obsidionem, in deserta *Svecorum* castra egressus, calamos singulari curâ collegit, pauperibus distribuendos. Verum non sola hæc de rebus temporalibus circa pauperes cura detinuit, etiam eorundem, ac surdorum, aliorumque, quos diebus Dominicis, Festisque à reliquo populo horror separabat, Confessionibus se impendebat ijs diebus, quibus paucitas confitentium cuivis facilem præbet accessum. Odeum nostri *Templi Brunensis* ità adornare nitebatur, ut in eo nihil ad animandam populi pietatem deesset, idque magnâ ex parte perfecit, cum insigni Divinæ gloriæ incremento, & gustu devotorum. Aliquot diebus ante eam, quæ ipsi fatalis fuit, ægritudinem, petijt sibi ad culparum suarum vindictam à *Confessario* foricarum *Collegij* emundationem demandari, addiditque, se hac ratione plus solatij, fructusque spiritualis inde percepturum. Morbilethalis initia sensit, postquam ultro à Superioribus petita, &

49.  
P. Tobias Jan.



obtentâ licentiâ, laboranti personæ cuiuspiam peste, spiritali solatio fuisset, & confitenti generosâ charitate aures præbisset. Domum reversus, dixit se haustæ contagioni superandæ parem non fore, qua de causa petijt ad eum locum, qui infirmis deputatus erat, quamprimùm deferri, ubi nullius obsequia admittere voluit, nè mali vis à se derivata in aliorum valetudinem noxiam exerceret tyrannidem. Cùmque aliàs à natura ob sanguinis exuberantiam, esset sensitivus, constanter tamen, & sinè querelis morbi violentiam tulit usque ad diem octavum, quoad præmium laborum ab optimo Patrefamilias, omnibus Sacramentis instructus, est evocatus. Hæc Annales Brunenses.

50.  
Rupertus  
Leuchner.

Ad diem Sextum Novembris *Brunæ* itidem, An. 1645. Laicus adjutor *Rupertus Lauchner Domo Salisburgensis* in eodem obsequio concidit: ætatem (nam non amplius 29. annos, sed in Societate quinos tantùm expleverat) longè superabat virtute; multum ille versari cum DEO, semper cum vacaret, orare, aut sancta legere solitus, Majores DE locum habere; in *Fanitoris* officio omnia diligentissimè, quæ sui muneris erant, exequi, Patribus ultro socios per domum quærere, *Pauperum* ad januam rationem maximam habere, iisque hoc anno difficili turmatim accurrentibus, quæcunque in culina, aut penu velut derelicta inveniret, conscijs Superioribus colligere, tum condire, coquere, tum suis manibus inter Pauperes dividere. Sed vitæ finis heroicè impositus majorem his omnibus laudem sinè dubio meretur: grassabatur per urbem gravissima Pestilentia, neque jam profanis contenta funeribus sacros etiam homines invasit, *Domumque Nostram Brunensem* ingressa, paucis diebus aliquot Sociorum capita corripuit. Ibi tum *Rupertus* genibus ante *Rectorem* flexis impetravit, ut illorum servitijs addiceretur; addictus fuit, præstitoque servitio aliò missus ut lustraretur, rursus ad *Collegium* lustrationis exacto tempore, inter sanos receptus est. Brevi post novi ex Socijs peste corripiuntur; *Rupertus* iteratò demandari sibi servitium postulat, diu, notuque in omnes ægrorum nutus intentus, obsequitur, omnibus, quibus ministrabat vitâ functis, ipse omnium ultimus, contracto ab ijs veneno dejicitur. Expiatus generali confessione, in Triclinio per interpretem, erratorum suorum veniam postulavit, deniq; inter dulces lacrymas plenus gaudij, quòd tam bonam causam mortis haberet, in obsequio videlicet pestiferorum, quibus, si plures vitas haberet, omnes se donaturum promittebat, expiravit.

## CAPUT VI.

Postremæ ad vicina nobis tempora victimæ Charitatis in Provincia Bohemiæ Societ: JESU  
ab An. 1648.

**Q**uatuor funera nostrorum, eorum scilicet, qui se, vitamque suam DEO, & proximo devoverunt, Annus 1648. extulit, *Brunæ* duos,  
*Praga*



*Pragæ, & Egræ singulos. Stephanus Menzelius gente Silesius Laicus Brunæ*  
ad 28. Augusti cum Pharmacopæi munus in Domo gereret, obsequio se-  
cujusdam è Nostris peste correpti ultro dedit, ei que ad mortem usque con-  
stantissimè, & sedulò ministravit, eandem brevè contagionem in se transili-  
entem sentiens, præparatâ ritè conscientia, migravit ad Dominum; *Anna-*  
*les Brunenses* virtutem viri multis deprædicant.

§ 1.  
Stephanus  
Menzelius.

Ad 22. Octobris *P. Samuel Richter Moravus* ibidem extinctus est, de  
quo omnia summa, qui egregium illum Virum novimus, sperabamus. Post-  
quam nostros in *Domo Brunensi* peste morientes sacris procurâisset, veniâ à  
Majoribus impetratâ, transtulit in Urbem totam sollicitudinem charitatis,  
omnesque *Pestiferos* promiscuè invalit, & ad æternitatem comparavit; con-  
tactus & ipse 26. Augusti innumeris suspirijs ad *JESUM Crucifixum, &*  
*MARIAM* (in quibus amandis, eorumque gestis recolendis totus erat)  
verbâque illa plusquam centies ante mortem iterando: *Domine fiat voluntas*  
*tua!* exspiravit. Vide, quæ de eo in *Annalibus nostris* leguntur.

§ 2.  
P. Samuel  
Richter.

*Egrense Collegium* primus obsequio hujus in *pestiferos charitatis* conse-  
cravit eodem anno *P. Joannes Conradus Dornspurger natione Suevus*, octo-  
decim annis in Societate transactis; habebat is (rem mihi compertam scri-  
bo) valetudinem pridem oblæsam, ac *Medici* spem vitæ longam non dabant;  
sed *P. Joannes* prævenire maluit, quàm præveniri, & vitam suam, quam  
brevem erat alioqui habiturus, huic caritatis obsequio devovens in inensum  
charitate extendit, & compendificat. Fuit vir, paucis eloquar, religiosis-  
simus.

§ 3.  
P. Joannes  
Dornsp-  
ger.

*Pragæ* eodem quoque anno 1648. in *Professorum Domo* sublatu est  
ætatis 49. Societatis 28. *P. Augustinus Kerberus Lusatus*, doctus sermonis utri-  
usque lingvæ, adeoque populo vel ob hoc (si abfuissent cætera) gratosus.  
Unius hujus Patris operâ (ut tum Societatis res *Pragæ* erant) inter Cives per-  
agebantur omnia, nemo ægrotabat in *Minore Pragâ*, quin accerferetur  
*Augustinus*, nemo carceribus includebatur, nemo mittebatur, nemo in *No-*  
*socomium* admittebatur sinè illo; hæretici occultiores, aut qui advenissent,  
indicabantur protinus: eadem tum erat in *Urbe antiqua* *P. Bernardo Oppel*,  
& *Mathæo Sculteto* in vulgus, & in *Nova urbe Wenceslao Halecio* Patribus  
nostris autoritas; sed hæc alio tempore, ac loco. *Augustinus Kerberus*, quem  
dixi, jam quartum sese pestiferorum obsequio devoverat, quintum hoc anno  
exponens sese periculo succubuit, longamq; sui non tam in terris, quæ mu-  
tantur, quàm in historia, quæ perennat, memoriam reliquit, at in Cælo bre-  
vi morte immortalitatem comparavit.

§ 4.  
P. Augusti-  
nus Kerbe-  
rus.

Hæc mors una præludium quoddam fuit: nam Annus sequens 1649.  
ibidem *Pragæ* plures nostros in hoc obsequio charitatis exercuit; octo infer-  
vière ægrotis, non tamen eâ peste, nisi quatuor (quos jam nominabo) sunt  
extin-

§ 5.



P. Martinus  
Benedicti.

extincti: Memorabilis mors fuit P. Martini Benedicti ad 25. Julij: erat Brumoviae in Moravia editus in lucem, 53. vitæ annos, Societatis 30. impleverat, magnis in rebus versatus, præter quod Philosophiam bis gloriosè docuit, Nostros in Collegio Novæ Civitatis Pragæ cum charitate prudentissima rexit; cæteras viri virtutes maximas & Annua Societatis, & Patris Nadasi Liber (Victimæ Charitatis inscriptus) latè deprædicant. A. 1646. 16. Decembris votum conceperat pestiferis serviendi, A. 1648. 20. Novembris infervire cæpit, qua de re sunt ad R. P. Domus Professæ Præpositum 22. Novembris 1648. geminæ literæ tenerrimo affectu scriptæ, quas recitat Nadasi. Cùm verò A. 1649. in Junio malum recruidisset, rursus ardore pristino charitatis periculo se accinxit, & uno propè mense totus obsequijs pestiferorum immersus, perstitit innoxius, dum deniq; cuidam pestifero in mortis solatium Extremam Unctionem ritu Ecclesiæ multis precibus flagitanti conferret, in eo ministerio lue ipse correptus, septimo morbi die (25. Julij) omnibus Sacramentis munitus decessit.

56.  
P. Christianus  
Blumschein.

Augusti dies vicefima A. 1649. P. Christianum Blumschein extinxit, amabilissimis moribus virum, quem & ante Societatem, & post in ipsa jam Societate (quam unà inivimus) Condiscipulum habui Pragæ Patriæ suæ consecravimus vitam florentem adhuc (non enim trigessimum ætatis annum excesserat) continuis capitis doloribus cruciabatur, hilari semper patientiâ; quæ causâ fuit, ut à Theologia Scholastica peteret amoveri. Gradus unius virtutis alterius esse solet initium: remotum (cùm hoc maximè si gloriæ paululum esset studiosior, cavere oporteret) in ea ipsa Urbe ubi Theologiam reliquit, notus omnibus, contemptu quæsito, Rudimenta Latinitatis Pueris Abecedariorum tradere cœpit. Anni Scholastici fine Lues Pestilens Pragam invadit, offert se Pater servitijs infectorum, non impetrat; rursus machinas precum admovet, reijcitur, tertio insultu, cùm omnes obtestationes per JESUM, per ejus Matrem, aliâsq; similes iterâisset, neq; abire cum repulsa ex Rectoris cubiculo vellet, & differret Rector, tandem quod petebat, obtinuit. Memini me, antequam hæc agerentur, P. Christiano, pro amicitia, quæ inter nos coaluerat, dixisse: eos, qui se pestiferorum obsequio mancipient, Martyrum gloriâ non indignos putari. Ubi impetravit obsequium P. Christianus, sui me gaudij properè participem fecit, & peto, inquit, probari hanc mihi, quam nuper attulisti sententiam; adduxi omnia, quæ scire potui, atq; in rem erant, ut id sibi probatum esse fateretur, exclamavitq; continuò: Martyr ero! Martyr ero! & dato ultimo amplexu, me deducente in eam Domum, quæ post S. Clementis Ecclesiam sita, usibus Patrum ei obsequio addictorum destinabatur, concessit. Duas propè hebdomadas die & nocte pestiferos totâ urbe mirâ industriâ quærentem, & sacris procurantem, cum socio Melchiore (de quo brevè) pestis corripuit, & paucos intra dies Sacramentis, quæ tempus illud poscit, munitum confecit.

Mel-



*Melchior Reich gente Silesius Inferioris Glogoviae*, Laicus adjutor diutius in hoc obsequio perstitit, & sex propè hebdomadas complevit, 22. Augusti duobus post *P. Christianum* diebus sublati. Jam olim *Brunæ Nostri* peste infectis suam serviendo operam impenderat, ut in ejus charitate ægroti acquiescerent, ob eamque causam huic obsequio, quod efflictim petebat, aptior credebatur. Veneni, quo correptus est, tanta, & tam facunda vis fuit, ut propè mediam hominis partem occupârit, fibris veneni per totum corpus filatim euntibus; mirum illud est, quod paulò ante mortem *Melchior Sacerdoti nostro* narravit, idque eo ipso tempore, nobis omnibus in Collegio notissimum omnium celebrabatur sermonibus: cum somnus *Melchiori* obrepisset, vidisse per quietem se mori, & in *Purgatorias flammâs* abjici. Sed ecce protinus adstitisse sibi somniabat *Vener. Patrem Martinum Stredonium inclytæ Sanctimonie Virum* (cui *Melchior* erat addictissimus) ac dixisse: quid in *Purgatorio* hoc loco otiosus ageret? iret porrò secum, se enim jam in Cælum ascendere; in illa bonæ spei voluntate exiisse se, ac simul evigilasse. hæc ille moriens; at nos somnium cœlestē fuisse brevī didicimus: siquidem post hebdomadē literæ *Brunenses* attulerunt; *Vener. Patrem Stredonium Provinciale Nostrium* 26. Augusti è vivis excessisse *Brunæ*, cum antè de ejus invale tudine nihil audissemus. Porrò cæteræ Virtutes *Melchioris*, tum omnium eo anno peste extinctorum ex *Nostri*, in *Annuis Collegij Pragensis*, (quas ego, dum res gererentur, præfens id temporis, jussu Majorum concinnavi) latius explicantur.

57.  
Melchior  
Reich.

His duobus peste sublati magna cum comendatione Nominis nostri è vestigio *P. Jacobus Lippar Vigenaviensis Lusatus* ætatis 32. Societatis 13. processit in medium certus mori. Nulla in *Majore Praga*, nulla in *Minore* Domus de malo suspecta, quam non adierit, sollicitè curans, nè quis *Sacramento Penitentiae* non expiatus decederet; cā curâ, & cursandi labore ita premebatur Pater, ut neque die, vix etiam nocte conquiesceret; addebat difficultatem, quod subclaudicaret, & alterum ex casu ab aliquot annis, breviorē pedem haberet, adeò aliquorum ex nostris sensus tum fuit: etsi *P. Jacobus* pestilentia non tangeretur, tamen laboribus frangendum, & non duraturum; hæc cum illi sæpius objicerentur à diversis, familiari verbo refellebat omnia, iterando: *fidelis est DEUS! fidelis est DEUS!* Illud quoque ad Socium inter prodeundum è tugurio suo dictans: *Eamus & nos, frater, & moriamur cum proximo, nullum periculum pro animarum periculo recusantes.* Inde illum euntem quaquà se ferret, Cives latissimis vocibus prosequabantur, imò & *Sveci*, qui *Minorem Urbem* occupatam abs se, præsidio tenebant, honorabant advenientem, cum dicerent suos Popas uxorijs amoribus impeditos, nihil de ægrotis cogitare.

58.  
P. Jacobus  
Lippar.

Contigit non semel, ut *P. Jacobus* pestilentia iatos, & domo ejectos de-



In An. Coll.

59.  
P. Mathias  
Kalaus.

1655.  
60.  
Melchior  
Robelius.

deprehenderet, supponebat statim humeros, & ad destinata loca deferbat, attonitâ spectaculo Civitate; lectulos etiam ægrorum stravisse, & malè jacentes, ut comodiùs jacerent composuisse conspectus est; tandem haulto ab ægris veneno 19. Septembris, heroicam animam exhalavit. *Patres reliqui quatuor* in eodem obsequio divisere urbem sibi, & quæ DEI in suos benignitas fuit, omnes servati, præter quos dixi quatuor (etsi non semel tentari tamen & illos malo contigerit) demum eventilati, Anni sequentis 1650. initio ad nos redierunt; desiderati sunt plures è Socijs eâ tempestate, sed extra infectorum obsequium; quæ omnia alio in loco à me latè fuere descripta.

*Pragâ* in alias quoque *Bohemiæ* urbes peregrinata Pestis est, *Nostri* ubique domicilio fixit *Societas*, nullâ periculi ratione habitâ sese obsequio pestiferorum addicentibus; sed ultra periculum res non processit; uno tantum ex omnibus *Litomericij* *P. Mathiâ Kalaus* in obsequio extincto. Fuit is *Cuttembergæ* in *Bohemia* natus, qui vitam omnem *Grammaticæ* tradendæ devoverat, & jam quinquennio docuerat, cum pestis, quæ *Litomericij* grassabatur, ad mortis ludum evocavit, in quo tot discipulos videlicet, quot egrotos, & Urbem ipsam haberet pro *Schola*. Et re vera *P. Mathias* non modò animas, sed etiam corpora medicinis curabat, donec correptus ad 24. Octobris concidit, vir rebus cælestibus deditissimus, annis 34. ætatis, in Societate quindenis exactis. Ejus funus, nec quicquam contra nitentibus *Nostri*, in Templo Civitatis primario injectâ in Tumulum vivâ calce *Senatus* illius urbis honorificè tumulavit.

Annis posthæc quinque nullam Provinciarum nostrarum pestis afflixit, Anno 1655. *Olomucium* invalit tantâ sævitiâ, ut majorem Civium partem, *Nostros* quoque in Collegio duodecim extinxerit; ex ijs quatuor tantum in Censum meum veniunt, tres nimirum, qui socijs peste correptis, & quartus, qui Civitati lue illâ prostratæ obsequium præstiterunt. Primus septimâ Septembris ad Charitatis præmia evolavit *Melchior Robelius Grosvicensis Lusatius*, Laicus, pharmacopeo præfectus, unica calamitosa illo tempore Collegij spes, & ægrorum solatium, ex quibus duos, jam peste ad extrema deductos, diligentia, & medicinæ arte servavit in vita. Vix explicari satis potest hujus Laici in ægrotos à pluribus annis (nam videnos annos in Societate expleverat) imensa quodammodo charitas, ut à socijs comuni titulo *Aureus frater* diceretur. Anno 1645. cum lues contagiosa Collegium *Brunense* (ut nuper innueram) gravissimè vexaret, *Melchior Cuttenbergâ*, ubi tum degebat, literas ad Provinciale dedit in hæc verba: Reverende Pater, rebus omnibus consideratis ante multos annos statui vitam meam, imò multas si haberem vitas, pro DEI gloria ponere. Proinde pro mea tenuitate, vires, labores, & me ipsum totum offero ad serviendum infirmis, quacunque lue contactis. Impetrato illo obsequio *Brunam* protinus advolavit *Melchior*, ac ingenti charitate



tate ægrotis sese totum impendit; sed Divinæ Bonitati placuit eum id temporis incolumem, ad annos decem, *Olomucensibus* omni humano auxilio destitutis reservare: quaternis Nostris *Pestilentia* laborantibus *Olomucij* diu, noctūque constanter adstitit, & suis ipse manibus, quidquid erat agendum, ministravit. Ab ultimo, quem instar pueruli venenato calore æstuantem tractabat, afflatus, emergente lethali carbunculo, septimo morbi die consumitus est.

Inter hæc ipsum *Collegij Olomucensis Rectorem* Pestis extinxit, Virum, etsi vel heroica mors abesset, memorandum in paucis. Is erat *P. Eustachius Remigij Leodiensis*, qui cum quotidie (quod erat illi, dum *Rectoris* munus ageret, perpetuum) *Nostros lue pestilenti* correptos inviseret, solaretur, & allatis, quæcunque placere poterant, recrearet, à *Melchiore* potissimum sic ut virus persentisceret, malum hausit: altero die ad *Ecclesiam Collegij* nostri accessit *pestifer agrotus*, & totius vitæ suæ rationes in Sacro Tribunali explicuit coram *Patre*, die *Virgini Matri Nascenti* sacro; unde iterum virus sibi iteratò afflatum sentiens, cum nullâ vi medicinæ posset excutere, quinto post die optimè ad mortem Sacramentis comparatus, inter Sacra *JESU, & MARIAE* nomina, familiaria sibi pridem verba: *Fiat DEI voluntas!* iterando, expiravit. Vixerat 35. annis in *Societate*; rexerat *Collegia* quatuor sumâ humilitate, & charitate, hostis erat perpetuus vitæ, quam *Religiosi Scriptores singularitatem* appellant, laudator contrâ sumus virtutis, quâ rebus in vita comuni usitatis contenti, alia rejicimus omnia. Elogium ejus vitæ insigne ad memoriam habent *Olomucenses Annuae*, quod exscribere hoc loco supervacaneum foret. Jam abhinc Mense uno comparâsse illum ad hoc mortis genus videbatur DEUS; nam in arcano libello ad 15. Augusti hæc inventa sunt: *Si DEUS videt aliquem lue corripiendum, qui plus me ejus gloriam, & cultum promoturus est, aut bonum commune Ordinis mei aucturus, offero me sincere, & verè pro eodem ad mortem.* Exaudiat DEUS, qui cor scrutatur, desiderium meum! Satis de *P. Eustachio*.

61.  
P. Eustachius  
us Remigij.

Tertius in hoc obsequio *Andreas Albrecht* exspiravit *Braunseiffensis Moravus* Adjutor Laicus; is quam primùm lues contagiosa sese in *Collegium* insinuavit, ardentissimis precibus apud *Rectorem*, penè dixerim, extorsit, ut socijs laborantibus serviret; nihil ampliùs in mancipio quocunque desiderâsse: indicia contagionis explorabat, arteriæ pulsus tentabat, medicamenta miscebat, & infundebat ægrotis; dum fuculæ, & tubera lethalia nascerentur, applicabat emplastra, & mutabat; solabatur, animabat, mortuos quin etiam inferebat sepulchris, dum denique corriperetur; quod ubi persensit, ad *Patrem*, cujus ad Confessionem operâ utebatur accessit, humique se prosternens cum lacrymis vitæ suæ prioris labes omnes aperuit. Vixerat in *Societate* annis sex, plerumque curâ Penûs distentus; manè cum So-

62.  
Andreas Albrecht.



cios excitaret è somno, secundâ, aut tertiâ post mediam noctem horâ prius surgebat ipse, & cœlestia meditando ad usquè tempus solitum perdurabat; decessit ætatis anno 44. 18. Octobris, sacro Viatico cõmunitus.

63. Jam *Quartum*, eumque multarum in hoc opere charitatis palmarum adducemus; cujus Viri heroicas virtutes miror tam leviter perstrictas in *Victimis Charitatis*, ut vix duas lineolas impleverint, quò magis mihi enitendû reor, nè tantus Vir debito præconio defraudetur; omnia verò, quæ subijciam religiosâ fide, & oculatorum testium autoritate comprobata ex *Annalibus Olomucensis Collegij* describam:

64. *P. Casparus Hillebrandt Silesius Camencensis Societatem Nostram* Anno 1625. 22. Augusti 19. ætatis ingressus, post navatam infectis per tres menses & amplius tam constantem, quàm perutilem operam, tandem succubuit factus *Victima Charitatis*, & visus est secum pestem omnem ex Urbe tota in *Sepulchrum* intulisse: quæ ulterius exinde progressa non est, & revaluerunt nonnulli, qui eo vivente ex ea decumbebant. Amisimus porrò in *P. Casparo Virum* quoad labores, & indefessos proximi salutem procurandi conatus, planè *Apostolicum*, qui per annos 29. quibus in *Societate* vixit, egit ferè semper *Concionatorem*, zelo DEI plenum, nec minùs affectuosum, quàm eloquentem. In rudibus Cathechesi Christianâ erudiendis, & alliciendis auditoribus fuit admodum solers, ad visitandos infirmos diu noctûque semper promptus, & paratus, in adeundis carceribus, & Nosocomijs impiger, in audiendis Confessionibus assiduus, in pauperibus, & plebeijs hominibus, quibuscunque poterat auxilijs, & consilij adjuvandis, ac præcipuè in procurandis eleemosynis ad egenorum penuriam, & in ediam sublevandam valde industrius. Fuit denique Vir omnibus boni, & ferventis *operarij* dotibus, & ornamentis egregiè instructus, & ubique ac semper publico bono promovendo, privatisque miserorum necessitatibus sublevandis intentus; multa sanè ille in pluribus Provinciæ nostræ Collegijs præclara egit cum laude, ac potissimùm in arduis, & periculosis *Missionibus*, in convertendis magno planè numero hæreticis, in firmandis de fide dubitantibus, in peccatoribus ad meliorem frugem per seriam poenitentiam revocandis. Quæ tametsi omnia suis dignissima sint amplioribus elogijs, prolixius tamen his enarrandis supersedere nos cogit ubertas, & copia eorum, quæ tribus vitæ suæ postremis temporibus *Olomucij* egit; ex quibus licebit de cæteris facilem facere conjecturam. Cùm porrò declinante ad finem *Augusto* sensim per Urbem serperet contagio, & iussi essent *Sacerdotes Nostri* scripto declarare, velléntne *abire Olomucio, an manere in Collegio?* & quinam velint exponi publicè ad servendum infectis? scripto testati sunt eorum aliquot, se perdurare paratos, & ad obedientiæ nutum etiam infectis adfuturos; inter hos cùm *P. Casparus* generosè, & absque limitatione ad suscipiendum tam laudatum charitatis ministeri-



sterium se obtulisset, ardentibus ejus votis annuens *Superior*, providit, ut in *Urbe Domus* una aptè ad ejus habitationem accommodaretur, ad quam omnibus necessarijs instructam migravit è Collegio die 27. Augusti, Socius illi datus erat ex Alumnatu Ferdinando *Societatis Candidatus*, quem placuit DEO P. A. Z. inter manifesta, & quotidiana pericula incolumem hucusque servare, à quo pleraque, quæ hîc adscribam, tanquam ab oculato teste accepimus. Habitarunt hi duo in domo quadam Templo *S. Blasij* vicinâ, cujus inferiore parte plebeo homini relicta, superiorem tenuerunt, appensâ ad fenestram campanulâ, per quam die nocteque possent ad infirmos evocari. Toto illo tempore, quo fuit expositus *Pater*, in Templo *S. Blasij* quotidie *Missam* fecit, Festis, & Dominicis ad populum frequentem dixit, excepit *Confessiones*, sacramque *Synaxin* distribuit; quin & quotidie finito Sacro dixit ad populum brevissimè, & subjunxit *Litanias* pro mitiganda peste, ac semel in mense defunctorum memoriam instituit. Non defuere oblocutores, qui hanc devotionem, seu potius populi ad eum affluxum, improbarent; solebat tamen *Socio* dicere: *Diabolum* non ferre eam pietatem, illo tamen vel invito continuandam. Multos enim numerare erat, qui quotidie in illo templo illi confiterentur, & ab eo sacrâ *Synaxi* reficerentur. Quam infirmorum curam susceptam ita disposuit, ut primò quidem *Chirurgum* à *Senatu* pretio conductum ad serviendum pestiferis moneret, nè unquam, quoties eum ad infirmum vocari contingeret, idem sibi quoque indicare negligeret, nè v. bajuli, & vespillones ullum, à quocunque vocarentur, nisi se præmonito adirent. Constituit etiam per famosiores urbis plateas pios, & fideles *Vigiles*, ut diligenter attenderent, an quispiam, & ubi ægrotaret? quo nimirum certior factus ab ijs mox advolaret: unde factum, ut levissimo undecunque de cujuscumque infirmitate accepto indicio, statim ad illum se conferret. Quin imò ipse *speculatorem* agebat hac in re sancta curiosissimum, qui totis penè diebus per Urbem circumiens, & infirmos visitans, appensâ de collo *Crucifixi* *Imagine*, ut faciliè dignosceretur, neque promiscuè in illum homines incurrerent, passim de *valetudinarijs* accuratè inquirebat. Quos verò malè affectos compererat, absque mora adibat sollicitè, & si non dabatur *per portam* ascensus, *per fenestras* identidem, non sinè incommodo, & interdum periculo intro scandebat, admonebat confessionis, nec priùs recedebat, quàm confessione exceptâ, & sacrâ *Synaxi* (quam semper in sinu secum gestabat) porrectâ, ad securè moriendum eos disposuisset. Incidit quandoque in quosdam rudiores, & magis obstinatos, qui sua confiteri aut nollent, aut mallent differre, quos ille nunc blandis, nunc durioribus verbis tam diu urgebat, donec acquiescerent. Et profuit nonnullis, ut ipse persuasum habuit, ad beatam æternitatem, pia hæc ejus importunitas, quando & molliores postea ad pias lacrymas, quàm priùs ad sacram *Pœnitentiam* obstinatores, & lætiores ad mortem, quàm in



morbo tristiores eos experiebatur. Nec contentus uni soli profuisse, sed illo mortuo, monebat domesticos omnes, ut piaculari peccatorum confessione se contra ejusmodi malum munirent, aut ad similem mortem de manu DEI acceptandam præpararent. Quamcunque domum infectam ingrediebatur, Socio ante fores relicto, infirmum accedens eum eminus alloquens, confessionem ejus excipiebat, *moxq; socio ad fenestram, vel ad portam dicente Confiteor*, sacram hostiam porrigebat, *vultu nonnihil ab infirmo averso*, nè halitum ejus exciperet. Non rarò etiam moribundorum de tota vita confessiones sæpius iteratas, constanter, & patienter admodum audiebat; & quamvis ut plurimum *non diu apud infirmos hareret*, si tamen eorum necessitas postulabat, etiam ad horam quandoque ipsis assisteat. Per diem obibat urbem totam, nec ullius infirmi domum præteribat, quin interrogaret de ejus statu, eumque accederet, & solaretur. Inclusos quoque in suis domibus frequenter adibat, multum sollicitus, nè ad victum necessaria illis deessent, habebatq; singularem pauperum, & afflictorum curam, quibus præter corrogatas frequenter Eleemosynas, etiam ea, quæ ipsi vel à pijs, & honestis personis, vel certè à Collegio ad victum submittebantur, dispensabat, & præsertim quibus utpote melioribus, genium suum defraudabat, comuni ipse interea frugalitate contentus, eò quòd in tyrocinio, ut suo referebat Socio, aliquando didicisset *boles palato arridentes JESULO relinquendos esse*. Inter hæc tamen pericula, & continuos labores maximè curabat, nè quidpiam à se fieret, vel ab alijs verè objici posset, quod *bono nomini Societatis Nostræ* derogaret. Hinc Socio sæpius dixit, se contra calumnias Societati objectas debere virum ostendere, & malle vitam perdere, quàm permittere, ut vel in minimo bonum nomen ejus labefactaretur; quod verò privatam suam personam concerneret, facilè dissimulabat contradictiones æmulatorum, & obtrektorum calumnias. Nihil agebat alicujus momenti, nisi consulto priùs per preces DEO, cui etiam minima quæque commendabat. Domi nunquam otiosus, modò ligna sursum comportabat, modò labore manuali tenebatur, modò accendebat focum, & cibos caletaciebat, magisque erat sollicitus, nè superflua sibi mitterentur, quàm nè deessent necessaria. Attentè semper invigilabat, nè socio aliquid sinistri accideret; hinc nunquam permisit illum propiùs ad infirmos accedere, vetuitque, nè ullum infectum, aut moribundum aspiceret, nè ex horrore veneni per faciem eorum perfusi, contagionem contraheret. Acer erat in vitijs redarguendis, nec verebatur ullius offensam, cum non personas, sed peccata in ætatis zelo plenis damnaret; Nec rarò dicebat, se non posse ulli vitioso homini adulari, licèt aurum potabile sibi propinaret. Arguam (inquiebat) malos omnes, & fortiter eos premam, donec convertantur. Hoc me docuit Christus, qui noluit esse amicus Phariseorum: hoc me docuerunt SS. Patres, qui veriti non sunt, etiam Principibus malè agentibus in faciem resistere.

Et



Et verò si hominibus tantum placerem, quomodo servus Christi verus dici merer? aut quid illi in Judicio responderem! Denum toto illo trium mensium, & ultra tempore, quo publicè infectis servivit, tam circumspèctè se gessit, tam laboriosè ministerium suum implevit, tantà cum charitate infirmis quibusque sese impendit, ut nemo justè de illo queri, aut verbum malum dicere potuerit, sed omnes indefatigabilem ejus charitatem sumis laudibus comendârunt. A die 27. Augusti usquè ad undecimam Decembris, accuratissimè annotaverat, quidquid egisset toto illo tempore per singulos dies, quot, & quorum Confessiones excepisset, & comunicasset, à quibus elemosynas accepisset, & quibus distribuisset, & quot in alteram vitam comigrassent. Denum, cum *supra quadringentas pestiferorum Confessiones* excepisset, & *morientibus ducentis*, & ampliùs, opem attulisset extremam, jamque per urbem contagio mitesceret, tandem & ipse ab infecto afflatus, incurabile malum contraxit, id quod ipse futurum prædixerat *Socio* suo sub initia contagionis, asleverando: *satis multos hâc occasione sepeliam, sed tandem & ego illos sequar, & alij me sepelient.* Die igitur 6. Decembris vocatus ad quendam peste afflatum, diu cum eo laboraverat, ut se disponderet ad confitendum, qui dilationem petens, & fortè rarò confiteri assuetus (audiebat enim passim *frigidus Catholicus*) cum *Pater* nollet cedere, & identidem urgeret jam manie proximum, ut ad mortem se more, ritùque catholico disponderet, ille sua, sub quibus æstuabat, excussit pulvinaria, & venenati sudoris nidore, halitùque pestilenti locum totum, in quo jacebat, implevit, Patrémque adstantem incurabiliter affecit. Domum itaque redux subito sensit venenum, idque adeò, ut foras per ardens, cordique ipsi imminens ulcus, à quo acriter urebatur, eruperit. Constituerat antea in omnem eventum medicinam, sed quæ imparata præsto non erat, cumque in vicem illius interim alteram *Chirurgus* porrigeret, ea ipsa fatali casu quodam, è manibus in terram decidit, reddita inutilis: cui etiamnum cum aliæ, & aliæ substituerentur, nullum tamen fortitæ sunt effectum, & nec sudoris guttulam exprimere potuerunt; inde factum ut ipse sibi vates extiterit, diemque sibi extremum, qui *S. Lucie* sacer erat, designârit. Interim verò, ut se ad mortem rite compararet, *Collegium* subintrans, uni ex nostris confessus est, & omnium precibus se comendavit, hoc unum insuper à *Concionatore* exposcens, ut proximè de suggestu omnibus suo nomine offensas omnes, & defectus à se commissos deprecaretur, eorumque pro se preces expeteret. Visitabat tum adhuc sic malè affectus decumbentes ex peste, nec se lecto affixit, nisi moriturus, multis etiam hoc ultimo tempore elemosynas distribuens, virulento ulcere scatentibus emplastra submittens, & more solito sua peragens, donec die 12. Mensis Decembris, naturâ succumbente domo ampliùs exire non potuit. Sub noctem cœpit sentire ultimos morbi aculeos, & graves pati mortis nuncias punctiones, in-



ter quas *Breviarij pensum* (quod hætenus nunquam omiserat) magnâ cum difficultate persolvit. *Socium* ad se sæpius accedentem semper repulit, nè fortè inficeretur. *Serva te*, inquit, & te conservet *DEUS*, *cursum ego meum consummavi*, *consenui*, *jam mea peregi*, *libenter moriar*. Demum die 13. Decembris in festo *S. Lucie* surrexit è loco, fenestras, & portam cubiculi aperuit, seque rursus super strato componens, & *Socium* ad se rursus accedentem abire jubens, nè morientis halitum exciperet, suavissimè tam preciosam animam, quam pro aliorum salute, ut charitatem suam erga *DEUM* testaretur, posuerat, Creatori reddidit. Sparso mox rumore de morte ejus, ingens populi multitudo confluit ad domum, nulli tamen ad eum videndū datus est accessus. Dolebant omnes tam charum *Patrem*, totique urbi tam pretiosum *operarium* ereptum esse, præcipuè verò *pauperes*, & infimæ sortis plebeij, tantum Benefactorem, & Patronum se amisisse lamentabantur. Flebant plurimi, nemo non illi bene precabatur, omnes de illo, tanquam de Martyre, qui *posuisset animam pro amicis suis*, optimè loquebantur. Sepultus fuit à meridie in templo *S. Blasij*, præfente frequentissimo populo, qui à loco non poterat avelli. Reverendissimus Dominus *Adamus Mauritius à Sternfels*, Cathedralis Ecclesiæ Canonicus, & Parochus ad *S. Mauritium* publicas fecit illi exequias, ad quas tota penè Civitas confluit, & quia interesse ob impedimenta publica non licuerat Civico Magistratui; is alteras illi *Exequias* in diem octavam indixit, quæ habitæ sunt in eodem templo solenniter.

1655.

*Lamach: a-  
pud Plutar.  
in Apoph:  
ad Trajan.*

Hæc ad verbum ex *Collegij Annalibus* pro coronide tractationis hujus descripti; quam etsi prolixam, nihil dubitem profuturam ijs, qui sese sanctæ hujus *charitatis obsequio* devoverint, ut Ideam quandam, & œconomiam totius negotij animo comprehendant; ubique enim necessarius est rerum ordo, & quamvis vitam inter, & mortem luctentur ægroti, & perturbentur omnia, quòdque magnus ille *Dux Græciæ* dixit: *In bello bis peccare non liceat*, id longè veriùs in mortem transferri possit, quam non nisi *semel* obire possumus; est tamen aliquis arti locus, ut ordine, & ratione eam provinciam administremus, nè temere irruamus in periculum, nè simul omnia perturbatè agamus, nè quis malè latendo sinè poenitentia moriatur &c. Scio præcepta plurima ab ijs tradita, qui ter, quaterve pestilentia expositi, periculum vitarunt; sed his recensendis alius aptior apud me servatur locus. Quod *Pestilentiam communem* attinet, postrema hæc fuit ad Annum usquè 1679. quo hæc scripsimus; utinam (cùm in vicinis *Provincijs* latè grassatur, totaque *Vienna* ardeat) *Catalogum* hunc *novorum Nominum* accessione augere non debeamus!

## CAPUT VII.

Pestilentia Anni 1680. quot & quantos Viros in obsequio Pestiferorū ex Societ: nostra extinxerit.

**A**C profectò, ut timebatur, evenit: nam An: mox sequenti 1680. in *Bohemiam*, cæterasque Regni Provincias sese infudit contagio, atque ut



plurimorum sensus fuit, in *Bohemia* sola plura quàm octoginta, *Pragæ* amplius quàm 25. millia mortalium absumsit; quo calamitosissimo tempore, *Patrum Nostrorum Charitas* toti Regno, ac *Pragæ* præcipuè (quod *Senatus testimonio* liquidissimè probari à nobis potest) cluxit; perinde ut in acie, *Legionem* aliquam fortiter pugnaſſe, vel inde conjicimus: si ex ea legione plurimos in loco prælij cecidiſſe, & adverso pectore exceptis vulneribus, eum quem ceperant locum, corporibus tegere videamus; reliqua, nè odium incurram, prætereo. Illud unum *Lectorem* moneo: nullum me nominaturum hoc loco, qui in Collegij umbra, haustâ fortuito aliquo eventu, vel occursu pestilentia sit extinctus; eos solos nominabo, qui exorata multis precibus à Majoribus suis, vitam prodigendi licentia, à cæteris separati, *Senatu Civitatis* salutato, domicilium aliquod, & victum ex publico (quanquam multis in locis, nè id Civitati grave foret, de Collegij demenso *Patres* vixerunt) habuerunt, & in luce totius Civitatis (ut omnibus constaret vocatos die noctuque adfore) huic sese ægrorum obsequio devoverunt, ac laboribus hisce, in speciem mœstissimis, sed in cœlo gloriosis sponte iniori voluerunt. *Pragam* prius expediam: *Lazaretum* novâ voce, & novo apud Bohemos exemplo vocabant *Domum* in quam peste contactos evehebant ex Urbe tanto numero, ut per sæpe 700. 800. 900. censerentur, neque locus esset, quo ponerentur, cum velut manipuli, aut fascis segetum in agris, misere jacerent. Hanc *Domum* ab initio usquè ad finem, id est ab *Octobri* anni superioris usquè ad Anni 1680. *Novembrem* sine intermissione cum Medicis & Chirurgis delectis, *Patres nostri* procuravere sacris, atque uno aliquo ex Nostris extincto, alius semper & alius Sacerdos noster advolavit succedaneus in obsequium Charitatis. Idem præstitum in Antiqua Urbe *Pragensi* in Domo Collegij *Clementini* è regione Ecclesiæ S. *Ægidij*, non procul à *Bethlehem*, unde in totam Urbem evocabantur. Tertia statio, & quidam Cœlestium Vigiliarum locus, in *Vineis* ad *Pragam* constitutus erat, & servabatur à Nostris, ubi omnibus humanis perinde, ac divinis solatijs destituti Mortales, pauperes pleriq; & egentissimi, nisi auxilia tã è penu, quàm è Pharmacopeo Collegij sepe subministrata fuissent, jam perierant. Quartam stationem fixerant Nostri apud *Milites*, qui extra Urbem in majore Insula, quam *Muldava fluvius* efficit, tuguriolis exstructis degebant. Quinta statio in Minore Urbe *Pragensi* in *Scholarum* (quæ clausæ jam erant) Domo; ubi duo in victimam Charitatis gloriosè cecidere, novis semper in eorum locum suffectis; tertius (XI. Augusti) eodem malo afflatus, & tertium erumpentibus bubonibus prostratus, vix tandem in *Februario* anni 1681. convaluit. quid omnibus his præstitum sit à Nostris, qui revaluere superstites loquantur; at ægri vicissim, quantumcunque nollent, pestem suis Patribus inhalabant. Primus, qui in hac arena Lazaretana cecidit (licet primus non descenderit) fuit *P. Christophorus Heisler* Vir ardentissi-

me



2. mæ in animarum obsequium charitatis 3. Martij Mensis A. 1680. extinctus; mira quædam in ejus morte evenisse scio, sed vulgare tam arcana non expedit. Hunc ex *Bethleemitica Domo* (sic in posterum appellabo *Domum*, quam in secunda statione posueram) secutus est 14. Aprilis P. *Joannes Jordan* strenuus in agris ad mortem comparandis Sacerdos. At in *Lazareto* rursus ad 10. Aprilis, mortem apud ægrotos invenit P. *Michael Pohl* Vir egregie cordatus, qui (perinde ut P. *Jordan*) ob animi omnia vitæ pericula contemnens excellentem compluribus annis in Exercitu Cæsareo Militibus operam in sacris comodarat suam. Brevi post 21. Aprilis P. *Adamus Richtig* in *Lazareti* obsequio vitam posuit; sed vix bene aggesto ejus Tumulo in eadem *Lazaretana Domo* peste contracta elatus est 29. Aprilis *Adamus Scultetus* Laicus frater, quod pharmaca peritè miscere nosset, nuper ad eam operam præstandam à *Lazaretanis Præfectis* peculiariter à Collegij Clementini Rectore impetratus. Jam pestis quæ ut ignis alimentum poscit, P. *Mathaum Bohdalovsky* naviter in *Domo ad Bethleem* laborantem crudelem in modum aggressa ad 22. Maij confecit, & deturbavit de vita. Non multo interjecto tempore P. *Simæon Spanberger* ad 9. Junij succedanea hostia in *Lazareto* procubuit, qui ex Universitatis Carolo-Ferdinandæ Professore, & Theologiæ Doctore, hanc sibi coelo gratiorem Spartam à Majoribus nostris impetraverat; prætereo Viri magni Encomia, quæ paginas implerent. Mortem P. *Simonis* excepit tertio post die mors æquè gloriosa P. *Joannis Weleba* 9. Junij, qui labores suos itidem in *Lazaretana Domo* finivit. Jam in *Nova Civitate Pragensi* etsi publicè *Nostri* expositi ad pestiferorum obsequium non erant (propterea quod alius Ordo Religiosissimus eam sibi demandari Provinciam à Senatu petijisset) Sociorum tamen charitas unius Collegij angustijs contineri non poterat in comuni Civitatis periculo, quin foras ad ægrotos erumperent, præsertim cum diebus, & noctibus evocarentur, adeò ut totum *Novæ Civitatis Collegium*, ad obsequia pestiferorum apertum staret, ac perpetim pro morientibus vigilaret. Ex hoc numero P. *Martinus Chitrecius* jam pridem circumcursans, & domatim, non modò ostiatim quærens ægrotantes, tandem & ipse veneno afflatus 19. Junij vivere desijt. Scholas quoq; in *Minore Urbe Pragensi* (quas quintam stationem *Nostrorum* fuisse dixeram) funestavit Libitina, 22. Junij sublato peste P. *Christiano Ottone*, qui strenuam operam ægrotis navaverat. En novum iterum in *Bethleemitica Domo* tanus, P. *Joannes Spanberger* (notum totâ Urbe Pragensi nomen) multis jam annis nocturnus & diurnus per tuguria Pauperum circumcursator, qui ab initio hujus calamitatis jam octo mensibus indefesso studio sacris procurabat morientes; concidit 26. Junij pestilentia ictus, maximo sui desiderio apud omnes relicto. Paremi Victimam ex *Lazaretana Domo* 8. Julij mors exiit vitâ, P. *Antonium Hoffman*, qui primus *Lazaretum* subierat, eamque domum ab Octobri anni superioris ad hoc tem-



tempus diligentissimè procurârat, ut in hoc uno Patre & promumcondum, & Præfectum, & Oeconomum, & Sacerdotem, *Domus illa* ægrorum plenissima amiserit. Regnabant in *Patris Antonij* misero corpore jam pridem varij morbi, quibus inter se, & adversus *pestem* pugnantibus, factum videtur, nè tam citò, ac decimo primùm obsequij sui mense sterneretur. *Quinta in statione P. Joannem Rungen* ad XI. Julij extinctum minor *Praga* luxit, cui nè Socius, qui comes ante periculum fuerat, deesset, idem comes mortis fuit *Fridericus Peil* Coadjutor Laicus contractâ apud morientes peste eodem die vitâ defunctus. *Quartam* quoque *Stationem in Insula Muldava* pestis invasit, multosque ibi egregios bello Milites, ac novissimè Nostrum quoque *P. Joannem Victorinum* veteranum illius Legionis in sacris rebus *Curatorem* peremit, quem inter scloporum plausus cum lacrymis Milites humaverunt. 13. Augusti dies funesto obitu *P. Rudolphi Kosstial* consignatur; is non exiguo tempore ad *Tuchomericium, & Okorç*, atque in ipso *Pragæ* aspectu peste morientibus serviens, ingenti ex animis proximorum reportato cœlesti fructu, tandem Urbicis accedens laboribus, *Pragæ* idem *premium* diu exoptatæ mortis invenit. *Vineas* (quæ *tertia statio* Nostrorum hominum fuit) post exanthlatos labores plurimos, postquam pondus diei, noctes, & æstus ægrotantium superasset, morte charitatis consecravit ad 15. Augusti diem *P. Adamus Gayer*, qui Patriæ suæ (utpote domo *Pragensis*) quam acceperat, vitam rependit. Per id tempus quoque (25. Augusti) abiit, quò sua illum merita vocabant in cœlum *P. Mathias Vierius*, qui in *Nova Civitate Pragensi* peste prostratis pridem sese devoverat. Nimis prolixum foret Viri sanctimoniâ, quæ alio describitur loco, hîc intempestivè oggerere. Ante annos aliquot edito ad *S. Franciscum Xaverium Indiarum Apostolum Voto*, cùm sanitatem recepisset, alio statim sese illigavit voto, *pestiferis serviendi*, quod *Pragæ* moriens explevit; longum *Oppaviâ* usquè *Pragam* iter pedibus emensus. *Pragensibus* accenferi potest, qui in *Pragensis Collegij ditione Libiefficij* ad pagum *Koblitz* in tuguriolo quodam (quod ipse sibi construxerat) totam illam *viciniam* percurrrens ad sacra ægrotis ministranda, 27. Julij decessit *Pater Martinus Langer*, omni præter id quod è cœlo venit, solatio destitutus.

Jam ad eos aliquando veniamus, qui errante per omnes Regni Provincias pestilentia, extra *Pragam* in Urbibus ubi domicilium Societas fixit, *publicè & spontè* (ut Urbi toti & ægrotis omnibus constaret) in ministerium pestiferorum obtrulère se morti: *Glacium* populo frequentissimam Urbem horrida pestis invasit, primus *P. Godefridus Neinachbar*, postquam ægrotorum plurium animas misisset ad cœlum, 22. Maij 1680. succubuit peste correptus; ejus successor ibidem ad 20. Junij *P. Joannes Krebs*, & rursus pauculis interjectis diebus (27. Jun:) *P. Ignatius Kunech*, & post eum Coadjutor noster Laicus, qui se Patribus ex Majorum voluntate Socium addebat, *Henricus*



24. *Erb* (24. Julij) sunt extincti. Diem 7. Augusti fatalem habuit Vir maximæ  
Charitatis P. *Martinus Greüßing*, cujus memoria hodièque (ut olim Brunæ)  
25. in benedictione est. Recrudescente iterum malo *Glacij*, uno eodémque  
26. die 20. Augusti duo Viri magnanimi P. *Andreas Khuen*, & P. *Andreas Fisch-*  
*bach* in eodem obsequio conciderunt; his succedere alij Patres, at peste pau-  
latim mitesciente in vita sunt servati.

*Residentia Beatissimæ DEI Matris in Monte Sancto*, tres industrios, &  
amplissimæ charitatis Sacerdotes, qui sese pestiferorum obsequijs per totam  
27. illam *Regionem* latè devoverant amisit: primus P. *Christophorus Lupius* peri-  
28. culorum omnium jam pridem contemtor 9. Julij, alter P. *Martinus Tonner*  
29. 13. Mensis ejusdem, tertius ipse loci Superior, ut vocamus, P. *Melchior Mau-*  
*ritz* conciderunt.

*Hradistium* Moraviæ Civitas inter munitiores  
semper habita pesti hoc anno patuit 13. Augusti, qui se obtulerat Morti succu-  
30. buit P. *Fridericus Baltzar*, P. *Friderico* peste, quod constabat inter omnes  
31. ægrotanti, summa charitate deserviens *Nicolaus Nigrinus Soc: nostræ Coadjutor*  
32. eandem pestem in se quoque transtulit; hos tardè secutus P. *Michaël Kame-*  
*niczky* multorum salute procuratâ 18. Septembris diem clausit extremum.

*Kuttenberga in Bohemia Urbs* notissima aliquot nostros Patres hoc ipso anno  
confecit, quos scilicet comune periculum comoverat, ut caput suum pro sa-  
lute proximi devoverent: agmen laborantium, & postea morientium duxit  
33. P. *Wenceslaus Tatyrek* 10. Septembris in mortuus Charitati; succedaneus P. *Ge-*  
34. *orgius Czapek* 18. Mensis ejusdem laborum suorum cursum consumnavit; ter-  
35. tius nihil priorum morte exterritus in arenam descendit P. *Foannes Perger*,  
multisq; periculis superatis ad extremum impar luctæ, quam tot Mortes offe-  
rebant, superatus die 2. Mensis Octobr. discessit è vita. Quartus Apostolicis  
36. Missionibus totâ illâ Bohemiæ parte notissimus senex P. *Fridericus Bridelinus*  
præclarâ morientibus operâ navatâ & ipse malo contactus succubuit ad 15.  
Mensis Octobris.

*Znoyma* duos ex Patribus nostris ad cælum, ut piè  
speramus, misit, egrotorum saluti prospicientes, venenum in audiendis Con-  
fessionibus hausit P. *Foannes Fridel*, dièque sexto extinctus est; at P. *Adamus*  
37. *Klos* ibidem *Znoymæ* cum se obsequio peste infectorum devovisset, vel eo  
38. nomine comemorandus videtur, quod ex universa Provincia Bohemiæ pri-  
mus vitam pro animabus DEO in morte lucrandis posuerit, cum nullum an-  
te se, nisi superioribus annis, haberet exemplum, mortuus die incerto Men-  
sis, cum maxima in ea Urbe Societatis nostræ commendatione. Peculiarem  
39. sibi vendicat locum P. *Carolus Goliass*, qui *Gimramovij* apud Moravos in Mis-  
sione diversans, ut hæreticos (quorum ibi nidus est) Ecclesiæ, quâ posset ope  
restitueret, subitò peste ingruente, quanquam remanendi nullam necessita-  
tem haberet, constitit in gradu, ac nè ex Pastore temporaneo, *Mercenarium*  
se faceret, qui viso lupo fugit, omnibus peste contactis copiam sui fecit, egro-



tos ultro adivit, plurimos in morte DEO & Ecclesiæ adjunxit, ac tandem & ipse haustâ peste oviculas suas morientes, moriens est secutus. *P. Joannem Worzissek* Discipulum quondam in Rhetoricis meum præterire silentio non possum: *Gitzini* cum se illius loci Decano *D. Wenceslao Czervenka* Viro patriæ & omnis evi historiæ scientissimo (qui ab initio pestilentie ad finem usque Civitati ægrotæ impendit sese) adiutorem de Superiorum licentia se addidisset, paucissimis diebus absumentus est.

40.

Haftenus Nomina eorum, qui publice ad obsequium pestiferorum expositi, velut ultroneæ *Victimæ Charitatis* ceciderunt hoc Anno. Augeri potest hic numerus, si eos addamus, qui non quidem ad id delecti, neque ab alijs separati, egros sacris procurabant, sed vel in audiendis Confessionibus (quod munus eo tempore hominem reposcebat intrepidum, & pro animarum salute mori paratum) contraxere Pestilentiam, vel cum Nostri in Collegio ex peste ægrotantibus, ministrarent, malum sibi & mortem arcessiverunt, quos præconio charitatis fraudare, eisque præmia in cælo denegare, prorsus foret indignum. Ex primo genere habemus *P. Wenceslaum Czeličsky* qui postquam toto contagionis tempore in *Ecclesia Collegij Clementini Pragæ* promiscuè omnis ætatis, & conditionis hominibus, sanis æquè & ægrotis, & peste affectis, confitentibus aures dedisset, 30. Junij simili quoque morbo conflictatus occubuit; talis etiam in *minore Praga Professorum in Domo P. Tobias Kolczava*, qui impetratâ à Majoribus, serviendi pestiferis facultate, mortem aliorum operiens, ut succedere posset, atque interim in *Ecclesia domus Professæ* nullo discrimine Confessiones excipiens afflatus, 18. Julij elatus est; simili in causa Confessionum, occumbentes habemus *Znoymæ P. Henricum Pentz*, (xi. Septemb.) *Chomotovij P. Christophorum Tschappe* ad 13. Septembris; qui postremus deliberante Collegij Rectore, quem ad *Domum infectam* pestilentiam mitteret, obtulit sese, ac mox ab alijs ex Collegio separatus, tertiâ post die ex pestilenti ulcere decelsit; talem *Hradistienſe Collegium* habet *P. Zachariam Strniſſtie* 25. Septembris defunctum. Ex illo secundo genere, qui se Nostrorum peste ægrotantium servitijs addixerunt, habet *Collegium Clementinum Balthasarem Clement Laicum*, Valetudinarij Domestici Præfectum (*Infirmarium* vocamus) qui pro suo munere, Patribus peste contactis diligentissimè & religiosissimè servivit, ac 16. Julij obsequium suum morte conclusit, alio rursus Laico succedente, cui *Joanni Planka* nomen, qui 1. Augusti peste contactus expiravit. Quid si jam eos adducere velim, qui postquam sese publice, ut nemini non constaret, aut in *LaZaretana Domo*, aut alibi in *stationibus* publicis obsequio pestiferorum devoverunt, tamen singulari DEI beneficio in vita servari, hodièque persistunt? aut Carbunculis & Bufonibus, vel quocunq; alio nomine appelles, excisis, gloriosas cicatrices ostentare possunt, aut etiam nullo hujusmodi vulnere consignati hodièq; perdurant? tales olim

41.

42.

43.

44.

45.

46.

47.



ante hanc proximam pestem fuere *P. Mathæus Scultetus, P. Hubatius, P. Halcicus, P. Tercotius, P. Breitenberger, P. Krnovsky*, aliique plurimi: ex quibus nonnulli semel, alij iterum ac tertio pestilentia contactis fervientes malo correpti non sunt; at in proxima Pestilente, qui servati sint, eorum non parvus est inter Patres numerus; *Pragæ octoni*, alijs in Collegijs propè totidem numerantur; sed nominari se, & in lucem nomina sua protrahi pro modestia sua nunquam patientur. Concidat igitur aliquando vanissima illa hominum malevolorum, qui rebus non adfuere, calumnia, quæ *Peste Pragæ* regnante, Nostrisq; Patribus tum maxime comorientibus proximo, sparsa fuit: *nostros Patres Collegium vacuum reliquisse, atq; ad tutiora profugisse?* quid enim magis faciendum erat, quàm non necessarios, præsertim Juventutem religiosam periculo eximere, qui *præsentes* nihil publicè prodesse, *absentes* servarentur? at interim in Collegio retinere, qui in procinctu starent in horas parati, ut vel uno, ex socijs in *Lazareto* alibiq; cadente, protinus succederent, onusq; in se reciperent, quod semper factum meminimus nullo unquã admissio hiatu; adeò neq; ob multitudinẽ adhiberi potuerunt obsequijs, qui sese devoverant; sed nimirum, ut ait Syrus, *pejorem in partem strenua semper suspicio est*; porro quid *Calumnia* magno illo suo & scabioso ore loquatur, minimè curandum; maledicta beneficiis optimè superantur: quid atrocius spargi in populũ potuit, quàm quod de Collegio nostro *Pragensi*, ante annos non amplius viginti & quatuor, publicis libellis, & Novorum Chartis, Typis expressis vulgatum legēbamus: *magnam Collegij Pragensis partem* (præcipui Patres nomine quisq; suo appellabantur) *Dresdam* ad hæreticos profugisse, *plateas ibi otiosè inambulare, Consistoriales illic loci valde sollicitos esse, an credi hominibus istiusmodi possit, & ubi tanta turba fugitivorum Jesuitarum accommodari?* præsertim cùm plures adhuc *Pragæ* fugientes expectentur; hoc tamen injuriosum mendaciũ vel tacentibus Nobis, sponte, & Tempore ipso (cujus apud Græcos *filia Veritas* est) expiravit; quamvis calumniam hanc postea, testimonio *Pragensis Civitatis, ac Senatûs Crusius* noster in Apologi suis adversus *F. Romanum* iugularit. Sed illuc, unde discessi revertor, Summa eorum omnium qui in obsequio Charitatis ceciderunt mortui, omnibus pestilentia in *Bohemia, Moravia, & Silesia* annis, conficit numerum centesimum duodecimum. Quærent alij, cur *tantis Heroibus*, qui se in Victimæ Charitatis obtulerunt, *Elogia vite* non addiderim, & laudationes meritis omiserim? respondeo: suis temporibus ac locis hæc non defutura; divinius Elogium nullum esse potest, quàm quod divino Christi D. ore prolutum in Evangelio habemus: *Majorem hæc Charitatem nemo habet, ut animam suam ponat quis pro Amicis suis.*

Joan. 14. v.  
13.


A M E N.





da-  
ous  
pr-  
us  
u-  
tia  
ni-  
n-  
no-  
m  
o-  
n-  
i,  
q;  
u;  
t;  
ò  
n;  
o-  
&  
e-  
q;  
u-  
f-  
m  
ù  
i-  
i-  
a-  
o  
r  
i,  
n  
s  
d







364 lat

4/24







Biblioteka Jagiellońska



stdr0026790



